


*The Gift of
The Associates of
The John Carter Brown Library*

ID 2326 lot 168 / 2

$$\frac{11/2}{15}$$



21

Thomas Cattanei Turrianus

Thomas Jackson

HIERONYMI

CARDANI MEDI-

CI MEDIOLA-

NENSIS

Contradicentium Medicorum

LIBER SECVNDVS,

Continens

Contradictiones centum & octo.

ADDITA PRAETEREA EIVS-
DEM AVTORIS,


De Sarza Parilia,

De Cina radice,

Consilium pro Doloze uago, Disputationes etiam
quædam aliæ non inutiles.

Indicem omnium ipsi operi præfiximus.

VIRTUTE DVCE,



COMITE FORTVNA.

LVGDVNI APVD SEB.

GRYPHIYM,

M. D. XLVIII.

M. ANTONII MAIORAGII
RHETORIS HENDECASYL-

labum ad Hieronymum Cardanum
Medicum Mediola-
nensem.

*Cardane omnibus è meis amicis
Doctrina, ingenio, sagacitate
Princeps: quem medicæ repertor artis
Humano generi fauens Apollo
Impellit per iter nec usitatum
Iam trita à reliquis uia relicta,
Aegrosq; edocet, atque destitutos
Conseruare homines leui labore.
Cur illa aurea tam diu premuntur,
Quæ scripsisti opera, in tuis tabellis?
Cur non efficis imperitiores
Vt tandem ingenio tuo fruantur?
Cur non cœlitus attributa dona
Vulgas? ut quibus haud data est facultas
Aegris confugere ad tuos penates,
È scriptis habeant tuis salutem?
Nam fama ante fores stat, usque clamans,
Testaturq; Deos sibi annuentes
Immortale decus tibi futurum
Aegrorum si hominum misertus, edas
Quàm primùm monumenta iam peracta.*

RPJCB

ILLVSTRISSIMO,

AC EXCELLENTISS.

FLORENTIAE

DVCI,

COSMO MEDICES,

HIERON. CARDANVS

MEDICVS MEDIO-

LANENSIS

S. P. D.

3



TSI in hac fortuna mea, atq; eruditionis mediocritate, nihil tam insigne est, ut licere mihi putem opus hoc impolitum, atq; humile, clarissimo principi dedicare: tanta me tamen de singulari humanitate tua spes erexit, tam egregia erga omnes eruditos benignitas impulit, tanta denique dignitatis, gloriæ, splendoris, laudumq; tuarum per omnium ora uolitantium perculit admiratio, ut quamuis temerariū esse non igno-

rem, exiguum munus tam latè imperanti offerre: longè tamen magis nefarium esse crediderim, inter mortales alium quenquam tibi iudicio meo præponi, cui opus hoc, quantulumcunq; sit, dono daretur. Etenim ut à maioribus tuis sumam exordium, Quinam in patriam meritis, in Dei cultum pietate, in eruditos liberalitate fuere præstantiores? aut in Reipub. regnorumq; administratione prudentiores? Tanta uerò illis opum affluentia, tanta rerum gestarum gloria, tam constans in illos cinium amor, tam ampla in rem literariam beneficia, adeò denique perpetuus ac diuturnus felicitatis successus, ut diuinitus sumpsisse initium, conseruatam, auctam, ac ad summum euectam fastigium, familiam tuam satis constet. Cum enim Cosmus ille, primus nominis tui author, splendidissime uixisset, magnificentissime edificasset, templa instaurasset, ædes sacras ornasset, annuosq; etiam sacerdotibus redditus constituisset, cœnobium Hierosolymis erexisset, iuuissetq; ciues suos proprijs opibus, adeò ut etiam claræ nunc familiæ Benciorum, Portinariorū, Tornabonorū, ac Sassetorum beneficium sentiāt: incredibile dictu: tantum tamen auri reliquit moriens, ut uel rege magno thesauri digni uiderentur. Et quamuis diuitijs nemo illum æquaret, illarum tamen magnitudinem prudentiæ magnitudine uicit: miraculumq; maiore miraculo superauit. Erat enim in aduersis fortis, in secundis humanissimus, quotquot ante nos fuere mortales sa-

a. 2

piet

4
 pientia superauit. Ille patriam suam, quæ sex annis, armis, ui, studioq; maximo
 in pace retineri consueuerat, triginta atq; amplius annos, quibus ab administra-
 tionis initio superuixit, perpetua in tranquillitate moderatione sua ac innocentia
 continuit. Auxit & illius potentiam ac agrum finibus prolatis. Francisco Sfortie
 dux, authorq; fuit, debitam sibi Longobardorum prouinciam uxoris hereditario iure
 recuperandi. Vincebant Veneti, quoties ab illius partibus stabant: succubuerunt
 aduersus illius sententiam bellum gerentes. Hic primus iuuentutem Florentinam
 Græcis literis philosophiaq; excoluit, Marsilio Ficino Florentino, Arggyropyloq;
 Byzantio, uiris eruditis pecunia conductis. Ergo quid habet Florentia boni, quod
 Medicum familiæ non debeatur, si opes, potentia, literæ, pax, atq; concordia, qui-
 bus maximè crescunt ciuitates, ab ea prouenire? Mitto nunc antiquiorum digni-
 tatem, gesta; Nerij, ac Alemani, uirorum illustrium, maiorumq; tuorum: tum
 Syluestri ac Ioannis Cosmi progenitorum, quorum uirtute fusi, fugatiq;, Ioannes
 Olegius, & Sacco Aretinus, qui Scarperiam obsidebant, liberataq; simul peri-
 culo Florentia est. Vnius illius Cosmi merita in patriam ac omnes bonos satisfacere
 gloriæ, quam ex progenitoribus querere solemus, mihi posse persuaderem,
 ni successorum potentia, claritas, ac pietas, me magis incitarent. Et quem iam co-
 gitatione ipsa superare non sperassem, filij eius, ac nepotes factis, ac uirtute ui-
 cissent. Namq; Petrus Cosmi filius, etsi ob uitæ breuitatem, morbiq; assidui im-
 portunitatem, gestis patrem æquare non potuit: dignitatem tamen retinuit, uir-
 tutem superauit. Eius enim pietate, mansuetudine, iustitiâq; factum existimo, ut
 Deus filiorum eius, ac nepotum peculiarem quandam curam gesserit. Neq; enim
 absque Dei immortalis singulari prouidentia fieri potuit, ut tam breui tot, tam
 magna, tamq; præclara fortune munera, idq; præter omnium spem, familia tua
 contigerint. Namq; Laurentius filius patri superstes, omne fortitudinis, sapien-
 tiæ, humanitatis, integritatisq; exemplum præbuit. Etenim cum Ferrandus Ar-
 ragonum Rex eius patriam bello uexaret, ad regem uelut patriæ deuotus perre-
 xit. Cum tamen non ignoraret Laurentius, illum sibi iratum esse, uindictaq; as-
 suetum, ac existimare e re sua esse, quod inimica ciuitas, tam forti, tamq; pru-
 denti uiro careret: & tamen illum adeo ingenio suo flexit, comitate mansuesce-
 cit, rationibus uicit, ut non tantum imminens periculum effugerit, sed maiore ad-
 huc prudētia Regis amicitiam sit consecutus, quam fortitudine patriam liberaf-
 set. Inde reuersus, orijq; securus, studia ad Italiæ concordiam, augendamq; urbis
 suæ potentiam, subditorumq; tranquillitatem, ac bonarum literarum incrementa con-
 uertit. Dubium sanè est, in his omnibus felicior ne fuerit, an prudentior. Nam pri-
 mum è regionibus Aemylia ac Lunēsi ciuitates imperio suo addidit. Italiam in
 pace retinuit, Populum annona recreauit, Nobiles honoribus ornaui, infinitam
 libro

librorum copiam, imò quicquid ferme nunc ex antiquitate bonarū literarum habemus, ex uetustatis tenebris ipse sumptu suo eripuit. Landinū, Demetrium, Politianum, sic auxit præmio, ut nō solum apud illum manerent, iuuentutem instruerent Florentinam, ipsi suo Marte multa atque præclara ederent: sed quod his omnibus maius est, inexhaustis laboribus rem Latinam ac Græcam illius liberalitate otium nacli, pristino candori restituerint. Picum Mirandulam uirum illustrem eo amore dilexit, sic fouit, ut ille beneficiorum magnitudine deuinctus apud eum perpetuo maneret. Quibus tum in eruditos, tum in rem literariam liberalitatis exemplis factum est, ut Florentina urbs doctorum uirorum patria, Medicum familia inuemerito Musarum parens dici potuerint. Extat & nunc singularis illius tum potentie, tum prudentie argumentū, quod extincto Laurentio, Italia quæ diuturna concordia coaluerat, continuis cladibus dissipata est. Pulsi Reges, integræ illius provincie deuastata, mutataq; cum moribus imperia fuerunt. Itaq; nec admiratione dignum puto, quod præter omnium Christianorum Regum legatos, qui assidue ad illum uentitabant, Asia Princeps Turca, & Aegypti Rex, cum legatis dona mitterent. Ille noua condidit, uetustate collapsa instaurauit: Pisis Gymnasium, quod nunc te duce floret, erexit. Sed neq; in proprijs negotijs minus prudens: nescieris certè præsentiane diligentius curauerit, an futura diuinitus prospexerit. Ioannem nanque filium natu secundum, annum agentem quartumdecimum ad Cardinalatus fastigium, nouo quidem, sed haud inutiles exemplo, euexit. Nam præterquam quod ex tam opportuno felicitatis successu ansam filius acceperit, qua pontificum culmen iuuenis assequeretur: tanta etiam in illo pietatis, sapientie, moderationis, integritatisq; exempla apparuerunt, ut omnes qui ante eum fuerant pontifices summos quamuis ætate inferior, superauerit. Cum enim Turcarum princeps Rhodum maximis quàm posset conatibus oppugnaret, Leo decimus, (hoc enim Ioanni nomen inditum à coronatione) Guidoni ac Fabritio Rhodiensis militie ducibus liberaliter opem tulit. Nec solum epistole id testantur, sed ipse rei euentus: cum mortuo Leone insulam quam toties non sine ingentibus cladibus exercitus sui illo uiuente tentauerat, protinus occupauerit. Ergo quandiu Leo uixit, Selymus qui tunc Asia imperabat, arma in Persas potius Mahometi cultores, quàm in Christianos, contra quos toties infeliciter Leonis aspicijs bellum gesserat, mouere satius duxit. Vidit tamen & hoc prudentissimus pastor, patruusque tuus, monuitque Christianos Principes, si Persa Rex succumbat, nihil esse amplius in quod Turca seniat, præter nos ipsos, luporumque bellum ad ouium pacem pertinere. Vladislao ergo Pannonie Regi in Selymum expeditionem paranti uicies sestertium, præter commeatus & reliqua auxilia obtulit. Sed uicit Selymus Persas, seu propria felicitate, seu uirtute,

seu nostra desidia fretus. Inde mortuo Leone occupat, ut dixi, Rhodum: ac præter ipsum Lißum, Pannoniam, Regemque eius interficit, tum etiam Iazyges Metanastas. Et Germaniæ etiam ipsa, & Britannia ab Apostolorum sede desciuerunt. Quid mirum? eo extincto, in quo liberalitas, pietas, animi magnitudo, prudentiaq; certamen inuicem inierant. Successit huic paucos post annos in pontificatu Clemens, eius nominis septimus, filius fratris Laurentij, patrueliqu; Leonis, vir sapiens, fortis, moderatus, impiger, qui cum duobus simul maximis Christianorum principibus Carolo Cæsare, Franciscoq; Gallorum Rege affinitatem contraxit. Huius enim filio, cui nunc regnum debetur, alterius patruelis filiam matrimonio iunxit: filium alterius patruelis Cæsaris filie cōiungit. Sed heu fata, maiora meditantem mors acerba eripuit. Alexander igitur, sic enim uocabatur gener Cæsaris, foceri atq; Clementis, qui tunc adhuc uiuebat, populique authoritate Dux Florentiæ electus, cum breui mortem oppetisset, singularis iustitiæ ac mansuetudinis suæ desiderium, desertamq; reliquit rempublicā. His tot, tantisq; principibus intra centum ac uiginti annorum spatium florentibus, atq; (ut mos est rerum humanarum) morte etiam absumptis, qui familiam tuam & uita illustrauerant, & post obitum memoria celebrant: tu unus omnibus ipsis longe maior succedis. Poterat sanè tantus maiorum tuorum splendor, egregij cuiusque principis gloriam obscurare: sed quos æquare difficillimum uidebatur, tu (quod dictum est incredibile) superasti. Nempe si primùm ad originem te referas, honestè illorum quisque & sine clade regnum accepit: sed tamen quæsitum, atque quod sine illis seruari posse homines non diffiderent. Tu non quæsitum, sed oblatum, omnium consensu in imminenti per seditiones patriæ periculo, uelut onus subiisti. Inde sine ui, pecunia, arce, milite, sine dolo, confirmata tanta potentia, non nisi diuini numinis manifestam præsentiam ostendit. Neque ulli principi ex tua familia, pater aut nobilior aut fortior, aut uictorijs clarior extitit. Nec fide quisquam, qua Massinissam olim Regem uicisti, erga Cæsarem illustrior alius fuit. Per te etenim uictus miles collectitijs, qui Insubriam turbauerat: Per te ab imminenti exitio seruata Sena: in quo quod prius laudem, non sat agnosco: fidemne, an celeritatem, an liberalitatem, consiliumue, aut etiam euentum. Nihil Cæsar agit, in quo non solum fidei, sed etiam studij, ac liberalitatis tuæ, uestigium non appareat. Fide tua nunc in Italia quieti post tantas clades uiuimus. Hæc cum diuiniora sint, quàm quisquam credat: illud tamen maiore adhuc admiratione dignum uidetur, quòd in tam præclara erga Cæsarem fide, in tam frequentibus officijs in illum, neminem offenderis. Contingit tibi hoc haud dubiè innocentia, cōtinentiaq; tua: quibus cum nihil alienum concupiscere iam ostenderis, obsequium & liberalitas in Cæsarem ad gratiam merito ac fidem non ad ullius odium, aut iniuriam, aut cupiditatem,

ditatem referuntur. Si felicitatem tuam maiorum tuorum felicitati quis conferre
 uelit, non obscurum discrimen est. Soboles tibi clara est, coniux singularis exem-
 pli, iuuenilis ætas, uoletudo integra, uirtutis studium, Cæsaris amicitia, te unum
 Principes obseruant, populi uenerantur, eruditi atque prudentes laudant. Quid
 igitur, quaeso, melius est, quod possit excogitari? Nec sileam id, quod quanquam
 cum maioribus tuis commune fuerit, non paruam tamen felicitatis tuæ partem
 esse arbitror: regnare te scilicet in florentissima, amœnissima, tutissimaq; totius
 Italia regione: Imperareq; populis industria, ingenio, moribus, ac sermonis elegan-
 tia conspicuis. Iam uerò si prudentiam, gesta q; tua, tum ornamenta, quibus non
 tantum patriam tuam, sed etiam omnes reliquas ciuitates, quæ à te reguntur, de-
 corasti, referre uelim: prius quàm negotium absoluero, oratio ipsa deficiet. Ar-
 masti populos conuena milite cōtra fortuitos casus, fines munisti aduersus præ-
 dones: unde etiam factum est, ut urbes tuæ piratarum damna effugerint. Non sic
 Sena misera q; Lipara. Quicquid etiam antiqui instituti temporum incuria ex-
 oleuerat, modo ad publicam spectaret utilitatem, in lucem reuocasti: leges mul-
 tas nouas, exemplis, aut ratione probatas, excogitasti: quibus aut uitia compe-
 rentur, aut uirtutes præmijs augerentur. Nihil deniq; quod ad bonorum tranquil-
 litatem, ad singulorum utilitatem, ad urbis, totiusq; prouinciæ tuæ ornamentum
 spectaret, prætermisisti. Commemorarem singula, ni tam uituperare me uelle
 priores mores, leges, instituta urbis dicere quisquam posset, quàm laudare præsen-
 tes. Quid uerò est quod in priuata uita non sit admiratione dignum? seu fidem in
 promissis, seu iustitiam in iudicando, aut mansuetudinem in ignoscendo, aut dili-
 gentiam in tractando, aut comitatem in congregiando inspicere uelim? Vt cum te
 unum cōtemplor, duas mihi, ut apud Xenophontem Cyrus ille maximus, personas
 sustinere uidearis. Principis siquidem dignitatem & maiestatem, priuati autem
 humanitatem, prudentiam, ac continentiam. Tu tamen Cyro etiam illo longe me-
 lior es: ut qui nec sanguinis, nec belli, nec ampliandi regni adeò cupidus sis. Cy-
 rum qualis esse debuit Xenophon depinxit: te talem oculis præsentem intuemur.
 Cum his tot, tantisq; uirtutibus ornatus sis, inuicte, ac religiosissime princeps,
 quemnam alium honestiorem patronum his meis lucubrationibus, quàm te ipsum
 quæram? ut per quem pax salusq; hominibus, literarum studia, libri atque otia
 parta sunt: eidem fructus studiorum pacisq; & otij, tum salutis arma & artes,
 ut Apollini barbitos, dedicentur. Non ego, quod multi solent, quæ scripsi iniuste
 uituperabo, uel quasi bonis alienis mœrens arrogantius extollam: ipsa res quan-
 tulacunque fuerit suas partes tuebitur. Aliorum libris authoris gratia gloriam
 addit: mihi sufficiat, ne authoris inuidia libro noceat meo. Quod si oratio nostra
 paulo difficilior aliquibus, aut minus culta uisa fuerit: meminerint eorum, qui res
 ipsas

ipsas diligenter tractauerunt, neminem fuisse facundissimum. Non Aristotelem, non Galenum, non Aphrodisiensem Alexandrum: neq; est ut stylo recentiorum quenquam longe mihi anteponam: cum etiam illis curæ fuisse tantum illud uideatur, quod & nos obseruauimus, ne omnino scilicet oratio nostra barbara esset. Sed qualiscunque liber hic sit, rustici illius exemplum secutus sum, qui obuiam Artaxerxi in desertis iter facienti factus, manus aqua plenas ei obtulit, dicens, Quod habeo tibi do rex. Exceptus est rusticus hilare, & præmia uoluntatis, non muneris accepit. Cum enim multa ad hanc usque diem uel inuita fortuna ediderim, longeq; plura scripserim: nihil tamen adeo diligenter elaborauimus, nihil humano generi salubrius esse credidi, nullum aliud argumentum occurrit insignius, nusquam capita rerum maiore selegi studio, quam in hoc totius operis Contradicentium medicorum secundo libro. Itaque benignitate, atq; humanitate tua erga omnes incitatus, non sine pudore ne mansuetudine tua abuti uiderer, opus hoc tibi dono, dedicoq;: ut inter reliqua gloriæ tuæ ornamenta, reliquosq; labores nostros, qui iam aut editi sunt, aut edentur, quod felix faustumq; tibi sit, monumentum etiam hoc posteris eternum maneat. Et simul laudum tuarum, ac studij omnium erga te eruditurum, tum industria nostra ac utilitatis, quam te duce humano generi præstitimus, testimonium ferat.

Vale.

Data x. Calend.

Aprilis

M. D. XLVII. Papie.

HIERONYMI CARDANI ME-

DICI MEDIO-
LANEN-
SIS,

CONTRADICENTIVM
MEDICORVM LI-
BER SECVN-
DVS.

TRACTATVS PRIMI CONTRADICTIONIS PRIMA;

*Forma mixti an sit ex elementis, an elementi prædominan-
tis, an alia addita?*



DIXIMVS in præcedentibus
proximè contradictionibus, ma-
teriam quandoq; absq; putre-
ne peccare: & tunc subtilem pro-
tinus educendam, sola egrotan-
tis, si necessaria sit, præparatione
præmissa. Si autem crassa, opor-
tere materiam etiam, non solum
egrotantem præparatum esse,
antequam educatur. At si putre-
scat, quæ non turget, omnino esse
concoquendam, ac etiam præpa-
randam, inde purgandam: quæ

uerò turget, si impedimentum sit magnum, concoquendam, præparan-
damq;: si autem impedimentum non magnum sit, tollendum, inde edu-
cendam materiam. At si nihil omnino impediat, aut quod impedit leue
sit, periculum uerò ingens, protinus educendam medicamento: putrescen-
tiq; materiæ, seu crassæ, seu subtili, coctionem deberi supputatoriam: non
putrescenti non deberi. In synceris humoribus, nunquam fieri, si ficcio-
res sint, quàm ut nutrant, ut in omni bilis genere: causam esse, quòd finis
ratio cesset: est autem coctionis finis nutritio. Syncerus autem humor ta-
lis, nutrire non potest, cum iam excrementitius euaserit, ac ideo naturæ

b inutilis,

inutilis. Quamobrem si talis humor putrescat, plerumq; perniciosus est: nam quia putrescens, concoqui desiderat, ut expellatur: quia syncerus, concoqui non potest, ac necessario in dies deterior euadit. Qui igitur omnino syncerus est, & simul putrescens, mortem affert. Ob id syncera omnia, biliosa, sputa, deiectiones, uomitus, reformidat Hippocrates. Inde etiam deducta ratio, cur inchoantibus morbis, si atra bilis uel supra, uel infra exierit, letale sit. nam quæ sponte educitur syncera est: cum uerò morbus sequatur, etiam aliquid ex ea mansisse necesse fuit, ac putuisse. Quoniam igitur mobilis, ac syncera, acutum necessario facit morbum: quoniam putrida, concoctione indiget. Quia syncera concoqui non potest. Et si etiam omnino syncera non esset, ob prauitatem non concoquitur: quare nunquam poterit expelli, uel saltem non breui. quò fit, ut necesse sit semper aucto à principio morbo hominem interire. Sed si expulsionem morbus non succederet, finitam eo indicio materiam, nec putrescentem indicaret: ob idq; salutare. Id igitur in omni bili syncera uerum est: sed non facile est bilem synceram deprehendi, nisi nigra sit. At uerò quæ non putrescit, si nigra est, adhuc morbo succedente, ostendat aliquid mansisse necesse est. At cum mobilis sit, nec expellatur, in membrum aliquod decubuisse decernit. Quare deterior euadens in dies, quia syncera, nec expelli potes, à principio enim pulsa fuisset, si natura uim habuisset maiorem, hominem diuturno languore occidit. Hæc igitur est de materiæ natura peccantis contemplatio. Porro quid sit huius materiæ forma, cæterorumq; inanimatorum, nunc dicendum est. Existimat Gal. primo de Usu partium, membrorum formam etiam in animatis esse temperamentum: inquit enim, Nam carni esse carnem, & Nervo neruum, & aliorum unicuique, id esse quod est, ob quatuor qualitatum prædictarum certam quandam temperaturam missionemq; contingit. Hæc igitur eis secundum substantiæ rationem insunt. Consequentur autem necessario odores, sapes, colores, durities, mollities. Alia uerò necessario accidunt, positio, magnitudo, cōnexio, cōformatioq;. Hic tria genera ostendit Galenus eorum, quæ nobis insunt temperaturam, quæ à mixtione procedit primarum qualitatum, necessario consequentia illam, & quæ illi necessario adueniunt. Ex hoc non habetur, quod quidam existimant, scilicet formam esse illorum elementorum substantiam, aut mixtionem, sed ob mixtionem: unde inquit, *ἡ δὲ φύσις τῶν στοιχείων τε καὶ τῶν πρῶτων ἁπλῶς ἐστίν.* Unde ex hoc non uidetur tam liquido sequi, formam quæ est substantia esse qualitatem, aut magis ac minus suscipere: nam quamuis augeantur ac minuantur elementa, non tamen forma, quæ ex illorum temperamento confurgit: sed uarietatem suscipit ut ad qualitates cōparatur: neruus enim carne frigidior est, & siccior, non tamen magis substantia. In libello autem, cui titulus est, An mores animi corporis temperaturam sequatur, omnium

simila

similiarium substantiam primis qualitatibus constare affirmat. Dubitat
 autem de instrumentis atq; anima: sed & hæc uult ex illis esse. In libello
 quoq; De substantia facultatum naturalium inquit, uerisimilibus esse, tem-
 peraturam cōstare mixtione primarum qualitatū, quā elementorum
 ipsorum substantia: nec ultra eam, nisi animam, si immortalis modò sit, for-
 mam ullam aliam ponere unquam uisus est. Auerroës autē posuit in uno-
 quoq; mixto tres formas elementorum componentium, & formam com-
 positionis, & formam compositi: sed forma uniuersi est imperfecta, quia
 non dicit nisi congregationem simplicium. At in fine libri de causis lon-
 gitudinis & breuitatis uitæ, uolens docere causam, cur plantæ facilius pro-
 pagentur, inquit: Formæ mixtorum ut remotiores sunt à formis simpli-
 cium componentium, sic ab illis magis patiuntur: quia sunt magis eis con-
 trariæ. quare forma inanimati etiam uidetur esse alia à forma tempera-
 menti elementorum. Sed hoc clarissimè docet in Paraphrasi Metaphy-
 sicæ, ubi conatur ostendere, formam mixti aliam esse à forma elemento-
 rum componentium, hæc ratione: Nam si compositum mixtum differt ab
 elementis, uel per elementum, uel per aliquid ex elemento: aut non dif-
 fert: si ultimum, igitur elementa erunt actu omnia mixta: & sic redibit opi-
 nio Anaxagoræ, qui ponebat omnia in omnibus esse, nec accedere compo-
 sitis, nisi mixtionem. At si differt mixtum compositum ab elementis, per
 elementum: igitur addito illo elemento prioribus, quæro, Per quod iam
 differt compositum mixtum ab illis? si per elementum aliud adhuc addam
 illud prioribus, & sic erunt infinita elementa in mixto: aut deueniemus
 ad aliquod compositum quod ab elementis componentibus non differt
 ullo modo: & sic rursus redit opinio Anaxagoræ. Quod si compositum
 uel eius forma ab elementis differt per aliquid ex elementis: & hic est mo-
 dus secundus diuisionis: igitur an illud sit idem elementis quæro, aut non?
 Si sic, igitur compositum differt ab elementis per elementa ipsa, & red-
 dit primum membrum iam improbatum diuisionis. Aut id quod est ex
 elementis differt ab elementis ipsis: & tunc uel per elementum, & sic rur-
 sus redit primum membrum diuisionis. Vel differt per aliud ab elemen-
 to, & ab his quæ sunt ex elementis: quare melius ab initio erat dicere, quod
 compositum differt ab elementis per formam quæ non est elementum,
 nec ex elementis. Et hoc est quod uolumus ostendere. Verumtamen ipse
 uidetur, v. Colleetaneorum habuisse aliam opinionem: nam cum decla-
 rasset superius, quod primæ uirtutes prodeunt à qualitatibus manife-
 stis exuperantibus, ut quod piper calefacit: & quod secundæ ex pri-
 mis, & tertiæ ex secundis profluunt: operationem, quæ est à proprie-
 tate, quoniam non in calidum aut frigidum simpliciter reducere poterat,
 reducit in formam mixtionis elementorum certam: igitur si poneretur

2. Phy. 37.

Tract. 1.
fol. 11.

cap. 21.

alia forma mixti, illa nullā haberet operationē, imō esset superflua. Quōd
 si dicas, quōd illa mixtio est in potentia: sequitur ut non ipsa habeat ope-
 rationem, sed forma mixti superaddita: nam non existens actu non opera-
 tur. Ipse autem, ut dixi, tribuit hanc uirtutem mixtioni elementorum sub
 cap. i. certo pondere ac mensura. Et eodem modo in secūdo libro inquit. Et de-
 col. i. terminatum est in libris de Generatione & corruptione, & Metheoro-
 rum, quōd formæ compositorum non sunt aliud, quā formæ temperan-
 tiæ, quæ est complexio ipsorum elementorum: nec formæ ipsæ inuicem
 differunt, nisi ratione calidi, frigidi, sicci, & humidi. Et rursus paulo infe-
 rius: Tunc erit intellectum, quōd res, qua diximus superius, quōd mem-
 brum agit actionem suam, aut patitur, si fuerit ex consimilibus, non est
 alia res, quā forma complexionis proueniens ex mixtione quatuor ele-
 mentorum. Vnde ibi perperam legitur Quam, pro Qua. Sed in Commen-
 to magno quarti Metheorum, declarat quōd forma mixti est duplex,
 Instrumenti, & est anima: & Similaris, & est complexio, seu temperatu-
 ra, uel calor naturalis, dicit: nam frigus ipsum etiam est forma aliquo mo-
 do mixti. Et iam ante dixerat in eodem cōmento, Et forma quæ est in ma-
 teria secundum quōd ipsa est forma complexionalis proueniens à uirtuti-
 bus actiuis, quod est de necessitate uel calor, uel frigus, uel ambo. sed decla-
 rabitur ferè quōd est caliditas: non esse generationis à calore, nam com-
 mixtio non potest esse nisi per calorem: generatio autem non est nisi per
 commixtionem. Secundum Auerroem igitur formæ inanimatorum sunt
 ex elemento prædominante: & hoc ostendit etiam demonstratio quam
 adducit quarto Metheorum, & decimo Primæ philosophiæ, inquit enim,
 co. 10. co. 23. Quod permiscetur, à forma aliqua tanquam agente permiscetur, & hæc
 est uincens: sed forma permiscens est calidum aut frigidum elementi: igitur
 forma mixti est calor uel frigus uincens. Et ex hoc concludit contra
 Galenum, quōd non datur mixtum æquale ex elemētis: & quod elemen-
 ta non queunt habere ambas qualitates in summo. Si igitur ratio illa te-
 nere debet, oportet quōd forma mixti sit elementum prædominans: aliter
 dicit contradictor, quōd mixtio illa fit à forma, non à qualitate uincente.
 Sed hic sunt plurimæ difficultates: prima est, quōd illud quod componi-
 tur ex aliquibus per mixtionem, est aliud ab illis in actu, primo de Gene-
 tex. co. 84. ratione & corruptione: & ideo dicebat commētator primo de Anima: Ef-
 sentia compositi, in omnibus compositis non est elementum, nec ex ele-
 mentis. Formæ enim rerum necesse est ut sint illis superadditæ. Et primo
 co. 77. etiam Primæ philosophiæ inquit, Res compositæ ex elementis differunt
 ab illis non solum, sed & à se inuicem. Et in septimo eiusdem hoc idem di-
 co. 12. cit philosophus, & adducitur ferme eadem ratio quæ in paraphrasi dedu-
 tex. 60. cta est ab Auerroë. Sed hanc difficultatē diluit aperte philosophus quarto
 Metho

Metheororum, & secundo de Generatione & corruptione Auerroës, docens, quòd quemadmodum ex similaribus instrumenta, sic ex elementis similaria constant: & quòd elementa ipsa refranguntur substantiis & qualitibus ad quoddam medium: fiuntq; elementa tantū in potentia in mixto ut VII. Methaphysicę declarauit. Nam certum est, unam tantū esse formā in mixto, ut recte declarat Auerroës in De substantia orbis: Nam, inquit, quod est in actu, non potest recipere aliā formam in actu: igitur in mixto sola ultima forma est in actu. Et hoc etiam ostenditur à simili, nam philosophus cū uideret hominem habere functionem plurium animarum, nutritur enim, & sentit, ac intelligit, dixit alteram in altera contineri. Igitur si in homine, qui est maxime remotus à natura elementorum, multitudinem formarum refugit philosophus, quanto magis in aliis mixtis: nec possumus dicere, quòd in coordinatis non impediat: nam nullæ formæ sunt sensus iudicio magis coordinate animarum generibus. nunquam enim sensitium potest esse sine uiuente, aut sine sensitio intelligens: & tamen non possunt esse istæ formæ in actu in cōposito: quare manifestum est, quòd multo minus in ullo alio. Præter hæc philosophus secundo de Generatione animalium, uolens ponere animas non ex elementis, coactus est fugere ad proportionale elemento stellarum. hæc autem forma non mouet ad unam positionem tantum, sed ad omnes: igitur si forma mixti inanimati est alia ab elemento, uel erit cœlestis, & mouebit ad omnem positionem: uel dabitur aliud quantum elementum, & etiam cum hoc erit ex elementis. Quando igitur philosophus uult esse aliud compositum ab elementis, tria sunt consideranda: Primum quòd in libris de Anima loquitur de anima quæ non est forma elemēti, ideo male exponit ibi Auerroës sermonem proprium generaliter. Secundum, quòd proportio illa est alia ab ipsis elementis, & hoc dixit expresse in eodem loco. Alia enim ratione os, alia caro conficitur ex elementis. Tertium, quòd elementa actu definunt esse in mixto, forma autem mixti actu inest illi: manent enim secundum qualitates tantum, ut inquit philosophus primo de Generatione & corruptione: & hoc idem dixerat secundo de partibus animalium. Sed ne quis obiciat ex eodem loco, triplicem esse compositionem in animalibus, ex elementis similarium; ex similaribus instrumentalium: ex instrumentis totius. Sed dices secundo, si elementa non sunt in actu, & forma mixti est actu existens, quomodo potest forma mixti esse elementū prædominans? Item si forma elementi est forma mixti, omnia mixta inanimata erunt unius speciei. Item forma elementi est imperfecta & refracta, igitur forma mixti erit etiam imperfecta. Item mixtum ipsum esset elementum & simplex: adhuc ubi est aqua, ibi non est ignis: in mixto igitur forma mixti non potest esse ubiq; patet autem quod diximus: nam cū elementa sint

cap. 12.
co. 48.

cap. 1.

2. de anima
tex. co. 31.

c. 3.

cap. 1. in initio.

co. 67. in mixto secundum substantiam diminutam, tertio Coeli iuxta Auerrois sententiam, nec detur penetratio corporum, manifestum est mixti formam non illi coextendi. Vt uero declarauimus, unam tantum esse formam animatorum animam, inanimatorum autem elementi predominantis: nam si alia esset, non moueretur utique mixtum a predominante illi elemento, ut nult philosophus in primo Coeli, & Auerroës. Aut cogimur dicere, quod forma quæ in actu non est, mouet in actu: uel quod duæ ibi sint formæ. Operteret etiam ponere alias formas, quæ non essent ex elementis, nec celestes. Quare cum dixit Aristoteles, Triplicem esse in homine, uel animali, compositionem: non intelligit de uera compositione, nam instrumenta non componuntur ex similibus mixtis inuicem, sed tantum iuxta appositis. Propter id dico, quod forma mixti est elementum predominans secundum materiam & subiectum, non autem illa ut est in potentia. Nec inconuenit apud me, quod omnia mixta inanimata sint eiusdem speciei & talis forma in se perfecta: ut autem ad elementum comparatur, est imperfecta: nec poterit tamen esse elementum, aut simplex, cum alias retineat elementorum formas. Est autem ubique, quia ut diximus, elementa actu in mixto non manent secundum substantiam: neque enim esset mixtio, sed iuxta appositio. Sed quia Auerroës, ut diximus, alias uirtutes largitur elemento uicenti, alias formæ mixti, quam tamen uult esse ex elementorum compositione temperaturam: dico, hæc inquam fieri a qualitatibus quas nolum esse formam mixti, ac eius substantiam. sed proprietas medicinarum prouenit a forma elementi dominantis, ut est in actu: & hæc, ut dixi, subiecto eadem est cum forma mixti, uerum tamen alia ab eodem simpliciter, cum ut est forma elementi refracta sit in potentia: ut autem mixti, ac nuncians mouens, ac miscens in actu. Quare nec hoc a Galeno, nec ab experimento discrepat. Lignum autem ac lapis non differunt specie, sed solis accidentibus: caro autem mortui, ut inquit philosophus, æqui uocetur caro dicitur: nam elementum est, aut elementa: quod tempus, inquit, detegit cum in cinerem conuertitur. Vel dic in inanimatis mixtis actum superuenientem his quæ specie eadem erant ea distinguere. Verum melius est, ut ad elementi naturam reducantur, sintque eadem, cum nullum ex hoc inconueniens sequatur. Nam si differentia specie esse dicantur inanimata, erunt aliquæ formæ aliæ a celestibus & elementorum. Sed adhuc est difficultas, quia Hercules lapis differt in operatione a ligno, & propriis accidentibus, imò etiam ab aliis lapidibus. Item plus differt Hercules lapis a ligno quam a lapide. Respondeo, quod de Herculeo lapide est magna difficultas: in reliquis dico, quod quædam differunt solo numero, quædam accidentibus, quædam substantia & specie, quædam genere, & quædam plusquam genere. Numero differunt sapphyrus a sapphiro: Accidentibus, sapphyrus

Tex. co. 12.
& co. 19.

4 Metheororum, cap. 12.

phirus ab adamante, cum unus albus sit, alter cyaneus: Accidētibus generalibus, ut saphirus à buxo: Specie, ut lapis à pisce, uel planta: Genere, ut homo à lapide: Plusquam genere, ut lapis à coelo. Quod si quis dicat, lapides habere uirtutes proprias: Dicendum erit, illos etiam animatos, quod in primo de uarietate rerum tueri cogimur. Metalla autem nequaquam animata esse dicemus. Sed adhuc emergunt dubitationes: nam Auicenna dixit, quod inter animam, & subiectum remotissimum sunt multæ formæ non dantes esse. Secunda dubitatio est, quod animal antequam sentiat uiuit uita plantæ: igitur postquam senserit habebit utranque formam. Tertia est, quod ipse dicit, extincto animali datur alia forma in caduere opposita formæ temperamenti, in qua anima dum animal uiueret sustentabatur. Quarta est, quod sunt formæ aliæ communes, ut generis, uelut in homine forma animalis, & uiuentis, & corporis naturalis, & forma corporis mathematici: & substantiæ & accidentium: & quāquam hæc omnia sunt extra medicinæ propositum, dignum tamen est illis respondere breuiter. Dico igitur, quod hæc omnes formæ sunt in potentia quo ad esse, quia non disiunguntur à perfectiore: quo uero ad rationem, & ut de alio dicuntur, sunt in actu, intellectu eas disiungente: unde hæc propositio Homo sub forma hominis est uiuens uel sentiens, falsa est: nam ipse est intelligens, & hæc operatio alia est à sentiēte, quamuis sine illa esse non possit. Forma uero corporis mathematici non inest ei ut mixtum, nam etiam inest elementis. Formam uero temperamenti dicimus adesse, sed non disiunctam esse ab anima, in belluis: quia uel est ipsa, uel ab ipsa sustentatur. Idem dico de homine apud Galenum, & Alexandrum Aphrodisæum. Nobis autem constituentibus Animum humanum immortalem, longa nimis esset disputatio, si uellemus hoc declarare: dictum est etiam partim hoc in libro De animi immortalitate. Cum uero dicimus, quod focus uiuit prius uita plantæ: dico, quod hoc est uerum, sed anima illa est actu uegetatrix, potētia autem sentiens. Inde fit animal dormiens, & post actu sentiens, potētia autem uegetatrix est anima permutatis uicibus. Sed adest dubitatio, nam si forma mixti est forma elementi prædominantis, igitur nullum simplex medicamentum habet facultates contrarias: nam non datur forma sine operatione: cum tamen Galenus dicat, quod Balanus Myrepica, seu glans unguentaria, calidam habeat terreāq; substantiam sim-
lib. 6. sim. me-
dic.

ut in tertio de simplicibus medicamentis dixit: & de capparidis cortice idem inquit libro septimo: nisi esset quod & in his partes sunt actu inuicem distinetæ, quoniam uiuentis fuerunt herbæ: & tunc potentia quidem tales, actu uero formā animæ plantæ consequerentur. At postquam eradicatæ, ac mortuæ fuerint, unaquæque in proprium relabitur temperamentum.

1. de Anima
c. 3.

5. de genera-
tione anima-
lium. c. 1.

lib. 6. sim. me-
dic.

c. 15.

Sed facultates quæ in comparatione ad animalia insunt, formam non consequuntur mixti: corrumpitur enim mixtum uiuens, fitq; aliud specie ab eo quod erat, ut iam dicemus.

CONTRADICTIONE SECUNDA.

An dentur operationes medicinarum consequentes proprietatem.

cap. de Pæonia, & de allyso.

cap. de lapidibus.
cap. de Iaspide.

cap. de cancris.

cap. 1.

cap. 4.

Comitialem morbum, Pæonia: columellæ uitia, succus cyrenaicus: paristhmia, & reliqua gulæ uitia, filum purpuræ marinæ, quo uipe-
ra strangulata est, collo appensa liberant, Galenus: tum rursus, inquit ille,
sed & rabie affecto data, in totum sanauit: atq; hoc ex totius substantiæ si-
militudine efficit. Dictū uerò prius talem facultatem ex sola percipi ex-
perientia, et planè methodo nulla constare, libro sexto de simplicibus me-
dicamentis. Et rursus in. ix. Siquidem ut ostendimus proprietates quæ to-
tius substantiæ ratione insunt, à methodo ac ratione sunt alienæ, & per se so-
lam cognoscuntur experientiam. Nam cur hic lapis tacto uulnere, unde
sanguis prorumpit, illum sistat, haud nouimus. Palam est de Iaspide illum
hoc intelligere. Atq; iterum paulo post: Proprietatem nonnulli quibus-
dam testimonio suo adscribunt, qualem re uera habet Iaspis uiuens: qui
adhærens uentriculi ori, illud adiuvat: cuius sanè experimenti nos abun-
de fecimus periculum: torquem enim ex huiusmodi lapillis collo suspen-
di, ita ut lapides os uentris contingerent: apparebant autem nihilo secius
prodesse, quàm si sculpturam haberent quam Nechepfos scripsit. Rursus
uerò in xi. libro: At fluuiatilium cancrorum cinis, quâuis exiccet, ut præ-
dicta, proprietate tamen substantiæ suæ mirabilis est aduersus morbum
qui prouenit à cane rabido morsis, tum per se, tum cum gentiana & thure
multo præstantior. Cæterum seorsum scribam aliquando de his, quæ à
proprietate totius substantiæ agunt aliquid, librum unum: ex quorum ge-
nere sunt, quæ supra retulimus. Et in initio libri, dum de uiperarum carne
tractat, inquit: Properat autem, ut uideatur, uis eius ad cutem, recrementa
quæ in corpore sunt secū exigens. Tum in i. De medicamentis secundum
genera: Ignorare uidentur quidam marinum leporem solum pulmonem,
Cantharides solam uescicā ex uniuersis corporis partibus exulcerare. Quid
uerò si sciuiissent antiqui uim Herculei lapidis, non eam uulgarē, qua fer-
rum trahere potest, quam in similitudinem referunt, sed qua ferrum ad
Boream semper dirigit, haud scio quid sint dicturi aduersus euidentissi-
mas rerum proprietates. Sed tamen Galenus in tertio de Simplicibus me-
dicamentis inquit: Ostensum est autem superius, omnem mutationem à
medicamento factam calore, frigiditate, ac reliquis qualitatibus fieri. Igi-
tur nulla erit proprietas. Hanc etiam Mesue retulit in causam cœlestem,
ultra

ultra mixtionem elementorum, & adducit testimonium Platonis: sed Galenus uires soluendi in substantiæ similitudinem trahit, ut suo loco uidebitur. Igitur operatio solutiui non est à proprietate. Hoc etiā indicat Galenus, qui cum in libris de medicamentis simplicibus uires illorum enarraret, Scamoni nullā fecit mentionem: de Elleboro uerò nec dixit ipsum soluere: Colocynthidam autem quomodo purget, nō dixit, quamuis purgare affirmet. Igitur uim expurgandi Galenus ad similitudinem substantiæ reuocat, quam uult esse proprietatem. At præter hanc proprietatem nullam ponit, scilicet præter substantiæ similitudinem: quod apparet in autoritate de Alyssis: nam cum conferat proprietate sua canis rabidi mor sui, explicauit quidnam esset illa proprietas substantiæ, siquidem similitudinem. Conciliator autem existimat iuxta principis sententiam, Proprietatem esse naturam mixti corporis procedentem à superna & plenissima influenza, & propter proprium temperamentum, quod singularem in illo dispositionem inducit. Verum ibidem princeps Proprietatem & Naturam unum & idem esse declarauerat. Sed quia Auerroës dixerat in VII. Primæ philosophiæ, quòd elementa non agunt substantia sua, sed qualitatibus, ideo credit hanc proprietatem, ut est agendi principium, esse accidens, non substantiam. Quod enim agit uerè est substantia, instrumentum autem accidens: ignis enim est qui exurit medio caloris. Si igitur proprietas est substantia, operabitur per qualitates. Sed quæstiones hæ sunt remotiores à nostro proposito. Melius est igitur ut uideamus, quid primo sit hæc Proprietas secundum Galeni mentem: nam clarum est apud illum eam esse substantiæ similitudinem, ut diximus. Verum si quis dicat, quòd Hercules lapis dirigit ferrum ad septentrionem, & quòd alius fugat ferrum, & alius à ferro trahitur, ut Conciliator ibi affirmat, cōcedet Galenus: quandoquidem eadem est unius & plurium ratio: sed Hercules lapis ut uiuit, trahit similitudine ferrum. nec est alia proprietas singularis respectu uiuentis, quæ pertineat ad medicum. Sufficit igitur Galeno quòd omnis proprietas medica ad similitudinē trahatur, nō autem omnis proprietas generaliter. Quare nulla in medicinis est uere Proprietas, sed sola Similitudo, seu Natura: quæ quia effectū facit nostro iudicio admirabilē, ut dicebat eo loco princeps, ideo Proprietas à Galeno uirtus illa dicitur. Nullū igitur inanimatum proprietate præditum est: sed ut animatis comparatur, eam rationem ob similitudinem subit. Quare meritò comparauit hominem & medicinam magneti, nam membrum qualitate medicamenti affectum trahit: humorem uerò ferro, uiuum uiuenti, mortuum mortuo. Quam sententiam nemo ad hanc usq; diem est allecutus. Sed occurrit dubitatio, quonam pacto lepus marinus solū exulceret pulmonem: neque enim par est, simile tam uehementer ledi à simili. Respondemus: ut simile

In can. generalibus, cap. j. in princ.

Differētia 71. De Vir. cor. tract. j. cap. 10

con. 31. in medio.

c est.

cap. 5.

est, trahi ad locum: ut autem igneas secum habet ac escharoticas partes, exulcerare locum ad quem trahitur: ad quod iuuat loci ipsius aut membri qualitas ac substantia, ei iniuriæ obnoxia. Hæc igitur Proprietas uera, quæ soli animato inest, à coeli uirtute est. Ob id etiam serpentis carnes, & Basiliscus, Regulus uel, ut mortem oppetierunt, saxa non uiolant, nec herbas in circuitu existentes perimunt. Inanimatorum enim, ut diximus, forma est elementum prædominans, & ob id nulla proprietas. Sed non uidetur Galenus decimo de simplicibus medicamentis, negans sanguinem uespertilionis prohibere pilos, quia non sit e regione frigidus, admittere: neque eam quæ fit à similitudine substantiæ proprietatem, nam ratio eius secus periret. Respondeo: ratio est contra illos, qui à qualitate hoc fieri existimabāt. nam medicamēto cicutā, quasi frigidissimū aliquid superaddebāt.

CONTADICTIO TERTIA.

Medicina soluentes similitudine humores trahunt: attractio uero ipsa à medicamento fit, & ipso secundum substantiam attenuatur.

3. de Simpl.
med. cap. 24.
25. 26

In Antid. ca. 5
c. 18

Probl. 43

quarta primi
c. 4. com.
60. tertij
techni.

IVXta prædictorum sententiam, quoniam decreuimus omnem proprietatem esse in uiuente: nam quod non uiuit non mouet ad unam nisi positionem: proprietatis autem est ad omnem agere id quod mouet: uelut etiam in motibus uoluntariis. Quod etiam patitur ab aliquo, patitur ob proprium temperamentum, non autem ob coelestem impressionem. Diximus tamen, Mesue sentire quòd ob id medicina trahat humorem: sed Galenus ob similitudinem, & Serapio uidetur ei ex parte assentiri. Verū Galenus præter similitudinem addit etiam, quòd quædam educunt subtilitate partium, ut in v. de simplicibus medicamentis scripsit. Philosophus primo problematum hanc init rationem, quæ deuorantur cum à calore trahuntur per uenas & colliquantur, nec tamen possunt cōcoqui ob alienam qualitatem, & rursus expelluntur, trahuntque secum humores: æs uero, & ferrum, etsi non concoquantur, nec etiam dissoluuntur: lac & mel concoquuntur: eadem tamen ratione copiosius hausta uicem obtinēt medicamenti. Hac igitur causa non similitudine, sed cōtrarietate potius medicamentum purgat. Et ob hoc dicit plerumque, medicamēta sunt & iniu-cunda, & infusaui. Sed hæc opinio à Galeno redarguitur, nam non plus unum, quàm alium humorem medicina ad se traheret. Erasistratus, utpote ex Aristotelis pronepotibus, & ipse inter medicos hanc tuebatur opinionem, ut in libro de medicamentorum facultatibus apparet. Sed nec omnia in sua uia purgant, quamuis à calore attenuentur, ut prassium. Sed contra Galeni placitum multa solent adduci. Auicenna nanque & Thurisanus argumentantur contra Galenum: quia si ferrum trahitur à magnete ob similitudinem, igitur magna ferri quantitas trahet paruum magneti-

gnetis quantitatem, aut etiam magis trahet aliud ferrum. Medicamentum etiam idem, ut Elleborus trahit diuersos humores: igitur non potest hoc esse à similitudine, aliter elleborus assimilabitur pituitæ & atræ bili simul: quare etiam duo hi humores erunt inuicem similes. Iacobus & ipse adducit hoc in contrarium, quòd turbetum non est simile pituitæ, cum sit calidum, & pituita frigida: dicitur forsan, quòd sunt colore candido similia. Sed hoc primo reprobat à Galeno in 11. de simplicibus medicamentis, qui non uult colorem considerandum in medicamentis, sed saporem, odorem, & experientiam: imò uult, experientiam paucis additis rationibus sufficere, odore etiam contempto: esset etiam omnis medicina candida, ut cerusa & calx, expurgans pituitam. Sed Vgo adducit quædam alia etiam contra Galeni opinionem. Cor trahit aërem frigidum, & tamen ipsum est calidum: multa etiam similia sunt, quæ non se trahunt, ut caprificus, quæ non trahit ficum, quamuis sit ei similis. & clarius instat, in præter naturaliter dispositis trahitur contrarium. nam calida membra trahunt medicamenta frigida, ut concedit Galenus, dum exponit utilitatem compositionis medicamentorum: sed corpus ægrum, humor malus, & medicamentum sunt omnia præter naturaliter disposita, igitur trahent se ut contraria, non ut similia. Et si dicatur, quòd sunt contraria in qualitatibus, in substantia autem similia: hoc apud Galenum, imò etiam apud nos nihil est: nam apud Galenum qualitas est substantia: apud Auerroem & nos, ubi qualitas, ibi elementum, & forma mixti est subiecto eadem in inanimatis cum forma prædominantis elementi: & etiam, quia licet substantia elementorum non sit illorum qualitas: est tamen ei ualde proxima. unde Auerroës existimat elementa substantias imperfectas: sunt enim contraria, & suscipiunt magis ac minus in suis substantiis, quod propriis repugnat substantiis, ut habetur in prædicamentis. Est etiam nostrum hoc dubium, quia cum non omne simile trahat simile, quæritur igitur ratio propria qua medicamentum trahit humorem. Concesso enim quòd non trahat nili simile: quia tamen non trahit omne simile, quærendum est, cur hoc trahit, ut scamonium: hoc non, ut papaueris succus. Auerroës v. collectaneorum tenuit, quòd uirtus attrahens esset calor proprius in medicamento. Albertus in tractatu suo de Metallicis, quòd esset forma quæ est substantia: sed hanc nos reduximus ad formam elemēti prædominantis in inanimatis, & in animatis ad ipsam animā. Sed princeps uult quòd fiat à temperamēto quod ex primarū qualitātū mixtione cōsurgit. Nos autē declarauimus, quòd omne uincēs in mixto, & cui debetur illius operationes, est forma eius: quia operationes sunt à forma, & quòd forma elemēti prædominantis uincit in mixto, quia mouet, & generat: igitur ipsa est tota mixti, & nō cōpositū ex primis qualitatibus. Sed intelligendū est dictum

cap. 3.

cap. de Substantia.

cap. 21.

De uiribus
cordis. ha. j.
cap. 10. iuxta
med.

cap. 23.

prima primi
doc. 6.c.33. de Simpl.
med. c. 24.

principis, de causa. nam alia elementa reducant formam elementi predominantis, ad formam qua sub mixto consistit: & hoc est uerissimum. Addit etiam, quod hæc temperatura ab influxu iuuatur celesti, & dānat modos antiquorū, quos Alexander Aphrodiseus recitat in 1. 1. naturalium quæstionum. Empedoclis, qui ab atomis concurrentibus mutuo ac se impellētib. nam sic omnia ab omnibus traherentur, uel saltē ferrum à ferro, quod etiā obstat opinioni Democriti, qui à defluxibus mutuo cōcurrentibus id fieri credit. Diogenes autē putabat quod ob humorē ferri: sed cur non trahitur æs ab aliquo? & Hercules lapis à ferro nihil aliud? ob id dicebat Alexander nec per mediū, sic enim intermedius aer prius traheretur: quare nec ut alimentum, nam ipsum trahitur à membro per mediū successiue. Relinquitur igitur, quod ferrū ab Herculeo lapide trahitur; quia perfici optat, sensum habēs quendā, quāquam inanime. Auicenna uerò in hoc damnat Galeni opinionem, etiam cum aliis, quia à similitudine hoc fieri posse negat. Obstat igitur Galeni opinionem etiam hoc, quod si humor trahitur à medicamento ob similitudinem, attractio à simili fit nutritionis causa: & humor non nutrit medicamentum, & membro à quo trahitur, est cōtrarius. Ad hæc dicamus ut Princeps, Attractio fit uel à uacuo, uel proprietate naturæ, uel calore, & ea quæ est à calore fit uacui causa: quæ uerò à proprietate, calore cōfirmatur. Medicamentū igitur nihil per se trahit, mortuū enim est: sed intestinis plerumq; rarò autē uentriculo qualitatem inducit similem humori: quare trahitur humor à mēbro. & pro hoc facit argumentū quod etiam est pro philosopho, quia si euomatur medicina post duas horas, nō est quātitate sua diminuta ad sensum, & nō cessat operatio eius propter hoc, & multi purgantur ab emplastris superpositis uentri, ut Mesue testatur in emplastro suo de arthanita dicto. Alii etiā solo odore medicamentī per nares hausto. Sola igitur uirtus medicamentī inficiens mēbrū, seu sine diminutione substātiæ medicamentī attrahatur, seu cū parua, facit ut mēbrū ratione similitudinis trahat humorē: deinde cū nō possit nutriri ex eo, quāuis sit similis in substātia, expellitur ab eodē: & ideo post purgationē remanet nausea & abominatio magna ratione impressionis. Nō quælibet autē similitudo sufficit, sed oportet ut sit ad amussim, indicio clarissimo est medicamentum esse simile humori attracto, quia si nō euacuat in illū uertitur. Propterea ad argumentū Auicennæ sepe dictū est: nō enim ferrū uincit ferrū unquā, aut magnetē, quia est inanimē, & inanimatū nō potest esse in actu, sed solū in potētia, nisi ratione formæ elemēti predominantis. Elleborus habet diuerfas partes, & turbetū habet substātiā pituitæ similem, frigidā, candidā, leuē, ideo nō educit pituitā crassam: habet & cum ea partes calidas subtiles, ad attrahendū adiuuātes. Cerusa & calx dissident tota substātia ab humano corpore, ut clarū est. Euforbii lacryma non

non purgat pituitā similitudine, nihil enim in ea frigidū: sed colliquādo. Cor trahit aërem uacui ratione, qua omnia absque discrimine trahuntur. Caprificus non trahit ficum, quia uiuens non trahitur: mortua ficus non est substantia similis. Humor malus trahitur à membro sub ratione alimenti, cum est similis: aliter membrum esset sua mala qualitate sibi medicina, si contrarium traheret. In medicamento alia ratio est, causa uerò attractionis est exacta similitudo: sic ut unum sit animatum, aliud autem anima careat. Ad Alexandrum attractio à simili est propter nutrimentum, nam & magnes alitur, & diutius durat in ferri scobe: etsi non propriè substantia illius forsā nutriatur. Sed non est necesse in attractione propter nutritionem, quicquid est intermedium prius trahi. Humor uerò qui trahitur, membrum nutrit, sed modicè, ad quod trahitur, quia similitudo temperamenti non est ad naturale, sed medicamento acquisitum. Sed contra hoc est argumentum Principis, si membrum sic traheret, aut medicina concomitaretur humorē, ualidior fieret purgatio in sanis quàm ægris, sed hoc non procedit, quia humor bonus est, & ab alijs membris maiore ui retinetur: ideo sani habent ualidiora etiam membra quæ retinent, & humores plerunq; bonos, quare maiore nixu retinentur. Serapio autem, quia credidit medicamentum, & non membrum trahere humorem, ideo difficultatem habet quomodo idem attrahat, & expellat: quare cogitur dicere, quòd medicamentum attrahit, & membrum expellit: quod fieri minime potest.

Quarta
mi. cap. 4.

In Antidor.
cap. 5. & 10.

CONTRADICTIO QVARTA.

Cor an sit unum membrum principale tantum.

Prinicipia igitur sunt, Cor, Cerebrum, Epar, & Testiculi. II. Artis medicæ, cap. iij. Non est ignorandum quatuor esse uirtutes in animali: Sensitiuam, quam Galenus ponit in cerebro: Vitalem, quam in corde: Nutritiuam, in iecore: Generatiuam, in testiculis. Igitur sic illas ponit in his membris, ut quo ad has uirtutes Galenus neget horum membrorum alterum ex altero pendere. Non tamen uult, quòd cor non recipiat uirtutem sentiendi à cerebro: nec quòd cerebrum non recipiat uirtutem uitalem à corde: sic enim ut in bene recta ciuitate, mutuò sibi hæc inuicem famulantur. Rationes adducit ad hæc Galenus, in libris quatuor primis qui supersunt de dogmate Platonis, & Hippocratis: præcipuas autem pro iecore in v. I. libro. Prima igitur hæc est uirtus, ibi ortum habet, ubi instrumenta eius originem ducunt: at arteriæ sunt instrumenta facultatis uitalis, uenæ nutritiæ, nerui sensus. Igitur ubi hæc exoriuntur, ibi suarum origo uirtutum. Sed nerui à cerebro, arteriæ à corde, uenæ à iecore oriuntur: igitur hæc membra sunt harum uirtutum fontes principales. Et

si quis dicat, quòd calor naturalis conseruatur per motum pulsus: respondet Galenus, quòd etiam anhelitus: & sicut pulsus est per uirtutem à corde transmissam, sic anhelitus per uirtutem à cerebro, cum respiratio sit motus uoluntarius. ideo utraque membra quod ad hoc, cor scilicet, & cerebrum, æqualem usum quo ad caloris exhibent conseruationem.

cap. 11.

Tract. 5, con-
tradict. 1.

Ad hoc respondet Auerr. 11. Collect. quòd transmittitur hæc uirtus à corde prius ad cerebrum per arterias. & adducit dissectionem pro testimonio: nam magnæ ibi spectantur arteriæ. Sed hoc non uidetur uerum in laborantibus morbo attonito, integra adhuc cordis uirtute: non enim sentiunt, & tamen deberent sentire, quia principalis uirtus integra est. Diceret Auerroës perfici in cerebro, sicut calor est in lumine solis uirtute: sed non perficitur nisi cum ad elementa peruenit. Sed hæc responsio nulla est: nam si uirtus illa est imperfecta, nihil ei conuenit ex operatione: quare inanis erit. Respondeo igitur quòd ut dixi in Contradictione primi libri, Aristoteles diceret duo. Primum, quòd falsum est: scilicet, quòd nerui à corde oriantur. nam deceperunt illum uilli cordis albi & substantia similes neruis. Secundum est, quòd negaret neruos esse instrumenta sensus omnis: sed diceret esse instrumenta tantum perfecti sensus. Diximus autem ibi quòd Auerroës in Paraphrasi aliter conatur soluere argumentum. Quòd si dicat aliquis pro philosopho, cerebrum indiget uitali spiritu: Respondeo, & cor indiget respiratione quæ illi à cerebri uirtute subministratur: nec tamen hoc prohibet quin cor sit principale. Sed si quis dicat, cur in attonito igitur morbo deperditur sensus? Respondeo, cur quādo attonitus morbus ex corde pendet etiā sensus amittitur? Dico ergo, quòd deperditur ob interperiem: nam membra priuata spiritu cerebri desinunt sentire sensu perfecto: nam plurimi eorum retinent sensum imperfectum, id est doloris cognitionem: cum uerò & hanc amittunt ex toto, iam cor laborat. ad quid enim illos cruciare si nihil sentiunt? imò plurimi sentiunt etiam non parum, sed nequeunt signum declarare. Hoc igitur argumentum quod ex colligantia deducitur, nec pro Galeno, nec pro Aristotele determinat.

de Dog.

A constitutione uerò aliud sumitur, in iecore præcipue: sanguis enim in eo generatur: nam ibi est uas quod superfluum expurgat, bilem siquidem flauam: & lien. Secundo, quia omnia membra intra peritoneum neruosa ex sanguine portæ nutriuntur solo: cum nullum ramum ex caua ad illa descendere dissectione ostendat: quamuis Galenus hoc neget: paucos enim excipit. Clarum est igitur, multa membra saltem hoc sanguine nutrir. Tertio, quia caro iecoris sanguini simillima est. Quarto, quia ibi sunt uenæ capillares ad modum ortus fontis, ut nullo modo in corde, cum locus latus sit, confici possit. Quinto, quia caua ibi maior est, sicut arteria, quæ à corde prodit, magna: sed hoc negat Vesalius: & nos etiam maio-

rem

rem cauam in corde existimamus. Sexto, quia diuiditur caua ex iecore non ex corde. Sed ut uideo, par est utrinque ratio: nam superficiem iccoris sicut & cordis transiens duorum ramorum speciem effingit. Septimo, quòd experientia etiam constat, quoniam ostia ipsa sanguinis in corde ab intus extra uersus clauduntur: igitur cor cum comprimatur ostiola nullum emittit sanguinem: quare nulla poterunt ex eo membra nutriri: obstat enim primo ostii situs, qui ut magis comprimitur, eò magis clauditur, tum uerò etiam impetus ipsius sanguinis. Sed uena arterialis, quæ extra cor defert sanguinem, manifestè in pulmone finitur, igitur caua non communicatur cordi, nisi ut nutriat illud & pulmones: tum uerò ut ex illo sanguine arterialis generetur: quare nullo modo sanguis generatur in corde, nec generatus perficitur.

Ad hoc in Paraphrasi respondebat Auerroës, quòd sanguis non nutrit membrum, nisi per calorem arteriæ fuerit temperatus: & sic non in corde omnis sanguis formam suscipit, sed bene à corde: & indicio est, quòd ad omnia membra ad quæ uena cum arteria aduenit, altera alteri uel Galeno teste sociatur. Sed ista responsio cum concedat quæ situm, scilicet sanguinem in iecore generari sub forma qua sanguis est, robur ostendit argumenti: nam quòd iuuentur membra in conseruatione proprii caloris, nemo est qui neget, quodque hoc fiat à corde. Est etiam ubi uenæ arteriis sociis carent, ut quæ per sacrum os ad musculos, & quæ ad uirgam per musculos exteriores, & quæ ad femur in cutem, & quæ in gibbis iccoris, & quæ in septo transuerso, & quæ per spinam alit thoracem, & humeraria, sic in abdomine, collo, & dorso, & quæ per faciem & caput omnes, una duntaxat fermè excepta per os sacrum transeunte, coniuge arteria carent: tum uerò & multi rami humerariæ, & quæ circum brachii os per auersam partem contorquetur: & tamen omnes membra nutrire proxima palam est. Accedit etiam quòd Galenus Aristotelem satis oscitanter dissectionem attigisse eum arguit: ut etiam cerebrum ad cordis temperiem coæquandam factum existimauerit: ut eius necessitatem propriam ignorasse uideatur.

Sed haud negligenda est tanti Philosophi autoritas, qui cor unum facit membrum principale pluribus in locis: sed præcipuè I. de Generatione animalium, & I. de Partibus. Nec illud ad rem facit, quod quidam adnotarunt ex I. de Generatione animalium, quòd scilicet nullum animal sine corde inuentum sit: nam hoc etiam de iecore docet, sed duo membra efficeret principalia. Sed & in sacrificiis referunt Caio Cæsari hostias sine corde apparuisse: quæ tamen ego ad miracula uel mendacia refero.

Sed ad rem redeo: si sunt tres uirtutes principales triaque membra, tamen tres animæ, ut Galenus fatetur, quomodo animal unum erit? hoc mouit

Philosop

libro de Dissectione uenarum & arteriarum: iuxta finem.

I. de Par. c. 7.

cap. 4.

cap. 4.

cap. 4.

¶ I. de Dog.

1. de Anima
90.

1 x. Artis cur.
c. 10.

de Iuuentute
& Senectute.
cap. 1.

c. 10. & 2. de
causis pulsuum.
c. 12.

lib. de Animi
immortalita-
te.

cap. 1.

Philosophus argumentum. neque enim dicere possumus, quòd corpore ipso colligatur. nam forma res una est, non autè materia. Galenus ad hoc uidetur obiter respondisse cùm dixit, quòd uinculo eo colligantur, quòd si una intereat, alia non possit esse superstes, alteraq; alterius functione ac auxilio indigeat: uerùm si uirtutes & non animæ totidem ponantur, cùm sensitiua sit in loco, non indigebit cerebri functione. diximus autem de hoc aliàs, quoniam ex Philosophi autoritate anima in solo corde est: non autem per totum corpus diffusa. Conantur hoc quidam reprobare: nam homo per animam est homo, forma corporis anima est, forma materiæ coextenditur. Respondeo, hominem esse tantum apud Philosophum spiritum illum in corde complantatum, in quo anima residet: cætera huius omnia causa sunt: cor, ut contineat reliqua cordis causa. Alia ratio ex hoc habetur quòd cor est ultimum quod moritur, primum uerò quod uiuit: ut 1. de Generatione animalium dixit, cui subscribere etiam Galenus uidetur v. de Locis: inquit enim, Pereunte uirtute cordis hominè illico perire necesse est: ac non sic pereunte cerebri uirtute uel iecoris. nam adhuc manet homo uiuens, ut in ualido attonito morbo manifestum est. Ac si quis spirandi libertatem auferat ab homine, illico extinguitur. Sed ad hæc Galenus diceret, ut ex 1 x. de Arte curandi colligitur, Vires ipsas uirtutum si prorsus corruant celeriter animal interire: præcipuam tamen esse in corde mortis causam ob motus necessitatem. At una uirtute sublata ex toto homo illico moritur: neq; enim in attonito morbo uirtus sentiendi perit, sed operatio: nec in hydrope iecoris uis nutriendi sed opus: cùm uerò & uirtus una interierit, homo illico extinguitur: imò antequam intereat: & cùm animas tres ponat tutius totidem posuerit facultates. uerùm quo pacto aberrauerit in Platonis opinione aliàs dictum est à nobis. Est autem sciendum, quòd anima si sit educta de potentia materiæ diuisibilis est sub eius diuisione: ut tenet Auerroës in libro de Substantia orbis. quare non rectè dixit Trusianus, anima existente coextensa toti: illam tamen non diuidi corporis diuisione. Sed nec idem bene sentit de uirtute uitali, ac causa motus arteriarum: cùm existimet à spiritu ac seruire cordis eam prouenire: quamobrem ei contigit, quod etiam Auerroës in motu leulab. ut promitteret se illum si uita superesset qualifnam foret, descripturum. Sic Trusianus cùm experientiam pulsuum inuento suo accommodare non posset, tractationem promisit. Verùm hæc obiter: ad rem reuertamur. Recitat ille pro Philosopho tria argumenta: horum autem primum est, Plures uirtutes attribuuntur uni animæ, igitur plura membra ab uno etiam pendunt. Secundum, Cor est principium caloris naturalis, igitur & omniū quæ sine eo perfici nequeunt. Tertium, Quòd ligatis arteriis soporariis auferitur sensus & motus, conciditq; animal uelut attonito morbo percussum

sum: igitur cor est omnium principium. Galenus hoc experimentum reprehendit: nam nisi ligentur nerui, soporariis arteriis adiacentes, animal manet cum sensu ac motu: quare error est in experimento. Ad id quod dicit, cor esse caloris naturalis fontem & calidissimum, non negat hoc Galenus: cum sinistrum uentriculum feruere etiam dicat sano animali. ut uerò ex hoc possit supra omnes functiones, minime est necessarium, cum temperamentū requirant hæc proprium, non autem caloris immoderantiam. At non uidetur par ratio de membris ac uirtutibus: cum mēbra differāt necessario, uirtutes plures in una possint anima consistere. Adducit & Philosophus alias rationes uelut, quod cor sit in medio, ut regis locum obtinet. hoc autem ut secundo de Dogmate Platonis Galenus scribit: nec uerum omnino est: nec si esset quicquam concluderet. Simile illud uidetur, Nullū animal corde caret, nam & omnia habent duo instrumenta per quæ cibum recipiunt, excrementaq; eiiciuntur: nec tamē os & anus membra sunt principalia, sed necessaria. Quod uerò superius dixerimus primo cor generari, incertum hoc Galenus affirmat, ubi de foetus formatione loquitur: quinimo tria apparere ab initio in abortibus simul principia docet. Sed Auerroës pro Philosopho & ipse in sua paraphrasi non pauca adducit, eorum autem primum est, Vbi est primum animæ instrumentum & uirtutis, ibi & membri principis natura: at in corde anima spiritum uitæ procreat illius proprium instrumentum: igitur cor est principium. Rursus ibi est principium, quo retrahente cessant hæc: sed retracto ad cor calore, ut in somno, cessat sensus & motus: igitur cor est principium. Neque enim Galenus uult, quod in somno calor ad cerebrum, sed quod ad cor retrahatur. Vbi igitur principium? unde etiam impediuntur: eiusdem enim est dare ac auferre. Tertio, Frigidum non ingreditur, nisi per accidens, generationem IIII. Meteororum: sed cerebrum est frigidum etiam ex Galeni sententia, quare non poterit nisi temperare spiritum uitalem, non nouam formam inducere: quare destituitur instrumento sibi proprio. Quarto, Si cor non habet uirtutem nutriendi, neque habet uitalem: cum sint una & eadem. aliter oporteret ponere quatuor uirtutes, Nutritiuam, Vitalem, Sensibilem, & Intellectiuam: & totidem etiam animas. Ideo philosophus in libris de Anima nusquam uitalis meminit uirtutis, cum eam sub naturali comprehendat. Cor etiam est principium uenarum: nam substantia eius est similis illarum substantiæ dura & subnigra: & etiam quia de ratione principii est quod non perforret, ut nerui qui non transeunt per cerebrum: sed uenæ non transeunt per cor & transeunt per iecur: ut patet de caua quæ substantiam suam retinet in transitu, non autem in corde, sed finitur in substantia dextri uentriculi. Est etiam ratio philosophi ubi fons alicuius, ibi & origo: ut in

In de Vsu
pul. in prin. et
2. de Dogm.
Pla. post mediu-
m,

De inæquali
intemp. c. 5.

2. de Par. c. 10.

co. mag.

d aquis;

2. de Dogma.
Pla.

4. de Vſu par.
c. 13. poſt prin.

lib. 5. cap. 7. in
fine.

aquis: ſed in corde eſt fons ſanguinis non in iecore: igitur origo etiam. Ad hæc Galenus dicebat, argumenta eſſe quatuor generum quod & primo colligitur Elenchorum fermè, Demonstratiua, Probabilia, Rhetorica, & Sophiſtica. Rhetorica autem ſunt quæ ex autoritate plurium probant: Probabilia autem non ex euidentibus rationibus, ſed demonſtratiuis dicit ſolum fidem adhibere conuenit. Ariſtotelis igitur argumenta probabilia Galenus exiſtimat. Cùm igitur cor eſſe fontem ſanguinis dicit, quoniam ibi lacus ejus ſit, non inficiatur hoc Galenus. At reſpondet, quòd uenas paruas ob id neceſſario habuit omni ex parte ut chilum poſſet amplecti. Verum Galenus ibi adducit fundamentum quo demonſtrari poteſt ſanguinem in iecore generari. nam capillares uenæ cauæ non committantur in gibbo iecoris capillaribus portæ: igitur uena portæ ſaltem cum eius ramis ex iecore oritur. Reſpondet Veſalius qui argumentum uidit, quòd committuntur, quamuis arctiſſimis & uix peruiis ramulis. Quæſtio eſt de facto ut iuriſconſulti dicunt. Ad id de tranſitu Galenus diceret, quòd fuit cauſa finis, & quòd uenæ etiam portæ terminantur in iecore, ut diximus: & in corde fuit neceſſarium cauam uenam finire, quia non poterat committi arteriæ magnæ, propter ſubſtantiæ uarietatem, nec non ob ſpirituum generationem, in quibus conſciendis neceſſarium erat ſanguinem per cordis ſubſtantiā penetrare: nec poterat rurfus penetrare, quia difficile erat tantum ſanguinis ad ſuperiora dirigere: & etiam quia non potuiſſet tunc tam facile in uentriculum ſiniſtrum progredi. Adducit uerò rationem de ſubſtantiæ ſimilitudine in contrarium. nam ortus debent eſſe molliores quàm proceſſus, ut in neruis à cerebro & à medulla dorſi orientibus patet: ſed uenæ iuxta iecur ſunt molliores quàm in corde, adeo ut ſint ſimiles teneritati carnis iecoris: igitur uenæ ex iecore oriuntur. Ad id quod quarto loco adducitur, dicit Galenus aliam eſſe uim uitalem, quæ cum motu iungitur locali, ab ea quæ eſt naturalis, ac immobilis, ſpiritu autem uitalem motus non nutritionis cauſam eſſe. In tertio fundamento ille prorfus aberrat, qui credidit, quòd cor ex mente Galeni eſſet principalius reliquis, cerebrumq; ſolum eſſe in motus uirtute princeps: nam Galenus cerebrum corde uult eſſe principalius. Dico igitur, quòd ſi fateamur cerebrum eſſe principale membrum, debemus multo magis fateri etiam primum eſſe: & ratio eſt, quia eſt eius functio nobilior, mouere, ſentire, cognoscere. Et ſi dicas, Hoc non poteſt fieri niſi cum ſpiritu cordis ac uita quæ in eo conſiſtit. Reſpondeo, Hoc potius probat oppoſitum: nam apparet finem eſſe nobiliorem hiſ quæ ad finem. uita igitur & cor cerebro ancillatur, ut uentriculus iecori: & ſicut iecur eſt nobilius uentriculo, ita cerebrum corde. Cum hoc ſtat tamen, quòd cor ſit magis neceſſarium: ad id etiam quod dicitur de
dextro

dextro cordis uentriculo, quoniam in eo uenæ finiuntur. Respondet alibi etiam Galenus multa animalia uel Philosopho teste carere dextro uentriculo cordis, cum tamen in his sit iecur. Rei igitur communis principium commune esse debet: sed uenæ sunt communes omnibus animalibus sanguinem habentibus: igitur uenarum principium est iecur, non cordis dexter sinus. Auenzoar in primo thesauri adducit rationes quod sint plura membra, & quod medico melius sit sic credere. De frigido fateor ut frigidum est ad generationem non ingredi: sed tamen calor à frigido temperatus hoc agit: aliter nec pisces, nec lactuæ semen generarent, sunt enim frigida. De calore quis negat ad cor ipsum contrahi? sed causam cur contrahatur, & quomodo, in libro de Animi immortalitate docuimus, repetere superfluum est. Galenus etiam haud fatetur spiritum uitalem solum esse animæ instrumentum: nam & qui in cerebro gignitur sensitiuæ instrumentum est, quare probabilissimum omnium est, membra quo ad uirtutum sedem plura esse: quoniam illis ægrotantibus ægrotant uirtutes, bene ualentibus recte ualent: medicaminaq, illis non semper cordi sunt apponenda. Verum autem principium cor est: sed nobilissimum apud medicos cerebrum, non tamen magis necessarium. propterea bene dixit Princeps, quod opinio medicorum est magis apparens, philosophorum, cum profunde inspicitur uerior, uerum ipse in v. de Anima & xii. de Animalibus declarauit hoc ratione: quia sicut cerebrum in sentiendo est principium sensuum, & tamen utitur diuersis instrumentis, sic cor est principium diuersarum uirtutum, & tamen utitur in nutritione ipso iecore, ut instrumento: cerebro autem in sentiendo, testiculis in generando, & sic concordat cum philosophis in hoc: concordat uero cum medicis, quia uenas à iecore exoriri facit, & neruos à cerebro: quanta uelit ex corde ad cerebrum aliquos etiam dirigere, sicq; mediam inter philosophos & medicos uiam amplexus est, quæ & meo iudicio etiam uerior existit. Dat etiam modum, quo fieri potest, ut uirtus transmissa à corde in suum redeat principium: & dat exemplum de iecore, & uentriculo. nam uentriculus transmittit chilum iecori, & recipit sanguinem ab illo. Rursus sensus communis singularibus sensibus uirtutem largitur, indeq; eam rursus ab illis recolligit. Docet etiam exemplo tendinum in musculis, quod aliqua robustiora possunt esse, dum à principio distant, quam in ipso: nam musculi uehementius ea parte trahunt qua in tendonem desinunt, quam illa qua cum principio connectuntur. Addit ultimo, quod principium aliqua per se operatur, aliqua per instrumentum: & dat exemplum de tactu, qui in corde uiget exquisitissimus. Adducitur etiam fundamentum pro Galeno ab Auerroë: extracto corde animal mouetur per duos passus, igitur cor non est principale membrum:

d 2 quia

Trac. II. cap.
2. post princ.

prima primi
doc. 5. c. de me
bris.

c. 8.
c. 10.

7. phys. 4

quia abscisso capite, penitus non mouetur. Sed ad hoc Auerroës respondet, quòd uidit arietem, qui abscisso capite ambulabat aliquot uicibus. Hoc experimentum & si sit uerum, responderet Galenus, cum caput posset repente excindi nihil esse mirum, uel momento posse animal moueri: at cor non prius eximitur, quin multa patiatur animal: &prehendatur etiam manibus aut alia re: igitur si exempto corde animal mouetur, non erit cor animalis principium. Sed hoc ita esse experimentum docet: & in de Dogmate Galenus hoc dixerat. Sed & multi libri ad Auerroëm peruenire Galeni, quos non habemus: ut libri de Demonstratione, de Dubitationibus, de Cura singularium morborum.

lib. 2. ante mediu:
der in paraphra-
si de Anima. c. ult. tum
in testudini-
bus semper, q̄
diu uiuunt.

CONTRADICTION QVINTA.

Cerebrum an frigidum & humidum.

Cerebrum si digito tangatur calidum apparet, in libris de Usu par-
trium & subiicit: Ipsum etiam calidius est aëre æstatis calidissimo:
quòd si contingat diutius ipsum manere deiectum dum os excinditur
supremum malum animal incurrit. Isaac addidit duas rationes: nam cere-
brum est motus principium, secundum Galenum libro de Dogmate Pla-
tonis: at principium motus calidum est, ut Philosophus ait in Proble-
matibus: Igitur cerebrum est calidum. Est etiam medulla: unde Auicenna,
Cerebrum est medulla ossis capitis. Et sicut cor dicitur siccum in com-
paratione ad reliqua membra principalia: sic medulla dicitur frigida in
comparatione cerebri ad reliqua membra principalia. Ipse tamen in primo
libro sui canonis in tertio loco collocauit frigidorum à cutis tempera-
mento. Et Philosophus ipse inter frigida collocauit, & Auerroës in
suis collectaneis. Quinimo & ipse Galenus in libris de temperamentis ait,
Cerebrum & medulla dorsi frigidiora sunt cute: alteriusq; generis hæ
duæ medullæ ab aliis. Omne enim exangue frigidius est eo quod sanguine
præditum est. Conciliator in differentia. **XXIIII.** dum hanc dis-
putat materiam, adducit argumentum quod concludit oppositum: in-
quit enim, Gaudet calidis odoribus, igitur frigidum est. Hoc autem est
falsum: inquit enim Galenus, Gaudet calidus uentriculus calidis cibis ac
potibus: quod & aliàs declarauimus. Quòd uerò siccum sit, declarant
uerba Philosophi **II.** de Partibus animalium, cum inquit: Cerebrum
constat aqua terreaq; substantia: dum enim coquitur aqua exoluta, fer-
rea quæ relinquitur concrefcit. Ex quo patet, quòd iuxta eius sententiam
hic, cerebrum est frigidius quàm humidum. quod & sensisse uidetur
Princeps cum dixit, Frigidorum, uelut cerebrum: humidorum, uelut ie-
cur. Et hæc fuit etiam sententia Philosophi, in libro de Somno & uigi-
lia,

lib. 8. c. 2.
7. ante mediu.

par. 13. probl. 5.

12. de Anima.
libus cap. j.

Doct. 3. c. 2.

cap. 7.

lib. 2. c. 3.

lib. 1. c. 3.

2. Artis med.

55.

cap. 7.
prima primi
3. c. 1.
c. 3. iuxta finē.

lia, quòd cerebrum sit frigidissima pars nostri corporis. At iuxta finem primi de Temperamentis sentire uidetur Galenus (quanquàm non expresse id dicat) cerebrum humidius esse, quàm frigidius.

Ad primam apparentem contradictionem quidam dixerunt, quòd auctoritas libri de Vsu partium est, quòd sit calidius aëre æstatis: non tamen sequitur, igitur temperamento æquali. Istud est absurdum, cum aër æstas adeò nos calefaciat, ut prouocetur sudor, sicut ab igne. Item quia nititur probare ex hoc quòd non potest refrigerare cor: quæ demonstratio nulla esset, si posset esse cerebrum aliquo modo frigidum. Aliqui dicebant, quòd cerebrum erat calidum cum arteriarum auxilio. At in de Temperamentis loquitur de eius natura singulari. Hoc quidam reprobant: nam Galenus ibi docet uenari temperaturam ex tactu, in tactu comprehenditur calor compositus ex innato influenteq; igitur etiam hoc modo declinat ad frigidum. Alia responsio est, Quòd cerebrum cum detegitur, euadit calidum propter morbum. Hæc est omnibus deterior responsio: nam neq; probat quod intendit Galenus in libro de Vsu: quoniam cum sanum erit refrigerare potest cor: nec possumus colligere experimento quòd sit frigidum. Datur ultima responsio: Quòd cutis etiam ab aëre æstatis refrigeratur, etsi calidior sit aër cute. Sed hæc opinio declarat, quomodo possit lædere cerebrum ob nouitatem: sicut & corpora nuda assueta uestibus: ingreditur enim poros, & motu offendit. sed nō satisfacit dictis Galeni: nam si cum hoc calidior est aër tēperamento, ac rursus cerebrum: uerum non est quod dicitur in libro de Temperamentis. Si autem aër calidior, cerebrum frigidius est, nihil habet contra Philosophum. Præter id non satisfacimus experimento tactus, quod à Galeno ibi adducitur, ad demonstrandum, quòd calidum sit. Respondeo igitur, quòd cum innato calore, & influente non parum declinat ad calidum extrema sui parte, sic enim tactui apparet: sic læditur ab aëre æstiuo, etiam calidissimo, ut ille inquit: sic est principium motus. At in intima, uel per se sumptum frigidum est, atq; constans aquea terreaq; substantia, ut Aristoteles dicebat. Nec in libro de Temperamentis docet nos omnia tactu dignoscere, sed membra exteriora tantum: in quo aberrauit ille plurimum: ossa enim, & cartilagine uiuentis animalis si tactum explorentur, calida erunt. De cute autem, cum non integatur aliis membris, iudicium ferre possumus.

Ad id, quod quæritur, an humidius sit quàm frigidius, eadem ferme conuenit responsio. Nam per se sumptum frigidius est, cum utroq; elemento frigido participet iuxta Aristotelis sententiam. Galenus uero, arbitratur humidius esse: quanquàm si quis uelit, illum cum Aristotele possit concordare. quoniā Galeni sententia non adeò expressa est, ut eam extorquere non queamus. uerum Principis auctoritas membra principa-

lia tantum comparat: inter quæ ut cerebrum est frigidissimum, sic iecur humidissimum: est enim humidum iecoris maius quàm & cerebri frigiditas ex quo conuinci non potest, cerebrum frigidius esse quàm humidum. Si tamen ut influentem habet secum calorem consideretur, humidius erit proculdubio quàm frigidum: neq; enim, ut diximus, sic ullo modo frigidum est. Verum cerebrum non esse naturæ à dominante parte terræ ostendit senes Philosophus in 11. de Partibus. Cerebrum cum ad contemperandum caliditatem ac siccitatem cordis creatum sit, igitur frigidum esse debet & humidum.

CONTRADICTIO SEXTA.

Spinalis medulla an cerebro frigidior.

Cerebrum calidius est & humidius spinali medulla, est enim illa mollius, eoq; partes anteriores humidiores quo molliores, 11. de Temperamentis: at 111. de Alimentis spinalis medulla eiusdem naturæ est cum cerebro, nisi quòd durior est: tamen magis cum multum à capite recesserit: quare uel ficior ex regula Galeni, uel etià equalis cum cerebro temperamenti, si ad uerba solum respicimus. Additq; non propria appellatione dici medullam, quod est uerissimum: nam medulla ossis gratia est, at caput & spina cerebri & medullæ uersa uice causa sunt. Medullæ etiam ad nutriendum ossa factæ sunt: cerebrum, & medulla spinalis nullum os nutriunt. Medulla etiam hoc pingue habet, quo cerebrum carere uidetur, ac spinalis medulla. Sententiã uerò Galeni obseruauit Princeps in primo Canonis: quam ille in libro de Temperamentis dixerat. Sed idem Princeps in libris de Animalibus inquit: Existimauerunt quidam quòd medulla spinalis, quia cerebro continua est, frigida sit: sed non est: nam calidam habet temperiem, quam à corde nanciscitur: nec exiccatur, cerebri humore perpetuò adiuta. Hanc sententiam adeò expressit Philosophus in 11. de Partibus animalium, ut demirer eos qui conantur illius uerba frustra extorquere. Inquit enim: Medulla spinalis adiacens cerebro ob hoc calida creata est, ut eius immoderatã frigiditatem contemperaret: unde Albertus in hoc cum optimè senserit immeritò reprehenditur. Nec mirum est Auerroëm dixisse, medullam spinalem esse similis temperamenti cum cerebro, cum hic loquatur ut medicus: nam & rationem Aristotelis interpretatur, non recitat, ubi ille conatur ostendere cerebrum terrea constare substantia, quod coctum concrescat: nam si non uiuentem qualitatem ostendere uult, cum in omni mixto perfecto elementa omnia adsint, proculdubio omnia mixta dum elixantur concrescunt. Illud tamen mirum est, & Galeno aduersum, quo Aristoteles dixerit cerebrum tactu, dum uiuit animal, (hoc enim intelligitur) frigidum sentiri.

Concil

11. de Generatione & corruptione. 42.

Doct. 3. c. 1.
12. c. 6.

e. 7. in princ.

2. col. c. 3.

Conciliator tenuit cerebrum esse minus frigidum medulla spinali, recteq; sensit in hoc, sed in duobus deficit: Primo, quod rationes quas adducit leues sunt, ac quasi oppositum eius quod intendit, concludunt. Debut etiam distinguere: nam spinalis medulla calidior est in uiuente animali, cerebro ipso: quia cordi propinquior, superstatq; ab inferiore, superioreq; parte uenæ cauæ & arteriæ magnæ: in sui autem medio, cordi: nec ullibi frigidior quàm in collo: natura autem propria frigidior est, ac ficcior cerebro: uerùm non tanto discrimine, ut differentiam in cibis grandem exhibeat. Cerebrum autem apud Aristotelem & Auicennam non solum frigidum natura est, sed suam frigiditatem aduersus cordis calorem etiam in uiuente tuetur, quam medulla spinalis seruare nequit, tribus de causis: tum quia cordi proximior cerebro, & longè illo minor: tum, ut diximus, propter uasa ei magna substrata: cùm in cerebrum, ut inquit Aristoteles, exigua, quanquàm numerosa, immigrent. At Galenus, in libro de Motu musculorum, medullam alterius esse rationis censet à cerebro, & uocata spinali medulla: nam quæ in aliis continetur ossibus, pinguior est & humidior, nec ex illa nervus ullus exoritur. At uerò ipsam frigidior ac magis terream cerebro putat quæ in spina continetur: quoniam durior ac ficcior, & nullis sociata arteriis. nec enim pulsat ut cerebrum: ideo iuxta hoc nec cerebrum, nec spinæ medullam, medullam iure merito appellaueris. Quamobrem lentum ac crassum humorem genere medullam scripsit quæ in spina continetur, uelut & cerebrum aliorum ossium non ita sed bene nutrire ait, si probe concoquatur, III. de Alimentis. Sed & in XI. de Medicamentis simplicibus cùm de medulla tractaret quæ in spina continetur, non esse medullam aperte dixit.

lin princ.

9. de usu
cap. II.Lib. de cib. bo
ni & mali suc
ci. c. 3. iuxta
medium.

CONTRADICTION VII.

Ventriculo cerebri uulnerato mors necessariò succedit.

Cerebro discisso letale est, dicebat Hippocrates: atq; ibi Galenus in commento: Cerebrum uulneratum sæpe sanatum uidimus: semelq; in Smyrna Ioniæ uiuente adhuc præceptore Pelope, è uulnere effatu digno. Hoc itaq; rarissimum est. Verum autem est, quod magna uulnera, quæ Hippocrates Discisiones consuevit appellare, afferunt mortem: fatenturq; omnes, quod uulnera cerebri quæ usq; ad aliquem eius uentriculum penetrant, afferunt mortem. At in libro VII. de Partium usu, scripsit in hunc modum: Nam admirabile illud spectaculum, atq; incredibile, quod Smyrnæ in Ionia accidit, aliquando sumus conspicati adolescentem, uulnere in alterum uentriculorum anteriorum accepto superstitem euasisse: Dei, ut plerisq; uidebatur, uoluntate: sed ne temporis quidem momento uiuere potuisset, si utrunq; uentriculum uulnus

c. 9.
V. I. Aphor. 18.

c. 10.

uulnus uiolasset. Enarrat circa hæc obiter duos Brafauiolus in huius aphorismi expositione casus, in quibus cerebro uulnerato contigit sanari. Alter enim è feruentibus erat patritiis Valengii, qui cum excussa esset cerebri portio ad oui parui gallinæ instar, stupidus fermè ac ineptus triennio superuixit: loquendi facultate etiā oblecta. Alius è Corsica insula oriū dus cum fermè dimidium capitis cum portione ei cerebri correspondente sublatum esset, sanatus est tamen, mansitq; nihil intelligens, nullius habens memoriam, cibum non nisi illatum ori sumebat, conftercorabat se, ac etiam lectulo immingebat. Celsus uerò de uulneribus basis cerebri meminit. Si per basim os intelligat haud hoc uerum est, quòd semper mors sequatur, ut ille ait, quare incertum est quod uelit. Ceteri enim Galeni placita sequuntur. Ad hanc contradictionem possumus dicere quòd in Aphor. Galenus intellexerit per uulnus effatu dignum, penetrans ad cerebri uentriculum: sed obstant uerba succedentia, cum dixit, Fatentur omnes uulnera cerebri ad uentriculos peruenientia, mortem inferre. Alii legunt literam hoc modo, *καὶ ἀπαξ καὶ δ' ἰς κατὰ τὴν ἰωνίαν γ' σμύρνην*, id est, Et semel, & bis in Smyrna Ioniæ. Sed succedentia uerba non conueniunt: *ἔτι γὰρ τὸ διδάσκειν πῶς πῶς ζῶντος, ἐπ' ἀξιολόγῳ τῆς ὥσας*. Etiam enim dignis non, Etiam digno, legi debuit. Nec est uerisimile, aliud esse hunc, qui hic enarratur, adolescentem ab eo, qui in Aphorismis. Sed commodum uisum fuit ad tractandam materiam hoc exemplum etiam ad uulnus uentriculi transferre. Nam si non oportuit dicere in senio confecisse libros de Vsu partium: contigisse autem tempore intermedio casum hunc adolescentis secundum in eadem Smyrna urbe, in qua & alius acciderat, cuius meminit in Aphorismis: uerum denuò eius non meminisse, quòd non pertineret ad tractationem de uentriculis. Hæc sunt excogitanda ei, qui uelit Galenum pertinaciter à Græca leuitate tueri. Sed quàm uerisimilia sint hæc omnia, & non potius hoc, quòd duobus diuersa referentibus crediderit, aliis diiudicandum relinquo. Magis igitur credendum est priori sententiæ, Percusso altero uentriculorum, etiam anteriorum mortem necessariò subsequi: nam qui in adolescente hoc Galeno factum narrauit, Chirurgus fuit, ac etiam Græcus.

C O T R A D I C T I O V I I I .

Membra principalia an quatuor.

Quatuor sunt membra principalia: Cor, Cerebrum, Testiculi, Iecur. Galenus in Arte medica. Verum in v. i. de Vsu partium dixit, Membra trium sunt generum: quædam uitæ necessaria, uocanturq; Principalia: alia, quæ ad bonam uitam, ac commodam faciunt: alia uerò quæ ad horum utilitatē ac custodiā. Quare Testiculi non erunt membra princip

lib. 2. c. 3.
cap. 7.

principalia, non enim uitæ sunt necessaria: erunt autem Ventriculus & Pulmo. Franciscus Cassanus, in cuius scriptis hanc contradictionem inueni, quem iuuenem amicitiae nostrae mors detraxit, sic concordabat: quod Ventriculus & Pulmo non uitæ illico inferniunt, sed his in quibus uita primò consistit membris: Testiculi uerò ad salutem sunt speciei. Vel etià dicere possumus, in libro de Vfu, membra quo ad necessitatem uitæ considerari: hic uerò in Arte medica, quo ad uirtutem. Nec refugiam sic: Ventriculum & Pulmonem inter principalia collocare: oculos, aures, testes, inter ea quæ faciunt ad commodum uitæ usum: ungues, & palpebras, & cartilaginem aurium, inter ea quæ ad custodiam sunt.

1. de semine. c.
16. iuxta medium.

CONTRADICTION IX.

Hippocratis regio an temperata sit: Autumnus an pluuiosus esse debeat.

Galenus secundo de Temperamentis docet, regionem propriam, in qua natus esset, temperatam esse: natus est autem Galenus Pergami, ut in libro de eius uita conscripto docuimus: in quo conati sumus docere, quantum ingenio quis ualeat: cum ex priuati hominis gestis tam iucundam ac uariam historiam contexuerimus. Est autem Pergamus ab æquinoctii circulo distans partibus triginta nouem cum quartis tribus unius. At III. Aphorismorum dicebat quod regio temperata est, quæ est iuxta Coum & Cnidum. Cus uerò insula est ab æquinoctii circulo distans partibus trigintaquinque cum dimidio, fuitq; Hippocratis prima quondam, & nunc ferunt adhuc domum illius extare, cum gymnasio quod celebratur. Cnidus uerò borealior Coo est, distans ab æquinoctii circulo partibus triginta sex integris: est autem in Caria regione minoris Asiae, in maris littore super promontorio tantundem quantum Cus à Fortunatis insulis distans: quod fit, ut in directo ad unguem sit Cui insula parum ab illa distans, id est millibus passuum ferme x l. Quare non uidetur Galeni regio quæ borealior est Coo partibus quatuor esse temperata, cum non sit iuxta illam. Sed hanc difficultatem diluebat ipse in secundo de Sanitate tuenda, dicens, quod medium regionis eius, in quo erat patria Hippocratis, erat temperatum: non igitur tota regio Galeni temperata erat, sed eius regio temperata erat, quia medium illius tale est. Sed quomodo hoc sit intelligendum paucis accipe. Sunt apud Geographos, ut in libro super Ptolemæi placita diximus, paralleli x xii. & climata septem. Quod uerò illis est commune est, quoniam tam paralleli quam climata ab Oriente ad Occidentem extenduntur, dimidium terræ amplectentia, id est, partes centum & octoginta, uniuerso orbe iuxta

c. 6.

con. 14.

fol. 5, pag. 1.

cap. 23.

c Astrol

Astrologorum placita in partes ccc l x. diuiso:uerum Paralleli x x i sunt citra æquinoctii circulum, unus duntaxat ultra, ut primo Geographiæ Ptolemæi scribitur, distans partibus octo & dimidia: sed & ultimus post illum intelligitur oppositus ei, qui per Meroën Nili fluminis insulam, ac nunc usque ad antarcticum polum processisse Lusitani uidentur, ut sic parallelos extendere ad australem circulum oporteat. Sed cum sermo sit de his quæ Galeni tempestate erant cognita, tum quæ ad nostram pertinent habitationem, illis omisis, declarandum est, non de parallelis intellexisse Galenum, sed de climatibus: nam si ad nostrum referatur habitatio temperata, erit undecimus parallelus talis, nam hic ex x x i. medius est ad unguem. Verum cum Dia Rhodos, id est, qui per Rhodum transit, Parallelus sit Hippocratis patriæ, hic uerò non undecimus, sed decimus: constat non ex numero parallelorum mediam debere dici habitabilis terræ Hippocratis regionem, sed nec ex situ. nam quarta pars initium est primi paralleli, sexagesimatertia uerò ab æquinoctii circulo ultimi: quo fit ut medium habitabilis æquali sumpta ab extremis distantia sit pars trigesimaquarta non trigesima sexta. Adde quòd Cous ac Cnidus in decimo, Pergamus in undecimo sunt parallelo: non igitur regio Galeni & Hippocratis esse una potest: quare nec in medio regionis Galeni Hippocratis patria esse potuit: finis enim decimi paralleli, ad trigesimam octauam ab æquinoctii circulo partem extenditur.

At uerò si ad climata referatur hoc, rectè quidem procedet: nam cum septem sint climata, quartum ad unguem in medio est, ac clima quartum continet Pergamum & Coum ac Cnidum, nempe initium eius climatis est in trigesimaquarta parte ab æquinoctii circulo, finis in quadragesima: apparet igitur Pergamum Galeni patriam esse in extremo habitabilis temperatissimæ, id est climatis quarti, Coum uerò ac Cnidum in medio. Nec refert quòd Rhodus & Cous non sint in medio habitabilis iuxta climatum terminos. nam primum iuxta duodecimam partem initium accipit, septimum finitur ad quinquagesimam secundam: quò fit, ut medium hac ratione esset pars fermè trigesima secunda ab æquinoctii circulo, nam in his quæ non æqualiter procedunt unum medium statui non debet, sed plura, atque ipsa inuicem includi ac diuidi: sic enim fiet, ut medium secundum numerum, medium etiam sit secundum temperantiam: uelut in homine, si cor medium docere uelis esse, non protinus ab extremis distantiam fumes: nam non sic in medio erit, sed longè capiti, quàm pedibus propinquius: igitur hominem primo in uentres & extrema diuides. constat uerò uentres in medio extremorum habita comparatione collocari. Inde uentres cum sint naturalis, uitalis, ac animalis, horum denuò medius est uitalis, rursus in uitali medium est cor ipsum: atque

atque sic totius hominis cor medium possidet: quod non intelligentes quidam, frustra conantur Philosophum, qui hoc dixit, damnare. neque enim adeò ille excors erat, quin non uideret Cor ipsum æqualiter à uertice capitis, & imis pedibus non posse distare. Quare quadruplex est medium ratione Geometricum à proportionem, Arithmeticum à distantia, Musicum ab extremorum & differentiarum æquali ratione, & Naturale quod ex ordine constat: estq; id medium plerunque in operationibus, atque apud ipsum sensum rectè diiudicantem: nam sensus fallacis nulla mihi est cura. Igitur Dia Rhodos climatis medium, patriaq; Hippocratis, tum uerò & quæ in eo sunt parallelo regiones, ut Sicilia ferme tota, & Sardinia non leuis pars, regio exquisitissime temperata iuxta medicos dici debent. collocantur autem Cous ac Cnidus in prima Asia tabula: in eius etiam directo est Helleponti & Cilicia magna pars. Sed hic non leuis est dubitatio. nam Hippocrates in libro de Aëre & aquis inquit, Est uerò Asia regio hac nostra longè mansuetior. Quibus uerbis primò non se Asiaticum, sed Europæum profitetur: ac regioni suæ aliam antefert uelut temperatiorem, atque utinam haberemus Galeni quæ in hunc scripsit librum commentaria. Sed cum adeò Cous propinqua sit Doridi Caria parti ac Phrygia, Hippocratem minime Europæum dicere possumus. Verùm tribus modis respondere licet: uel quòd Chius fuerit, non Cous: nam Chius insula est iuxta Græciam in ultima Europæ tabula posita. Sed nemo Chium, sed omnes Coum dixerunt. Vel dicendum, quod malim, omnes regiones uicinas cùm à Græcis incolerentur, Græcas dictas, & ob id etiam Italia oram Neapolim uersus, Græciam magnam uocari tunc, passim etiam à Romanis ipsis solitam. Cyclades uerò insulas etiam tunc Coum comprehendisse: quæ cùm ex parte in Europa essent, omnes autem commercio Græcarum ciuitatum non barbarorum detinerent, sermonemq; ac instituta seruarent: quinimo accolæ ipsi essent omnes Græci, ideo Hippocratem Europæum potius, quàm Asiaticum se appellasse: quod ex Epistola etiam colligitur eius ad Hystanem præfectum Helleponti. Vel dic, quòd regionem suam Asia continenti comparat non ut diuersam, quia Europa fit, sed quoniam diuerso situ terrarum & aquarum Asia præcellat. Sed quomodo temperatissima est? Respondeo, coeli habita ratione solum, non cæterorum: atque sic eam generaliter Galenus considerat. Hippocrates uerò exquisitius, quoniam propriè de locis sermonem habiturus erat: constat etenim Sardiniam, quæ maxima ex parte in temperatissima regione continetur, ob propriam loci qualitatem, pessimum aërem habere, atque pestiferum. Igitur Galenus de coeli regione loquens temperatissimam protulit pa-

fol. 2. in initio.

triam Hippocratis: Hippocrates locorum habita propria ratione Asia continentem patriæ suæ prætulit: nam & Syriæ & Mauritanæ populi multi quamuis sub parallelo per Rhodum degant, maximis tamen caloribus affliguntur: ut etiam pars harum regionum, etsi situs ad æquinoctii circulum habita ratione sit temperatissima, attamen reddatur inhabitabilis, seu aquarum penuria, seu cœli inclementia, ut mox subiungetur. Sic fermè in eadem sunt regione Carmania deserta, Drangiana, Arachosia, Sinæ, Indiæq; pars, Parthia, Scythia, Aria, quæ omnes multis in locis non habitantur, plerisque uerò haud commode: quare non tantum clima.

cap.ulti. in fine.

co.9.cap.4.

parl. 1. co.
1. post princ.

lib. de aëre &
aquis fol. 4.

2. de tuenda
sanitate, ubi
supra.

in princ.

Sed Auerroës tamen in secundo Collectaneorum inquit: Quintum clima, in quo ipse natus erat, esse temperatius Quarto: est enim Quintum clima, in quo etiam Roma, & Italia magna ex parte, quæ uerè sic dicitur, continetur. Corduba in Betica Hispaniæ regione est: sed cum & ipsa sit in climatis quarti fine, non in quinto, non sic intelligo, cur Quintum clima Quarto prætulerit: ni sit quòd ex regione Borealiori foret, quæ Cordubæ urbi subiiceretur. Vt res ipsa se habeat, declarat hoc ratione: Temperatissima, inquit, regio est ubi breuissimus est autumnus: nam hoc tempus est in æquale maxime, ut 111. Aphorismorum, & primo de Temperamentis habetur à Galeno: in quinto uerò climate esse breuissimum autumnum colligitur ex primo Epidemiorum Galeni, ubi declarat, autumnum esse duorum mensium: apparet aurem, quòd in climate quinto non tantum extenditur: Septembri enim mense adhuc manet æstas, & ante Nouembris initium hyems irrumpit: quo fit, ut non possit autumnus tempus duobus extendi mensibus. Sed hoc rectè fecisset Auerroës si demonstrasset, quod dubium erat, nihilominus diceret etiam hoc supposito Galenus, non per totum clima quintum hoc uerum esse, sed ratione loci proprii Cordubæ contingere, & etiam si sic esset, non tamen quintum clima esse temperatius, quia temperamentum regionis apud Hippocratem intelligitur, cum calor æstatis minime à frigore Hyemis distat. nam uarietas autumnalis temporis, non ex climate, sed ob uentorum naturam potius contingit. Emendari uerò debet Auerrois locus, ut sic legatur: Et inter alias temperatior est terra Hippocratis. Sunt enim uerba Galeni.

Postquam uerò sedata est controuersia hæc multiplex, expedit ut doceamus, quinam sint loci, aëris habita ratione, salubres: tum, qui morbi & mores loca ipsa consequantur: demum, quibus modis in noua regione habitatio salubrior haberi possit. Igitur Hippocrates tres in suo libro de Aëre & aquis, considerationes attulit: à mutatione primam,

à remis

à uentis secundam, ultimam uerò à situ. Simul autem fermè expositis causis horum signa habebuntur, qua ratione Principi uisum est sufficere, ut de his inter causas tractaret, cum signa sint hæc à priori. quo fit ut nobilissima sit hæc tractatio non solum ob finem, qui per se est necessarius ac utilis, sed quia demonstrationes quæ in his habentur ut naturales perfectissimæ sunt: causam rei & rem ostendentes simul. Quod igitur ad mutationem temporum attinet, regulam generalem dabat Hippocrates in eo libro, Vbi tempora magnam suscipiunt permutationem, corpora non sunt adeò pulchra, sed sunt robustiora, neruis ualidis, agilia, audacia mente, industria pollent, crudelia, morbi acuti & uehementes: in temperatis uerò locis pulchra, languida, fluxa, timida, mitia, pingua, non magni ingenii, non solertia, & quæ faciliè decipiantur. Causam ingenii & solertiæ dabat Hippocrates, quoniam admiratio est causa studii, & inquirendi: ubi uerò permutantur tempora, ibi multa, & magna, nouaq; apparent: coguntur etiam se præmunire aduersus iniurias temporum. Si uerò frequens mutatio sit, ut Romæ, necessarium est multos apparere morbos, ut III. particula Aphorismorum. & etiam quia homines maximè aduenæ, non possunt esse adeò cauti in permutandis uestibus. sed si mutationes ualide cum hoc sint, erunt morbi etiam difficiles, non solum frequentes, ingenia uerò uiuorum mobilia, quare etiam infida: ubi uerò raræ, leuesq; mutationes, erunt fideles magis, ac constantes, morbi lenti ac diuturniores. Si autem in temporibus eueniant consuetis, erunt salubres regiones: in contrariis autem infalubres, ut ex Hippocrate colligitur. Ex permutationibus uerò generaliter quæ ad siccitatem sunt, salubriores sunt: quæ ad imbres, morbosæ magis.

fol. 2. in fine.

III. Aphorif.
8. & 15.

lib. x v l. c. 4.

Ventotum autem ratio sic se habet: Borealis omnium saluberrimus, hoc argumento probabat Plinius, quòd arboribus Austrum spectantibus, celerius diffuant folia, serius Aquilonem. Dicitur regio spectare Boream, quæ montem habet ab Austro, ipsa uerò ab Aquilone detecta est, & eleuata, ut inquit Rasius tertio ad Almanforem. Quia tamen Boreas nimis acer est, laudat ciuitates expositas orièti potius quàm Boreæ. Et hoc dicebat Iosephus Indus in sua nauigatione, uolens reddere rationē, cur in Caranganora ciuitate, quæ ab æquinoctii circulo distat fermè partibus quatuordecim, homines uiuant centenis annis, illæsis etiam dentibus. Dicit igitur, quòd ibi Euri fermè toto anno regnant. Ob id dico, quòd ubi ciuitas sit in malo loco, & in malo aëre, tunc domus & ipsa urbs debet exponi Boreæ: si autem sit in bono loco & aëre, exponantur domus & urbs ipsa orienti. Et hæc est concordia inter Principem, & Rasium. Sed post Boream ponitur Eurus etiam in expurgando aëre, post Zephyrus, qui ab Occasu spirat. Vltimus ac perniciosus est Auster, ut etiam I II. Aphorismorum. Est etiam considerandum, quòd Vitruuius docet in condenda

cap. 26.

cap. 135.

secunda
mi doct.
2. cap. 10.
5.

ciuitate effugere omnes uentos : at hoc ut est commodum habitatoribus, sic minus salubre: ille igitur rectè consulit commodo & decori : at Medicus aliter saluti : uterq; pro dignitate artis. Cùm uerò urbs consistit circumdata à tribus partibus montibus , tunc uni uento tantum exponitur : & si ille uentus etiam sit salubris, ut Boreas, Eurus uel : regio tamen incommoda est , ac insalubris , maxime aduenis , ob uehementiam illius uenti. Quare domus non debent, nec publicæ uiæ, illi uento exponi. Salubres igitur urbes sunt , quæ uel duobus aut tribus uentis , inter quos Austri non numeretur, expositæ sunt: item quæ omnibus etiam, ut quæ in cacumine montium. Boreas facit tussis, & fracturam uasorum pectoris, anginas, & laterales morbos, & coli dolores, & urinæ difficultates : facit autem corpora agilia, bene appetentia, colorata, densa. Austri autem facit grauitates capitis, uertigines, attonitum morbum, & articulare fluxa, languida, & malè colorata corpora. Euri & Zephyri minus mutant, sed ut diximus ex his salubrior est Eurus. Si autem singularem rationem in his consideremus , frequentes & ualidi morbos pariunt Austri auditui, Aquilo nocet oculis magis : si etiam suis temporibus in ea regione flant, salubriores : si alienis, morbosi. Videre etiam successione bonum est : nam Boreas Noto succedens magnos facit morbos, peripleumonias, & phlegmones sub costis. Similiter & à qualitate loci, ut Princeps inquit : nam si ex loco æstuoso, & desertis uenerint Austri effectum gignunt, etiam si sint Aquilonares : at contrà, ex frigida regione Austri etiam parum aut nihil nocet : in Euro tamen & Zephyro hanc rationem obseruare iubet nos Princeps, ut si Eurus manè spiret, aut Zephyrus uesperis, salubriores sunt: quoniam ex loco, quem iam sol repurgauit, spirant: at contrà insalubres, si Eurus uesperis, aut Zephyrus manè perflauerit. Eadem ratione si cui mons niuibz obfusus ab Austro positus sit, Austri illi urbi humidioris cuiusdam Boreæ uicem obtinebit. Ciuitates igitur quæ malè quo ad uentos positæ sunt , trium sunt generum : aut enim omnino à uentis non perflantur, & hoc quia in humillimo loco sunt : & de his dicebat Rasis , quòd incurrunt lippitudines , & oculorum alios morbos : & similiter si habuerint uentos humidos spirantes ac corruptos, ut ex aquarum stantium, & paludum locis. Circa quod scire expedit , quòd malus aër primo nocet capiti, secundo uitalibus membris, & ultimo naturalibus : aqua uerò mala nocet primò naturalibus membris, & post capiti, ultimo uitalibus membris : ideo ubi solus aër malus est, non fit hydrops ex hoc, nec regius morbus. Primò igitur nocentur illorum capita: quòd si caput ualidum fuerit, & oculi mediocres, aut debiles, oculi infestantur , cerebro quod illi noxium est ad eos expellente, iuxta regulam generalem: Membra robusta superflua mittunt ad debilia,

secunda primi doct.
2. cap. 10.

lib. 3. c. 26.

lia, ex Galeno in libro de Venæ sectione. Secundum hoc igitur tres ut legerent profecti sunt ad urbem ubi malus est aër, ratione qua inferius docebimus. Igitur primus erat senex, & habebat cerebrum & oculos ualidos: secundus erat iuuenis, & habebat caput ualidum, oculos mediocriter robustos: tertius iuuenis cum debili cerebro. Primus igitur capite & oculis illæsis, febre longa correptus mortuus est, quia erat senex: secundus oculis laborauit, & febre à qua liberatus est, erat enim iuuenis: tertius correptus est phlegmone cerebri, uel membranarum eius, & mortuus est: pauci enim cum euadant ex his morbis, quantò minus ille euadet, cui morbus propter aërem accessit? cum aër potuerit ex sano euertere ad morbum, quomodo igitur reluctante aëre sanabitur? Et sic quasi manifestum est, quòd potuisset quis naturam loci agnoscens, diuinare quod cuique uenturum esset. Igitur modus, situs urbis malus, quo ad uentos, alius est ubi aër malus natura spirat, ut Ausfer: uel propter naturam, ut Zephyrus si à palude, uel Eurus. Tertius est cum fuerit urbs inter duos montes detecta à Meridie & Septentrione: uel si fuerit conclusa ab omnibus partibus, præterquam ab Austri, uel Boreæ parte: nam tunc maximè aduenæ non sustinebunt tantam uim uentorum, etiam salubrium, absque magna noxa. Qui tamen excipiunt Boream, erunt ualidi dum ualent, & bene colorati: qui Austrum, nec sani bene se habebunt.

In causis autem accidentibus loco, ab Hippocrate in libro de Aëre & aquis dantur tres generales differentie locorum, à quibus docet reliquas uenari: per maximè enim distantia apud Hippocratem media docet Galeno teste. Prima igitur est, Montuosa regio, aspera, & aquosa, ac nuda, facit corpora magna, robusta, crudelia, incolumia: excipit enim ualidas aëris mutationes: unde etiam fortia animo sunt. At contrà, concaua, æstuosa, & pratis abundans, corpora enervata facit, animos molles, ac mites: quòd si flumina stantes aquas deduxerint, & perflata fuerit, incolumis habitatio erit, & colore bono indigenæ præditi: si autem aquæ stagnantes, morbi, ac uitia lienis, ac uentris: & color malus indigenis. Secunda uerò differentia est: Alta regio, aquosa, perflata, corpora magna habet, & animos mansuetiores: depressa uerò, arida, & non perflata, aspera, parua, corpora efficit flaua: animos autem rigidos, ac contumaces. Nudam igitur uocat regionem quæ lucis & arboribus non est obsepta. Montuosa ab Alta differt, quòd inter lapides sit, & longè eleuatiore, aliquando etiam depressior: nam & hic per montuosam intelligit eam, quæ in radice montis est sita. In prima igitur complicatione tria habet, Montuosum, Asperum, Nudum: in secunda, Altum, & Perflatum: sed in utrisque Aquosum, quod commune est: in contrariis contraria. Quare manifestum est, etiam Depressam à Concaua differre: nam Mediolanum depressam habet

in fine.

bet regionem undique à montibus multum distans: Scarperia uerò in loco est concauo, & quæcunque urbes inter montes positæ sunt. Tertia differentia est, quòd urbis in pingui solo, & ubi putei aquæ sunt sublimes, ac parum profundæ, homines sunt pingues, glabri, somnolenti, paruo ingenio, misericordes, pigri, inuidi. Vbi uerò arida regio frigoriq; hyemis, ac æstiuo calori subiecta, tum aquæ puteorum profundæ, homines sunt graciles, hirsuti, uigilantes, subtili ingenio, crudeles, laboriosi, iracundi. Hæc igitur in genere dicta sint.

Cum uerò ad singularem aëris cognitionem deuenire propositum fuerit, primò quidem in aëre tres differentiæ hæc solent considerari: ut sit bonus, aut malus: subtilis, aut crassus: & quæ qualitas ex primis in eo præualuerit. Horum omnium signa ex duobus excipiuntur: ab effectu, & à causis. Causæ autem sunt, ut mare, flumina, ostia fluminum, terræ qualitas, paludes, imbres, montes, specus, luci, arbores, herbæ, animalia. Igitur ab effectu dignoscitur aër bonus ac malus, ut Princeps docebat, & Rasis: quoniam malus aër præfocare nos uidetur, ac quasi os uentriculi, & cor comprimere: bonus autem delectabilis est, ac nos quasi recreare uidetur. Aliud signum ab eodem ponitur, cum mala qualitas percipitur in eo, ut sit quasi puluerulentus, foetidus uel, aut turbulentus. Dicebat etiam Princeps, quòd abundantia reptilium declarat aëris corruptionem. Certius etiam signum sumitur ab euentu: nam ubi homines malè colorati, inualidi, & breuis uitæ, ac morbis abundantes, ibi aërem malum esse, credendum est. Sed quia hoc etiam uitio aquæ prouenire poterat, ad morborum differentias deuenire oportet, atque ob id hoc certissimum signum ab autoribus est permissum: inquit enim Hippocrates, Morbi Epidemii aëris, uel aquarum uitio prouenire possunt. Morbi igitur ex aëre cerebrum maximè infestant, unde grauedines, angina, lippitudines, resolutiones neruorum, attoniti morbi, surditates, capitis dolores, & phlegmones. Ex aqua autem hydrops propriè, & difficultates, ac leuitates intestinorum, regius morbus, urinæ stillicidia, ac uesciæ reliqui morbi, uiscerum durities.

Quintum signum à Principe est positum, frequens aëris in die permutatio ad calorem frigusue, turbulentiam & claritatem, serenitatem & nebulas: sed hoc magis ad causam attinet. Vltimum uerò ponitur à Vitruuio, & est antiquorum in castris deligendis, ac urbibus condendis, uitimas non paucas mactabant, & iecora inspiciebant: unde postmodum usus in religionem transiit: nam pingue rubrum, cum adipe candido, salubrem aërem & aquam loci in quo uictima depasta est, nuntiat: lapidosum autem aquas terreas: adipe subcroceo, aut flauo, corruptas: macilentum malum aërem, tum magis si subnigrum fuerit, uel liuidum: sub-

albid

Secunda primi doct.
2. cap. 11.

3. ad Almaso.
25.

prima quarti,
tract. 4. c. 3.

albidum rursus iecur, malas aquas. Communes fermè aquarum & aëris uitis sunt febres, ac morbi alii, quicunque ex putredine primò generari solent: aër tamen magis acutis proprius est, aqua diuturnis. Subtilitatis uerò aëris, ut dicebant Princeps & Rasis, proprium est signum, quòd uesperì ab occasu solis celerrimè refrigeretur, & mane ab eius ortu incalasciat: crassus utrunque serius facit. Aliud est signum, ut exhalationes terræ à longe uideantur: si quidem in crasso hoc non fieri potest: multò minus in turbulento. Eadè ratione etià minimæ stellæ, atq; ideo plures per noctem conspiciuntur in subtili, quàm in crasso aëre. Calidus ac frigidus aër sensu percipiuntur: siccus & humidus, ut naturales docent, ex lapidibus politis deprehenditur: nam in humido aëre semper madent, cum in sicco sint sicci. Dignoscitur etiam ex spongia aëri in nocte exposita sub tecto: nam si humescit, aër humidus est: & quanto magis etiam maduerit, eo humidior denuntiat illum esse: si uerò sicca permanferit, siccioris etiam coeli est argumentum. Generatio etiam multorum reptilium non aëris tantum, sed soli etiam humidioris est indicium: quare hæc de signis dicta sint.

Effectus autem qui ab his prodeunt hi sunt: Malus aër omnibus malus: maximè uero languidis, aduenis, capita habentibus debilia, humoribus malis plenis corporibus, intemperatis, ociosis, & studiosis: uitam decurtat, morbos parit, tædium cibi, tristitiamq; affert, languidum corpus reddit, & male coloratum, canosq; accelerat. Bonus non omnibus utilis, cum aliqui contrariam requirant suæ naturæ ultra bonitatem temperiem, opposita tamen prædictis generaliter efficit. Subtilis prodest inferioribus membris, iuncturis, ingenio: nocet diuturnitati uitæ, sed per accidens prodest, nam plerumque est omnium malarum qualitatum expers. Malus in morbis uagantibus, proprièq; pestiferis, nocet capiti, homines reddit laborum impatientes, acutosq; parit morbos. Crassus uerò minus attenuat, ob id magis confert uitæ & capiti: nec acutos morbos, nec contagiosos adeò fouet: nocet iuncturis, uitalibus membris, partibusq; inferioribus: hebetiora facit ingenia, sed laboris patientia. Calidus facit enervata, decolorata corpora, agilia, laboris non facile patientia: nocet iecori, & uentriculo: iuuat cerebrum, & pulmonem: cordi est obnoxius, maximè infueto: ingenia facit acuta, mobilia, infida: cum humido si iungatur longitudini uitæ confert: cum sicco plus nocet quàm frigidus: nempe Garamantes cum in calidissima & sicca sint regione, non ultra quadragesimum annum uiuunt. Frigidus autem robusta, colorata, laborum patientia, fidelia, pertinacia, non agilia, obtusosq; ingenio: nocet cerebro, & pulmoni: iuuat cor, iecur, uentriculum: cum sicco uel humido mediocrem præstat uitam: nam & Lapones fer-

f mè ut

mè ut nos uiuunt : sunt autem Lapones in frigidissimo cœlo : & ibi , ubi antiqui ob cœli inclementiam negarunt ullam esse habitationem. Siccus uerò aër ut omnes morbos à putredine natos tollit , sic uitam maximè decurtat : corpora uero facit hispida , parua , aspera , non pulchra , macilentia , laboriosa , moresq; agrestes. At humidus glabra , pingua , magna , mollia , formosa , eneruata : mores mansuetos , & ab iracundia & crudelitate alienos : longitudini uitæ multum confert : sed morbos à putredine plurimos generat , ulceribus maximè noxius.

Exteriorum uerò causarum ratio sic constat. Mare quatuor modis iuxta Aueroem salubrem reddit habitationem. Primò , quia falsedine corruptioni resistit : secundò , humore confert ad uitæ longitudinem : tertio , quia spirant semper uenti perpurgantes aërem : quarto , quia temperat aërem ut hyeme , & in frigida regione sit tepidior : æstare uerò & in calida regione sit mansuetior : cuius causam ipse docebat in secundo Meteororum. cap. 2. Flumina uerò uelociter currentia aërem attenuant : faciuntq; corpora macilenta , tenuia , mobilia , crudelia , infida. Coenosa uerò , & quæ tardè mouentur , ut Padus , corpora minus ualida reddunt , & sana : contentiosos homines mansuetiores , atque fideiiores. Ostia uerò ubi flumina mare ingrediuntur , aërem corrumpunt : causa est , quia dum mare æstuat , æstuat autem duodecim horis singulo die , fluminis aqua retinetur & in halitus transit , aëremq; non leuiter corrumpit. Fit etiam ut terræ qualitate argumentum de aëre sumamus : dicebat enim Rafis , 3. ad Alman. 26. Terra rubra aëris ostendit bonitatem : nigra uerò uitium. De Paludibus omnes consentiunt Vitruuius , Princeps , Rafis , ac alii omnes , quod aërem corrumpunt , adeò ut pestifera reddatur habitatio : mare si proluat illas , minuit earum detrimentum. Illud obseruandum est , aquas illas esse deterrimas , ubi soli innascuntur iunci , atque agrestes arbores , usuiq; humano quo ad cibum inutiles. At ubi in ripis apparet salix frequens , & holera humano usui apta , tum odorata plantæ , aqua ea parum aut nihil aërem inficit , ac à uiatoribus tutò potest bibi. Cauendum etiam est ab ea , quæ uiridem obduxit in superficie mucum , putrida enim est : tutissimam uerò , & minime mala est , in qua squamosi pisces degunt , ac ea semper absque periculo bibitur : nam non omnis etiam fluminis unda innoxia , ut Seneca & alii referunt autores. Sic & uenti immodici ut magis incommodi , sic minus insalubres : mediocres , & mites deteriores , quamuis iucundiores . quare uicina palus magis nocet , ubi nulli aut mites uenti folium sunt , aut si ex aduerso exitus non pateat . hoc enim summum malum : unde Montes à septentrione positi , cum Boream non admittant , plurimum nocent , si paludes , aut aquæ stagnantes , aut imbrium copia soleat

lib. 3. natural.
quæstionum.
c. 25.

soleat eam regionem madefacere : indigent enim ualidis uentis regiones, quæ aliquo horum uitiorum laborant : optimus autem ex his Boreas, ut qui aërem expurget, & attenuet: post Euris, ac deinde Zephyrus ratione superius expressa. Auster uerò per se inutilis est: si tamen ualidus sit, quanquam aërem condenset, ubi mala qualitate paludis, aut imbrium, uel aquarum stantium inficiatur, non parum prodest: debet tamen halitus auferre ab urbe, non inferre: unde si ab urbis boreali regione palus adesset, salubrior ei urbi erit Auster, quàm Boreas: nam hic infert pestem ciuitati, ille quàm longissime auertit eam. Hac igitur ratione Sardinia insula omnium regionum insaluberrima habetur: nam tres aquas habet, Hypsitana, Lesitana, ac Neapolitana, à meridie stagnantes omnes: à Boreæ autem latere Manomenos montes, insulam ferme ab Oriente in Occidentem dissepcentes: quò fit, ut cum calida sit regio (nam & hoc facit ut paludes & aquarum copia noceat maximè, cum in frigida parum obfint) eleuati halitus à Borea nullo modo expurgari possunt, ab Austro uerò etiam conculcantur ac retinentur: ob id pestilentissimam eam esse regionem iam necesse est: sed non totam, neque eodem modo, nec omnibus æqualiter, differentia tamen hæc semper obseruanda in montibus est, quòd sublimes etiam à longe coelum immutant, humiles nõ nisi cum imminet. Ciuitates uerò quæ fluminibus magnis diuiduntur, aut in montibus sitæ sunt, ac locis inæqualibus, omnes ad seditiones sunt promptissimæ, uicem enim duarum aut plurium gerunt urbium, ut Roma, Florentia, Sena: quæ uerò cum hoc eneruatæ sunt dominantium arte, quamuis ad seditionem ob mollitiem animorum non erumpant, similitates tamen inter se gerunt graues, & ob id publicum commodum negligunt. Omnis præterea ciuitas in radice collis posita, uespertinos uentos noxios habet, cum arctis uallibus proxima fuerit, ut Bononia. Aquæ uerò Thermarum calidæ aërem uitiant: sed non adeo malè afficiunt, ut robusta corpora, quæ calida non sunt, lædant: quoniam à putredine procul absunt: ipsam tamen ac febres in debilibus accersunt uitiatæ concoctione: & in calidis ob intemperiem. Similiter & imbres copiosi, ut diximus, in calida regione, uel si æstate decidere soleant ante tempus, aërem corrumpunt: in frigidis autem regionibus temporibusq; , parum nocent hominibus, sed potius segetibus: intempestiua autem omnia quæ in regionibus ob situm eueniunt, insalubrem eum reddunt.

Porro qualis sit natura Anni, secundum proprium cursum dispositi, docebat Galenus in primo Epidemiorum dicens: Initium Autumni est exoriente arcturo, qui xii. diebus ante Autumnale æquinoctium solet exoriri: tuncq; uenti frigidi spirare solent, & imbres cadere: inde usq;

Prolemæus li
bro 3. geogra
phiæ. c. 3.

pticula j. c6.
j. post princ.

ad Vergiliarum occisum sensum augetur frigus, donec tunc sensibile augmentum sumpsisse uideatur. post usque ad uernum æquinoctium consistit uincente frigore: ab eo ad Vergiliarum ortum mutationes plures, sed temperatę, moderatęq; accessio fit. iam ab ortu Vergiliarum ad Canis ortum calor augetur cum siccitate. Sub Canis autem ortu spirant Austri: mox uenti Etesię cum maximis imbris, ad Arcturi denuo exortum usque perdurant. Idem tertia Aphorismorum fermę, sed breuius: inquit enim, Autumni natura pluuiosa est: Hyemis nec ex toto serena, nec immodicę frigida: Ver pluuiis leuibus scatens: Aestas uerò etiam magnis, sed tempestiuis. Hęc est anni naturalis constitutio generalis: uerum apud nos Vere uenti non leues spirare solent, qui morbos laterales creare in rusticis, ac non se custodientibus solent: in aliis autem loci parere salubritatem, ut si non spirent, locus reddatur infirmior. Cum igitur annus naturalem seruat habitum saluberrimus est: cum plurimum euariat, morbosus. Hęc igitur si in regione propter situm singulis contingant annis, regio ipsa redditur insalubris. Sunt & specus ingentes ut

c. 21. Anfancti, & de quibus dicebat Seneca in tertio Naturalium quęstionum, qui morbosam reddunt regionem, imò pestiferam: non omnes, sed hi tantum, quos nemo absque uitę periculo ingredi potest. Sunt & luci, tamen in his duo spectanda sunt, aut enim ab Oriente uel Septentrione positi uentos ne urbem purgent impediunt: uel mala qualitate nocent, ut Princeps dicebat, enumerans in his Nuces, & Ficus & arbores amari corticis, ut etiam Taxus: hę enim arbores aërem corrumpunt propria qualitate, & quęcunque atrum habent odorem. similiter & in herbis inter quas Princeps Erucam & Caules, Theophrastus Abrotinum, ac alias enumerat, quę sensu facile deprehenduntur: quęcunque olent male, aërem uitiunt atque corrumpunt. quędam uerò quia putrescunt, ut copia fimi, & linum aquis immersum: sed hęc urbes uitiare non possunt, uillas possunt. Plinius uerò in arboribus probabat Alnum, Vlmum, Populum, Platanum: atque generaliter regulam dabat pulchram: omnes arbores longo pediculo salubritati aëris conferunt: quę breui, nocent. Rursus etiam, quęcunq; imbrem, dum defluit admittunt, salubres: quę foliorum frequentia impediunt, uenenosę: ut Abies, Pinus, Picea. Si igitur syluę ex his cõstent iuxta urbes, aër corrumpitur, maleq; in eis homines degunt. Sed nõ leuis occurrit dubitatio: dictũ enim est, arbores amari corticis aërem corrumpere: at Theophrastus docet, omnes arbores olentes esse amaras, has autem emendare aërem clarum est: ut Luniperus, Myrtus, Medica, Laurus, Limonium, Thus, & inter herbas Lilium, Lafer, Asarum, Cyperus, Libanotis, & Amaracus: tum Rosę præcipua dignitate: quo modo igitur obesse simul aciuuare possunt?

Dicend

2. primi doct.
2. cap. 5.

lib. 17. c. 12.
lib. 17. cap. 4.

lib. 6. c. 13. de
plantarũ cau-
sis.

Dicendum igitur, solum inodoras, uel malè olentes quæ amaræ sint, aërem uitare. Corruptum & illum uenenosæ herbæ, ut Toxicum: At graues odore, sed non malè olentes, quandoque in humidioribus locis iuant, in calidis ac siccis, nocent ut, alea, porri, cepe, draccontium. Sic & animalia quædam emendant corruptum aërem, ut equi: quædam bonum corrumpunt, ut serpentes. sed hi parum in Italia nocent: ac etiam in Europa. Bombyces tamen qui sericum efficiunt, non leuiter aërem afficiunt. tum cadauera multa, ut in magnis cladibus quæ urbibus uicinæ propter prælium eueniunt. his omnibus si aër uitiosus sit, & à quibus, & quomodo uitietur, dignosci potest.

In euitanda autem iactura primum illud scire, expedit: an omnibus malus sit aër, an tibi fermè soli: nam ut dicebat Hippocrates, Quædam ætates ad tempora, & loca, ac uictus genera, uel bene, uel malè se habent: nam, ut declarauimus, locus calidus frigidis conuenit temperamentis, humidus siccis. Quædam etiam peculiari ratione nocent, ut tabescentibus falsus, debilibus, ac his qui raram habent cutem, subtilis, aut perflatus nimis. Vnde nobis Papiæ aër noxius est, salubrior Mediolanensis: nec obstat patriæ ratio, quæ mihi forsitan obiici posset: natus enim sum Papiæ, ac ibi ad quintum usq; educatus annum, cum pater ac mater pestem, quæ tunc in urbe nostra grassabatur, effugissent. Igitur si possumus in cunctis locorum uitii causam auertere, optimum est: si non, his modis cauendum est: Primò quidem uictus ratio loci uitio opposita sit: frigidis cibis in calida, siccioribus in humida, crassis in subtili, subtilibus in crasso aëre: in corrupto autem semper his tribus conditionibus odoratis, nempe acidis, & temperatis, non subtilibus: facilius enim corrumpuntur: nec crassis, quoniam obstruunt. Eligenda uerò est habitatio in loco maximè à causa aduersa remoto, perflato, ac sublimiori urbis parte: hæc enim tria si in unum conspirent, multum iuuabunt: sin minus, ordo ex uerbis in eligendo erit seruandus. Princeps autem docuit, quonam pacto aër emendetur, sole admissò intra ædes, ut quàm diutissimè eas collustret: secundo, si Boreæ uento pateant: cum enim exceperint frequenter repurgantur: proximus est à Borea Eurus. Si igitur locus aërem habeat bonum, ædes Oriente & Occidente pateant: concludantur uerò à Meridie, ac Septentrione, aliter erunt incommodæ. Si autem aër sit uitiosus, pateant Orienti, & Septentrioni, ab aliis partibus ocludantur: si tamen, ut à Meridie amplis fenestris soli exponantur, cum lucidissimo die, ac sereno, Sol terras illustrat: aliis temporibus minimè aperiantur. Noctis præterea, ac utriusque crepusculi, dieiq; initium, medium, ac finem deuitent, ne per ciuitatem ambulent, nec flante uento: ut uerò sic malum, ita optimum ab eorum flatu, & ab imbrium casu urbem perlustrare. Quod autem opti-

3. Aphorif. 3.

Secunda primi doct.
2. cap. 11.

mum est, ut ab æquinoctio autumnali leui serico, ac inferius corto, usque
 ad uernum perpetuò caput integatur uniuersum: hoc enim aëris iniu-
 rias maximè arcet. Exerceri conuenit diutissimè hominem, sed leuiter, ac
 citra non solum lassitudinem, sed etiam tædium, ut exercitium illud iu-
 cundum etiam sit. Coitu frequenti abstinendum, expurgandum etiam
 lenientibus corpus ab initio: ac sensum ut loco assueueris, relinquenda:
 immoderantiæ omnes fugiendæ sunt, exercitationis, cibi, potusq;: so-
 mno tamen copiosius indulgendum: habitare in hypocausto hyemis
 tempore conuenit: sic tamen ut flabellis, si aliter fieri nequit, aër expur-
 getur, ac moueatur singulis diebus, fenestras aperiendo qua parte est sol,
 aut uentus auxiliaris spirat: ibi etiam, & ubi dormitur, ac etiam summa
 æstate ignis accendendus: aërem enim emendat tum maximè odoratis
 inspersis: hyeme ex thure & lasare, ut etiam perpetuis noctibus ardeant:
 æstate uerò ex rosis ac santalis, lasare modico exceptis. cum uerò quis do-
 mum exit, aurei mali corticem, aut medici, aut cyrenaicum succum cum
 aceto semper in ore contineat: multum enim confert, ac etiam graueo-
 lentiam oris corrigit. Habeat & uiridarium ex odoratis herbis, myrto
 maximè, rosis, uiolis, liliis, limuniis, libanotide, gariofilis, medicis malis,
 cotoneis, amaraco, sed super omnia acidum spirantibus, qualem refert
 Theophrastus esse malum punicam: talis est & labrusca. Absint da-
 mnatæ arbores iam, & præter has omnino etiam Buxus, Sambucus, &
 Hedera, quæ frequenter in nostris uiridariis ob pulchritudinem haberi
 solent. In locis præterea, quos uenti inficiunt, terrena casa inhabitanda
 est: in sponte uerò malis, domus fastigium.

1. de Hist. plā.
 cap. 19.

Ex 25. Prob.
 Problema.

CONTRADICTION X.

Pili nigri abundant in temperato cerebro.

cap. 6. ante
 med.

cap. 5. iuxta fi-
 nem.
 prima tertii
 tract. 1. cap. 16.

cap. 7.

lib. 1. cap. 63.

lib. 4. c. 63.

Nigrorum autem & frequentium pilorum generatio, cerebri tempe-
 rati nota est: secundo de Temperamentis. & rursus ibidem inquit:
 Florentibus ætate pili robusti, magni, ac nigri. dixerat uerò antè infanti-
 bus ipsis nullos adesse: quo fit, ut de temperata natura loquatur. Aui-
 cenna etiam temperato cerebro in iuuentute decernit capillos rubeos ad
 nigredinem tendentes: sed Galenus in secundo Artis medicæ dicit, quòd
 adultis capilli sunt flauis, de cerebro loquens temperato. sic Pàulus, Aë-
 tiusq;: quamuis Aëtii interpres denuò, ut diximus, labatur. Excitauit
 hanc cum sequente difficultatem Christophorus Nouatus Ianuensis: atq;
 utinam facile tam esset dissoluere dubitationem. Possumus primò dicere,
 in libro de Temperamentis, Galenum loqui de ætate consistente, in libro
 Artis medicæ, de adulta, florenteq;: sed ut rectè animaduertit qui pro-
 posuit difficultatem, est enim ingeniosus, ac eruditus noster hic auditor,
 indiffe

indifferentem ad ætates in prima autoritate Galenus sermonem protulit. Adde quòd in secunda de florenti expressè loquitur: tum uerò quòd raris, aut nullis, post florentem ætatem capilli nisi ad canitiem in colore permutantur. Possumus secundo dicere, quòd in Arte medica loquitur de temperato cerebro in temperata regione existente: at in de Temperamētis, de illo, quod secundū propriā regionē Galeni habebatur. Et si quis dicat, quòd regio Galeni, ut uisum est, frigidior erat Hippocratis regione, temperataq;: respondet Brasauolus, regionem Hippocratis non fuisse temperatam sola ratione elongationis à circulo æquinoctii, cū Rhodus ac Mauritania maximo premantur æstu, quæ in directo sunt Coi. Quamobrem stat Pergamum fuisse calidiorem Coi, ac Cnido, quamuis sit Bo realior. Verum, ut Brasauoli sentētia uera est, ad aliud instituta propositum, sic ex ea non licet soluere contradictionem: quoniam constat in his locis suam regionem Galenum frigidiorē iusto æstimasse. Quòd uerò Rhodus Italis ac Gallis calidissima uideatur, indicio non est, illam non esse temperatam: quandoquidem cū Germani in Italia præ æstu moriantur: non tamen dicendum sit, Italiam æstuosam esse regionē, sed temperatam. Accidit uerò hoc ex noctiū potius breuitate, quā terrarū situ. Forſan dicere posset aliquis, quòd Galenus per Nigrū intelligit, ut Auicenna, ad nigredinem declinantem. Sed hoc non, quia inter flauum & nigrum adhuc ex capillorum coloribus fuluus est medius. Respondeo igitur, quòd per nigros pilos, seu capillos (nam alii non propriè in capite ab his pili generantur) intelligit omnes coloratos, seu flauos, seu fuluos, seu nigros, quia nigrū hīc caluitiei opponit. Cū igitur tales capilli frequentes fuerint, temperamentum cerebri in humido duntaxat & sicco ostendunt: nam sicut caluitiē dixerat fieri ex sicco, capillos uerò cādidos ex humido, sic frequens pilorum ortus in capite, non candidorum, temperamentum arguit in sicco & humido: ut uerò etiam temperatum sit in calido ac frigido, non solum ut non albi sint, seu nigri, uerum ut flauos requiratur. Auicennæ uerò sententia pro regionis calidioris uarietate uera redditur, fuit enim Mauritanus.

CONTRADICTIONE XI.

Galenus scripsit de medicamentis à proprietate agentibus, in libro de Simplicibus medicamentis.

QUæ experientia tantum deprehendit medicamenta, ea in iis operibus scripsimus, in quibus de Medicamentis agitur: uno quod de Facultate eorum inscribitur, altero quod de Compositione, & tertio quod de Facile parabilibus. in quibus operibus ostendimus, quænam ex sola experientia, quænam ex sola ratione, quænam ex ambabus inuenta sint medicam

cap. 6. in fine. dicamēta tertio decimo artis Curatiuæ libro Galenus. Dubitabat merito idē Christophorus, quomodo hæc ille in libris de Simplicibus medicamē-
 cap. de Abro- tis explicauit, cūm dicat in sexto de Simplicibus, At de facultatibus quæ
 tono. sola habentur experientia postmodum dicam: ubi prius sermonem eorū
 quæ calido frigidoq; humido, ac sicco, tum de his, quæ ad has consequuntur
 absoluerō. Et rursus, dum de Pæonia agit, loquens de his, quæ collo appēsa
 contrad. 2. iuuant, ut superius diximus, Forsan, inquit, de his aliquando conscribam
 cap. 1. seorsum. Sed clarius libro octauo: Quantum itaq; reliquum est facultatis
 secundum naturam, id hoc libro dicitur: nec id quidem omne, sed tantum
 efficientium qualitātū actiones: nam totius substantiæ plantarum opera,
 postea priuatim exponam. Hoc uerò non facit hoc in libro, ut manifestè
 liquet, dubitabat ille, nec prorsus alio: neq; enim uerum esset quod in arte
 dixerat Curatiua. Accedit quod nos adiicimus, non unum esse librum
 componendorum medicamentorum: nanq; & liber est de Antidotis, de
 Theriaca, de Medicamentis per genera, & secundum locos. De quo igitur
 intelligit? Prima dubitatio facilè dissoluitur: nam non in libris de Sim-
 plicibus medicamentis hæc scripsisse refert: sed in libris de Medicamentis,
 quibus illa tria genera complectitur. peculiari autem tractatione intelli-
 git, in libris de Medicamentis simplicibus ea descripta, quæ ratione sola
 inueniri possunt: in libro de Facilè parabilibus, quæ sola experientia: in li-
 bris autem de Medicamentorū compositione, quæ ex utroq; cōstant. Ex
 quo patet, toties promissum libellum de Medicamentis à substantia tota
 agentibus, eum esse, qui de Facilè parabilibus inscribitur, eumq; debere
 tum primum sequi librum de Simplicibus medicamentis. Verū illud
 iam mirum uidetur, quòd in eo qui geminus existimatur, nihil tale uide-
 tur contineri: uix enim duo aut tria talia sunt in eo medicamenta, quæ à
 tota agant substantia: uelut hederæ succus ad atræ bilis uomitum. Cūm
 uerò ad Glauconem, ut ibi testatur, scriptus sit, uel falsò id, sicq; hic Gale-
 ni liber minimè est, uel duo erant: nam quatuor mentionem facit in libro
 cap. ad Coxē- de Propriis libris: quare uerisimile est duos fecisse libros ad Glauconem
 dicum & Pe- de Facilè parabilibus, nam ibi illos non disjungit, ut nec eos qui extant
 dum doloris iuxta finem. cap. 6. de Propriis libris: quare uerisimile est duos fecisse libros ad Glauconem
 de Facilè parabilibus, nam ibi illos non disjungit, ut nec eos qui extant
 artis ad illum curatiuæ. Verisimile est autem eiūdem ex hoc fuisse am-
 bos argumenti: quorum primus qui extat, cūm de Facilè parabilibus ra-
 tione sola inuentis esset: secundus medicamenta complecteretur à tota
 substantia iuuantia: quæ experimento solo cognita sunt. Verū alio-
 rum, qui spurii creduntur, neuter Galeno dignus est: quinimo omnia
 prætermittit, quæ ille probabat iam, ut Pæoniam, Alysson, cinerem
 cancri, succum cyrenaicum, uiperæ purpureum filum, iaspidem, Hie-
 racitem, uiperarum carnem, uerbenacam, Testudinis sanguinem, ster-
 cus humanum, caninum, lupinum, cochleam Aphricanam uarii colo-
 ris,

ris, cornu ceruinum molliſſimum nuper nati cerui exactiſſime uſtum, lapides in ſpongiis reſertos, omnia præterea deleteria, alexipharmacaque, quæ citra apparentem nocent qualitatem, tum omnia expurgantia medicamenta. Quemnam uero librorum ibi intelligat ex his quæ ibi dicuntur, cum de uenenatis iſtibus ſermo habeatur, uerifiſimile eſt illum uniuerſam eorum materiam quaſi ſub uno genere amplecti, aut igitur multa ut interciderint, quod magis exiſtimo, neceſſe eſt. Vel ſi nunc iuxta noſtram *παλιγγέννησις* etiam uiuat, recordetur uero ſcripſiſſe quæ ſcripſerit, ipſe ſibi negotium non leue ſit faceſſurus.

CONTRADICTION XII.

Aër an putreſcat.

Aeris conſtitutio peſtilens quæ in ſumma illius erat putredo, qualis ab Hippocrate in tertio Epidemiorum libro deſcribitur, primo de Febrium differentiis: Et Zoar dixit: Scias quòd aër calidus & humidus, eſt omni alio paratior ad ſuſcipiendam putredinem, omni alia aëris temperatura. Idem Auerroës & clarius: ponit enim duo genera corruptionis aëris: alterum ex uaporibus, aliud in ſubſtantia propria, quod dicit accidere ex multitudine imbrium. Sed Philoſophus in Problematibus exiſtimat, nullo modo aërem poſſe putreſcere: docetq; huius cauſam: inquit enim: Quod putreſcere debet, refrigerari prius conuenit: aër autem non poteſt refrigerari, cum ignis plurimum ſecum habeat: quare nec putreſcere poteſt. Manifeſtum eſt autem, Galenum loqui ibi, ut in initio capituli manifeſtum eſt, de putredine uaporum non autem aëris: quam excitari uel à paludibus, uel à cadaueribus, aut talibus exiſtimat. relatum enim inuenio in hiſtoriis, ſæpius ex multarum locuſtarum morte peſtem in Italia grauem ſucceſſiſſe. Sed Princeps exiſtimat, ſubſtantiam aëris non poſſe putreſcere, uerum tamen qualitatem putridam poſſe à uaporibus putridis recipere. Verior tamen eſt Philoſophi opinio: nam ſi aër ſecundum ſubſtantiam putreſceret, omnino omnia animalia nedum omnes homines neceſſario morerentur: at hoc nunquam accidiſſe compertum eſt: igitur nunquam aëris ſubſtantia putreſcit. opinio autem Aui-cennæ aliàs examinanda erit, quia iuxta Galenum & Auerroëm: quantum inducitur de ſubſtãtia, tantum etiam de qualitate. dictum Auerrois intelligi debet, quòd uapor in aëre corrumpitur, id eſt, quicquid ei de uapore permixtetur. Quandoque autem ei aduenit tantum, & hoc eſt minus malum. Sed ueritas ipſa eſt & mens Auerrois, & Auenzoar, quòd aër ut omnia reliqua præter ignem putreſcere poteſt, iuxta Philoſophi uerba, leuiſſima tamen putredine: quoniam quieſcere ex toto nullo modo poteſt. Quod autem putreſcit, aliquantisper neceſſarium eſt ut quie-

g ſcat.

cap. 4. iuxta finem.

3. theiſtr. trac.
3. cap. j. iuxta initium.

li. 4. collec. c.
14. iuxta med.

partis 25. problem. 20.

prima quarti
trac. 4. c. j.

4. Met. c. 51.

scat : & ob tam remissam putredinem , aliqui semper homines etiam in grauiſſima euadunt peste , tum belluarum genera multa , maximè ualida. Sic Auerroës , sic Philosophus , Galenus , & Zoar conciliandi sunt . nam Philosophi dictum est , quòd aër ad sensum non putrescit , neque enim male olet ut aqua , & terra cum putrent . Auicennam uerò pro nunc dimittamus : qui nec uult aquam putrescere cum syncera est . At quis adeò excors est , qui nesciat eam quæ putrescit non esse simplicem ? illud solum sufficit , si qua est syncera , eam posse corrumpi , ut etiam caleſcere , ac in halitus uerti . Vtilius fuerit igitur meminisse , ubi aër corruptus est , altissimis locis habitandum , uel ubi ex terræ halitu processerit pestis : at si aliunde eam uenti detulerint , humilibus casis , tum etiam melius subterraneis . Corruptio autem aëris , de qua Philosophus loquitur , non est putredo propriè , sed præparatio , ut in ignem transire possit .

CONTRADICTIONE XIII.

De signis calidi cerebri.

Galenus in Arte medica , enumerando signa cerebri calidi , ponit ea sex : Caliditatem & rubedinem faciei : uenas in oculis apparentes : tum quæ à capillis sumuntur : ac etiam ab excrementis : deinde à nocentibus , ultimo à sono . Sed Rasis addit signum sumptum à mobilitate opinionum , & prætermittit signum à somno , ut sint etiam sex . Hæc tamen signa ad unguem Paulus descripsit in libro primo . Sed & Princeps cum Rasi consentit , in apponendo signum sumptum ex uoluntate : & cum Paulo ac Galeno , in addendo signum à somno . Aëtius autem , non addendo nec hoc nec illud , quinque tantum facit signorum genera . De operationibus principalibus , quæ omittuntur à Galeno , ratio est manifesta , cum in capitulo suo docuerit , ubi de obtinentibus principatum agit . Aëtius & Paulus omiserunt , quia ad artem curatiuam minus faciebant . Vel dic , quòd in Aëtio deficit id signum , quia in Paulo non erat explicatum . Paulus tamen intellexerat illud in genere , cum in principio capituli dixisset : Cerebrum temperatum moderatas habet animi functiones . Per has uoluit intemperati signa docere . His de causis Rasis & Auicenna addiderunt . Sed cur Rasis & Aëtius omittunt signum à somno sumptum ? Dico , quòd , ut declarauimus , cum hic Galenus ad operationes naturales ipsum trahat , Philosophis uerò uideatur potius sensitiuæ partis functio , ut suo loco uidebitur , omisſum est . Tum etiam , quia parum uidebatur clarè explicatum id signum : cum dicat , quòd breuibus somnis hæc temperaturæ contentæ sunt , non quòd absolūtè parum dormiant : tum id magis , quòd calidum cerebrum , si humidum sit , longos habet somnos , qualibus nos fruimur .

CONT

CONTRADICTION XIIII.

An signa posita à Galeno de cerebro, in secundo Artis medicæ, sint intelligenda, humoribus equalibus existentibus.

Galenus in Arte medica inquit: Quæ autem dicuntur, ac posterius dicenda indicia sunt, in habetibus bonâ temperiæ habitationibus sunt intelligenda. Quæ autem ad capillos attinet non locorum tantum, sed etiam humorum temperiæ præsupponunt cerebri naturæ consimile. At infra inquit, Frigidæ uerò & siccæ cerebri intemperaturæ, frigidum, & minimè coloratum sui ratione reddunt caput. Semper enim meminisse oportet quæ à nobis ab initio distinctio posita est: scilicet ut præterea aduertamus quantum ex humorum temperatura immutentur quæ circa ipsum consistunt. Intellectus Galeni talis est: capilli semper sunt signum, quod potest ab alia causa, quam à cerebri temperamento provenire. Alia autem signa sic sunt distinguenda: Si ab una tantum causa, quæ ex cerebro pendeat, oriri possint, sola regio temperata requiritur: si autem à pluribus causis, tunc oportet eas esse conformes, si ex eo signo debeamus supra illius naturam argumentum sumere. Et hæc est sententia Galeni manifesta.

lib. 2. c. 7.

cap. 14.

CONTRADICTION XV.

An cerebrum expurget superflua per nares, oculos, & aures.

Excrementa uerò quæ per palatum, nares, & oculos, & aures, cum sani fuerint, his qui calidam habent cerebri temperiæ, pauca, & concocta existunt: dicebat in secundo Artis medicæ. At in nono de Usu partium dicebat, Crassa per nares & palatum, subtilia per cranei suturas expelluntur: nulla aurium, aut oculorum mentione facta. Sed in capite hoc præcedente medicæ artis inquit: καὶ τῶν περιττωμάτων, ὅσα δι' ὀφθαλμοῦ ἢ ὠτῶν, ἢ μυστήριον ἐκκαθαίρεται. id est, Superflua quæcumque per palatū, aures, uel nares expurgantur: oculos autem prætermisit. At in octauo de Usu partium dicebat, de meatibus qui à cerebro ad palatum tendunt loquens: Qui duo cerebro sano existente, expurgandis superfluis sufficiunt: nulla aliorum locorum expurgantium mentione facta. Et rursus in secundo de Locis, ponit nares pro loco cōuenienti cerebri expurgandi. Sed in primo Pronosticorum dicebat Galenus, sordē oculorum fieri in oculis illorum ui non concoquente, & sic non ex cerebro. Et quanquam ille pituitam uerterit pro sordibus: tam textus tamen, quam cōmentum habent αἱ λῆμαι, quod est, lippitudines. Philosophus etiam dicit in Problematicis, Aurium sordes fieri ex sudore putrido. Hic igitur est multiplex contradictio: Prima, An excrementa cerebri per nares, an per palatū naturaliter expurgentur. Secūda, An aurium & oculorum sordes sint à cerebro, an fiant in ipsis instru-

c. 8.

cap. 1.

cap. 6.

cap. 9. post principium.

t. & con. 10. ante med.

par. 32. prob. 4

mentis. Tertia an significet super cerebri naturam. & pendet ex secunda dubitatione. Respondeo igitur, quod sordes sub debita quantitate fiunt in instrumentis: materia etiam in ipsis gignitur, ex illa tamen quæ partim à cerebro transmittitur, & sic mediocritas ostendit quasi ut neget malam qualitatem in cerebro: estque signum non proprie, sed negans. At ubi superfluant, ab instrumentis quidem fiunt: sed tamen materia non solum, sed & plerumque vitiosa à cerebro illis subministratur. Sordes igitur natura instrumentis insunt: & super cerebrum significant. De prima autem dubitatione dicendum, quod nares sunt proprie ad expurgandum cerebri superflua quæ præter naturam abundant. nam si quis conetur per palatum, in hora somni cadent in os: quare in uentriculum uel pulmonem, unde tabis aut hydropis periculum: & tussis frequens certa uel mala coctio. Ideo Galenus octauo de Usu, loquitur de tenui excremento, quod secundum naturam est, non de muco. Constat etiam in sternutationibus materiam à palato ad nares reuocari absque transitu per cerebrum: quod euidentius ostenditur, si dum comedit sternutet. Verum omnis materia non per carunculas, sed ad infundibulum & pituitæ lacunar prius tendere debet.

CONTRADICTION XVI.

Ventus an exhalatio frigida & humida.

lib. 2. fol. j.

Hippocrates in libro de Vita ratione hominum, inquit: Ventus omnes frigidi ac humidi natura sunt: quoniam à niuib. glaciè, gelu, stagnis ac fluminibus, locisque humidis proueniunt: ideoque omnes sua natura refrigerant atque humectant: uerum pro locorum diuersitate magis minusue. At in secundo Meteororum Aristoteles docet, duas esse exhalationes à terra: alteram humidam & frigidam, ex qua pluuia: alteram siccam fumosam, ex qua uentus: fumum autem calidum & siccum esse decernit. Sed clarius ibi ab Auerroë: Ventus est exhalatio calida & sicca: docetque hoc duabus rationibus. Siquidem quod uelociter fertur, calidum est & siccum: uentus autem talis est. Secundo, quia maxime exsiccatur terras, & pellit humorem: quare manifestum est, quod calidus est & siccus. Pluuia enim liquidò frigida est atque humida. At in quarto Collectaneorum, Ventus Borealis exsiccatur iuxta Hippocratis sententiam, & Australis humectat. Et rursus: Pluuia refrigerat aerem, & similiter Borealis uentus, quauis sit siccus. Porro autoritas illa Hippocratis habetur in libro de Comitiali morbo. Notum enim expresse calidum & humidum esse docet: non adeo naturam qualitatemque Boreæ explicans, quam frigidus sit, atque siccus. Quinto in secundo de Vita ratione hominum paulò post edocet, Austrum quidem calidum humidumque esse: Boream uero frigidum quidem, uerum humidum, non siccum. Sed non adeo subtiliter Auerroës hoc uoluit

confid

considerare, cum ei sufficiant autoritates tertiæ particulæ Aphorismo-
rum, in quibus hoc exponens Galenus, non Hippocrates, quod ab eo re-
citatur, ad uerbum expresit. At uerò in primæ philosophiæ octauo li-
bro inquit Auerroës, quod & uerum est, Venti diuersi pro locorum
uarietate. Quam sententiam ipse Hippocrates tum idem Auerroës
approbant locis prius à nobis adductis. Ideo Philotheus inquit, Au-
strum calidum esse, quia per torridam transit zonam: humidum uerò,
quia calore suo ac tenuitate humidum secum trahit. Nec ineptè ex hoc
dicendum esset, omnem spiritum qui calidus sit, humidum etiam fore.
Vnde non parua apud nos dubitatio soluitur, cur omnium uentorum fe-
renissimus sit Boreas, post Zephyrus: nimbofus autem Auster, post Eu-
rus. Constat enim frigidissimum esse Boream post Zephyrum: calidif-
simum uerò Notum, inde Eurum. Causam uerò caloris Austri, & fri-
goris Boreæ, ipse in Meteoris declarauit: cum enim uterq; ex polis arcti-
co, & antarctico ueniat, uterq; necessariò natura frigidus est: at quia No-
tus dum ex antarctico ad nos uenit, Australem plagam calidissimam
necessariò permeat, ob id calidior euadit, Borea suam naturam retinente.
Ob id igitur his, qui ultra torridam zonam habitant Boreas calidus,
contrà Notus ipse frigidus erit. At uerò Euri ac Zephyri differentia ex
regionibus est. Inquit uerò Princeps, Manifestum est, quòd Orientalis
uentus calidus est, atq; subtilis, Occidentalis autem frigidus & crassus.
Exponens autem Auerroës priorem quidem calidum dicit, ac siccum,
posteriorem uerò frigidum & humidum. Sed non satis, ut dixi, aptè nan-
que calidus uentus humidus est, frigidus uerò siccus. Nam si hoc uoluif-
set Auicenna, dixisset: cum antè Meridionalem calidum & humi-
dum, Septentrionalem frigidum & humidum dixisset. Cur igitur
Oriens Occidente calidius sit, cum Auerroës in secundo Meteororum
duas rationes satis absurdas adduxisset, tandem dixit, neq; si hæc non sa-
tisfaciunt, quicquam habeo rationi consentaneum quod dicam. Verum
Auicenna eum declarauit, cum dixit, In regionibus Orientis Occiden-
tales montes calorem reflectunt, in Occidente autem Orientales. quare
quum in Oriente ab initio diei hoc fiat, in Occidente post Meridiem ne-
cesse est, mora existente diuturniore calidiorem euadere Orientalem
plagam Occidentali: sufficit enim ad calorem in prima diei medietate
acquisitum conseruandum solis super terram consistentia post meridiem:
ei uerò, qui post meridiem acquiritur, nocte succedente, nullum cremen-
tum potest accedere. Alia causa est, quòd calor in denso uapore conserua-
tur: Orientalibus igitur à mari ueniunt uenti, quia mare ad plagam
Orientalem Orientalibus, Occidentalem Occidentalibus positum est.
Regio igitur Occidentis nullis uentis potest calefcere, præterquam

g s Austris:

c. 14.
Apho. 5. & 17.
com. 5
fol. 4.

In expositio-
ne 5. Aphorif.
3. par.

1. Canticæ
com. 115.

tex. 113. & 114

cap. 2.

secunda pri-
mi doct. 2.
cap. 8.

lib. de Victus
ratione homi
num. 2. in pri.

iuxta mediū.

1. Canticæ
com. 117.

2. Meteorū.
c. 1.

1. Canticæ
co. 46. & in 2.
Meteor. 2.
lib. 3. c. 163.
lib. 2. cap. 1.

26. Probl. 18.
Probl. 5.
Probl. 45.
Probl. 12.
Probl. 17. 43.

Aphor. 5. & 17.

Austris: nam Orientalibus non, quoniam longo transitu parum uaporis ad nos defertur. Occidentales autem in die frigidi sunt, quia nondum Sol locum excalefecit unde uenti proueniunt: nec etiam in nocte ob noctis frigus. His de causis Euri calidi, atque ideo etiam nimboſi, Zephyri frigidi & fereni. Illud forſitan uidebitur mirum, quod Hippocrates uentos è mari ſicciores tradat, Auerroës humidos, ut in Periphrasi de longitudine & breuitate uitæ doceat, Eos qui in marinis habitant inſulis, diutius uiuere, ob caloris & humidi abundantiam. Sed non aberrat in hoc Auerroës: nanq; Hippocrates ibi quatuor genera facit Ventorum. Primum, quod ex paludibus ac niuibus procedit, quod humidiffimum eſſe docet. Secundum, quod è mari, hoc ſiccius priore eſſe refert. Tertium, quod adhuc ſiccius è mediterraneis locis. Quartum uerò, quod eſt ſicciffimum, ex montibus. Quintum nobis liceat addere ex Principe, quod adeo ſiccū eſt, ut etiā pernicioſum: in hoc ordine falſus non è mari minus malus: poſt qui à loco ſulphureo, ant aluminoso. Ergo Ventorū ratio hæc eſt. Sed tamen exiſtimat Auerroës, Boream ſerénitatem adducere, quod rectà ſpiret: Auſtrum nimboſ, quod obliquè cogat nubes. Sed in aliorum interpretatione plerunq; fallitur: uelut cum exiſtimat Galenum dixiſſe, habitationem temperatam eſſe in quinto, & non in quarto climate. Sed ratio illa Philoſophi eſſe uidetur de uentis ſecundu m illius interpretationem. hoc autem nos concedimus, quod ſit ſecunda cauſa generationis imbriū remiſſio ſcilicet impetus: ſicut cauſa ſerénitatis eſt eius uiolentia. Aëtius tamen aliter ſentit: nam Ventos Auſtrales calidos, Boreales frigidos, Orientales ſiccōs, Occidentales uerò humidos eſſe affirmat. Verū in libro de Sacro morbo ab Hippocrate, & à Celſo non parum damnatur Auſter. attamen Celſus Fauonium Euro prætulit, damnatq; ex mari Ventos. Aëtius uerò pro temporum qualitate permu- tari credit: fieriq; quandoque calidum & ſiccum, ac tunc maximè no- xium, æſtate ſcilicet. Refrigeratur autem quandoque, ut in Thriaſo Græ- ciæ Ariſtotele referente, quoniam è mari uenit. Sic & in Aphrica frigi- dum refert Auſtrum eſſe, quod ex propinquo, & per anguſtos meatus ſpiret. omnis enim uiolentus uentus neceſſariò frigidus eſt. At uerò in oris terræ Aegypti, nec interius per iter unius diei, minimè hic uentus flat, ob humilitatem regionis: ſic alii aliis in locis non ſpirant. Excita- tur autem maximè ab ortu caniculæ, & qualiſcunq; fuerit foetidus quaſi eſt, & hominum corpora hebetat, grauiaq; reddit. at Aquilo appetentiam excitat. In uniuerſam autem quæ mala ab Auſtro ſiant declarat Hippo- crates tertio Aphoriſmorum cum dixit: Auſtri auditum hebetantes, cali- ginofi, caput grauantes, pigri, diſſoluentes: Aquilones autè tuſſes, fauces, alui duræ, difficultates urinæ, horrores, coſtarum, & pectoris dolores. Et rurfus,

rufus: Austri uertigines faciunt, oculis atq; corporibus difficilem motum præstant, & aluos humectant. Aquiloniæ autem constitutiones, corpora densant, contendunt, & bene mobilia & coloratiora reddunt: aluum exsiccat, oculos mordent, & auditum iuuant. Siccos tamẽ dari Austros declarauit Philosophus problemate illo, in quo docet febres illos excitare.

Porrò ordinem declarabat Ventorum Aëtius libro tertio hoc modo: A Septentrionis dextra uersus Orientem Aquilo est, inde Cæcias, post quem Eurus: ab eo Meridiem uersus Vulturius, post Euronotus, inde Aufser, Notus uel: ab Austro Occidentem uersus Libanotus, inde Aphricus, post Zephyrus. Rursus à Zephyro Boream uersus Corus, atq; inde Thrascias, post quem sub ipso polo Septentrio ipse uentus est. Omnes igitur duodecim. Cæciam nimbosum refert Philosophus: sed nostra ratio ne non solum is quem Græcum uulgus nominat, sed & Eurus & Vulturius, quem quidam Sirochū dicunt, & Euronotus, Aufserq; ac Aphricus, quem nauarum Garbinum uocant. Sic reliqui serenitatem afferunt: ut Zephyrus & Corus, quem magistrum quidam uocant: tamen Thrascias, Septentrio, & Aquilo. Nil mirum est autem à septem uentis oboriri nimbos, à quinque duntaxat serenitatem: nam pauciores sunt nobis propinqui, ac uiolenti, quàm remoti ac lenes: cum in angulo Boreali ac iuxta Occidentem Italia sit.


Non turpe autẽ fuerit eos descripsisse figura parua, quanquã haud obliuiscamur in arithmetici aliã nos iniisse rationẽ: nomine enim ac numero dissideamus nõ solum ab his, uerum & ab Aëtio paulũ. Sed cur, inquam, Eurus cum sicus sit, pluuias adducere potest: diximus utique aliam esse uenti substantiã:

aliam esse eius operationem circa nebulas. hoc autem argumentum est debilitatem facere ad nimbos adducendos: quandoquidem Eurus sicus sit

Probl. 51. eiusdem partis.

cap. 163.

26. Probl. 1.



fit, & pluuiam tamen excitet. Sed cū de his in libro de Supernis copiose differuerimus, illud solum monuisse sat fuerit, Vētos qui diu in suprema aëris parte colluctantur, graues afferre procellas solere, si alter alterum non uincat: si uerò unus sit ac sublimis, multum exsiccare potest.

CONTRADICTION XVII.

Cerebrum calidum, & siccum intellectu, & memoria ualet.

prima tertii
tract. 1. c. 17.
cap. 3.

2. Artis medi-
cæ cap. 6.

lib. 1. c. 63.
lib. 4. cap. 54.
& 59.
lib. 2. ad Alm.

Intellectus acuitas ac robur, tum memoriæ bonitas, sunt de signis calidi ac sicci cerebri, inquit Auicenna. Sed Auerroës in quarto Collectione inquit, Tales indiscreti sunt in actionibus suis, & ex rebus solum intelligunt similitudinem, & non diuisionem, & errores eorum sunt multi, & cogitationes illorum malæ. Sed Galenus dixit, Intellectus acuitas, seu melius *ἄγχινοια*, id est industria, sagacitas, quæ in actione potius quàm in patiēdo consistunt, tenuem cerebri substantiam indicant: tarditas, & ineptia, crassitiem: discendi autem facilitas, *διευπρίωτον*, quod est facilem formarum susceptionem, aut per actum potius, si uerbum attendas, explicetur. Sic memoria ex firmitate substantiæ, mobilitas uerò à caliditate. Ergo has quatuor considerat Galenus differentias in cerebro, Tenuem, Crassum, Facile, aut difficulter formarum susceptionem, Substantiam firmam, aut fluidam, calidam, aut frigidam. Calido solum ac frigido tribuit opinionum firmitatem, aut mobilitatem. Quare nec Galenus, nec Paulus, nec Aëtius signum sumunt in ingenio uel solertia à primis qualitatibus. Rasis uerò sensisse uidetur cum Auicenna: non enim illi sufficit dicere, quòd calida cerebri temperies mobilem faciat in uoluntate, sed & in animalibus operationibus: quare manifestum per mobilitatem animalium operationum intelligere, ingenii celeritatem.

Causa erroris Arabum est, quia cū Galenus dicat sensus claros esse: quod de exterioribus dixerat, de internis illi interpretati sunt. at Galenum de externis tantum locutum fuisse docet id primò, quod in superioribus loquutus fuit de ingenio & solertia, ut diximus, quare repeteret? Diuiserat etiam operationes in quatuor genera, Principales, Sensitiuas, Motiuas, ac Naturales: hic uerò rursus confunderet principales cum sensitiuis. Nec te moueat, quòd in libro quòd animi mores corporis sequantur temperiem dixerit, Quæcūq; sicca sint, ingenio & prudentia ualere: atq; etiam stellas esse prudentissimas, quòd fulgidæ ac siccæ. Manifestum est, quòd intelligitur per siccū expers alieni humoris, non quod siccitatem habeat multam. Mens autem Galeni est, quòd ignea ingenio prædita sint, sed siccitas terræ iungi etiam potest: & quanquàm calidum & siccum, non possit esse terreum, plerumq; tamen accidit, imò quasi necesse

cap. 2.

cap. 4. & 5.

cesse est, ut calidum & siccum in terreo sit: quia cum unum solum elementum per se non possit in cerebro dominari, quod sit ignis (namque non calidum amplius esset cerebrum, sed corde etiam calidius) oportet alii elemento tanquam basi igneam substantiam insidere. Non potest autem illud esse aqua, vel aer, propter humorem: quare necessario terreum est, calidum & siccum cerebrum: nam si basis esset aer, esset rursus denuo temperato longe calidius: nec esset solidum substantia. Aqua uero superante, calidum & siccum dici non potest, quare terram pro basi adesse necesse est: ob id boni ingenii esse non possunt, calida & humida possunt: nam ignis aquae iunctus hanc efficere potest. Verum pratermisit hoc Galenus dicere, ob causas dictas, & etiam quia ab aërea substantia calidum & humidum prouenire potest. Legitur autem perperam inter calidæ & humidæ temperaturæ signa, quod Græcè sic iacet: *καὶ αἱ ἐν τοῖς ὀφθαλμοῖς φλέβαι μεγάλαι*: id est, & quæ in oculis uenæ magnæ. Et rursus iuxta finem, *ἵππων τ' ἐπιτρέψαντες ἐαντιὺς ἅμα τε κωματῶδες εἶσι καὶ ἀγρυπνοί, ἐὶ φαντασιώδεις τοῖς ἐνέεσσι*. Quod est, Non solum uigilant, sed etiam dormiunt grauiter, cum somno tentantur, multasque imagines per somnium uident. Sed ad propositum rursus uenio. Discrimen inter sensus internos ac externos est, quod externi clari ob siccitatem euadunt, non redundante nutrimento, quod in calido & sicco cerebro contingere necesse est. At uero quia terreum cerebrum, ut iam dixi, euadit ad internas operationes minus redditur aptum. Existimandum est autem Auicennam calido & sicco cerebri temperamento fuisse, quod adeo eam intemperiem impense laudauerit, Auerrois uero illius inimicus uituperauerit, cum ipse calido & humido cerebro esset. Perperam autem imponunt quidam Philosopho, uoluisse in humido ingenium, in sicco memoriam uigere: quoniam dixerit non esse idem Memoriam ac Reminiscentiam, cum Memores plerumque sint, qui tardo sunt ingenio: Reminiscetes autem, qui celeri. Ostensum est enim à nobis, ac aliàs ostendemus, alias esse causas memoriæ & ingenii, utque hoc iuxta Galeni sententiam dictum, sic posterius iuxta Aristotelis etiam opinionem.

2. artis med.
cap. 13.

lib. de memo-
ria & rem. c. j.
in princ.

CONTRADICTION XVIII.

*Quælibet naturalis intemperies à suo contrario iuuatur, &
à simili læditur.*

A Similibus autem suæ temperaturæ causis oculi facile læduntur, iuuantur autem à contrariis: si in modico usu adhibeantur. Sed hoc commune signum esse in unaquaque nostri corporis particula meminisse oportet. In arte medicinali Galenus inquit: Et rursus quod &

lib. 2. cap. 17.

h aliàs

lib. huius trac.
6. contradic. 3.

aphor. 3.

de Alimen.
c. post med.

cap. 6.

fol. 3.

fol. 2.

cap. 6.

aliàs adduximus. Sic uerò & ad uictus genera male bene uē se habent alii ad alia secundum morbos & ætates. nam calidiores ad frigidiores, frigidiores uerò ad calidiores, & sicciores ad humidiores, ac rursus humidiores ad sicciores bene se habent. Et ut simpliciter dixerim, contrarii ad contraria bene, similes ad similia male: præterquam si ætas temperata & regioni & uictui & loco temperato comparetur. Hoc enim modo solo similes à similibus bene afficiuntur. Sed & rursus inquit: Si enim hominis corpus planè mediū sit temperamenti, per alimenta mediū temperamenti etiam in suo statu seruabitur: uerum si calidius frigidius uē, siccus aut humidus, perperam mediū temperamenti exhibueris alimenta. Quippe huiusmodi corpus quatenus ab exacte media constitutione recessit, eatenus in diuersum traducatur, est necesse. Fiet autem id per præsentis intemperiei contraria. Contraria autem pari interuallo in utraque oppositione sint oportet à medio ipso æqualiter distantia: ut si corpus tribus (gratia exempli) numeris à media uersus calidiorem recesserit, totidem cibum ad frigidiorē eadem temperata: si quatuor, quatuor. Et in de continua dissolutione non sufficit homini, ut dimittat cibum similem naturæ suæ, qui auget intemperiem eius, sed oportet ut utatur eo qui est illi contrarius. Refertur uerò & ab Hippocrate hæc sententia in libro de humoribus, cum dixit: Aetates præterea, nutritio, morborum status, per temporum mutationes melius, aut peius se habent. Quin & pro anni temporibus uictus rationem per cibos & pocula congruentem instituit. Nam hyeme quæ ab opere uacat simplicia cocta, maturaq; exhibeto: non leue enim hoc est. Aestate autem quoniam operamur, & sole ab ipso patimur, dilatoria uina, poma crebriora, ac uaria cibaria porrigito. At uerò his obstat primò, quod in sexto de tuenda sanitate scribitur. Fiunt autem qualitatibus etiam conuenientia, utique si seruare temperamentum studes humidis naturis humectante cibo maximè conuenienti: siccis uerò eo qui siccet. Sin mutare placet intemperiem, contrariis utitor. In eo autem qui est in calido frigido uē ad intemperiem lapsu, contraria semper expedit exhibere: cum efficacissimæ sint eiusmodi intemperies: & ut ita dicam, magis quàm quæ ex sicco uel humido constant ualida: quippe quæ faciliè similibus nutrimentis in morbosam abeant intemperiem. At si siccus membrum aliquod efficias, uel humidus, nihil manifestè lædes. Euidenti uerò argumento & ætates sunt. In his uerbis iam primùm occurrat sibi: quòd similia similibus conuenire affirmet. Secundo, quòd non eandem calidi & frigidi, cum humido & sicco rationem ineat: cum tamen alibi omnes ex æquo intemperies tractet, ut iam ostendimus. Tertium, quòd maximum uidetur, quòd membrum

brum ficcius euadere nihili ducat: & tamen in septimo methodi nullam
 ficca intemperiem deteriorem esse affirmet. Accedit quod Hippocra- 1 aphor. 36.
 tes scripsit, Victum humidum pueris maximè conferre. Vbi Galenus
 inquit, Naturalis intemperies, non eodem modo, ut quæ præter natu-
 ram est demolienda, sed similibus conseruanda est. Et in tertio etiam
 Artis medicæ: Quod igitur in temperatura quidem euariat, sed instru- cap. 3.
 mentalium partium seruat mensuram, duplicem habet causarum sa-
 lubrium formam. Alteram earum quæ ipsius tuentur temperaturam: al-
 teram earum quæ ad optimam eam transferunt. Quæ igitur ipsius con-
 seruant temperaturam, tantum distabunt à causis temperatæ naturæ,
 quantum & ipsa intemperies naturalis à temperata, calidiora calidiori-
 bus exhibendo, frigidiora frigidioribus corporibus: tum ex æquo hu-
 midiora humidioribus, ficciora ficcioribus. Sed si permutare in melius
 consilium fuerit, contrariis quidem utendum est. Aequaliter autem de-
 clinantibus ad partem oppositam à temperamento, cum his quæ intem-
 perie ipsa laborant: sic frigidiora & humidiora, calidioribus ac ficciori-
 bus maxime conueniunt temperaturis. nanque à calidis ac ficcis ad me-
 liorem statum traduci nunquam poterunt. At uerò in secundo Artis cap. 55.
 medicæ expressius dum de uentriculo loquitur, inquit, Gaudet uerò à ci-
 bis ac potibus calidis, nec à frigidis ullam percipit noxam, si eis modicè
 utatur. Manifestum est igitur inuari à simili: hoc enim est quod dicit
 Gaudet: nec lædi à contrario: ut sit hæc sententia fermè his directè con-
 traria, quæ dixit in superiore autoritate, in initio huius contradictionis
 adducta. Et in tertie Aphorismorum ostendunt hæc etiam quæ sequun-
 tur cum inquit: Gaudet quidem uenter frigidus frigidis, sed ab eo- cap. 56.
 rum usu immoderato læditur: ita & ea quæ extrinsecus occurrunt frigi-
 da nequit ferre longiori tempore, ut nec calidus calida. Malæ uerò tem-
 peraturæ quæ morbi ratione uentriculum occupant, hoc differunt à na-
 turalibus, quoniam contraria, non similia appetunt, quemadmodum na-
 turales. Sed quòd melius concoquat, & melius his quibus gaudet nutria-
 tur, ostendit secunda Aphorismorum cum dixit: Nam quæcunque cum
 uoluptate assumuntur, ista uenter amplexatur, & facilius conco- Aphor. 38.
 quit: sicut illa quæ displicent refugit: unde uel nausæ, uel flatu, uel & 50.
 fluctuationes subsequuntur. Et rursus: Cibi ac potus naturam efficiunt
 aduentitiam tum maximè in uentriculo: ob hanc uerò causam, quanto
 similis fuerit id quod transmutat, ei quod transmutatur, tanto cele-
 rius transmutatio ipsa perficitur. Sed quòd non solum in calidis ac frigi-
 dis uentriculi dispositionibus hæc ratio uera sit, sed etiam in humidis ac
 ficcis, ostendunt eiusdem uerba, dum de illis intemperiebus uentriculi

2. artis med.
cap. 53. & 54.

6. collec. 11.

2. artis medi-
cæ c. 30.

Questiõe 17.

ageret, dum dixit, Sicca intemperies à plurimo potu grauatur, & fluctuationibus angitur, & cibis delectatur ficcioribus. Humida uerò amplio- rem potum bene fert, & humidis cibis gaudet. Inter tot difficultates uersante Galeno, dicebat Auerroës: Quòd sententia horum, id est, Græcorum (quamuis eam non explicauerint) est, quòd duplex est regimen: Vnum quo reducit per contraria sensim, & non per æqualia in gradu, quia hoc natura non fert. Alterum per similia ad conseruandum: & quòd merito naturalium causarum non debemus uereri uti exquisitè similibus: sed quia in hoc est periculum ab exterioribus, ideo cum his similibus, ne in ulteriorem prolatur lapsus, contrariis quandoque etiam utendum erit. Hæc sententia est è directo contra Galenum, ut dixi primo de Alimentis: quia reductio fit per contrarios cibos in gradu æquales. Dissidet etiam in hoc, quòd contrariis indigere nos putat in conseruando. Galenus autem scopos in simplicibus affectibus nunquam miscet, quando scopi contrarii habent impedire se mutuo. In hoc etiam errat, quòd intemperies ualida similibus sit conseruanda: augetur enim sponte, ut in quinto de Tuenda sanitate, tum de illa, tum generaliter de senili contrariis tuenda: & in tertio Artis medicinalis docet. Discrimen etiam sustulit actiuarum ac passiuarum qualitatum, cuius Galenus in sexto de Tuenda sanitate meminit. Trusianus uero aliter interpretatur: calidas intemperies, à calidis, id est, calidioribus uexari docet, ab his autem quæ similia sunt conseruantur: à frigidioribus qualiacunque sint seu frigida, seu minus calida in melius reducuntur. Dicit uerò non absolute protulisse lædi, sed facile à similibus in gradu: quandoquidem si paululum excedant, in deterioreni lapsum hominem adducunt: at si minus sint calida, (gratia exempli) non solum non nocent, uerum etiam iuant, nam uersus temperiem retrahunt. Sed nec hic sensus est conueniens ut comparatiuo utamur, cum Galenus positium dixerit. Incidit & in eundem laqueum quo Auerrois opinio detinetur: cum inter actiuas & passiuas qualitates non distinguat. Est etiam directè contraria utilitati hominis: cum doceat intemperiem ualidam non debere in melius immutari: sed quandoque conseruandam. Iacobus autem Forliuiensis dixit, quòd à similibus in qualitate, id est, ut calida calidis, remissioribus tamen in gradu iuantur. ab æqualibus autem, ac manifestius à uehementioribus similibus in qualitate uocentur. Sed à contrariis in forma generaliter iuantur si commode adhibeantur. Hæc opinio non uidetur uera, nec ad Galeni mentem, cum ipse uelit corpus noceri (in primo de Alimentis) non solum à similibus in forma, uerum à temperatis. In tertio etiam Artis medicinalis declarat, quod & uerum est, conseruationem fieri à

ri à similibus in forma, seu qualitate, & in gradu: nec distinguit inter qualitates, ut dixi, actiuas, passiuasq;. Sequeretur etiam unū contra experimentum, quòd plus læderetur temperatus, uel parū ad calidum declinans, ex pipēris assiduo usu quā is qui calidissimo esset temperamēto. Hic igitur oportet tres primas cōtradictiones tollere, ac insuper discordiam, inter librum de Alimentis & librum tertium Artis parū. nam si omnes intemperies à simili, etiam in gradu longè remissiore nocētur, quomodo conseruabuntur à simili in gradu & qualitate? Quòd si hoc est nocere, in intēperie seruare hominem, ut Iacobus dicit, quomodo duplex est regimen? Conseruatium scilicet & Reductium? Sic etiam concilianda est discordia, quæ habetur, cū dixit in secundo Artis medicæ, Quòd modicus usus contrariorum iuuat: at in tertio dixit, Quòd per æqualia, in opposita qualitate, moliri oportet reductionem. His tot difficultatibus occurrendum est primò ex his, quæ in primo libro diximus, quo ad ea quæ ad aërem pertinent. Inde sic distinguemus: Naturalis intemperies, aut est in toto, aut in partibus: item, aut in actiuis, aut passiuis qualitatibus: item, uel est intensa, uel remissa ac leuis: item, uel reductionem molimur, uel conseruationem. Rursus, si in partibus, uel in uentriculo, uel aliis partibus: tum etiam uel corpus cum hoc ualidum est, aut imbecille: ac denudò uel homo solum sanitati uacat, uel occupationibus distringitur. His septem distinctionibus conciliare oportet Galeni dicta. Si igitur corpus totum actiua qualitate ad intemperiem labitur, fueritq; occupationibus implicitum contrariis, sed leuioribus in eodem statu seruabitur, sexto de Tuenda sanitate. Sed si uacet sanitati, tunc si ab intemperie lædatur, proculdubio cōtraria adhibere conuenit: in gradu, uel ui, æqualia: ab his enim solis reducitur: tertio Artis medicæ, & primò de Alimentis. At si non læditur, conseruare possumus similibus, uel etiam contrariis: semper uerò in contrariis cū reductionem molimur, quantitas diligenter est attendenda, ne uirtus membri euertatur. hoc est quòd dixit iuari ab his si modicè utamur. in passiuis autem qualitatibus similia adhibere conuenit: quòd facilius in nutrimentum transeant, & nullum sit periculum in exhibitione, modo non exuperent. Sicca igitur seni conueniunt, sed tamen quæ potius minus sint sicca, quā senis temperatura: ipsis enim æqualibus periculum inest, ne lapsus augeatur. Periculum igitur ad lapsum paruum est, cū uerò labitur magnum, ut septimo Artis curatiuæ docuimus. Sic igitur sexto de Tuenda sanitate & prima Aphorismorum locutus est. Rursus, cū dixit tertio Artis medicæ, Sicca humidis reduci, de partibus loquitur: nam ut aliàs declarauimus omnes intemperies corrigi possunt in omnibus membris, præterquam in corde: quoniam à

c. 17. & 15.
cap. 3.

corde recipiunt influxum : aliter quis tantus esset ille Galeni conatus
 cap. 6. septimo Artis curatiuæ, in sicca uentriculi intemperie, si non uerè, sed extrinsecus solum humectatur? nam tunc nec melius concoquit, nec quicquam melius habebit. Sed neq; siccis humida applicare conueniet, sed solum humidis sicca, tertio Artis medicæ. Si igitur intemperies non est in toto, si in corde, rationem habet ferme qua totum : contrariis enim in actiuis, similibus autem in passiuis, sed leuioribus est utendum. Si autem in uentriculo, similibus perpetuò est utendum, sed remissioribus, quòd uentriculus ea amplectatur & concoquat : cumq; toti corpori inferuiat rationem refert debilis membri : si uerò præter naturam intemperie laboret, contrariis. Hoc est quod Galenus dixit libro de Dissolutione continua, & in Aphorismis. In cæteris uerò mebris si ualida sit uirtus, contrariis utendum est, per ea enim corpus reducitur. Si autem sint debilia, aut impedita, similibus conseruantur : quia simile facilius transit in nutrimentum : uerum quia prius permutantur in uentriculo, non tantum offendit contrarietas, ut in illo : quare contrariis uti decet potius, quàm similibus : nisi membrum illud melioris cuiusdam functionis causâ, in proprio temperamento seruare studuerimus : ut cum bene ualente cerebro, ipsum in sua caliditate ac humore, ob functiones principales conseruare uoluerimus. neq; enim eadem est ratio reducti per artem cerebri ad temperamentum, quæ etiam cerebri à natiuitate temperati. Principis autem sententia est quòd intemperiem errore acquisitam contrariis emendare debeamus, æqualibus in gradu : naturalibus autem, si bonæ sint, ut calida & humida puerorum adhibenda similia : si malæ ut senum, quæ frigida est & sicca, contraria : unde calida & humida conuenire putat. Verum docuimus uinum non esse humidum, sed siccum natura. reliqua uerò quæ exhibentur, sicciora sunt quàm in iuuenibus. Quòd si hac fiducia humida exhibere pergas, in hydropem decidunt : quia non concoquunt. At uerò in actiuis declaratum est contraria conuenire. Quòd si obicias, Senum uictum, Paulo, atq; Aërio teste, debere esse calidum & humidum, non satis intelligis, aliam esse rationem nutrimenti, aliam reliquarum causarum, nam balnea, & somnus, & immunctiones, calefaciunt & humectant, conueniuntq; : at cibi ad calidum & siccum, tum potus debent inclinare. quia hæc nutriunt, illa non. Nutritio autem fit qualitatibus passiuis, atq; actiuis similibus existentibus. sed actiuas periculi causa non admittimus. at uerò quæ scribunt illi de intemperiebus, deinceps ad genus reductiuum omnia pertinent : nam in Conseruatiuo non tanta est utilitas, & quicunque eo facillè uti potest : quia nullam sentiens in corpore uariationem de errore non adeò timet. at qui reduci studet, frequenter incommodis agitur : ob
 id quil

Tertia primi
 doct. 2. ca. 17.
 & doct. 3. ca. 1.

lib. 1. c. 23. lib.
 4. cap. 30.

libro 1. c. 70.
 Paulus lib. 4.
 cap. 94. Aetius.

id quilibet seruare suum statum doctus quasi à natura nouit. in melius
reducere opus est solius Medici : atque etiam eruditi , ac sapientis.

HIERONYMI CAR- DANI MEDICI TRACTA,

TVS II. SECVNDI LIB.

CONTRADICEN-

TIVM MEDICO-

RVM.

CONTRADICTIO PRIMA.

Exanthemata in pueris an illico debeant curari.

Quid Ophiasis.



VSTVLAE, quas Græci exanthemata uocant, ubi
puero eruperint, primùm nullum nobis negotium fa-
cessere debent: sed postquam eruperint, curare tenta-
bimus balneis, quibus Myrtus, aut lentiscus, aut rosa
sint iniecta, inquit Paulus. Sed Auicenna dicit, quòd
sunt medicandæ cum subtilibus: cumq; in fine medi-
cetur & ipse cum Myrto, & lentisco, ac rosis, uidetur quòd à principio.
Sed facile est uidere, quòd cum illis miscet hæc: & quòd uult, quòd me-
dicemur postquam exierint, non autem antè. uocat autem illa ipse Do-
thor. Manardus existimauit etiam hæc sub tinea collocari ab Haliab-
bare, & quòd Exanthemata essent Saphati Arabum. Haliabbas nanque
posuit tineæ suæ species quinq; ob id non immeritò dubitauit Franciscus
Petrarcha medicus, amicus noster cùm uidisset tam inuolutam rationem
Ophiasis, Alopecix, Tineæ, seu melius Tyriæ Arabum, Exanthematum
quid hæc essent? hortatusq; est ut aliquid de hoc scriberem. Nam Ma-
nardus ipse Alopeciam suum nomen retinuisse quasi apud Arabes exi-
stimat: Ophiasim autem esse Tyriam. id autem auxit suspicionem,
quòd in nostra Tyria uulgari, potius accidere uidemus id, quod ἀχῶρες,
seu achores, & κέρια, seu ceria efficere solent: scilicet ut exulcerata cute
quiddam melli simile profluat: nam de ψυδρακίς, seu psydraciis, &
Exanthematibus, ac ficibus, quanquàm in capite nascantur etiam, non
tamen peculiares illi morbi esse uidentur. Si igitur Achores & Ceria,
non

lib. 1. c. 6.
tertia primi
doct. 1. cap. 3.

lib. 7. episto. 2.
lib. 8. Theori-
cæ c. 18.

non sunt Tyriæ naturæ species, quonam sub morbi genere collocantur? aut quod nomē nunc fortiuntur? Quod igitur nostri tēporis Tinea, sit Tyria Auicennæ, primò patet, quia cadere capillos, & cutē exulcerari scripsit ille, quæ propria sunt nostræ Tineæ. Paulus etiam hoc ostendit, cum dixit, Vbi iam ulcera ad cicatricē uenerint, de Alopecia loquēs. Quò fit, ut error Auicennæ detegatur: nam non solum in Tyria & Ophiasis, sed in Alopecia & Alopecia quæ eadē sunt, quandoq; non tamē semper summa exulceratur cutis capitis. differunt enim Alopecia, & Ophiasis sola figura defluuii capillorum, non autē morbi essentia ipsa. utraq; autem eorum sub nostra continetur Tyria. Facit etiam Paulus caput de defluuiio capillorū, in quo nihil aliud curat, postquā de Ophiasis & Alopecia plenē tractauit. Quò fit, ut tam Ophiasis quā Alopecia cutē exulcerare nata sint: tum maximè quòd in initio inquit: Caluitium humidi penuria, Ophiasis & Alopecia succi uitio producantur. Manifestum est etiam curam, quam Princeps illi exhibet, eandem esse cum ea quæ nostro exercetur tempore. Confri-
catur cutis, exulceratur, sed & cura Auicennæ cum Paulo conuenit cum dixisset Paulus, Euphorbium, Thapsiam & adarcem oleo leuigata laurino: inquit Auicenna, Euphorbium & lacrymam rutæ agrestis, oleo ex-
cipe laurino. consonat id his quæ à Galeno in primo de Medicamentis secundum locos scribuntur, cum inquit, de ambabus loquens: Vnum quidem ambæ secundum morbosam affectionem malum: quorum causa est uitiosorum humorum redundantia. Quales uerò sint corrupti humores ex capitis cutis colore dignosces. Docet autem ut purgationibus utamur primū, non secus ac Princeps atq; Paulus. inde infra, difficulter autem ferosi humores cuti impacti eluuntur: multò autem magis si iam cutis ipsa ad malum habitū peruenit. Sed & infra in auxiliis Euphorbium, sinapim, sulphur, nitri spumam Thapsiamq; commemorat, quorum nul-
lum à Principe præteritur, sic oleum laurinum. Constat sane ea esse uerè
unum in affectibus quibus ad unguem eadem medendi ratio generalis ac singularis conuenit. nam & infra cutim fricat, radit, rubificantibus, & cucurbitulis uexat ut etiam aciculis expungere doceat. Sed hæc, ut reor clariora sunt quā ut pluribus indigeant testibus. Illud etiam esset absurdum, quòd tot de casu capillorum uaria capita fecisset, quæ in nullo inuicem fermè differrent. cadere etiam capillos in eo morbo constat: at si de tyria non loquitur, maximum morborum in cute ipsa capitis euenientium reliquisset intactum. Sed si ut Haliabbas inter tineam & tyriam ipsam distinguas, Tyriam uerò & alopeciam fermè defluuia solum facias capillorum illud sequatur necesse est, ut Galenus nullum uerbum habuerit de hoc: aut ut sub achoris ac psydriacis intelligat. At in his non
cadere unquam capillos scripsit: nec postquam curauerit, meminit medi-
cament

septima quar-
ti t. i. c. 6.
lib. 3. cap. 1.

septima quar-
ti t. i. c. 6.

c. 2. iuxta prin-
cipium.

cap. 3.

1. de Medic. se-
cūdam locos
c. 26.

camentorum quæ pilos nasci faciant: quod uerò maximum est, nequam utitur irritantibus medicamentis, ut in ophiassi, sed spuma argenti, cadmia, charta exusta, cimoliaq; ac talibus. Haliabbas igitur tinea nomine intelligit quæcunq; capiti eueniunt citra capillorum defluuium uitia: si modo cutem parum exceßerint, achoras, psydracia, ficus, exanthemata: suoq; modo facit quinque species cum ceriis. At nunc hæc in pueris maxime cernuntur, quanquam nomina non imponamus singillatim: quoniam ut plurimum sanari leuiter consueuerunt: nam si mali sint omnino humores, capillos cadere cogunt, nec amplius pustulæ dicuntur: sed ophiassis aut alopecia, uel ut à nobis Tyria: eam ob rem nec antiqui, nec recentes medici de his, quantum de alopecia uel ophiassi curauerunt: nec capillos in eis cadere scripserunt: quoniam iam in sæuiorem morbum transit affectus. hæc uero eadem sexta aphorismorum patent. Liquidò uerò patere arbitror, omnes cutis morbos contagiosos esse, maxime inueteratos: ob id etiam nostra Tyria. In generalibus autem regulis hoc docuit Galenus. Defœdatio uerò cutis capitis quæ omnibus ac solis infantibus, citra omnem noxam solet accidere, quam Ruffam à colore uulgari nomine uocamus, cum morbus nullo modo sit, ab antiquis inter morbos non connumeratur. Exanthemata uerò quædam ulcus habent, quædam non, ut in tertia Aphorismorum: ubi enim Latina uersio habet, Pustulæ ulcerosæ: Græca lectio habet *ἐξανθήσεις ἐλκώδεις*. At uerò quòd per uniuersum corpus accidere soleant, patere arbitror quarto de Tuenda sanitate. Ego Variolas & Morbillos Arabum sub illis arbitror contineri: nam Paulus nec in primo, nec in quarto, ubi de omnibus agit morbis, qui cuti eueniunt, nihil de his dicit, ac si non essent: cum tamen omnibus hominibus eueniant, ut Auenzoar, & Auerroës testantur: & nullum genus pustularum ponitur à Paulo ad quod possint reduci, nisi ad exanthemata: tum magis, quòd de his in utroque libro tractat, tanquam de ea pustula quæ tam pueris quàm adultis communis sit: cuiusmodi sunt uocatæ uariolæ & morbilli.

Aphor. 34.

Aphor. 20.
cap. 6.2. theisr trac.
7. c. 3.

CONTRADICTION II.

Morbus Melancholia appellatus, an cum febre eueniat.

Interdum ubi principales actiones læsæ sunt, febris quoque accedit, ut in lethargo phrenitideq;. Interdum sine febre uitium est, ut in mania atque melancholia. id quod modò per consensum, interdum affectu primario cerebro laborante accidit, tertio de locis affectis, inquit Galenus. Alexander quoque inquit, Desipientiæ præterea genus quod sine febre

3. collec. cap. 8.
cap. 8.cap. 5. iuxta
finem.

i est,

lib. 1. cap. 22. est, Melancholia dicitur. Paulus etiam diffinit Melancholiam, quod sit
 lib. 3. cap. 14. mentis alienatio sine febre. Aëtius etiam cum eius meminit, nullam
 lib. 6. cap. 9. mentionem febris facit: & Haliabbas Melancholia nigra est animi con-
 fusio sine febre. Posuit tamen Maniam cum febre, in capitulo eam phre-
 9. theor. ca. 7. nesis constituens. Rasis quoque nono ad Almanforem, dum de illa tra-
 cap. 13. ctat, febris nullo modo meminit: neque in libro diuisionum. At in op-
 cap. 9. positum est Galenus eodem libro paulò post his uerbis: Verum haud
 absurda quaestio est, cur cum Diocles causas aliorum accidentium redde-
 ret, quam ob causam mens lædatur, non scripserit: siue enim uenarum
 quæ uentriculo contiguæ sunt, calor exuperat, seu partes quæ iuxta il-
 lius sunt portam, quam Græci pyloron uocant, inflammatione laborant,
 quid causæ sit, cur melancholica committentur accidentia derelictum est.
 cap. 7. statim
 post mediū. Inde paucis interiectis denuò subiicit: Atque uidetur in eiusmodi af-
 fectu in ipso uentriculo adesse inflammatio. Sanguis autem in parte in-
 lib. 3. trac. 4.
 cap. 18. flammata contentus & crassior, & atræ bili magis conformis. Vidit Auicenna
 hanc difficultatem, ideo dixit, quod uel phlegmon illud ex mate-
 ria frigida erat, sicq; febrem non potest efficere: aut si omnino est ex ma-
 teria calida pylori inflammatio, tunc hoc in genere melancholiæ adest
 febris. In mania autem febrem adesse posse non negauerat prius. Sed &
 trac. 9. c. 9. Auenzoar in suo primo Theisr, uidetur hanc uidisse difficultatem, qua-
 re noluit explicare an febris adsit cum phlegmon adest: sed solum quod
 aduritur hæc materia ibi unde cerebro communicatis uaporibus defi-
 cientia fit. Verum nullus magis clarè hanc dubitationem attigit, ipso
 lib. 3. c. 40. in
 fine. Auerroë, in suis collectaneis. Responso tamen ad idem cum Auicenna
 tendit, uel quod materia illa frigida sit, uel quod febre non possit genus
 hoc melancholiæ carere, uel quod fiat melancholia dum in declinatione
 ipsa phlegmon est. Sed non paruam difficultatem patiuntur hæc respon-
 siones: nam primo per phlegmonem Græci intelligunt sanguineum &
 cap. 6.
 cap. 2. calidum apostema, ut in decimo Methodi, & in libro de Tumoribus
 dum inquit, Solent Græci Phlegmonem appellare inflammationem in
 carnofis, intentis, renitentibus, pulsantibus, rubentibus, doloreq; calido
 uexatis partibus. Quod fit, ut nullo modo ad apostema frigidum hæc re-
 ferri ualeant. nam Græca lectio sic habet. *ἔτε γὰρ τὸ θερμὸν ἐν ταῖς κα-
 τὰ τὴν γαστέρα φλεψὶ πλεονῶντι αὐτῶν ἐστὶν, εἴτε φλεγμονὴ τῶν κατὰ τὸν
 πυλωρὸν μερῶν, διατὶ τούτοις ἀκολουθεῖ τὰ μελαγχολικὰ συμπτώματα,
 παραλείπτου.* quæ uerba iam ab initio exposuimus secundum Guilielmi
 Copi Basiliensis uiri excellentis interpretationem. Sic & reliqua
 quæ subiungit: *ἔοικε μὲν γὰρ εἶναι τις ἐν αὐτῇ φλεγμονή, τὸ δ' ἐν τῷ φλε-
 γμῶντι μορῶν περιεχόμενον αἷμα, παχύτερόν τε καὶ μελαγχολικότε-
 ρον*

γον ὑπάρχειν. Sed si cum febre est tunc melancholia, cur eum morbum
 unanimes omnes, quasi conspirauerint, sine febre esse dicunt? Quòd si à
 phlegmione melancholia succedit, quanquam hoc haud cum uerbis Ga-
 leni consentiat, qui morbum cum phlegmone ipso fieri ait, an phlegmon
 suppuratum an resolutum est: necesse est autem neruea existente uen-
 triculi substantia, illos non leui dolore, ac difficultate egerendi uexari:
 quorum nullum cum in melancholicis uideamus, responfionem præ ocu-
 lis habeamus, non est ut cum Auicenna & Auerroë aberremus: uerba
 enim Galeni illa ad Dioclem, qui hoc ipsum prioribus uerbis dixerant,
 contorquentur, non quòd melancholiam ex pylori phlegmone fieri
 uelit: sed si fiat, ut Diocles affirmat, quo pacto adhuc symptomata illa
 succedant, ille minime (inquit Galenus) docuit. Sed hoc etiam ex uer- co. 46.
 bis Galeni in tertio super tertium Epidemiorum habetur: inquit enim,
 Proprium infanientium est febre liberum esse ut febricitare phrenitico-
 rum. Quamobrem facile est uidere, quonam pacto, qui plaris hominem
 faciunt, quàm res: & res & auctoritatem hominis perdere. At nos cum
 ipsam sequamur ueritatem neglecta auctoritate, & rem ipsam docemus,
 & Galenum ipsum ab iniuria & contradictione uindicamus: nam non
 solùm hoc Arabibus, sed etiam Græcis non leue attulit negotium. At
 non negamus, si uentriculo phlegmon adueniat desipientiam non subse-
 qui: sed tunc non morbus erit ipsa desipientia, sed symptoma: cumq;
 grauiori tunc longe morbo laboret, non iam eum melancholicum sed
 morbo acuto laborantem, ac uentriculi phlegmone dicemus. Nam si qui
 laterali morbo affligitur, perperam febriens simpliciter dicitur: quantò
 absurdius delirantem ex phlegmone letali, melancholicum appellabi-
 mus? Non male, ni fallor, Celsus insaniam in tria distinxit genera. Pri- lib. 3. c. 18.
 mum, quod cum cerebri phlegmone coniungitur, uocaturq; Phrenitis,
 magnam habens febrem iunctam: Secundum, quod leuem & interce-
 ptam, quod ex sanguinis abundantia ac prauitate fit: Tertium, quod
 absque febre est, & in longum protrahitur: nam nec deliria, quæ ex phle-
 gmone septi, uel uentriculi fiunt, omnino sunt perpetua, sed per inter-
 ualla hominem infestant. Rasis in suis continentibus locum & ipse per- lib. 1. c. 3.
 peram Galeni est interpretatus, pro Diocle subscribens Theophilum:
 admiratur uerò, & iure merito, cur si in mesereonam (& hoc pro py-
 lora supposuit) phlegmon fit, quonam pacto fiti ac febre careant: ad-
 ducit tamen coniecturas, quibus phlegmonem adesse uerisimile uidea-
 tur: scilicet à frigidis iuuari & inflationem sentire: sed inflatio illa nec
 ponderosa est, nec perpetua, nec exurens: nec iuuantur à frigidis illico,
 imò læduntur: sed continuo usu eorum minuitur atræ bilis generatio,

cap. 12.

quò fit leuior euadat morbus in posterum : sed non tam frigidis , quàm humidis alleuiatur morbus , cùm humida solum innoxia sint , & cùm assumuntur & postquam assumpta & etiam concocta fuerint . Sed his omisis uera solutio habetur , libro de Morborum differentiis , cum dixit Galenus : φλεγμονήν ὀνομαζόντων ἡμῶν δικλονότι νῦν ὃν τῇρ οἱ φλόγωσι τῶν μορίων , ὥσπερ ἡ ἔδος τοῖς πελαγοῖς . Id est , Inflammationem nobis uocantibus , non partium feruorem , ut mos antiquis fuit . Quare melancholia esse potest cum pylori inflammatione , quæ tamen non est phlegmon , neque tumorem habet secum , nec dolorem , nec febrem , more antiquo nomen interpretantes .

CONTRADICTION III.

Glaucus oculus an opponatur nigro.

2. artis medi-
cæ. c. 10.

sen. 3. trac. 2.
cap. 34.

cap. j. iuxta
medium.

QUæ uerò ad colores attinent oculorum , sic oportet distinguere : Glauci quidem oculi qui puro & non multo præfulgent humore , tales sunt ob splendidi luminis abundantiam : Contrà uerò nigri : at qui sunt intermedii , causas quoque habent intermedias . Hæc Galenus : atque non solum in his , sed etiam sequentibus uerbis manifestum facit , extremos oculi colores Glaucum esse , ac Nigrum : glaucum nempe in claritate , in obscuritate nigrum : reliquos medios omnes esse : quos A uicefina in tertio sui canonis Varios appellat : nam si hi colores extremi nō sunt , non solum extremos colores prætermisit Galenus , sed quotquot inter extremam & glaucum esse possunt . At in quinto de Generatione animalium Aristoteles hæc habet : οἱ μὲν γὰρ ἔχουσι τῶν ὀφθαλμῶν πλεον ὑγρὸν , οἱ δὲ ἑλάττω τῆς συμμετρικῆς κινήσεως , οἱ δὲ σύμμετρον : τὰ μὲν οὖν ἔχοντα τῶν ὀμμάτων πλεον τὸ ὑγρὸν , μελανόματά ἐστι , εἰς τὸ μὴ εὐδίοπτρα εἶναι τὰ πολλὰ γλαυκὰ δὲ τὰ ὀλίγον , καθάπερ φαίνεται ἐπὶ τῆς θαλάττης . τὸ μὲν γὰρ εὐδίοπτον αὐτῆς , γλαυκὸν φαίνεται , τὸ δὲ ἥττω , ἐδιδωδές . τὸ δὲ μὴ διωρισμένον εἰς βάθος , μέλαν καὶ κυανοειδές . τὰ δὲ μεταξὺ τῶν ὀμμάτων τούτων , ὅσα μᾶλλον ἥδιον διαφέρει καὶ ἥττω . Hoc autem est : Hi enim habent ex oculis plurimum humidum , hi uerò minus quàm pro ratione mixtionis , hi uerò quantum conuenit . Qui igitur ex oculis humido abundant , nigri sunt , quoniam plurima ex illis non sunt perspicua : glauca autem quæ modicum habent , quemadmodum & in his quæ maris sunt apparet : quod enim ex eo perspicuum est , glaucum uidetur : quod uerò minus eo est , aqueum : quod autem distingui non potest ob profunditatem , nigrum uidetur , atque cæruleum : qui autem

autem oculi inter hos medii sunt, ut magis, aut minus iam differunt. Haftenus uerba transtulimus: sententia uerò clarior longè est. Oculi ut maris partes habentur: quidam enim plurimum humidum habent, nigriq; ac cærulei uidentur, ut maris profundum: quidam mediocres, atq; hi glauci, uelut pars maris quæ perspicua est, quanquàm oculus dilucidè percipit. Quidam modicum continent humoris, & hi aquei coloris sunt, ut etiam maris summa pars. Constat igitur extremum colorem à nigro, eiq; maximè contrarium, non glaucum esse, ut Galenus censet, sed ut ueritas docet, & Philosophi uerba, aqueum: nanq; & patri meo Facio Cardano, oculi non glauci, sed aquei ad unguem fuere. Est hoc sanè in uiris rarum, in infantibus tamen frequens: nam si rectè inspicias, plurimorum ex illis, uelut & felium oculi sunt aquei, non glauci: est enim color glaucus ut definiunt rectè Grammatici, uiridis albedine quadam permixtus: unde talis etiam in foliis oliuæ ac salicis perspicitur. Sic Virgilius:

Populus, & glauca canentia fronde salicta.

Et rursus:

2. Georgic.

Tantum effata, caput glauco contextit amictu,

12. Aeneid.

Multa gmens, & se fluuio Dea condidit alto.

Nigidius existimat, & rectè, quòd Glauci nomine apud Græcos exprimitur, Cæsi nomine apud Latinos debere intelligi: quod & Theodorus Gaza interpres scientissimus grammaticæ in uertendo obseruat. Maluerunt tamen plerunq; Poëtæ illustriores Græca notissima uoce uti, quam paulò obscuriore Latinatum magis, quòd glauci spondeum nomine, Cæsi nullum pedem nisi per figuram admittit hexametro idoneum. Cicero docet, ueteres Mineruam cæsis oculis semper finxisse. Homerus uerò γλαυκῶπι αἰθῆρην, suam uocat: at indecens fuisset candidum colorem mulieri, quam maximè honestare uellet, tribuisse. Igitur dicendum erit, ut Galenum, quanquàm inuitum, tueamur, per Glaucum intellexisse, non quod ueteres uolunt, sed omnem colorem, qui non sit exquisitissimè candidus: nam talis oculus, si pupillam habeat, nullo modo esse potest: quare aqueus sub glauco continebitur: non meminit autem aquei, quia colos hic fictitius est, nec famosus, si ad nomen ipsum respicimus, quandoquidem nec satis constat, an aquæ nullus sit color. Aristoteles autem rei magis utilitati studuit, quam uerborum lenocinio. Hæc itaque sic se habent.

1. de nat. Deo.

CONTRADICTION IIII.

Color glaucus an à multo fiat humore crystalloide.

EX quibus non leuis alia quædam exoritur dubitatio, scilicet: An paucitas crystalloidis sit causa nigredinis, ut Galenus ipse affirmat. Deinde, An colos in oculis ab humoribus sumi debeat, nam quantum ad

2. Artis medi
c. 21.

3.3. tract. 2.
cap. 3.4
rex. 5.2.
lib. 5. ca. 3.
lib. 4. c. 3.
cap. 1.
cap. 17.
tract. 1. c. 2.

crystalloïdis rationem, Auicenna cum Galeno consentit: sed differentia est, quia etiam tunicarum colorem in causa esse uult: uerum alibi etiam in Cantica scilicet de humoribus dissentit: cum dixit, Si corpus albuginei & glacialis fuerit peruium, purum, & modicum, ac prominens, tum etiam lucidum, erit color oculi glaucus: à contrariis uerò causis, niger. Eandem sententiam sequitur in commento Auerrois: & in Paraphrasi de Generatione animalium: & in Collectaneis. ubi olim in margine contradictionē, quæ nunc legitur, dum essem adolescens adnotauerā. Secutus igitur magister suum in quinto de Generatione animalium, non multitudinem, ut Galenus, sed paucitatem crystalloïdis albedinis oculi causam esse refert. Quidam falsò etiam de tunicis imponunt Aristoteli. Sed cur, cum tres sint humores, duos tantum consideramus? Facilis est responsio: nam in primo Collectaneorum, uitreus qui tertius est, post glaciale, seu crystallinum collocatur: quod & autor libri de oculis fatetur. Verum ad reliquas dubitationes aliqui dicunt Galenum posuisse causas eas quæ magnam possunt efficere narrationem, Auicennam omnes. alii ad apparentiam nihil prodesse tunicas, sed solum ut talis sit oculus cum in dissectione partes quæruntur: hi omnino Auicennam damnant, alii uerò Galenum faciunt insufficientem. Forsan dici posset tunicas adumbrare oculos posse, colorem non posse facere. Sed nec sic satisfacimus Galeno: nam non ex hoc colore quem uideo, ullam de oculi natura potero facere coniecturam: quare melius dicam, totius oculi signa à Principe posita esse, solius uerò pupillæ à Galeno: atq; hoc uerissimum est. Sed cur Auerroës alia excitat signa, si quidem sumpta ab exustione humorum, hoc haud nos fatigat, quandoquidem turbulentiam, quæ puritati est contraria, adustio generet.

CONTRADICTIO V.

Visio an in humore crystalloïde.

cap. 2.
tract. 1. cap. 2.
cap. 6.

Humor ipse crystalloïdes primum est uidendi instrumentum. cui rei certissimo argumento sunt quæ à medicis *ὑποχύμαστα*, id est suffusiones appellantur, quæ interiacent quidem inter crystalloïdem & corneam tunicam, uisionem impediunt donec deprimantur. humori autem crystalloïdi qui albus est, & clarus, ac splendens: quoniam hac sola ratione futurum erat, ut à coloribus immutaretur, non par fuit ut ex sanguine ipso nutriretur, inquit Galenus in decimo suo de Partium usu, & autor libri de Oculis. Sed aliter uidetur sentire Galenus, cum inquit in eodem libro: Quæ uerò pars crystalloïdis extra prominet, tenuem, & lucidam induta est tunica, atq; etiam ipsius pupillæ imago uelut in quodam speculo consistit: quandoquidem leuis est & fulgens hac tunica supra omnia specula.

specula. Igitur uult, quòd uisio in ipsa aranea tela fiat, non in humore: quam sententiam amplexari uidetur Auerroës in tertio Collectaneorum, quamuis in secundo uideatur uelle, quòd in utroq; simul fiat, scilicet in crysalloide & aranea tunica, ob eius splendorem & claritatem. Sed deceptus est Auerroës, ut in plerisq; in interpretando Galenum: nec concordia illa est uera, nec ad Galeni mentem. Quòd enim uera non sit patet: neq; enim dignum est, ut instrumentum principale operationis unius sit compositum: nam ut bene dicebat Philosophus, Sensationes fiunt in similibus, motiones ab instrumentariis partibus. At sic fieret sensatio ab instrumentaria parte, non à similari. Quòd autem uerbis Galeni hoc non consentiat, patet: inquit enim in uerbis sequentibus: Omni igitur parte instrumentum uisus à natura excultum est, siue spectes eius in molli- tæ symmetriam, seu situs opportunitatem, seu coloris fulgorem, siue uim operimentorum. Nam operimentū id, quod sibi est naturale, leue est ac lucidum & splendens, instar speculi. Manifestum est igitur luce clari- us, hoc esse araneam tunicam, operimentum instrumenti uisorii non in- strumentum. neq; merito Galeni uerborum, adeò clarè loquitur, in con- tradictionem uerti meruit, sed ob Auerrois falsam tantum interpretatio- nem. est igitur uisus primum instrumentum secundum Galenum hu- mor crysalloides, quod & illi tribuit Auicenna tertio de Anima: quam- uis contradicat ei, nam declarauimus secundum mentem Auicennæ, quòd spiritus sunt instrumenta sensuum, & primum quod recipit sensa- tionem: & instrumenta, ut oculus, & auris, sunt propter spiritus, & non spiritus propter ipsa instrumenta, & rationes adductæ pro sensu tactus, sunt etiā pro ceteris sensibus. Verū quòd dicat Galenus, relucere imaginē ut in speculo, intellexit non de illa quam uidemus, sed ut etiam dicebat ibi Auicenna, de ea qua quisq; se, non aliter quàm in speculo, in pupilla oculi uidet. Hæc autem reflexio foras fit, non ad crysalloidem. Adiuuat tamen splendor ille ac lenitas adiuncta perspicuitati, ad reddendam ima- ginem illustriorem primo instrumento, scilicet crysalloidi. Verū hoc unum relinquebatur indiscussum, quo nitebatur Galenus in prima auto- ritate, & autor de oculis ostendere, crysalloidem esse primum uisus in- strumentum: nam suffusio, quæ sub cornea accidit, uisum impedit, in- quunt: ipsius igitur uisio non fit nec in cornea, nec tenui humore. Pari ego dicam argumento. Visio intercipitur obstructis obticis, igitur non fit in crysalloide. oportet igitur supponere quòd in suffusione etiam nihilo minus ad partes anteriores possit spiritus transire, quamuis obliqua uia, quod & uerum est. Sed in obticorum obstructione, nullus transit spiritus: ostendit igitur Galeni argumentum, uisionem non fieri, nec in cornea tu- nica, nec in humore tenui: non tamen ostendit fieri in crysalloide. Ve- rum

cap. 38. in ini-
tio.
cap. 15.

2. de part. ani-
mal. c. 1. in fin.

cap. 8. in prin-
lib. 1. tract. 5.
cap. 4.

rùm cùm vitreus humor, qui ei est à tergo, crassior fit, nec pateat: tum uerò & retina ipsa inhabilis fit: certum relinquitur, uisionem fieri in crystalloide, uel in spiritibus qui ibi continentur: perfici autem in cerebro: nam nisi omnes sensus ibi perfectionem susciperent in omnibus geminatis sensorijs, non solum in oculo, res una duæ existimarentur, ut rectè inquit Galenus.

19. de Vsu partium, cap. 14.

CONTRADICTION VI.

Staphyloma an morbus uueæ, an corneæ.

cap. 2.
cap. 34.
cap. 22. de
Oculi proci-
dentia.

lib. 6. c. 19.
cap. 7. in fine.

AEtius in libro septimo cōmemorat iuxta initium Staphyloma in-
ter uueæ tunicæ morbos. Idem pōst declarat, non esse uitium uueæ,
sed corneæ tunicæ. Paulus libro tertio inquit: Cùm uuea rupta cornea
procidit, Myocephalos, id est, muscæ caput dicitur: cùm uerò plus, staphy-
loma, id est quasi uuatio dicitur. ubi adhuc magis malum: sed ubi obcal-
luerit clauus, quo fit ut utriq; tunicæ morbus hic communis uideatur.
Idem uerò alibi inquit: Staphyloma est uitium tunicæ ceratoidis, id est
corneæ, cum Rhagoide debilitata: est uerò Rhagoides uuea. At Celsus li-
bro septimo, Staphyloma inquit est cùm ruptis membranarum aliquibus in-
tus summa attollitur tunica, similisq; acino figura fit. idem uerò accidit
relaxatis, unde id *σφαύλωμα*, Græci uocant. Respondeo nemo exquisitius
Actio rem hanc docuit: nam ubi corneæ uitium esse declarat, hæc in sen-
tentia habet: cùm disrumpitur cornea, siue humor subsit, seu uuea per ul-
cus promineat, cùm ex utroq; acini similitudine aliquid prominet, uoca-
tur Staphyloma: Græcè namq; *σφαύλωμα*, uua dicitur. Est igitur corneæ
tunicæ uitium semper, à similitudine uerò ab uuea nomen sumpsit. cùm
uerò uideatur uuea prominere, inter uitia uueæ ab antiquis cōmemora-
tum est: & si non rarò fracta cornea ipsa, uerè uuea promineat. tunica.
quamobrem & ab euentu, & à similitudine, & ab existimatione uulga-
rium, uueæ nomen adipiscitur uitium. Paulus autem in libro sexto huius
quæ sit proci-dentia tunicæ, non quæ ab humore solum curationem do-
cet: quandoquidem hoc genus tantum Staphylomatis manuum agilitate
emendari ac tegi, non autem sanari queat: nam ad id quod ab humore fit
prorsus inutilis hæc operatio est.

CONTRADICTION VII.

Præcantationes an in cura aliquid possint.

SAepe dubitatum est, An præcantationes in morborum cura ualeant
quicquam: nec solum nobis consilium est, ut de imaginibus loqua-
mur, sed etiam de his quæ miram quandam habent sanandi rationem:
uelut cùm dicimus, quod inspicere oculos onagri frequenter habeat de-
lere

lere Hypochymata, seu aquam, ut Auenzoar affirmat. Sic ille existimat, quòd suspendere smaragdum debeat liberare à difficultate intestinorum, & comitiali morbo laborantes non parum iuuare. Cùm uerò plurima talia sint, ea quæ manifesta sunt in tertium librum de rerum uarietate retulimus: at hîc, ut diximus, præter Auenzoar auctoritatem, Dioscoridis etiam experimenta, tum uerò Alexandri, Aristotelis, Auicennæ, Alberti, ac Aëtii referemus. Ab Aristotele igitur ducam initium, his tamen prætermisiss, quæ ille in librum de Mirabilibus auscultationibus contulit, quem rerum miracula faciunt, ut suum esse non credam: tituli autem modestia illius quasi esse ostendit. Ergo in tertio de Historia animalium inquit, In Lemno insula caper tantum lactis singulo die emittebat, ut colostra fieret, quod & proli masculæ eiusdem capri accidisse intelleximus. Sed hoc ostentum erat: nam Deus consulenti respondit incrementum peculii domino accessurum. Ibi, ut uideo, utriusque miraculi rationem habet & naturalis, & oraculi: nam oraculis admissis, non leuis dubitatio circa naturæ principia emergit: & quanquam de hoc aliàs scripserim, ac generaliter in libro de Animi immortalitate disputauerim, nonnulla tamen quæ huic tractationi deficiunt, præsentî disputationi adiacere minime pigebit. Igitur & in secundo eiusdem inquit: Remora à remorandis nauibus dicta, pisciculus quidam est saxi assuetus, in cibos non admittendus, utilis ut creditur ad amatoria, & ad iudiciorum causas. Sed & hic duo genera miraculorum testatur: alterum quod firmiter de nauibus remorandis, reliquum quod dubiis uerbis de iudiciis ac amatoriis refert. Rursus in sexto hæc habet: Cum autem equa pepererit, statim secundas deuorat, atque etiam quod pulli nascentis fronti adhæret, hippomanes dictum, paruæ caricæ magnitudine minus, latiusculum tamen, orbiculatum, nigrum: hoc si quis prærepto odorem moueat, equa excitatur, furitq; eo odore agnito: quapropter id à ueneficis mulierculis petitur, ac subripitur. Sic & nono libro refert, sanguinem Flori Aegitig; auicularum, quòd perpetuas inuicem gerant inimicitias, coire à pluribus non posse existimari: atque augures dissidio carniuorarum auium bella prædicere, ut concordia pacem. Quid? neque piget quod ibi adiiicitur, quamuis præter intentum uideatur, utile tamen adiacere: scilicet, Olorem ab olore deuorari: cùm tamen hæc auis credita sit ab antiquis ob id Apollini sacra, quòd iuxta mortem dulcissimas edat uoces. Alibi etiam eodem in libro inquit: Sittæ auis, quæ ex genere est earum, quæ cognitione pollent, ob id rem maleficam tribuunt. Et in octauo etiam, Quium quas lupus occiderit pelles, uellera, & uestes quæ ex his fiunt, longe omnibus aliis ad pediculos procreandos sunt aptiores. Et in quinto, Perdices fœminæ, si aduersæ maribus steterint, uentusq; inde afflet

lib. j. trac. 8. c. 19.

lib. j. in cap. j.

cap. 20.

cap. 14.

cap. 22.

cap. j.

cap. 17.

cap. 10.

cap. 5.

k ubi

ubi mares stant, concipiunt. Quid hoc maius miraculo? Sic & alibi in
 cap. 19. Cypri fornacibus affirmat, dum ignis ardet, uiuere pennatum animal,
 musca paulo amplius: quod si ab igne eximatur, emori. Quid hoc diffi-
 cilius esse potest? ubi nec ferrum, nec lapis, nec aurum resistit diu, ani-
 mal atque id exiguum, non solum non amburi, sed sic uiuere, ut illi hoc
 solum uita sit, quod omnibus aliis est nex. Quid igitur de uermibus di-
 cap. 5. cam, qui niue uiuunt ac generantia? quod & ibi fatetur. Sic & in sexto
 cap. 37. rursum inquit: Pullorum hirundinis adhuc recentium oculi, si quis sti-
 mulo eos uexarit, refanescunt, & uim uidendi planè recipiunt. Sic & in
 cap. 12. Perside pręgnantes mures discissas inueniri affirmat, quę alias foeminas
 contineant & ipsas utero mures gestantes. Pygmęos etiam in octauo li-
 bro admisit, probatq;: confiteturq;: quod hominum salua serpentum
 cap. 29. generi plerunque perniciofa est. Libro etiam nono docuit, plurima ani-
 malia scire suas medicinas, neque eas uulgares: nam & caprę syluestres
 cap. 6. dictamum quo spicula eiiciant norunt: in quo duplex miraculum appa-
 ret, & belluę, & herbę. Et alibi testatur etiam dum apud Pharfala Me-
 cap. 31. dię hospites perierunt, coruos quasi sensum euentus futuri haberent, à
 locis Athenarum & Peloponnesi abfuisse. Apes quoque hyemem & im-
 bres pręfagire. Et in Problematicis ait: Sibyllę, & Bacchę, omnesq;
 cap. 40. quę diuino spiritu agi creduntur, instinctu lymphatico ex naturali qua-
 30. par. probj. dam intemperie aguntur. Quin & Maracus Syracusanus Poęta pręstan-
 tior erat dum mente alienaretur. Simile quiddam de Tynnicho Chalci-
 denfi Plato in libro de Poëtico furore refert: nam cum is nullum antea
 poemę lectione dignum composuisset, in Apollinem hymnum compo-
 suit, adeò reliquorum Poętarum cantilenis celebriorem, ut solus uel
 ferme Platonis tempore inter alios decantaretur. Quamobrem Plato
 ipse ibi censet Poętas ipsos deorum esse interpretes: quicquidq; dicant,
 ac scribant, ut etiam Homerum ipsum furore quodam, & ui numinis
 lib. 3. ad theo- non proprio inuenire ingenio. Meminit & in Rhetoricis Oraculorum
 decřu cap. 5. ac Augurum, illorum ambiguitatem quę solum genus doceat euentus,
 ibidem. c. 10. non in illis inquam, sed in ipsis Rhetoribus merito damnans. tum rur-
 cap. 18. sus Deus in anima lumen intellectus accendit, at ibi forsitan minor auto-
 ritas uelut exemplis, cum non solum de diis sed etiam de dęmonibus
 sermonem habeat. At uerò in Quinto primę philosophię ait, dum de
 substantia loqueretur, Substantia dicitur quodcunque corpus, tum uerò
 quę ex ipsis corporibus constat, ut animalia, Dęmoniaq;: cuius fidei te-
 stimonio Gręca lectio ipsa, cum aliquot translationes eo uerbo careant,
 apertè subscribit. Inquit enim, *οὐσία δὲ λέγεται τὰ τε ἀπλὰ σώματα, οἷον γῆ καὶ πῦρ, καὶ ὕδωρ, καὶ ὅσα τοιαῦτα, καὶ ὅλως σώματα, καὶ τὰ ἐκ τούτου συνεισώσκει ξῶα τε καὶ δαιμόνια, καὶ τὰ μόρεα τούτων.* Hęc in-
 quam

quam ut ex grauiſſimo autore ſic minus clara : quæ tamen ab ipſo Pomponatio maxima ex parte in ſuo libro de incantationibus ſuſtulimus. At quæ hic ſubiiciemus nos, magis in rem ipſam facere apertè uidentur. Initium igitur ab Alexandro Tralliano ducam : inquit igitur, dum de comitiali morbo ageret, In Hirundinum pullis primogenitis duo inueniuntur lapilli, quorum qui candidus eſt, uel ſolum appoſitus comitiali morbo correptum eleuat : rubens autem è corio alligatus ceruino ego legebam, perſanat. hos ego ambos uidi, & cinerem panni madefacti ſanguine uiri ſingulari certamine occiſi per ſeptem dies cum uino in potu datum eodem morbo laborantes perſanare. Prætermitto quod de anguium ſeneſta docet ad dentes exefos dolentesq; : illud potius adiicit quod in colli doloribus aſcripſit : Cum characteres (inquit ille) & phyſica ligamenta cruciatus non ſolum placare, ſed protinus tollere conſueuerint : ideo ea ſubiicere decreui, ſed non ſine dilectu : uerùm quæ partim à prioribus medicis, partim à me multa ſunt experientia confirmata. Enumerat, inquam, ſtercus lupinum collo ſuſpenſum ex Galeno, exiguam umbilici partem nuper nati infantis, argenteo uel aureo incluſam annulo : cor uerò ſeu medullam arboris abietis læuo adalligatam femori : Lapis quoque medicus, in quo Hercules imago leonem ſuffocantis fuerit inſculpta aureo annulo incluſus. Sed ad Dioſcoridem nenio, illud ſolum monens, quòd ubi Græca lectio *δρακῆ* habet, quod eſt Videtur : nimis illi à ſenſu abſonum, Dicitur, uertunt. Is igitur multa nimirum ac mira tradit : Primum, quòd cantharides epotæ arcet maleſicia : quamobrem illam eſſe præſupponit : quod & Tripolium tutius facit. peculiariter autem ad amatoria Cyclamini radicem, aut ipſum laudat Leontopodium in potu datum : ita è diuerſo Vmbilicum Veneris, herbam nobis frequentem in muris, ac Catanance ſemen adalligatum ſolum amores conciliare tradidit. At è diuerſo, ſed tamen maiore miraculo narrat Rhamnum rubi ſpeciem, uel Scillam pro foribus appenſam omnia arcere maleſicia. Et in tertio libro dum de Alyſſo loquitur hæc habet : Dicitur & domi ſuſpenſum ſanitatem facere, faſcinationesq; omnes ab hominibus pecoreq; auertere : & in punicea lacinia collo alligatum pecoris morbos arcere. Sed hæc ſanè mediocria : quæ uerò ſubiiciuntur admirabilia : inquit enim, de Antirrhino loquens, Relatum eſt in illius hiſtoria, adalligatum ueneficiis ac malis medicamentis reſiſtere. Quin etiam eo perunſtos ex lilino oleo uel liguſtrino uenustioreſ reddi, gratiamq; apud homines inuenire. Tum in capite de Verbena : Fertur tricliniis inſperſum uerbenacæ dilutum latiores reddere conuiuas, ſacramq; ideo eam uocant, quòd in luſtrationibus ſuſpenſa alligataue felicem uſum habeat. Huius geniculus tertius à terra cum adiacentibus foliis, in potu datur

lib. j. cap. 21.
ſec. 15. & 17.

cap. 39.
lib. 3. c. 48. in
ſine.

lib. 2. c. 54.

lib. 4. c. 130.

lib. 2. 153.

lib. 4. 126.

lib. 4. c. 87. &
129.

lib. j. c. 104.

lib. 2. c. 162.

cap. 96.

lib. 4. c. 128.

lib. 4. c. 59.

- tertianis, quartus eodem modo quartanis. Verum in lustrationibus ele-
 lib. 4. c. 40. gisse herbas ueteres uerba etiam eius dum de Quinquefolio loquitur
 ostendunt, cum dixit: Carpitur postremò ad lustrationes ac purificatio-
 nes. Sed cum in februm iam inciderimus mentionem, quæ ille in his
 lib. 4. cap. 135. & 149. scripsit, ut admiranda subiiciam: in capite de Heliotropio (quod & ipsum
 cum Helioscopio lactea herba solem, ut ipse refert, nosque uidemus na-
 turæ proprietate, sequitur) dicit, tria semina epota tertianis, quatuor
 quartaniscum uino ante accessiones ipsas auxilio esse. Verum maius
 est quod inter amuleta ille ad hæc refert: inquit enim araneas, aut uer-
 miculos, qui in herbæ capitulis, cuius nomen est Labrum Veneris, in-
 ueniuntur, aluta exceptos, brachioq; sinistro adalligatos quartanas fini-
 re. Sed & de Trifolii feminibus eadem fermè quæ de Heliotropii ad ter-
 lib. 3. cap. 114. tianas & quartanas febres scripsit: illud etiam præter hæc addens, eius
 decocto uulnenum dolores quæ à serpentibus sunt illata finire. Sed si
 lib. 2. cap. 155. alia uulnera eodem decocto abluantur, dolores infert similes his, qui à
 serpentibus sunt percussi. At postquam in serpentum incidimus me-
 moriam, operæ pretium esse duco quæ ille de his admiranda scripserit
 subiicere. Dracunculi succo igitur manibus illitis à serpentibus lædi ne-
 gat: & femine albæ spinæ alligato collo fugari uenenata. Quin etiam la-
 crymam Euforbii liquatam ac instillatam inter labia discissæ cutis capi-
 tis super os, inde confuta cute hominem reddere à serpentium morfi-
 bus immunem. Equidem ego id sic intelligo, ut si ab his uulnerentur,
 lib. 3. cap. 12. & 87. ueneni tamen non sentiant detrimenta. Smilacem uerò asperam, infan-
 ti nuper edito datam, illum perpetuo aduersus uenena tutum redde-
 re. Sed & Ophites adalligatus prohibere serpentum morsus, ac uexatio-
 nes: & Lyfimachæ suffitu illos, atque etiam muscas necari, ab eodem
 lib. 4. cap. 130. proditum est. Columella uerò scripsit, quod omnibus fermè persua-
 sum est, atque etiam uerum, impositam taurorum indomitum iugis,
 lib. 5. cap. 100. protinus illos mites ac mansuetos efficere: sicut è diuerso Arisari radice
 lib. 4. cap. 3. tactis genitalibus, adeò furere, ut illico in perniciem semet agant. Pec-
 lib. 2. cap. 158. liaria uerò in scorpionibus quædam sunt: uelut colo agrelli manibus
 lib. 3. cap. 98. prehensio, non sentire dolorem eos qui à scorpionibus percussi sint: depo-
 lib. 3. cap. 77. sito, protinus eo uexari: Delphinio uerò admoto, ipsos scorpiones lan-
 lib. 4. cap. 9. guescere, reddiq; innoxios: quod & Polemonia facere creditur. At herba
 quæ dicitur Pes leporinus adalligata fertur inguinum tollere inflamma-
 lib. 4. cap. 19. tiones. Sic dentium dolores Lepidii radix collo appensa: & Plantaginis
 lib. 2. cap. 165. radix etiam eo modo strumas: uerum eadem tertianas & quartanas tra-
 lib. 2. cap. 115. ditur finire, sumpta pro numero, ut in Trifolii & Heliotropii scripsimus
 lib. 4. cap. 115. enarratione. At Inguinalem etiā manu decerptā sinistra alligatā femori,
 nō secus ac leporinū pedem, inguinū finire dolores: & Cirsii radicē eodem
 modo

*Lisimachis suffitu mites
necantur.*

modo à latere dolente uaricū, quamuis nulla erutam superstitione. A sple
 nion autem herbam notissimam silente luna nocte effossam, ac cum mu
 li liene alligatam, inducere sterilitatem: Sparagiq; radicem epotam alli
 gatamq; sterilitatem non solum inducere mulieribus, sed & uiris, semen
 tollendo: quod & Vitex facit. Ille idem creditus uiatoribus intertrigines
 prohibere, si ramus illius manu gestetur. Peryclemenon uero diebus x x
 x v i. epotum perpetuam inducit sterilitatem. At uero conceptus iam
 factos sed in utero existentes, excutit menstruus sanguis si super ipsum
 transeat pregnans, uel eo inungatur: idem Onosma facit cum super eam
 herbam illa transferit: uel si leuiter etiam aluus, ter tamen, Oxianthæ
 radice percutiatur. Eadem spicula extrahit imposita, sicut de Dictamo,
 atq; aliis fertur. Sed Anagyris in syluis frequens collo appensa, partum
 accelerat. uerum uis trahendi tanta, ut nisi à partu tollatur, trahat & men
 ses nimios, & uterum etiam ipsum. At è diuerso Crateogonum xl. diebus
 perpetuis epotum, è duobus aquæ cyathis (si quidem semen) tam à uiro,
 quam à foemina masculum foetum procreare facit: unde etiam illi herbæ
 nomen impositum. Semen uero folii quod in petris nascitur, uel herbam
 Mercurialem, masculos aut foeminas progignere, prout sexus etiam
 ipsius herbæ fuerit, in potu sumpta: sed & in Mercuriali si bibere pigeat
 à mensibus mulierum genitalibus adalligasse sufficiat. Refert etiam in
 Carbonia Hispaniæ regione, Taxi umbrā quandoq; necare dormientes,
 adeo noxiam. Quinetiam Apollinarem herbam, Solanum, somnificum,
 furiosum: Doricium, Mandragoram, insaniam, aut, ecstasin mouere. Ve
 lut Gagates lapis qui suffitu comitalem morbum excitat, sed id forsitan
 odoris grauitate: & aspidum omnia genera pro amuletis habentur. quæ
 etiam alligata femori partum accelerent. Sic Smilax hortensis, tamen
 etiam leuis, ac Pycnocomon, grauias feruntur insomnia commouere: quod
 & Polypi caput, unde prouerbiū enatum est, Tantum illud boni, quan
 tum mali apportare. Lycopsis uero illita sudorem cit: quod & de Chame
 mello refertur: non leui iter agentium utilitate: nam flos, ut ille docet, in
 pastillos digeritur. Ergo ad Dioscoridem reuertor. Sunt non minus mira
 quæ etiam ad animalia pertinent: ut quod Pulicaris herba uiridis in do
 mo pulicum prohibeat generationem. Adiantum uero coturnices & gal
 los ad pugnam audaciores reddat. Elleborum nigrum, dum effoditur, ef
 fodientibus non leue asferre periculum: nam si aquila superueniat de uita
 periclitari. Quid enim cum elleboro aquilæ ipsi? Sic Ocimum comman
 ducatum, & in sole positum, uermiculos creare creditur: alii referunt scor
 piones. Chelidonium uero nasci aduenientibus hirundinibus, abeuntibus
 illis, interire: eaq; quam diximus ex Atistotele sanitatem pullis reparari,
 oculis eorum admota. Cyminum etiam potu uel suffitu pallorem indu

lib. 4. c. 114.
 lib. 3. c. 162.
 lib. 2. c. 114.
 lib. 1. c. 120.
 lib. 4. c. 15.
 lib. 2. c. 71.
 lib. 3. c. 138.
 lib. 1. c. 107.

lib. 3. c. 158.

lib. 3. c. 130.

lib. 3. c. 131.
 lib. 4. c. 189.

lib. 4. c. 78.

lib. 4. c. 67. 71.
 72. 73. & 74.
 lib. 5. c. 99.

lib. 5. c. 100.
 lib. 2. c. 135.
 lib. 4. c. 140. &
 169.
 lib. 4. c. 27.
 Aëtius lib. 1.
 c. proprio.

lib. 4. c. 68. &
 131. & 146. &
 lib. 2. cap. 130.

lib. 2. c. 172.

lib. 3. c. 61.

lib. 3. c. 6.
lib. 4. c. 10.
lib. 2. c. 131.
lib. 3. c. 106.
lib. 4. c. 170.
lib. 5. cap.
100. per to-
tum.

cere hominibus. Centaurium uerò maius ac Symphitum cum carnibus unà decoctum, illas cogere, sic ut diuisa frusta rursus coeant: & Orobanche, quæ & Erui angina, frequens in agris ad legumina coquenda iniecta facit. Lychnide uerò agresti, non minus quàm Delphinio & Polemonia, scorpiones admotos obtorpescere, reddiq; innoxios. Illud etiam est mirum, unius radices syluestris superiorem partem uomitum, alium autem inferiorem ciere. Thracium lapidem oleo extingui, accendi aqua: ex Amianto lapide telas fieri, quæ igne non secus ac cæteræ aqua expurgentur: hunc uerò in Cypro nasci: uelut Memphytem in Aegypto, qui admotus sensum tollat, ut sine dolore secanda urendaq; maneant. Ophitem uerò, cuius superius meminimus, non omnem, sed eum qui albis lineis fit interstinctus, capitis leuare dolores diuturnos posse. Esse uerò, quod maximum reor esse, Lunarem lapidem, qui lunæ sequatur incrementa: eundemq; ob id à mulieribus pro amuleto suspendi collo: arboribus etiam appensum fructus earum non parum augere. Tam multa hic iure merito adiecimus ex autore grauissimo, quæ magna ex parte, & si non eisdem in plantis, in aliis nos sumus experti. Dicam uerò quod ego oculis præter omnem fidem etiam his maius uiderim. Dum puer essem, Patricius noster Bongaleazius nomine Castelnouatus dolore perpetuo dentis iam per tres dies laborabat: cum superueniens quidam clauo emendicato, quibusdam obscuris notis in ligno cum eo descriptis, ter tacto dente, non solum eum protinus liberauit: sed iussu asseruari clauo, quem in ligno confixerat, pollicitus est perpetuam eius dentis incolumitatem, quæ etiam subsecuta est, cum annis ille circiter sexdecim superuixerit. Alius cum ictu plumbeæ pilæ transfuerberato ore, ac collo, per ossa spinæ utrinque patente lato exitu, desperaretur à medicis, à præcantatore solo oleo & lana perfecte sanatus est, & nunc Mediolani agit apparitorem, cum antea etiam ageret. De alio à fidedignis audiui, sed minimè uidi, qui excussa cerebri parte ex uulnere, perfecte sanatus est. Nunc autem multi nostri in regionibus hanc artem satis feliciter exercent. Antonius etiam Beniuuenius Florentinus, libro de Abditis morborum & sanationum causis, narrat, quæ si uera sunt, magnum nobis negotium præbent: Mulierem uaticinātem uomentemq; æneos acus, capillos, clauos recuruos. Robertum Saluiatum fluxione & Ioanninam Benciam fluxu liberatos precibus Dominici Piscienfis ad Deum fufis. Basparem quandam ictu sagittæ miraculo conualuisse, atq; interim mira de se ac aliis ciuibus, tum de patria prædixisse. Alium spiculo ictum, cum nulla arte euelli posset carminibus exceptum telum, atq; inde curatum. Sed ad rem ipsam reuertor. Auicenna in libris de Animalibus hæc habet: Audiui quendam hominem esse in Denafacia regione, qui suum corpus cum uult resolueret

lib. 8. c. 2. in fi.

resoluere potest ut sensu careat : quem serpentes non nisi coacti uexant. qui uerò coacti læserint, statim moriuntur : cumq; magnus serpens illum morsu fauciasset, ex uulnere homo incurrit ephimeram, sed serpens ille mortuus est. Cumq; ego iter in eam regionem habuissem, de homine quærens, intellexi eum mortuum esse: ueruntamen eius filium mirabilia plura facere : quorum ego cum multa uidissem obliuioni tradita, non facio mentionem. Vnum tamen satis constat, demorsum à serpentibus nihil peressum : sed serpentes ipsos ex hoc penè extinctos : illius uerò spiritum ipsis uenenatis animalibus noxium fuisse. Et alibi dixit, quòd homines quidam tardè somniant, quidam nunquam: alii uerò, quod & Philosophus fatetur, sponte sanguinem sudant. Et rursus sua natura, ut ille inquit, cum superflua multa congregat, diu manere solet sine cibo : quod si & idem homini contingat, manebit & ipse, dicit, quamuis sanus, absq; cibo. Sed Albertus longè maiora ac admirabilia scripsit : siquidem natos infantes duos, quorum alter dum appropinquaret ostiis clausis à dextra uerè ferreos ad se trahendo aperiebat : frater à sinistra. Alibi dixit Achatem corruptum, Herculeum lapidem adulteram prodere. Quin etiam refert mira de aquarum uirtute, quæ experimento Principis chirothecas in lapides uerterunt, & aues cum nido integras. tanta est uis illarum. Et rursus ex Iosepho, agnam uitula inter sacrificantes Hierosolymis peperit, mutationem ceremoniarum ostendens. Sic Augustinus, homines fuisse tradit, qui immoto capite cæsariem reducerent ad anteriora : alios qui ut a se illi aures suas mouerent alios, qui animum uocem exquisitissimè imitarentur, nec non & belluarum, adeò ut illas fallerent. Quod ego cum uiderim, in dignoscendis uocibus expertia rationis nihil proprium habere intellexi. Constat sanè Gallorum Reges magno experimento strumas sanare solo tactu. Refert Plutarchus grauis autor, Pyrrho Regi digitum pedis pollicem dextri sacrum fuisse, qui ambusto corpore solus integer manserit. eodemq; pede cuiuscunq; splenem calcasset, sanitatem uisceri attulisse, nec cuiquam hoc auxilii genus quanquam pauperrimo denegasse. Eundem unum os pro dentium serie superius habuisse. Notissima sunt quæ à Cornelio Tacito, & Suetonio de miraculis Vespasiani referunt: rursusq; de Tiberio Cæsare qui noctu cernebat : atq; aliàs à nobis relata : cum idem nobis contigisse docuerimus, adiunctis his quæ nobis essent propria. quemadmodum & singulis peculiaria quædam inesse credimus, quæ tamen homines non animaduertunt. Quis gallum in horas instruxit? Quis cornos & uultures in clades? & Delphines in tempestates? Sic Aelius Thynnos refert quadrate semper agminis ratione procedere, ut faciliè omnes dinumerari queant ex ratione laterum. Idem brumæ solstitium probè norunt, uernumq; æquinoctium. Imponit & Mar-

lib. 4. cap. 3. &
lib. 3. c. 3.
lib. 8. c. 2.

filius

filius Ficinus Aristoteli, quod dixerit hominem fuisse qui sole & aëre tantum uitam duceret. Albertus etiam tradit, uirgam lupi ligatam, hominem in cuius nomine nodus sit factus à re Venerea arcere. Lapides uerò inuentos, qui rerum naturalium effigiem retineant: uelut de Achate, in quo nouem Musæ naturaliter depictæ uidebantur cum Apolline citharam pulsante, refert Plinius. At hunc Pyrrhum, de quo supra meminimus, habuisse ferunt. Quidam dicunt morem fuisse olim, ut cum Reges morentur Aegypti, signa ac prodigia apparerent. Quod in Alexandro magno etiam, ac duodecim Cæsaribus obseruatum est diligentissimè. Quin quod Tacitus narrat miraculum his uerbis: Die quo Bebriaci certabatur, auem inusitata specie apud Regium Lepidum celebri luco consedissee, incolæ ipsi memorant, nec deinde cœtu hominum circunuoletantem alitem territam, pulsam uel, donec Otho seipsum interficeret: tamen ablata ex oculis: & tempora reputantibus, initium finemq; miraculi cum Othonis exitu competisse. Quid de uictimis sine corde ante Iulii Cæsaris mortem inuentis? quod ostentum alterius Cæsaris mortem nuntiassee aliàs scripsimus. Tres inuenio infantes natos nuper, qui excidium patriæ prædixerint. Vnum Sagunti: alterum, cuius Hali Abenragel meminit: tertium, cuius Matthias Amichon meminit in historia de Sarmatia Asia tica. Semestris enim clara uoce prædixit, uenturos Tartaros, qui gentem suam delerent. Interrogatus uerò, an & ipse timeret: respondit, maximè, quoniam & sibi essent caput amputaturi. Pomponatius ipse, in suo de Incantationibus libro, tria adducit, quæ se uidisse testatur. Primum, hominem in agro Mutinensi, qui serpentes non secus ac gallinas tractaret: uerum demum à quodam diuersi generis ex his demorsum, miserabiliter animam efflassee, maximo prius uexatum cruciatu. Alterum, quod cum uxor Francisci, Magreti futuri Mantuani diuersis linguis loqueretur, Calceranus eius temporis medicus famosus, eam dato ex elleboro medicamento à furore simul liberauit, & peritiam sustulit linguarum. Tertium, quod cum mortuus esset Iulius pontifex maximus, eius nominis secundus, agereturq; de successoris creatione, artifex quidam uulgaris, Geomantiam scire se iactans, dixit, Proculdubio per quatuor antequam crearetur dies Ioannem Medices, de quo minimè inter omnes sperabatur, Pontificem futurum: quod & euenit. uocatusq; est Leo, decimus eius nominis. Audiuisse etiam refert, Aquilanos cum nimis imbribus uexarentur, D. Petrum Coelestinum, quem illi urbis patrocini præfecerant olim, suis precibus uidisse fugantem nubes, indeq; subsecutam serenitatem. Hæc uerò quæ subsequuntur, seu amicus scripserit, seu ipse operis conficiendi sumpta occasione finxerit, in proœmio sui operis narrat, duos pueros, quorum alter crisipelate, alter ignis exustione laborabat, præcant

lib. 37. c. 1.

Annalium
lib. 18.

lib. 3. c. 9.

cap. 4. & 10.

præcantatione ipsa sanatos. Quendam alium magno liberatum periculo, detracta sagitta, quam nemo ex medicis uel ferro eximere potuerat, cum ille solis manibus eam auulsiſſet: cribrum etiam uerbis conceptis motum infantes impollutos his prolatis uerbis, Quem queritis: uarias personas in urceo aqua pleno conspexiſſe. Sed & idem Matthias Amichon quem iam superius adduximus, uir minime leuis aut inanis, eodem in libro narrat, cum Polonus exercitus aduersus Tartaros satis feliciter pugnaret: uexillarium quendam à Tartaris in uexillo χ figuram Græcæ literæ habentem, hominemq; nigrum barbaturum depictum, circumnotato uexillo, præcantantem tantam adduxiſſe nubem ac fumum teterimi odoris, ut terriſi Poloni ac confuſi cedere coacti ſint: inde ex hoc fuſi, ac tandem caſi maximam ſtragem acceperint. Quid de Marſis Italiæ populis, ac Pſyllis Africæ gentibus dicam? quos negant in dolio coniectos ſerpentum, cum legati eorum Romam ueniſſent, experimenti cauſa, quicquam ab illis damni perpeſſos. Sed ad rem, unde digreſſus ſum, reuertor. Aëtii enim experimenta, tanquam grauiffimi uiri, referre decretum erat. Is igitur in ſecundo libro inquit, de magnete loquens: Tradunt detentum manu chiragricorum & podagricorum, dolores eorum leuare: idem æque conuulſis opitulatur. Cum uero de Aëtite loquitur, inquit: Foetus uuluarum retinet ſiniſtro brachio adalligatus: uerum partus tempore à brachio ſublatus, alligetur femori, parietq; prægnans citra dolorem. Fures deprehendit, ſi quis ipſum in panem qui comeditur imponat: nam qui furtum fecit, commanſa deuorare nequit. Tradunt etiam ſimul cum eduliis coctum, fures arguere. Neque enim fur deuorare poterit quæ cum ipſo cocta ſunt. Animaduertendū, non omnem lapidem qui alium contineat uelut prægnantem hæc facere: nam pluriſimi tales in Gallia paſſim, & in Italia inueniuntur: ſed ſolum qui ex aquilæ nido exceptus prægnans fuerit: nam hic Aëtites ab ætæros, quod aquila eſt, dicitur: quaſi aquilaris lapis. Tum in laſpidis hiſtoria, Alligatus hic dolores uulnerym leuat: aſſeruatq; ab inflammationibus tuta, conuenitq; hydropicis. Et in laſpachatis deſcriptione, inquit, corpus floridum ac ſpecioſum reddere. In capite autem de Hiæna bellua inquit, Seruant eius pellem, ut his circudent qui à cane rabido morſi ſunt: proprietate enim naturæ prohibet ne in aquæ incidunt timorem: illos uero, qui iam inciderint, etiam iuuat: quod & in cura morbi repetit, cum dixit, eam illos protinus menti ſuæ reſtituere. Dum uero de uermibus loquitur terræ, dixit, eos cum apparent in ſuperficie terræ, ac in ſole, pluuias ſignificare, ac tempeſtates. Herinacæi uero ſuffitu quancunque diſcuti urinæ difficultatem. Oportet autem, iuxta illius ſententiam, omnia & ſola inteſtina ſuffiri. Vulgarum eſt catulum apud omnes medicos,

cap. 3.

cap. proprijs

*Magnetis lapidis manu de-
tentus et in magnæ ac
podagricæ dolores sedat
ait Aëtius.*

lib. 6. cap. 24.

lib. 2. cap. pro

prijs.

- uentriculo appositum, omnem illius imbecillitatem leuare: sed non illud uulgatum quod Aëtius addit, Applicatum cuiusque corporis parti, morbum ad se trahere: inde sanato ægro, & cane ob id suo morbo moriente, cap. 15. oportere eum diligenter sepeliri. In sexto autem libro Penis resoluti curam tradens dixit, Genitale cerui circumligatum femori ad mentulæ facere erectionem. quod ferme auxilium directe opponitur his, quæ à lupi genitali fieri diximus: nam hoc ligatum prohibet uenerem, resolutum admittit: quanquam non oporteat eum homini circumligasse, sed ut scribunt in illius nomine sufficiat nodum, iniecis. At mirabilius est quod lib. 3. cap. 19. de cura dentium motorum scribit, dum inquit: Scribit Archigenes ut uerum, & naturali modo ad labantes dentes accommodatum: Dentem, inquit, mortui canis, in nomine eius qui ægrè habet acceptum, super prunas pone, uaporemq; inde prodeuntem æger aperto ore admittat, & firmabuntur eius dentes. Sed cum omnia hæc præcantatione participant, hoc solum uidetur exquisitissimum quod in eodem libro tradit ad herentem in gula spinam, seu os. inquit enim: Aliud ad educationem eorum quæ in tonsillas deuorata sunt, statim ad ægrum sedentem te conuerte, ipsumq; tibi attendere iube, ac dic: Egredere os, (si tamen existis os, aut festuca, aut aliud quidpiam) quemadmodum IESVS Christus ex sepulcro Lazarum eduxit, & quemadmodum Ionam ex ceto: atque apprehenso ægri gutture dic: Blasius martyr & seruus Christi dicit, Aut ascende, aut descende. In ultimo etiam libro scripsit Galactitem lapidem appensum pro amuleto, lac augere: & si uir in coitu candida fascia pedem dextrum ligauerit, masculum generaturum: si autem sinistrum colorata fascia circumdederit, foemellam. Tota uerò narratio in fine duodecimi libri, in qua iubet, ut septembri lac, octobri allia, comedere debeamus, nouembri non lauare, superstitiosa est, usq; ad finem anni. Dum uerò libro tertiodecimo agit de cauendi modo à uenenatorum moribus ac punctura, inquit: Si quis rutæ syluestris succo manus linjat, aut adipe serpentis, ab eo tutus erit serpente, qui eiusdem est speciei cum illo, cuius adipe manus obliui. si. Et in eodem refert Basiliscum sibilo uel intuitu hominem occidere. cap. 33. Est autem hoc omni præcantatione miraculum maius. Quinimo & cum lib. 12. cap. 5. dixit, laudans medicamentum, adeo celer est illius auxilium, ut præcantationis uim referat: uidetur & approbasse præcantationem, & modum illius tradidisse. Simili loquendi forma usus est Galenus in Methodo medendi, dum curam flatuosi doloris per cucurbitulas docet, inquit enim: Hoc præsidium quiddam incantamenti simile efficere uidebitur, & alibi cerebrum cameli sanat comitiales: scorpiones stellione uiso obstupefcunt: prægnantes calcata amphibæna abortiunt. Et alibi: Succus cynoglossæ sinistra decerptæ cum uino liberat spleneticos: sanguisq; è uena post aurem

*ad exherenda ea que
deuorata sunt, in
rent præcantatis.*

rem sinistram detractus & illitus spleni. Tum etiam medicamentum quod tundi debet ab homine qui nec anulum habeat ferreum, nec in calceis ferreum clauum. quare præcantationem Galenus & esse docet & à celeritate laudat. Conciliator etiam dum hanc quæstionem tractaret, adducit experimentum quod se uidisse testatur: scilicet, præcantatorem quibusdam uerbis in aurem tauri insusurratis, illum prostrauisse, ac post etiam denuo ad uitam, ac ad surgendum reuocasse. Mira etiam quotidie cernuntur in his qui torquentur hominibus, ut nullis cruciatibus ad ueritatem confitendam adigi possint. Rursus in castrandis mulis, in medendis morbis equorum, non obscura præcantationis uis apparet: tum etiam in fascinandis pueris, & uiris à coitu prohibendis tot experimenta cernuntur, ut nihil frequentius contingat. Cum uero de his, ut diximus, abunde alias tractauerimus, frustra repetere esset.

In oppositum est sententia Philosophi, cum dixit in octauo de historia animalium, de hippomane loquens: Quæ autem de hoc fabulantur figmenta muliercularum, & professorum carminis incantamentorum potius esse credendum est. Et Galenus in sexto simplicium medicamentorum libro longa uerborum serie damnat hæc omnia, tum maxime his uerbis: Verum is ad fabulas uersus aniles simul ac præstigiaturas quasdam Aegyptias deliras, iunctis nonnullis incantationibus, quas cum herbas colligunt admurmurant, & fanè utitur ad ea quæ suspenduntur & imposturas non solum curiosas, & à medicina alienas, sed falsas etiam uniuerfas. At nos neque horum quippiam, neque nugaces eorum narrabimus transformationes. nec enim uel paruis admodum pueris utiles tales esse fabulas existimamus: nedum his, qui medicinæ opera obire properant. Et rursus dum de Iaspide loquitur, Nechepsum damnat, qui necessariam existimauit figuram in Iaspide draconis radiantis: & similiter in decimo cum quidam incantatione se occisurum scorpionem esset pollicitus, terq; spuens id effecisset, Galenus dicit in salua sola fuisse uirtutem, nullo modo in uerbis. Sed & Aërius in cura podagræ inquit: Scribunt porro proprii muli urinam quidam esse sumendam: resistit enim natura sua huic morbo hoc animal. Efficacius autem aiunt reddetur, si quis dum ipsa cogitur, semel in cacabum expuat, & semel in terram. atque hæc cum quibusdam barbaris nominibus inuenire licet ascripta: quæ fanè cum curiosa sint, indecorum mihi uisum est, inquit Philagrius, ea adicere. Quin etiam Hippocrates medicorum Princeps longe lateque hanc de præcantationibus opinionem irridet: docens illos esse sycophantas, qui his innitantur, quæ ratione & uiribus carent. Celsus etiam ipse eas damnas uidetur, cum dixit, de uenenatis ulceribus loquens: Ideoq; colubra ipsa tutò estur, ictus eius occidit. etsi stupente ea quod per qua-

Differetia 156

9. de med. secundum locos. cap. 7. & 12. & in 10. eiusdem cap. 2.

cap. 14.

cap. 1.

lib. 9.

lib. 12. cap. 42.

libro de sacro morbo.

lib. 5. cap. 27. Sectione 3.

dam medicamenta circulatores faciunt, in os digitum quis indidit, neque percussus est, nulla in ea salua noxa est. Ergo quisquis exemplum Pŷlli secutus id uulnus exuxerit, & ipse tutus erit, & tutum hominem præstabit: neque enim scientiam præcipuam habent hi, sed audaciam usui ipso confirmatam. Adest etiam ratio ipsa: si nanque incantationes ueræ sunt, cur quæ ad bonum tendunt finem, à legibus prohibentur? Et etiam cum tria sint medicinæ instrumenta, Viçtus, Medicinæ, & Manuum operatio: quartum hoc auxilium Præcantationem addere oportebit? Necessè etiam erit dæmones non solum ponere, sed & ipsos existimare circulatores quosdam medicos: quorum primum peripatheticæ aduersatur philosophiæ: postremum uerò etiam ridiculum est. Denique cum tam admiranda polliceatur, si uera essent, iam tandem in artem foret reducta: denique omnia perficere posset: seu enim diuino, seu dæmonum nitatur auxilio, nihil illi arduum erit efficere, qui hanc calluerit artem. At hæc sic non esse uidemus, cum etiam solum in hominibus uilissimis ac dolosis sit.

Forſitan prolixior quibusdam esse uidebor, qui horum non habent rationem. Alii me multa adduxisse præter propositum criminabuntur: cum enim de Incantatione sermonem habeam, Amuleta etiam, & Suffitus adiunxi. Sed hoc doctrinæ facilioris causa egimus. Ostendam autem prorsus, hæc omnia ad rem facere: quamuis melius alius existimet, singula exempla suis locis addi debuisse. At uerò his prætermittis, illud primum dicamus peripatheticum, Qui sensum ob rationem prætermittit, indiget uirtute discernente: est igitur supponendum, aliquid fieri, cuius cum non habemus rationem, & celeriter illud fit, id Præcantationem uocamus. Quæ uerò manifestam habent causam, uel sensim aliquid efficiunt, non creduntur esse præcantationes. Optimum igitur erit primò uidere, an aliquis sit modus, quo hæc naturaliter fieri posse queamus ostendere. Secundum quantum uis illa ualeat, ut si uel amuletis, aut uerbis, aut figuris innitatur. Et ex hoc tertium, quænam sint genera præcantationum uera: an quæ ad sanitatem solam pertinent, an etiam incantatione præstigiare uel infantium oculos ualeamus: an animum alterius ad aliquid inclinare: an per somnium præuidere aliquid, an per uigiliam spectra efficere, an tandem quicquam mouere. Ultimo de autorum agemus cõciliatione. In his uerò omnibus hæc tractabuntur, prout unumquodq; suo erit magis opportunū loco: quænam & cur magis hæc quàm illa, ut in amatorijs & cruciatibus: cur hac ætate hæc, alia alia potius, esse regione: cur uni non alteri cõcessum: an euidentem aliquam hæc habeant utilitatem. Ultimò, cur adeò hæc à legibus uetita sint. Primum igitur esse aliquam uirtutē, quā si quis esse nō nouerit, præcatoriā esse existimet, Magne tis

gnetis lapidis ad Boream inclinatio, & Remoræ piscis uis ostendit. Hæc Aristoteli, illa nobis notæ est: harum alteram Galenus ignorauit, alteram dissimulasse uisus est. Quare effectus esse similes præcantationibus, quos si quis uerbis inuoluat, præcantationes esse persuadere possit, iam palam omnibus esse debet. an uerò uerbis ipsis ulla talis uis insit, hoc totius quæstionis est membrum, non ipsa quæstio: cum etiam aliter hoc nomen Præcantationis, quàm pro ui uocabuli sumatur. igitur quòd inter hæc non solum multa sint, sed etiam maxima pars, quæ ad dolum pertineant, pro confessio habeatur. Sed non de dolis quæstio nunc est, sed de ea solum parte, quæ ad ueritatem pertinet, quantumcunq; minimam esse contenderis. Nam quòd minima sit, facit ignorantia nostra, non rei ipsius conditio: infinitis enim (ut declarauimus in libris de Aeternitatis arcanis) rebus existentibus penè, si dantur hæc rerum miracula, necesse est & illa fore innumerabilia: quare effectus præcantationis esse, & non contemnendos, ac penè infinitos declarauimus. An uerò uerbis etiam fiant, hoc posterius uidebitur, cum quomodo fiant docuerimus. Eam uerò solam opinionem ueram credere decet, cum qua omnia genera experimentorum consentiunt: nam singularium maxima pars, ut diximus, ad dolum, non ad artem referri debet. Tres igitur hac in causa opinionones fuisse: prima, Astrologorum: Secunda, Auicennæ: Tertia, Pomponatii.

Astrologi igitur dicunt, causam esse ab astris: utq; illa perpetuò miracula in herbis ac animalibus pariunt, sic etiam in hominibus, & in aëre: unde Albumafar in Sadan dixit, quòd si quis Ioue cum capite in cœli medio iuncto aliquid à Deo petat, eum impetraturum: seq; petiisse scientiam Conciliator affirmat, uisumq; sibi profecisse petitionem. Ptolemaeus uerò dicit, eum qui habuerit lunam dominam artis in genitura in sagittario, uel piscibus, conuocaturum dæmonas ac mortuos, illosq; ei parituros.

in 4. quadri-
partiti.

Hæc responsio uera non est, nec secundum Peripateticos: nam cum religioni non consonet, uera esse nequit. Quòd autem non consentiat Peripateticis patet: nam ponit dæmones & mortuos ambulantes, quæ ambo pro nugis apud eos habentur: si etiam sufficeret cœlum, omnia in omnibus essent: & etiam animalia perfecta possent fieri ex putri materia, & mille alia inconuenientia. Non etiam uideo quid preces illæ in ea coniunctione facere possint: nam si ad sidera, illa non exaudiunt: si ad Deum, ille uel audit semper, uel nunquam, uel ipse indiget ea coniunctione ad audiendum, uel per eam factus est mitior. Quòd uerò ipse profecerit, credo illis: sed hoc contigit ob causas alias quas inferius ostendemus. Quare cum hæc opinio nec pia, nec uera, nec sit peripatetica, eam relinquemus.

Auicenna uerò dixit, quòd causa horum omnium est imaginatio: lib. 8. de Ani-

1 3 unde

malibus, c. 7.
in fine.

9. de Historia
animalium
cap. 49.

cap. 4.

Prob. 2. & 3.
ac 5.

unde inquit: Et de mirabilibus animalium est quòd gallina quando uincit gallum in pugna, erigit se, & percutit alas, & eleuat caudam, quasi esset gallus, & aliquando nascitur ei cornu in crure, uelut gallus. Et ex hoc potest cognosci obedientia naturæ cogitationibus animæ. & hæc sunt potius à Philosopho sumpta, quàm propria uerba Auicennæ, quantum ad historiam attinet. Quinimo addebat Aristoteles, quòd eis erigitur crista, & quòd cucurriunt, conanturq; aliàs coeundo supergredi fœminas. Contrà, mares à maribus uicti patiuntur fœminea, quod & nos uidimus. Accedit quòd uidemus erectionem membri fieri ab imaginatione: ut etiam Galenus in libro de Motibus manifestis testatur: hæc autem erectio fit concurrentibus spiritibus: quare necesse est, ut spiritus non solum uoluntati, ut in reliquis motibus, sed etiam imaginationi pareant. Aristoteles etiam in septima Problematum quærit, Cur oscitanti oscitando respondemus, & alio mingente mingimus, quod maximè iumenta faciunt. & cur cum aliquem torqueri, uri, secari uide conspiciamus, eius doleamus uicem: curq; uidentes aliquem edere, quæ obstupesciunt dentes, in dentibus & nos ipsi frequenter stuporem patiamur. Alii uerò cernentes aliquem suspendi linquuntur & ipsi animo. Demum ad quosdam inhorrescimus sonitus, ut cum secatur pumex, lapis mola teritur, ferra exacuitur. Refert in communem naturæ consensum ac imaginationem hæc omnia: quare manifestum est, imaginationem immutare corpora.

Hæc responsio, ut etiam rectè sentit Pomponatius, non satisfacit: nam quòd aliqua fanitas merito imaginationis eueniat in proprio corpore etiam si concedatur, non tamen declaratur hoc generaliter: deinde in tam breui tempore: deinde in alieno: deinde in rebus ad sanitatem minimè pertinentibus. Dato enim quòd aliquando imaginatio faciat casum, hoc tamen non est semper, nec in omnibus. Matthæus Siluaticus patritius noster aliquando ibat orandi gratia ad D. Francisci ædem sacram, ibi erant sepulcra Siluaticorum: forte fortuna inter rimas uetusti monumeti hæsit adeò pes cum calceo, dum rediret, ut coactus sit calceum relinquere, ut pedem redimeret: hæc imaginatione adeò est perturbatus, ut moriturum se prædixerit: nec monentibus auscultabat: sed & imaginationem sequutus est euentus: octauo enim die ab omine elatus est ad sepulcrum. At nobis aliquando idem accidit non sine admiratione, aliisq; & tamen nemo mortuus est. ergo imaginatio ualida etsi permutet, perturbat etiam: at uidemus in præcantationibus prius sequi permutationem quàm perturbationem. Quid etiam cum infantes & equi præcantantur, nunquid & ipsis est aliquis sensus ac imaginatio, qua id quod fit agnosceant? Imperium igitur hoc nimis latè pateret: parumq; à Deo differre oportet nos si imaginationi nostræ parerent reliqua. Cæterum quòd imagin

*Matthæi siluatici
casus,*

imaginatio ipsa in causa esse non possit, nisi in admodum paucis, inferius dum Pomponatii opinionem refellemus, eorumq; in præcantatione appareat, ostendemus.

Pomponatius igitur uir magnæ doctrinæ, ingenii, ac iudicii, cum solum præcedentem reprobasset opinionem, utpote nimis absconam: nam imaginatione frumentum in horreo augeretur, & argentum in arca, supposito quòd à dæmonibus hoc non fiat, iuxta Peripateticos, ut nos supra declarauimus, quia sumus in philosophia, non in theologia, ab ipso uerò ut existimat demonstrato, præponit quædam satis consona naturali rationi, & Aristotelicæ philosophiæ, ac experimentis quæ supra iam narrauimus. Primum igitur quod supponitur est, quòd agentia quædam immutant materiæ conditionibus manifestis & primis, ut piper quod calefacit: quædam secundis, ut opium quod stupefacit per frigiditatem: aut etiam tertiis, ut lactuca quæ lac generat, & petroselinum quod atterit lapides: quædam cum conditionibus materiæ occultis, ut scammonium quod bilem generat. Et ego distinguo, ut iam in primo tractatu dixi: quædam enim patiuntur ab anima, & in his sufficit temperies: & quædam agunt, & in his requiritur anima. Et si quis dicat, ut Albertus, quòd pennæ aquilarum in aqua pugnant cum pennis anatum agrestium: dico, quòd hoc non est secundum principia nostra: & ego uellè hoc uidere. & quia alii dicunt quòd pennæ aquilarum destruunt alias pennas, & sicut dicitur de tympano ex pelle lupi & ouis. Respondeo, quòd hæc possunt esse uera: sicut etiam de palea quæ tremit in chorda lyre, ut declarauimus in libro de Rerum uarietate. sed hoc est ex similitudine ad actum per aliquod uiuens deducta, puta ab homine pulsante. Non tamen credo, quòd tympanum ex pelle ouis fileat, ut isti dicunt, sed ut imbecillius, sonum edit infirmiore. De pennis aquilarum potest esse quia habent uim exurentem, & etiam puluis, & multa alia. Nec tamen dico, quòd ita sit. Et si rursus opponas de sanguine duarum auium, supra adducto ex Aristotele. Dico, quòd hoc ille non constanter affirmat: sed si ita est, contingit solum dum est calidus: seruatur enim in eo spiritus & uita. Redeundo ad propositum, quia hoc suppositum est etiam, ut multa alia ex eis, commune nostræ opinionis, dico quòd hæc proprietates sunt trium generum: quædam non perficiuntur, nisi ab alio uiuente, ut scammonii in attractione bilis: quædam à propria anima cum similitudine, ut Magnetis actio cum ferrum attrahit, habet enim quid simile attractioni à calido: quædam omnino à causa occulta, ut actio magnetis in dirigendo ferrum ad Septentrionem, & remoræ piscis in sistendo nauim. Et sic erunt omnes operationes non uoluntariæ ex aliquo sex generum, quorum tria pendent ex primis qualitatibus: & tria nō, sed à forma cœlesti, & sic aliquo modo bene dixit Mesuë,

sed

sed illa forma est in agente, & non in passo. Et si quis dicat, Electrum trahit paleas, & hic non est anima in electo: dico quod hæc attractio est ab humido & calido, ideo trahit non solum paleam, sed omnes festucas siccas: & ideo hæc attractio nullo modo similis est ei quæ magnetis.

Secundum suppositum est, quod hæc uirtutes sunt penè infinitorum modorum: & hoc est clarissimum, & ut dixi, declaratum in libro de Arcanis æternitatis. Et sicut dicunt, quod laurus, & aquila, & pellis marini uituli, nunquam à fulgure tanguntur: sic potest esse, quod aliqua res habeat hanc proprietatem, quamuis nulla harum sit: & alia habeat proprietatem arcendi grandinem. nam non magis, imò minus, si quis rectè consideret, hæc sunt mirabilia, quàm quod magnes debeat dirigere ferrum ad Boream, & pisciculus remorari uentos & tantam remigantium uim: & sunt aliqui agri in quos nunquam sequit grando: sed nos nescimus causam.

Supponitur & tertio loco, quod operante homine cum his, & dissimulante auxilium, præcipuè si talis effectus adhuc est incognitus & infuetus, facile est rudibus persuadere quod sit ab incantatione, addendo uerba superstitiosa & incognita. Vnde Galenus querebatur quod illum diuinatorem appellarent, cum tamen ipse hoc data opera euitaret, propter admirabilem præcognitionem futurorum: quanto magis si ex consilio hoc nomen quæsiuisset.

in de Præcognitione c. 4.

cap. 1.

Quartò quod supponitur est, hominem esse medium inter mortalia atq; immortalia. Vnde Philosophus in septimo Ethicorum affirmat, eos qui uirtutem habent Heroicam, Diis esse proximos: belluis autem qui contrariam, & hoc modo ob tantam latitudinem, cunctorum quæ in terra inueniuntur homo particeps est, ut medium extremorum.

3. de Anima
t. co. 37.

Quintum suppositum est, quod anima hominis est omnia sensibilia per sensum, & intelligibilia per intellectum: proximum huic, quod species rerum & si materia careant, immutant tamen materiam ipsam, sic ut alia atq; alia fiat, non minus quàm ab agentibus ipsis materiæ haud expertibus: hoc, inquam, Galenus in libro de Exercitatione paruæ pilæ testatur: hoc Marsilius in sua Platonica theologia, ne quicquam quod ab illo adducatur prætermittam: hoc ostendunt rationes pro opinione Auicennæ adductæ: hoc declaratur etiam argumento quod idea secundum *ἀναλογίαν*, seu proportionem dicitur, de Deo, inquam, primò, quod omnia per se facere possit: in intelligentia, quæ cœli medio: in anima nostra, quæ uirtute specierum: sic, ut hæc tria meritò sint principia secundum ideam, seu imaginem cunctorum rerum ordine hoc, quod in Deo quidem ut nullius indigo, in intelligentiis ut cœli tantum, in anima ut imaginum. Ad hoc facere pulcherrimè uidentur uerba Philosophi ex libro de Motibus animalium quæ sunt hæc: Permutant autem imaginationes sensus

in fol. 2.

& cog

& cogitationes : sensus enim statim permutationes quædam sunt: imaginatio uerò & ratio rerum habent potestatem. species enim calidi frigidæ uel mente concepta seu formidabilis aut suauis , quodammodo talis est qualis unaquæq; est res: & iccirco sola cōsideratione perhorrescunt, & expauescunt. omnia autem hæc sunt perturbationes, ac permutationes : uerum cum in corpore permutantur, aliæ fiunt maiores, aliæ minores. Quòd autem parua mutatio in ipso facta principio , multiplices & magnas in extremo faciat differentias , non est obscurum : ueluti cum temone paululum translati, magna ex hoc in prora fit transpositio. Caliditate etiam, uel frigiditate , uel eiusmodi alia affectione , cum in corde facta fuerit permutatio , etiam si in exigua admodum , & non sensili eius particula, multa sanè in corpore fit differentia , cum ruboribus & palloribus , tum horroribus ac tremoribus, aliisq; huiusmodi contrariis. Principium motionis igitur in agendi genere, ut dictum fuit, id sanè est, quod consecrandum est aut declinandum. Calor autem & frigus eorum imaginationem & cogitationem necessario consequuntur: tristificum enim declinandum, iucundum autem consecrandum: uerum istud in exiguis ualde est obscurum. Sunt autem tristifica & iucunda ferè omnia cum frigiditate & caliditate, quod profectò ex affectionibus est manifestum. Confidentię enim & pauores, & uenerei motus, reliquaq; in corpore tristia ac iucunda , alia quidem in partibus cum caliditate aut frigiditate sunt , alia uerò in uniuerso corpore : memoria autem & spes tanquam simulacris utentes iis ipsis aliàs quidem minus , aliàs uerò magis eorum sunt causæ. Quapropter recta ratione constructa sunt quæ intrinsecus iacent, & ad initia partium instrumentalium ut commutentur : & ex compactis mollia fiant, ac ex mollibus compacta : & ex se uicissim cum leuia , tum aspera. Hæc ille in rem aperte.

His igitur suppositis ad quæsitum respondet, omnia eiusmodi experimenta in tres causas, sed uerius in quatuor referens : scilicet, in Operationem rerum ipsarum dolo dissimulatam: in Hominis propriam naturam: in Imaginationis uim, ut reliqua immutat manifestè , ueluti dictum est: & in Astra.

cap. 4. & 6. 8.
& 10.

Est igitur primus modus , ut appositis quibusdam rebus habentibus eam uim, uideatur Præcātatione id facere. Quemadmodum si quis apposito magnete, & data in potu aqua diptami, loco aquæ putei, ferrum excutiat sagittæ, credetur additis uerbis hoc ex incantatione fecisse. Et hac de causa Apponenfis & Aesculani crediti sunt necromantici: alii sancti, cum ex scientia proprietatis aliquot rerum multa mirabilia operarentur per secundum modum , id est proprietatem naturæ : sicut quidam sunt serpentes, quidam leones, quidam agni, quidam sancti moribus , & animi

In uita Ale-
xandri.

com. 2.

12. meta.
com. 18.

mores fiunt à corporis temperamento, necesse est ut etiam alii habeant uires mortíferas, alii salutíferas, alii equorum: & sicut excussa coma equorum in obscuro scintillæ ignis emicant ex iuba nonnunquam, sic ex capillis alicuius hominis hoc potest accidere: ut nos narrauimus in libro de Rerum uarietate. Et sicut ossa leonis concussa emittunt ignem, sic & ossa alicuius hominis. Et sicut Monoceros uerfatur inter serpentes sine noxa, & aduersatur illis, sic aliquis homo. Et sicut panthera redolet unde feras decipit, sic etiam corpus Alexandri flagrabat, teste Plutarcho. Et ideo quod operantur omnes res in uniuerso à proprietate, potest operari homo, ut est medium inter mortalia & immortalia, & etiam quia corpus, ut dixi, est animæ simile. & ideo dici solet, quòd omnes homines omnia sciunt. Indicio autem est, quòd qui curat unum morbum, nō potest alium curare: & qui euellit spicula, non potest sanare uulnera: omnes enim habent uires ad terminatum genus. Et sicut anima pueri boni temperamenti est mansueta & hilaris, sic eius spiritus applicatus ori multum confert ad conseruandum iuuentutem, & contemperandum calorem naturalem. Tertius autem modus est etiam in multis uerus: nam sicut ab excandescente & leproso spiritus malus deciditur, sic à fixa imaginatione. Est etiam illud uulgatum quod ad fidem ægrotantium pertinet, Ille plures sanat, in quo plures confidunt. ex primo pronosticorum. sed iam de imaginatione præcantantis, non præcantati loquimur, quam sermè palam est prodesse aut obesse, ut dictum est ex Auicenna atque Philosopho: igitur præcantans ex philosophi dicto, fide, & opinione seipsum immutat: immutando spiritum exeuntem inficit, ut dictum est de oculis mulierum inficientibus specula dum menses emittunt. Pestis etiam docet quantum possint uapores: nec est aliud adeò mirabile in hoc, quamuis quod uulgatum sit minus mirum uideatur: ex contactu modico panni, uestis uel, ex anhelitu, ex modico puluere qui hæserit, ex transitu mors repente contrahitur. Potest igitur præcantator fide ualida immutare seipsum spiritus, ac tandem illum quem præcantat. Vltimus modus est, ut ex astris hoc fiat: nam illa possunt regna & leges permutare, conflagrationes & inundationes parere, igitur longè facilius promouere hæc minima, & ostendere imagines in aëre, & uoces, & spectra, & excitare Sibyllas ac Vates, & omnia his consimilia facere: & maxime quòd res perfectæ, ut homo & equus, indigent sole, & agente uniuoco: sed imperfecta sunt in cœli potestate, ut apparet de crabronibus & uermibus, sed talia sunt imperfecta. igitur omnia hæc sunt in potentia in agente æquiuioco, seu homonymo, nec indigent alio: igitur quòd producantur à sua causa nihil est mirum, iuxta Auerrois sententiam. Quinimo uult, quòd per motum solis & aliorum siderum in orbe decliui fiant Prophetæ & Vates.

tes. Et sic omnia generalia miracula hoc quarto modo seruantur. Sed qualiter hoc fiat, si quis uelit distinguere, hanc animaduertat illius sententiam: Omnia naturalia in hominem ipsum ordinantur uelut in finem, ut ex secundo Physicorum habetur. Inter homines autem uidetur unus alterius esse causa: ut, gratia exempli, pauperes propter diuites, inscii rerum propter sapientes, populi propter reges: quod constat, quia hi aliis inferuiunt quasi sponte: & etiam quia homo est animal gregale, talium uerò dux unus natura est, ut cæraceorum inter pisces, ceruorum inter quadrupedes, gruorum & ciconiarum inter aues, apum inter ea quæ Aristoteles insecta uocat. Homo igitur non solum uoluntate, sed & natura duces habet. Quamobrem & Aristoteles, in Politicis, hominum genus diuisit in Liberum natura, ac Seruile: quamuis contingat fortuna quapiam liberum natura in uiolentam seruitutem redigi, ut Diogeni: & seruum natura abuti libertate, ut Caio Caligulæ. Manifestum est igitur ex his, cur filii sapientum degenerent, quoniam natura quod intendebat iam in patribus ipsis absoluerat. At nos in libris de Sapientia generaliore rationem adduximus. Par est igitur secundum hoc, maiorem curam esse Deo de populo, quàm de uno homine: de sapiente, quàm ignaro: de rege, quàm de ciue: de bono, quàm malo. Horum autem quæ in inferioribus fiunt, quædam etiam à sideribus uel dum fiunt, uel antequam fiunt imagines imprimuntur in Aëre & Aquis: tum in plantis, auibus, quadrupedibus: tum per somnia etiam in hominibus. In quibusdam autem, quorum uigilia non plus impeditur anima, quàm aliis per somnum, uelut aliis per somnum imagines futurorum apparent, sic his per uigiliam: inde hos dicunt esse sanctos, si moribus excellent probatis: aut dæmoniacos, si prauis sint infames. At de somno exemplum dat singulare cùm Dantis Alhigeri Poëtæ carmen periisset, quærenti filio, anxioq; per quietem iam mortui patris imago apparuit, docuitq; locum quo id delitesceret: inde experrectus rem, ut insomnium docuerat, esse inuenit. hoc igitur illi per quietem apparuit: alteri etiam per uigiliam ab astrorum impressione idem contingere poterit. Ergo non solum hanc uim in unum hominem, sed uelut in magnete ex uno in alium annulum transit uirtus, sic ex uno in multos homines migrare credit: unde unus propheta multos afflabit prophetas. & miraculorum uis ex uno in alium transibit, non secus atque alii affectus. Verfari enim cum sapientibus sapientiam auget, cum stultis stultitiam, cum iracundis iracundiam, cum probis probitatem. quare uidentur & hi affectus admirabiles ut uiolentiores, ex uno in alium euidentius transire. His igitur de causis coeli uolentes nouam legem statuere,

Vide 10. problem. 15.

c. co. 24.

libj. c. 2. & 3.

re, & priorem euertere, creant Prophetas, atque homines facientes miracula, reuelantes arcana, imperantes uentis & pluuiis, morbos sanantes, prædicentia oracula patefaciunt, delent autem testimonia præcedentis legis, & pugnant pro instituenda, terrendo etiam defensores prioris somniis ac prodigiis: & hæc est causa dicit, quòd tot Prophetæ annuntiauerunt de CHRISTO uenturo, & quòd cessauerunt miracula Delphici oraculi. Inde uult, quòd tanta uis fuerit in CHRISTO quòd emanauerit in Apostolos, sicut ut sæpius dictum est de ui magnetis, qua non solum primam acum, sed sex aut octo trahit aliam per aliam, ut experimento apparet. Inde post tempus cessant hæc, non solum cessante necessitate, sed etiam quia remouentur ab illo primo principio: & sic miracula non fiunt, quia cælum non insluit hanc uirtutem, & primi Prophetæ, & qui ab eo defluerunt secundi, ac tertii, omnes mortui sunt. Dicit etiam, quòd superfluum est propter tam uilia negotia, qualia nunc apparent, uelut de extractione ferri sagittæ, aut erysipelatis sanatione, aut apparentia in urceis aquæ uelle dæmones ponere, quod & nos facemur. Addit uerò aliud, recurrens ad suam animi mortalitatem, cum hæc aliter non uideantur posse defendi nisi ponamus animorum immortalitatem, iuxta legis nostræ decretum: quæ tamen non potest stare cum principiis philosophorum: quia ponit creationem earum nouam, & sic caderet nouitas in Deo, quod esse non potest: ideo dicit necesse est nostram opinionem solâ esse principiis philosophorum consentaneâ. cum enim gratia exempli hora præcedente non creauerit animam, & nunc creet, necesse est Deo aliquid noui aduenisse. Ergo ut ad primum reuertar institutum; cum aliquis uir insignis probitate uel scelere uel potentia uel eruditione nasciturus est, multa apparent prodigia, atque etiam in morte, ut de Abide Hierone, & Cyro refert Iustinus historicus. Principes igitur etiam mali alicuius diuinitatis sunt participes: sicut enim natura creauit, non solum malas herbas, sed & serpentes ad uniuerſi perfectionem, sic etiam quandoque malos homines: malos uerò reges, ut puniant prauum populum: & ut sæpe carnifex est deterior eo quem occidit, sic etiam rex ipse nonnunquam deterior est subditis quos punit. Argumento tamen est illos esse diuinitatis participes, quod cum Cæsar tantum humani sanguinis effudisset, & Nero atque Domitianus tot occidissent ciues, tot scelera perpetrassent, non minus illis quàm Antoninis sua prodigia affuerunt, tam principatus, quàm etiam mortis. Ex quo apparet, tam bonos quàm malos reges à Deo nobis tradi. Rarissimi etiam sunt qui absolutæ integritatis hominem quanquam sanctissimi iudicentur, offendant. Deus etiam ob uarietatem intendit contraria: nam ut ex albo & nigro componuntur omnes colores, sic ex malo & bono. igitur bonum & malum

lum ut sunt quædam entia, non ut priuationes, à Deo fiunt. At uarietas ob pulchritudinem fit: nihil enim pulchrum, nisi uarium: ideo diuersis temporibus, uarias leges, simulacra, uirtutes, miraculaq; producit. Et sicut diuerforum Principum diuersa sunt uexilla, sic diuersarum legum, diuersi ritus, ceremoniæ, signaq;. Olim crux erat noxiorum poena, ac ut nunc furcæ in summo non solum contemptu, sed etiam abominatione: nobis maxima in ueneratione. Et Iouis nomen nunc in contemptu, quod olim adorabant Reges. At uerò cœli dum custodiunt, legem & signa eius custodiunt: quamobrem ut olim in Iouis nomine miracula fiebant, sic nil mirum nunc in crucis signo. Cum uerò non uim habent, indicium est, legem eam consensescere, atq; propè finem esse, ut nunc Christiana esse creditur. Veruntamen hæ leges, licet non eadem numero, specie tamen ac similitudine, cum mundus sit æternus, infinito reuertuntur. Ergo, ut olim miracula, sic nunc multarum rerum scientia innotuit, Bombardarum, Typorum, Magnetis, atq; ideo nauigandi. Nihil mirum est igitur apud Pomponatium, Petrum pedibus maria superasse. Sed si quid, quod in has causas referri non possit, appareat: id, inquit, est constans signum ac testimonium nostræ fidei: uelut cum apud Iosue sol firmatus est: uel ut Dionysius in Epistola ad Polycarpum recitat, in Domini nostri Iesu Christi morte, cum luna ex Orientis parte cœpit solem adumbrare, cum semper in uera eclypsi ex Occidente incipiat obscuratio: eo quòd luna uelocior est sole, ferturq; proprio motu ab Occidente in Orientem. At uerò quòd homines resurgant, aut permutentur in lupos, hoc naturale putat. quandoquidem aues in lapides, ut docuimus ex Alberto, & uerè, ex integro transmutatæ sint. Plus autem auis à lapide, quàm à lupo homo distat.

His præsuppositis omnia miracula & præcantationes, in aliquam ex istis quatuor inuentionem refert: sanitatem quidem à uulnere, ab ignis uexatione in primam, uel secundam, uel tertiam: unamquamq; enim earum per se sufficere cõtendit. In extractione autem sagittarum, dicit posse prodesse miram quandam agilitatem manuum: & narrat de quodam medico, qui ei retulit, uidisse hominem, qui clauos ex tabulis digitis solis eruebat, quos faber tenaculis non poterat extrahere. De motu cribri refert uel in manus agilitatem, uel in secundum modum, id est, hominis proprietatem. De uisis in urceo reducuntur in tertium modum à ualida imaginatione, coadiuuante uisus subtilitate. Et addit, audiuisse se narrantem Petrum Bagolirum Patauii cuidam Episcopo, legisse se apud autores fidedignos, quorum nomina referebat, horum inferiorum imagines in sole ac luna ad còrelucere, ut à subtilissimi uisus homine perspicere possint: de quo experimento in libro de Rerum uarietate retulimus: fit enim cum duobus speculis, ac hircino sanguine: quanquam Agrippa non refe-

rat. Nos ibi, & in libello Secretorum disputauius de his, & in libello de Subtilitate. Ergo præcantator conceptæ rei imaginem in speculo figit, quæ ad oculos illibati pueri reflectitur: impollutus enim puer liquidò acutiorem habet uisum, seipso iam seminis profusione polluto. At de imagine diui Cœlestini uisa ab Aquilanis Lambrutii, seu Vestinorum regionis ciuibus, cœlum causam fuisse affirmat. Eos uerò qui liberati sunt à cæcitate, uel qui resurrexerunt, uel ex mutis loquentes euaserunt, non tales fuisse affirmat: sed impedimento alligatos. Hos quidem telam quamdam præ oculis habuisse, illos linguæ uinculum, alios deliquio animi, uel strangulatione laborasse uuluæ, uel attonito morbo: sicut is, qui cum diu suspensus Bononiæ iacuisset, uiuus inuentus est, quòd asperam arteriam non cartilagineam, sed osseam haberet: hoc nos & ab aliis accepimus. Mortuorum uerò apparitionem, & hæc quæ dicta sunt, nam non satis fibi constat, in cœli uim refert. Hoc unum satis aptè describit, quòd tales imagines non diu manent, quoniam ex uaporibus constant, & nubilo tempore, magis quàm sereno apparent, & in nocte magis quàm in die: ac rursus in crepusculis, magis quàm clara luce. Vates autem in proprietatem naturæ, & uim cœli transtulit: quod etiam dici potest de his qui lingua utuntur quam nunquam didicerunt, uelut ex suo superius exemplo adducto declarauimus. Hos autem dicit esse melancholicos magna ex parte, in quibus Saturnus dominatur: indicio est, quòd solitarii sint, atq; à curis semoti, tum etiam malefici. Miracula uerò à corporibus sanctorum in imaginationem, & illorum refert proprietatem. Concesso etiam quòd tintinabula sacrarum ædium possint auertere grandinem, uult quòd hoc ex siderum ui accidere debeat: sub qua conflata illa fuerint, tum etiam ex sono, seu magis aëris motu, quod haud dubium est, tum maximè cum magna fuerint: unde & bellica tormenta fugare solent nubes. Verùm quia hoc dubium erat, cur cum homo intellectu polleat, astris subiiciatur? Respondet, quoniam plus habent sensus, quàm intellectus. ut diuus Thomas in libro de Sortibus affirmat.

Hæc sunt quæ non solum falsa & impia, sed etiam à Peripateticis aliena magna ex parte, ac etiam ridicula inuicemq; pugnantia scripsit Pomponatius: quanquam alioquin uir, ut iam testatus sum, clarissimus: ob id quòd falsa sint haud obscurum est, cum legi nostræ non consentiant. Lex enim nostra uera est: quod ab illa dissentit, falsum. Impia sunt, non solum quòd malè de Christo sentiat in his, sed quòd omnem miraculorum uim quantum potest, labefactet: incertamq; omnino, imò falsam religionem nostram reddat. Sed forsàn hæc in Philosopho toleranda fuerant: illud minimè, quòd modò Aristotelem, modò sequatur Platonem: quodq; absurdissima dicat, uelut quòd precibus populi cœlum conficiat imaginem diui

diui Coelestini fugantem nubes: nam hoc minus est Philosophicum, quàm pium: nisi casu contigisse id affirmaret: sed hoc non dicit. Sic & de mortuorum resurrectione, & transmutatione uera hominum in fues, quam ille concedit: hæc enim proxima argumenta sunt insanix. Contradicit etiam sibi manifestè in multis, ut de resurrectione mortuorum, quam modò admittit, ut naturaliter possibilem, modò negat. Sic etiam de uocibus in aëre, & de puero nuper nato, apud Philosophos magna est quæstio, an dearticulare possint uerba. Ad hoc impulsus, ut reor, potius odio quorundam hypocritarum est, iniuste illum persequentium, quàm iudicio aliquo: tota tamen libri series docta est, & subtilis. Opere pretium igitur erit quæ falsa sunt prius ex eius dictis refellere, pòst ponere nostram opinionem.

Quantum igitur suppositum et si uerum sit ut declarauimus in libro de Animi immortalitate, non tamen apud Pomponatium, quia nullo modo est uerè immortalis: ideo quamuis suppositum sit uerum, non tamen conuenit illi: sed hoc suppositum adhuc est postmodum falsum, quòd medium ideo debeat habere proprietates multas, quia extremorum particeps: nam sic sequeretur, quòd cortex citri (gratia exempli) esset stupefaciens & adurens: est enim medium inter lacrymam papaueris, & euphorbii. Et si dicas, quòd hoc non tenet, quia hæc consequuntur excessum & non qualitates, eodem modo dico, quòd proprietates insequuntur formam mixti certam, & non mediocritatem. Et quòd sit uerum, ex tot lapidibus nullus trahit aliquid, præter magnetem: nec ex tot generibus piscium, quicquam præter remoram sistit naues. ideo hoc potius concludit oppositum, nam si medii natura est contraria naturæ extremorum, igitur ab illorum uiribus remouetur. Quantum ad sextum suppositum animaduertendum est, quòd pura imaginatio non immutat corpus, nisi in uenere & erectione uirgæ. aut cum iungitur uoluptati, spei, tristitiæ, timori ingenti, ac fidei: tunc enim spiritus cordis agitantur, & fit permutatio magna in humano corpore: adeò ut aliqui mortui sint, quemadmodum Galenus in libro ad Opigenem de nimio gaudio recitat. Ergo omnes operationes corporis fiunt à spiritibus: hi partim parent uoluntati, ut in motibus uoluntariis: partim uerò imaginationi, ut in mentulæ erectione. Vnde fit, ut illa permutatio uera sit, sed cum fide, uel timore, aut spe. Sunt autem fides, timor, & spes, rationis & existimantis uirtutis qualitates & affectus, non autem imaginationis. Quare rem hanc oportet distinguere, non autem in dictis Philosophi & Auicennæ decipi. Hoc enim ostendit experientia: si quis enim imaginetur se sanum, aut filium mortuum, nec sanatur, nec contabescit. Sed si existimet se sanum, multum iuuatur, & maxime in uulneribus letalibus & febre pestifera: sola enim spes plurimum

plurimum prodest, quanto magis securitas: & sic existimare mortuum filium, adeò facit hominem contabescere, ut quandoq; ex hoc moriatur. Cum igitur quo ad hoc nihil referat, effectus ne successerit, uel non: succedente autem effectu multi exanimantur, aut sanantur: igitur ex sola firma fide uel magna spe, hoc accidere potest. Cum uerò refert hæc in tres causas, prætermissa ratione influxus coeli, & post addit eam, manifestè sibi contradicit. Primus autem modus non est meo iudicio uerus: nam qui agunt talia, sunt penitus ignari literarum. Sed eruditi magis sciunt, & plures cognoscunt rerum proprietates quàm ignari: igitur hoc non fit à proprietatibus rerum. Conciliator etiam & Aesculanus aliquid horum memoriæ prodidissent: uel saltem studio gloriæ celebratur enim Gentius Rex ob Gentianam, Euphorbus propter Euphorbium, Artemisia regina ob herbam Artemisiam inuentam. Iuba quòd multa de his prodiderit, ac Democritus quanquàm etiam falsa in tanto etiam tempore multa eiusmodi detecta forent, sicut multæ proprietates medicamentorum Galeno patuerunt, ut superius in primo tractatu docuimus, quorum neutrum euenit. Sed quod magis refert, oporteret ut uel uideremus hæc simplicia, uel ægri sentirent, uel ipsi præcantatores callerent artem etiam deceptoriam qua circulatorum utuntur. Cum igitur hic agamus per coniecturas, & non per demonstrationem: sequitur, ut non sit credendum tales uiros aliquid occulere. Illud accedit, quòd hoc non est omnino soluere difficultatem quæstionis propositæ, sed detegere errorem. ideo non satisfacit hæc responsio. Et quamuis nos quasi similem huic daturi simus, non tamen illa meritò his rationibus erit obnoxia, cum sit generalior, & non indigeat arte præstigiatrice.

Circa secundum, aliud est de moribus, aliud de proprietate naturæ: est enim longinqua similitudo, quæ etiam apud Oratores ipsos culpa non caret, nec dat nobis modum aliquem, quomodo hæc fieri possint: ideo & si ueritatem contineat, sic tamen descripta caret ratione. & ratio est adducta, ut dixi, non est multum efficax. In tertio etiam modo sunt multæ dubitationes: nam dictum Hippocratis à Galeno in fidem non reducitur, uel imaginationem, sed obedientiam ægri ad medicum. In exemplo de speculo secundum autores est multa fides, sed secundum ueritatem fit potius, ut existimo, ab anhelitu mulieris, & non ab oculis. & experimentum est, quòd non fit muliere se à longè comente. Et etiam in uia Peripateticorum hoc Pomponatius dicere non potest, cum sensus percipiant intus recipiendo, non extra mittendo, & præcipuè oculus. Nec credo mentem esse Pomponatii ut per falsa supposita nobis reddat rationem: sed potius spectare ad res, quàm ad antiquorum famosas opiniones. Si enim experimentum de speculo esset uerum, quòd inficeretur ab oculis mulieris, non
ab anh

2. de Anima
t. 51. & 52.
in de Sensu et
sensibili. c. 2.

ab anhelitu, tunc magna pars huius difficultatis posset per hoc fundamentum declarari. Idem dico de oculis Basilisci, irati leprosi: non enim uideo quòd possint rem immutare, sed solum speciem producere, ut omnia alia quæ uideri apta sunt. In quarto modo tollitur omnis materiæ necessitas, & ideo hoc nullo modo est Peripateticum: etenim possent omnia sic ex omnibus generari & fieri. quòd autem possint uates & crabrones à cœlo, hoc est secundum Auerroim & Aristotelem. Sed quòd bos possit loqui, & infans semestris, aut nuper natus: aut ex aëre audiri uox dearticulata, istud omnino est alienum à uia illorum. Cum uerò dicit, quòd maior est Deo cura horum, scilicet meliorum aut præstantiorum, quàm deteriorum: uerum est, iuxta nostra principia: uerùm apud illum non potest hoc defendi: cum ponat Deum non cognoscere singularia: & ob hoc Auerrois & Aristoteles hoc dicere non sunt ausi: quamuis de Aristotele sit dubitatio non leuis, an existimauerit Deum singularia cognoscere: hoc tamen nos declarauimus in libris de Arcanis æternitatis: & in cap. ii. libro Indefinitorum quæstionum. At Pomponatius hic, & in libro secundo de Fato aduersus se mouet quæstionem, quam soluere nititur, sed non soluit iuxta principia sua. Sed quia, ut dixi, in conclusione sumus concordēs, ideo non redarguam illum hic: cum sola indigeamus conclusione, non autem rationibus quibus eam nititur ostendere. De transitu autem uirtutis, quia de CHRISTO innuit, hoc non est ad propositum: nam sublato magnete uirtus annulorum perit: item propinquiore magneti efficacius trahunt remotis: at CHRISTO extincto, discipuli floruerunt miraculis, qui antea dum uiueret non ediderant miracula. item Paulus CHRISTVM nunquam uiderat, nec tamē ullus euidentiora edidit miracula, præter Petrum ex CHRISTI discipulis, de quo etiam est dubitatio. Paulus etiam eremita primus, & Antonius & Hilarion, beato testante Hieronymo, maiora ediderunt miracula aliquibus CHRISTI discipulis: igitur cum essent inconnexi primo principio (nam Paulus eremita & Antonius ex seipsis profecerunt) patet omnia illa sua commenta esse meras nugas. Quòd si neget hæc uera esse: ad quid confiteri historiam simul ac negare? Audeam uerò illud dicere, nihil defuisse testi ipsi Beato Hieronymo, quin etiam maiora illi credamus, si Philosophus naturalis quicquam ex his uelit admittere. Ad id de animi immortalitate, quanquam argumētum suum soluant Theologi, ego tamen teneo eam in uia philosophorū, absq; noua creatione, ut in libello de Animi immortalitate, quem edidi, satis apparet: uel igitur immortalitatem animi iuxta fidem conatur euertere, & hoc est impium: uel iuxta philosophos, & sic debuit oppugnare uerisimiliorem sententiā, quæ est nostra: maximè cum hoc ipse testetur in tribus locis, ut iam docuimus: imò passim dicit, uolēti

tueri animi immortalitatem, nullum aliud esse refugium à *πῦλινγνῶσις*. Quod uerò subsequitur de signis, & notis, & uocibus, totum est propheticum, & contrarium philosophorum principiis, & etiam absurdum. Quid enim, aut quomodo admisis etiam uniuersis suis significationibus, crux liberat Petrum à febre, Ioannem non? Dices, ob fidem. Igitur iam non hic indigemus coelo: nam uel crux mutat coelum, uel mutat per proprietatem receptam, uel propter fidem. Primum nec ipse concedit, ut coeli relinquant suum institutum, & ordinem, sit permutentur à signo crucis: uel propter proprietatem, & sic in omnibus, uel saltem in pluribus ageret: uel propter imaginationem, ac fidem: & sic, ut dixi, non indigemus celesti impressione. Si autem hoc solum affuisset miraculum Petro, certe posset dubitari. Nos autem concedimus, quia bonum & malum habent medium, ut in decimo habetur primae philosophiae, quodque uarietas & pulchritudo ex horum mixtione fiunt in mundo: non tamen haec apud Deum mala esse possunt, nam ille non uult malum. De resurrectione, & transmutatione in lupos iuxta philosophi opinionem, nihil aliud habeo, quam ut rideam: ideo dico, quod ubi admittantur, sunt exquisitissima miracula: nam à priuatione ad habitum naturaliter impossibilis est regressus. Ad rationem ex experimento Alberti sumptam dico, quod nihil concludit: nam ut uisum est, aues iam mortuae à lapide non animato, id est concreto, specie non differunt, quia uterque anima caret: ac ex homine si fiat lupo, iam uterque habet formam propriam ab altero specie distinctam. ideo ex quocunque corpore potest fieri lapis concretus, non autem adamas aut magnes: nec ex musca apis, nedum ex homine lupo: cum in hac transmutatione quasi Theologi qui omnipotentiam Deo tribuunt, dubitent. Ex hoc autem patet, quantum uno recto principio facilitatis ac luminis posito accedat: ac contra ex falso infinita inconuenientia. Vnde si metalla uiuunt, transmutari nequeunt, & labos cum impensa chymicis perit. Si non uiuunt, nullum est inconueniens.

Ceterum ad ea quae subiicit, difficultates eadem contingunt, quae in principiis, ac suppositis: propterea non me amplius extendam contra eius dicta, nam reliqua probamus: conabimur uero soluere iuxta nostra principia ac Aristotelis. Tria tamen maximam hic afferunt difficultatem. Primum est, quod ut habetur in secundo posteriorum, quaestio Quid est, & Propter quid est, praesupponunt quaestionem Si est: quae cum lateat in plerisque, ob dolos, ideo incertum est, quodnam ex his experimentis sit uerum, quid uel falsum. Omnis autem nostra scientia ex sensibus ortum habet, ac ex his, quae per illos percipimus. Secundum est, quod paucissima habemus experimenta, in quibus tanquam in fundamentis firmemus ea quae supponimus. Tertium est, quod nec Aristoteles, nec alius eius philosophiae sectator, aliquid nobis de his tradidit: quod non solum arguit rei obscuritatem, sed etiam facit: nam scientiae

proc

in trac. j. huius quaestione j.

tex. 8.

procedunt monumentis clarorū uirorum simul collatis: atq; per ea cōferuata & aucta perpetua incrementa suscipiunt. Auget etiā hunc laborem, quòd quæ habētur inuicē dissident adeò experimēta, ut nihil cōforme ex illis elicere possis rationi: & uidentur horum principia plurima omnino esse, ut sanationis, sistendæ nauis, ferrum ad Boream dirigendi. Quinimo quadam ex parte peripateticis principiis contraria: nam si quod agit, à proportionē uincente operatur, quomodo tam paruus pisciculus tantam molem potest retinere? Et si omnis actio est cum contactu, quid contingit ferrum, ut ad Boreæ punctum, qui tam longe abest, dirigi debeat? Sic & sanatio ipsa per contraria solet fieri, hic autem nihil est contrarium in præcantatione. Galeno attribuerunt adeo impudenter de præcantatione absurdum libellum, ut nihil de eo dicendum sit. Pomponatius tamen tria cap. 10. imaginatur, cur Aristoteles non scripserit de his quicquā: uel quòd morte præuentus sit, uixit tamen satis diu: uel quòd interciderint libri, adducitq; Albertum, quòd librum Aristoteles scripserit ad Alexandrum de morte animæ: satis constat periūsse libellum de Anima ad Eudemum, cuius, ut diximus, alibi meminit Plutarchus: uel quòd noluit scribere ob timorem: cum enim Plato obscurè, & per ænigmata scribens, in honore sit habitus, ipse uerò Athenis pulsus in Eubœæ insulæ Chalcidem cōcesserit, ubi exul mortuus sit, timore non ausum scribere quæ senserit: scripssisse tamen aliqua sparsim de his. Verum cum ad sexagesimum tertium peruenit annum, aususq; sit, ut aliàs dixi, damnare palam leges, nec breuitate uitæ, nec metu impeditum esse satis constat. Verum uel non scripsit, quòd satis non haberet ob inconstantiam fidei rerum, ac paucitatem experientiorum, quod scriberet cum ratione: tum etiam ob obscuritatem: uel, ut dictum est, quòd scripserit quidem, uelut in libris duobus inspectorum problematum, uel in quatuordecim libris expositorum generatim, uel in tribus de natura, uel in libro de idea, uel in physico alio uel ex horum genere, sed tamen interciderint.

Præter igitur tria prima Pomponatii supposita, ac quintum illius, hæc adiicimus quæ inferius addam. accepimus nempe ex Pomponatio primum quòd dantur præter manifestas qualitatū operationes, quæ in tria reducuntur genera, tria alia occultarum: harum quidem ut à similitudine, harū ut à proprietate satis manifesta, harū autē ut occulta omnino. quāquam duo prima Galenus ad idem genus referat. Secundum est, has proprietates nō unius esse naturæ, sed ualde etiam dissimiles inter se. Tertiū, quòd homine dissimulātē naturalem causam atq; occultātē, proni omnes sunt, maxime philosophiæ ignari, in præcantationē effectū referre. Cum enim natura fermē nobis sit ingenitū, nihil esse absq; causā naturali sublata, sola supernaturalis relinquitur. Quartū, quòd anima hominis est omnia

ut dictum est secundum formam spiritualem, sensibilia per sensum, intelligibilia per intellectum. Quintum, quod affectus animi qui sanguinem immutant, ut fides, timor, audacia, iracundia, dolor: permutant etiam spiritus, & calefaciunt aut infrigidant corpus manifeste: sicut dixi de illo Sannuto, qui canus in una nocte euasit: & Cæsari Gallo, cum nuntiatum esset quod damnatus esset capite, & quod post modum dilacerandus esset, inuasit eum febris protinus. Et hoc est clarum in his, quæ cum tristibus, aut lætis coniunguntur: ut uero in fide alterius rei quomodo hoc erit? dicimus quod in metu & tristitia retrahitur calor, in lætitia & ira diffunditur: igitur fide fixa existente nec assistente obiecto tristi uel læto, quiescit: & fit tertia dispositio immutans corpus sub alio genere, quam faciat timor aut ira, non tamen minus quam aliquod illorum. Sextum, quod coelum est causa omnium, uel eius intelligentia. Septimum, quod homo est animal ciuile & gregale, sic ut in cæteris animalibus rationis expertibus dux natura quædam sit. & quod uelut in uno corpore manus & pedes sunt propter uentrem, ille propter iecur, illud cordis causa, hoc propter animam: sic etiam in mundo omnia generabilia & corruptibilia sunt propter hominem: hominum autem pars deterior ob meliorem. Octauum, quod omne agens naturale agendo diuersas semper actiones producit in diuersis obiectis: uelut si cera & lutum & lignum approximetur igni, cera liquefiet, lutum cogetur, & lignum calefcet ac flectetur. Et istæ operationes habent quandam similitudinem ex parte agentis: ita quod quis uidens à longe liquefcentem sponte ceram, poterit diiudicare ignem adesse: & quod lutum durefcet, & lignum curuabitur. Cum igitur coelum sit agens naturale, & multa habeat proxima, multos simul agit effectus necessario, quorum alter alterius est signum certum, quauis multi non animaduertant, & pauci cognoscant. Nonum, quod magnorum euentuum ualide necessario sunt causa, & quorum causa uice uersa potentes sunt, effectus etiam sunt admirabiles: nam par est in omnibus, causas effectibus correspondere. Reges igitur ac sapientes fiunt à causis potentibus, quia plurimum possunt consensu, uel scientia rerum. Improbi autem, uel probi, non tales esse queunt ut prosint, uel plurimum noceant, nisi propter adiunctam potentiam, ideo talium ut potentes sunt, necessario ualide causa sunt. Decimum, quod ut diuersæ orbis cœlestis partes, diuersas uires habent, cum materiaque producunt pisces, herbas, lapides, habentia diuersas proprietates: sic anima nostra immortalis existens, ac cœlestis originis, alia alterius partis coeli uicem gerit, ac uirtutem assequitur. Et sicut solis radius infinitas continet uires, quas pro regionum & temporum uarietate imprimit: sic anima humana tanquam unum totum immortale, infinitas uires in se retinet, quas non secus ac sol communicare non potest sine corpore. cunq; omnes uarietates anime uegetatricis in plantis ostendantur per

per tot genera, & in animalibus animæ sensitivæ, oportet non pauciores esse in intellectuæ: quæ cum non habeat nisi humanum genus, oportet in hominibus solis animæ ratione intellectuæ, tum quod celestis sit, tum quod genus quoddam absolutum, tot termē inueniri differentias, quot in omnibus animalibus, plantis, atq; lapidibus. Vndecimum, quod homo habet uim sentiendi ac uiuendi, complectiturq; omnia genera animarum, ut in secundo de Anima, & secundo de Animalium generatione habetur: quare par est, ut nihil quod illis ut perfectio potest competere ei repugnet. Supponimus etiam, quod omnis cura suo contrario perficiatur, ut Galenus & Hippocrates testantur: sic etiam timentibus spes est medela absolutissima.

Illud etiam præmittimus, quod quanquā hæ operationes ab occulta ac celesti ui prodeant, attamen non secus ac lumen terminum habent, quia operatio ea est cum corporeo instrumento: si enim cœli ipsi terminum habent in sua uelocitate, sic & reliqua habere necesse est: nec enim quantumcunq; modicus magnes, ferrum ad Boream dirigere potest, sed tantus tantum: uidemus & eam uim sensim euanescere per tempus, seu quia paulatim decreseat, seu quia instrumentum continuē sortiatur ineptius, postmodum tota simul discedat. Satis constat lapidem Herculeum, qui anno præterito clauum dirigere poterat, nunc uix magnam acum posse uertere. Quò fit, ut præcantationes ipsæ non secus ac medicamenta alia efficiant in eodem genere, alia efficere nequeant. unde & ipsi præcantatores dum falluntur in aliquibus admirantur: quia principium earum Deum esse putant: quod si esset, meritò equidem causam haberent admirationis non succedente effectu: at tunc non posset non succedere. Nunc frequenter nō succedit, quia alia causa est. Est & Quartumdecimū suppositum, quod nutrimentum immutat hominem iuxta Galeni sententiam aliàs declaratam ex secunda Aphorismorū: inquit enim, Nutriēdi causa quæ assumuntur, etsi à natura ipsa, ac corpore euincantur, ac conficiantur, ipsum tamen corpus quoquomodo immutant. His uisis quæ apparent, in sex genera distinguere oportet. Primū est, quod per amuleta fit, hæc Galenus agnouit, ut diximus, concessitq;: reducuntur autem ad genus medicamentorum. Secundum est, quod ad sanitates pertinet, in his quæ maximè imaginationi subiiciuntur: ut in ligatis à Venerea re, in dolore dentium, in fluxu sanguinis ex uulnere. Igitur cum multi ob timorem se præcantatos existimantes uenere uti nequeant, superueniente spe liberantur: unde quidam cum non posset uenere cum uxore uti, supposito lecto gladio, cum quo homo occisus fuerat, præcantatione liberatum se existimauit, succedente effectu. Alius uerò cum ei chirographum telonei, quo significabatur per solutam esse pecuniam Publicano per iocum pro amuleto datum

tex. c. 31.
cap. 3.

3. Artis medi-
cæ. c. 6.
2. Aphori. 22.
prima tertii.
t. 4.
cap. 19. in præ.

Aphor. 50.

tract. 1. con. 11.

esset, non minus quàm alter ille est liberatus. Est enim manifestum, hanc curam esse per contrariū: nam firma spes hæitationi & desperationi contraria est. In sanguinis uerò fluxu ex uulnere, uel hemorrosagia narium, spes, ut diximus, aut fides, firmant motum sanguinis, atq; sic sistitur. Dentis dolor plerunq; à mala fit qualitate, hæc aufertur uel multo affluente spiritu, uel obstupefcente dente. Ex imaginatione patientis uel fide locus destituitur. Forsan ferro inest uis dentem stupefaciendi, nam anteriores dentes rarò dolent, quoniam ferro quandoq; eos tangimus. Sed siue hoc, siue illud, satis constat, deferi dentem à spiritibus, ob hoc illum tangunt, atque sic sanatur. Potest & in præcantate uis aliqua esse à proprietate. Ergo omnia hæc in confidentiam, & bonam spem Galenus referet: quare in una
 cap. 1. uis, de quo agit in tertio Artis medicinalis. De sagitta autem infixæ multa sunt in causa: per imaginationem enim separantur carnis partes, adeò ut quod maximo nixu trahi nõ potest illis confectis, eis paululum dilatatis sponte excidit: modica enim differētia in singulis partibus circumiacentibus, maximum parit effectum: quod quilibet potest experiri continendo ferrum manu, quod nulla ui à puero decenni poterit extorqueri, si uel laxaueris manum quantū est acus magnitudo, sponte ferre dilabetur: quare maxima ex parte naturalis hæc est res, quæ tamen ex laborantis imaginatione pendet: unde bene dicunt, quòd si contortum sit ferrum præcantatio non ualet eximere. Potest & aliquid manus agilitas, ut uidemus in his, qui magnos funes manibus dirumpunt. Hæc igitur frequentissima sunt, cum causam habeant generalem: nec aliud est in præcantatore, nisi audacia & agilitas. Quæ igitur ad medelam pertinent ad genus suum reducuntur, artis diuisionem non perturbando. Quæ autem ad diuinationem, ad Poetas, ad aliarum linguarum attinet peritiam, cum homo sit reliquis animalibus omnibus perfectior, necesse est aliquam etiam illum habere perfectiorem proprietatem, quæ alia esse non potest, quàm quæ ad inognitorum notitiam attinet: multas uerò præter has similes cæteris animalibus. Sed dices, quonã pacto igitur equus, aut bos, nihil tale habent quale remora despectus piscis, neq; nobilius? atq; etiam cur cum tot remoræ sint in mari, ex genere enim Echinorum sunt, tam multæ naues quotidie maria sulcent, tam paucae naues præter causam manifestam sistuntur, ut uix duabus aut tribus hoc contigisse legatur? Respondemus, uel non esse uerum id experimentum: uel si est, multos esse echinos, paucas remoras: ut multi sunt lupi, pauci lyncei, quamuis lynceus quidam sit lupus: aut rarò posse hæere, cum nauis uelociter impellatur: uel quod frequentius accidit, quamuis non animaduertentibus, aut ut rem notissimam iam ducentibus. In boue autem aut equo, non est perfectio eminens, uelut in homine respectu

respectus echini illius, sed maior. Homo igitur omnem habet in se perfectionem in potentia : sed unus homo non omnes habere potest, sicut nec una cœli pars omnes vires, sed aliæ alias. In anima igitur alicuius futurorum imago relucere potest: sic & poësis ipsa. De lingua autem quam quis non didicerit, & de infante, aut boue loquente, primum quærat, si est: postmodum propter quid eueniant quanquàm Philosophus dicat undecima Problematum de Infantibus, quod naturaliter hoc contingere potest: quia cū natura sua loqui homo natus sit, potest auditis uerbis illa formare, & sic loquitur: post autem, reuertitur ad loquendi impotentiam, donec ad ætatem perfectam peruenerit. Sed de boue hoc dici, nec esse potest. sicq; tertio generi satisfactum est. In equorum autem præcantationibus causa est, quod illis dolentibus copiosam superfundunt aquam repente, unde & membrum obstupescit à frigore, & confirmatur à contractione caloris: omnes autem scirent hoc, auxiliumq; contemnerent, nisi uerba adderentur. Quæ autem in belluis iuuant, magis etiam in homine, cū imaginatio & fides rem atq; effectum confirmet. Vnde aduertendum, multa esse per se pauci momenti uiriumq; contemptarum, quæ tamen ex modo applicandi mirabiles faciunt effectus: uelut aqua auget dolores, & putrefacit uulnera: copiosa tamen dolores leuat, & assidue permutata uulnera sanat, ut ex Celso in libro de Animi immortalitate deduximus: quamobrem hoc genus non ad præcantationem, sed ad artem medicam deduco. Quartum igitur genus est motuum omnium, ut de pueris qui ostia appositæ aperiebant, de eo qui serpentes dum uulneretur occidebat, ut ex Alberto & Auicenna recitatum est. Hæc etsi falsa etiam fuerint, esse tamen proculdubio possunt, nam ex diuersitate ciborum diuersa natura euadit: sicut de puella napello, id est toxico nutrita, recitat Auicenna, quæ secum dormientes occidebat solo spiritu. Idem fermè Galenus ante eum scripsit. Sic, si quis perpetuò quasi utatur Draconculo, serpentibus resistet, & longè magis ab eo genitus filius. Et ideo narrauimus tot herbarum miracula, ut quis possit intelligere, quo pacto possit educari aliquis puer cum proprietate mirabili. Et sic (gratia exempli) educatus uerbena fiet gratiofus. Et si uti tantum uno cibo, facit hominem simplicem, & ad generationem potentem, & robustum: multis uerò, calidum, & morbis obnoxium, & difficile filios generantem, aut debiles: quid putas cū homo assuetus fuerit uni rei ualde potenti, & ab humana natura remotæ? Et hoc, ut dixi, magis in filiis, quàm patre quandoq; apparebit. Nec credas, ut dicam, quod homo euadet similis cibo: sed, ex esu Draconculi assiduo forsitan unam proprietatem acquireret, quæ erit ualde remota à Draconculi uirtute. Et ideo Reges Gallorum ex longo usu multorum aromatum, habent proprietatem contra strumas: & alius tamen si utatur aromatibus, aliam acquir

Probl. 17

sexta quarti
t. i. c. 2.
3. de Simplic.
medic. c. 18.

acquiret pprietatē. Et ideo, ut dixi, fermè in singulis familiis sunt al quæ proprietates mirabiles: maximè in rusticis, qui non utuntur ciborum uarietate: sed homines ut pleraq; alia commoda eas ignorant. Possibile est igitur tum ex natura animæ, tum ex cibo proprio & progenitorum, ut aliquis trahat ferrum sicut magnes. Hæc tamen uirtus non potest esse nisi in certa corporis parte, quia sunt nimis diuersæ temperamento: ideo uirtus Pyrrhi Regis fuit in pollice tantum dextri pedis, quamuis tangeret toto pede. & iam uis uidere quod alia uirtus possit consurgere, quam ea quæ est in cibo: uidet enim quod magnes non uertit se ad Boream, nec ferrum: ut uerò magnes ferrum traxerit, ad Boream impellit. Et sic Tithymallorum genera exurunt pilos, intus autem assumpta aquam trahunt: sic tamen ut non ipsa, sed coporis pars eis infecta trahat. Qui uerò uident aliquid præter naturam, ut pueri in urceis, & mortuos per tenebras: in his causa est magnus timor, uel error: in pueris autem difficile est tueri hoc experimentum. Quæstio autem, ut dixi, Quia est, præsupponit Si est. Sed dato quod ita sit, dico quod in præcantante est uis tanta, quæ transiit in puerum impollutum, sicut ex magnete in ferrum: quia tales ualde ad recipiendum impresionem, sunt parati: & anima pueri mota mouet spiritus, ut in somno: cum iam tales infantes generaliter ob uisus subtilitatem multa uideant, quæ alii non uident, ut recitauit de me ipso in infantia. Et propter hoc potest uidere infans furem ex puritate, & robore animi, & spirituum: & supposita animi immortalitate, hoc non est magis mirum, quam experimentum magnetis, quo ferrum ad Boream dirigit. Neq; enim potest dici, ut fingit Pomponatius, quod species ab oculo præcantatoris reflectatur ad oculos pueri: nam præter id quod ostendimus, hoc non posse fieri in uia Aristotelis, sequeretur etiam quod pueri uiderent rem ultra aquam, & non in aqua. & ex motu præcantatoris uariaretur situs. Ideo si standum est uerbis illorum, melius est dicere secundum nostra principia, quod hic concurrat præcantatoris anima ut agens, & pueri ut patiens, & instrumentum. In motibus autem cribri, & annuli, sentimus manifestè uim spiritus ex nobis descendentem, quæ mouet illa imperio uoluntatis: & hoc fit absq; motu sensibili musculorum, cum insensibili tamen, saltem in uia Galeni: & est res satis mira. Fit autem absq; uerbis, sicut cum uerbis: quia est naturalis: & magis cum uno annulo, quam cum alio: sed nondum potui causam differentiarum animaduertere. Multa huiusmodi talia sunt in natura, sicut cum homo eleuatur à quatuor digitis quatuor hominū, singulo singulum apponente, cum uix omnibus uiribus à duobus hoc fieri posset uiris cum ambabus manibus. Sic & habens pondus in humeris grauissimū, alium trahit, à quo fatilè traheretur, si pondus non haberet in humeris. Ad experimentum de tauro Conciliatoris existimo quod haberet assuetum huic

huic rei: sicut uidimus anno elapso in equo à circulatore: si tamen uoluisset in alio experiri, non successisset. Hoc autem euenit fauentibus opinioni alicui, ut uel non uideant quæ illi aduerfentur, aut uidere dissimulent: ubi tamen hoc nõ satisfaceret, sed in quibuscunq; ageret, tu scis quòd auris habet meatum ad cerebrum, non quidem patens, sed per tympanum, unde aliqua animalia & mulieres quandoque strepitu repentino concidunt: ideo posset hoc medio, & aliquo dolo adiuuante, ut tactis poplitibus, aut constrictis neruis septi paris animal prosternere. Certum est enim ex Galeno, quòd si illi uehementer constringantur, animal repente cadit in terram etiam mutum: & tales nerui facile apprehenduntur agilitate manus, cum sint quasi detecti in collo: reducere autem in proprietatem uiri non est multum uerisimile. Sextum est quando multi aliquid uident: hoc aliquando potest esse naturale, sicut recitat Pelacanus, qui fuit Ioannis Marliani præceptor, qui fuit præceptor patris mei in Medicina, quam postmodum euaserit Iurisconsultus. Dicit igitur, quandoq; apparuisse in nostra urbe angelum in nubibus, unde omnes ciues contristabatur: quod animaduertens Pelacanus causam docuit principem: nam in magna obscuritate nubium, angeli statua non secus ac ex speculo, cum super pinna templi Beati Gottardi posita esset, reflectebatur ad oculos multorum, qui angelum se uidere ob hoc existimabant. Nec tamen credas omnes uidisse: sed eos solum, qui acie uidendi præstabant. Ideo dici solet, Noxium esse nimis acutè cernere. Igitur sicut in nubibus diuersæ apparent imagines animalium, & hominum, sic etiam ex uaporibus talia absq; miraculo & portento creari possunt: sed hæc facile discernuntur. In morte autem, ut dixi, magnorum uirorum et ortu, magna, ut demonstraui, quasi necessario uidentur prodigia: nam causa illa ualida est, igitur in multa, cum sit naturalis, effigiem insolitam imprimit. Nemo tamen sanæ mentis ea dicat miracula, sed prodigia: quale iam duobus annis aut tribus euenit de uitulo bicipite: & anno præterito de puella bicipite, quæ naturaliter significant maximam rerum confusionem, & principem dominaturum potentia duplici, quasi duobus regnis inuicem coeuntibus.

Expositis igitur omnibus his, quæ ad rei explicationem pertinent, superest ut quædam declarem, quæ non solum apud nos, sed apud Pomponatium difficultatem pariunt: quorum primum est: Cur si hæc uera sunt uniuersim tamen à legibus damnantur, nec artem ullam constituunt? Respondeo, quòd damnantur ea quæ uerbis fiunt, ut merito: nam si operantur naturaliter, uerba nullam habent uim, igitur sunt hæc cum fraude, igitur non debent admitti. Idem dico de notis: si dicas habere uim secundum legem, igitur per dæmones, quare committitur cultus dæmonum, igitur nullo modo possunt admitti. Quæ autem absq; uerbis fiunt si per-

o timent

tinent ad sanitatem, ut dixi, sunt de consideratione medici: si ad alium finem, ut de remora, & magnete, sunt de consideratione philosophi naturalis: quare nullam aliam necesse est scientiam ponere. Igitur Magia nulla est, nisi ponas eam partem uel medicinæ uel scientiæ naturalis, & hoc modo intellecta magia, non magis est illicita, quam ars ipsa fabrilis. An uerò hæc possit esse scientia? Dico quòd sic, quia habet causas & elementa, non tamen propriè, quia non sunt causæ illæ cognitæ ad eò ut possimus facere ullam demonstrationem simpliciter, nec etiam propter quid.

Quæritur etiam de Chiromantia & Geomantia, an sint scientiæ, & à quo habent suam ueritatem. Respondeo: Magna est differentia inter has, ut etiam in secundo & quarto libro de Sapietia docui. Constat enim Chiromantiæ partē ad naturalem scientiā pertinere. Nec me multum mouet quòd in primo de Natura animalium dicat, Eos diu uiuere, qui singulas, aut etiam binas, habeant per totam uolam lineas deductas, parum autem, qui breuiiores: nam huius reddēs rationem inquit decima problematum, Horum qui longiores habeant articulatas manus esse, illorum inarticulatas: sic ut lineæ istæ nihil plus uideantur ostendere, quam manus articulationem, aut inarticulationem. Quibus sic existentibus, nihil ad chiromantiæ firmitatem accedit. Sed tamē res ipsa docet cum singulis uarietur temporibus, ac pro ætatibus & gestis fortunaq; , magnam in prædictione uim illas habere. At Geomantia non ex interrogante, uerū ex artifice ueritatem accipit: aliter essent responsa uera falsis in omnibus ferme æqualia. At non ita est: imò hominem agnoui, qui omnia quasi de futuris rectè pronuntiabat: multos alios, qui nihil ad rem. Sed forsan Pomponatius artificem per interrogantem intellexit. Fateor & ipsum interrogantem aliquid in rem conferre: sed aut rarè, si multum: aut parum, si frequenter. Igitur Geomantiam planum est scientiam non esse. De Chiromantia non leuis est quæstio: neque enim si quid prorsus adhuc doceat ueritatem, protinus scientiæ in genere collocandum erit. Sit igitur ars potius, quam scientia: quandoquidem uix Medicinam quòd scientia sit, tueri poterimus.

Solet etiam quæstio eadem in Auguriis, ac talibus uersari. At in his omnibus, quod pro omine accipi potest, nullam nobis fidē facere debet. Quæcunq; autem cursum naturæ excedunt, ut si aquila circunvolans caput, ramum arboris in sinum demittat: hoc portentum est omnino: quia ab eisdem causis aliud, cuius hoc est imago, proueniet. Quoniam uerò temerarii multa perperam in his agebant, & multi non hæc solum, sed omnia in his obseruabant, uelut garritum, uolatum, ideo à lege magna utilitate sublata sunt: tum maximè, quòd non à natura hæc fieri, sed à demonibus uulgares arbitrantur. In his tamen, ut dixi, duabus demonstrationibus

nibus ad futuri præcognitionem quandoque licet deuenire : altera quidem, quia est : altera exquisitè simpliciter.

Dubitari etiam solet, quid significet Abominatio certæ rei, uelut illorum qui lac, ut Conciliator, aut oua, aut uinum horrent : ut etiam de Horatio Flacco Poëta, & Iacobo Forliuensi, quos Pomponatius affirmat allium abhorruisse. Alii non ferenda ferunt, uelut qui à Leone decimo, huius nominis Pontifice maximo crimine capitali liberatus est, quod nullo auxilio arsenicum, sine noxa, ad uncix fermè quantitatem deuorabat. Respondemus : Abominationem aliquando solius uentriculi uitio, uel consuetudine prouenire, & tunc nihil magnum secum affert : nam nos olim cum portulacam diligeremus, deuorantes magnam eius quantitatem, (puer enim eram) in illius tantum deueni odium, ut etiam si uideam solum, uomitum mihi, aut saltem nauseam excitet. Non tamen natura abhorruì, sed diligebam. In cæteris uerò, quæ uel ad tolerantiam pertinent, aut ad totius corporis ingentem naturam, diligendi, abominandi uel aliquid, necesse est omnino illi multas, non unam esse proprietatem. Dictum est enim hæc à cœlesti causa fieri : at hæc causa proculdubio ut ad diuersa confertur, uarios necessario facit effectus. Quare nunquam insignis ulla proprietas sola adest, ut in magnete, remora, Psyllis. & quantum magnes ferrum trahendo ualet, tantum necessario dirigendo : nec ullus trahere potest magnes, qui etiam non dirigat. Hoc si agnouissent principium antiqui, qui multum de inutilibus rebus garriebant, in utilissimæ proprietatis magnetis cognitionem breui deuenissent, nec tandiu latuisset uis eius illa admirabilis. Ergo si quis quærat, quomodo ferrum ad Boream à magnete conuertatur : constat sanè non illud tantam habere uim, ut ad cœlum pertingat, neque à cœlo trahi potest per radios, cum non sursum attollatur : nec sola uirtute cœli, omnis enim actio est per contactum : non quia sub sidere genita aërem proximum distinguat ut cœlum, nam hoc lapidis comparatione, non cœli fiet : at hoc nihil prodesset nauigantibus. Quare dicere necesse est, totum aërem nobis undique circumfusus, pro cœli natura, quod firmum manet ac stabile, ut aliàs docuimus in secundo de Aeternitatis arcanis, impressionem recipere. Lapidis uerò animam ad id partis, tanquam ad sui simile dirigere. Vnde prodesse multum existimo, qua quisque parte conuersus aliquid agat. Non est autem polus mundi locus ad quem dirigitur, sed ad Boream uersus decima octaua parte quartæ, quæ est inter uernum oriens & ipsos Septentriones. Disputabunt alii de cœlo fixo, sed nostrum non est alia aliis immiscere. nam hoc & eo libro, & in libro de Superiis etiam demonstratum est.

Alia exoritur difficultas, Quonam pacto possit ex fanitate fanitas

Problem. 1. exoriri. nam Philosophus septima Problemanum inquit, Cur à morbis aliorum ægrotant homines, à sanitate nemo sanari potest? Et rursus Problem. 7. in prima inquit, solum uiolenter homines arripi contagione pestilentis morbi: quò magis mirum uidetur hoc Galenum dissimulasse: nam cap. 2. quanquam in primo de Differentiis febrium eum inter contagiosos enumeret, non tamen id docet quod res ostendit cum tabis scabiei ac lippitudinis morbis illum comparet: qui affectus etsi hæreant, non tamen leuiter, sed solum si diu uerferis cubauerisq; in lecto: sed de hoc in primo libro satis dictum est.

Problem. 10. Ad rem reuertor denuo, nam & in uigesima nona Problematum, quærit rursus Philosophus, Cur uersari cum pulchro, robusto, aut sano, nihil addat ad ualitudinem, robur, uel formam: at uersari cum bono, aut sapiente, non parum ad innocentiam aut prudentiam prodest? Respondens Philosophus inquit, Corporis bona non communicari. Fatigat hoc quæsitum Pomponatium: nos ad sanitatem, ut diximus, imaginationem in causa esse docuimus: at proprietatem auferre posse causam, ut in teli extractione: non igitur ex sano sanus fit.

Dubitatur etiam, an Genium aliquid sit. Plutarchus enim in uita Bruti refert, apparuisse illi formam quandam dæmonis dicentis, Tuus sum malus genius, in Philippiis me uidebis. Et in M. Antonii uita, cum coturnices illius semper Octauii coturnicibus succumberent, responsum esse Antonio, caueret ab Octauio, geniū enim suum Octauii geniū formidare. Respondeo, de Bruto dictum iam est in Quinti generis declaratione mirabiliū. Genius Octauii erat ac Antonii, natalis hora, ac cœli constitutio, & Fatorum series, de quibus in libro de Fato plenè diximus. Iam enim declaratum est, homines alios natura seruos, alios dominos, alios reges progigni, quæ autem uiderat Dion, & Antonius audiuit dum esset Alexandriæ, signa erant ab anima malorum imminentium. Quemadmodum ex leui impressione in somnis, sic ex ualida in uigilia contingere potest: nam ebriis ac lymphatis & in ecstasi existentibus multa quæ non sunt apparent: id igitur in magno humorum motu, uel à cœlo uel ab anima contingere potest. Sed cur ille præcantat, ego non possum, si sola patientis fides in causa est? curq; quidam cum uerba quædam ex libris didicerint, fiunt, cum antea non essent, præcantatores? uidentur enim uerba aliquid conferre. Respondeo, Incantatores omnes oportere esse impudentes: uir sani consilii ad eò firmiter polliceri non audet, quod in tam tenui spe positum est. Nisi firmiter pollicearis, nihil agitur. Ob id uulgares homines illi sunt, prostituti pudoris, & perfrictæ frontis: qui & si non succedat euentus, nec rubore perfunduntur, nec hæsitant

stant in posterum, tantum abest ut desistant. Si enim quotiens falluntur, toties desisterent, iam nullus esset præcantator. Ob id nemo ex his uir est prudens, aut honoris cupidus: sed omnes leues, mendaces, temerarii, auari, inanes: ab auaritia enim ad hoc impelluntur. sed uel sic multum tamen aliquando in sanitatem conferunt, uelut in his quæ in arbitrio tantum naturæ sunt: ut diximus sanguinis immoderatis fluxibus, doloribus, & spiculis impactis. Verbis tamen conceptis indiguerunt ad fidem confirmandam: nam aliis tam firmiter minimè possent persuadere, etiam dolo agentes, ni adeò ipsi constanter ita esse crederent. Indicio autem est uerba in eisdem causis non eadem esse, sed alius aliis utitur. & quòd aliqui, ut de Petro Bono retulimus, etiam per iocum præcantant: quare nec uerba, nec proprietas hominis quicquam confert. Sed cur si proprietas non iuuat, omnes omnia, ex his saltem tribus, non agunt? Respondemus, illos hoc latere: nec audent in aliis causis tentare, ne primam uiciunt uirtutem: si tamen contingat alia uerba inuenire, quibus alia doceantur, experiuntur. Sed cum simplici fide solertia minimè manet: ob id cum solertia ad multa, & simplici fide ad opus exequendum indigeant, pauci inueniuntur, qui in multis ualeant præcantando: inueniuntur tamen nonnulli, quos & ego agnosco. Indicio autem est, à proprietate non esse, quòd sponte nata ulcera curare non possunt. nam ut ficulæ herbæ unus, sic panacis alter uires habere possit: sed & nimis uiolenta esset proprietas uiri, qui semel tangens inde discedens, uestigium perpetuum in uulnere relinqueret: nam telam, quam imponunt, ipsi non ferunt, sed ab ægrorum altantibus accipiunt. Facile autem est uulnera ad sanitatem deducere, cum mala temperatura, & phlegmone careant: docuit enim Galenus in quarto Artis curatiuæ, eorum curam esse exsiccationem. Illud etiam considerandum, quòd uelut in phlegmone incipiente aliquod est supremum auxilium, utpote uenæ sectio, alicui nihil est melius elleboro: sic aliqui morbi non melius quàm præcantatione curantur, id est, fidei constantia, qua se sanare firmiter confidunt. At rursum dices, Cur longè facilius hi sanantur, quàm si quis omnino uulnus negligat, nam ubiq; par est confidentia. Respondemus, quòd præcantator nihilominus curat ulcus detergens sordes, nouas telas imponit, & mundas, uictum instituit: sed & sic quandoq; si malus sit habitus in corpore, ex paruis uulneribus contracta inflammatione pereunt: tutioresq; redduntur in magnis uulneribus, quàm paruis ob copiosi sanguinis exitum: quod ignari uidentes admirantur: atq; ob id, si ex paruò uulnere alius pereat, cum magnum breui ac bene sanatum uiderint iam, mortis causam in aliud referunt: persuasum habentes, uulnera & ut maiora sunt, sic difficilius sanari: cum tamen

cap. 5.

contrarium accadat, ubi de phlegmonis aduentu periculum est. At dubitabis meritò rursus, Nonne medici uulnerarii hoc idem præstant, fidem, curam, ac insuper etiam unguenta? melius igitur à medico semper quàm à præcantatore curabuntur. Respondemus, plerofq; medicos ignaros plus quandoq; obesse, quàm iuuare, cùm diuersis, nec certis utantur auxiliis. Fides etiam illa non adeò est constans de medico, ut de præcantatore. Est autem fidei ratio ut radiorum solis in concauo speculo: nisi ad summum enim deuenierit, effectû nullum parit: est enim ut de gemmis, copiosissima multitudo est earum, quæ probatissimis proximè sunt, deficiunt tamen ab his aliquantisper: perfectissimarum rarus est numerus. Si uerò medico erudito & experto quis se committat, tutius agitur. Rursus etiam dubitabis, Quid cùm multi hæreant fide, paucissimi tamen frustrantur euentu: non igitur à fide sanitas? Dico raros esse, qui se his, nisi credant, committant: est etiam ratio medelæ talis, ut quæ sine ulla fide prodesse debeat. Nam si quis æris scoriâ imponeret, aut uulnus non repurgaret, uideres profectò nullam esse præcantationem: si tamen fides desit ægro, & uulnus mali moris, non curatur. Sed ad quid in horum manibus quisquam se ponet, si non confidat cùm sciat iam medicum eum non esse, sed præcantatorem? Illum igitur cùm accersat ut diuina ope operantem, par est etiam ut totum se illi concedat.

Distum uerò est, etiam in magnorum uiroꝝ ortu ac morte apparere prodigia: at nulla Ciceroni in natiuitate, qui adeò extitit clarus, contigisse legimus. Aristoteli uerò, qui fuit naturæ miraculum, ut Auerroës inquit, nulla nec in morte, nec in ortu, ut nec Demostheni. Platoni uerò nihil tale ante illius obitum accidit. Respondeo in ortu Ciceronis uaria apparuisse miracula, referente Plutarcho: primum, quòd sine dolore eum mater pepererit: secundum, quòd nutrix audiuisse uocem ex phantasmate uisa sit, dicentis, Pergeret, quoniam magnum Reipublicæ commodum aleret. In morte plura, & non obscura apparere portenta. Demostheni somnium mortem, & genus eius prænuntiâ uit: cùm se ab Archia, à quo mors illata est, uel mortis causa, superari in theatro uidisset. Non est autem necessarium hoc, ut in utroq; euidenter appareat, tum maximè, cùm plus homo uoce, quàm gestis ualet: nam Demosthenes factis ipsis nihil ualuit: erat enim timidus: nec Athenarum imperium Romano conferendum fuit, quia somnium Demostheni sufficiat. Aristoteli uerò & Platoni cùm potentia nulla fuerit, non par fuit quicquam euenire dignum admiratione: euenit tamen Platoni, apum prodigium: credimus & Aristoteli aliqua accidisse, quæ cùm essent forsan minora his quæ Platoni acciderant, ne ex euentu prodigiorum æstimatio uiroꝝ penderet, ea uoluntariè suppressisse: nam quæ in morte, cùm exul esset, atq;

atq; in obscuro loco, pauci animaduenterunt, cum etiam incertum sit qualiter mortuus fuerit. At Nicias & Crasso quod multa administrarent plura apparuerunt: quorum ut Nicias obseruator, sic Crassus contemptor: ambo tamen ferme pari fine occubuerunt: nam non essent prodigia, si uitari possent: nec Deorum, ut illi rebantur, peculiari cura, sed ui fiderum, ut diximus, necessariò eueniebant. Sic Iulius Cæsar omnia contempsit, Octavius obseruauit, ambo tamen pari felicitate Rempublicam & orbem occupauerunt.

Plura etiam supersunt consideratione digna, uelut de Lamiis, quas mente motas est arbitrandum: unde nefanda peragunt ob humorum prauitatem: & admiranda uident, ob imaginationem firmam, ac fidem quam de his conceperunt. Equidem illud idem his accidit, quod perditissimis uiris: qui in amoribus inebriant, ut consentientes habeant per animi perturbationem, cum nullis precibus, aut præmiis, uel minis potiri potuerint, potianturq;. Et Dux Franciscus Sfortia sapientissimè, cum non præter ius quenquam occidi iubere uideri uellet, consciùm & autorem imperatæ cædis uino, uel medicamentis è sensu dimouit, atq; sic capite multauit: cum uolentem blanditiis libero in carcere detinuisset: spes enim ne propalaret, retinebat: potus inhibuit ne cum immineret extremum malum, facere posset: sic omnibus satisfactum est. Igitur multa dimouere mentem possunt, uariâq; per imaginem ostendere: multæ etiam uariæq; hominibus uires. Ob hoc existimauerunt aliqui, publicas preces uim aliquam habere naturaliter: quod ego non credo, cum iidem homines per uias etiam secus euagentur, & tamen pluat: nec uerbis uim ullam iuxta nostra principia tribuere liceat. In aliis autem causis, forsân ob hoc diuersos homines experiri non malum est. Nam ut quidam mihi notus illatis uel minimis uulneribus, omnes occidebat: sic aliqui minimis auxiliis morbos sanant. Verùm hi rari sunt: nos de communi præcantatione loquimur: cum præcantatores multi passim, qui tamen sanant uidere liceat: homines qui tactu solo sanent nec ubiq;, nec etiam semper liceat inuenire: sed inter rerum miracula numerantur.

Illud modò tantum dubium superest, cum ex lippitudinibus homines contrahant lippitudinem, ut septima Problematum habetur, cur radii ex oculis prodire non creduntur? Respondet Philosophus, affici similitudine, quoniam passius est, ac nobilissimus. Quod si ulterius contendas aliquid diffuere, non resistam: ut uideri oculus potest, non ut uidet. Existimo uerò id fieri ab imaginatione, species tamen & ipsa potest immutare, ut de splendidis. Clarum est igitur hoc uel non repugnare positis principiis, uel etiam plurimum ad nostram conferre sententiam.

Cur

Probl. 4.

Cur uerò homines in eculeo dormiant, ex euerfione bilis fit: est enim hic animi defectus. Alii non linquuntur animo, & ex deuoratis uerbis, in imaginationem pertinaciæ perueniunt. Leuatur etiam, ut dixi, dolor longè magis firmatis spiritibus, quàm contento spiritu: ob id iure raduntur, & spoliuntur à tortoribus, auferunt enim imaginationis causam: at hoc in rem iuuat ut fateantur, quanquàm taciturnitas non fit ex incantatione: nihil uerò refert, causam ut norint tortores, modò assequantur effectum: uelut & in Empiricis medicis, qui persæpe curant, morbi causam auferentes, quam tamen qualis sit, ignorant.

lib. 4. tract. 4.
cap. 12.

Qui autem canes præcantant in furtis, non magnum quid efficere uidentur, cum multa sint quæ illos obmutescere faciunt, etsi mihi ignota. Dixerat tamen Cirandus quidam, Nicolao referente, quòd si quis oculum lupi dextrum ostendat canibus, illos discedere. Omnes etiam belluas ab eo, qui oculum leonis sub ala gestat, fugere creditum est. Dixit etiam, folium arnoglosæ sub pollice pedis detentum, non permittere ut canes adlatrent. Alii dicunt, obuersis posterioribus caligis antè. Quicquid sit, naturaliter canes uel hominis proprietate, uel aliqua re secum delata obmutescere cogi possunt.

Receptum est ab antiquis, quòd suffumigium ex ceruino cornu omnia fugat uenenata: cuiuscunq; etiam ex illis odor arcet, dum crenantur, animalia eiusdem generis, araneas araneæ, muscas muscæ, uespas uespæ, hoc enim Auicenna fatetur. ob id non difficile uidebitur araneas præcantasse uel muscas. Idem existimat, ad sanguinem hirci in fouea positum concurrere omnes pulices, atq; ibi contabescere.

tract. 4.
cap. 7.

Sed ad imaginationis uim reuertor, nihil est quòd magis eam declaret quàm morsus canis rabidi: ut enim inquit Princeps in sexta quarti, qui rabiem conceperit imaginatur se canem esse, ideo mordet homines: & cum inspicit in speculo, existimat se canem uidere, & in aqua intestina canis: sed ista possunt referri ad eius sensum corruptum. Quòd uerò uideant alii in patientis urina ex pinguedine quadam formas catulis similes, illud iam ostendit imaginationis uim supra humores ipsos dominari. Hoc autem iam, ut dixi, experimentum Auicenna commemorat. Simile igitur in tortis ex firma fide contingere credendum est. Cum uerò multi ex his uel sic cruciati superentur, ostendit hoc non à diuina ulla ui procedere: ergo in illis impressio tanta fit in spiritibus & sanguine, ut maxima etiam tormenta non sentiant. Indiciò autem & hoc sic esse, quoniam non profunt prudentibus uiris hæc: at plus prodesse deberent his, quàm rusticis, & stupidis, si uis ulla esset in artificio.

Strepitus autem qui in nocte sentiuntur non naturales malum futurum

rum portendunt, ut mihi aliàs, & nunc scribenti nocte præcedente contingere audire. fiunt enim dum expurgiscimur anima mouente: est enim uelut insomnii species quædam. nam uisa in somnio, audita uerò uigiliæ magis conueniunt, quod sonus etiam expurgisci nos cogat. Audientes igitur ac expurgiscentes (imaginem enim refert eius, qui per uigiliam audierit) existimant se in uigilia, non autem in somno audiuisse. Hæc autem de inconditis uocibus, ac quæ terrorem incutiunt: suauis autem, ac dearticulata, non secus ac insomnia iucunda bonæ. Memineris uerò quod in coniunctorum morte, hæc fiunt maximè, & quo modo. nam de his in fine libri de animi immortalitate dictum est. Plura de his referre possem, sed hæc sufficiant. Experimento uerò comperi, spirituum historias, quos Folletos uulgo uocat, esse omnes deceptiones: quare tot & tanta dicta sint.

CONTRADICTIONE VIII.

Pulsus contractio an sentiat.

Galenus in primo de Pulsuum differentiis inquit, Distentionis primas partes, postremas contractionis sentire non ualemus. Quod fit (subiungit) ut quietem quam uocant superam, quæ scilicet succedit distentioni, antecedit uerò contractionem, quanta sit ad unguem scire ualeamus. Idem fermè in primo de Pulsibus dignoscendis, cum inquit, Ostendimus autem quod distentionis tanta pars non sentitur, quanta inter primum arteriæ impetum & tactum nostrum intercedit: iam uerò contractionis tantam partem sentimus, aut paulò minus, quam ipsius distentionis. In secundo etiam de Præfatio, Ex pulsibus, inquit, externam quidem quietem assequi clarè licet, internam sensu ne obscurè quidem, nedum clarè, sed ratione tantum, cum utriusque motus impetum consideraueris: tum præcipuè in his pulsibus, in quibus contractionem ipsam perpendere sensus clare ualet. Iam hic uidetur fateri contractionem posse nos assequi, quod in primo de Dignoscendis pulsibus, & fatetur, & docet. Superius uerò, si recte rem consideras, hæc tria uoluit contractionem non sentiri, saltem in postrema parte, nec totam distentionem: quippe non eius initium, nec quietem ipsam quæ contractionem subsequitur. At in primo de Differentiis eorundem, celeritatem & tarditatem in sola distentione, non in contractione considerat: quare non est par ratio ignorantiae, imò difficillimum uidetur quomodo ignoto initio distentionis. celeritatem uel tarditatem deprehendere possimus. Est etiā illud consideratione dignum, quod in secundo de Præcognitione ex pulsibus, docet ex contractionis uelocitate & tarditate præcognoscere, quare talis uelocitas & tarditas nota est: quodque magis mirum est, paulò post cum docet præcognoscere ex raritate uel frequentia, dicit, quod breuitas aut productio utriusque quietis potest

p euenire.

euenire uel ob antecedentis motus breuitatem aut segnitie[m], aut subse-
 quentis anticipationem, uel procrastinationem. Si quidem mora disten-
 tionis abbreviet quietem succedentem, caloris natiui indicat copiam: si
 autem anticipatio contractionis, impuri, & excrementis reperi caloris
 copiam indicat. Si uero distentionis anticipatio rarum efficiat pulsum, re-
 frigeratum indicat calorem innatum: si autem segnitie[m] contractionis fu-
 mosa, declarat esse excrementa imminuta. In interna uero quiete si pro-
 ducta contractione fiat frequens, excrementa fumosa aucta indicat: si uero
 ob anticipationem distentionis, auctum naturalem calorem: si uero pro-
 ducto distentionis initio, imminutum innatum calorem: si autem celerẽ
 ob contractiorẽ rarus extiterit pulsus, imminutũ externum. Hic quis non
 uidet, omnes illum differentias cognitās pręsupponere, tam quietis, quã
 etiam pulsus seu ictus æqualiter? Respondeo: Cognitio primo duplex est
 sensu & ratione nobis. Sensu puro possumus distentionis uelocitatem co-
 gnoscere: contractionis uero uelocitatẽ etiã solo sensu percipimus, sed lon-
 ge exactiore, experientiaq; longa coniuncto. Ob hoc dixit in Introduc[t]o-
 cap. 4. rio, quod tyrones debent instrui tanquã sola distentio sensu perciperetur:
 hæc igitur iam est differentia ex perfectione inter distentionem & cõtra-
 ctionem: conuenientia uero ex parte cognoscentis uirtutis quæ est sensus.
 Eodem modo quies quæ succedit distentioni cognoscitur terminis mo-
 tuum, quare non nisi sensu à perfectissimo. Ceterum nullo sensu percipi
 possunt tempora distentionis contractionis uel, aut quietis, quæ cõtractio-
 ni succedit. Ratio patet: nam terminus, seu imum arteriæ, si tangatur, ces-
 sat pulsus: duorũ igitur terminorũ altero incognito, magnitudinẽ ipsam
 ignorare necesse est. Porro intellectu sic assequimur, uelocitate motus agni-
 ta per sensum, & arteriæ profunditate per extremã cõpressionẽ donec mo-
 tus cesset, tẽpus quo motus peragitur, imaginatione colligitur: ab exacto
 sensu etiã contractionis: à mediocri solius distentionis: quoniã hi sensus ut
 declaratũ est, prout perfecti fuerint, alterũ aut ambos motus comprehen-
 dunt. motibus cognitīs à perfectissimo sensu, secũda quies, quæ cõtractio-
 ni succedit, ratione percipitur: estq; hæc remotior iam omnibus aliis pul-
 sus partibus à nostra cognitione: nam nec omni sensu, nec à perfectissimo
 absq; ratione, nec etiam uel sic à ratione primo impetu colligitur. ergo sic
 cõprehensio differentiarum ut exactã tradat notitiã, Galenus in eo loco omniũ
 præcognitionẽ posuit, quæ tamẽ in celeritatẽ & tarditatẽ distentionis ac
 cõtractionis, si quis rectẽ cõsideret, redigi possunt, nulla imminuta præco-
 gnitionis parte. Quæ ex causa octo mēbra iam in quatuor rediguntur: nec
 indigemus ratione ulla ex parte, quia tẽpus motuũ nequaquã, nec quietẽ
 cõtractioni succedentẽ præscire cogimur: sed sufficiet ad utrãq; celeritatẽ
 uel tarditatẽ dignoscendã exactissimus sensus. Ex his autẽ manifestũ est,
 dictum

dictum Pauli non esse uerum, quòd magnitudo temporis in quiete, ut in iuuenibus, declaret si ad motus tempus conferatur, augmentum caloris innati, nisi in prima: nam si secunda quies, quæ contractioni succedit longa fiat, ob tarditatem distentionis imminutum docet calorem innatum: at forsan tunc eo longius erit tempus distentionis tardante initio & ob sequetur breuior altera quies. Quicquid sit, cum de rhythmo loquatur, distentionem, & primam oportet considerare quietem.

lib. 2. cap. 12.
iuxta finem.

CONTRADICTION IX.

In laterali morbo an pulsus inæqualis.

OMni parti nobili, quæ inflammatione laborat, hæc duo eueniunt: ut corpori calor ac tensione cõmunicet: ac calor ille in febrẽ euadit, tensio uerò duritiem parit, atq; eo maiorem, quo fuerit neruofior pars inflãmata. Omnes igitur quos ex inflãmatione febris arripuit, pulsus habent durũ, ob intemperie uerò arteriarũ in uno occurſu inæqualẽ: quæ si ambo cõiuncta sint, eueniet ferrinus uocatus etiã pulsus: eam enim oportet qui tangit ut imaginẽ cõcipiat, ubi inæqualiter durũ instrumentũ occurrat. Duas enim causas esse docuimus inæqualium pulsuum, facultatis quæ arterias mouet ab humoribus, grauamẽ, ac exinde imbecillitas, & instrumenti ipsius obstructio, constriçtio, pressio, tensio uẽ. Galenus dicebat quarto de causis pulsuum, interceptis uerbis ne quicquã addatur inutile. At in quarto de Præcognitione ex pulsibus, inquit: At æqualis est pulsus in tumoribus qui ad costas consistunt omnino, non ut in pulmonis tumoribus inæqualis: neq; enim magnis uasis, neq; uicinitate propinqua cum corde coniunctus est thorax. Hic primò, ni fallor, clarissima elucet contradictio de inæqualitate: cum maximè etiam reliqui omnes in laterali morbo ferrinum pulsus adesse, eumq; inæqualem affirmant. Ipse Galenus in Introductorio (postquã nos docuit pulsus lateralis morbi esse celerem, crebrũ, durum, mediocriter uehementem: tandem subiungit, inæqualem etiam esse ab initio, eius generis inæqualitate, quæ sub ferrino cõtinetur) hæc dicit: Si ualida fuerit, cum imbecilli uirtute, mortem portendit: si cum integris eius uiribus, producit morbum, & ad suppurationem aut empima deducit. Illud etiam difficile est, quomodo mēbrana, quæ pau eos recipit neruos, dicatur esse neruosa: & rursus quid per, intemperie intelligat arteriarum: nam si siccitatẽ, illa facit duritiẽ, nõ inæqualitatem, & similiter calor in eis celeritatem. In quinto etiam de Locis, pulsus parui & duræ ac tensæ arteriæ meminit: inæqualis, aut ferrini nullam omnino fecit mentionem. Quin etiam, quod mirũ est, dicit: Phlegmonas in membrana duriores efficere pulsus, in musculis molliorem. Non igitur à neruosa parte durities. Quòd si per intemperiem arteriæ proprium ali-

cap. 7.
cap. 3.

cap. 10.

cap. 3. in fine.
& in princ.

1. de differen-
tijs pul. c. 9.
& 12.

quid intelligit, ut siccitatem: quonam pacto sanato morbo, imò & ipso stante, (ut in Introductorio affirmat) pulsus ad mollitię reuertitur. nam sicca non humescunt, præsertim (ut dicunt) membra quæ à semine uocantur spermatica. Quare cùm inæqualitas duplex sit, ab instrumento, & à uirtute, ut dictum est: eius, quæ à uirtute, lateralis morbus particeps non est: quā in pulmonis affectibus tamē aperte cernimus. At eius quæ ab instrumento, unde ferrinus, morbus lateralis est particeps: Sunt autē inæqualitatum genera tria principaliter in multis ictibus, & in uno, sed in diuersis arteriæ partibus: tum demum in eadem arteriæ parte, & eodem ictu. Per neruofas uerò partes intelligit & membranas, quoniam uillis non constant, ut nerui: oportet tamen nervos adesse, aliter non dolerent. Reliqua meo more alibi discutientur: nam singula si singulis in locis coner declarare, non solum longior euadam, sed cogar repetere: hoc uerò relinquamus his, qui uideri uolunt cùm non sint: nobis copiosa materia disputandi suppetit.

CONTRADICTION X.

In Pulsibus an magnitudo necessario consequitur crebritatem, an omnes differentiæ simul aquirantur in pulsu, an simul amittantur.

cap. 23.
cap. 27. **C**ordis calidi signa inseparabilia sunt, celeritas & frequentia, secundo Medicinalis artis. & paulò pòst in calido & sicco, ubi minus competere uidebatur, inquit: Eius sunt signa magnitudo, celeritas, & frequentia. Videtur igitur quòd ex adiuncta siccitate accedat magnitudo, itē celeritas cum crebritate, magnitudinem non præsupponere. At superius inter signa cordis sicci non adnumerauit magnitudinem, sed duritiem, quam in primo de causis pulsuum inquit facere paruitatem, non magnitudinem. Ibidem uerò dicit: si amplior in corpore calor collectus fuerit, maioribus opus erit pulsibus, atque ideo continuò crebrioribus ac celerioribus. Videntur igitur omnes se consequi, ac potius magnitudinem esse necessariam, quàm reliquas illius differentias. Verùm admirabile est quod subiungitur: Declarauimus autem calori peculiarem esse pulsum magnū & celerē, non autē crebrū, nisi rarò, & casu: quomodo igitur his potest frequentia esse inseparabile signum calidi cordis? Inde etiam pòst, cum de aduentitio calore. loquitur, inquit: Cùm calor præter consuetum hominis modum accesserit, pulsus primò maiores fiunt, non autem clarè celeriores: inde si magis augeatur, non solum maiores, sed etiam celeriores aperte fiunt: at si adhuc magis, etiam creber fiet. Hic manifestè ordinem posuit quo frequentia ab omnibus aliis distingueretur: ut intelligamus, eam non simul cum eis, sed posterius accedere. Igitur in hac causa

cap. 25.
cap. 2.
cap. 3. in prin.
Ibidē in fine.
cap. 4. in fine.

causa multa sunt dubia: uerum quod ab hoc pendet, nunc subiungam: par enim uidetur, ut conuerso modo differentia opposita uel redeant, uel acquirantur: inquit enim, Si frigidius iusto corpus euadat, raritas primo, inde tarditas, ultimo paruitas accedit. At in initio capituli dixerat, cum perfrigeratus fuerit calor, ac diminutus, initio quidem paruus ac tardus, mox rarus euadit. Quis non uidet hæc inuicem pugnare? Nec est dicendum, quod de naturali intemperie in uno loco, in alio de præternaturali loquatur, hoc enim est absurdissimum: nam in fine inquit, Si iusto frigidior factus sit: in initio, Si refrigerata natura, nec etiam dicendum, de reditu eum loqui. Rursus in tertio de Præcognitione ex pulsibus inquit: Si calor abundauerit paululum sola augebitur magnitudo: sed inter naturalem solum, ac præternaturalem hoc interest: quod in uno distentio, in altero contractio uariatur: quamobrem uidetur utriusque; caloris, additi, uel diminuti, eadem esse ratio. At uerò post non satis uidetur constare sibi rursus, cum agit de febribus: inquit enim, In augmento putridarum atque initio contractionis celeritas plurimum augetur: in statu uerò ea permanente ad summum ipsa distentio: in declinatione uerò maximè contractionis celeritas dissoluitur. Quare hic duplici modo uidetur prioribus contradicere: primò quod nullam de frequentia rationem habeat, cum in præcedentibus de ea loquatur ad celeritatem comparando: secundò, quod uelit distentionis celeritatem, iuxta calorem externum uariari, quod iam in superioribus, & in libro secundo negauerat. Clarum enim esse existimo, quod iam dixerat in tertio libro de Præfatio ex pulsibus, contractionem fieri ad extrudendum halitum superfluum caloris noxii, at uerò distentionem refrigerandi causa eum qui nobis est innatus. Oedipo certè tanta confusio indigeret, ob id circa augmenti rationem tres inuentæ sunt opiniones: nam quod ad librum artis medicinalis pertinet, abundè satisfactum puto ex primo de Causis, & secundo de pulsuum præcognitione: quoniam cum in primo loco inseparabilium meminerit, in secundo autem separabilium, magnitudo inseparabile non potest esse signum calidi cordis, quod à uirtutis debilitate, uel instrumenti uitio possit prohiberi. Nam ut in primo de Causis pulsuum habetur, tres sunt pulsuum causæ contentiæ, uirtus, instrumentum, & necessitas: ad magnitudinem uerò, ut Galenus inquit, omnes concurrere necesse est, ad crebritatem, ut sic dicam nunc, & celeritatem minimè: ob id calidum cor habet pulsus necessariò ueloces ac crebros, non autem magnos. Multò uerò minus cor siccum, ac calidum. Sed ut ad institutum reuertar, tres opiniones de uarietate inuentæ sunt augmenti: Censent enim Iacobus & Vgo, quod aucta necessitate, omnes differentia necessariò augeantur. Alia uerò dicit, quod omnes equidem differentia augentur, uerum plus magnitudo con-

cap. 2.

cap. 7. post medium.

cap. 2.
cap. 2.cap. 3. & ca. 2.
& 4.

cap. 1.

Questio. 25.
2. techni.in expositio-
ne loci.

stante uirtute, inde celeritas, ultimo frequentia. Tertia uerò dicit, quòd aucto naturali calore spiritus multiplicatione, & extensione, sola magnitudo augetur: sed aucta caloris uel per intensiorem, necessariò omnes differentiarum maiores efficiuntur: cum uerò sententia Galeni his repugnet, rationes primùm ualidiores expendere in singulis decet opinionibus, deum dicta Galeni conciliare: diu enim ac multa contentione tractata est hæc quæstio. Igitur qui primam tuentur opinionem, dicunt, Melius satisfacit natura cum tribus, quàm cum una differentia aucta: igitur omnes tres augentur simul. Aliquando etiam sic natura agit, ergo & semper: neque enim est maior ratio de uno, quàm de alio. magnitudine etiam præfente calor est auctus: sed ubi calor, ibi frequentia maior: quia ibi euaporatio fumosa, cuius causa est iuncta restrictio à natura. Igitur à primo ad ultimum magnitudo maior, igitur celerior restrictio, quare etiam celerior dilatatio, ut habetur à Galeno in primo de Pulsuum causis. Adest etiam autoritas Galeni hîc adducta: calidioris ac ficcioris cordis signa sunt pulsus durus, magnus, uelox, & frequens. At pro altera opinione est, quòd illud primò augetur in necessitate ac magis, quod minus naturam à suo statu dimouet: talis autem est magnitudo. Accedit, quòd uerba Galeni hoc declarare uidentur. Ultimo, quòd si dantur minima naturalia, in minima necessitate, sufficiet magnitudo, quia augmentum necessitatis est per minimum, igitur & magnitudinis: aliter maior erit prouidentia & auxilium, quàm necessitas. Alii uerò dicunt, uerba Galeni non aliter posse conciliari, nisi per eam distinctionem. Respondeo, hæc opiniones omnino falsæ sunt, & contra Galeni mentem: ipse enim declarat in introductorio, & in tertio de Causis pulsuum, quòd gracilium, uel in Veris tempore, uel post balneum, atque in ipso, tum etiam in gaudio, pulsus sunt magni, minimè celeres uel frequentes, imò moderati, aut etiam tardi uel rari. Sed ad hoc dicitur, quòd istud diceret opinio, quia calor naturalis quantitate auctus est, non autem acutior factus est. Secunda & prima opinio dicerent, quòd demacraati seu exiles habent pulsus maiorem secundum estimationem, non uerè: & hæc responsio potest sustineri. Sed ad alias auctoritates dicunt, quòd comprehendentibus solam distentionem, pulsus in his sunt tantum maiores, non tamen comprehendentibus contractionem, quæ est eo minor, quo distentio ipsa maior est. Et sic quod ad introducendos loquitur, cum etiam idem de somno affirmet, quòd magnum efficiat pulsus cum tarditate & raritate. Sed cum hoc renouauerit in libro de Causis pulsuum, liquet hanc responsionem non esse ueram. Præter hæc docuimus iam, ad raritatis cognitionem pertinere contractionis notitiam: ideo, opinio prima & secunda falsæ sunt. In gaudio etiam non augetur calor, sed solum expanditur, & tamen pulsus fit magnus. In tertio etiam

cap. 3. in fine.

cap. 9. & ca. 4.
6. & 15.

cap. 16.

etiam de causis pulsuum, inquit: Ex moderato cibo pulsus maiores, celeriores, & crebriores euadunt, & tamen calor sola quantitate per cibum augetur. Illud primò est animaduertendum, non idem esse, Pulsuum fore crebrum, & contractionem esse celerem: tum primò, quòd celeritas tam de contractione, quàm de distentione dicitur, ut in secundo de Præcognitione, & primò, de Differētiis pulsuum clarè ostenditur: sic rarus & creber à quiete utraq; sumunt appellationem. Calor etiam tripliciter augeri dicitur, extensione, qualitate naturali, ac præternaturali. Si igitur calor quantitate sit superauctus, ut in pueris, ac his qui cibum sumplerunt, pulsus maiores, crebriores, atq; celeriores fiunt. Si autem qualitate, ut in his qui calido dicuntur esse temperamento, eodem modo secundum omnem differentiam augentur: quare Galenus parem in utrisq; affirmat esse rationem. At si præter naturam calor augeatur, utraq; motus differentia simul augetur cum magnitudine, non tamen fit ob hoc creber: anticipatio enim utriusq; motus, ut in secundo de Pulsuum præcognitione debite raritati pulsus restituitur: celer igitur erit, creber nequaquam: natura etenim motuum celeritatem auget, quietem non minuit: nam in motus celeritate, uel refrigeratur distendendo, uel expurgatur contrahendo. Sed in abbreviatione quietis nulla est omnino utilitas, uerùm sola necessitas. Vnde ingruente tanto calore, quòd non possit motuum celeritate extinguì, frequentia superadditur, quæ uirtutem eneruat, cum requiem omnè auferat: unde postmodum sæpe numero mors. At naturalis frequentia ut consueta non affligit, aut parum. Nec credendum est quod quidam dicunt, Galenum hic signa posuisse uehementer calidi ficciq; cordis: nam cum inseparabilia calidi connumeraret, crebrum pulsuum haud prætermisit. Hoc igitur modo in primo de Spirandi difficultate dixit, Ingruente necessitate respirationem maiorem primò fieri, post celeriores, inde crebriores. In omnibus autem sic fit, uerùm latet ob paruitatem augmenti. Dicendum igitur per hæc ad singula. Cum enim dixit, non fieri crebros: intelligit, aucto calore præter naturam: hoc enim docuimus. Est tamen frequentia calidi cordis naturaliter signum inseparabile. Auctoritas uerò ex tertio de Pulsuum præcognitione, sic est intelligenda: Calor præter naturam, utpote febrilis, ab initio celeriores habet contractionem, atq; ob id propriam retinet raritatem: cum uerò inualuerit, adhuc minuendo quietem creber euadet. Naturalis autem calor auctus celeriores facit distentionem, ob id decurtat quietem quæ contractionem sequitur, & crebrum efficit pulsuum. Cum etenim distentio magna fuerit refrigerabitur bene calor, unde lenta contractio sequitur, seu moderata. unde anticipante distentione, creber euadit necessario. Apparet igitur con-

cap. 1.
cap. 7.

cap. 2.

cap. 6. in prin.
idem decima
terti, tract. 1.
c. 20.

nus

nus iam non admittit. An uerò semper aucta magnitudine celeritas, & frequentia augeantur? Dicimus quòd non, ut de balneo, & somno, & uere, & gaudio dictum est, sed cum magnitudo illa solum caloris uehementiam sequitur. Dicere uerò hanc non esse magnitudinem ueram, sed solum distentionis, est absurdissimum: cum in naturaliter affecto corpore redeat eò semper arteria, unde moueri cœpit. Quatuor igitur hæc omnes differentie necessitatis augumentat inter multum ac intensum calorem una poterat esse, sed Galenus eam sustulit: omnes igitur tres. Prima, quæ à naturali calore: secunda, quæ à præternaturali, tum in principio, tum consistente: tertia uerò quæ à magnitudine citra caloris augmentum proficiscitur. Ad id uerò quod de febrium uarietate adieciimus, propositum est de motu ibi, non de quiete loqui. Quonam pacto uero non aucto calore indigeat homo celeritate distentionis? Respondemus equidem hæc non conuerti. Omnis enim caloris augmentum, seu naturalis, seu præternaturalis, distentionis indiget celeritate: at non ubi distentionis celeritate indigemus, ibi calor est præter naturam. In contractione uerò conuertuntur hæc: quoniam etsi corpus bene ualeat, quod tamen extruditur præter naturam est, non autem quòd perfrigeratur. & hæc est diuersitatis ratio.

Sed de paucitate caloris, tum paruitate, raritate, & tarditate rursus est magna contentio. Quidam enim dicunt, quòd primò paruitas, inde tarditas, inde raritas acquiritur: alii autem, quòd simul hæc omnia: rursus uerò alii, quòd primò tarditas, inde raritas, ultimo paruitas: alii, quòd primò raritas, post tarditas, ultimò paruitas. Qui dicunt paruitatem primò accedere, habent Galeni auctoritatem in secundo Artis medicæ, in corde frigido pulsus minores necessariò sunt, non autem tardiores, uel rariores. deperditur etiam celerius, quod difficilius retinetur, cuiusmodi est magnitudo. Qui uerò tarditatem dicunt, hoc habent, quòd utraque celeritas caloris præsupponit magnitudinem: paruitas igitur caloris, de tarditate primò indicat, post de cæteris. Qui raritatem, quòd ea ultimo loco in caloris abundantia accedat: igitur cum necessitas perit, prima remouebitur, ut etiam in cæteris hominum actionibus quæ cum ratione fiunt: solemus enim primò amouere semper quæ ultimò propter necessitatem adiecta sunt. Qui dicunt, quòd omnes simul acquiruntur differentie, Galenum secum habent primò de Spirandi difficultate: nam perfrigerato, inquit, calore raritas, & paruitas, & tarditas simul accedunt: quemadmodum aucto magnitudo, celeritas, atq; frequentia. Cum uerò hæc ordinem, ut diximus seruent: par est & illa seruare. Sed hîc alia contrarietas insurgit: quoniam iam prius dixerat, magnitudinem ac reliqua ordinatim accedere, hic uerò omnia simul cum calor ipse augetur. Responsum est per hæc ad ea quæ nuper dicta sunt: prius enim declarauerat, quòd si sensim calor au-

geatur:

cap. 7.
idem decima
tertii, tract. 1.
c. 20.

cap. 6.

geatur: hic uerò auctum iam uult, cum febrem confirmatam esse uelit. De inchoante uerò dixerat cum calor fuerit imminutus, paruam, deinde tardam, demum raram efficiet: sed paulo quidem minorem, tardiorē multo magis, rariorem autem etiam longe magis. Quo fit, ut ordinem quendam insinuasſe uideatur. Igitur pro diſſoluenda contradicōne ſciendum eſt, calorem tripliciter dici debere imminutum: uel naturaliter, ut cum de frigido corde Galenus loquitur: aut præter naturam, cum prius exiſtens naturalis à perfrigerante cauſa, uelut in attonito morbo ſepe accidere ſolet, minuitur. aut cum prius auctus redit ad priſtinum ſenſim ſtatum, ut in febrium declinationibus. Eſt etiam differētia quòd prius aliquid inducatur, uel quòd magis. In his igitur primò in quibus reditus ſit ut febrientibus raritas, ut cuius contrarium ſit minus neceſſarium, & celerius & magis reſtauratur: inde tarditas. Vltimū, quod & minus quàm reliqua, utpote quod non niſi abſolutis ex integro reſtituitur, eſt paruitas priſtina. Aliquando igitur tota ſublata frequentia, & priſtina redeunte raritate, celer ſolum ac magnus remanet pulſus. In fine tamen plus de magnitudine deperditur, quia plus erat acquiſitum, cum æger ad quietem perfectam, ut in periodicis febribus uocatis uel intermittētibz accedere ſolet, iam deuenerit. At in his qui iuſto frigidioreſ euadunt naturaliter, primò pulſus minores, inde tardiores ac rarioreſ fiunt: quoniā raritas plus tarditate ac paruitate obest. Ob hoc dixit Galenus in ſecundo Artis medicæ, paruitatem eſſe neceſſariam, nō raritatem aut tarditatem. ob hoc nec illos audierim ſatis libenter, qui putant, rarioreſ magis ac tardioribus quàm pro paruitate uti poſſe illos: nam ſecundum naturam peſſimus eſt qui rariſſimus: non enim hoc niſi ab immoderato frigore. At in his, qui ex priſtino ſtatu ad frigidum deiiciuntur, ut in morbis attonitis, lethargis, & ſuffocationibus uteri, raritas & tarditas accedunt, poſt paruitas: ut in quarto de Pulſuum cauſis meminit. Adicit uerò neceſſariam eſſe raritatem ubi morbus frigidus eſt, ſi uirtus conſtet: at uerò cum declinauerit, non ſolum crebri, ſed & celeres fiunt, cum tamen ad immoderatam peruenerint imbecillitatem, rari admodum euadunt, tuncq; iam moriuntur. Discrimen igitur in his, & in eis qui ex calore ſuperfluo ad priſtinum redeunt ſtatum, ſolum eſt, quòd cum in utriſque raritas primò adueniat & tarditas: in his non manet, propter imbecillitatem. Contractio etiam non multum uariatur, ſed plus diſtentio in perfrigeratis: at contrà in remiſſionibus. Quod uerò dicunt quidam, raritatem eſſe neceſſariam ob hoc, quia calor eſt imminutus non exiſtente perfrigerationis neceſſitate, nihil eſt: nam talibus cum parua fuerit diſtentio breuis eſt perfrigeratio.

cap. 24.

cap. 14. & 20.
& 23.

CONTRADICTION XI.

Pulsus an ab arteriarum uirtute, an ab ebullitione sanguinis.

In fine.

Galenus in libro, An sanguis in arteriis contineatur, duo adducit argumenta, quibus ostendere nititur, illas à uirtute eis à corde distributas moueri, non autem à sanguine, uel spiritu immisso: si enim ligetur arteria, quod relinquitur à pulsatione illico cessat: at non par est hoc fieri si à spiritu contento mouerentur. ipsis etiam arteriis sanguinem continentibus impossibile est tam cito spiritum immitti à corde ac tanta ui, ut simul earum extrema, & quod cordi ex eis proximum est moueantur. Cum igitur experimentū doceat, moueri illas uno motu omnes, eodemq; tempore, constat eas non ex immisis à corde, sed uirtute ab eo transmissa solum moueri. Hoc etiam tanquam clarum in libro de Pulsuum usu esse docuit, inquit enim: Non quia à corde impleantur, ideo mouentur, ac dilatantur arteriæ: sed quia sic agunt, ob id implentur. Cum uerò tres fuerint, ut ibi recitat, opiniones de arteriarum motu, aliquibus existimantibus distentionem ab arteria sponte fieri, quòd etiam in mortuis non conuiueat, quemadmodum uena, contractionem uerò à uirtute: aliis utrunq; à uirtute fieri existimantibus, quoniam de contractione ob naturalem figuram quæ cum distentione erat, pateret, de distentione quòd modò maior, modò minor fiat, & quòd modò celerior, modò tardior: aliis, quòd sola distentio: manifestum est, duo hic argumenta sumi, quibus ostendatur, distentionem à uirtute fieri, non sponte. Verùm hæc non aduersus illos probant, qui, ut Archigenes, senserunt, distentionem à cordis impulsu fieri. Quatuor enim sunt opiniones de arteriarum motu in distentione: Galeni, quòd à uirtute: Erasistrati, quòd ab impulsu cordis: aliorum, quòd à natura arteriæ, quæ si tamē illū sponte sibi deposceret: ultima uerò Aristotelis, de quo suo loco dicetur. Hoc uerò idem tractabat in quarto de Pulsuum differentiis, probans opinionem Herophili, quam etiam Hippocratis esse docuit, libro An sanguis in arteriis contineatur nec non: & Praxagoræ, & Philotini, quam ipse secutus est Galenus. Quamobrem argumenta quæ pro hac sunt opinione in medium adducam. Iacobus enim non pauca adducit: Nam si aliter, inquit, quàm à uirtute mouerentur, cum nec ab elemento dominante, esset motus hic uiolentus, quare non esset perpetuus, nec principium uitæ: par enim est, eorum quæ per se à natura expetuntur, media etiam per se expeti. Non autem uiolentam causam ac contingentem, intenti per se finis, tum uitæ esse principium. Vbi etiam magnitudo pulsus, ubi ebullitio magna, ibi igitur uehementia: at magnus pulsus, & nō uehemens, in lætitia, quarto de Causis pulsuum apparet: quare non ex alio, quàm ex uirtute. Videtur etiam ex compositione

Post mediū.

cap. 2. ante
medium.

cap. 3.

cap. 8.

tione instrumentorum res sic se habere: cor enim omni genere uillorum
 constat, ut in sexto de Partium usu habetur. arteria uerò ex duabus tu-
 nicis, quarum exterior, quæ & exilior, longis ac modicè obliquis constat
 uillis: interior, quæ dura, ac quasi exteriori quintupla, transuersis folis.
 Motus igitur à natura fiunt ac uirtute, cum quemadmodum in aliis ad
 hæc instrumenta parauerit. Est etiam ualida ratio, quòd si ex ebullitione
 fieret distentio, aër attrahi non posset, atque ea de causa non perfrigerari:
 nam in ebullitione occupatur locus arteriæ, quo fit, ut nihil amplius pos-
 sit recipere, nedum ut trahat sponte. Liquidò autem constat aërem tra-
 here arterias dum dilatantur. Non etiam uidetur differentia inter di-
 lationem cordis & arteriarum: Cor autem dilatari ab anima haud du-
 bium est, quare etiam & arteriæ ipse. In ebullitione etiam maxima, ue-
 hementissimi efficerentur pulsus, cum tamen contrarium eueniat, non
 solum in pestilentibus febribus, sed & in aliis morbis, cum ex incendio ad
 mortem inclinantur. Peculiare uerò uidetur hoc aduersus eos, qui tenèt,
 cum cor dilatatur arterias constringi: ac rursus, illis dilatatis coarctari cor.
 Primum, quòd maior est cordis calor cum constringitur, quàm arteriæ
 remotissime cum dilatatur: at uerò illa cogitur ad dilatationem ob caloris
 uehementiam, igitur & cor: quare non constringetur. Eadem ratione cum
 multò maior sit excessus caloris propioris partis arteriæ cordi, ad maxi-
 mè distantem, quàm cordis ad propiorem illi partem, liquet arteriis unà
 se mouentibus, etiam cor debere cum arteriis moueri. At hoc tamen ue-
 rum non est, iuxta eos qui ponunt uicissim ac alternatim cor simul atque
 arterias constringi. Sunt uerò & quædam à Thrusiano aduersus se pro
 Galeno recitata, quæ quoniam in rem faciunt, à me in medium deducun-
 tur. Mirum planè esset, si ab ebullitione fieret pulsus, pulsus æqualem
 esse, cum ebullitio res sit adeo uaria ac diuersa, tum in diuersis tempori-
 bus, tum momento eodem sed partibus tamen diuersis. Præter hæc si
 dum cor constringitur arteriæ dilatantur, spiritus uel simul in diuersis
 esset locis, uel quæ sunt cordi proximiores partes celerius, & ante alias
 quæ remotiores sunt, mouerentur. Esset etiam difficile causam reddere,
 cur arteriæ non autem uenæ moueantur, cum utræque sanguine plenæ
 sint. Si dicas calorem, aut crassitiem obstare, palam est, hæc minorem
 nonnullâ facere ebullitionem: tum maximè, cum cor frigidum, hepar cal-
 lidum extiterit: utriusque enim uisceris tum sanguinis in calore exi-
 guum discrimen erit: & tamen uenæ nunquam, arteriæ semper pul-
 sabunt. Aristoteles autem in libro de Respiratione hæc habet in contra-
 rium: At pulsatio, quam cor perpetuo facere uidetur, eimotioni perfi-
 milis esse uidetur, quam tubercula cum dolore efficiunt, quòd sangui-
 nis mutatio ea præter naturam sit: ea uerò fit, usquequo sanguis con-

7. anat. ag-
 gress. fol. 1.

cap. 8.

coctus fuerit ac in pus conuersus. Hæc etiam affectio feruori similis est: fit enim feruor, cum humor caloris opera inflatur: nam humor propterea sese attollit, quod in molem assurgat ampliolem. Cæterum quies in tuberculis agitur, si putrefactio ipsa non perspiret, humore crassiusculo reddito: feruor uerò refidet, si per uasculi labra humor excidat. In ipso autem corde humoris tumor, qui perpetuo ex cibo ei accedit, ultimam eius tunicam eleuando pulsus facit: atque hoc semper absque intermissione fit: nam semper humor ex quo sanguinis natura oritur continuè influit: primum enim in corde ipso gignitur, id quod in prima generatione clarè constat: nam uenis nondum distinctis sanguinem habere cernitur. Et ob id iunioribus magis pulsus, quàm senioribus: utpote quod iunioribus maior diuaporatio fiat. Quinetiam & uenæ omnes simul inter se pulsare solent: quia omnes ex corde sua initia trahunt: cor autem semper mouet. Quare & illæ semper mouent: & simul inter se

cap. 6.

cum illud mouet. Ad hæc faciunt rationes nostræ. Philosophus tertio de Partibus animalium docet, quod & experimentum ostendit, pulsus nullis plantis conuenire, imò nec omnibus animalibus, sed solum his quæ solent spirare. At si sic est, naturalis facultas esse non potest, neque animalis, cum absque cognitione fiat: non sensitua, cum absque sensu. Tribus igitur existentibus tantum animarum generibus, constat nullius animæ esse proprium hanc uirtutem, quare nec uirtus ulla: sed ex sanguinis ebullitione constat. At si etiam maximè sit, sentientis pars uirtutis erit: at quædam sentiunt, quibus nulla uis pulsatilis, ut cancri. Quidam etiam pulsatilem uirtutem retinent absque sensu ullo, ut in attonitis, ac etiam resolutis. Accedit quod pulsus omnes debiles uidentur, qui essent duri: at turbulenti ualidi simul ac duri sunt, ut Paulus testatur. Hoc autem difficillimum factu uidetur: nam si arteria dura est, cum difficultate mouebitur: imaginemque languidi præbebit pulsus: ut enim proportio, ita robur: at si arteria mouetur renitens, modica est proportio, modicaque uirtus: dura etiam existente arteria, nec pulsus mollis, nec rursus durus illa molli existente: & tamen talis est eorum qui laterali laborant morbo: ut in quarto De cau-

lib. 2. cap. 12.
in fine.

cap. 8.

sis pulsuum habetur. Thrusianus opinioni Philosophi fauit, tribus adductis rationibus: prima, quod semen cum in uterum effunditur, illico pulsatilem habet uim, arteriam non habet: ab hora enim qua effunditur in uterum, donec generetur foetus, quanquam formam propriam retineat, pulsus. Non igitur hæc arteriæ uirtus. Si etiam per se pullaret arteria, non uideo, inquit, cur dilatatio constrictione cordis indigeat: at indiget tamen: non igitur uirtus est in ipsa arteria, sed contento.

Ultim

Vltimum est illius argumentum, quòd uirtutis nullius functio hæc esse potest: nam si sit, naturalis inquam erit: at naturalis uirtus per uillos trahit, non uacui ratione, quemadmodum cor & arteriæ: uirtutes etiam naturales propter se absq; medio agunt: distentio uero ob attractionem aëris, hæc ob refrigerationem, ultimo propter conseruationem temperiei ipsa perfrigeratio: accedit, quòd ad nullum trium generum principalium, nec quatuor inferuentium reduci potest. His tot difficultatibus occurrimus primò, quòd Philosophi opinionem nullibi oppugnat Galenus, sed duas priores tantum: scilicet, quòd sponte attollantur, uel ex influente in illas ex corde spiritu, atq; sic rationes concludunt: mens autem Philosophi est, ut quemadmodum in corde ob proprium alimentum partes extremæ attolluntur, sic etiam in arteriis: quàm Thrusianus sequitur Lucani carmen adducens:

Dum mouet & hæc calidus spirantia pectora sanguis.

Opinio etiam Galeni sensui proximior est. quamobrem utraq; haud difficile tueri potest. sunt igitur dissoluenda obiecta. Qui arterias sponte dilatarì uolunt, quoniam in mortuis sponte parent, non concludunt, quia medio tunc situ iacent, non autem adeò patentes ut in distensione: nec adeò constrictæ ut in contractione, quia aduerso impetu magis coeunt. Medium autem illis esse situm Galenus in libro de Pulsuum usu docet, qui sit eis naturalis. Quòd uerò uiolentum aliquid in corpore sit, non inconuenit, uelut ascensus grauium in nutritione. Principium autem esse non potest, quoniam in sanguine est principium uitæ, ubi & motus. Ad hunc autem alium consequi, non naturalem, haud inconuenit: ad loci enim mutationem, quæ à nobis uoluntatis imperio fit, elementa grauium cum uiolentia mouentur. De magnitudine iam dictum est aliàs, quòd quorundam sententia non sit in lætitia, sed in distensione solum: at nos hoc non tuemur. Accidit tamen, ut in pila flatu plena, modo multum, modò parum tendi, & ob id etiam ualidum esse pulsum, aut imbecillum. Villorum uerò historia etiam Galeno aduersatur: nam transuersales, quorum quintuplo quàm longitudinalium copia est maior, contrahunt. quare contractio à uirtute longè quàm distentio magis erit. Dicendum igitur secundum Philosophum, uillos esse non motus causa in membris, quando etiam à uirtute ipsa moueri concedantur, sed ut moueri possint commodius: ut contrahi, uel extendi, uel sisti. Aut dicendum erit, quòd non est absotum, quamuis Galeno repugnans, utrunq; motum à uirtute fieri tam contractionis, quàm distensionis. Si uerò distendantur ab ebullitione, aër secundum partes attrahitur, non eas quæ distendantur, sed illis proximas. in corde uero petitio est principij illud apud Aristotelis sententiam affirmare. non enim ut patuit, magis arteriæ quàm cor à feruore

sanguinis dilatantur. Ebullitio autem non semper causam insequitur, sed & spiritum: quo absumpto, quanquam incendium ingens subit, pulsus tamen parui & languidi efficiuntur: non enim potest sanguis sine spiritu subsultare. At quæ de proportionem, & calore dicuntur, nullam habet uim. Quomodo uero æqualis sit pulsus, inæqualis ebullitio: si naturalis sit, neutrum horum accidit: quinimò cum ebullierit una ex parte sanguis, altera minimè, eodem momẽto cernes in utrisq; partibus pulsus diuersum, ut

cap. 9. in fine. Galenus in introductorio Pulsu fatetur: quare id erit argumẽtũ potius, non à uirtute, quæ una est, sed ab ebullitione fieri pulsus. Cur uero arteriæ pulsent, non autẽ uenæ? Hoc ideo est, quia ebullitio in eis fit calore immisso à corde: quare parum differunt Galeni opinio & Philosophi. Concedit enim uterq; ebullitionem fieri in sanguine, & uirtutem qua arteriæ mouentur à corde immitti. Aristoteles tamen ex ebullitione fieri pulsationem, Galenus duas distinctas ponit uirtutes: alteram qua mouentur, aliam qua sanguinem calefaciunt. Quæ uero in oppositum deducuntur infirma sunt: nam uirtus mouens, uitalis est: de qua aliàs diximus: ob id ab animali distincta, quod absq; cognitione operetur: nec tamen, ut deductum est, naturalis animæ pars est. cuius igitur sensibilis ut uisus. neq; enim omnia animalia uident, sed perfectissima. Sed quomodo sensitiuæ animæ si non cognoscit? Respondeo, quia non inconuenit quatenus nutritiæ coniuncta est finis necessitate. De pulsu duro respondet Galenus ibi, duram esse arteriam ob tensionem: non igitur omnis durities à siccitate concedatur: siccitas tamen æqualis, & permanentis duritiæ causa est, tensio inæqualis, & non permanentis: unde ferrinus pulsus. Turbulenti pulsus potius apud Galenum uehementis, quàm languidi præbere speciem debent, quoniam sicci atq; duri. Hoc tamen in secundo de Pulsuum causis, apertè docuit, duriores pulsus, minores uideri: sed nunc de uehementia sermo est, de qua, ut à duritiæ differt, tum in Introductorio, tum alibi sæpe dictum est. Indigent autẽ cordis dilatatione arteriæ, ut aliquid recipiant, non ut moueantur, ut Galenus inquit. Sed est fundamentum Galeni in libro An san. ar. con. diuisa arteria per longum immisissq; canula ferrea, ligatisq; extremis, cessat pulsus inferioris arteriæ, & tamen transfuente sanguine stat feruor. Diceret Aristoteles, quod ligamentum reddit eam immobilem.

CONTRADICTIO XII.

Cum cor constringitur, an arteriæ dilatentur.

cap. 14. **I**N tertio uirtutum naturalium arteriæ à corde aliquid trahunt, quamuis modicum, cum dilatantur: quare consentaneum est rationi, cor tunc extrudere atq; constringi: cum enim quod dilatatur trahat, quod constringitur

constringatur expellat: si simul cor dilataretur, traheret, & immitteret in arterias quod sensus non capit. Sed & quarto de Pulsuum differentiis, cap. 1.
 Erasistratum dixit existimasse, arterias contrario motu, à corde moueri, quòd ab illo impleantur. Et quanquàm dicas, non ob id, ut iam ostendi secundum Galenum, moueri arterias, quòd à corde impleantur: fatetur tamen in libro de Vsu pulsuum, ob id impleri, quòd moueantur. Quare si sic est, rursus fatendum erit, cum cor constringitur, arterias dilatari: quæ ad hunc usq; diem communis fuit opinio. Quòd uerò in Pulsuum introductorio dicat, quòd cordis & arteriarum est una pulsandi ratio, principium solum docuit, non autem temporis metam, aut modum. cap. 1.
 Quinimo cap. 9. in fine, ibidem, dum de pulsu phlegmonem patientium agit, inquit: Si phlegmon magnum, aut in principali corporis parte extiterit, pulsus undiq; permutabit: si autem paruum & in neglecta parte, eiusdem tantum partis pulsus uariabit. Quam sententiam Auicenna secutus est in secunda primi, cum dixit, Si uaria fuerit laterum temperatura, uarii quoq; erunt pulsus earum partium, unde illius contractio ac distentio, non cordis distentionem aut contractionem, sed ipsarum arteriarum sequuntur naturam.

Hæc igitur altera opinio est, quòd nulla sit comparatio motuum cordis ad motus arteriæ. Qui tamen tuentur primam opinionem, dicunt, contractionem cordis distentioni arteriarum: & rursus distentionem cordis contractioni arteriarum, dum corpus ualeat, nec ulla ex parte affectum est, correspondere. Sed neutra harum opinionum uera est: nam Galenus nullam rem melius aut apertius distinxit: siquidem in tertio de Præcognitione, ex pulsibus, cum cor fuerit imbecille, aut etiam si sit, & arteriæ calidiores, principium motus distentionis in utrisq; eodem momento erit: quoniam & uirtus ipsa eodem influitur momento, non tamen celeritas, aut magnitudo, aut uehementia pares erunt: sed in corde maiores quandoq; quàm in arteriis. Ratio autem ab ipso adducta demonstrat: nam ubi est unum principium, ibi motus unus, nam idem diuersum motum efficere nequit. Quæobrem in phlegmone, uel mala temperie, alterius lateris, diuersi erunt pulsus in celeritate, & magnitudine, ac frequentia inuicem: initium tamen distentionis tam pulsuum laterum, quàm cordis eodem fient momento temporis. Ostendit autem hoc Galenus sensu, si quis manum super cor alteram imponat, altera apprehendat pulsus hominis. sentiet enim initium distentionis quantum coniectura assequi ualebit, in ambobus unum esse: cætera omnia plerumq; diuersa. Non igitur unquam contractio cordis dilatationi arteriarum potest correspondere: nec rursus contractio arteriarum dilatationi cordis. Verum cum naturaliter dispositum cor fuerit in fine dilatationis attrahentibus arteriis, constrictionem subibit antequam arteriæ perfecte dilatentur. Ob id breuior est cordis distent

doct. 2. cap. 3.

cap. 3.

distentionem, quàm arteriarum. Quare contractio cordis contractionem arteriarum tantò longior est, ut eandem temporis mensuram tam cor quàm arteriæ una pulsatione adæquent. In eodem igitur tempore tot sunt numero cordis semper, quot arteriarum pulsationes. At uideo quid dicturus sis: Quorsum igitur tendit secunda utilitas narrata à Galeno in septimo in folio ult. Anatomicorum aggressionum, de dissecando uiuente animali, ut pulsus arteriæ deprehendantur, qualem ad distentionem cordis habeant comparationem? Respondeo, quòd tunc contentio erat inter Erasistratios, & eos qui Hippocratem sequebantur de hoc, in qua oculus dilucidiorum quàm tactus ad conuincendum pertinaces euidentiā poterat ostendere. Sed iam ad institutum reuertor: dicebat igitur Galenus in tertio de Præcognitione, ex pulsibus, si cor imbecille & refrigeratæ arteriæ fuerint, ut in quibusdam lipiriis, tunc initium distentionis in corde celerius erit, quàm in arteriis, quod principium, non eodem momento, motus à corde in arterias descendet. Quinimo, inquit, tunc etiam partes, quæ cordi erunt proximiores arteriarum, remotioribus prius mouebuntur: tum uerò celeritates, frequentiæ, magnitudines, uehementiæ, omnia inæqualia, atq; diuersa, non solum in ipsis arteriis ad cor comparatis, sed etiam inter se. At dices, Quomodo dilatato corde ocluditur arteria magna, hoc enim necesse est euenire, si cor uacui necessitate trahere debet? Respondeo: Quancquàm claudantur membranulæ illæ uersus interiorem cordis partem, cum tamen dilatatur à fibris, contrahuntur, atq; dilatantur, donec os cordis occludant: in extremo autem, cum nimium dilatatur, effluit, trahentibus illis in arterias spiritus: sed arteria uenalis & ipsa, cum cor dilatatur, aperitur, iuxta omnium sententiam. Melius igitur erit, ut existimemus, arterias etiam reliquas omnes cum Galeno idem habere distentionis principium: quod si reliqui cogitassent, non in tam absurdum errorem deuenissent.

CONTRADICTIONE XIII.

Hepar calidum an consistente ætate, bilem nigram generet.

cap. 31. **G**alenus in secundo Artis medicæ inter signa calidi hepatis cōnume-
 cap. 33. rat generationem flauæ bilis, & ætate iam consistente atræ: inferius uerò dum de sicciore agit bilis, non facit mentionem: unde plus caliditatem, quàm ficitatem ad eius generationem facere uult. Sed tamen hic
 cap. 2. tres uidentur esse contradictiones. Prima, quòd in de Atra bile rubeam, non flauam ponit bilem, quæ sit naturalis maximè quòd sanguini proximior sit, hoc solo differens, quòd non concreseat: quancquàm rubeam in
 ca. 6. & 29. primo de Humana natura præternaturalem esse uelit: flauam, ut hic, & pallidam naturalem. In libro etiam secundo de Dinamidiis, & in libro de Spermi

Spermate adulterino, & in libro de ordine cuiuscunq; corporis, rubram bilem naturalem esse uult. Princeps etiam rubeam bilem distinguit in naturalem, & non naturalem: flauæ nullam facit mentionem: aut si citrinam per eam intelligit, sub non naturali eam collocat, ut etiam uitellinam. Altera contradictio est, quod tertia Aphorismorum inquit Galenus super illud ætate consistentibus phrenitides & ardores, hi morbi ex flaua bile, quæ ea ætate generatur, fiunt: non igitur atra. Tertia est, quod bilis maximè fit à ficcitate, tertia Aphorismorum: de calore nulla ratio habetur. In quarta Aphorismorum etiam dixit, in ætate fieri flauam bilem: quare calor & ficcitas adiuuant in generatione bilis. Plus tamen calor in naturali, cum sit bilis rubra sanguinis spuma: in præternaturali quæ phrenitides facere parata est, immodica ficcitas uel cum calore iuncta. Cum ruffam uocat bilem, spumam sanguinis intelligit, quæ humor est potentia non actus: cum flauam, quicquid secundum naturam in uesica bilis continetur. Ob id quarta Aphorismorum inquit: Ruffa bilis ab aliis flaua dicta: sunt enim subiecto unum: colore, & loco, & essentia diuersa. Quanquam multum etiam interfit inter Rubrum & Ruffum: ut uel sit per ruffam, flauam exquisitè, nullo modo rubram intelligere liceat.

Sed adhuc difficultas est, quoniam Galenus flauam bilem in secundo de Temperamentis in uentriculo præter naturam constituit. Respondeo: Non omnis flaua, bilis naturalis est: omnis tamen naturalis, quæ extra sanguinem est, flaua est, aut pallida: quare non conuertuntur. Vel dicamus, illis ex uesica fellis in uentriculum confluere. Cæterum Auicenna censet, ut illi emendarunt, à calore fieri bilem naturalem moderato: à sicco autem præternaturalem. Haliabbas existimat bilem rubeam esse naturalem, cuius colos sit clarus, & substantia subtilis. Cum igitur ipse Galenum sequatur, quantum sibi licet, manifestum est Auicennam à Galeno non re, sed nomine solo dissidere. Cum uerò dicitur, quod in ætate consistente bilis flaua generatur, concedendum est: nec hoc prohibet, quin etiam atra generetur. Igitur atræ bilis generatio naturalis erit, dabiturq; quintus humor. Hoc aliàs discutiendum: nunc sufficiat declarasse, citrinam bilem uocatam ab Auicenna, non esse flauam Galeni, sed pallidam: at pallida naturalis est, quamuis pituitæ permixta. uerum de hoc aliàs.

CONTRADICTION XIIII.

Pituita an in iecore generetur.

FRigidioris autem iecoris uenarum angustia, pituita abundantior, secundo Artis medicæ: & Auicenna in prima primi, cum dixit, quod
r illud

cap. j.

cap. 5.

cap. j.

prima primi

doc. 4. cap. j.

aphor. 30.

7. & 16.

aphor. 4.

24. aphor.

cap. 6. ante

medium.

prima primi

doc. 4. cap. 1.

lib. j. theor.

cap. 25.

cap. 32.

doc. 4. cap. 2.

post princip.

- cap. 8. illud quod concoctionem subterfugit, est pituita. In oppositum est Galeni sententia, in libro de Atra bile, dicentis: Declaratum est pituitosum humorem ex pituitosis cibis in prima uentriculi concoctione generari, uti bilosum & melancholicum in iecinore. Et rursus idem quinto de Vsu, & in secundo Virtutum naturalium concedit: addens etiam illam in intestinis, non solum in uentriculo generari: uidetur & ratio huius reddi in tertio Virtutum naturalium: Venterculus, inquit, cum cibos assumpserit antequam distribuat concoquit, uesciturque eorum optima parte, deum emittit in intestina. Igitur si nutritur uenterculus interiore parte à cibo, & non nisi ab humore, igitur uenterculus humorem generat, & non nisi pituitam. Adducunt quidam rationem aliam: Homo non potest esse sine quatuor humoribus: sed pituita fit à concoctione diminuta in iecore: igitur dato cibo paucio, & calido, & subtili, totus perfecte coquoquatur: igitur nulla erit tunc pituitæ generatio. Assumpta propositio est Hippocratis in primo de Humana natura, dicentis: Si quis humorum penitus deficiat, protinus anima interibit: quod & in secundo de Elementis, testatur Galenus. Sed cur ergo dixit in tertio Virtutum naturalium, Deficiente alimento serosa superfluitas à iecore trahitur, non solum biliosa sed etiam pituitosa. Et in secundo Regiminis acutorum: Pituita fit cum sanguis semicoctus euadit: Non est autem obscurum, sanguinem in iecore & uenis generari. Conciliator tenuit illam potius in iecore generari, adductus hoc argumento, quod humores omnes unum instrumentum & agens habere debent, Quod uero in uentriculo generatur est imperfecta pituita, quia Auicenna palam confessus pituitam in iecore generari: inquit tamen & plurimum, quod in uentriculo generatur, est Pituita: igitur intelligit per eam chylum, ut dicunt, substantiam, aliudque pituitæ genus. Sed hæc expositio non est sufficiens, quia subiungit, Quoniam chylus est propinquæ naturæ ipsi pituitæ. Igitur aliud nult esse pituitam ab ipso chilo. Adducitur alia ratio à quibusdam pro opinione contraria, contingit hepar generare prauam pituitam, sicut & bilem, si pituita in hepate generetur: igitur necessariū erit uas recipiens, ut in uesica urinæ, fellis, & lienis: sed non datur secundo Virtutum naturalium: igitur non ibi potest generari. Ideo hi tenent pituitam generari in uentriculo, secundum Galeni sententiam. Respondet autem præsentī auctoritati, quod multiplicatur ob id, quia parum de ea in sanguinem conuertitur: à iecore frigido existente. Dico, ista opinio potest defendi ad mentem Galeni: possumus tamen hoc adducere fundamentum aduersus illam, Omnis pituita transit per iecur, & iecur est agens naturale, igitur agit in illam: & forma quam introducit iecur, manet in ea dum est in uenis, igitur pituita quæ est in uenis in iecore generatur. Melius est ergo dicere, quod pituita habet duas formas, sicut diximus de utraque bile, & hæc est uera opinio Galeni

com. 30.
Differētia 29.
in fine.
1. 3. trac. j.
cap. 16.

cap. 9.

Galenī, alteram prout est humor extra uenas, & sic generatur in uentriculo, & nutrit eum, sicut nigra bilis splenem, & flaua suam uescam, & sic trium humorū sunt tria uasa, & uenterculus erit conceptaculū & lacuna pituitæ. Aliud genus pituitæ est humor perfectus, & hic generatur in iecore cum aliis: & sic stat mens Principis, & Galenī, & ueritas non differt, igitur pituita ab aliis humoribus, nisi quia in aliis quod est extra uenas in conceptaculis fit ex eo quod est in uenis: at in pituita genus quod est in uenis, fit ex eo quod in conceptaculis. Cum uerò dicitur, contingit peccare iecur: dico, quòd tunc in bilem, uel melancholicum humorem transibit, & quòd uasa non sunt ordinata propter peccatum naturæ, sed utraq; bilis generatur utilitate naturæ. Alia quoq; ratio non procedit, quia pariter probabo, quòd non generabitur bilis, dato frigidissimo alimento, sed tamen non carebit pituita ob hoc animal aut bile. Si tamen pergas eodum ut careat morietur.

CONTRADICTION XV.

Hepar frigidum habentes an febribus obnoxij.

QVando sanguis in iecore frigido fuerit aquosus & subtilis, & uir-
 tus eius debilis, tunc incurret frequenter febres, dicebat Princeps
 quartadecima tertii: sed prima quarti ad unguem habetur oppositum:
 & octauo artis curatiuæ cum connumerat corpora ad febres parata. Iaco-
 bus existimat, quòd hoc fit per accidens, non ex natura temperiei: nam
 sic sublata coctione humores crudi generantur, ex quibus fit obstructio,
 unde tales in pituitosas febres incidunt. Dicunt alii etiam, quòd Galenus
 ibi ponit ordinem paratorum ad febres per ieiunium, famem, & exerci-
 tium, causasq; ephimeram producentes: at quòd frigiditas iecoris cum his
 est causa per se. Dico igitur, corpora sunt duobus modis parata ad febres:
 uel ratione subiecti recipientis, & sic calida & sicca, & calida & humida.
 Alio modo ratione putredinis, & sic uidetur mihi expressisse Auicenna
 omnem causam putredinis in illo loco: nam debilitas iecoris facit, ut
 crudi humores, & putredini apti, generentur: frigiditas addit super hoc;
 & etiam facit angustiam uenarum, quare erunt in perpetuis obstructio-
 nibus: subtilitas sanguinis facit ut facilius corrumpatur: quare ex natu-
 ralibus dispositionibus hæc erit omnium paratissima ad febres putridas.
 Causa autem faciens febrem rarè deest: quia calor naturalis ualidus non
 præparat ad putredinem, sed potius resistit: & ideo non ualet à naturali
 temperie ad præternaturalem, nec à temperatura iecoris ad totius cor-
 poris naturalem constitutionem.

trac. j. cap. 6.

cap. 2.
cap. 8.

HIERONYMI CAR-

DANI CONTRADICENTIVM

MEDICORVM LIBRI SE-

CVNDI TRACTA-

TVS TER-

TIVS.

CONTRADICTION PRIMA.

Humor syncerus an detur.

cap. 16.

fol. 5.

cap. 3. & 4.
aphor. 59.

cap. 12.

com. 38.

V M O R syncerus in corpore non datur, sed ut ait Hippocrates, omnia in omnibus continetur. Quin etiam in uenis ipsis aeris modicum, sexto de Vsu partium. Et ideo dicebat in primo de Elementis, quod omnia in nobis permixta sunt, ut nequeas unquam quod purum sit discernere. Sed in secundo de Crisibus & quarta Aphorismorum, docet tertianam puram ac quartanam esse, quae a syncero fiat humore. Clarius in libro de Morborum differentiis, docet tumores plerumque a mixtis humoribus fieri, nonnunquam tamen a synceris. Solet dici, quod exquisitè syncerus non datur, sed qui modicam habet permixtionem, hic pro syncero apud medicos habetur. Sed huiusmodi responsio uera non est, tum quia medicus artifex est sensitiuus, & quae nullo sensu percipi possunt, ac si non essent, habet: igitur mixtio haec non sensibilis, licet apud Philosophum admittatur, apud medicum nulla est: nec etiam autoritas Galeni in secundo Pronosticorum eam admittit: docet enim duo esse genera humoris synceri, quorum utrumque malum sit, & quod nullam habet admixtionem, & quod ualde exiguum: & dat exemplum de uitellina quae est syncera, & ea quae habet pallidiorem colorem. Ideo dico, quod generaliter omnia permixta sunt in corpore nostro: accidit tamen ex opere naturae, ut aliquid fecernatur, quod nihil habeat sensibile admixtum, & hoc syncerum exquisitissimè apud medicum est. Est & syncerum quod minimam habet mixtionem, sensu tamen perceptibilem. In libro igitur de Elementis ut philosophus, non ut medicus loquitur.

CONTRADICTION II.

Motus Anhelitus, an uoluntarius.

cap. 2. **T**Res fuerunt opiniones de anhelitus uirtute: prima, quod a uoluntate: secunda, quod a natura: tertia, quod ab utraque uirtute: & huius quaestionis disputatio potius dialectica est quam medica, libro de Motibus manifestis inquit Galenus: hoc interpretabatur in bello

bello de Voce & anhelitu, sic quòd non esset uirtus composita, sed quasi media. Idem etiam in initio libri dixerat, scilicet quòd iudicio suo non est media uirtus, nec naturalis, sed uoluntaria. Adducit autem ad hoc tres rationes: Prima est, fit suffragātibus musculis, & musculi mouentur à uoluntate, igitur anhelitus à uoluntate pendet. Docet hoc autem ex uulneribus quæ in spina fiunt, quorum quædam magnam partem auferunt respirationis: totam non possunt, propter neruos qui ex cerebro per internam progredientes partem septo immiscuntur. Altera, Vox est uoluntati subiecta, at uox præsupponit anhelitum, igitur & anhelitum parere oportet uoluntatis imperio. Tertia, quòd anhelamus cùm uolumus, & retinemus, & augemus: igitur manifestum est, quòd fit subiectus uoluntatis arbitrio. Solet addi, quòd nisi esset uoluntaria actio, in attonitis morbis nusquam concideret. Hanc de Galeni sententia opinionem habet Auerroës in secundo Collectaneorum: adducit tamen duo aduersus illam fundamenta: Primum, quòd per somnum cùm nihil desideramus, respiramus: alterum, quòd anhelitus pulsui est proportionalis, & non minus per illum, quàm per pulsum Galenus, iudicabat Hippocrates: pulsus autem naturalis est, ideo & anhelitus. Subiungit propter id, quòd sibi magis aridet opinio, quæ dicit, quòd est motus medius, seu compositus. Sed quod etiam uerisimilius est, ut fit ex toto naturalis, quia ex toto illam operationem delere in nobis nequimus. teste uel ipso Galeno Aphorismorum tertia particula: uerum intelligit Galenus diu, & absq; uitæ iactura ipsa: Auicenna uerò inquit: Anhelitus ex duobus motibus componitur, estq; uoluntarius: at pulsus est naturalis, purus. Ex quo Conciliator, qui illum sequitur, determinat, anhelitum ex duabus constare uirtutibus, Voluntaria ac Naturali. Gentilis tamen uidetur sentire, quòd fit à uoluntate ex toto in expositione textus. Hanc difficultatem ad unguem longa uerborum serie tractat Galenus in secundo de Musculorum motu, hæc habens: (nam priores autoritates, quæ illi tribuuntur, alterius auctoris esse potius creduntur, quàm Galeni) Quatuor sunt hominum genera, quæ reprehensione digna sunt: Primum, quòd sensus est expers, euidentibus abrogans fidem: secundum, temerarium, quòd de dubiis rebus audacter pronuntiat: tertium est eorū, qui dubitationibus delectantur, cùm clara propter obscura suspecta habent: quartum est stultorum, qui clara propter obscura euertunt. Clarum igitur esse existimat, quòd anhelitus à uoluntate fiat his duobus argumentis: quòd seruus barbarus ira percitus, adeò animam continuit, ut expiraret: alterum, quod iam tertio loco pro eadem opinione recitatum est, cùm (inquit) pulsui neq; moderari, nec imperare ulla ex parte possimus. Respōdet uerò Auerrois argumento primo tribus modis, quòd etiam loquimur per somnum, & ambulamus, de seipso exemplum

tra & 4.
tract. 1.

cap. 19. in
princ. bis

Aphor. 23.

decima tertii
tract. 1. cap. 7.
Different. 99.
in Append.

fol. 2.

afferens, quòd stadium esset iam prætergressus, ulterius processurus dormiens, nì in lapidem impegisset: quare nil mirum & respirare nos, cum etiam moueamur & loquamur. Secundò, quòd uirtus aliqua in fomino nobis relinquitur sentiendi, aliter nec lumen, nec uox, nec concussio nos possent excitare. Vltimò, quòd quæ parum aduertimus, etsi à uoluntate fiant, præter uoluntatem facta reputantur: exemplum adducens de phrenetico, qui dum Romæ agrotaret, Athenis se esse existimabat: liberatus uerò à morbo, eorum quæ locutus fuerat, atq; peregerat, non meminit.

in libello de
Causis respi-
rat.

Supereff ut alteri argumento respondeamus, cum causæ anhelitus tres sint, ut à Galeno habetur, è quibus una est Necessitas, altera Instrumētū, tertia Voluntaria facultas, nam & hoc ille explicat, cum parum nobis considerantibus res procedit, pro necessitate uariatur anhelitus: quare non adeò illi, ut pulsui, tutum est confidere: uariatur enim nobis cogitantibus: quare anhelitus ob duas causas, instrumentum & necessitatem, iudicium de homine præbet: affert & aliquid ad uirtutis cognitionem, cum inualida fuerit. At uerò pulsus omnia nobis exquisitius refert. Quòd uerò dicat Auerroës, argumentum Galeni non demonstrare, satis apertum est, non esse eandem rationem de neruis qui sub arteriis sunt soporariis, & de musculis, qui respirationi inferuiunt: nec illud fuisse Galeni principale argumentum. Accedit igitur etiam ad declarationem opinionis Galeni quòd cum uoluntatis imperio facultas subiiciatur, uoluntariam ex parte eam fateri necesse est. At uerò quòd mixta sit, nemo dicere potest, nisi duo principia unius operationis constituamus. Cur uerò contineri quandoq; non possit, quid mirum? inquit Galenus: cum nec acuta excrementa, plerumq; uolentibus nobis. Non existimo tamen hanc quæstionem esse admodum necessariam medico, nam tractatum de motibus manifestis, ad Galenum ego sæpius retuli. Vnum supereff, quod si Auerroës ostendere posset, Pulmonem ex se, non à pectore moueri, magna relinqueretur difficultas.

CONTRADICTION III.

Arteria uenalis an moueatur.

cap. 10. ante
medium.
cap. 9.

Arteria uenalis exilis facta est, quoniam in pulmonis dilatatione constrictioneq; necessarium erat eam utrisq; uicissitudinibus agi. uenæ autem cum motu non incitarentur crassiores euaserunt, sexto de Vsu partium. Oppositum habetur in septimo eiusdem, Leues arteriæ nusquam dilatantur ut asperæ: nam si in mortuo animali inflentur, asperæ quidem arteriæ, ac pulmo ipse dilatabuntur, leues nequaquam. Respondeo: primum dictum est, quòd dilatantur, & si non multum, uenæ enim nullo modo dilatantur quæ sunt in pulmone. Cum autem dicit, non dilata-
tari,

tari, uehementer intellige, leues arterias quemadmodum asperas. Sed uidetur hæc ratio naturæ arteriarum generali obſtare: nanq; cum ipſæ perpetuò moueantur, par erat tenues debere creari, non craſſas: niſi eſſet quòd in generali ratione motus, non neceſſarium erat tantum attolli. At cum per leues pulmonis arterias ſpiritus feratur, ſi duræ fuiſſent, naturaliter animal, uel ſaltem quacunq; leui ex cauſa ſpirandi difficultate laboraſſet. Ob id igitur tenuis arteria in pulmone ſolo, non in alia corporis parte ab opifice rerum omnium creata eſt.

CONTRADICTION IIII.

In lacte quot partes ſint.

LAëtis duæ ſunt partes, Seroſa, & Cafealis: ſecundo de Elementis, & in primo de Naturalibus facultatibus. Oppoſitū uerò in libro de Cibis boni & mali ſucci, & decimo de Simplicibus medicamentis cum de lacte agit: Tres, inquit, partes in lacte ſunt, ſeroſa, butyroſa, cafealis. Idem Paulus libro ſeptimo, & Aëtius libro ſecundo, quamuis ſparſim. Auicenna uerò in ſecundo libro dum de eo agit, tres partes ei aſcribit in initio capituli, ſed infra innuit de quarta, niſi per coloſtram lac concretum, quod à partu continuò mulgetur intelligas, quod Aëtius Pyriethon uocat, ſeu Pyriephthon. Videtur ſolutio de coloſtra, ſeu recocta, ex Serapione pendere: hic enim dum de eo in ſimplicium hiſtoria loquitur inquit, Lac autem uaccæ ob pinguedinem recoctam habet. quare uidentur reliqua genera illa carere, tresq; tantum habere partes. Plinius id ſentire uiſus eſt, cum dixit, apud Barbaros denſari in aliam ſubſtantiam acidi ſaporis atq; iucundi, quàm ſit caſeus, butyrum quoq; illos extrahere: uerum & olei ineſſe uim ei contendit. Igitur tres tantum partes erunt cæteris, quatuor uaccino. In primo de facultatibus naturalibus, ac libro de Elementis, id ſolùm erat propoſitum oſtendere lac eſſe compoſitum: ad quod ſufficit declarandum docere duas ſaltem illi ineſſe partes, etiam ſi mille fuiſſent.

cap. 15.

cap. 3.

cap. 96. 101. &

104.

cap. 442.

cap. 99.

cap. 457.

lib. II. c. 41.

CONTRADICTION V.

Sanguis ipſe ex quot partibus conſtet.

HVius igitur occasione dubitauit Truſianus uir acutus, quotnam in ſanguine ipſo partes eſſent. nam ex hoc tres ſolùm etiam ſeroſa adiecta ſuperfluitate, eſſe uidentur: quoniam ex ſanguine lac ipſum gignitur, nulla prorsus amiſſa parte. Rurſus in diſſectione detracti ſanguinis, non plures eſſe uidentur: nam ſeroſa ſuperfluitas, & ſpumofa, & reliqua ſubſtantia in unum concretæ apparent. & huic opinioni ſubſcribere uidetur Auerroës in expoſitione canticæ Micenę. Accedit, quòd etiã in urina hoc fermè conſpicitur: nam ibi ſpuma, & urina, & hypotaſis uocata. Ex ſecundo

2. Artis medi.

com. 44.

in parte cura.

tiua, com. 68.

cap. 9.

secundo uerò de Febrium differentiis etiam uidentur tantum duæ, nam in crassam & subtilem secernitur cum putrescit, partem. Prima etiam
 Aphor. 2. A phorismorum cum enumerasset sanguinem, & bilem, & pituitam, ac
 atram bilem, de serosa aqueaq; superfluitate sermonem habet, tanquam illa
 in uenis contineatur: quare duo tantum in uenis erunt. Secundo, uerò de
 cap. 14. Facultatibus naturalibus, tres tantum partes innuit, quemadmodum &
 Trusianus: accidit enim ut in musto, inquit, quod partes duæ excremen-
 titiæ refecentur, altera subtilis, altera crassa. Palam uerò est, quatuor esse
 secundo de Elementis, quod tribus rationibus ostenditur. Prima, quod in
 medicamento excernente totidem apparent. Sed tunc loquitur, ut aliàs
 lib. 1. traç. 4. diximus, de humoribus in actu, non qui in sanguine continentur. Firmior
 c. 5. est alia ratio, atq; unica, quod membra sunt quatuor modorum, seu qua-
 druplicis nature: sanguinea, ut iecur: Melancholica, ut os & splen: Pituito-
 sa, ut cerebrum: & Biliosa, ut cor. Oportet igitur & sanguinem, ex quo nu-
 tritio fit, totidem habere partes. Sed hæc ratio non omnino tuta est, cum
 possit cor ali etiam sanguine arteriali, & si quid aliud tale est. Verum ui-
 demus & uescicam fellis nutriri bile contenta in ipsa, & sic sufficiet humor
 extra uenas contentus, cum sanguine pro diuersitate membrorum. uescica
 cap. 4. etiam fellis non uidetur similis temperaturæ cum bile. Ratio alia fumeba-
 tur ex libro de Atra bile, cum dixit, quod si erisipelas fit, aut tumor alte-
 rius generis, necesse est humorem in uenis consimilis naturæ contineri:
 quod solum declarat Galenum censuisse potentia talem præfuisse. at
 etiam quod omnino quatuor sint, hoc exquisitè declarat: non tamen
 ostendit quæsitum. Sufficiat igitur Rhetorica persuasio, quod totidem
 sint elementa in mundo actu & in mixto potentia: sic humores actu qua-
 tuor, in toto corpore, & in sanguine in potentia. Sed uidentur potius
 cap. 6. quinq; serosa parte connumerata, ut etiam ibi: nisi esset quod Galenus in
 cap. 6. quinto de Vsu partiū docet, quod corpore bene disposito, nulla est prorsus
 serosa pars in sanguine: in lacte autè et sanguine detracto, latet pars tertia,
 quæ est pituita, cum non alterius sit substantiæ, aut coloris, etià ab exqui-
 sito sanguine. Quatuor igitur, etià præter aqueã, partes in sanguine sunt:
 potentia dum est in uenis, actu cum extra illas. Nam illud adiecisse par-
 fuerit, humorem fieri actu, cum sanguis extra uenas est: at si in uenis actu
 humor extiterit, purgatione indiget, non uenæ sectione: conuenit autem
 uenæ sectio ne alius accedat, & ex ebullitione superaugeatur. Prima igi-
 tur pars est, quæ in supremo spuma, ima melancholiæ, media sanguinis &
 pituitæ. His omnibus in unum concretis in morbosa dispositione, circun-
 funditur aquea cerosa substantia: in lacte uerò biliosa absumitur ad nutri-
 tionem mammarum, quod spongiosa sit caro, ex parte tamen, pars & me-
 lancholiæ. Pinguisimum in butyrum transit, quod tres complectitur
 partes

partes: bilis residuum & purum, & imperfectum sanguinē. Caseus crassiorē sanguinis partem & melancholicam. Qui recocta secernunt, pituitosam auferunt partem. Venetiis qui caput seligunt lactis uocatum spumam, & subtiliorem sanguinis partem colligunt: igneam & aëream substantiam. Quare non de separatione quæ fieri potest, quæ adeo multiplex est, ut numerum uix habeat in lacte, sed de ea quæ fieri solet, Galenus locutus est. Cæterum urina aliam habet rationem, de qua suo loco dicitur. Cum igitur corrumpitur sanguis, quod subtile est sanguinis, tum aqueum cum bile consentit permixtione facta: pituita & portio sanguinis crassior cum melancholia.

CONTRADICTION VI.

Humores potentia ne an actu calidi uel sicci.

RVfa bilis facultate calida est, atque sicca: nigra autem frigida, & sicca: sanguis calidus, & humidus: pituita frigida, & humida: in libello de Morborum causis. Dixerat uerò & antea, quòd de horum humorum potestate sic antiqui senserant. At primo & secundo de Temperamentis, dum quæ talia sunt actu enumerat, humores ipsos adiicit: sunt igitur humores non facultate tantum, sed actu tales. Accedit ratio: nam quomodo esset sanguinis natura calefaciens corpus, deferensq; calorem influentem, si potentia solum esset calidus. Hanc quidem contradictionem mouit Rabi Moyses in suis aphorismis. Sed iam humorem sane quencunque duplici modo talem dici posse palam est, cum bilis humida etiam uocetur. actu enim talis, potentia autem sicca. Vtrum igitur horum habet humor, an actum, an potentiam? Qui in uenis continetur, potentia solum talis est, quia sub sanguinis forma: qui uerò extrà, etià actu. De illis igitur sermo est in libello de Morborum causis, at de his in primo de Temperamentis. Constat igitur omnia quæ ibi recenset membra, ut cor, iecur, lien, uentriculus, ossa, caro, talia esse: non quidem natura, nec sua sponte, sed ob influentem calorem: nam tactu ea docet primò cognoscere: at tactus calorem agnoscit compositum ex influente, & innato. Comparat etiam illa ad cutim, quæ temperata est cum influente calore, non ex se. In tertio etià libro testatur se locutum de temperatura membrorum, quæ illis actu inest: post autem de facultatibus. Quo fit, ut uel Auicenna non aliter de membris loquatur, aut si propriam membrorum naturam exponere se putat, decipitur. Quòd si dicas, Auerroës & Galenus calidam carnem statuere uidentur, quæ tamen sic frigida est, cum sit grauis. Respondeo: Auerroës dixit superesse pelagus difficultatum: hæc autem iuxta aliorum mentem scripsisse. Galenus uerò non dixit, carnem esse calidam,

cap. 6.

cap. 9.
cap. 6.par. 25. aphor.
30.

cap. 1.

prima primi
doc. 3. cap. 2.2. col. 2.
3. de alim. c. 2.

lidam, sed boni alimenti: est autem calida comparatione ciborum qui sumuntur ex partibus animalis, non simpliciter, multo minus ad oleum comparata. Philosophus igitur, secundo de Partibus animalium, dixit, sanguinem esse calidum & humidum, uelut dicimus, hominem album esse album, non tamen ut sanguis est. Ideo illis tribuit duplicem naturam, propriam qua bilis humida est & frigida, & sanguis frigidus & sic-
 in fine. cus: aliam ex influente, qua humores tales actu sunt. Hippocrates quoque in libro de Corde inquit, Sanguis non natura calidus est, sed uelut aqua concordans Philosopho.

CONTRADICTION VII.

Calida temperies testiculorum an fecunda.

cap. 39. & 40. **C**ALIDA temperies testiculorum fecunda est, & masculorum generatrix: idem de calida & sicca, secundo Artis medicæ: sic etiam legebant Aëtius, Paulus, & Auicenna. Sed oppositum habetur à Galeno in quinta Aphorismorum, cum dixit, Hippocratem in textu sequens, Temperata fecunda est, intemperata infecunda: uel etiam si similibus iungantur steriles. Nam quod Hippocrates de uteris dixerat, Galenus uerat etiam de testiculis. Haliabbas in primo Theoricæ, & Trusianus & Iacobus iuxta antiquam uersionem legebant, Fecunda in masculorum generatione: ut Fecundū non absolute intelligeretur. Sed repetitio, & aliorum autoritas refragatur, tum Græca lectio, quæ sic habetur: *ἡ θερμότερα καὶ ξηρότερα, παχυσπεματῶν τε ἐστὶ καὶ γονιμωτάτη.* Calidior autem, ac siccior, crassissimæ seminis, & fecundissima. Dixit Iacobus, fecundam esse, quia sit multi coitus: hoc minimè conuenit, cum non semper uerum sit. Sed etsi sequebatur non decuit sine illationis nota (ob id) adiecisse. Dixerunt alii, comparationē esse ad temperaturas ceteras inæquales: cum frigida & sicca steriles sua natura magis sint: humida, non ex eo fecunda, sed sola calida. At nō par fuit, calidam & humidam cedere fecunditate calidæ ac siccæ. Nec uerum fuit, calidam tantum esse fecundam cæterarum comparatione, si talis fuit calida & sicca, ac multo magis tum etiam calida & humida. Dixere alii, Galenum in Aphorismis docere intemperies testiculorum, si contrariis uteri iungantur, fecundas euadere: ut calidam frigidæ, siccam & frigidam calidæ & humidæ: laudauitq; bis Platonem consulentem in Theæteto, ut obstetrices curent hanc coniunctionem, ob sobolem commode procreandam. Sed hæc non satisfacere uidentur: etsi enim frequentiores sint frigidi & humidi uteri, cæteris omnibus, non ob id calida & sicca temperies testiculorum fecunda dici debet. Indignum enim est hoc grauitate Galeni: tum etiam quia
 falsum

fallum si ad euentum referatur: nam inquit, Quæcunque harum intemperierum si immodica sit, quomodocunque iungatur, sterilis euadit. Dicendum est igitur, fecunditatem ex duobus prouenire: temperie seminis, & crassitie, præcellit temperatum ob qualitates, calidum & siccum ob substantiam in generando. Nec hoc inconuenit: nam temperatus solis & æstus est patientissimus habita naturæ tantum ratione: rustici filius tamen minus patitur ob densam cutim.

CONTRADICTION VIII.

An omnis medicina purgans inueteret.

A Vicenna cum uellet ostendere necessitatem exercitii, inquit ex Hippocratis sententia, quod omnis medicina purgat & inueterat. Oppositum ab eodem dum de elleboro loquitur, Et de proprietatibus eius est, ut permutet temperaturam, & faciat acquirere iuuenilem naturam. Idem Mesue in suo libro de simplicibus purgantibus dum de elleboro loquitur: idem Aëtius: sed & Paulus dixit, Quædam medicamenta dantur reficiendi corporis causa. Sed neque Galenus secunda Aphorismorum uidetur sentire, mendicamentum colliquare, nisi cum prauus humor defuerit. Secundo etiam de Elementis dicit, quod tunc medicamentum colliquat corpus, cum humorum prauorum nihil plus habet quod euacuet ante, igitur non inueterascet. Dicendum, quod omnia medicamenta nocent, dum expurgant, membris principalibus: utq; ea causa odorata eis debent immisceri, ut in libro Quos & quando purgare oporteat, & in secundo Regiminis acutorum. Nocent secundo, educendo aliquid utilis cum inutiles, ut sexta Aphorismorum, ubi declarat, quod cum pure etiam spiritus exeunt. hæc necessaria sunt detrimenta omnis medicamenti. Accidit tertium in sanis, uel superpurgationibus, de quibus Galenus in superioribus locis loquitur: nam nec sanis medicamenta conueniunt, sexto de Tuenda sanitate, si inculcata sint: quamuis piccam antea suasisset, uel ex absinthii coma medicamentum. Verum nihil prohibet expurgata atrabile quæ senectutem refert suis accidentibus: coloris uitio, canis: imbecillitate uirium, tristitia, rugis: insomnietate speciem quandam reparatæ iuuentutis referri.

tertia primi
doc. 2. cap. j.

lib. 2. c.
2. c. 242.
lib. 3. c. 122.
lib. 7. cap. 4.

aphor. 37.

in fine.

in fine.
co. 12.

aphor. 17.

fol. 6.
fol. 4.

CONTRADICTION IX.

An humidum membrorum possit consumptum restaurari.

Ipsæ solidæ corporis partes, quæ uerè solidæ sunt, atq; primæ, nullo modo possunt effici humidiores. At satis est, si quis eas celerius exiccari

prohibeat. Intercepta autem in ipsis spatia hoc uel illo humido complere possibile est: secundo Artis medicæ. Rursus septimo Artis curatiuæ: Triplex cum sit exiccatio, harum una est, cum humidum, quod in omnibus animalis partibus est, consumitur. Proxima, cum adeps & caro ipsa colliquatur, & exiccatur: quæ etsi difficillimæ sint curatione, & non nisi nutrimento restaurari possint, reparationem tamē admittunt. Vltima quæ insanabilis est, & ei quæ in senio fit, in sanis proportionalis, cum solida similiarium partium substantia reddita est siccior. Et in primo de Tuenda sanitate: Corpus nostrum perpetuò exiccatur, atque ob id ad ineuitabilem tendit mortem. Et in libello de Tabæ: Cum triplex sit consumptio humidi, quæ illius est, quo solida animalis membra constituuntur, irreparabilis est. Cæteræ uerò quæ uel pinguedinem, uel humidum in poris contentum consumptum habent, & si ægrè, sanabiles tamen sunt. Plura longè possem adducere: sed cum satis Galeni opinio clara sit, superfluum iudico eis quicquam adicere: tum præcipuè, cum Arabes nulla in parte cum eo discrepent. Accedit ratio: nam si siccum uerè membrum posset reparari, ac ad humidius deduci temperamentum, posset in ætatibus dari retrocessus. In oppositum Philosophus in primo de generatione & corruptione hæc habet: *Ἐπειδὴ ὅτι σὰρξ καὶ ὀστέον, καὶ ἕκαστον τῶν τοιούτων μορίων ἐστὶ διήγηον, ὥσπερ καὶ τῶν ἄλλων τῶν ἐν ὕλῃ εἰδῶν ἔχοντων. καὶ γὰρ ἡ ὕλη λέγεται καὶ τὸ εἶδ' ὅτι σὰρξ ἢ ὀστέον. τὸ οὖν ὅτιον μέγ' αὐξάνειν, καὶ προσποιεῖται πνὸς, καὶ τὰ μὲν τὸ εἶδ' ἐστὶν ἐνδεχόμενον, κατὰ δὲ τὴν ὕλην οὐκ ἐστὶ. δεῖ γὰρ νοῆσαι ὥσπερ ἐν τῇ μετρώσῃ αὐτῶν μετρώ ὕδωρ. αἰεὶ γὰρ ἄλλο καὶ ἄλλο γινόμενον. οὕτω καὶ αὐξάνεται ἡ ὕλη τῆς σαρκὸς, καὶ οὐχ ὅτι οὖν παντὶ προσγίνεται, ἀλλὰ τὸ μὲν ὑπερβαίνει, τὸ δὲ προσέρχεται.* Quod est: Postquam igitur caro, & os, & unaquæque harum partium duplici modo est, quemadmodum & aliarum formarum in materia habentium: etenim materia ac forma dicitur tam caro, quam etiam os: erit ut unaquæque pars augeatur, contingatq; secundum formam aliquid ei adiungi: at uerò secundum materiam impossibile est: oportet enim intelligere esse hoc quemadmodum si quis eadem mensura aquam metiatur: semper enim aliud atque aliud fit: Sic & materia carnis augeatur, & non singulis partibus quicquam adiciatur, sed hoc quidem dilabitur, hoc autem accedit. Si igitur aliquid semper accedit, & diffluit ex materia, manente forma, manifestum est, quod siccum iam erat, humido accedente posse fieri humidius. Galenus etiam naturales intemperies ad æqualitatem traducere docturum se pollicetur, in primo de Regimine sanitatis. manifestum est autem, quod de intemperie solidorum loquitur, cum eam à principio generationis ortā præsupponat. Accedit quod quinto de Tuenda sanitate, puerū tredecim annos natū gracilibus cruribus, ad medioc

cap. 53.
cap. 6. in initio.

cap. 22.

cap. 6.

t. c. 35.

cap. 7.
fol. 2.

mediocrem statum reduxit: maius hoc est, quàm quòd nates fame excisas reparauerit alteri, quoniam hæ partes carne & musculis tantum constant. Et in secundo de Tuenda sanitate, cum enumeraret exercitationis commodam, inquit: Exercitium nutritionem magis felicem reddit, & partes corporis perfundit: unde fit, ut solida molliora reddantur: quod & in primo libro adduximus. Exercitium etiam calorem auget naturalem: hic autem unus substantia est cum humido radicali, contingit igitur & huc augeri. Nam de calore clarè dixit Galenus hoc in prima Aphorismorum: & quòd unus sit, in octauo de Dogmate Platonis & Hippocratis, cum humido. si etiã restaurantur perpetuò solida, & augentur, non uideo cur etiã humectari non possint. quo argumento alias etiam usi sumus. Maximè uerò omnibus est, quòd solidæ partes in pueris aliquando præcisæ restituntur, quantò magis si tota materia generari potest, etiã humor qui in ea cõsumptus est poterit restaurari. Inquit enim Galenus, Venas excisas aliquando de nouo genitas uidimus: aliquando ut restauraremus omnia tantum, non successit. Et rursus alibi: Ossa fracta non uerè restaurantur, nec in adolèscètib, nec iuuenibus, multò minus in senibus: at si fuerint abundè mollia, qualia in puerulis, restaurantur, ac consolidantur. Propterea dicebat Princeps, Os non uerè cõsolidatur, nisi in infantibus, & puerulis. De uena autem quidam dixerunt, quòd consolidatur, arteria non. Sed Galenus ratione & experimento cognouit, quòd arteria ipsa restauratur. Est autem Galeni autoritas quinto Artis curatiuæ his uerbis fermè descripta: Vidimus enim in mulieribus & pueris arterias tum conglutinatas, tum undiq; carne circumdatas, in fronte, malleolo & carpo. Simile quiddam iuueni cuidam agresti contigit, dum sub ueris tempore uenam secandam curaret, diuisa arteria pro uena rursus coaluit. Ratio autem Galeni quam ibi subiungit hæc: Cum arteria uenaq; mediũ quoddam, in siccitate, inter ossa & carnem obtineant: caro autem in omnibus, etiam senibus, restauratur: os minimè, nisi in admodum puerulis: consentaneum est in humidioribus pleriq; corporibus, qualia sunt puerorum ac mulierum, eas consolidari uerè, & absq; aneurismate coalescere. Hanc rationẽ et si probabilem dicat Auicenna, nihilo secius tamen standum experimento esse discernit. Est autem sciendum, quòd ut ibi Galenus tum Paulus in sexto libro inquit, Discissa arteria, nisi consolidetur, carne & callo solum abducitur: quare partes ut ab initio diuisæ manent. Quod etiam manifestius in ossibus fractis contingit, quæ tophum contraxerint. Satis iam, superq; de regeneratione solidorum locutus sum: uerum ubi regeneratio, ibi etiam humidius reddi potest quod siccum. Si igitur in omnibus membris materia uicissim recurrat, non uideo quonam pacto homo redire ad iuuentutem non possit, ac ut ait Poëta,

14. Artis curatiuæ cap. 16. fol. 1.

tract. 1. con. 11.

co. 15. in prin.

lib. 1. tract. 1. con. 1. o.

14. Artis cur. cap. 17.

6. artis curat. c. 5. in princ.

quarta quarti tract. 1. cap. 1.

cap. 7.

cap. 38.

Stringite, ait, gladios, ueteremq; haurite cruorem:
 Ut repleam uacuas iuuenili sanguine uenas. Tum alibi,
 Pene puer, dubiaq; tegens lanugine malas,
 Ora reformatus primos lolaus in annos.

1. de Natura-
libus fac. c. 5.

1. de Gener. &
cor. 1. com. 33.

Ergo quid Galenus aduersus hæc dicturus sit uideamus. Cum enim tria sint principalia nutrientis uirtutis opera, generari, nutriri, & augeri: generatio constat permutatione ac formatione. Augmen est corporeæ partis augmentum in longum latum atq; profundum. uerum nutritio est appositio absq; augmenti ratione. sic enim ille horum unumquodq; diffinit. Sed subtilius distinguendo ad ueram nutritionem necessarium est secundum Philosophum, ut quod nutritur idem maneat numero. Quo fit, ut generatio quanquam eadem in materia fiat, nutritio non sit. Secundum, ut quælibet pars eius quod nutritur, nutriatur. quod ab accumulatione differt. Tertium, ut fiat hoc per aliquid exterius adueniens, quo differt à permutatione quacunq;: ut cum densatur, aut rarum fit: nam in omnibus his nihil accedit exterius. Ab augmento uerò differt, quoniam in pura nutritione, nihil nouum accedit. His uisus, materiam fluere ac refluere sub sensu, quo communiter intelligi solet, impossibile esse existimo.

Marilius Inguen igitur imaginatur in suis Quaestionibus, quod pars solida quæ prius præest materialis uocetur: quæ autem in concauitatibus accedit, pars secundum formam. Solida igitur est primum augmenti subiectum: quæ uerò additur in concauitate est primum subiectum aucti: nam illa primò recipit formam: quæ autem prius erat, materiam per quam nutritur. Verum in concauo nutritio fit replendo, in solido per iuxta appositionem. Eadem igitur materia utroq; munere fungitur. Ergo apud Aristotelem nutritio ipsa, fluxum ac refluxum non in sola materia, sed etiam in ipsa forma parit, iuxta huius sententiam. Quare homo idem manet numero: non secus ac flumen, & populus, cum omnia in illo permutentur.

Hæc opinio peccat in tribus manifestè. Primum, quod imponit Philosopho, quod senserit, non solum materiam, sed etiam formam diffluere: quod falsum est. Secundum est, quod partes solidæ non intus nutrentur, imò perpetuò exiccarentur, ac si non ullum auxilium à cibo ac nutrimento reciperent. Tertium, quod homo non aliter quam populus & flumen posset esse perennis: nam si ad elementorum respicias contrarietatem & uiolentiam, qua extra proprium locum sunt, non est ratio ulla: quia manere potest permutatis partibus, ut etiam elementum totum unum manet. Quare causa adducta ab Auerroë nulla erit: imò ab Aristotele, quod animalia corrumpantur, quia ex elementis constituantur,

quæ

quæ in proprio loco non sint. Sed neq; ob humidi naturalis consumptionem nouo semper succedente: quemadmodum etiam in primo tractatu alterius libri iam declarauimus. Sed neq; materiæ primæ appetitus obest: ille enim expletur permutando formam perpetua successione. Sed nec quia repatiatur, hoc enim falsum esse in libro de Animi immortalitate ostendimus: neq; etiam ob circuitus cœlestes, de quibus Philosophus agit in quarto de Generatione animalium. Relinquitur etiam, ut non sit idem uerè animans quod prius fuerat. Et quanquàm hoc nos concesserimus in libro de Animi immortalitate, magis tamen ut difficile, quàm ut uerum admisimus. Imò quod solum hic refugii erat Marsilius ipse sustulit. Auerores autem & Alexander in primo de Generatione, aliter senserunt: siquidem unum esse ab initio generationis quod sit usq; in finem, manente eo quod ab illa primò contractum est. Eo igitur in deterius perpetuo labente certæ corruptioni animal subiicitur. Additi tamen comparatione unum est situ & figura tantum. Subiectum igitur augmenti ipsius est prima pars illa à generatione contracta. Totum uerò simul quasi uni æquipollet, non tamen exquisitè unum est. Concaua uerò replentur, & fit appositio solidis iuxta primæ opinionis sententiam. Ergo qui sic dicunt, ex nutritione accumulationem faciunt: non enim quælibet pars nutriti nutritur, sed sola quæ ab initio præfuit. Si etiam totum manet quod ab initio erat, ut fatentur, non senescit animal: si autem pars melior aufertur, nec alia loco eius substituitur celeriter finietur. Videmus etiam non partem ossium in senibus siccam, sed uniuersum os: quare reliquum non magis diffluit, quàm quod ab initio contractum est. Mirum etiam esset tantam materiam totam dilabi, tam modicam consistere: quanquàm difficillimum sit id imaginari etiam in piscibus, cum ex tam modico ouo tanta moles constet: tum præcipuè quòd uniuersa adeò exiguo humido sustentetur. In plantis etiam, ut salice, quæ ex auulsa ramo proueniunt; humidum quod acquiritur cum priore unius rationis esse uidetur: nam primum ex femine non est. Huc accedit, quòd ad maiorem raritatem oua piscium deuenirent, quàm cum ex terra ignis fiet.

Ioannes autem Grammaticus, & Albertus, ac D. Thomas dixerunt, quòd forma ipsa, quæ est anima, contrahit se, ac extendit, nec de nouo quicquam generat, sed forma illi quod accedit, de nouo fit. Atq; ea de causa non fit refluxus secundum formam, sed secundum materiam. Ipsa uerò anima, ut in libro de Animi immortalitate diximus, indiuisibilis est, non ut punctus, sed quia quantitatem nullam, in qua sit, certò sibi determinat. Subiectum autem augmenti primum anima est in hac materia. Augetur autem secundum materiam uerè, secundum formam autem non adeò uerè, sed quia illa sic magis extenditur.

Ista

contradic. 10.

cap. 10.

co. 38.

cap. 1. ante
medium.

Ista opinio primo præsupponit unum falsum, quòd animaeducta de potentia materiæ non sit diuisibilis diuisione subiecti. nam hoc ex Platonis solus Marfilius Ficinus, & ex Peripateticis solus Vgo tenuere. Inquit enim Auerroës in libro de Substantia orbis, Omnis formaeducta de potentia materiæ, diuisibilis est diuisione subiecti, ut existimat etiam Aristoteles. Peccat etiam, quia modum quo misceantur partes in nutritione non docet: neq; ostendit quonam pacto omne animal ab initio excicetur usq; in finem, iuxta experientiam, Galeniq; sententiam. Burleus uerò & Paulus Venetus, cum præcedenti fermè concordant, nisi quòd animas ex potentia materiæeductas fatentur diuidi subiecti diuisione, atq; sic omnes, præter intellectuam. Subiectum igitur quod nutritur est anima, & hoc manet idem ab initio usq; in finem, ideo quia anima eadem manet: atq; sic quælibet pars nutriti nutritur. est uerò nutritio secundum formam, quia anima quæ forma est, nutritur. est etiam hoc ab exteriori nutrimento, quamuis non secundum materiam, nam illa perpetuò fluit, ac refluit.

1. de Historia
plant. c. 1.

Ista opinio adhuc est cæteris difficilior: nam cum anima de se non senescat, ut ostensum est in libro de Immortalitate animi, iuxta Philosophi sententiam, nec iuxta materiæ superuenientis rationem, quia tota fluit, & refluit, sequitur ut homo nunquam ad senectutem perueniat, imò in prima adolescentia consistat. Item facta tota materiæ permutatione anima sensim de una materia in aliam, de utroq; subiecto in aliud transibit. Laurus præterea, quæ ex radice auulsione iuxta Theophrasti sententiam, & uitis, quæ surculi, quemadmodum salix, pluresq; aliarum arborum propagatur, poterunt animam illam unam habere perpetuam: nam quæ excipitur ramo uel radice una est cum ea quæ remanet, iuxta horum sententiam, igitur cum etiam illa succedenti, parebit eandem animam perpetuò mansuram. Respondebat Marfilius Ficinus, unam quæ prius fuit dum auellitur, plures fieri calore solis. Sed ille, ut ostensum est, posuit indiuisibilem. Hæc ratio illos fatigat, qui semen, actu animam habere existentem non putant, de quo intrà dicendum erit. Nunc ad rem ipsam reuertor: Non potest fingi uerè, ut etiam Pomponatius dicebat, quo in genere nutritio mutationis sit, uel augmen: nam cum compositum ex materia & forma non uerè augeatur, nec nutriatur, non erit ex genere alicuius motus: non ad quale, quantum uè, nec ad ubi. Iuxta quod scire operæ pretium est, Augumentum non esse uerè extendi: nam cum extendi iuxta Auerrois sententiam ad qualitatem sit, si augmen esset extendi, esset & ipsa ad qualitatem: nullus igitur motus in quantitate, quare non essent tres motus proprii uno deficiente: est enim augmē motus quidam, quia ex contrario in contrarium: cuius terminus est quantitas, &

habet

7. phy. 15.

habet subiectum in actu ut tale est. At nutritio est ad substantiā, quare non à contrario in contrarium mutatio est, nec habet subiectum in actu. His tribus deficientibus nutritio motus nō est: augmen autē ipsum est.

Pomponatii uerò sentētia hæc est: Cū aliquid nutritur aut augetur, quod superuenit iam existēti ex toto miscetur: cū uerò possit uel prioris substantiæ quantitas, uel nutrimenti, uel utriusq; aut neutrius seruari, extremum ille amplectitur membrum: nam nutrimentum ipsum ab ea forma quæ nutritionis est causa, plenè spoliatur quantitate, qualitate ac forma quæ prius substantia erat. At quod nutritur solam quantitatem ac qualitatem omittit, retenta substantia, in quam etiam nutrimentū ipsum permutat: uelut cū aqua uino immiscetur, uini quidem substantia sola manet. nam aquæ nihil cernitur, seu quod ad substantiā seu ad quantitatem uel qualitatem pertineat: nec uinum sub eadē permanet qualitate aut quantitate. Non me latet hæc omnia dilucidius ad augmentū quàm ad nutritionem pertinere, cū tamē ego in utrisq; loquar. Quisq; ad id, quod sibi cōmodius pro exemplo uidebitur, sermonē contorqueat: nam dictū iam prius est, qualisnam sit augmenti ac nutritionis differentia. Nunc ad propositum reuertor: ubi quod restauratur deperdito maius est, augeri dicitur: ubi minus, minui: ubi æquale, tantum nutriri. Videntur autē senes manifestè diminui: infantes, & pueri, augeri: cōsistere ac solū nutriri iuuenes. Omnis præterea anima iuxta eum diuisibilis est ad subiecti corporis diuisionem: indiuisibilis autem, quia nullam sibi determinat quantitatem: quare anima hoc modo minus est indiuisibilis quàm intellectus: nam intellectus nec diuidi potest diuisione subiecti, nec ullam sibi quantitatem certā destināt: cæteræ formæ certā sibi quantitatem destināt, & diuiduntur subiecti diuisione. Anima uerò diuiditur, sed quantitatem non sibi certam decernit. Hoc autem idē est, quia anima exquisitè medium est quoddam inter ea quæ à materia sunt separata, & ea quæ cum illa iunguntur: & quod talis existens ob id hoc priuilegio fungitur, ut nouam materiam perpetuo sibi subicere possit. Addit etiam, quod cum in uiuente sint ubique pori, quod in eis est in nutrimentum transit, atque sic ipsum alitur. Et quod in unoquoque puncto mixti sunt formæ quatuor elementorum, non autem materiæ. Hoc autem conforme est proculdubio naturæ sententiæ: nam nos tenemus, formam mixti esse elementum prædominans. Hoc autem ibi actu est, sed non perfectum, uerū refractum. Sic igitur cuiuslibet parti inest forma nutrimenti, ac eius quod nutritur, non tamen materia. Immiscetur autem quantumcunque minimum nutrimentum toti quod nutritur duobus sanè modis: altero quidem secundum substantiam, subtilitate sua: altero uerò secundum uirtutem & qualitatem: ut cū in medicamento mixto modicum scam-

Contradi-
prima primi
tract. lib. 2.

monii toti vires secundum unamquamque partem præbet: sic in marmo-
re ignis non substantia sed potentia est, & uirtute. Est autem causa huius
tam subtilis mixtionis anima, cum præcedentibus immutationibus. ue-
rùm iuxta diuersos terminos diuersa nomina fortitur hæc mutatio: alia
enim generatio, gratia exempli, alia nutritio, alia augmentum, alia
diminutio. Dispositiones autem introducuntur ab antecedentibus, quæ
ut superuenerint, priores corrumpunt. Quod autem aliquid seipsum
corrumpat nullum est inconueniens, cum per accidens hoc fiat: uelut
cum formæ elementorum se uicissim destruunt in compositi ipsius ge-
neratione. Dubitat autem, quid formam mixti in mixto generet, cum
elementorum generantium forma corrupta sit: quæ difficilis non apud
nos quemadmodum apud illum quæstio est: nam forma inanimati est
elementi forma dominantis quæ à generante inducitur elemento uin-
cente, in eo quod prius erat: sed in animatis forma est anima, & hæc in
potentia: generatur autem & ad actum perducitur uirtute solis, & sy-
derum concursu. Sed ignis augmentum non ad nutritionem ueram per-
tinet, quoniam non alia tantum materia, sed etiam forma numero adiun-
gitur. Non est igitur ignis nutritio, sed generatio, quæ ignis crescit & au-
getur. Augmenti enim species tres sunt, iuxta Auerroën: Vna cum ni-
hil additur, & tamen crescit, ut in raritate: solæ enim dimensiones, non
rei substantia augetur. In accumulatione autem fit additio alterius, sed
tamen utroque termino in sua manente natura: uerùm in nutritione
alterum, ut primo dictum est, alteri accedit, & permutatur unum in
aliud, manetque quod prius erat secundum formam.

primo cæli
c. 22. in prin-
cipio.

Præter hæc conatur assignare causam, cur homo nō semper crescat: di-
citque, id esse ob debilitatē caloris naturalis: quia omne agēs agendo repa-
ritur: cum igitur consistit homo, iam calor nō sufficit augere, sed tantum
nutrire solida membra: carnem autem augere potest, cum sit facilioris
generationis. Ob id cum homo in longum crescere desinit, iuxta illius
opinionem etiam in latum amplius non crescit: idem igitur finis cre-
menti solidorum iuxta omnes dimensiones.

His peractis multa aduersus alios, tum etiam aduersus se adducit: nam
cum aliorum opiniones damnauerit, quæcunque aduersus se faciunt, aut
diluuit, aut in alios contorquet. Quale illud contra Caietanum: Si au-
gmen uel nutritio motus est, in omni motu est dare primum quod
mouetur: illud igitur est uel nutrimentum, aut quod nutritur, aut com-
positum ex utroque: Si primum, res inanimata augebitur: nutrimen-
tum enim est inanimatum. Idem sequitur, si dicas compositum ex utro-
que nutriri. Si autem quod præfuit solum nutritur, aut augetur, aut au-
gmen

gmen erit per appositionem, non proprium neque intus: uel augebitur nullam acquires quantitatem. quia quod prius erat, non maius fit: nec ex se, cum ipsum non augeatur: nec ex alio, cum illud adueniens non immisceatur, sed solum iuxta apponatur. Nec possumus dicere quod pars de nouo adiecta sit subiectum augmenti, nam talis antea non prae- fuit: & etiam quia secundum illos quantitatem, quam ab aeterno ha- buit, adhuc retinet. Quia uero dubitatio occurrebat non leuis: nam si augmen erat per singula minima, igitur cum non possit dari minus mi- nimo, quodlibet minimum minimo augetur, igitur augmen omne fit ad duplum. Eadem ratione diminutio erit ad dimidium uel ex toto, si quodlibet minimum minui debet. Respondet igitur, quod augmen & diminutio fiunt secundum poros. pori autem longe pauciores sunt mi- nimis. Ex quo colligitur, augmentum & diminutionem fieri non se- cundum minima, sed iuxta partes ipsas sensui manifestas. Quia uero du- rum uidebatur quod accidens non migraret de subiecto in subiectum, anima autem posset, causas tres huius differentiae assignat. Primam, quod cum accidens a subiecto pendeat, sic ab anima subiectum: ut igi- tur manente subiecto accidentia permutantur, sic manente anima sub- iectum potest uariari. Alia, quoniam materiam nouam ueteri immiscet anima. Tertia, quia eandem prius prae- parat: horum neutrum accidens facere potest in suum subiectum, atque ob id neque immigrare: nam spe- cies in aqua fluminis super ripam arboris existentis, aut arenae in fun- do, etsi una esse uideatur quoniam inuariabilis apparet, & mutatio mo- mentanea, non tamen una est, sed ex innumeris sibi inuicem succedenti- bus constat.

Accedit alia dubitatio: Quonam pacto anima salicis non possit dici non perpetua cum maneat? Expositis autem quinq; generationis mo- dis: à putredine, ut uermium: à simili per se, ut ab igne ignis: ab æqui- uoca causa, ut ignis ab ictu, uel solis radiis in speculo cauo, uel sphæru- la uitrea: ex semine, ut animalia pleraque, & plantarum plurimae: ex partis decisione, ut laurus & salix. Primo modo genita non sunt per- petua, sed in magna temporis parte, ut Auerroës inquit, aut in suis cau- sis ueluti sole. Concludit tandem, quod anima salicis perpetua est, non ut in hac radice, uel hoc stolone, sed ut ex hoc in aliud transmigrare po- test. Intellectum uero in materia esse ac magnitudine, non tamen ut in- telligit: nam & ratio ipsa cum in materia sit, & instrumenta corporis utatur, substantiam tamen à magnitudine seiungit. Sic igitur quod de cæteris animalibus dictum est, de intellectu affirmat. Verum si sic concedatur ut anima per nutritionem transmigret, id etiam conse-
3.phy.46.

quetur, ut ex diuersis materiis eadem forma educi possit: quod si fieri posset in generatione, idem numero reuerteretur. At non accidit hoc unquam: quod uerò nunquam euenit, necessitatis causam proculdubio habet. Illud uero in hominibus maiorem habet dubitationem propter animi immortalitatem: sed nihil prohibet eundem esse quodammodo hominem, & quodammodo alium: cum uideamus nos plus nobiscum nunc conuenire, quàm cum nobis pueris existentibus. Ergo qui succedit partim idem est, partim etiam alius. Immortalem autem habentibus animam nunquam eadem forma ex diuersis materiis partibus educetur. De radicali autem uocato seu uerius innato humore eundem illum non esse ab initio usque in finem putat, contra Alexandri, Ioannis grammatici, Auerrois, Alberti, cæterorumque sententiam. Cum uerò in oppositum adduceretur, quòd humidum esset animæ subiectum, qua manente per totam uitam, illud etiam manere oporteret: quodque si permutetur homo nunquam deficiet, semperque augetur: tum uerò quòd id Philosophus per exemplum aquæ & uini in primo de Generatione & corruptione declarauerit. Respondet, Humidum esse ad animæ generationem necessarium, non autem ad conseruationem: multa enim talia sunt, ut pater & mater: nam sine illis filius generari nequit, uiuere tamen potest. Causam tamen cessationis augumenti & uitæ, ut diximus, in mutuam actionem refert. Verùm exemplum Philosophi non undequaue uerum est, sed in multis accommodatum nutritioni. His ultimò adiecit, quod uerum est, & ex fati pendet ratione, uniuscuiusque geniti causas certas ac statas, numeroque ac cæteris conditionibus inuariabiles esse. His declaratis, quid mihi aliud sanè occurrat quod dicam, quàm illud Epigrammatici,

t.c.39. & 42.

Sunt bona, sunt mala quædam, sunt mediocria plura.

Vir hic clarissimus fuit, sed tamen multa aliquando dixit, quæ aliis sunt obscuriora, quæque indigerent eo patrono: nec mihi mens est ut singula discutiam, esset enim longum negotium, & prorsus odiosum, ac inutile: sed sufficiat ostendisse, longe maiores hanc, quàm iam dictas opiniones, difficultates sequi. Ergo ad id primo de Anima quod dicit eam diuidi posse, de sensitua hoc falsum est. nam tota constat in corde: esset etiam mirum, quòd nullius animalis quantumcunque uilis partes seorsum diuisæ uiuerent, si anima toti ita inesset sensitua ut diuidi posset. Illud etiam durum, quòd forma ex potentia materiæ huiuseducta sensim in aliam immigret: hoc enim uidetur perabsurdum. Horum nullum sequitur si in corde ponatur, modoque indiuisibili.

Quod uerò de poris dixit, est planè repugnans dictis: nam uel inter porum

rum, & porū est aliquid solidi, uel non: si non, constabit corpus ex indiuisibilibus, quod repugnat Philosopho: si autem est mediū aliquid solidi, non nutrietur mediū illud, nisi per iuxta appositū. Quare difficultas ut prius manet. Constat autem oportere totum nutriri: nam calor qui consumit ubiq; est, quare & nutritio totius secundum omnes partes erit: fragile etiam nimis erit quod ubiq; porosum est, concidentq; partes in seipsis.

In finis crementi ratione dupliciter peccat: Primò, quòd idem sit finis crementi in longum, latum, atq; profundum: sed hoc non tam facile potest damnari, quàm coargui, cū Galenum habere fautorem uideatur. Verū reliquum, quòd hoc accadat, quoniam agens agendo repatitur, nullo modo uerum esse uidetur, nec medicis consentaneum. Si enim hoc uerum esset, necessariò calor pueri maior esset, quàm iuuenis, aut intensus magis: at de magnitudine partes sunt, iuxta Galeni sententiam: de acuitate uerò etiam puerilis calor iuuenili cedit, ut ille censet. At uerò si ob id deterior semper calor noster efficiatur, quòd repatiatur, ex igne prorsus nunquam ignis generabitur, aut non æquè calidus: nam resistet quod in igne transibit agenti igni, refrigerabitq; illum: generabitur igitur ignis similis perfrigerato, atq; ex hoc alius denuò frigidior: quam obrem in continua adeò, ac momentanea ignis generatione, fiet tandem, ut non amplius ignis ab igne, etiam in sulphure, progignatur. At experimentum docet, ultimum ignem æqualem ac similem prorsus esse primò, etiam si infinitæ ferme, ut ita dicam, generationes intercesserint. Quòd si dicas, à circumstante calore, atq; igne ignem genitum reduci: nihil est, cū pariter & ille agendo patiatur. Sequitur etiam ut idem in calore animalis eueniat: quo fit, ut patiens in agens semper natura sui agat, non autem semper imprimat. Hic autem est sensus uerborum Philosophi, cū dixit, quòd omne agens dum agit aliquid à patiente patitur, si quidem innatum pati sit. nam si uel in extremo sit, ut ignis, aut si calor ille à cœlesti foueatur, qualis est qui in animalibus, proculdubio, nihil omnino patietur: aliter necesse esset etiam extrema ignis, quæ ad orbem lunæ sita sunt, refrigerata esse, ob leuissimam quandam rationem. At Philosophus censet rationem solum ueram esse, atq; concludere, eiq; soli credendum, quæ cum experimento consentit. Dicamus igitur aliud esse per quod repatitur, ut nutrimentum, nam de hoc omnes & bene sentire uidentur: quòd immixtum deterius reddat quod prius erat, ut aqua uinum. Hoc enim in uno Philosophus & Galenus consentiunt, mediciq; pariter cæteri. At in primo, nullus uidetur hoc sentire: declaratum est enim à nobis etiam in libro de Animi immortalitate, quòd iuxta Platonis atq; Aristotelis sententiam, anima ipsa ut per se est, nihil prorsus pati nata sit. Argumentum uerò quod aduersus Caietanum adducitur, sophisticum est: nam cū duo

3. cœli, l. c. 39.

2. de tempera.
c. 2. in fine.4. de Genera.
animal. c. 3.3. de Generat.
animal. c. 10.
in fine.

sint termini motus cuiuscunq; A quo, & Ad quem : quod præfuit, auge-
turt anquam à quo, per additionem, ut docebimus : totum uerò cum ad-
dito, ut terminus ad quem.

De poris autem falsa sunt omnia : non enim nutritio ipsa per poros
ullo modo fit, esset enim accumulatio : pori tamen sunt medium ut com-
modius illa fiat : quamobrem error ille non levis est : neq; enim minima
oportet ponere nisi dum separantur. In mixtione uerò aliter dicendum
proculdubio est : quorsum enim minima ponere expedit, cum iam docuif-
set, & bene, in qualibet minima parte ac puncto, ut ita dicam, omnes for-
mas elementorum consistere.

De specie arboris quæ in flumine, utraq; opinio potest defendi : quòd
enim accideñs spiritu ac lumine, uel luce, consistens immigret de subiecto
in subiectum, nihil absonum : in aliis uerò quæ à materia & calido ac fri-
gido procedunt, alia ratio est. Vtraq; igitur uia defendi potest : nam pror-
sus ad opinionem suam sequitur quasi continuum ex indiuisibilibus
componi. Lumen etiam solis in orbe lunæ semper uariabitur citra ulla
necessitatem. sed hæc ad librum de Subtilitate & de Arcanis pertinent
æternitatis. Illud uerò meo iudicio absurdissimum est, concedere ani-
mam salicis æternam esse posse : quærebat enim Philosophus in libello de
cap. 1. Longitudine & breuitate uite, an corruptibile posset aliqua ex causa per-
petuum euadere : nam de igne qui in sua Sphæra est, dubitat : de uiuenti-
bus autem nullo modo dubitandum censet. Quamobrem satis aptè uide-
tur hic mihi sensisse Pomponatius de immortalitate : qui eam ab intelle-
ctu, & anima hominum sustulit : animis uerò salicis ac populi donauit. At
uerò, ut diximus, illud nos non urget, an eadem anima ex diuersis mate-
riis educi possit, quod illum non absq; ratione fatigare debet : nam si edu-
citur ex nouo nutrimento, non prius fuit : si autem prius erat, impossibile
est ut educatur ex illo : quare non leuiter sibi, nec obscure, contradicit. Nos
autem animam in quadam inuariabili parte ponentes, his non labora-
mus difficultatibus : tum maximè in sensitiua, nam de nutrice alia ratio
est. Quòd uerò humor innatus alius sit, quando hic non est disputatio de
nominibus, sed de rebus ipsis, ne repetere idem cogar, suo loco, quid sit rei
cap. 4. ipsius ueritas, edocebo. Galenus igitur secundo de Naturalibus facultati-
bus hæc habet : Iam quæ nutriuntur omnia & quæ miscentur, quòd per se
tota nutriantur ac misceantur : quodq; ea quæ immutantur, pariter tota
immutentur, Aristotelica hæc Hippocraticaq; sunt dogmata. Nec minus
illa, quòd concoctio quædam est mutatio eius quod mittit in propriam eius
quod nutritur, qualitatem. Sanguinis quoq; generationem permutatio-
nem esse. His accedit, quòd nutritio & augmentum ex eo fiunt, quòd
corpus in omnem partem extenditur atq; nutritur : permutatio uerò omnis
talis

talís non solum in his, sed etiam in excrementis ab innato calore fit. Accedit his Galeni dictis ratio nimis efficax: nam si calor, qui consumit, ubique dispersus est in solidis, oportet totum ipsum etiam non tantum per cavitates, sed in solidis ipsis partibus nutriri. At uero in primo libro hæc habet: Porro omnia quæ aliter quàm à natura extenduntur, in omnem partem extendi nequeunt quin diuellantur: solius igitur nature opus est, in omnes partes extendi citra diuisionem: estq; hoc nutrimenti ope, quod augmentum uocatur. Nutricatio uero fit, cum omni parti eius quod nutritur, aliquid accedit: causa eius est facultas. Verum permutatio quæ in hac fit actione, non eadem ei, quæ in generatione: ibi enim quod os non erat, os iam fit: in nutritione ei quod iam factum est, quod de nouo addicitur, simile fit. Quod igitur nutritio assimilatio fit, iam palàm est. Precedit autem assimilationem agglutinatio, agglutinatione adhæfio: antequàm autem adhæreat, spargitur humor ex ore uenarum qui nutrimenti causa esse debet. Et rursus in secundo de Temperamentis, dum de senibus agit, Corpus illud intus siccum est, quod nutrimentum trahere ob caloris imbecillitatem ad se non ualet: remanet igitur illud in concavis membrorum, speciemq; humidi refert: cum tamen eò sit siccus, quò minus superfluum, quod ibi retinetur, in membrorum substantiam transire non potuit. Est autem nutrimentum triplex: quod assimilatur & hoc uerè nutrimentum: & quod apponitur & non adhæret, uel etiam quod adhæret & non assimilatur, & hoc est ueluti nutrimentum: & quod in uenis continetur, hocq; uocatur futurum nutrimentum. hoc igitur primæ particulæ dum auctrix facultas dominatur in nobis extenduntur. Sunt autem primæ partes hæ, ossa, ligamenta, cartilagine, membranæ, tunicæ, nerui, arteriæ, uenæ, quæ nutrice facultate & concoctrice auxiliantibus in omne partem crescunt. Quo fit, ut uideatur Galenus sensisse, clementum in omnem partem simul fieri, licet non æqualiter: hoc enim sensus ostendit.

Demum scire expedit hæc opera illum non animæ, sed nature tribuere: nam in primo de Facultatibus naturalibus inquit: Stirpes à sola natura, animalia à natura, & anima simul reguntur. Augeri uero ac nutriri, non animæ, sed naturæ ipsius opera sunt. At uero quomodo homo ad senium perueniat nullibi melius declarauit, quàm in primo de Tuenda sanitate: inquit enim, Corpus nostrum ab initio semine constat & sanguine: semen ignea & aërea rursus substantia, sanguis terrea & aquea. Ab his igitur elementis, quæ siccitatem in se obtinent, primum efformatur corpus ac solidum efficitur. Demum temporis successu etiam siccatur atq; senescit. Atq; hæc una est causa qua animal omnino fertur ad mortem. Alia est substantiæ ipsius fluor, qui etiam à calore fit: hanc restitunt cibi potus ac respiratio. Ex hoc etiam constat, Galenum sensisse, nutrimentum

cap. 7.

cap. 8.

cap. 11. & 12.
eiusdem.
cap. 13. in fine.

cap. 2.

ibid. post mediu,
& 1. de facu. naturali.
c. 11.1. de facu. nat.
c. 7.

cap. 1.

cap. 2.

tum non humido innato adiungi, sed quasi retardare, ne humidum illud consumatur: restituere tamen quod diffatur in dies.

Hæc igitur est Galeni sententia, quam utinam dignatus esset, quando in facilioribus prolixus est ad tædium, illic uel saltem declarare. Nanq; ego non sat percipere queo, quomodo membra à duplici calore exiccantur, nisi elementare intelligat. At reliqua non arefcunt elementis propriis quæ sunt inanimata. Si uerò calor naturalis hæc ambo facit, adhuc difficile est intelligere, quomodo siccum expellat, & tamen ficius in dies euadat. Itaq; duplex hæc operatio seu ab uno, seu à duobus agentibus proueniat, ad claritatem nihil addit, ad confusionem multum. Verùm mihi id uidetur illi occurriffe primùm, quòd nutrimenti necessitas adest, & tamen senescit animal, quanquàm nutriatur: oportere igitur aliam esse causam indigentia nutrimenti, alia senii necessitatis: cùm tamen melius fuisset, quemadmodum Aristoteli contigit, istud præsupponere, quòd diffatur melius esse, quàm id quod restauratur ex cibis: inde causam querere. Nam ponere, ossa & neruos augeri, & humido nutrimento per totum repleri, usq; ad solida, quemadmodum ipse testatur, nec tamen humidiora reddi, est ipsa difficultate difficilior. In semine etiam piri tantum humoris esse ab initio, quod tam amplæ arbori ad ducentos satisfaciât annos, aut in glande ad mille, quemadmodum de quercu Abraham Iosephus refert, quæ adhuc tunc supererat, incredibile est. Accedit mirum maius hoc, quòd arbos ipsa ex quo tantum excinditur humidi, in totq; feminibus, uiuacior phoenice in fabula esset: atq; idem de homine dico: quare humidum totum unum potius fieri uerisimile est. Ab initio uerò non totum à semine excindi, sed efformari ab illo: in animalibus quidem ex sanguine, in arboribus ex terra: nullum autem esse humidum sempiternum, sed in singulos dies misceri, atq; confundi, deteriore semper succedente. Illud etiam difficile, ac à ratione prorsus alienum, Plantas animal carere. Sed cùm hoc uel alio in sensu dictum sit, uel à Philosopho & experientia reprobatur, his nugis non amplius immorabor. Cæterum, quæ de distinctione operationum spargendi, adhærendi, agglutinandi, atq; ultimo assimilandi dixit, si recte intelligantur, uera sunt, & medico ut sciat necessaria.

Forfan aliquis dicet, innatum calorem membrorum humidum consumere, eum autem qui cordis & influentem facere distillationem illam quæ cibo indigeat. Sed hoc esse non potest: primò, quia caloris non meminit in humidi resolutione, sed siccitatis: nec esse potest, ut idem nutriat atq; resoluat. Si uerò contrario modo dicas, influentem quidem senium facere & exicare, innatum autem cibi necessitatem: eadem difficultas manet de siccitate. Præterea omnino impossibile esset, à tanto motu tam modicam, qualis

qualis in innato fit humido, atque tamen lentam fieri resolutionem. His omnibus accedit, quod in stirpibus utrunque accidit, etiam iuxta illum marcor ac senectus, tum cibi & humoris necessitas, quare non à calore influente hoc fiet. Videtur sanè animalium calor solam respirationem expostulare: itaque tres erunt denuo necessitates. Ergo ut horum omnium ratio exquisita reddatur, in omni quæsito rectè dissoluendo quatuor hæc simul obseruasse decet: primum, ut non aliquid sit in rerum experimento, quod non etiam ex solutione eodem modo absque uariatione dissoluatur. Secundum, ut idem principium omnibus argumentis atque difficultatibus circa quæstionem emergentibus satisfaciatur. Tertium, ut ex rerum principiis ita proficiatur, ut non solum doceat sic esse, sed etiam quod naturæ ipsi impossibile fuerit melius ea in causa satisfacere. nam aliter ipsam naturam imprudentiæ aut inuidiæ coarguimus. Quartum, ut non omnino extra orbitam antiquorum excedat, quasi omnia illis è directo contraria principia ponens: nam antiquorum more uni satisfaciens quæsito, uniuersa præcepta philosophorum euertes. Hæc igitur si quis diligenter obseruauerit, quæsitum declarasse optimè dici potest. Ea de causa quæ tueri oporteat primò perdiscenda: hæc autem sunt: Primum, quod in omni parte mixti, uera fiat nutritio ac necessaria: nam sine cibo uiuere non possumus. Secundum, quod perpetuò senescimus cum his quæ uiuunt irreparabili quadam uia uersus mortem delati: quæ senectus alterius est generis ab his, quæ uita ipsa carent. Tertium, quod anima ipsa ex subiecto in subiectum haud immigrat. Quartum, quod cum ossium nutritione duriciæ experimentum in eis maneat. Quintum, quod aliquando quidem augemur, aliquando uerò non. Sextum, quod ossa magna ex parte non regenerantur, regenerantur frequentius uenæ & arteriæ, caro autem etiam senibus. Septimum, cur si totum diffluit ex materia, cur non etiam quod terreum est? nam si hoc diffliueret, impossibile est tueri, quod homo senescere cogatur.

Accipere igitur primò pro confessio decet, quod sub eadem quantitate non repugnat modò plus, modò minus subesse materiæ: nam in ouo uitreo dum spiritum ad te trahis minus relinquitur aëris, & tamen ut prius spatium id repletur: neque enim dicendum est, inane illud esse, ut Hero in de Spirabilibus falsò conatur ostendere. Secundum quod quæ admodum id in raris accidit, sic in ficcis: nam Philosophus in Problematibus docet, cur massa ex farina & aqua leuior sit utriusque pondere: sed uerius spatium non augetur immixta aqua cineri, nec tamen tota euanescit. Imò quidam existimant pro uasis capacitate aquam hauriri. Si etiam in liquidis elementis hoc contingit, cur non in ficcis, quanquam

21. sec. problemat. 7.

4. phy. 1. com. 56.

u diffie

difficilius. Tertium, quòd sola nutritio & augmentum de uerè uiuentibus dicuntur: nam cùm nutritio de his solis dicatur, augmentum autem non fit sine illa, palam est, augmentum solis conuenire uiuentibus: inde & generationem talem etiam esse necesse est. Quartum, quòd aliqua aliquibus uerè sic miscentur, ut in quolibet puncto utrunque sit: uelut in liquidis quanquam inanimatis, cùm uinum aquæ permiscetur, nullibi uinum sentitur, ubi etiam aqua non appareat. Quintum, quod iam in primo libro declaratum fuit, resolui à calore syncerum aëreum atque aqueum, quod autem terrestre est remanere. His uisus dico, calorem illum cœlestem copulari igneo calori in animalibus, ut ex sententia clara Philosophi habetur secundo de Animalium partibus: hic ignis in aliis mixtis refractus est, & in potentia solum: hic autem refractus, quia mixtum, sed in actu quia à calore cœlesti sustinetur. Ergo agit, sed ut refractus mouendo, consumendo, exiccando, nutriendoq;: ob id diffusus uasorum, id est solidorum, humorem consumit, non calor qui natura illis inest, sed qualitas quæ ab influente in illa deciditur: attrahunt autem per poros uocatum nutrimentum, ac illud totum toti sensim immiscetur. Cùm uerò adeò concreuit, ut non possit extendi, quia ex omni nutritione pars terrea accedit: primò quidem mixtionem admittit, seruatq; adhuc animal, sed non crescit. Cùm uerò etiam non admittit intus, tunc corrumpitur, & fit ineuitabile mortis genus ferme absque morbo: succulentum enim corpus apparet, quoniam humidum illud uigente calore in carnem & pinguedinem transit. Hæc autem una est ex præparationibus, quas Auerroës in sexto suo Collectaneorum dixit hominibus aduenire. Ex quo patet, non totam materiam fluere, sed humidam substantiam tantum: calor enim quanto magis terreum adurit, eo siccus efficit, atque etiam immobilius: reliquum autem substantiæ humidæ totum fluit ac refluit. Ergo in corde quanquam humida substantia augeatur, non tamen humidius fit, (quod quasi Vgo uidit) nam aucto corde ea quantitate in fine consumptionis terra nutrimenti superest. quare ante nutritionem humidius efficitur, sed hæc accessio est momentanea. At uerò cùm in alio membro nihil prohibeat calore accedente ex iccore, & corde, ac humido, membrum augeri, humidius etiam membrum fieri potest secundum substantiam. Quod quasi in tertio Artis medicæ sensisse Galenus uidetur, cùm dixit: Calida quidem & sicca temperies, humidis ac frigidis ad meliorem statum reducetur. Sed difficile fuit Vgoni & aliis expositoribus diuinare, quid sibi Galenus uoluerit eo in loco: propter dicta tamen eius primo de Tuenda sanitate, tum ibi, si cui forsitan Galeni

trac. j. contra. 10.

cap. 7.

cap. j.

2. artis medicæ com. 25. de testibus.

cap. 3.

leni sententia arrideat, quid ille sibi uelit breuiter explicabo. Siccior (gratia exempli) adolescentis temperies humidioribus utens, non autem frigidiorebus, nec calidioribus ætate succedente, minus siccatur ob uitæ institutum quàm refrigeretur: crescente igitur plus frigiditate quàm siccitate, cum iuxta consistentiam erit, temperiem ex æquo frigidam ut siccam fortietur: atque ob id temperatæ huius ætatis consimilem. Hæc est permutatio innati temperamenti secundum Galenum possibilibus. Verum & nos non aliam totius corporis comparatione possibilem esse fatemur: quia principium nullum est cordis, sed ipsum cor principium. At uerò in aliis membris plurimo accedente humido & calido totum fieri potest humidius: & maxime in his quæ sensui subiecta sunt, ut cruribus & uentriculo: per frictiones enim & unctiones multo ibi sanguine attracto, atque per emplastra ne diffletur, retento, replentur uilli nutrimento, & auidius attrahunt ac nutriuntur, maioraque membra euadunt. Quod ille fatetur de crure, ut dictum est: quanquam, quoniam ignorabat causam, sententiam non retinuerit. Ergo sic incrassari solida membra, facilius tamen nervosa quàm ossæ, in pueris & adolescentibus, tum etiam iuuenibus mollioribus, ac mulieribus, humectarique poterunt: nam ad materiam, quæ quinta sui parte solum humida sit, si alia accedat æquali quantitate, quæ ex æquo terream partem ex quinta obtineat, fiet totum tam humidum, quàm siccum: quare longè priore humidius, tum ualidius. Quòd si hæc sollicitudo profuit cruri, cur uentriculo, cæterisque partibus prodesse non debet, quæ sensui subiacent? Ostendit istud regeneratio partium quam ille fatetur, quæ longè difficilior tamen est. Ostendit unguentum nostrum, quod neruos præcisos elongare solet, tum etiam motui aptos reddere: non simpliciter adhibitum, sed industria magna, quam illi sacerdos experimento doctus exhibere solebat, cum uitam ex hac sola industria traheret. Ostendit emplastrum Galeni sanguinem sistens, de quo in quinto Artis curatiuæ egit: quanquam id ipsum ibi haud descripserit.

Diximus necessitatem resolutionis, ac nutritionis, tum caloris naturalis cum anima non nisi ignis elemento posse commode copulari: nutricationis etiam in singulis partibus modum: curque homo augeatur quandoque non, & tandem ad senium perueniat, quodque hoc solum animalibus & plantis necessario inest. Quòd etiam anima ex subiecto in subiectum non immigrat, sed una consistit in igneo elemento, quod non totum uariatur: ipsum uerò in cordis sinistro uentriculo, ut in libro de Animi immortalitate. Ipse uerò ignis non perimutatur, cum

ex 3. de simp.
med. cap. 10.

fit efficiens, nec habeat quod corrumpat usque ad mortem: utque in uasis terrea pars, sic in sanguine ignea manet impermutabilis: ipse uerò ignis aliis atque aliis miscetur elementis. Sed hæc non sunt subiectum animæ primum: quare anima manet, & idem numero calor: qui quandiu non diminuitur, anima eandem in operationibus uim retinet. Quodque quanquam quod miscetur humido membrorum ante senectutem non sit impurum, impurius tamen totum redditur: in senectute uerò etiam quod immiscetur impurum est. Ob hoc cum ualde senescit homo, tunc simul breui tempore, qui diu restiterat, deterior euadit: plusque anno uno detrimenti accipit comparatione prioris temporis, quam antea per annorum decem spatium: nam causæ ipsismet in hoc fauent: ex mala enim nutritione membra infirmiora redduntur, tum influens calor euadit deterior: ex hoc rursus mala nutritio, inde acerus malorum omnium appropinquat. Prius autem membra senium contrahunt, quam quod in membris continetur, id est calor influens. In hoc enim ignis & anima ipsa, quæ nusquam per se senescit, imò senio resistit igneum fouens subiectum calorem. Quomodo autem dum nutriuntur dura maneat, id ex hoc intelligere licet, quod nutrimentum cum agglutinatur magnam iam partem assimilationis in substantia adeptum est. Quod si ossa sanguine nutrentur, dura, eo modo quo sunt, esse impossibile omnino foret. Nunc nutrimentum ipsum adeo densum est, ut uel per se quasi posset consistere: miscetur autem, quia adhuc in potentia est: quod nutritur ad id quod nutrit: tantumque retinet molitiei dum uiuit animal, ut immisceri possit nutrimentum: cum uerò per solam appositionem nutritur, celerrimè senescit ac moritur: non augetur autem, quia extendi nequit. recipit tamen sub eadem qua prius erat quantitate solumque densius redditur: tuncque corpora fiunt ob id firmiora post adolescentiam: quod esse non posset, si poris ipsis nutrentur. Pori autem ad commodiorem transitum facti sunt alimenti: tum etiam ut in his ipsum alimentum concoquatur ad magnam membri quod nutrire debet similitudinem. Ossæ autem non ob id non regenerantur, quia materia ex qua genita sint deficiat, sic enim magis in iuuenibus quam pueris degenerari possent: sed quia multis annis siccitas ossis aucta est, ac durities: ergo non paucis diebus tanta durities accedere potest, ut reddatur quod adiicitur ei cui adiicitur simile. Quare nec Galenus in prima causa perseverauit, sed hanc secundam adiecit, quæ longè est euidentior: ac tertiam rursus, quod antequam coalescat os aut neruus, caro ipsa superexcreuit, quæ facilius est generatione, & ob id impeditur uera ossis consolidatio. In nutritione

catione uerò cum copia non requiratur alimenti, contraxeritq; moram quod nutrire debet ob id nutritur os, non autem discissum consolidatur. In pueris igitur tribus ex causis facilius os restauratur, aut aliud quodcunque solidum membrum, quàm in iuuenibus. Prima, quòd minor est ossis durities, quàm in adultioribus, ob id breuiori tempore potest coalescere: quanquàm non octo dierum spatio quod mollissimum etiam est, ut in Embrione apparet, coalescere possit. Verùm in pueris & serius, & ut dixi, ex iam concocto humore, accedit quòd in pueris copiosior sit humor, cum non solum pro nutritione, sed etiam pro augmento paratus sit. Tertia, quod minora sunt puerorum ossa, atq; ob id plerunq; minore indigent restauratione: nam à magna prorsus nullus sanatur. Igitur nutritionis modus est in osse, quod nutrimentum in concocto eius recipitur, atq; ibi per menses ac annos paulatim concrescit atq; concoquitur. At in fractis nulla est conueniens cavitatis, calorq; ibi ob lationem debilis, ac moram non admittit generatio carnis: quòd si remoretur os ab aëre, quoniam exangue est, uitatur. Hanc ob causam nec celeriter potest restitui, nec moram commodè sustinet. Cur autem terreum non diffletur, commodum enim hoc erat ad animalium perpetuitatem. cum igitur multas haberet omnino causas alias animalis mortis, si terreum potuisset diffili, animal diu mansisset inutile: atq; interim aliis causis mortis obnoxium: quamobrem nec uiuacius fuisset, & tamen longè inutilius. Deerat etiam efficiens causa: ob calorem enim quod terreum est nullo modo consumi poterat. Periculum etiam erat ne sic quod contineretur in uasis totum efflueret: quare terreum in solidis perpetuò, igneum in sanguine manere necessarium est. Ob id terrea in cibis senectutem appropinquant: humentia, maxime oleum & lac, retardant. Sectio uerò uenarum senectutem accelerat: moderata exercitatio, & læta mens retardat, Elixique potus: nam hæc non igneam partem comminui sinunt. Ossa uerò restaurantur, & uenæ, & nerui, carnis prohibita generatione per exiccantia citra morsum, per ea quæ glutinosum præbent alimentum, per aëris caliditatem.

Quomodo autem anima non permaneat sempiterna in plantis, intellige. Aliæ earum eam habent in medulla, ut cupressus: quædam in cortice, ut salix, ex toto enim exenterata uiuit: quædam in radice, ut laurus. Capiamus igitur exemplum de salice: anima eius est in trunco. rami autem potentia uiuunt, non autem actu habent animam, sed uirtute animæ, quæ est in cortice trunci, folia emittunt & flores, nõ secus quàm in animalibus ex corde animæ habente perficiuntur in aliis membris opera uitæ. Si igitur stolonem cum parte trunci auulserit aliquis, quod ex trunco auferes

aut morietur illico; aut parum superuiuet, quia animatum iam actu erat: quod uero in potentia in stolone erat, animatum fit actu, non secus quam in femine à calore solis: & talis anima diu, ut in nouo corpore, in eo manet: quare ex hoc nihil absurdum sequitur. Semina autem plantarum non uiuunt nisi potentia, quia imperfectiora sunt plantis, à quibus deciduntur: semina uero animalium uiuunt uita uegetatrice, non autem sensitua: est enim in potentia quasi semper ad id, à quo deciduntur. Minima uero nulla ponenda sunt in infinitum diuiso nutrimento: talia enim necessaria sunt separatis & actu existentibus. Quod uero nutritur in potentia, est ratione magnitudinis & densitatis, actu autem tale per calorem animæ, nutrimentum uero in mutatione est, ac nihil existens actu per se, nec quantitate, nec qualitate, nec substantia, sed in potentia ex toto ad id quod nutritur. Ergo recte dixit Galenus calorem primum iuuenibus, ac pueris, id est, ignem animæ subiectum æqualem esse. Decrescit autem senescentibus ualde: unde duplex senium, In corporis robore, quod à quadagesimo anno initium sumit: & Ab operationibus animi, quod iuxta quinquagesimum euenit: nam tunc igneus calor decrescit: unde post eam ætatem geniti necessario ad suum genus collati inualidi, sapientiores tamen plerumque sunt: quod ignis natura impedit contemplationem ac prudentiam.

Ex his igitur manifestum, quæ membra, & quomodo, & quando à uera siccitate possint reparari: quodque hætica tertie speciei in toto, quia in corde curationem non recipit, in uno autem membro recipit, usque ad iuuentutem in multis, & si non leui industria & medici sapientia. Quomodo etiam totius inæqualis intemperies, iuxta Galenum & ueritatem, ad perfectam æqualitatem reduci possit: quomodo etiam nutritio fiat & augmentum, atque usquequo: tum etiam quomodo materia fluat & refluat, maneat uero forma: & quonam pacto fluente materia sit idem animal per totam uitam, nec tamen anima nouam materiam ineat: quonam pacto in nutritione etiam quælibet pars nutriti nutriatur, nec tamen detur penetratio corporum: nam talia sunt, quorum unum, uel saltem in actu quantum existit (hoc enim Philosophus damnabat) quomodo etiam addito meliore nutrimento semper totum euadat deterius: quonam pacto etiam plantarum quæ ex decisione propagantur, anima non sit sempiterna. Hæc, atque alia plura ex his, ut cuique patet, iam sunt manifesta.

4. Physic.
c. 55.

CONTRADICTIO X.

Virtutes naturales inferuientes, sunt quatuor.

cap. 6.
cap. 8.

Virtutes naturales quæ inferuiunt, sunt quatuor, ut in libro de Causis morborum, Attractiua, Retentiua, Concoctrix, & Expulsiua. idem

idem in octauo de Medicamentis secundum locos, & in quinto de Locis, & in primo de Facultatibus naturalibus, tū alibi sapius, quā ut possim describere. At uerò præter has, Separatiuā posuisse uidetur, uelut in quarta Aphorismorū, cum inquit, Si quidem præire oportet coctionem, subsequi uerò discretionem, demum euacuationem. Sed & in primo de Facultatibus naturalibus, cum docuisset, concoctricem in uenis ac membris esse, Secretrice, ait, opus esse demum, ut ea quæ superflua sunt, etiam possit expellere. Meminit & huius, quicumq; fuit autor eius libelli, cuius titulus est, De uirtutibus nostrum corpus administrantibus. Videtur & hoc in libro de Theriaca ad Pisonem sensisse: tum in libro de Medicamentis secundum genera. In tertio uerò de Symptomatum causis cum docuisset quæ accidunt detrimēta attractrici, retētrici, cōcoctrici, expultrici facultati, demū de separatrice agit: unde Auerroës dixit, quod licet Galenus cognouerit separatiuam, non tamen agnouit discretiuam, de qua locutus est Albumasar: & quod illa multum ab hac, & in modo operandi, & in tempore differt: ideo ibi ponit uirtutes naturales quæ inseruiunt quinq;: tum in secundo libro non semel. Veruntamen dixit aliquando: Et manifestum est, quod ministri sunt quatuor uirtutes supradictæ. Simile quiddam accidit Principi, nam cum & ipse posuisset eas tantum quatuor, ut in primo libro Canonis, & in primo suæ Canticæ: attamen in tertio libro posuit eas quinq; in duobus locis, dum de paruitate agit hepatis, ac dum causas anasaræ enarrat. Pro solutione respondeo, quod prætermissa opinione Auerroës, oportet primò declarare differentiam discretiuæ à separatiua: nam separatiuam ponit Galenus, quæ consequitur necessariò opus naturæ attrahentis quod conuenit, & relinquentis quod non conuenit: sed hoc modo non est quinta uirtus, sed est operatio consequens opus aliarum: ideo Auerroës, qui uolebat Galeno contradicere, dixit, quod sunt duæ res diuersæ: quia discretiua præcedit expulsionem & attractionem, ut colligitur ex commento Aphorismi adducto: & ideo discretiua in duobus differt à separatiua. Primò, quia separat bonum à malo siue loci permutatione, sicut etiam facit concoctrix & retentrix. Secundo, quia præcedit saltem expulsuam, & non consequitur eam. Dico igitur, quod iuxta Galenum hæc uirtus non est distincta ab aliis quatuor, ut dixi: uerūm apparet illius opus per accidens, maximè in tribus: In separatione materiæ concoctæ in morbis ab utili quæ apta est alere. Secundo in separatione superflui ab alimento, & maximè in iecore, ut humorum in actu & serosæ partis quæ ad renes trahitur. Tertiò, in separatione partium medicamenti propriarum unicuiq; membro, ut frigidarum à iecore, calidarum à splene. Et de primo loquitur in Aphorismis, de secundo loquitur in primo de Facultatibus naturalibus, & in tertio de Causis symptom

cap. 7. ante medium.

cap. 12. in pri.

com. 22.

cap. 10. & 12. in fine.

in princip. c. 1. cap. 1. ante fin.

3 Coll. cap. 16.

cap. 7. in medio & 8. ac 9. in fine.

cap. 9. in prin.

fen. 1. doc. 6. c. 3. o. uerbo 86.

fen. 14. tract. 1. c. 29. & tract. 4. cap. 6.

symptomatum : & Princeps in quartadecima tertii locis iam adductis. Sed de tertio in libro primo de Compositione medicamentorum secundum genera , & in libro de Theriaca. Verum declaro quod nullo modo fit necessaria ut recte Galenus sentit: nam posita parte linei panni in uino aqua mixto , & propendente parte prius madefacta aqua , tota aqua exit ob similitudinem & grauitatem, ut experimento patet: & cum ibi non sit uirtus aliqua discretiua , sed sola attractiua eius quod conuenit : manifestum est , longè minus in animalibus necessariam esse discretiuam uirtutem. Et signis dicat, quare igitur in iecore connumeratur à Principe? Respondeo, quia Princeps ponit causas hydropis apparentes, & quia in talibus apparet plerumque urina sanguinea , ideo cum hæc fiat ex debilitate concoctricis iecoris cum debilitate concoctricis renum : nam per primam fit difficilis separatio, per secundam non fit separatio : & causa debilis coctionis debilis in iecore , plerumque est debilitas retentricis : ideo ne dicant tot causas, ponunt unum effectum pro pluribus causis : & dicunt, hoc aduenit causa debilitatis discretiue iecoris. Auerroës tamen existimat eas esse quinque : & ad hoc ostendendum oporteret ut doceret nos , quod ante attractionem , scilicet dum partes sunt in loco, quod essent diuise ac separate à natura. In attractione autem credidit Auerroës quod fieret , ut in ferro à magnete : sed de hoc in principio huius libri diximus. Harum uirtutum igitur quatuor , ut reliquorum plerumque bonorum , inuentor fuit ipse primò Philosophus in libris de Generatione animalium. Disputauit & de hoc quaesito Iacobus Forluuiensis in dubitationibus super primam primi. sed à scopo satis procul.

CONTRADICTIONE XI.

Pituita an per ulteriorem exustionem in atram bilem transire possit.

doc. 4. c. 1. iuxta finem.

sen. 1. tract. 4. cap. 18.

cap. 2. fol. 368. col. 2.

Melancholiz alia est , quæ est cinis pituitæ , & quod de ea est adustum, & si pituita ualde subtilis fuerit, melancholia erit falsa: si autem non, erit acida, aut astringens, inquit Auicenna prima primi: & in tertio libro rursus, Scias quod atra bilis melancholiam faciens aliquando est naturalis , & aliquando fit ex pituita ipsa ob crassitatem , aut ob exustionem : & hoc contingit raro admodum. Et Gentilis exponit putredinem per exustionem, ut illius speciem : sic ut credamus, quod putrefacta pituita in atram bilem sæpe transeat: non quidem sæpe absolute , nam hoc exclusit Princeps, sed in comparatione ad eam quæ per exustionem in atram bilem transit. Et Rasis decimo octauo Continentium inquit , Alexandri autoritate , Quartana fit quandoque ex pituita sicca falsa. Et paulò post, Quartana fit ex successu omnium febrium tertianæ, continuæ, & quotidianæ

dianæ : & ex adustis humoribus , sanguine , bile , & pituita , Symeonis auctoritate . Et post etiam Mesue auctoritate , fit quartana succedens febri quotidianæ , à pituita exusta : & tunc da saccharum rosatum cum succo apii & fœniculi . Et Princeps ipse in prima Quarti , de quotidiana loquens , inquit : Et quandoque magnus splen fit , & sequitur eam acidus ructus . hæc autem palam est esse initia quartanæ , tum causas ac signa . Et manifestius post , Iam sciisti (dum inquit) quod melancholia præternaturalis alia fit ex adustione sanguinis , alia bilis , alia pituitæ . Deinde , inquit , fit successione plerumque aliarum putridarum febrium . Et rursus in cura : Et si fuerit melancholia pituitosa , properet ad syrupum acetosum ex melle cum succo apii . Accedit quod in enarratione sententiæ Galeni in tertio de Locis affectis , Aëtius in sexto libro exponit tertium melancholiæ genus , quod à uentriculo provenit , fieri ex cruditatibus , ac mala coctione . Ratio etiam ipsa suffragatur : nam omnibus febrium generibus constat quartanam experimento succedere . Si igitur quotidianæ succedat , necesse est melancholiam ex pituita fieri : si etiam pituita putrescat , terreum aliquid superesse necesse est . Id igitur rogo , si atra bilis non est , quid erit ? In oppositum est , quod Galenus transitum humorum in atram bilem docens , in tertio de Locis , solius flauæ bilis & sanguinis meminit : quod & in libro de Atra bile obseruat , Pituitæ nulla habita ullibi mentione . Sed & cum ibidem , scilicet in libro de Locis affectis tertio , de transitu ex comitiali morbo in insaniam ageret , docuit duplicem hunc esse morbum : alium ab atra bile , qui transire posset : alium , qui minime posset , quoniam ex pituita factus fit . Ergo si ex pituita transitus in atram bilem esset , utraque comitialis morbi species , in insaniam commode uerti posset . Et in eodem sensu septima Aphorismorum mihi dixisse certè uidetur , cum in commento exponens inquit , Morbi aliqui simul ex pituita fiunt , & ex atra bile : quare non simpliciter melancholici aut pituitosi dicendi sunt , sed pituitosi simul ac melancholici : id est , qui modo ab hoc humore , modo ab illo gignantur : qualis est attonitus , & comitialis . In secundo etiam Facultatuum naturalium laudat sententiam Praxagoræ Nicarchi filii , qui decem præter sanguinem statuit humores . Liquido autem constat , Bilis esse quinque genera , Pituitæ tria : locus igitur tantum duabus atræ bilis speciebus relinquitur . Nulla igitur ex pituita bilis atra . Meminit etiam Rabi Moyfes in Aphorismis expositionis Galeni super librum Hippocratis περί φουσών . in qua dixit , pituitam nullo calore etiam ualidissimo in atram bilem uerti posse . Manardus etiā adiecit rationes . in transitu ex albo in nigrum necesse est ut colores multi succedant intermedii , quare plura genera atræ bilis fient : nam si flaua , pallida , uiridis , lutea , rubra bilis datur , tam modico extremorum colorum intervallo

fol. 369. col. 3.

trac. 2. ca. 47.
in fine.

ibidē cap. 60.

cap. 62.

cap. 7.
cap. 9.

cap. 7.

cap. 3.

aphor. 40.

cap. 9. in fine.

par. 2. apho. 28

lib. 9. ep. 2.

cap. 13. 14. &
15. cap. 18.8. de usu par-
tium cap. 2.

com. 46.

Trac. 1. con-
tradic. 5.Contradic. 6.
huius trac.

teruallo, quot genera sanè erunt atræ bilis inter album & nigrum, quæ ex directo opponuntur? Gypsea quoque pituita quæ admodum sicca est, pituitæ tamen non atræ bilis nomen & substantiam retinet, unde Galenus, in libello de Tumoribus, agit primò de his, qui ab atra bile fiunt, nec omnes præduros esse affirmat: pòst duros quosdam enumerat, qui sint ex pituita, è quorum genere est struma. Accedit, quòd in cerebro tanta non potest esse frigiditas quæ congelet pituitam, transireque faciat in bilem atram: nam cerebrum, ut aliàs diximus, calidius est aëre æstatis calidissimo. Sed neque Ioannitius, nec Serapio aut Haliabbas, qui Galenum secuti sunt, huius generis atræ bilis, quæ ex pituita concrefcit, meminērunt. Galenus etiam in secundo Prognosticorum inquit: Candida uerò excreatio, glutinosa rotundaq; propter assatam sit pituitam. Ex quo planè colligitur, assatam pituitam non ob id posse in nigrum humorem trāsmutari. Hæc ille. Verùm miror de homine, imò non miror, cū enim diuitiis & gloriæ intendat, sibi in hoc placent: nihil autem possunt statuere in uniuersum quod ad explicationem rerum conducit. Nobis autem non difficile hoc est: uisum enim est aliud esse humorem actū, & hic per ulteriorem concoctionē imò uisionem sub pituitæ ratione prius existens, in atram bilem minime uerti potest. Quod ex sententia Galeni fuisse reor. Salsa tamen pituita cū biliosum aliquid in se contineat, resoluta frigidiorē & liquidiorē parte, in atrā bilem trāsit, exusta amplius. Ob id rectè Auicenna dixit hoc rarò, & parum: id est non solum rarò, sed ex modica eius quod aduritur portione accidere: nam parua est bilis portio in falsa pituita. Hoc autem esse necessarium, non solum contingere, liquidò clarum est: nam omne biliosum terreum etiam est, & calidum: per ampliorem igitur exustionem transit in atram bilem. Pituita uerò ipsa putrescens non illico in atram bilem uerti potest, sed si prius in falsam transierit. Si igitur in falsa pituita accidat uisio, ex subnigro humore pituitoso tamen quartanus fiet circuitus: quia humor est sub natura, non tamen perfectæ atræ bilis, sub pituitæ tamen accidentibus: à puro autem calore tota colliquatur, nec in atram bilem transit: aut etiam cogitur, ut in rotundis sputis: à frigido uerò congelatur in cerebro. At cerebrum, ut ibi uult Galenus, & nos aliàs docuimus in hoc libro, extima sui parte calidum est, intima potest congelare: quod uidemus in pituitosis excrementis quæ ex palato & naribus hyeme descendunt: non tamē est hic humor atra bilis, sed ob siccitatem, quam actu retinet, similis illis. Ostendit autem hoc, quod iam diximus, humores, qui extra uenas sunt, tales esse: non tamen insaniam generabunt, ut etiam Galenus uult, sed comitalem morbum. Auicenna uerò omnes causas generationis humoris melancholici miscet, ut solet, seu talis sit actu, seu potentia: quamuis in prima

tertia

tertiū non satis opportune: aptius in prima primi. Ex eo uerò qui ob putredinem talis euadit, ut in lethargis, infania fit. Sed & ex eo qui gelu con-
 creuit, sed rarò admodum, estq; potius quædam fatuitas & eneruatio
 intellectus. Galenus hoc non considerauit, ut rarissimum ibi: tum quia
 non locus esset de omnibus dicendi: neque enim quicquam de aliis men-
 tis perturbationibus dicit, præterquam de infania, & obliuione. poten-
 tia tamen ob congelationem, pituita nunquam euadet in atram bilem.
 Signum autem ac nomen in humoribus haud par est magis ex colore
 quàm qualitatibus sumere: neque enim prorsus quod album est, proti-
 nus etiam pituita est appellanda, uerum potius quod frigidum & humi-
 dum: colorem enim Galenus nunquam substantiæ aut qualitatibus pri-
 mis prætulit. Nec omne nigrum prorsus ad atram bilem pertinet: inquit
 enim Galenus: Sæpe excrementa assumpti cibi colorem assequuntur.
 Neque perpetuò uerum est, in transitu ex colore in contrarium colorem
 per omnes intermedios fieri mutationem: tertio enim Prorrheticis me-
 minit sub nigri humoris, ut in urina, & talia sæpe deiiciuntur, quæ non
 sunt exquisitè nigra, ut cinerea: quare id potius ostenderet ex pituita
 atram bilem fieri posse. Sed his nō est immorandum, à qualitatibus enim
 differentiæ sumi debent: in sanguine autem quæ continetur pituita in
 atram bilem transit, quoniam potentia humor uerque est: nec indiget
 nisi ut parum denigretur: rubri enim tales humores, quemadmodum &
 dulces omnes, cū secundum naturam extiterint, illico igitur in atram
 bilem transeunt. Vnde pituita putrida cū prius in uenis contenta fue-
 rit, in quartanam terminatur, quod frequens est: nam puerulis multis
 quartanæ ut etiam ætate iam consistente peracta: pauciores adolescenti-
 bus & pueris. Frequens hoc in his ob accessionum multitudinem & lon-
 gitudinem. At uerò de his Galenus loquitur, cū sanguinis nomine con-
 cretum ex omnibus humoribus intelligit. Sola igitur pura pituita à ca-
 lore citra febrem, & à frigore, non potest in atræ bilis naturam secundum
 actum transire. Quæ autem in pectore à febrili calore superassatur si diu-
 tius maneat, donec nigra fiat, hominem strangulat. Ob id nigrum spu-
 tum, aut atræ bilis, aut maximi incendii, aut perfrigerati caloris innati
 indicium est. Oportebat autem aliter sentientibus nobis concedere sem-
 per nigrum sputum ab atræ bile fieri. at non omne incendium sufficit ad
 hoc: sed prius glutinosum redditur, inde rotundum & crassum, post ue-
 rò subnigrum, ac demum nigrum fiet, & tunc ad atræ bilis naturam ac-
 cedit, mortem proximam ostendens. Quòd autem hæc ita sint, planè
 nunc ostendo. Primum quidem atram bilem à sola flaua generari do-
 cuit, uel eius speciem melancholicum humorem sanguinis esse fecem,
 tertia & sexta Aphorismorum, in commento: ubi etiam Galenus dice-

com. 3.

aphor. 22.
aphor. 33.

bat & quanto crassitie atra bilis inferior est sanguinis fece, tanto malitia deterior. At uerò dum non putrescit quòd potius à calore dissipetur quàm quòd in alium humorem cōuertatur docuit in tertia rursus Aphorismorum, cum dixit, ex uerbis Hippocratis, Pituitosis omnia hæc auxilio sunt: exiccantur enim & ad hyemen non laxi, sed exiccati perueniunt. Quòd uerò Manardus constanter affirmat, quinque esse bilis genera, ad sequentem pertinet contradictionem. Quòd uerò melancholica passio ab humore pituitoso fieri possit, colligit Auicenna sexta Aphorismorum: cum enim dixisset Hippocrates, In morbis melancholicis ad hæc periculosi decubitus, stuporem corporis, uel conuulsionem, uel furorem, uel cæcitatem significant, inquit Galenus, quòd omnes hi morbi, conuulsio, stupor, cæcitas, etiam à pituita generari possunt: furor autem minime. Si igitur melancholia ex pituita generari non posset, clarum est, quòd non oportebat de furore sermonem habere: quia omnes hos morbos in melancholia uel ab ipsa accidere uult tam Galenus quàm Hippocrates. Non igitur magis repugnat à pituita fieri melancholiam, quàm stuporem, aut conuulsionem, aut periculosum decubitum, aut cæcitatem. Repugnat autem hoc ipsi furori: quare constat ex pituitæ conglutatione fieri posse morbum illum qui melancholia dicitur. Sed de Salsa pituita putrida, difficultas est, dicente Galeno septima Aphorismorum: Quod autem de bile dicitur, & de rufa & de atra potest intelligi: non tamen in his solis ostendebamus, sed & ob pituitam putrescentem fieri febrem. Et in hac sola uidebitur aphorismus non esse uerus, nisi quis existimauerit, pituitæ putrefactionem in biliolum humorem posse conuerti. At hîc multa possunt dici: Primò particula, Existimauerit, dubium facit sermonem, aliter etiam de utraque bile intelligi potest, in quam, aut in quas humor pituitosus conuertatur. Vel dic, quòd pituita simplex, quæ falsa non est, in flauam uertitur: quæ autem falsa est, cum ex parte sit bilis, in atram transit.

CONTRADICTION XII.

Bilis an quinque genera.

prima primi
doc. 4. cap.).

Bilis quinque genera enumerat Auicenna: Rubeam, quæ naturalis est apud illum: Vitellinam & Citrinam, quas maioris famæ appellat: demum Aeruginosam, & Prasînâ. Sic Manardus loco superiore Auicennam interpretatur, aut de Galeno sentit: sed si Galenû, falsò: si autem Auicennâ, dubiû est, nec ad suû propositû: cum denariû illum numerum apud Galenum, non apud Auicennam absolueret intendat. Possit enim quis dubitare, an zinaria sit æruginosa, sed est, aliter essent sex species. Forfi

Forſitan uidetur concordare in hoc numero quinario dictum Galeni decimo de Simplicibus medicamentis, ubi enumerat quinque bilis genera à colore ſumpta: Pallidum, Flauum, Aeruginofum, Glaſteum, Cæruleum. Sed non concordant cum ſpeciebus à Principe connumeratis: nam cærulea ſub nulla earum, quæ à Principe ponuntur, poteſt collocari. Sed in primo de Natura humana poſuit Pallidam, Flauam, Rubram, Aeruginofam, & Praſinam. Hic igitur quinque enumerat, ſed Rubra non eadem eſt, quæ Cærulea. Rurſus in libro de Atra bile, (quæ quidē falſo Galeni eſſe haud exiſtimant) ſeptem eius genera connumerat: Rubram, quæ naturæ ſanguinis proxima eſt: Flauam, Pallidam, Vitellinam, quam inquit fieri, cum flaua nimio ſiccatur: Cæruleam: tum duas Aeruginofam, atque Praſinam. Reſpondeo: ipſe antea in primo de natura humana inquit, ſpecies bilis innumeræ ſunt, tum magis quæ ex putredine ſiunt. Ergo cum enumeraret rubeam, praſinam, æruginofam, cæruleam, non haſtantum, ſed & alias intellexit. In libro igitur de Atra bile omnes connumerat, quæ citra putredinem etiam fieri poſſunt. At uerò in libris de Natura humana cuiuſdam quæ ſanguinis naturæ proximè accedit. Verum in decimo de Simplicibus medicamentis famoſiores, quanquam & ibi alia pleraque genera connumeret. Auicenna uerò hanc rationem ſecutus eſt, quanquam ut aliàs diximus de flaua & rubra à Galeno quomodo diſſidere uideatur. Sunt igitur præter haſ quæ à Galeno nominantur multæ aliæ ſpecies bilis, Ferruginofa, Cineritia, ac tales.

CONTRADICTIONE XIII.

*Vitellina fit ex aduſtione, uiridis ſolum in uentriculo
quæ harum calidior.*

Viridis bilis, ſeu Aeruginofa fit, ſeu Praſina, in uentriculo gignitur, ſecundo de Temperamentis: poniturque ſignum diſtinguens in uomitu ſeu ueniat à uentriculo, ſeu à iecore: nam, inquit, ſi à iecore Pallida, aut Flaua apparet: ſi à uentriculo, uiridis. Ponit autem eius generationis cauſam edulia calidiora & prauī ſucci. Idem quo ad locum docet in libro de Atra bile. Hoc etiam illi imponit Auicenna & Auerroës in tertio ſuorum Colleſtaneorum. At oppoſitum ſentire uidetur Galenus decimo de Simplicibus medicamentis: cum enumerans genera bilis, quæ in illius ueſica inueniri ſolent, Aeruginofum, ut dixi, & Glaſteum apponit. Et in ſecundo Prognosticorum inquit, Viridis, aut ſubuiridis uehementis conſumptionis ſignum eſt. At infra uidetur declaraffe illius generationis modum, inquit enim: Viridis plerumque in uentriculo ob malos cibos generatur: quandoque uerò etiam ſine illis, non in uentriculo, ſed in uenis ex morbo aliquo generatur: hanc igitur per aduſtionem, ut ſic dicam, fieri credit. Verum inferius hunc ordinem ſtatuit, dum de Sputis ageret. cum

ferosus humor affatur fit croceus aut flauus, si hic postmodum superaffetur uiridis: demum si & hic affetur niger, qui omnium pessimus est, hic uiridem deteriorem croceo affirmat. Sed & in libro de Atrabile uitellinam per adustionem docuit fieri, ut nos recitauimus. Videtur etiam ex his, quæ in duodecimo Artis curatiuæ narrat, & in quinta Aphorismorum, cum conuulsio uiridis humoris potentiam sequatur, pessimus humor esse æruginosus. Quancquàm qui narratur in Arte curatiua adolescens deteriorem longè haberet humorem, quàm qui in Aphorismis: nam primo etiam syncopis accessit & sudores frigidi, atq; ea omnia præter conuulsionem etiam, & ante uomitum: alter uerò solum dum uomeret sola conuulsione uexatus est. Quòd uerò uitellinam etiam ex exustione fieri credat, apparet secundo Virtutum naturalium, quamuis sensus potius quàm uerba id doceant: nam atram bilē, & hanc in malè affectis corporibus ait generari. At si uitellina ex pituita admixta fieret, nō esset malè affectū necessariò corpus: imò pallida hoc modo gignitur, decimo de Simplicibus medicamentis. nec etiam similis esset utriusq; generatio, cum atram per adustionem apertè fieri doceat. Auicenna igitur credit, uiridem bilem fieri ob assationem, æruginosam uerò ueneni naturam habere: idem etiam Auerrois loco iam superius adducto. Verùm in hoc ab Auicenna differt, quòd credit ex flaua & atra uiridem colorem fieri addita etiam assatione. Sed Auicenna putat uitellinam cum aduritur talem fieri. Veritas igitur est, quòd Galenus eius, quæ euomitur uiridis, generationem in uentriculo ex cibis statuit: non tamen negat alibi etiam per assationem talem, quæ etiam sit perniciosior, generari. Auicenna autem & Auerroës omnem effundi ad uentriculum putant, ex assatione genitam: tum quòd locus ille cauius ad id negotii satis aptus uidetur, tum quòd non est uerosimile, adeò sæua symptomata, illius potentiam sequi, si ex cibis, non adustione gigneretur. Constat sanè omnes hos maximo in uitæ discrimine uersari: paucissimos autem, atq; hos omnes ferme adolescentes seruari. Quòd si ad malorum ciborum assumptionem sequantur, non ideo fit, ut non prius illi in iecore & concoqui & assari interim ualeant. Hoc est autem in re discriminis, quòd uitellina palam, ut Arabes uolunt, ex pituita fit crassā, nec sœuum quicquam ad illam, si non multum exuperet, sequitur, non autem ex adustione, ut Galenus uult, cum syncerum bilis tum uitellinæ, tum uiridis ex iecore fieri posse affirmat. Videmus enim eam diebus singulis citra omne periculum in excrementis: nec est media inter uiridis humoris genera, quorum alterum in uenis, alterum in uentriculo generatur. Prauam tamen esse utriusq; uiridis naturam Galenus existimat: cumq; ad uentriculum sine noxa repedare nequeat, multis etiam citra febrem euomentibus, non uidetur illa ex superassatione generari. Sit igitur mala quæ euomitur, sed tamen ex

cap. 2.

cap. ult. in fin.

Aphorism. 1.

cap. 9. post
medium.s. de locis.
cap. 7.

cibis genita : quæ uerò deiicitur, & est maxima pars alterius comparatione, ex superaffatione in uenis generatione. Fieri autem ex atra uiridem minimè crediderim, quandoquidem nemo ex uiridi feruaretur. Vomitus igitur & deiectionum non animaduertisse differentiam uidentur Arabes : nec Galenus eam uocat Vitellinam quam Arabes, sed tenuem quandam substantiâ croci colori similem. At alibi Vitellinam quòd crassa sit, distinguit à crocea; & hæc concretus est humor, crocea autem diluta. Sed medicus in omnibus his uiridis bilis speciebus, si alexipharmacis procedat, nec multum polliceatur, tam curationi, quàm prædictioni, non parum satisfaciæ. Quam igitur Vitellinam uocat Auicenna, Galenus Pallidam dicit : quam rursus Citrinam sub eodem genere Galenus collocauit. Aberrat igitur Manardus, qui solam Citrinam cum Pallida miscuit, cum Pallida sit Vitellina atq; Citrina. Ergo biliosarum deiectionum uiridium, quodq; in febribus appareant, perniciosaq; sint, quodq; ex aduersione fiant, non in uentriculo, nullibi clarius meminit, quàm in septima Aphorismorū Galenus. Si igitur ordinē in caliditate desideras, atq; etiam in periculo, pessima æruginosa, quæ ex uenis ac Præsina, post Galeni Vitellina, inde Aæruginosa ac Præsina quæ ex uentriculo ultima & facillima ac mitissima Arabum Vitellina. Auerroës tamen de Vitellina dubitat, nec in hoc, nec in illo scamno sedens. Nititur autem ostendere, quòd bilis uiridis non generatur in uentriculo, quia uentriculus non est locus generationis humorum naturalium.

2. Progn. 38.

lib. 9. epist. 1.

com. 6.

CONTRADICTION XIII.

Lac an conueniat laterali morbo.

Lac multum propriè asininum confert morbo laterali, ab humore melancholico facto, decima tertii. Sumptum uidetur hoc ex tertio de Alimentis, Lac omnibus pectoris & pulmonis partibus utile est. At uerò præter id, quòd nemo alius hoc suadet in tanta ciborum securiorum copia accedit, quòd Hippocrates dicebat, Lac esse malum febricitantibus in quinta Aphorismorū. Galenus uerò flatuosum eum etiam facit. Gentilis dicebat febrem in tali morbo exiguum esse admodum : sed de flatu nihil dixit. Propterea asinæ lac prælegit Auicenna, quòd caseo maximè ac butyro careat : est enim liquidissimum inter reliqua lactis genera. Caseus autem quinq; facit detrimenta potissimum, quarto regiminis acutorum : flatum, astrictiōem, cruditatem, æstumq; : quæ omnia noxia sunt, maximè hunc morbum patienti. Quintum detrimentum quòd hic non pertineret, prætermisi. Sed nunquid uulgaris est hæc exhibitio? Equidem non : nam præter id quòd lac humorem melancholicum purgat, tum uerò magis etiam illius aqua, ut in secundo Canonis habetur : quodq; pectus leniat

trac. 5. c. 3. inf. cap. 15.

Aphor. 64.

t. com. 91.

cap. 442.

leniar, quòd nutriet optimè: illud præcipuum præter omnia alia habet, quòd hecicæ factæ etiam resistat: quãtò magis incumben- tẽ arcere poterit, ad quã maximè parati sunt, qui id morbi genus patiuntur. Existimatur etiam à Rasi, lac quid habere præcipuũ aduersus melancholicũ humore: unde etiam iussit eos qui melancholia laborarent, lac ab uberibus sugere.

9. ad Alman-
forem, cap. 13.

CONTRADICTION XV.

Papauer an Nymphæa humidius.

Nymphææ tum radix, tum semen uim habet siccandi citra morsum, Galenus inquit in octauo de Simplicibus medicamentis: cui subscribit Paulus in septimo libro: & cum eius meminisset, quòd Veneri resisteret, in tertio libro nihil dixit de temperamento. Commemoratur sanè Rutam & Viticem, quæ quamuis siccent, ut habetur à Dioscoride, sunt tamen calida: at Lactuca frigida est, & humida, & tamen cohibet Venerem: & etiam constat Nymphæam frigidam esse, quamuis de siccitate non cõstet. Igitur ex tertio libro nihil habemus, ex septimo habemus, ut dixi, quòd sicca sit. Aëtius quoque eam siccã tradit, quòd frigida sit, minimè affirmat. At de Papauere Galenus in septimo de Simplicibus medicamentis frigidam temperiem tradidit, siccitatis nullo modo meminit: quin etiam potius humidum censere debet, cum sit somniferũ: quod & in secundo de Tẽperamentis affirmat, dicens, Quæcũque somnos prouocant, frigida sunt, & humida, ut lactuce, papauer, mãdragora. Et in primo de Causis sympto- matum. Cibus ut natura fuerit humidior, sic somno conciliando aptior. ergo quòd frigidum sit nulla siccitatis suspitione habita, uidentur præter Galenum Paulus & Aëtius confirmare. At Galenus succum papaueris inter medicamenta reposuit quæ refrigerent, ac siccent, primo de Tẽperamentis. Serapio etiam papauer inter medicamenta frigida & sicca in quarto gradu connumerat: & Princeps in secundo libro, Papauer hortense frigidum est & siccum in secundo gradu, sed nigrum in tertio. At de Nenufare è directo contrarium, Natura inquit frigidum est & humidum in secundo. Serapio autem dicit duas esse species, alteram quæ calida est & sicca, aliam quæ frigida est in tertio, & humida in secundo gradu. Dioscorides, si modò ita est, de Nymphæa nihil dicit, quod ad temperamen- tum attineat: nostram tamen Nymphæam ad unguem describit. Quò fit, ut illa Galeni, & reliquorum Græcorũ Nymphæa sit facultate sicca. quo ad caliditatem autem attinet incerti temperamenti. At de papaueris uiribus eadem sentire uidetur quæ Galenus in octauo de Simplicibus medi- camentis. Sed Auerroës in quinto Collectaneorum posuit papauer frigi- dum & humidum: similiter Nymphæã in septimo dum de Cura agit fe- brium quæ à bile fiunt: ipsam enim (secutus suum Auenzoar) non solum frigid

cap. proprio.
c. proprio,
cap. 57.

lib. 1. c. 120.

lib. 1. c. propr.

cap. 2.

cap. 8.

lib. 7. c. propr.
lib. 1. c. propr.

cap. 2.

cap. 37 4.

cap. 571.

cap. 516.

cap. 144.

lib. 3. c. 139.

lib. 4. c. 63.

cap. 42.

cap. 11.

frigidam & humidam sed & aromaticam statuit. Vides quantum discrimen sit in hoc medicamento: nam si sic esset, ut hi dicunt, febribus ardentibus nihil commodius poterit inueniri refrigerans, humectans, somnum concilians, & cum hoc cordi salutare. Haliabbas in secundo practicae, ^{cap. 35. numero III. cap. 112} Papauer album posuit frigidum & humidum in secundo. Sed & in tertio libro, dum de cura tertianæ agit, Nymphæam exhibet. Ex quo facile est intelligere, ipsum existimare herbam frigidam atq; humidam. Idem in secundo dixit, ipsum florem esse ex natura uiolæ: luteum tamen præferre mihi uidetur candido: quod meo iudicio decretum satis arridet, cum candidus foetidus sit, luteus flos bene odoratus: utcunque de hoc statuatur, cum uiola manifestè sit humida, constat & Nymphæam humidam fore. Rasis uerò magis confudit rem, cum in Continentibus dixit, non solum autoritate Mesuæ, sed etiam Galeni quòd opium est frigidum ac siccum. ^{cap. 37. numero 223.} Verum Nymphæam frigidam & humidam statuit in secundo, reliquorum Arabum more. Quò fit, ut denuo ad accusandum hos descendam, qui ad eò omnium Arabum sententiam, etiam in experimentis floccificiunt, ut nihil illis tribuere uelint. Nam Fuchsius ipse in suo libro de simplicibus, de ea agit, ac si solum calida uel frigida, sed sicca tamen temperie prorsus sit. Sed uide absurditatem, cum Græcos tantum sequantur, quid attinet Plinium immiscere, quo nemo in rebus medicis, aut inconstantior, aut magis fallax uel rudis. Ergo & istud penè impium, deferere Auiennam, Rasim, Auerroëm, Auenzoar, totq; clarissimi ingenii uiros medicos ac philosophos: amplecti autem purum grammaticum, imò ne grammaticum quidem, qui tot supposititia nomina linguæ Latinæ inseruit: in Græcis hallucinatus est adeò grauiter. Sed uide cuius hominis sequantur iudicium, qui solem igneam sphæram quæ ex halitu terræ impleretur, tum cætera astra, atque ex oriente surgeret iam existimauit, tradiditque memoriæ posteris. Adeò ne rudi seculo cum tot uiri inclyti præcessissent, Aristoteles, Plato, Zeno, totq; alii qui docuerunt, astrum esse quod coelo rotundo infixum esset, ac perpetuò uolueretur: huius inquam asini sequemur iudicium, tot autem claros uiros deferemus, qui præterquã quòd quotidie in opere centies exercerentur, nihil sine ratione magna dixerunt. Ergo grammatici grammaticos sequantur, nos cum medicis erimus. Sed ut uideo nò hoc in crimine cum Fuchsis est, sed laboris tædij. hæc est illa inclyta excusatio, ac accusationis Arabum causa. Volunt certè cum Galeno errare: rectè cum Galeno agere nò illis datum est. Videmus singulis diebus qui Galenum imitantur non leues errores admittere. experimentisq; Arabum inferiores esse. Quamobrem ut Galeno primas partes tribuo, sic sequentes Arabibus. Velle autem ob cõtentionem ægros perdere, non iam, ut mihi uidetur, medici officium est, sed ficarii, & si quid

deterius sicario est, ut latronis. Ille miser tibi uitam credit, pecunias ut seruetur dat: tu ne cogaris aliquando lingua lapsus Nenufar pro Nymphaea proferre, homines hos tuae fidei commissos iugulabis? Pro Deum atque hominum fidem, quantum sunt his uiris etiam Turcae iustiores, ac mitiores? quos tamen adeo exhorremus. Laudo in hoc Brauolum, qui plus rebus quam linguae consuluit, plus hominum utilitati quam ornamento. Quod si contingat utrunque assequi, ut Vessalio, cum diligentiae nimiae etiam angustia materiae fauerit, felicitati ascribemus: quanquam nec ipse quicquam praetermiserit, quod etiam ad Arabum scripta intelligenda faceret. Sic Galenus non exosus est medicamenta Scribonii ceterorumque probata, etiam si Graeci minimè fuissent. Sic Aëtius & ceteri, praeter unum Paulum, qui compendium Galeni librorum facit, medicinam nobis tradidit. At pereunt chartae cum quidam etiam integra ex integris transcribunt, quanquam uetustis aut nondum æditis. Decet elaborare uirum, ac prodesse generi humano: tum praecipuè inclytos ingenio, qualis est Fuchsius: non rudiū more quæ bene sunt ab aliis tradita, nullis laboribus usurpare. Sed ad rem deuenio: Nihil obstat flores nymphaeae humidos esse ac frigidos: plus enim experimento etiam, quam Galeno credendum est, etiam si contradicat. Sed Galenus ceterique Graeci de semine tantum & radice loquuntur: nam & perfici flores è diuerso calidi sunt ac sicci, & non medio-criter purgantes, fructus humidus ac frigidus: & eadē in melonibus conspiciuntur. Quod fit, ut nymphaeae flos absque controuersia frigidus sit ac humidus in secundo ordine: radix & semē non parum siccant absque manifesta frigiditate: folia immodicè frigida, sed & sicca: humidior igitur flos nymphaeae semine papaueris, at non frigidior: unde etiam mitior, & febribus commodius auxiliatur, ac etiam humano usui salubrior: somnus enim ex albo etiam papauere hominē cōturbat: frigidius enim papauer est, dumque uiride est parū humidum non in secundo, ut male existimant qui uerba Haliabatis perperam interpretantur: cum uerò siccatum fuerit siccum euadit: unde Galenus proferre noluit, quid in illius natura uinceret, siccitas an humor. Cum uerò dixit humidum esse, de uiridi intellexit: nam hoc modicè sumptum non aliter quam lactuca somnum suauem conciliat: siccum ut magis eo minus somnum, atque eum etiam caro similem prouocat: sensus non leuiter lædens, ut cuique singulis diebus licet experiri: quod ex humidis medicinis ac cibis non euenit nobis. Ob frigiditatem autem nimiam omne papauer humectare uidetur: nec tamen siccum est immoderatè ut Serapioni imponi falso posset: diximus enim huius causam in libro primo. Quod autem Indica nymphaea humectet magis ac refrigeret nostra, malim credere quam necessarium sit experiri, cum differentia floris à semine & radice abunde nobis in ea satisfaciatur. Sicut in papauere

discrimen uiridis atque fici. de albo tamen semine tantum sermonem nunc intelligi uolo. Illud igitur primo in hoc semine quod & in cæteris dico quibus opus est ut humentibus, ut uiride contundatur saccharoquæ mixtum in sole seruetur: nam sic innoxios, & dulces somnos conciliat: fici uerò nullam unquam utilitatem expertus sum, nam grauem efficit, nec magnam dormitationem. Cortex autem ficius est quàm semen: in decoctis tamen plus iuuat quod tempore siccetur minus: lignosum enim omne semine suo ficius est. At in nymphææ flore condiendi eadem ratio est: sed tamen seligere folia tantum oportet: quæ in medio enim floris & capitula & croceum semen continentur, ad feminis ipsius accedunt siccitatem: quare & hoc diligenter animaduertendum non solum in his, sed in cæteris floribus ac feminibus. Sic igitur utrisque uiridibus tum etiam selectis saccharoq; conditis utemur. aliter floris inutilis, feminis etiam perniciosus usus erit. Cum uerò Galenus in quinto de simplicibus medicamentis nymphæam pronuntiauit siccam ac frigidam, uel de foliis intellexit: uel alibi semen quod frigidum esset aut radix dicere prætermiserat.

cap. 23.

CONTRADICTION XVI.

An cucurbitula sanguis detrahendus.

SI sanguis plurimum abundat, uena secanda est, uel aliquid ei æquiuolens moliri oportet. sunt autem quæ æquiuolent sectioni uenæ, re-tentorum hæmorrhoidarum apertio, uel mæsum suppressorū: uel in quibus nihil est tale malleolorum cum cucurbitula scarificatio: inquit Galenus in quarto de Tuenda sanitate iuxta principium: & in eodē iuxta finem ait, Vbi uerò sanguinis redundātia grauat, dictū puto suprà est, optimum esse uenā aut malleolū incidere. Loquitur autē hic de tensiuo labore citra exercitationē ex sola sanguinis copia factō: in priore autē cum labor ulcerosus uirtute ualida premit adolescentē multa cum copia sanguinis, sed minime mali. Et in de Sanguinis missione: Plenitudinē sanguinis à retentione mensū in mulieribus exortā, si nigræ sint & macilentæ, sectione uenæ curabis in cruribus: si autem pingues & candidæ, malleolis incis: in his omnibus Galenus plenitudinem sanguinis cucurbitulis euacuat, citra corporis aliam purgationem. At in de Hirudinibus, Et reuulsione, inquit, cucurbitulæ purgatis prius corporibus utiles quidem: sed in repletis prætermittendæ sunt. Hic de non incis forsan sermonem habet, cum in sequenti de aliis loquatur. Sed in undecimo Curatiuæ artis inquit: Cucurbitulæ utiliter his qui phlegmone laborant, si prius sint uacuati applicabuntur. Si autem abundantia succorum in his sit, non magis transfert quæ peccant ex pulmone in pectus, quàm ex toto corpore in pulmō-

cap. 5. iuxta finem cap. 11. in principio.

cap. 11.

cap. 3.

cap. 17.

y z nem

nem excrementa. Vnde manifestum est, has & si secueris, tamē nō leuē
 cap. 19. noxam parituras. Sed & in quartodecimo hæc habet: Cucurbitula in ipsa
 parte quæ phlegmone laborat utendum inter initia non est: imò postquā
 totum iam corpus uacuaueris. At necessarium est eorum quæ in inflam-
 mata parte continentur ut aliquid eruas, aut etiam foras uersus attrahas.
 Generandis autē uitis minimē membris quæ laborare incipiūt, sed par-
 tibus eis continuis cucurbita imponi debet cū auellere propositum est:
 sic in mensibus ex utero mammillis imposita, & occipitio ob frontis do-
 lorem, sed euacuato prius corpore: nam si secus applicueris, in quacunque
 id capitis parte feceris, caput totum implebis: quare nullo modo uidetur,
 cap. 41. nisi prius purgato corpore, conuenire cucurbitula. Ea in sententia Paulus
 libro sexto cucurbitulas permittit, ut non in principio, ut non pleno cor-
 cap. 21. pore: seu ex alto auocandi studio, seu reuellendi, seu flatum discutiendi,
 cap. 21. aut alia etiam causa scalpello diuidantur. Aëtius uerò in tertio libro, cu-
 curbitulas ad planitudinem uacuandam diuisas scalpello haud asperna-
 tur. Auicenna in quarta primi tria habet de cucurbitulis præcipua: Pri-
 mum, quod non meminit ullibi horum præceptorum à Galeno totiens,
 ac etiam à Paulo repetitorum: quasi enim absque discrimine & in initiis
 morborum, & iuxta membra principalia, & stante abundantia illas ad-
 ministrat: quo errore certē nihil potest esse perniciosius. Vnde dicebat
 lib. 3. ep. 20. Aëtius, quod aliquando maximē febrientibus præter propositum admo-
 tæ pectori eadem die enecant. Alterum est, quod existimat illas pro se-
 ctione uenæ purgare corpus, ut in capite pro nigra: quod à mente Gale-
 ni, & ueritate, prorsus est alienum, atque exitiale: nam nigra secari potest
 stante corpore repleto, uel in initio: cucurbitula nunquam sic capiti ad-
 mouebitur: neque si admoueatur deriuatiuum auxilium (ut communi
 utar uocabulo) in æternum ac reuulsiuum adeo erit. Sed & à secundo
 anno admittit: prorsus autem tutò à tertio: quod & nos frequenter ad-
 mittimus, singulari præsidio: etsi Galeni hoc consilium minimē sit: nam
 7. collect. c. 3. secare uenam infanti annorum trium, ut Auenzoar in filio fecit, plena
 res est timoris: sanguis enim puerorum est subtilis ualde, igitur cucurbi-
 tula à sectione uenæ nos excusat. At Galenus non solum in putridis ex
 cap. 14. sanguine ueretur sectionem uenæ in puero, ut in undecimo Artis cu-
 ratiuæ demonstrat, quod sanguis ille ob mollitiem substantiæ, qui se-
 ctione uenæ debet euacuari, sponte diffuat per corporis spiracula: ue-
 rum etiam in phlegmonibus iecoris, atque cæteris, ut in eadem arte te-
 statur: qui planè error est Galeni non ferendus: nam cū uictus te-
 nuis non nisi tardè sanguinem possit extenuare, atque intra multos
 lib. 13. cap. 11. dies, quonam pacto permittimus phlegmonem sponte fieri in ui-
 scere, si resistere licet. At licet per cucurbitulas, euidentius autem
 per

peruenæ sectionem, uerum periculosius. Constat enim phlegmone in uel prima die in illis confici posse: quod & in exterioribus apparet. Ergo harum opinionum tutissima media est, quæ Principis: nam extremarum una certum adducit exitium: altera admodum periculosa, etsi ille filium seruauerit. Ego tamen quod multi norunt, non paucis infantibus annorum trium Mediolani hyruides super uenas apparentes applicui, nec quisquam obiit ex his. Ergo quod ad febres attinet, rectè dictum & explicatum est à Galenò, non mittendum sanguinem uenæ sectione ante pubertatem: sufficit enim sola transpiratio spontanea: sed cucurbitulæ applicari possunt: rectam tamen tenentibus uictus rationem minime erunt applicandæ. Quò fit, ut sæpe ac in grauibz febribz semper his usus fuerim, cum uiderem periculosum esse, fidere uulgarium astantium curæ. Applicantur autem iuxta malleolos, non ut quidam perperam faciunt natibus, aut etiam longè deterius humeris: Ergo Galeni sententia hæ etiam defendi possunt, quæ malleolis scapello diuisæ applicantur. At uerò quòd in phlegmone nolit sectionem uenæ in pueris, nec cucurbitularum unquam in eis meminere, cum internas ille partes obsederit Cicerone defensore opus hic Galenus habet. Quòd si dicat (nam id extremum est refugium) à partibus remotis non euacuari, à propinquis etiam augeri: illud sanè optarim intelligere, quis hoc docuit illum? nam iuxta illius præcepta modò ex parte affecta sit locus detrahendi sanguinem, corpus alleviabit, & phlegmonem minuet. At istud forsitan negabit quispiam cum sectio uenæ poplitis in laterali morbo iuxta Galeni placita sit inutilis: aut si modò iuuat plus tamen nocet. quantò magis cucurbitula. at si modico igne brachio dolentis partis adinoueatur, aliis uerò extremis absq; sectione, non parum iuuabit. Scio magnā tamen inexpertis gærriendi ansam me præbuisse: cum tamen, ut unius uiri uerba secundo loco obiter dicta tueantur, maximam in humano genere iacturam sint facturi: nam cucurbitulas reuulsuas in partibus extremis cum sectione præcipuè Galenus admittit ab initio morbi & corpore pleno, quæ ex loco educunt, aut ex profundo ad extimam superficiem maximè his in causis reformidat, & iure. Quoties igitur peccent medici, quisq; iam uidet: nec est hoc peccatum leue, sed quod morte infirmi luatur. At uerò de pueris phlegmone laborantibus dictum est, quid quisq; senserit, quibusq; rationibus hærefes hæ se tueantur. Sed melius tamen fecisset Galenus, si non ob transpirationem negasset pueris phlegmone correptis cucurbitulas, ut in febribz quod non ille facit: nam si hoc dixisset, quòd cum multum trahant, plus nocere è directo, quàm iuuare: procul autem nihil iuuare, prorsus defendi poterit. Verum breuiter concludam: sententia Haliabbatis mihi

arridet: abundantia sanguinis, quæ sectione uenæ in adultis tolli confuevit, in pueris uentosis, seu cucurbitulis auferatur.

CONTRADICTION XVII.

Puer an ante decimumquartum annum minuendus.

quarta primi,
c. 20.

cap. 13.

cap. 9.

lib. 2. c. 9.

IN ætate quæ minor est annis quatuordecim, & in ætate senum, quanto magis poteris à uenæ sectione cauebis: nisi musculis bene præditi fuerint, & uenis latis ac plenis, tum colore rubeo: hos enim solos ex adolescentibus ac senibus minuere potes: dixit Princeps. Et hic triplex apparet contradictio: Prima est, quia pueros primo dixit, & post uocauit adolescentes. Secundò, quia, ut uisum est, Galenus non secatur uenam ante xiiii. annū, ut locis suprà adductis apparet, & etiam in libro de Venæ sectione: inquit enim: Ante xiiii. sanguinem non mittes: post autem adolescentibus si congestus fuerit multus sanguis, & ipsi natura sanguinei, tum etiam natura temperata, & tempus uernum, tunc mittes. Vbi de adolescentibus agit, non de pueris: tum etiam naturam & tempus temperata esse uult præter Auicennæ conditiones. Vltimo pueros cum senibus miscet, quod omnino à Galeni mente alienum est, cum uelit indicationem senis & pueri de non mittendo sanguine omnino esse diuersam: quoniam ea quæ senis est ad uirtutem redigi etiam potest & debet, ut ibi habetur: non autem puerorum unquam: etenim quantumcunque ualidi nunquam sanguinem mittere eis conuenit: & si in senes etiam annorum lxx. non uereatur. Soluta hæc est in præcedenti contradictione: quoniam pueris non mitti sanguis debet, nisi cucurbitulis iuxta Galeni sententiam. Verba Principis ad Galeni mentem iacent, Pueris nunquam: primis adolescentibus, si omnes consenserint conditiones: de uerno tempore non est locutus, quoniam in calidiore regione temperies in hyeme est, in frigidissima in ætate: hoc autem proximis uerbis iam docuerat, cum dixit, cauendum esse, ne in frigidissima regione sanguinem mittamus. Sed tamen nos defendere possumus etiam iuxta Auicennæ opinionem, sanguinem in puero mittendum esse: nam non ratione clementi prohibemur, quoniam peruenit ad lxxi. usque annum non ad xiiii. solum. Igitur ratione quòd tunc iam natura aliquid tanquam superfluum potest excernere: quare tunc iam mittendus sanguis: hoc autem fit in plerisque etiam ante xiiii. annum, ut patet. Causa etiam illa Galeni sic intellecta omnino esset insufficiens, quòd possit resolui id, quòd sectione uenæ detraheretur: sed sic intelligenda est, quòd si detrahas, nihil superest quòd resoluatur: quare natura exeditur solidorum. Hanc quoque opinionem Celsus defendit. Sed tamen Haliabbatis sententia securior est.

CONTR.

Amylum an siccum.

Amylum est frigidum & siccum in primo, dixit Auicenna in capitulo proprio: sed in capitulo de Frumento, dixit quòd est frigidum, & humidum, ac tenax. Rasis etiam in suis Continentibus posuit siccum: sed in tertio ad Almanforem, non dixit, nisi quòd est tenax, & quòd lenit pectus. Solutio forsan colligi potest ex Serapione: nam inquit, est amyllum frumento siccus: non tamen sequitur, igitur siccum: cum frumentum iam sit impense humidum. Dioscorides non meminit, uel quòd sit frigidum, nedum siccum: solùm uim ei exhibet astringentem: & probatissimum ex Zea, quam nos Speltam appellamus, confici contendit: quod & planè uerissimum est. Sed Galenus in primo de Alimentis potius siccum expresse, quàm frigidum. Astringens enim est, inquit: igitur siccum: quare Serapionis solutio inanis erit: absolute enim siccis astringere, non in comparatione talibus solum conuenit. Sed quid mirum magis, cum primo de Simplicibus medicamentis Herodoto contradicens, omnino neget Amyllum quicquam astringere. An igitur frigidum, an siccum, an astringens, penitus iam incertum est adhuc. Inde reclamant Arabibus recentiores, qui se Galenicos profitentur, quoniam uires simplicium medicamentorum confuderint. Ego tam apud Galenum, quàm apud alios ambiguitatem istam inuenio, de qua suo dicitur loco. Quòd si Galenum uolumus excusare, Arabes autem tanquam insensos negligere, mihi potius iniuste calumniantis, quàm rectè rebus medicis consulenti, officium uidetur. Haliabbas oppositam etiam eius, quam Galenus tenet, de amylo ad unguem opinionem habet: frigidum enim ipsum putat & tenax, siccitatis nulla habita ratione. Ergo Serapionis solutio ex Aëtio est: etenim ipse amyllum ad triticum comparat: quale autem sit, non absolute dicit. Ergo amyllum astringit sanguinem tenacitate sua, non autem astringit gustum, ut Herodotus existimabat: recens humidum est ac frigidum: antiquatum autem siccum leniter, apertius autem frigidum: arte enim, & ætate, & uetustate à frumento plurimum degenerat: ad frumentum comparatum apertè frigidius est ac siccus: unde & par ratio in cæteris granis.

2. can. cap. 60.

2. can. cap. 250

lib. 21. cap. 103

cap. 3.

lib. 2. cap. 92.

cap. 8.

cap. 34.

lib. 5. cap. 15.

lib. 1. c. propr.

CONTRADICTION XIX.

Ascliti an tussis superueniens letalis sit.

Ascliti tussis superueniens letalis est, inquit Hippocrates: reddens causam Galenus inquit, Oportet ut hæc tussis morbi uiolentia, non alia ex causa superueniat: quoniam cum adeò aqua creuerit, ut asperas iam ingreditur arterias, periculum est, ne æger repente suffocetur.

6. Aphorif. 85.

Rasis

7. con. c. 2. fol.
155. col. 1.

7. Aphor. 54.

Aphor. 55.

Rasis hoc animaduertens inquit, Aqua sub septo transuerso perpetuò manet in asclite inter abdomen & omentum, quomodo igitur implere unquam poterit cannulas asperæ arteriæ, quæ supra septum sunt transuersum? nec etiam illud tangunt. Quamobrem melius existimat, ut dicamus quòd abundante aqua comprimitur septum, & etiam mala qualitate afficitur: nam non ob solum pulmonem exoritur tussis, sed etiam ob reliqua membra pectoris malè affecta. Sed quandoquidem paruum est periculum in Galenum tueri, etsi iniuste forsàn, dicamus, membra nostri corporis adeò esse peruiâ, ut aqua à natura expellatur etiam per solidas partes, ut Galenus dicit, exemplum dans de sanie inter thoracem & pulmonem, quæ pulmonem ingreditur: & pituita quæ inter uentriculum & septum quæ uescicam. tum etiam de sanguine qui per sanam cutem ex ossibus contractis, ac callo solidatis exit. Sic igitur transire poterit aqua in asclite super septum transuersum. Sed hoc uidetur difficile: Primò, quia ut habetur à Galeno in septima Aphorismorum, non potest ex iecore aqua effundi in omentum quod undiquaq; solidum est, nisi ipsum dirumpatur. Igitur eadem ratione nec in septum transuersum, seu supra. Præter id accedit, quòd, ut dictum est, aqua nec sic tanget asperas pulmonis arterias. Verùm dicit Galenus, hæc esse iam confirmatæ tussis indicia, quæ etiam letalia sunt: potest tamen ante etiam tussis sola qualitate excitari, & tunc facillè emendatur: quæ uerò ex aqua iam penetrante fit, mortem, ut dicit, repentinam affert. Sic Rasis dictum de initio tussis, Galeni de confirmata intelligendum est. Sed ad rationem dicere possumus, ibi Galenum de effusione loqui, quæ uescicarum consequitur eruptionem: non autem de ea, quæ sensim fit penetratione reprehendere Aphorismum: nimis enim fuisset obliuiosus, si cum in præcedente eam laudasset Hippocratis sententiam, auxissetq; propriis exemplis, nunc reprehenderet in eodem sensu. quare solum repentinam ibi arguit eruptionem, quæ non nisi rupto omento accidere potest. Sed tamen peruiæ aduersarius dicit: Iam illud etiam dicere possum pro Hippocrate, repentinam esse eruptionem ex uescicis, penetrationem autem in omentum sensim. At hoc, dicit Galenus, uerborum proprietas non admittit. Ergo ut plurima aqua supra septum emerferit, trahit pulmo uacui necessitate, non quòd tangat quæ in concauo pulmonis continentur, unde exhausta affatim aqua suffocatur, tamen præcipuè quòd uirtus tunc debilis est. Sed dicit Rasis, & uera dicit: si tussis ob aquam in aspera arteria contentam prouenit, cur non quemadmodum in empimate sanies, sic in Asclite aqua expuitur? Deinde, quomodo affecto iam toto septo, & aqua infusa madente, illico non morietur. Confestim cogitur Galenus dicere, aliquid expui ex aqua: tamen etiam non madere totum, sed imum eius, quo

quo in loco aqua etiam continetur. Sed nos tussim perniciosam in asclite sæpe uidimus, sputum aquæ nunquam uidimus, aut ab alio qui uiderit audiuius. Et ideo dixit Princeps in quartadecima tertii, quòd tussis quæ accidit in asclite, est tussis sicca. Ascitem curiosi uerborum dicunt: nam Græcè ἀσκλητης.

trac. 4. cap. 3.

CONTRADICTION XX.

Materia quæ in concauo pectoris continetur, per resudationem ad pulmonem trahitur.

Galenus in septima Aphorismorum (ut sermonis continuitati locus datur) declarat, sputum seu materiam eius in pectore contentam, inter capsulam cordis, septum, & pulmonis partē, ac subcingentem membranam costas, in pulmones per resudationem quandam, id est attenuatam prius, ingredi. At oppositum sensit in Quinto de Locis affectis, cum modum enarrat, quonam pacto pus ex concauitate illa in pulmonem effundatur: inquit enim, compresso uehementer pectore, quod citra tussim fieri nequit, aperiri tussis asperas arterias, ac etiam materiam ui magna impelli in patentes illas: quare nec opus est attenuatione: imò nec attenuatio puris quicquam prodest. Respondeo: dixerat prius, ora asperæ arteriæ, quæ per torum diffusa est pulmonem, usq; ad illius extremæ, non exquisitæ conniuere, sed paululum disidere, tum præcipuè quòd cartilaginea sint. In hæc igitur sensim aliquid trahitur de eo quod iam est attenuatum citra tussim: unde uidemus hos strepitum quendam dissonum in pulmone citra tussim sentire: quem potius tussis eleuet quàm proritet: hic fit ex hac materia sensim ingrediente. Ingreditur & alia uehementi conatu pectoris, atq; cum tussis: & hæc mediocris substantiæ potius est: cum crassa non possit aut nimis tenax angustas permeare uias: subtilis nimium impetum naturæ effugiat. De ambabus tractat in quinto de Locis affectis: cum ibi rem ex proposito prosequatur: in aphorismi expositione primum modum solum attingit, quoniam hic solus exemplo intento accommodabatur.

aphor. 14.

cap. 3. in fine.

CONTRADICTION XXI.

Ascites an sine iecoris uitio.

Galenus sexto de Locis affectis, hanc nititur ostendere propositionem, quòd aqua intercus, quam Græci uocant ὕδρεψς, non nisi iecore laborante fit: seu tumore illud, seu ulcere, seu mala intemperie: nihil refert, inquit, Erasistratum reprehendens. Vnde si quis assatim aqua

cap. 1.

z epota

epota uitiosa id genus morbi contrahere debet, & si imbecilliores partes
 læsæ sint, non tamen fiet morbus is, donec iecur fuerit læsum. Idem etiam
 lib. 10. cap. 20. accidit dum lien tumore detinetur: nam non prius hydropem infert,
 quam iecur uitiauerit. Huic sententiæ Aëtius aperte subscripsit, inquit,
 Impossibile est ut omnino ascites fiat, nisi iecore infrigidato. Verum mul-
 tis modis potest infrigidari iecur: uel ex se, uel ab apostemate duro, uel
 à nimia sanguinis effusione, uel à retentione uitiosi, ut in suppressis hæ-
 morrhoidibus, uel ab aliorum membrorum affectu, ut in scirrho splenis,
 lib. 3. cap. 4. 8. uel à potu uitiosæ aquæ. In eadem sententia est Paulus Aegineta, & Ale-
 xander in suo tertio libro, in duas redigens tantum causas affectum ieco-
 ris, ex seipso, & ab alio contractum uiscere. Sed & Haliabbas hoc sentire
 cap. 30. sect. 2. uidetur clare, etsi in duobus ab aliis disideat, quod non læsa uirtute ieco-
 ris id fieri existimet, sed tamen læsa operatione ne concoquat, & in san-
 lib. 9. Theo- guinem uertat nimix uentriculi imbecillitatis uitio. Et quod ea quæ
 ricæ. cap. 31. Græci in ascitem referunt, illa omnia ipse in hipposarcam, seu sarcitem,
 seu carnosam, uel anasarcam, aut leucophlegmatiam, quam tot nomini-
 bus ex errore antiqui appellarunt, retulit. Sequutus autem uidetur Ga-
 leni sententiam quinto de Locis affectis, qui non solum aquam intercu-
 tem, uerum etiā alia hydropum genera, ab hepate originem ducere exis-
 timat, quod & reliqui Græci sentire uidentur. Sed oppositum habetur
 primò ab Hippocrate qui in secundo Prognosticorum duo aquæ intercu-
 tis genera facit, alterum quod ex iecoris uitio originem ducit: alterum
 quod ex inanis partis. Quæ autem sit inanis pars, docebat Galenus, sub-
 scribens Hippocratis sententiæ ad unguem, dicens esse lactem seu mese-
 rium, & gracilia intestina. A deò autem illud diligenter explicatur ibi, ut
 sufficiat lectorem ad eum remittere locum: nam cum Hippocrates ge-
 nera proposuisset, subiicit & cuiusq; signa seorsum.
 14. 3. trac. 4. Similiter Princeps in tres deduxit causas originem ascitis. Vnam quæ
 cap. 8. est ex materia, & huius causa est iecur. Aliam, quæ separationis uitio acci-
 dit, cum renes debiles non traxerint: nam tunc, inquit, & hæc solum fit
 trac. 13. cap. 3. uitio renum: ut in noua uersione quæ melius iacet, habetur: & hoc est
 quod dixit Zoar in primo Theisr, cum dixit, Et principalis causa ipsius
 ascitis est, ut sit uitium in attractiua renum absque iecoris uitio: sicut
 causa propria hipposarcæ est, cum separatiua uirtus in iecore debilior
 facta est. Tertia causa iuxta Auicennam est, ex uitio transitus, cum im-
 peditur pars serosa transire non potest per urinæ uias, uel obstructionis
 14. 3. trac. 4. impedimento, ut in tumore: uel ruptura uiarum, quæ uretides dicun-
 4. cap. 8. tur, sicut in posteriore loco declarauit: inquit enim, cum post dolorem
 renum, & lapidis exitum succedit hydrops, signum est, quod porus ex
 uret

ureteris dilaceratus est. Serapio in suo compendio nullam renum habet rationem, cum Græcisq; consentit. Rasis in septimo Continentium dixit, Galenus dixit unum in libro de Locis affectis, ex quo sequitur quod possit hydrops fieri absq; iecoris uitio: cum renes ad tantam peruenerint debilitatem, ut non possint quod aqueum est in sanguine, ad se trahere. Ea autoritas habetur in sexto de Locis, cum inquit, Accidit renibus debilitas in qua urina sanguinea emittitur, non aliter quam ea quæ iecori contingit. Ob id iure Rasis dubitabat, cur in hydrope, si iecoris semper est imbecillitas, non apparet deiectionis sanguinea inseparabile ferme signum à iecoris debilitate? Respondet, & bene, quod imbecillitas in concauo iecoris est causa deiectionum sanguinearum, in gibbo ipsius hydropis: uel quod frigiditas est causa hydropis imbecillitas uel obstru-ctio sanguinea deiectionis: probatque secundum dictum: quoniam uidemus tumore in gibbo existente, absque sanguinea deiectione, hydro-
pem sequi.

Illud etiam obscurum est, ac quasi dictis repugnans, quod hydropi-
fis asclites fit, cum uitium est in iecore: tympanites, cum in uentricu-
lo, uel intestinis. Si enim intelligit, quod solum fit asclites cum detri-
mentum est in iecore primigenium: falsum est, ut sæpe uisum est. Sed
si intelligit, quod asclites est, cum iecur quoquomodo afficitur, idem ui-
detur de aliis generibus hydropum: nullum enim tale est, quod absque
iecoris uexatione possit accidere. Sed & adduxit hic uir Galenum ter-
tio de causis symptomatum, ubi multa de hoc agens dicit, Ex quibus
colligi possit asclitem etiam renum uitio fieri. Verum demonstratio
quam adducit in primo de Facultatibus naturalibus id abunde uidetur
ostendere: inquit enim, Vretidibus ligatis nihil ad uescicam defertur:
unde uenæ implentur quæ sunt in directo peritonei, adeo ut disrumpi
uideantur. quamobrem si ita est, illis distentis abruptisque, implebitur
cavitas peritonei, asclitesque fiet. Tandem ex proprio iudicio Rasis sub-
iungit, Dico quod asclites poterit fieri absque uitio iecoris omnino, so-
loq; renum serosam partem sanguinis non trahentium defectu accide-
re. Signaq; huius speciei conatur ostendere.

His tot medicorum dissidiis si quis uelit occurrere, primum ratione
utatur: deinde conetur autorum dicta conciliare: nam aliis in causis uo-
lentes discrepant, uariis inducti argumentis: at in hoc causa dissidii est
ignorantia. uix enim quisquam suaderi potest ut credat morbum qui fit
obstru-ctis uis renum non esse hydropem. Deinde si in hydrope iecur de-
bilius euadit, cur deiectionis sanguinea non apparet? Accidit, quod iecore
patientie imbecillitatem, omnes hydropum species deberent generari: si

trac. 4. cap. 7.

cap. 2.
fol. 154.
col. 3.cap. 3. ante
medium.

col. 4.

cap. 3. post me-
dium.cap. 13. iuxta
medium.fol. 156.
col. 3.

à iecoris imbecillitate omnes prodeunt. Nimis oppidò longus euadam,
 si quæ singuli hac in causa fenserint docere nunc uoluerò: atque id ta-
 men superuacuum erit. Scripsit multa Galenus, quæ interciderunt. Pri-
 mum igitur nomen declarare aquæ intercutis aggrediamur: nam non
 eodem usu antiquitus, & mox Aëtii tempore, & nostro recipitur hoc
 nomen: cùm dicat Galenus in quarta Aphorismorum. Quòd autem
 Tympanites sub nomine hydropis, id est aquæ intercutis apud Hippo-
 cratem contineatur, est manifestum. Sed duplex tamen est aqua inter-
 cus Aëtii sensu accepta, ut tympanitem excludit: non equidem quòd
 ille hoc intelligat, sed quòd intelligere oportuit: statuit enim prius tria
 genera hydropis, Ascitem, in quo aqua inter peritoneum & intestina,
 sed uerius omentum, continetur. ubi autem sit flatus, dicitur Tympani-
 tes. Scio suggillabunt me quidam rudes, quòd in tympanite non dixerim
 aquam adesse: alii, quòd redarguam Aëtium, qui solitus sim reprehende-
 dere Galenum. Inde igitur Anasarcam seu Sarcitem statuit, cùm uniuer-
 sum corpus aqua madens, uelut spongia, & tota caro tumet: hanc Sub-
 tercus, hanc Leucophlegmatium uocat. Inde posterius peculiaria adhi-
 bet huic speciei auxilia, tum etiam sectionem ei propriam. Sed hic Aëtii
 error silentio (cùm plurimum ad curam intersit nosse differentias hy-
 dropum) non est dissimulandus. Principio enim dicebat Hippocrates
 sexta Aphorismorum, Ab aqua intercute habito, si aqua uniuerfa in
 uentrem defluxerit, soluitur morbus. Vel per aquam intercutem intelli-
 git sarcitem, igitur aqua non in solidis, sed in uenis continetur, dicente
 Galeno in commento, Simile est hoc operi medicamento, nam aqua in
 uenis existens ad uentrem trahitur. Si uerò de ascite intelligit, erit pri-
 mo intercus ascites, & non sarcites: deinde ascites sub peritoneo aquam
 non habebit, quod tamen omnes medici, & ipse pariter Aëtius fatetur.
 Nec est quod differentiam facias intercutis ac subtercutis, cùm hæ sint
 flammeariorum istorum, qui uertunt lasciuiæ. Græca uox una est: hi,
 ut solent, in scyrpo, ut dici solet, nodum quærunt. Ergo rursus ibidem
 cùm dixit, A diuturnis sanato hæmorrhoidibus: nunquid Galenus
 per aquam intercutem potius ascitem quàm sarcitem interpretatur: fie-
 ri enim inquit refrigerationem iecoris. Sed dices, aqua intercute labo-
 rantibus ulcera in cute facta difficulter sanantur. Respondeo, quia aqua
 in uenis non humor in solidis continetur, ut mox declarabo. Sed & in
 primo de Naturalibus facultatibus cùm dixit, fieri sarcitem uel anasar-
 cam cùm id corrumpitur, quod adhæsit nondum tamen agglutinatum
 est: si igitur adhæsit, quomodo diffluere potest, ac spargi ut aqua?
 Quid dicam de aqua intercute in qua excindi uentrem ac uniuerfa
 effluere

effluere periculosum est? nunquid hoc in sarcite fieri potest, & de ea quæ letalis est, cum tussis superuenit? an in sarcite uult Galenus aquam can-
nulas asperæ implere arteriæ? & in ea quæ uenit uitio splenis. Nimis im-
pudens iam sit negare sarcitem aliud esse ab aqua intercute. Propterea
alibi Galenus dicebat quibus in uenis & uniuerso corpore alba pituita
coaceruatur, aqua intercus illa superuenit, quæ leucophlegmatias appel-
latur. Liqueat igitur ex hoc sermone, quod per aquam intercutem Hip-
pocrates exquisitè Hydropem, id est illius omnia genera intelligit. at nec
leucophlegmatiam esse contenta aqua, sed in membris alba pituita, quæ
ab aqua multum differt, quod fluat, neq; citrina sit: unde sarciti minimè
illa sectio conueniet. Huic sententiæ Galenus subscribit in quarto regi-
minis acutorum, dicens: Qui duas species hydropis statuit, defecit in nu-
mero: qui quatuor, abundauit: nam tres sunt, quarum duæ inter perito-
neum & uentrem fiunt, tertia in uniuerso corpore. In secundo etiam ad
Glaucanem inquit, Cura quæ hydropi debetur, in qua aqua sub perito-
neo coaceruatur, eadem aquæ inter cutem conuenit. Liqueat igitur sarcit-
en esse, cum pituita continetur in membris. At aliud est genus iutercutis
cum aqua effunditur passim in membra ex uenis. Fit & tertium genus,
cum absq; tumore uentris colliquatur congesta pituita.

Sunt igitur tantum tria genera ab initio: uerum ex his euadunt in
quinq;. Non est autem credendum urina tantum in uenis contenta fieri
hydropem: namq; membra trahunt quod sibi utile tantum est, ut Gale-
nus inquit: quare cum delinquit iecur in coquendo, renes non trahunt:
ipsum tamen expellit quod inutile est: refudat igitur ex uenis in uen-
trem, atq; id sensim: purior autem pars ad renes trahitur: ob id cum ascli-
tes fit, urina minuitur, nec tamen tota perit. Si autem renes non trahe-
rent, aut uasa frangerentur, sanguineum esset quod in uentre continere-
tur: at non uitiatum sanguine, quamuis aqueus sit, urina multa emittitur,
nec spernitur à renibus: hydropemq; minimè incurrit. Sed si caua iecoris
uitientur, fluxus fit sanguineus: non est enim in uenis quod trahat, sed iecur
trahit ab eis atq; expellit. Vnde non cogitur refudationem facere,
cui succedat hydrops, sed si ui contineatur. At neque hydropi asciti
succedet sanguinea deiectio, nam est conuexa iecoris in concauam nimis
uioleuta per tam exiles uenas reiectio fieret: atq; in ea etiam aqua non
sanguis remitteretur. Quod fit, ut duas quasi in iecore formas ac substan-
tias sanguis acquirat: Priorem etiam in uenis, aliamq; in dextro cor-
dis uentriculo: aliam in sinistro, aliam in cerebri membranis. Sed non
omnes speciem mutant, uerum tres tantum: uenæ, quæ imperfectum ge-
nerant: iecur, quod optimum, sed non sentientem: & cor, quod creat sen-
tientem, id est talem, quod possit animal sentire. Ob hoc animalia omnia

6. Aphor. 27.
Aphor. f. 35.
Aphor. f. 43.

7. Aphor. 70.

com. 111.

1. de Semine.
cap. 5. & 1. de
Fac. nat. c. 15.

cordi proportionē respondens membrum habent, aut cor ipsum: plantæ autem iecori: generatur etenim & in his succus, qui tot partibus seorsum alēdis idoneus est: atq; id membrū uel cortex est, uel medulla: nulli enim quod sciam ligno hoc inest. Sed & si sanguis regrederetur, nutrirēt circumuicina loca, ea enim aquoso nutriuntur sanguine. Si igitur frangatur ureteris, aut tumore obstruatur, non fiet in altero tumor uentris: quoniam iecore bene affecto sanguis serosus per uenas permeabit, redundansq; ad cor primo febrem, deinde mortem suppressa urina inferet: multosq; sic periisse uidimus breui admodum tempore: alios in x l. alios in x l i i l. quosdam etiam arctarum uenarum & pingues in v l l. diebus suffocat enim serosa copia. Non igitur tumescit in his uenter, quoniam moram non contrahit sanguis, nec erodit uenam naturalis humor. Si uerò frangatur ureteris, inflatur uenter, sed hydrops non fit, imò peracutus morbus: putrescit enim sanguis qui exit, & hominem iam morbo imbecillum occidit intra quatuor dies. In his nihil aliud cernitur quàm dolor renum, inde tumor cum morte succedens: impossibile est enim quòd fracto ureteride amplius lapis excernatur: aut quòd excreto illo iam fractus sit ureteris, etsi illud Auicenna & Rasis perperā aliorum imaginationes secuti, dicant: non existimātes uires rationū. Palam est igitur Auicēnam, & Auenzoar, ac Rasin nec Galeni mentem, nec ueritatem assecutos esse.

7. con. c. 2. fol.
157. col. 2.

Rursus fiat uitio imbecillitatis renum, si fieri potest: in his rursus nulla penitus hydrops fiet: sed primo conabitur, si leuis est morbus, impletis uenis per sudorem excernere, demum crustæ & papulæ toto corpore apparebunt: aliiq; morbi uarii, ac forsan leucophlegmatia, non enim nutrirī corpus bene hoc sanguine potest. At quia hoc nouum est, dicamus iuxta Galeni sententiam, fieri leucophlegmatiam, cū diminutē concoquitur sanguis: etenim non posset omni corpori hic affectus esse communis, nisi uitio eius membri ex quo totum corpus generaliter nutritur. Ergo mala coctio facit ut leucophlegmatia generetur: nimia frigiditas sanguinis ferosam partem multiplicat, quam non trahentes renes putredo corrumpit, refudatq; per ureteras in spatium sæpe dictum. Quoniam igitur frigidius est iusto iecur, plurima ac praua serosa pars in sanguine gignitur. hæc ut inutilis à renibus non trahitur, sed putrescit, refudatq; ob moram & acuitatem in uentrem, & generatur hydrops ascites: antè uerò fit ascitis genus, in quo corpus propter uenas impletur aqua, nec tamē tumet uenter, atq; in hoc solo fermè, quamuis & in leucophlegmatia aliquid iuuat cutis sectio, quam Aëtius consulit, strenuè auxiliatur. Indicio est, quòd tales nisi curentur, in ueram tandem transeunt ascitem. Sed de tympanite dicebat Galenus, quòd à minore frigiditate fiebat quàm ascites, ob id ratio discriminis est manifesta. Fit autem tympanites uel solius iecoris uitio, cū

3. de Sympto.
causis, c. 1.

4. Aphorism.

cum modicę asciti calor iungitur iecoris, & hæc pessima est, tum quia causam effectui contrariam habeat: tum quoniam in ea est uterq; morbus, ascites & tympanites. Fit & cum ob uentriculi uitium subtilior pars ex cibo transit in spiritum. Propterea dicebant Rasis, & Auicenna concordes, Tympanites ob uentriculi uitium maximè fit, ut ascites ob iecoris: nam si iecur nimis incalescat, uenterculus autem non concoquat, cibi pars in flatum digeritur, quæ subtilior est. Atq; utinam ego intelligerem unde hic esset transitus ex iecore in cauum peritonei, quin potius per intestina & meserium digeratur. Auerroës cum sua discretiua uirtute facilem fugam habet, inquit enim: Cum non fit separatio in iecore aquosæ partis à sanguine, tunc fit ascites: cum uerò materia aquosa à calore exurit, fit tympanites. Et ideo dicit & ipse, quòd hic morbus ob contrarietatem causarum & producti, est difficillimæ curationis. Et recitat opinionem multorum, qui crediderunt aquam illam refudare ex uenis, quæ ab umbilico ad iecur tendunt, quibus fugit infans nutrimentum à matre dum est in utero. Sed dissectio ostendit, quòd illæ uenæ in adultis sunt ex toto aridæ: quomodo igitur transmittent aquam? Deinde si sic esset, possent etiam fieri Hydropici stante iecore ex toto illæso. Conciliator ponit hydropem sarcitem fieri absq; uitio iecoris, nec potest differentiam tradere harum, nec docere quomodo omnis hydrops iecoris uitio fiat. Ostensum est etiam suprà, hoc omnino esse non posse, ut sarcites absq; iecoris noxa fiat. In ascite etiam existimat aquam illam per arterias siccas penetrare, quæ à iecore ad uescicam tendunt: quibus serosa pars, dum in utero infans est, à iecore propellitur in uescicam, ac matricem. Sed hæc omnes, ut dixi, nugæ sunt, & imaginationes, ut de Auerrois uenis dictum est. Illam uerò separatiuam, quod non detur, iam suprà ostendimus, si per separatiuam intelligamus discretiua.

Conati sunt quidam ponere distinctionem inter genera hydropum, ut ascites à frigiditate maxima fieret iecoris, à mediocri tympanites, à minima sarcites. Sed si ita esset, oporteret ante ascitem fieri tympanitem, ante hanc rursus sarcitem, quod non uidemus: nunquam etiam possent simul esse, aut semper, quorum neutrum accidit: namq; uidemus asciti tympanitem aliquando, aliquando sarcitem, quod rarius est, commisceri. At uerò quòd hoc futurum sit, planè apparet: quia maxima frigiditas potentia minimam & mediocrem semper continet, actu nunquam. Est etiam genus quoddam hydropis repentinum, & forsàn proprium ab Hippocrate dictum in septima Aphorismorum: Quibus hepar aqua plenum in omentum eruperit, uenter repletur, & moriuntur. Galenus exponit, uescicas in membrana hepatis aqua plenas exoriri, ac disrumpi. Inde manifestum est quòd tunc tanta cavitatis, ut illi opinantur, repleri nequit: sed

3. Collec. c. 21.

different. 102.

Aphorism. 55.

succe

3. de Part. ani-
mal. cap. 5.

successu temporis paulatim ex iecore per eius substantiam aqua penetrat: atq; hic mihi modus uerisimilior causæ hydropis uidetur. Sunt qui credant per membranas etiam aquam penetrare, quoniam sudor sanguineus quandoq; effluat, ut Aristoteles & Galenus fatentur. Sed mihi hoc difficile uidetur, cum non sit quod impellat: constat enim exemplū esse dissimile. Sed ad rē redeo. Quibus Tympanites fit, his in iecore plurimū generatur primo flatus: sed unde exeat, hic est difficultas. In pestilentibus etiā febribus tympanites fit, non autem in ardentibus, quoniam spiritus uitalis resoluitur: unde plurimi sub morte in acutis fiunt Tympanitici, & mortui turgent: hoc autem singulis diebus inspicere licet, quare sola frigiditas non sufficit tympanitem excitare: sed quæ destruit uitalem calorem, & alium igneum eius loco accendit. ea de causa non iuuat sectio peritonei in tympanite, cum tamen totus flatus illico ex uulnere excedere debeat: nec enim idem est de tympanite, quod de ascite, ubi tempore indigemus, & conatu, ad aquam quæ sub uulnere iacet extrudendam. Aër sponte exit ab omni parte, sed ubiq; continetur, & non in cavitatē solū: exiguū uerò aquæ quod in imò residet, cum uulnus occluditur totam tragediam rursus excitare solet, nam iecur & ipsum flatu plenum est. Ergo cum uenæ in intercute solū tument, & crura, nondum autem uenter, saluberrima est incisio quam Aëtius consulit, per paruas sectiones: atq; sic ego unam iuuenulam perfectè sanauī in domo Alberti Varisii, quæ postmodum nupsit, & in fine anni denuò correpta morbo, dum aquam incredibilem per plures dies haussisset, quamuis me uocassent, ab immenso potu temperare non poterat, adeò malum inualuerat, mortua est.

Par. 9. Apho-
rism. 63.
cap. 75.

*lib. 3. scientiarum hinc
innotat Gal. 3. de
diff. q. de locis affectis
inscribitur,*

Omnis igitur hydropis causa, iuxta Galeni sententiam est ex iecore: quod & Rabi Moyses in suis Aphorismis uidit. Quo ex loco colligitur, librum Scientiarum Galeni eundem esse, qui apud alios interiorum, ut etiam ex secundo Artis medicæ habetur, nunc de Locis affectis inscribitur. Quæ autem sit uitio uenarū in mesereo, parū differt ab ea, quæ ex iecore: nam hæ uenæ sunt partes uenarum iecoris. Placuit tamen Hippocrati distinguere: nec solum calidis morbis, præcipuè febribus, Hydrops succedit ob caloris innati resolutionem, sed ob usum frigidorum immoderatum: præcipuè uerò in senescentibus. Species uerò tres esse diximus, quarum una atq; altera bifariam diuidi potest: Tympanites absq; aqua, & cum aqua: ascites in uentre & uenis, & in uenis tantum. Sarcites quæ leucophlegmatia & in qua mēbra potius proprio, quàm alimēti uitio nutrirī desinūt, ut in hæcticis & morituris quæ pessima est, neglectaq; à Galeno, ut quæ curam non susciperet, cum tamē eius in genere meminisset, nā & ipsa sarcites uocatur. Qui uerò tympanitis frigidā & siccam intemperiem,

periem, ascitis frigidam & humidam, iecoris causam esse diceret, sarcitis frigidam tantum, nihil repugnans autoribus & experimento affirmaret: & aliquid subtilius inuenisse uideretur. Nec tamen omnis frigiditas Hydropem facit, nam quidam natura tales essent: sed quibus multo minor, quam pro caliditatis præternaturalis ratione respondeat. oportet igitur multum attrahi, frigiditatemque adesse, corruptionisque modum: at frigidum, cum humido coniungitur, maius apparet: propterea dixit Galenus maximam esse frigiditatem in ascite tympanitis comparatione: tum etiã, quia ibi calor malus uiget: ob id nihil deterius ciborum copia.

CONTRADICTION XXII.

Sedimentum urinae an in iecore generetur.

QUicquid alimenti in sanguinis generatione naturæ refugit coctionem, illud in urina subsidet, & fit sedimentum: dixit Galenus primo Prongosticorum: subiicit etiam, quod est particeps causæ præter naturam. Et in tertio Medicæ artis: Cumque corpus temperatum optimo

com. ult.

uitæ regimine utitur, nihil circa deiectiones aut urinas peccatur. Clarius

cap. 2. in fine.

in primo de Crisi: In pueris, atque ijs adultis, qui otiosam uitam agunt,

cap. 12.

antequam in uentriculo alimentum perfectè concoquatur, multa pars tamen etiam in uenis crudi humoris refecatur, quæ tota in sedimentum

urinae transit: unde fit, ut qui ex otio & crapula febricitant, multum

habeant in urina sedimentum: qui uerò biliosi ex inedia & laboribus,

nullum. Oppositum primo de febrium differentiis: In apostematibus

cap. 6.

pus quidem fit superante natura, in uenis autem & arteriis, dum humores concoquuntur, quoddam quod puri proportionem respondet, subsidens

4. collectan.
cap. 24. in initio.

in urinis. Et rursus Auerroës: Hypostasis est superfluum tertiaræ coctionis: quare non fiet in iecore. Auicenna uidetur sentire, quod sit id quod

per malam coctionem in iecore generatur, cum dixit, Et non oportet ut

quærat Hypostasis in urina sanorum: ipsa enim non est necessaria nisi in ægris: si enim esset superfluum alimenti, semper inueniretur. Sed

secunda primi
doc. 3. summa
2. cap. 6. col. 1.

huic contradicit quod dixit in quarto libro: Urinae in acutis febribus non

habent sedimen, deinde habent ipsum. Quid autem est sedimen, nisi humor qui febrem facit, qui iam concoctionem est assecutus: est tamen hypostasis significans super hepatis dispositionem, imo urina ipsa super uen-

sum uniuersum genus, ut habetur à Principe, & quarto de Tuenda sanitate. Inquit enim Princeps: Et eius quæ est in odore herbarum, causa est

Trac. 2. sen. j.
c. 7. post med.

hepatis adustio. Pro solutione dixerat Trusianus in sua disputatione singulari, & Iacobus de Forliuio in questionibus super secundam primi Auicennæ eam repetit, quod Hypostasis tam in sanis quam in ægris fit in

A iecore

secūda primi
ubi supra.

cap. 5.
quæstione 55.

2. prognosti.
com. 26.

4. aphor. 74.

prima quarti
trac. 4. c. 3.

iecore per malam coctionem. Ad Galeni auctoritatem dixit, quod illa est pro ipso: nam si esset ex humore putrido concocto, esset pus, non sedimē: cum igitur natura sedimen emittit, indicat quod adeo est ualida, ut non solum noxium humorem concoquere possit, sed etiam sedimentum. In febrium igitur initio indicatur per crudum sedimentum quod natura est occupata circa humores. Sed quomodo significabit Hypostasis coctionē bonam iecoris ac uentriculi? respondebit quod in perfecte sano nihil horum est, incoctam enim materiam significat. Sed ut mihi uideatur Galenus in primo Prognosticorum uult, quod dealbetur à solidis, quare in tertia coctione fiet: & etiam quia sanorum urinam exquisitē cum sedimento depinxit. Liquet enim, quod hæ sunt cum substantia mediocri colore subrufo. Tertium igitur signum etiam ad sanorum urinas pertinet. Opinio uerò, cui magis Iacobus fauet est, quod in tertia concoctione generetur, sed cum multa est pars superflua aut pori obstructi, tunc descendit cum urina. additq; præter id quod in morbis est pars eius quod reduci ad benignum potest. Dictum primum ut dixi, contra Galenum est, ut docui: nam in exquisitē sano sedimentum in urina apparet, nec tamen in omni: & hoc solum uoluit Auicēna: uelut sani est habere dentes triginta duos, nec tamen omnis sanus habet, sed solū qui perfectissimi est temperamēti: sanus enim ieiunus, biliosus, laboribus & uigilia exhaustus est, nec habet sedimē in urina, & tamen sanus est. Sanior est, qui habet, quā qui nō habet, hoc Galenus uoluit: ille, quod nō necessariū est habere eum qui sanus sit. De humore autē dixi, quod nihil est ad peccantē pertinēs. Galeni auctoritas sic debet intelligi ut iacet: eius enim opinionis est: quare iuxta illū in sanis quidē sedimētū fit ex materia sua in iecore, & formā acquirit in uenis: in ægris autē pars est materiæ peccantis. At nos, ut diximus, cum uideamus in morbis sedimentū quale in exactē sanis, impossibile est, ut sit pars materiæ cōcoctæ, quæ omnino est inutilis, & puri cuidā similis. Galenus parū aliquādo cōsideratē ista protulit, quæ si sequamur in infinitos nos adducūt errores: si negemus, audaciores, ac pertinaces iudicamur: præcipuē apud hos nebulones, qui se Galenicos nō ἀληθινός iactant. Nam si materia est quæ cōcoquitur, cur in crisi quæ per urinā fit, nunquam uideamus sedimenta optima, sed materias quæ in fundo residēt ac turbulētas? Emitteret etiam materiam hoc modo peccantem absq; crisi. atque etiam crudam: quod in omnibus fateri morbis piaculū est: aberraret enim semper natura. In pestilentibus etiam morbis homine pereunte optimum apparet sedimen, quare aliam habet hoc causam. Quid quod si iam in sanis sponte adest, cur hoc ex morbi materia expetendum. Concordamus igitur cum Galeno in sanorum sedimento, quod alibi materiam, alibi formam suscipiat. Vgo autem nostrorum temporum more longam facit quæstionem, in qua opus habuit solo scriba.

HIERONYMI CAR-

DANI SECVNDI LIBRI CON-

TRADICENTIVM MEDI-

CORVM TRACTA-

TVS IIII.

CONTRADICTION I.

Lac an febricantibus utile.

Lac dare caput dolentibus malum : malum uerò & febricitantibus, & quibus præcordia suspensa murmurant, & siticulosis : malum autem & quibus in febris acutis bilioſe sunt deiectiones, & quibus sanguinis multa deiectione facta est. Conuenit autem tabidis dare, qui non ualde multum febricitant, & in febris longis & paruis, si nullum ex supradictis signis affuerit, & præter rationem cõsumptis, inquit Hippocrates in Aphorismis. Octo in casibus lac prohibet secundum Galeni expositionem: nam uerba illa, Et quibus præcordia suspensa murmurant: sic legit: Quibus etiã præcordia sunt suspensa, & murmurantia. nam Græca lectio etiã id admittit, ut sint duæ partes, *καὶ ὅστις ὑποχόνδρια μετέωρα καὶ διαβορροῖντα*. Item eam partem, quæ ad febres, & bilioſas deiectiones attinet, in duo diuidit: quò fit, octo ut in casibus haud cõueniat, probetur autẽ in tribus, Tabidis, & febris longis ac paruis, tum etiã præter rationẽ cõsumptis. Sunt qui uerbũ *φαινόμενοι* iuxta rei naturã, & dictionis uim, & Celsi autoritatem, nõ tabidis, sed phthificis interpretentur, ut Braſauolus, nec malè in suo commẽtario. Aduertit & aliã, quã habebat in suo codice lectionẽ, ubi pro *βληροῖσι*, quod est debilibus, uel paruis, ut dictũ est, febris, legebat iuxta Orisbasii interpretationẽ, sed nõ secundũ Galenũ *βληροῖσι*, id est, tussi uexatis. Emẽdat uerò Galenus ea uerba, Qui non ualde multum: ad sensum trahens rei magis conuenientem, & orationis tollens absurditatem, sic legendo, Qui non multum febricitant.

par. 5.
aphor. 64.

lib. 3. cap. 22.

Hæc sunt quæ prius ante aggressionẽ, de emendatione Aphorismi lectorem monere uolui: nunc uerò uideamus, quas patiat diffcultates. Nam quarto Regiminis acutorum dat in causõne, lac asinæ, febre, ut inquit, uehementi, & cum oris amaritudine. Tum etiã alibi in eodẽ libro, in cura Paraplexiæ, Epilepsiæ, Vertiginis, & grauitatis capitis. Videtur autem ex octo conditionibus, si quis diligenter uelit cõtẽplari, septẽ priores damnaſſe exceptiones his tantum in duobus locis, ut iam nihil quod

com. & text.
7. & 1. & 2.co. & text. 29.
& 27.

A 2 prohib

prohibeat superfit præter extremam multam sanguinis deiectionē. Sed
 post princip. & in Eratolai puero lac præbuit ter, septimo Epidemiorum: primum cum
 febre laborasset, & multa biliosa ac tenuia demississet: aderat tamen inte-
 1. ad Glauco. stinorum difficultas, quo in casu & Galenus lac bibendum dat. Non igitur
 c. 14. in princ. hoc absolute uerum est, quod in febre cum biliosa deiectione lac non
 in princ. conueniat. Conuenit & in uulux stragulatione, ut in libro de Natura fo-
 minea, nec purgandi causa dabat sed à purgatione. Verum ad primum
 institutum reuertor: Dedit, quicumque fuit eius libri Eratolai puero autor,
 lac primo, aut serum decoctum: post autem quadragesimum diem, cum
 tabes urgeret, & tamen doloribus & murmure uentris premeretur, dedit
 lances Atticas nouem asinini lactis per duos dies decocti, ex quo potu iu-
 uatus est: cessauerunt enim dolores, & purgatus est, & appetentia cibi re-
 diit. Tercio uero dedit bubulum lac cum modico aquæ ac uini, duobus
 in libro de ex cyathis. Est autem cyathus drachmæ decem, uel ad summum duodecim,
 pondribus. ut Galenus refert. Lanx Articorum dimidio maior, nam quatuor hemi-
 nam, quæ ex sex constat cyathis, conficiunt. Sed & in libro secundo de Fo-
 fol. 4. minarum morbis, in profluuio alborum mensium post bilis purgationem
 præbet lac asinum: si tamen, inquit, exanguis sit mulier, aut statuosa,
 uel lienosa, ne dederis. Illud ne obiter prætereundum duxerim, quod in
 extenuatis bubulum lac ibi, non asinum præbet ad cyathos usque sex, à
 duobus initium sumens, deinde per singulos dies uno addito, donec eum
 iuxta finem. numerum adimpleuerit. coctum etiam plerumque lac Hippocrates ex-
 hibet: tum etiam aquam lactis in febribus minore periculo, ut in tertio
 de Foeminarum morbis, cum febrienti à puerperio caprini lactis aquam
 dum non purgatur exhibet. Dicebat autem in secundo de Victus ratio-
 fol. 2. ne: Lac omne nutrit, ac mouet, præter ouillum, quod sistit, asinum
 uero & equinum plus reliquis mouent, inde caprinum, minime omnium
 bubulum seu uaccinum. his uerbis differentiam omnem lactis perquam
 cap. 15. distinxit. Sed iam ad Galenum ueniamus. Hic in tertio de Alimen-
 3. de histo. ani tis Aristotelem sequens hunc ordinem statuit, subtilissimum cameli-
 mal. c. 20. num, post equinum, inde asinum, mox caprinum, post ouillum, cras-
 sissimum autem bubulum. Quod fit, ut in ouilli & bubuli comparatione
 ab Hippocrate discrepet, nisi quid inter mouere & substantiæ tenuita-
 tem intersit: subiicit enim, quod plurimum habet serosæ partis minime
 cogitur in uentriculo subducitur; aluum, atque in hoc præcipuum est asini-
 num: ut enim serosa pars subducit aluum, sic caseosa sistit. Subiicit etiam
 fol. 5. omne lactis genus offendere hypochondria, caput, & dentes: crassum
 uero & caseosum etiam iecur & renes: quod & Hippocrates testatur in
 libro de Capitis uulneribus: inquit enim, Lac prauum pueris nocet,
 atque in eis calculum generat, si calidum fuerit ac biliosum. Non
 igitur

igitur casealem substantiam accusat, sed biliosam, quæ renes & uescam adurendo calculum creet. Illud etiam mirum, cur Galenus non potius equinum & camelinum asinino prætulerit, si sunt tenuiora. Ut uerò non coaguletur, & uentrem moueat, sal & mel addit. Rursus ut maximè sistat, lapides ignitos in eo extinguit, aquamq; addendo denuò reperit: sic enim serosam non solum partem amittit, sed etiam ab acredine spoliatur. Iuuat autem omne lac pectus & pulmonem, & syncerum ac naturale boni est alimenti. Sed oxigala quasi ad naturam recoctæ accedit, ac casei, biliosis temperaturis conueniens: sed lapidem & obstructions generat. Verum de lactis partibus in superiore tractatu iam diximus. Porro difficultatem inter Hippocratem & Galenum de ouillo ac bubulo lacte ipse Galenus in libro de Cibis boni & mali succi dissoluebat: nam bubulum plus habet butyri, ouillum plus casei: unde pinguis bubulum, crassius ouillum meritò dici potest. Subiiciebat ibi mediocritate substantiæ caprillum omnibus præferri: quibusdam tamen in uentriculo maximo cum periculo coagulari: unde mel & sal addere consulit.

Propter hæc quinto de Tuenda sanitate, ubi lac laudat, quòd præter optimum alimentum etiam uentrem mediocriter subducatur, ubi illud ab ætate animalium à natura & à uictu eligere docet: quæ tria sunt in eo semper obseruanda, asininum ob tenuitatem, & caprillum ob mediocritatem alternatim exhibet. nam tutius asininum, in sanis melius caprillum. igitur sedata controuersia, ex eo loco alia protinus enascitur. Nam in decimo de Simplicibus medicamentis, cum docuisset ipsum eligere odore nullo penè ac grato, tamen sapore iucundo ac dulci, muliebre præfert omnibus, inde quòd ex animali carnes habeat suauissimas ac humanæ persimiles. quare tamen suillum damnat, ut crudum & aqueum, ouillum uerò caprillo & asinino non præfert: multum enim refert scire quale lac sanis aut ægris maximè conueniat: nam ægris salutem, sanis longissimam quandoq; præstat uitam. ut de rustico, qui centum excessit annos, retulit Galenus in quinto de Tuenda sanitate, ob lactis usum. Igitur Galenus in septimo Artis curatiuæ, dum siccam curat uentriculi & totius intemperiem tres posuit ordines: Primum, qui optimus, ut lac ex mulieris ubere fugeretur. Huic proximum, ut bibere uellent, si fugere recusarent. Post hunc, ut asinam fugerent, si humanum abhorreant, uel si nolint, calidum euulsum bibant. constat enim, si uel refrigeretur, uel moræ paululum contrahat, illico plurimum detrimenti accipere. quod & in decimo de Simplicibus medicamentis testatus est. Sed in decimo Artis curatiuæ, dum curam hæcticæ tractant, lac exhibet asininum tanquam præstantius, nulla humani mentione habita: periculum tamen dicit imminere ne coaguletur, ob id mellis exiguum adiicit, cum tamen dixisset in

lib. 3. de Aliment. c. 16.
Contradic. 4.

post mediū.

cap. prop.

cap. 6. in init.

cap. 11. in princ.

tertio de Alimentis hoc lactis genus ab hoc periculo maximè abesse, nisi quòd ibi comparatiuè loquitur & in sanis, hic ob timorem febris ueretur coagulationem. Nec est ut credas humanum debere præponi in hoc casu, nam iure prætermisit, ut in febre coagulationis periculo obnoxium. At ubi error, inquit, in his uel minimus acciderit de eis actum est. Melius igitur, in sola sicca intemperie & senectutis hæctica, ut familiarissimum humanum, in hæctica febre ut tutius asininum præferatur.

post medium. Declaratum est autem lac omne dentibus nocere, ex tertio de Alimentorū facultatibus: sed in libello de Facile parabilibus Galeni genui-
no, dum de dolore agit dentium, dixit, Lacte asinino os frequenter col-
luatur: ultra enim quòd dolorem eorum sedat, illos etiam confirmat. Vi-
dit hanc difficultatem Auicenna in secundo sui canonis, & propterea di-
xit, Lac omne & si uitiet dentes, asininum tamen iuuat. Soluebat hoc
cap. 442. Aëtius libro secundo, dicens, Lac erodit gingiuas, & corrodit dentes: asi-
ninum tamen ob sui tenuitatem non solum non obest illis, sed etiam eos
cap. 94. iuuat, ac confirmat. Quòd fit, ut intelligamus, caseosam partē & pinguem,
esse quæ noceat dentibus. Dicitur igitur Galeni solum de capite & hy-
pochondriis intelligendum erit, non autem de dentibus, quòd ab omni
lacte lædantur. Accedit alia dubitatio: nam si lac nocet habentibus hypo-
chondria suspensa, aut murmurantia, cur igitur ad illorum dolorem le-
uandum asininum præbet Hippocrates quarto Regininis acutorum, in
cholera morbi cura? in quo iam dixerat adesse uentris inflationem ac stre-
pitum. Dicebat uerò Galenus, lac asininum subducere uentrem, & lenire
dolores, esseq; omni alio lacte humidius. At uerò quòd dolores prorita-
set lactis potus, declarauit Hippocrates exemplo in quarto Epidemio-
rum, & Galenus in Commento Aphorismi recitati. quoniam pacto igitur
sedabit dolores? nisi esset quòd duobus in casibus conuenit, cum uel ulcus
adest: eo enim expurgato etiam consolidationem adiuuat. Vnde etiam
cap. 442. trac. Princeps laudat in secundo & tertio Canonis illius exhibitionem, tam
2. ca. 7. in pri. per os, quàm in clysteri in ulceribus intestinorum. Secundus est, cum ex
expurgatione acrium humorum speratur auxilium: nam asininum lac
illud præstare potest. In Aphorismo uerò abhorret lac pro cibo biliosas
habentibus deiectiones, non medicamenti uice.

Decimaquar-
ta tertii, trac.
4. c. 13. Dicitur uerò cum sit ex initio, & ex secundo de Morbis foeminarum,
lac non conuenire lienosis, Auicenna tamen camelinum etiam iecori ac
lieni tum hydropisi mirum in modum conferre affirmat in lactis enarra-
tione, alibiq; iungens etiam caprinum lac in asclitis cura, quòd multos
aberrare fecit. Laudatur etiam in cura cachexia ab eodem lac camelarum:
ueruntamen urinam adiungere etiam illarum ei uidetur. Sed & in omni
specie asclitis à proprietate illud mirum in modum laudat in genere,
quòd

quòd detergat. Ex hoc tamen caprinum & camelinum iuxta differentiam animalium præfert. Necnon & in duritie splenis & apostemate dicit, quòd lac camelarum est mirabile. Hic mihi dicendum uidetur, quòd Galenus non exquisitè, nec Hippocrates agnouerunt camelini lactis uires: nam & Dioscorides absolute pronuntiauit, omne lac iecori & lieni obesse, camelini nullam facit mentionem. Indicio est, quòd nec Serapio eius meminit, dum de lacte agit. Sumpsit igitur hoc à Rasi Princeps, cum dixit in tertio ad Almanforem, quòd lac camelinum confert habentibus corruptam iecoris temperiem, doloremq; in eo. & in septimo Continentium ex autoritate Georgii dixit, quòd lac camelinum iuuat hydropem sumendo uncias xviii. cum uncia urinæ earum. Adducit etiam librum cui titulus est Horribilium. Constat igitur hoc non esse Græcorum inuentum sed Arabum. Coniectari etiam licet ex dicto eius alio cum autoritate Bimmasux inquit, Lac camelarum falsum est, & acre iecoris obstructionibus à crasso sanguine utile. Constat huius saporis Galenum haud meminisse. Facit enim Rasis duo capita de lacte, in suis Continentibus, tertium septimi libri perbreue: atq; alterum in uigesimo tertio, ubi prolixè lactis utilitatem prosequitur. Agnouit igitur eo teste & Rufus camelinum lac, dicens tardè illum è uentriculo descendere, quamuis non multum serosæ partis habeat, aut forsàn legendum est, Quamuis habeat. Vnum fat est, illum expertum esse, quòd difficulter concoquatur: subtilissimæ tamen inter omnia substantiæ illud esse affirmat. Sed Iudæus addit, quòd corpus corroborat. Ex quibus facillè conditionibus dignoscitur, qualis natura sit camelini lactis. Tria tamen iubet nos in eius potu obseruare. Primum, ne ante x l. dies à camelæ partu. Secundum, ne in hyeme. Tertium, quod antea dixerat, ne non absq; delectu ciborum bibatur: nam uel cogitur in uentriculo, uel non iuuat. si tamen uentrem laxauerit nimis, ferri scobe in illo posita corrigatur. Ergo reliqua lactis genera lienosis aut hepaticis parum conferunt. Lac uerò asininum non illis nocet, equinum ex illius sententia etiam menses prouocat. Sunt qui legunt humidissimum, ex libro de Alimentis, quia *υγρότατον*: sed perperam non admittente contextu. Sed illud mirum, quod ibi addit, Lac muliebre cæteris magis nutrire. Ego, Melius, legerem, potius quàm, Magis. Sed & illud non conuenit Dioscoridis in initio sermonis de lacte, quòd bubulum, & asininum, ac equinum, magis moueant ac turbent uentrem, quàm ouillum, atq; caprinum. Nam de asinino, & equino uerum est: de bubulo non uidetur, nisi per *ευκολιώτερα*, intelligat utrunq; extremum agentia, illa quæ moueant: bubulum, quòd sui grauitate & alimonia uentrem turbet, nusquam concesserim contra Galeni sententiam, bubulum magis mouere uentrem, quàm caprinum: nisi quòd cum dulcius ob

decimaquinta
terti, tract.
2. cap. 7.
lib. 2. c. 63.
in de Simpli.
c. 457.
cap. 15.

cap. 2. fol. 157.
col. 3.

lib. 23. c. cap.
699. fol. 465.
col. 1.

ibid. col. 2.

fol. 466. col. 1.

ibid. fol. 463.
col. 4.

pingued

pinguedinis copiam sit, in aliquibus id efficiat. Sed & lectio sua Rasis lectioni astipulari uidetur, cum inquit, *τὸ δὲ τῆς γυναικὸς γάλα γλυκύτατόν ἐστι καὶ τροφικώτατον*, id est, Mulieris lac dulcissimum est, ac maxime nutriens. Ego superlatium illud ad Optimè nutriens, non ad Maxime, transferrem: constat enim bubulum humano esse pinguius, quare etiam magis nutrire, at non melius hercle.

Sed postquam ad Dioscoridem uentum est, ille à colore, quòd sit candidum, à substantia, quòd sit mediocre, & quòd ungui impositum non diffuat, lac probat. Galenus, ut uidimus, à sapore & odore. Paulus septem notas ascribit, quod mediocre sit, & laudabile substantia, colore, odore, sapore, copia, quod impositum ungui claritatem habeat æqualem, ac medicriter diffuat: denique quod coagulo in uitreo uase coactum, tam ferofæ, quàm & solidæ substantiæ mediocritatem obtineat. Aëtius copiam non meminit, nec experimentum addit: in cæteris concors est Paulo: lac

lib. 1. c. 3.
lib. 4. c. 5.
cap. 21.
tertia primi,
doc. 1. c. 2.
tamen candidum cum Dioscoride probat. Aristoteles tertio de Historia animalium inquit, His qui lactantur utilis lac est, quod ad liuorem trahit, quàm candidum. *πλευρότερον*, habet Græca lectio. Auicenna recitans conditiones à Paulo positas, exponit, quòd color attineat ad albedinem, quasi non probet exquisitè candidum. Respondeo igitur, quòd Galenus in primo de Tuëda sanitate, ubi leuis error maximam noxam inferre poterat, adiecit & colorè, dicens, Liuidum nõ oportere esse, sed candidum, ut & Aëtius docebat. Aristoteles animaduertit minorem lacti, quàm niui, uel calci adesse candorem. Lac igitur quod optimum atque id medicriter spissum, non candidissimum est, sed nec liuidum, at quasi ad liuorem declinans: quod enim subobscurum quoquomodo est, non adeò est aquosum. Concordant igitur hi omnes, nisi quòd copia est argumentum non mali lactis per se, sed causæ cuiuspiam, qua lac non sit omnino probatum: sic & inopia. Vbi uerò tam diligenti inquisitione haud opus est, odor & sapor satisfaciunt. Verum ad idem redeunt antiquorum dicta ut uisu, odoratu, & gustu probetur. Optimum uerò quod ab animalibus, post humanum, carnem similem habentibus prouenit: atque id iure, caprinum esse enim optimum, ut hocdina caro: inde bubulum, asininum, non melius, sed tutius est, ac magis ad medicinæ rationem pertinet, quàm cibi. In suillo solùm difficultas est, nam caro ea assimilatur humanæ, sed ex mammarum paruitate forsitan id accidit: & quanquam caro mala, & horribilis, lac prauum esse arguat, non tamen bona bonum.

cap. 11.
Sed rursus difficultas est de quantitate: nam, ut dixi, Hippocrates dabat primò duos cyathos ascendendo per singulos usque ad sex. Sed Galenus in decimo Artis curatiuæ inquit, Dandus est primò lactis cyathus, inde per dies singulos dimidio cyatho est augenda mensura, usque ad metam mediocr

mediocrem. Aëtius uerò dixit, certam quantitatem cuiusque definire est impossibile. Auicenna uerò in quarto libro, dum hecticam curat, dicit, ut initium sumatur à drachmis decem, usq; ad triginta. Ex quo patet, quòd hic est error: quare uel sic legendus est textus ille, Initium sit à drachmis decem usq; ad uiginti. Vel sic: Initium sit à drachmis decem, & perueniat usq; ad triginta augendo, & etiam plus, si uirtus ferat: ut hæc quantitas sit terminus totius temporis, non autem initii. nam hoc cum Galeno concordat. Aëtius uerò dixit, non posse præfiniri ueram quantitatem, quæ nec à Galeno, nec ab Auicenna, ut patet, determinatur. Hippocrates uerò auget quantitatem, quia morbus est minus periculosus, & nondum fluxio cessat: & ob id etiam bubulum porrigit, quoniam plus habet pinguis, ut uisum est.

Sed cur pessimum dat Hippocrates in hoc casu, nam Paulus dixit, temperatissimum muliebre, inde caprillum, post asininum & ouillum, bubulum uerò ultimum est: à quo dissentire uidetur Alexander cum dixit, Optimè nutrit hecticos muliebre lac, post asininum. Et Princeps loco allegato, Post muliebre optimum est asininum. Sed in secundo Canonis dixit, quòd uaccinum post muliebre est melius: & adducit rationem, Quia illud est magis conforme humano, quod fit ab animali, cuius foetus eandem in utero moram ducit cum homine, id est per nouem menses: quare uacca cum uitulum ferat nouem mensibus, & ouis quinq; , inquit enim Philosophus in sexto de Historia animalium, Sus quatuor mensibus in utero fert, ouis & capra quinq; , uacca nouem, equus & asinus duodecimo mense pariunt, quo etiam camelus. igitur lac optimum uel natura infantibus taleq; uaccinum: uel substantiæ mediocritate, ut caprillum: uel securitate maximè, ne coaguletur, atque id est asininum: uel reficiendis uiribus, atq; in hoc bubulum etiam muliebri præstat, quare illud dabat Hippocrates. At in febribus comenit hecticis asininum decimo Artis curatiuæ, ut nec humani meminerit, quod etiam Aëtius obseruat, dum de illarum cura agit. Alexander uerò, ut uisum est, humanum præponit, & Auicenna, quanquam aliter Gentilis interpretetur locum quarti libri suprà adductum. Sed tamen in secundo libro, ubi de eo agitur, inquit: Lac asininum & caprillum hecticis confert, humani nullam habet mentionem. Verùm Gentilis conatur soluere dicens, quòd substantiæ similitudine humanum lac sit melius, asininum autem refrigerandi & humectandi causa. Sed hæc solutio nulla est, quæ nos nihil docet quale nam modo est præbendum. Respondeo igitur, quòd secundum Galenum in siccitate uentriculi melius est humanum, quia melius nutrit, & est magis conforme, & non tanto in periculo coagulationis uersamur in hoc morbo sicut in hectica. Sed in hectica melius est asininum, quia non adeo

lib. 2. cap. 93.
sen. j. trac. 3.
cap. 6.

lib. 7. c. de lacte.

lib. 5. cap. 22.
titulo de lacte.

cap. 442. secus di tracta.

cap. 18. 19. 21.
22. & 23.

lib. 5. cap. 93.

B facile

cap. 15. & 23.

cap. 26.

cap. 26.

lib. 2. cap. 87.

facile coagulatur ut muliebre, estq; frigidius, & humidius illo. Sed Aui-
cenna forsitā est exponendus in secundo loco per primum. Vnde patet
error Auerrois in septimo Collectaneorum, qui totum facit oppositum:
in cura enim hecticæ dat lac humanum, in cura siccitatis uentriculi as-
fininum. Nec est dicendum, regulam datam in septimo Artis curatiuæ te-
nere in decimo, ut ubique lac humanum præferendum sit. Valde enim
incautus fuisset Galenus in tam subtili curandi ratione, tanquam pericu-
losa, ut unius uerbi causa errorem hunc uoluisset admittere. Subscribit
etiam huic ratio, nam ibi periculum maximum ueretur, ne coaguletur,
quod uix in humano potest impetrari: nam dare mel in hac causa hor-
ret. Ob id igitur in sicca uentriculi intemperie humanum lac potest ma-
gis conuenire, quod mellis admixtio, quæ ferme ad securitatem est ne-
cessaria, tutior sit. Patet autem ex his, quod non eadem est cura siccitatis
uentriculi, & hecticæ eius: cum in eius hectica asfininum lac, magis etiam
quàm in hectica totius conueniat. Haliabbas uerò in quinto Theoricæ
non animaduertens differentiam hanc, humanum præposuit asfinino. Ve-
rùm in tertio Practicæ, si febris non sit uehemens, dat lac asinæ, dat etiam
caprillum lac, à quo fit butyrum extractum. Hoc non uidetur utile ad-
modum ut ostendam. Ex quo patet, quod lac uaccinum pessimum sit in
hectica, cum ob pinguedinem sit obnoxium inflammationi: post illud
caprinum, & ouillum, & humanum: optimum autem asfininum &
equinum. Sed cur in hectica non maximè conuenit camelinum ut subti-
lius quinto Theoricæ tum ex his quæ dicta sunt. Respondeo: quia acre.
Haliabbas ibi dixit, quod camelinum cito è uentriculo descendit, & ob
id forsan quis dubitaret ex Rufi autoritate. Respondeo: Rufus agno-
uit experimento, quod tardè concoquitur: Haliabbas rationem sequi-
tur, quia subtile. Aliqua tamen subtilia tardè concoquuntur, cum sunt
naturæ inimica, quale est camelinum lac. Ideo dicebat Aëtius, quod lac
camelinum etsi feri multum habeat, attamen tardè descendit è uentricu-
lo. Quod ille satis ambigue uertendo explicauit, timens aberrare, cum
Arabes non uidisset. Sed iam equinum cum sit calidius, & acredinis
omnino non expers, refugiunt magis quàm asfininum. Propterea dicebat
Haliabbas, Equinum lac proximum est camelino, ut asfininum caprillo.
Est etiam caro asini longè melior carne equi, unde secundum regulam
Galenī etiam lac conuenientius. Ratio huius regulæ etiam est manifesta:
nam si ex lacte fit caro, etiam conueniens est, ut carnes meliores fiant à
meliore lacte. Accedit quod in nutrice caro & lac ex eodem fiunt san-
guine: rursusq; lac ex carnea substantia mammillarum formam & con-
coctionem recipit.

Verum

Verum quonam pacto Paulus lac coquit ut aluum fistat, sic Galenus ad Glauconem primo? Hippocrates, ut iam uidimus, ut expurget. Neque etiam uidetur uerum quod supra diximus, ad biliosas deiectiones conuenire tantum purgandi causa: cum Paulus dicat, his stantibus, ut illas compeſcamus, lac dandum esse. Alexander etiam Trallianus hoc exhibet decoctum in intestinorum difficultate. Propterea responsio ex quatuor pendet quæ ab eodem & Paulo obseruantur. Quintum uerò etiam à Galeno in tertio de Alimentis, quo loco iam eum adduximus. Primum igitur, ut præsupponamus lac primo hoc expurgare bilem, antequam fistat. Secundum, quod non asininum, ut in purgando, sed caprillum eligatur. Tertium, quod ab initio cum purgare uolumus, multa quantitas, & syncera danda est: cum fistere, minor, atque cum cibo. hæc Alexander. Paulus obseruat, ut dum coquitur, quod superfluitat, & est pars eius calidior, pinguior & butyrosa auferatur: nam serosa purgat, casealis fistit, butyrosa utrique operationi inutilis. Diutius etiam coquitur quod ad coercendum datur, utpote horis duabus, parum quod ad laxandum. Galenus uerò addebat, ut in his lapilli extinguerentur igniti, ut serosa pars, & quicquid in eo acre est, consumeretur: deinde aqua alia addita denuo coqueretur: hoc ut frequentius fieret lac reddebat frigidius, & magis astringens, ac omnis acris expers qualitatis. quamobrem nec acres humores sic potest nutrire, & fistit aluum, nec proritat. Commune autem est his omnibus, ut perpetuò misceatur ferula, ne cogatur in caseum. Vnde apparet quot modis in eius exhibitione peccetur.

Sed in phthificis quodnam melius erit: Galenus in quinto Artis curatiuæ muliebre prætulit: à quo asininum, caprillum, ac bubulum collaudat, eo consilio, quod diuersis in temporibus diuerso lactis genere indigeamus. Ergo quantum primo profit hoc in morbo, dicebat Alexander quendam, qui sanguinem expuisset, dum per annum nulla non in re lacte uteretur perfecte fuisse sanatum. Quinimo & Galenus ipse refert aliquos existimasse, solo lactis usu pulmonis ulcera perfanari posse. Sed & Auicenna longam de lactis usu in phthificis narrationem facit, humanum autem & ipse præfert: utitur uerò & decocto lacte: & litera noua prætulit asininum, ut & Aëtius. Haliabbas laudabat caprillum, ut cum emungeretur cocto pinguiorem partem auferamus, mulierum tamen & asinorum præfert. sed dubium est quod butyrosam hic conatur auferre partem, quam etiam seorsum Aëtius nititur eis exhibere, tanquam utilissimam educendæ saniei.

Porro quod de capris dictum sæpe est, quod inutiles sint, iam explicabo: quanquam aliàs à me relatum, cum leonem & capram natura ægra esse diceremus. Varro igitur inquit in sua historia rei rusticæ: Capras

lib. j. cap. 87.

lib. 3. cap. 21.

cap. 12.

lib. 2. in fine totius.

10. 3. trac. 5. c. 6

lib. 8. cap. 67.

5. practica. cap. 12.

lib. 2. cap. 3.

sanas sanus nemo promittit, nunquam enim sine febre sunt: itaque stipulantur paucis exceptis uerbis, ac Manilius scriptum reliquit sic: Illas capras hodie rectè esse, & bibere posse, habereq; rectè licere, hæc spondes ne? Quòd etsi Galenus hoc non dicat, Auicenna uerò nesciuerit, malim tamen Italo de rebus Italis tum præsertim iuriconsulto, quàm Græco, uel Arabi credere: atque eo magis, quòd illi affirmant, Si non animaduertisse potius uidentur: estq; aliud periculum in errore ac pertinacia: nullum in timore, cum aliorum animalium præstantius habeamus. Ergo Aëtius asinini commemorat tantum ob tædium, mulieris autem conuenientius: quanquam &, ut dixi, in hoc morbi genere non sit una perpetua ratio: nam quandoque febris hæctica occurrendum est uel putridæ periculo, atque tamen his asinum melius: at si putredo adsit in ulcere, bubulo iuxta Aëtii sententiam facilius expurgatur ob pinguedinis copiam. Rursus si nullum horum adsit, utemur humano, ut familiarissimo. Omnes tamen si uehemens febris sit, lac omne refugiunt. Indigemus autem expurgatione puris in hoc morbo, hoc pingui ac butyrosa parte perficitur, consolidatione hoc caseosa, refrigeratione ob hæcticam hoc serosa: itaque substantiis tribus, quas lac possidet tota morbi curationis intentio absoluitur. Cum igitur febris abundat, sanies autem multa non est, oxigalacte uti etiam possumus: nihil est enim ibi corruptioni paratum. Vbi febris leuis, ulcus magnum ac fordidum, decocto lacte utemur, eoq; etiam bubulo. Ergo ut ad primum reuertar institutum, Galenus sumptum ex tabiis laudat. Hoc autem tres habet conditiones, quas qui in alio præstiterit loco negotio rectè consuluerit: non aliter quàm si ad tabias ægrum transmitteret. Prima, ut in monte animalia illa, à quibus lac excipitur, habitent, non humili in loco. Secundum, ut mons ille austro & Orienti exponatur, à Boreæ parte integatur. Tertium, quòd sit iuxta mare. Accedit ut animalia illa herbis ac fructibus siccioribus alantur, quemadmodum agrestis, lotus, melissophyllon, & polygonon: lac igitur hoc saluberrimum erit. Quantitatem uerò eius Haliabbas iam explicauit ab unciiis sex ad duodecim usque. Auicenna uerò dicebat à sacra iati duobus usque ad tria. Vnde secundum Gentilis expositionem, cum sacra iati sit uncia quatuor cum dimidia, erit minima quantitas unciarum nouem, maxima autem tredecim cum dimidia. Foran plus in hoc, quàm in hæctica conceditur, quoniam morbus difficilior euadit. Cumq; hæc cõsistant iudicio quodā æstimatiuo, nõ ideo Haliabbatem ab Auicenna discordare cõsuerim, si Haliabbas uncias duodecim lactis in spatio horarum $\times \times \text{IIII}$. Auicenna autem paulò plus cõcedat hæc autè ab utilitate quæ ex usu prouenit potius sunt æstimada.

At

At quoniam lac diximus heclicæ refrigerandi & humectandi causa conuenire, dubitatur ea causa an lac frigidum sit, uidetur enim hoc sentire Galenus dum dixit, Frigidum est, ac eo sanguine frigidius quantò adenes mammillarum sunt iecore frigidiores. Sed & Auicenna dixit ipsum declinare ad frigiditatem, quamuis facile in bilem conuertatur. Idem Rasis in tertio ad Almanforem, Lac recens licet proximum sit ualde temperamento, ad frigidum tamen & humidum paululum declinat. Sed Hali quinto Theoricæ frigidum & humidum absolute protulit: recens tamen humidius quàm frigidius: acetosum autem frigidius quàm humidius. Verùm Auenzoar libro secundo sui Theisr, dixit ipsum esse frigidum & humidum, adeò ut nihil sit aquæ tam proximum ex cibis compositis. Omnes hi cum diuersa senserint, aut defecerunt, aut errauerunt. Quòd enim lac longè sit humidius, quàm frigidius, si frigidum modicè ponatur, liquido constat ex generatione primo: nanq; ex sanguine infrigidato, non autem exiccato procreatur: est etiam uehementer dulce, ac plurimum nutrens: constat etiam ex duabus substantiis exquisitè humidis, tertia autem caseosa terræ commixta: etsi Auerroës dicat, diuersas illud habere partes contrarias, non tamen æquales eas esse dixit. Galenus etiam in tertio de Alimentis confitetur, quòd non secus ac oleum illitum humectat cutim, ac pinguem reddit: cumq; sit corruptioni adeò obnoxium, nulla potest subesse ratio, qua illud heclicis dicamus conuenire, cum uix frigidum sit nisi humidum etiam esset uehementer: scriptum est enim, quòd uictus humidus febricitantibus omnibus confert. Hali defendi potest ad hunc sensum deductus, quòd lac acidum humidum minus est quàm prius esset, & tamen frigidius. At si de oxigalacte intelligamus, uera erit propositio ex toto. nanq; id genus lactis adempto butyro frigidum euadit & siccum. sed neutrum horum sensit ille tamen. Auenzoar in humido non aberrat, sed in frigidosis intelligendus est, quòd nihil magis sitim extinguat eo, si non corrumpatur, quare ex effectus ratione proximum est naturæ aquæ. res enim frigida uehementer, si leuiter humida sit, uidetur humidior: & humida uehementer, si frigida sit, humorem maiorem refert. Sed Galenus quinto de Simplicibus medicamentis lac ponit calidum moderatè ac humidum: medium inter sanguinem & pituitam: uerùm à pituitæ natura remotiorem, proximiorè uerò sanguini: atq; istud uerum est, dum in mammis lac continetur: cum autem exierit resoluta subtiliore parte, frigidum illico euadit, estq; ut humor quidam calidus, ob id etiam calidis & humidis medicamentis augetur. ut uerò est alimentum frigidum, euadit & humidum. Quamobrem qui lac ex ubere sugunt, calidum suscipiunt nutrimentum, spirituq; plenum, incorruptamq; illius substantiam: quod maxime phthisicis conuenit: heclicis au-

1. Aphor. 40.
2. can. tract. 2.
c. 442.
cap. 15.

cap. 26.

tract. 2. cap. 3.

5. Coll. ca. 44.

1. Aphor. 16.

cap. 21.

cap.17. tem ob id non à muliere, sed ab asina: hoc enim dum fugitur frigidum, est hominis comparatione, & spiritu plenum. Hoc autem manifestè Galenus declarat in quarto de Simplicibus medicamentis, hoc argumento, quòd ex tribus substantiis ex quibus lac constat, una est temperata, alia quæ minima fermè est modicè calida, maxima uerò manifestè humida & frigida: quare totum ut frigidum & humidum euadat necesse est: unde fit, ut etiam coctum dulcius fiat.

4. de Simplic. medica. cap. 9 & 16. Cuius occasione dubitatur, an lac coctum ad nutriendum melius euadat, quid uè acquirat ad laxandum utile? nam de adstrictione satis claret. Igitur quòd lac dum coquitur subtili parte resoluta dulcius euadat, iam declarauit, sed non ob id: dulce enim est, quod moderatè calidum: quod igitur frigidum ex Galeni sententia est, si amplius coquatur, temperatius euadit: tale igitur cum sit lac, dulcius etiam fiet. Fit autem quod temperatum etiam melius nutriens: oportet igitur coctum melius nutrire quàm crudum: nam aquea pars sublata est: quod reliquum est, subtilius etiam, totum autem temperatius: ostendentur autem hæc in sequenti disputatione. Quare lac coctum melius nutrit, non solum quia temperatius, sed quia mediocre. Attamen in febribus cocto non utendum est, non enim caliditate ampliore indigemus ubi refrigeratione opus est. Sed in adstringendo optimum tale, quale diximus. Quod uerò non ab igne, sed ab aëre permutatur acescit, hoc autem haud opportunum in nutriendo, cum semicorruptum sit: quamobrem & de hac differentia dicendum erit. Sed cur ab ubere melius, non equidem, nisi quia percoctum nimis nutriendo, ac tenax alimentum præbendo, periclitantur simul renes & iecur. Crudum autem ab aquea parte iuuatur: ob id commodius fanis crudum quàm coctum, etsi coctum facilius, ac plus, ac melius etiam nutriat, nisi quis calidiore sit temperamento. Coquitur autem lac asininum hac necessitate, quòd purgare non possit nisi magna copia: dabat enim Hippocrates quarto Regiminis acutorum ab heminis duodecim ad sexdecim. Est autem hemina dragmæ l. x. igitur minor quantitas erat unciam lxxxx. maxima cxx. ob id Galenus in Commento magnitudinem lactis animaduertens dixit, nos non debere de quantitate mirari, cum antiquo tempore consuetum esset purgare copiosius. Adiecit & Galenus, in coctione asinini lactis nullum esse periculum quemadmodum in alio, ne in caseum cogatur, cum sit liquidissimum: consulit tamen, ut ad maiorem securitatem mel ipsum addamus. Oportet autem, ut dixi, perpetuò permiscere, & non multum coquere, neq; diu. Si igitur tanta ac adeò tenuis substantiæ lactis crudi copia, uel etiam longè minor exhiberetur, periculum esset, ne æger omnino flatu distenderetur, doloribusq; contorqueretur. Ergo coctio non purgationem iuuat, sed noxam lactis emendandæ causa

tex. 29.

causa adhibetur. horum occasione dubitatur an lac sit facilis concoctionis, nam tale existimat Auicenna in secundo libro, conaturq; ostendere ratione. Et Mesue, Lac, inquit, tria in phthisi habet præcipua, facilitatem concoctionis, & ut sit res grata, & cum hoc medicina. Est etiam conueniens phthificis & hæcticis, iuxta Galeni & Hippocratis sententiã, quibus cibi solum facilis concoctionis conueniunt, iuxta omnium sententiam. Conuenit etiam nuper natis: quò fit, ut facilis necessario sit concoctionis. Oppositum in de Dissolutione continua, quæcunq; dulcia & crassa sunt, iecori obfunt, ipsum obstruendo, quale est lac: quæ autem crassa, proculdubio difficulter concoquuntur. Respondeo, Lac facile concoquitur, præfertim tenuè, ut asinum: non tamen est facillimæ coctionis absolutè, cedit enim luteis ouorum in duobus, quod difficilius concoquatur, & facilius corrumpatur. Diximus autem aliàs de coctionis facilis causis. Lac quia multum nutrit iecori graue est, non uentriculo, iuxta datam regulam. At lacte assumpto uigiliæ imperantur, ut Auicenna docet in secundo libro: sed Galenus nec in quinto, nec in septimo, nec in decimo meminit Artis curatiuæ huius præpostera uigiliæ, nec in tertio de Alimentis. Quinimo dicebat ipse Princeps alibi, Et capiat ouillum lac, & superdormiat, dum corpus augere uult. Mirum esset, quòd Galenus somnum abieciisset, ubi coctionem in debilibus procurat. Deinde, quòd minima quæq; adeò diligenter prosequeretur, ac maxima negligeret. Sed dices, Aëtius iubet ut à somno abstineant. Dico, ille docuit ueram solutionem, nam consulit ne dormiant, his qui ex eo purgationem sperant, quibus etiam deambulationem imperat. At quibus non conuenit deambulatio, ut hæcticis, & consumptis, ac renum ulceribus, tamen etiam phthificis citra capitis uitium, ac in his generaliter in quibus purgationem non speramus, nec à capite quicquam timemus, somnum iniungere oportet.

Apparet igitur quantus sit error medicorum nostri temporis, qui nihil sapiunt, nisi ubi nil scire præstabat. Et hæc uidetur etiam Auerrois sententia septimo Collectaneorum, cum dixit, Procuranda est illius coctio omni diligentia. Rasis etiam in cura hæcticæ, cum dat lac, non meminit uigiliarum, sed coctionis, nec etiam dum de cura phthisis loquitur. Ergo ut cibus somno semper iungi debet, uel ut medicina permutans, non autem ut medicamentum.

Sed quam nam habet præcipuam uim lac in confortando renes, cum dicat Auicenna, & lacti ouino in confortando renes non est medicina compar. & tamen Galenus in tertio de Alimentis, ipsum ut renibus inimicum damnauit, maximè crassum, quale ouillum est: cui & ipse Princeps in secundo libro in Areola membrorum naturalium subscripsit. Respondeo, Omne lac sua substantia renibus per se confert, maximè autem ouillum.

cap. 442.

Secunda primi, Par. 2. c. de Pthi.

5. Aphori. 64.

cap. 18.

In 1. con. med. tract. 5. con. 7.

cap. 442.

uigesima tertii, t. i. cap. 36.

lib. 2. c. 93.

cap. 15.

10. ad Alman. c. 3. 9. eiusdem c. 60.

decima octaua tertii, tract. 1. cap. 13.

lum. Caseus enim nutrit renes, & ob id etiam vires: uerum nocet per accidens generando lapidem: & hæc non repugnant inuicem.

lib. 2. cap. 92.
sexta quarti,
trac. 1. ca. 4. &
in 2. can. tra. 1.
2. c. 42. in fi.

Illud citra contradictionem animaduertere decet, Lac esse maximam medicinam aduersus uenena, quod & Aëtius fatetur. peculiariter autem aduersus Cantharidas & Hyoscyamum: & hoc idem fatetur Auicenna, & alij. Oportet autem non ignorare causas: nam ex his facilius occurrerimus. Igitur cum sit æquale ferme in temperamento, iuuat in calido & frigido, ac sicco ueneno: nullum est enim uenenum humidum, quod ob id ueneni subeat rationem: est etiam gratum naturæ, & innoxium, quò fit, ut maximam illius quantitatem assumere liceat: atq; sic duobus modis præcipue iuuat: primum uomendo, cum ob gratiam bibere non recusat patiens simile ei quod uomuit: quod in oleo raro efficere licet. Iuuat & cum assumpta magna quantitate uenenum à multitudi- ne eius obtunditur. Aliud est in causa quòd butyro adhæret, uenenumq; ne imprimat prohibet: & si eroderit, lenit ac mitigat: ob id hac in causa bubulum præstantissimū. Proxima huic ratio detergendi ex aqua parte accedit, quæ etiam penetrat ad intima usq;. Vltimum quod simul nutrit, ut vires non deficiant. His tot utilitatibus laudatur: habet tamen, ut dixi, aduersus erodentia uenena peculiarem uim: ut cantharides, & marinum leporem.

c. 17. cap. de
aqua lactis.

10. de Simpli.
med. cap. pro.
c. 119.

Supereft difficultas, an aqua pars frigida sit, ut Galenus inquit in quarto de Simplicibus medicamentis, an potius calida ut à Mesue in suo libro de Soluentibus medicamentis. & à Principe in secundo libro ponitur. Verum de aqua lactis, quæ in lacte est, non loquitur Mesue: ea enim prorsus est frigida: cum hoc stat quod ui coaguli adiuta euadat sicca atq; calida: nam coagulum à Galeno inter aciem habentia uim ac discussoriam mirantur: & à Principe in secundo libro, omne coaguli genus, calidum est, & siccum, atq; igneum: igitur esse potest, ut aqua lactis, quæ coagulo secernitur, calida sit, & sicca, quæ in lacte continetur, abunde frigida & humida: initio enim calida est atq; sicca pro medicamento data: cum tamen diutius moram traxerit, frigida euadit & humida, ut inferius post sequentem contradictionem docebimus.

lib. 3. cap. 22.

Postremò duo à me declaranda sunt, an lac in febribus putridis conueniat lentis? nam hoc uidetur uelle Hippocrates in Aphorismo adducto, & Celsus cum dixit, Lac quod in his quibus sanguis fluxit pro ueneno est, in phthisi tamen sicut in omnibus longis difficilibusq; febriculis rectè dari potest. Alterū est, quod & ibi exprimitur, cur ubi sanguis fluxerit, lac pro ueneno sit habendum. Habet autem & prima quæstio duo capita, an in putridis lentis conueniat: deinde si non conueniat, an cum illa hæticæ commiscetur conuenienter possit exhiberi. Illud primò excipiendum, quod per se clarum est, ut medicamentum non obesse, id est, cum

cum semel aut bis magna in quantitate exhibetur, difficultas est de eo cum rationem cibi subit: atque in hoc etiam duplex modus est: nam & in continuis non eadem ratio quæ in intermittentibus: facilius enim in his admitti posse uidetur. In uniuersum igitur capita huius dubitationis quatuor sunt: Vtrum in longis, atq; continuis, sed remissioribus? Vtrum in longis remissioribus intermittentibus, ut quartanis? Vtrum in illis uel in his cum Tabi aut hecticæ copulantur? Oportet autem illud primò pro confesso recipere, quod ab omnibus conceditur: scilicet, lac facile corrumpi duplici corruptione: aut ut in bilem uertatur, aut in acidum: sic enim inquit in quinta Aphorismorum, quanquã in quarto de Simplicibus medicamentis, uideatur unum tantum illi corruptionis modum assignare: quo ad acetositatem tendat, nisi esset quod in Aphorismis calidam corruptionem adesse uult, uel ut solum in halitus digeratur, ad caputq; tendat, uel ut humorem iam biliosum asistentem præsupponat, ex quo in bilem & ipsum uertatur. A puro autem calido in alienum non uertitur humorem. Est & illud concedendum, si putredo humori occurrat, ipsum facile corrumpi, cum omnis alienæ sit susceptiuium facile qualitatis. Vltimum quod plurimum nutrit, si bene concoquatur: quodcunque autem tale est, si corrumpatur, grauissimam necessario infert noxam: sicut leuem, quod parum exhibet alimenti. De lacte igitur nouiter excepto dicebat Auicenna in secundo libro, quod si crassæ sit substantiæ, non oportet ut ullo modo febrienti exhibeatur. Igitur asininum uidetur admittere, ipsum enim non est crassum. Eiusdem etiam uidetur sententiæ Hippocrates in Aphorismo, cum duo capita faciat tabidorum & longarum febrium ac paruarum: per has igitur hecticas quæ sub primo membro comprehenduntur, haud intelligere uidetur: putridas igitur lentas intelligit: nisi esset quod per tabidos Galenus phthoën exponit, ut sit sensus, Lac conuenit in phthoë, si non ualde febricitent, atque in hecticis febribus, tum his qui citra febrem sunt extenuati. Quare & alius cessat scrupulus, scilicet, an in ulcere pulmonis, si continua putrida iungatur, aut si eadem hecticæ, conueniat? Responde absque cunctatione, quod non, propterea Rasis in cura phthoë lac dat, & cum febris creuerit, denuo amouet, atque iterum dat cum illa tollitur. Signum autem quod putrida adsit, est, uel quoniam febris est uehemens: nulla enim hectica, etiam si in marasimum transeat, talis esse potest. Alterum quod nocetur ex potu lactis: quare in his duobus casibus iure merito lac omne, etiam asininum, prohibetur. Non me præterit alia etiam esse signa putridarum, cum hecticæ coniunguntur: sed hæc duo sunt tantum quæ simul ostendant & putridam adesse, & lac non conuenire: reliqua autem de lactis prohibitionem indicant, quoniam prius putridam febrem adesse declarant.

C.

rant.

cap. 8. rant. Cur igitur Princeps crassum solum ex toto amouet? quoniam nec uia medicinæ id competit. Subtile autem non prohibemus, ut medicamentum, quale asininum: dictum est enim sæpius Aphorismum de lacte loqui ut cibo, non ut medicamento. Igitur quamuis hæctica, & marasmo, & tabidis nihil sit præstantius lacte, ut à Galeno habetur in libro de Tabe: non tamen ubi hæctica putrida coniungatur unquam dare expediet. In intermittentibus autem cui bono lac dare? cum liceat tutò agere absque lacte. Sed nec si tertiana adiungatur hæctica lac dabimus: nimis enim propensum est ut in bilem conuertatur: nec etiam in febre, quæ singulis diebus inuadit, quanquam ex pituita extra uenas existente progignatur: semper enim præsens est putrescens humor. In solis igitur Quartanis, ac Quintanis, & quæ longioribus periodis affligant, si nimium etiam sint consumpti, absque hæctica, uel si hæctica præsens adfuerit lac dare conueniet non solum, sed & ualde opportunum. Primum quidem, quòd spatium habeant diuturnum, ut prius lac concoqui possit, quàm febris occurrere. Secundò, quòd eiusmodi omnes febres ab humore nigro fiant, teste Auicenna: at huic humori lac maximè conuenit, ut Princeps ait in secundo Canonis. Tertiò, quòd hæc febres maximè Quintana hæcticam ipsam inuehant, ut Hippocrates testatur. Ob hæc omnia, si uel hæctica aliqua harum febrium coniungatur, aut phthoë, uel etiam consumptioni ex alia causa, uel in natura extremè macilenta & gracili, lac & tutò, & utiliter dabimus.

prima quarti
rrac. 2. c. 66.

1. Epidé par.
3. tex. 9.

cap. 18. Reliquum est ut uideamus, cur his non conueniat, à quibus sanguis plurimus effluerit: quanquā, ut dixi, si ex ulcere renum, uel uescicæ, uel intestinorum lac non noceat: sed ut ostendimus elaboratum. Brasauolus existimat, quòd effuso sanguine perfrigeretur calor: sed calore imminuto lac corrumpitur, ut Galenus testatur, ideo sic nocet: quod etiam suffragio autoritatis Philotei confirmat. Sed hæc primò causa nimis generalis est, cum multæ sint causæ in quibus calor naturalis debilitatur, nec tamen prohibemur à lacte: quinimo & consumpti ipsi calorem habent debilem, & tamen in eis lac Galenus dare iubet, & Hippocrates: alia igitur magis propria est exploranda. Si igitur sanguis multus effluerit, quia abundet lac minimè conuenit: sanguinem enim copiosum generat, & redire faciet morbum. Si autem alia occasione sanguis effluxit, minus etiam conuenit: exinanitis enim uenis rapitur ob dulcedinem, & copia alimenti atque crassitie hepar obstruit, repletq; corpus crudis humoribus: ut ex sententia Galeni in libro de Dissolutione continua, dum de lacte ipso agit, aperte colligitur. Hæc autem causa in crassiore lacte militat, etiam si sanguis non effluerit: in omni autem cum ex illius effluxu uenæ fuerint exinanitæ: nihil enim ex simplicibus nutrit, & adeò simul d ulce

dulce est, quantum lac etiam afininum.

Sed quo modo lac hæcticis conueniet, quæcunque enim facilia ad concoctionem facile corrumpuntur, ut à Galeno in Arte medica scriptum est, si in uentriculo calido concoquantur. Quidam dixerunt, quòd à copiosiore colore, non autem uehementiore, aut acutiore, qualis est hæctici, corrumpitur lac. Sed falluntur, cum Galenus, ut ibi ostendimus, calidum appellet uentriculum, qui uehementiorem habeat calorem, non qui copiosorem: propterea dico, quòd afininum lac frigiditate iuuatur: & hoc est, quod ille etiam dixit: A' frigidis autem moderatè iuuatur: ideoq; retuso etiam calore non amplius corrumpitur à calidis: sicq; effugimus duplicem noxam ex frigiditate: quare eligendum afininum hac ratione, nullo modo humanum. Atque ea de causa etiam Galenus in hæcticæ cura ad eò diligenter obseruat, ne quid patiens detrimenti ex lactis assumptione capiat. Quòd si uel modico corrumpatur, utilitate noxam longe superante exhiberi debet: neque enim dixerim etiam afininum ab omni corruptionis noxa immune esse. At nec prorsus facile lac permutatur, sed mediocre est in coctionis difficultate, iuxta Galenum.

lib. 2. cap. 56.

lib. 3. de naturalibus facultatibus. cap. 4.

At de lactis aqua quid dicendum? copiam illius Paulus declarabat ab uno ad duo sextaria: est autem sextarius, ut autor libri de ponderibus ait, uncia uiginti: quo fit, ut terminus sit ab uncis uiginti ad quadraginta, atque id iure merito, nam lactis afinini maior copia ut crassioris longe quàm serosæ partis requiritur. Animaduertendum tamen, aqua lactis non semper coagulo extrahi solere, sed aliis modis: quo fit, ut non calida atque sicca sic euadat: unde in quarto Regiminis acutorum id peribelle docet, cum inquit, addito oximeli calefactum concrefcere. uel etiam uase æneo ex aqua frigida illi imposto. Priorem modum Paulus tenuit eo loco, quo eum superius adduximus: mixtum uerò ex utroq; Aëtius. Quòd uerò elaboratum lac aliter febribus etiam putridis conueniat, satis declaratum est tum à Galeno, ubi de oxigalacte agit, tertio de Alimentis, tum quarto Regiminis acutorum: sed hæc inferius dilucidius explicabuntur: nunc satis fuerit hoc admonuisse, ne quis credat, ultrò nos in eam contradictionem delapsos.

lib. 1. cap. 88.

cap. 13.

co. 7.

lib. 4. cap. 96.

Extremum est, ut illud consideremus, cur cum omnes lactis partes difficile corrumpantur, caseus, butyrum, aqua: totum lac, quod ex his constat, facile tamen à naturali permutetur temperie. Et quanquam aliquis dicere possit, lactis aquam acerefcere facile: nihilominus celerius lac etiam corrumpitur, quàm lactis aqua. Igitur dicendum est, hoc illi ob compositionis naturam euenire primò, nam quæ simplicia sunt corrumpuntur solum, quia in aliud permutantur: composita uerò, quia dissoluntur etiam citra ullius partis corruptionem. Secundò, quia pars ma-

xima, quæ aquea est, corrumpitur. Tertiò, quòd subtile, quod in illo est ante separationem, magis corruptioni obnoxiiū est. Vltimò, quòd ex igne uirtus partibus iam separatis accedit, quæ eas prohibet à corruptione. Sed hæc forsan eadem est, quæ partes resoluuit obnoxias corruptioni, atq; ob id prohibet: tamen magis & quòd absq; igne separatis idem accidit.

His omnibus uisis, rem ipsam de lacte paucis perstringamus: ut facilius liceat eam ad exercitationis commodum reducere. Lactis igitur ratio quatuor constat, temperamento, electione, usu circa sanos, tum etiam erga ægros. Lactis itaq; natura ut in ubere est humani modicè calida est, & humida: cū uerò extra ubera, frigida modicè est: uerū non mediocriter humida: & quanto magis manserit, eo frigidius euadit, ac minus humidum. Varietatem suscipit ab animalibus, nam temperatum est & calidius aliorum comparatione humanum: proximum bubulum, ac camelinum: hoc ouillum, inde caprillum, & equinum frigidiora sunt: asininum frigidissimum, non solum quia frigidior sit asini natura quàm hominis, sed quòd, ut equinum, nihil habeat pinguioris partis, ex qua butyrum confici solet. Sumit & differentiam à regionibus: calidissimum est enim, quod in frigidissima regione frigidissimum, quod in calidissima. Ex anni temporibus, uernale subtilissimum & à partu abundansq; ac salubre: æstiuum minus, ac etiam sanum minus, & minus abundans: spissum uerò quod sub autumno emulgetur, & modicum, ac minime incolume: hyeme crassum ac deficiens sed incolumius: si autem animal, ut ouis, autumno pariat, miscere oportet temporum anni & partus indicationes. Suscipit & uariationem à cibis, salubrium salubre, calidorum calidius, astringentium astringens, laxantium purgans, ut si Scamonion aut mercurialem ederint: unde in purgandis infantibus mercurialem in cibo, & Indicam siliquam debemus nutricibus exhibere. Ergo quæcunque morbo profunt asinæ danda sunt aut mulieria qua lac excipere decreuisti. Sic in tabe quæ cum ulcere est, non solum dictas superius herbas, sed etiam raphanum & Siculam herbam dare expedit, tum apium copiosum: in hæctica lactucam, portulacam, plantaginem: in astringenda aluo, rubum, & mentham, ac talia. Permutatur etiam ob ætates, nam iuuenum optimum, senum malum, adolescentium liquidissimum, & ob id medicinæ aptius quàm cibo: utile igitur pueris qui aluos duras habent. Manifestum est autem, & luce clarius, quòd sanorum animalium sanum, ægrorum morbosum: morbosus est etiam lactis potus, qui ex prægnante muliere ac bellua est: sed huic minus: caprillum autem semper minus tutum.

Scire autem expedit non totius solum, sed singularum partium uim atq;

atq; naturam. Serosa autem non parum refrigerat, cum tamen ab initio excalefacere uideatur subtiliorum partium ratione: purgat, aperit, detergit, abluat, humectat. Pinguis humectat, calefacit, nutrit, expurgat ulcera, sedat dolores, commouet uomitum communi ratione, & uiscera circunuestit, unde uenenis omnibus externis opitulatur, præcipue erodentibus: casealis autem astringit, consolidat, exiccat, modice refrigerat, nutrit, corumpenti calori contumaciter resistit, maxime si ad oxigalactis naturam redacta fuerit. Præstat ex lacte, quod causas habet bonitatis, iucundum gustu, odore non insuaue. Quod si pro infante alendo eligi debet, candidum subliuidum aliquantulum, & ex nutrice subnigri coloris firmius est, & incolumius. Explorandum est etiam in uase uitreo, addito coagulo, an serosa pars crassam uincat, aut uincatur ab ea: in utroque enim est quod non probetur. Ad sanitatis autem conseruationem, ut pro cibo habetur, tenuius tutius, mediocri autem salubrius: nam asinæ lac medicamentum potius est, quam cibum. Videant igitur cum lac maxime nutriet, & si bene concoquatur, & copiose: si male, male: omnium enim quæ nutriunt, si male nutrant, iactura semper pro nutrimenti copia, tum etiam iuuamentum expendenda sunt. Quonam pacto butyrum in febribus utiliter possint exhibere? nam & inflammatur totum, & male nutrit in calidiore uentriculo: cum autem eo maior noxa sit, quo nutrimentum copiosius, ipsum uero nutriet pro ponderis ratione, necesse est in febribus nihil eo esse deterius: nam plurimum alit indigentes tenui uictu, accendit refrigerationis indigentes, corruptumque ac multum præstat alimentum: hoc autem deterius in ardentibus.

In morborum autem ratione (nam Aphorismus ille de lacte ut cibo, non ut medicamento loquitur) duas præbet utilitates, expurgando, aut permutando: uidetur autem in septem causis esse præcipuum: in soluendo aluum, est enim innocentissimum: in consumptis ex quocunque morbo: in hæticis: in phthificis: in renum debilitate: in alui fluxionibus, præcipue quæ ex erosione sunt: in uenenis. Habet & ad dolores exurentes non leue commodum, (sed de hoc aliàs dicam) tum maxime, quod exterius ueniat applicandum.

Cum igitur lac pro cibo conuenit, libram excedere non oportet: in purgando autem (etsi Hippocrates ad cxx. uncias ascenderet asinini lactis) ab lxxx. ad centum dare sufficit: coquatur autem, ac perpetuo misceatur, auferaturque spuma supereminens: & quicquid pingue est, aut lebeti hæret. Melius est lac asinum expurgandis tabidis, aut consumptis, & acris humoribus, ac erodentibus: erosionem enim prohibet iam factam, quanto magis ne fiat: atque in his aqua lactis melius est. At lactis

aqua ex x x. unciis ad x l. datur excepto bubulo lacte: conuenit autem magis in ardentibus febribus, aut ualde putridis: excipitur autē concalescente lacte, inde uase stanneo ex frigida aqua imposito cū oximelitis modico, hoc enim saluberrimum est. Non conuenit autem à lactis, uel aquæ eius potu dormire, sed quiescere: uel etiam quibus licet deambulare. Mel-
lis autem & salis modicum expedit utriq; immiscere, præterquam in acrimium humorum abundantia. Illud uerò generaliter, ut in asininilactis defectu camelinum, aut equinum, substituatur.

Generat autem lac pro cibo sumptum in omnibus obstructiones, & calculum, si crassum fuerit: sed in pueris præter id etiam caliditatis ratione: unde dare uinum infantibus lapidem procreandi causa est, præcipue fuluum. adurendo enim lac cogit: & maximè in uesica: non quidem ipsum, sed quod ex eo genitum est. Sic & lac mulierum quæ insolatæ sunt. In consumptis autem citra febrem optimum est humanum: & si ualida uirtus sit, bubulum: si minus, asininum: hoc enim præcipuum laborante uentriculo: tum magis ob siccitatem: fugatur ab ubere: si non licet, multum ex tempore detur. Mel immisceamus, si cogitur: & tunc asininum omnibus præferatur: tentandum tamen prius, si absq; melle non coagulatur. Initium sumendo (ubi neq; febris est, nec uenterculus imbecillus) à drachmis x x. inde per singulos dies addendo drachmas x. donec ad l x. peruenerit, (sunt autem uncia septem cum dimidia) atq; ibi consistere, donec morbus finem acceperit. In Hæctica autem asininum præferatur omnibus. quantitas uerò à x. drachmis initium sumat, & per singulos dies quinq; addendo ad x x x. perueniat: paulò plus, minus uel, pro laborantis natura. Quòd ubi quis febre caret, uentriculum habet ualidum, erodentibusq; humoribus consumitur, ab unciis sex bubuli lactis potio inchoanda, & ad libram sensim augenda: & si natura ualidior sit, aut imbecilior, addendum aliquid ex quantitate uel minuendum. Semper autem ubi lac non expurgandi causa datur, somno laborantes ab illius assumptione indulgere oportet: maximè autem hæcticos & consumptos: nam & in ueneno & Hydroke somnum prohibere conuenit, quoniam purgare ægrum intendimus. In Hydroke igitur si facultas detur tum in hepatis uel lienis obstructione camelini lactis uncia x x. dentur, & una urina singulis diebus: ambulareq; cogatur donec totum excernat: nec antea cibum assumat: qui suo tempore assumitur, leuis sit concoctionis, exiguisq;. Sed ad Hæcticam reuertor, quæ ex ea senii dicitur, non aliter lactis requirit exhibitionem, quàm hi qui citra febrem consumpti sunt: mellis igitur uel sacchari modicum iniungemus. Quæ uerò calida est hæctica, mel non admittit: si autem addatur, exiguum admodum esse debet, necessitatis gratia. Quòd si putrida febris non grauis, aut inter-

mittens

mittens accadat, coniungaturq; iam factæ hæcticæ, lac bubulum ex unciiis
 xx. coquemus, & à perfrigerato totum quod superius uel à lateribus con-
 crefcit auferemus: inde denuo coquentes auferemus quicquid spumofum
 eft: permittemus autem per noctem in loco perſpirato, ut aceſcat: manè
 autem uncias duas & mediam dabimus, augendo in ſingulos dies, ut in his
 qui nulla laborant febre: ſemper autem cauendum, ne metallo, ſed ut in
 lapideo uafe incoquatur: metallicorū tamen, quod ſciam, innocentiffimū
 eft cuprum: non ſolū ob duritiā, ſed ob contrarias ex æquo mixtas fa-
 cultates. Dandum eſt lac his hoc modo præparatum in cibo cum ſolo pa-
 ne. In omnibus autem obſeruandum, ne febris increſcat: pertinacis eſt
 enim hominis, prodere ob perſuaſionem ægri ſalutem. In phthificis uerò
 lac aſininū magis conuenit propter herbas quas aſinæ dare conſuluimus,
 apium, agroſtim, lotum, meliſſophyllon, polygonon, raphanū, bipinellam.
 Si autem febris putrida iungatur, lac præparatum, ut diximus, dandum
 erit. Dandum uerò humanum, cūm debilior uirtus eſt: bubulum, cūm
 ſanies multa, febris modica: cūm ulcus mundum, ſed amplum, oxigalacte
 utendum eſt, imò recenti ouillo caſeo. Quantitas autem lactis ab unciiis
 quatuor aut quinque, aſcendendo uſq; ad libram, aut paulò plus. Eligenda
 uerò habitatio in colle ad Meridiem, & Orientem expoſito, iuxta etiam
 mare, ut Tabiarum locus. Qui lacte pro cibo utuntur uinum cauere de-
 bent. Eſt etiam in ſanis lacti cum piſcibus & acetofiſ contrarietas, ut Aui-
 cenna inquit: nam ſumpta ſimul hæc corrumpunt humores. Sed ad rem
 redeo, in inteſtinorum difficultate primò lac aſininum dabis extinctis in
 eo candentibus ex igne lapillis, magna in quantitate: ſuccedentibus die-
 bus bubulum deſpumans coquito: pingueq; auferens lapillis ex igne
 candentibus in eo extinctis ſeroſam partem tolles: poſt aquam addens
 denuo coquito: ſemper autem dum lac coquitur & in hac aliisq; cauſis
 miſcendum eſt perpetuò, ne cogatur in caſeum: dum uerò refrixerit, licet
 & aquam addere bis, terq; , atq; incoquere rurfus, donec omnem exuat
 acredinem. Hæc igitur parandi lactis ratio eſt. miſcere ligno palmæ, uel
 quercus, in hæctica autem ſaliciſ conuenit utq; primis diebus dum non
 coquitur uigiliæ imperandæ: ſic hoc modo aſſumentī accedere ſomnum,
 optimum eſt, atq; opportunum. At ſi febris ualida fuerit quod generale
 eſt, aqua lactis bubuli pro aſinino lacte donec ceſſauerit utendum eſt. neq;
 aſtringenda materia febris, nec etiam nutrienda. In renum autem debili-
 tate ouillum pro cibo lac & ſummo manè dare conuenit ab unciiis qua-
 tuor ad libram. hoc uerò omnino ignis expers, ac recens eſſe debet, inde
 attenuantibus utendum, ne ægritudinem unam curando aliam procrees.
 In uenenis autem bubulum præſtantiſſimum tum copioſiſſimum: lacti
 autem miſceatur ſi uomitus tardior eſt: multa enim aſſumpta quantita-
 te, ſi

certia primi
 doct. 2. cap. 7.
 in fine.

te, si cogatur, ipsum uenenum euadit. Ob id igitur oleum dare expedit, ubi sero euomitur. Cauendus est autem hic maxime somnus qui uenenum retineat, & lac etiam ipsum cogat, dum uomitum prohibet. In omni autem causa tepidum exhibendum, nunquam autem feruens frigidum uel, quod tale natura sit. In reliquis autem causis, ut mensium cindorum, aut mali habitus, non licet hoc ipso meliorum loca occupare praesidiorum. Manifestum est autem cum in intestinorum & pulmonis ulceribus praestet, idem dicendum esse de uentriculi, gulae & renum ulceribus.

CONTRADICTION II.

Ignis an uini, olei, lactis, mellis, aquae, aceti, corrumpat naturam.

Aqua etiam si ferueat, nunquam siccabit, sed humescat: primo autem calefacit, demum refrigerat, in frigidata uero denuo, etiam primo refrigerabit: primo de Simplicibus medicamentis Galenus inquit. Non uidetur autem censere quod quicquam ex ebullitione noui acceperit, cum humida & frigida pariter manere uideatur ut prius. Sed Princeps secunda primi haec habet: Sublimatio praeterea, & distillatio, aquas malas reddit bonas: & si istud non fuerit commodum, decoctio emendabit illas. Aqua enim decocta, sicut dixerunt Sapientes, minoris est inflammationis & facilius descensus a uentriculo. Et torpidi quidam medici existimant, quod aqua dum decoquitur crassior, subtilioribus resolutis partibus euadat: quare si sic esset, in coquendo nullum esset iuuamentum, cum spissior euadat. Sed scire debes, quod aqua in sua definitionis ratione, si quidem ut simplex est, similibus partibus crassitudine ac subtilitate constat: sed si modo redditur crassior, hoc illi uel ex frigiditate, uel admixtione terrestrium partium solum aduenit: nam illa nec separari commixtae iam, nec ob paruitatem descendere possunt: decoctio igitur utrique causae simul obstitit: nam & frigus amouet, ob quod densior illa reddebatur: & partes descendere facit terreas, quoniam crassam iam substantiam in subtilem uerterat: unde illa ob pondus ima petunt, & separantur: cum igitur decocta fuerit, amoto frigore ac terreis partibus, in pristinam suae simplicitatis naturam, ac aequalitatem etiam substantiae in omnibus partibus redit. Huius indicium est, quod si aquam crudam seposueris, nihil quod curandum sit, descendit ex ea: at si cocta seponatur, non parua pars excrementi terre in fundo residet. Haec ille, ubi nos totam uim coctionis aquae ipsius docere uisus est, per se quidem necessariam, ad alia etiam inferius docenda utilem. Rursus igitur Galenus in eodem libro inquit, Quaecumque in ignem facile uertuntur, calida sunt potestate,

cap. 8.

doc. 2. cap. 16.

cap. 9. & 17.

testate, ut oleum: ignis autem quæcunq; ob subtilitatem suam commi-
 nuit, subtiliaq; reddit, ac etiam sibi simillima. id est, calidiora quàm prius
 fuissent, ac sicciora. Has igitur tres operationes animaduertere decet: nam
 ut comminuit, frangit illius proprias uires: ut tenuius, reddit ad actiones
 magis promptum medicamentum: ut uerò calidius ac siccius, ad agen-
 dum similem etiam operationem magis idoneum. Patitur autem unum-
 quodq; duabus de causis facilius ab igne: scilicet ut rarius, atq; ignis sub-
 stantiæ simile magis, ut calidum siquidem ac siccum: ut uerò densius, ac
 frigidius, humidiusq; eo minus. Sic igitur hæc ex causâ uinum plusquam
 mel, & minus quàm oleum patietur: mel uerò magis quàm lac: lac magis
 quàm aqua: sic omnia hæc hac ratione minus, ac minus, ex ordine immu-
 tabuntur, oleum, uinum, mel, lac, aqua. Sed acetum minus quàm uinum,
 cùm sit frigidius: magis autem quàm lac. De melle autem est dubitatio:
 ut enim leuius est, sic etiam frigidius: atq; hæc omnia pariter rationi con-
 sona. Sed quæ illi in quarto de Simplicibus medicamentis scripsit, non his
 concordant: inquit enim: Cùm calor ignis adueniens proprium calorem
 uini, & reliquorum, ut magna flamma paruam corrumpere nata sit: quæ-
 cunq; calidiora uina sunt, difficilius ab igne ac sole corrumpuntur: quæ-
 cunq; autem imbecillis calor, celerius ac magis patiuntur. Itaq; fit, ut ui-
 na ut calidiora simul ac semel magis frigidioribus ac minus ab igne pati
 uideantur. Repugnant & his quæ sequuntur: nam cùm de lactis ac mellis
 comparatione ageret, inquit: Quæ debito frigidiora sunt, ab igne in mel-
 lius immutantur: quæcunq; calidiora, in deterius: ob id lac igne feruens
 dulcius, & mel amarum redditur. Quis non uidet hæc contraria esse su-
 perioribus? quæcunq; enim imbecillum habent calorem, ab igne, ut in-
 quit, corrumpuntur: resistunt quæ ualidum. Corrumperetur igitur lac,
 & mel in melius proficeret. Illud etiam difficile est: quo modo (cùm
 hoc generale sit) calore lactis corrupto ab igne, lac ipsum dulcius euad-
 dat: dulcia enim incorrupta substantia esse debent. Ergo in tertio de
 temperamentis hanc primo inuit differentiam, quòd quæcunque calida
 aut frigida sunt, talia sunt actu aut potentia: eorum uerò quæ actu rur-
 sus talia, quædam per se, alia autem per accidens. Quæcunque igitur
 potentia solum talia sunt, immutantur prius quàm agant: non autem
 quæ actu. Ex his rursus quæ per se sunt eiusmodi, agunt quidem, ac
 similem actioni impressionem relinquunt. Quæ uerò per accidens, unam
 quidem ab initio, alteram autem post habent actionis formam. Ignis igi-
 tur cùm calidissimus sit, ac siccissimus, similem ab initio & facultatis &
 formæ quam imprimit rationem, nec obscuram ad finem usque retinet.
 In secundo igitur de Medicamentis secundum genera metallica ipsa ex
 uisione, aliquid erosionis retinere affirmat: ex quo facile colligitur, quæ-
 cunq;

cap. 14.

cap. 14.

cap. 16.

cap. 3.

cap. 2.

D

cunq; nimium feruent, acre aliquid ab igne concipere, ac retinere: quæ-
 cap. 1. cunq; autem nimis acria sunt, ut æris ærugo, magna ex parte exusta ab
 acredine spoliantur, ut in tertio libro dixit. His sic se habentibus, ad Ari-
 stotelis opinionem deuenio: hic nanque in quarto Meteororum, diffe-
 rentiam ponens inter elixa & frixa, dicit, quod calor ubi fuerit, humorem
 cap. 3. ad se trahit: nam si frixa fuerint, erunt humidiora intus, exterius autem
 sicciora: at elixa humida exterius, intus autem sicca: quod fit, elixa ut fri-
 xis minus nutriant. Sed tamen in uno conueniunt, quod calor est in hu-
 mido. At quæ assantur, magis omnibus siccantur exterius, interius autem
 non equaliter: miscentur tamen omnia inter se, non secus ac in concoctione.
 miscet enim ignis quæ elixantur ut medicamenta etiam omnia. Quæ igitur
 elixantur in aqua, ut in decoctis, humida manent: sed tamen natium
 cap. 32. humidum foras in aquam ipsam exprimunt. Galenus igitur tertio de
 Alimentis exquisitè elixationis opera considerans, tria discrimina ponit:
 primū, quod res quæ elixatur, naturam ac qualitatem omnē amittit, fitq;
 omnis expers qualitatis, quantum in se est. Hoc autem accidit, cum aqua,
 si qualitas uehemens sit, permutatur. Secundū est merito aquæ: hæc enim
 ad se trahens uim eius quod incoquitur, talis fit odore, sapore, ac uiribus,
 quale id est, quod in ea incoctum fuit. Tertiā, quod si non permutetur,
 diutius uerò coquatur, aut etiam succus ipse acerbus, falsus primò, inde
 etiam amarus redditur. quæ omnia & experimento, & rationi, & sibi ac
 Aristoteli consentiunt: præter hoc unum, quod acerbum succum ama-
 rum per se, si coquatur, fieri credat: cum in libris de Simplicibus medi-
 camentis, ut antea docuimus, dicat, Modicè cocta dulcescere igne: quæ au-
 tem perfectè cocta sint, amara fieri: nunc autem acerba ipsa amara etiam
 fieri uelit, antea uerò falsa non dulcia. Sed ad Philosophum reuertor, qui
 cap. 7. eodem libro, paulo inferius, hos ordines statuit: Aquea, ut acetum, uri-
 na, serum, uinum, lixiuium, frigore non spissantur, concrescunt tamen: sed
 nec ab igne talia spissantur, quinimo ut serum deuritur uelut & aqua, &
 euanescit, nullo autem modo spissatur. Lac uerò igne cogitur, ut etiā san-
 guis, humida parte euanescente: quæcunq; enim plus habent aquæ quàm
 terræ, spissantur igne: quæ autem terræ plus quàm aquæ, concrescunt,
 uelunt sal, nitrum, fictilia, lapides: talia enim igne ipso concrescunt in
 magnam duritiem. Soluuntur autem omnia contrariis eorum, à quibus
 concreta sunt: quæ enim à frigido concreta, ut metalla, à calido dis-
 soluuntur: quæ à sicco, humido ipso. Eorum autem quæ spissantur ab
 igne, quædam aquea & terrea, ut mel: quædam aquea & aërea, ut oleum:
 omnia enim talia crassescere solent aqua resoluta: oleum etenim igne cras-
 sius redditur: demum etiam candidius quod aëreum est, in aquam con-
 uerso postmodum: quod etiam ei non ex igne solum, sed uel uetustate

cont

contingit. Ergo & in hoc mihi non parua de oleo lis cum Galeno intercedere uidetur de crassitie: ille enim igne calidius, subtilius, ac siccus oleum fieri putat: hic autem spissari: uerum de caliditate & siccitate concordare uidetur. Antiquum tamen calidius ac magis uaporosum dixit, sexto de Simplicibus medicamentis. Quod uerò etiam tenuius sit, tertio de Tuenda sanitate: quare rursus & in hoc ab Aristotele dissidet. Sed iam ad complendam historiam redeamus: Quæcunq; igitur, inquit Aristoteles, aqua congelata quasi cōstant, liquefcere ab igne possunt: quæ autē terra & aëre tantum, ut ligna, eliquari nequeunt: multò minus quæ sola ferme terra, ut lateres: hos enim ipse ignis concreuit, quare non par est ab eodem liquefcere posse. Hæ ferme sententiæ in uniuersum, de ignis operationibus in ea quæ excoquuntur Aristotelis & Galeni uidentur esse. Raris in tertio ad Almanforem ad Philosophi sententiam in hoc accedere uidetur, quod carnem super prunas assatam plurimum nutrire uelit, proximam ei quæ in ueru, si æqualiter coquatur, quod difficillimum esse Aristoteles putat. Proximæ huic quæ in oleo fixæ sunt, minus omnibus aqua ipsa elixata.

c. propria.

iuxta finem.

cap. II.

Igitur ut has difficultates dirimamus, cum palam sit, quæcunq; humidiora sint & non multum calida, igne dulciora euadere, ut ex musto sapa, ex lacte recenti concretum: id fit, quia sicciora facta ab igne humida tamen manent. Quod in acerborum fructuum succis euenire non potest: nam sicciora cum sint potentia, falsa non dulcia euadunt: immoderatè autem decocta, aucto calore amara euadunt, quarto de Simplicibus medicamentis, ob id Galenus hac ex parte sibi concors est: in aquam autem imprimit, sed parum: quo fit, ut cum Auicenna minime dissidet. Quæ uerò adeo imbecilla sunt ut celerius calor proprius euanescat, quàm humidum superfluum moderetur, ea omnia acescunt prorsus igni adinota: sic uina imbecillia, tum maximè iam uetusta. quod & solis calore solo fit per ætatem. Non possunt autem igne putrescere, ut à sole, quoniam humidum superfluum antea diffilabitur, quàm corrumpatur. Dum uerò humido abundant plurimo, calor innatus non adeò exoluitur, ut in recenti musto: adhuc enim spissatur, ac dulcescit, modò non sit acerbum. Hoc fit, ut quandiu coquendo dulcescit, tandiu parum aut nihil innatum calidum minuitur: at cum minuitur, manifeste non dulce amplius, sed falsum primò, deinde etiam amarum fit. Occurrit autem meritò dubitatio non leuis, in quo differt calor ab igne inductus, à calore illo innato, cum uterq; elementaris non uiuentis autem sit: piaculum autem est, hæc ac talia præterire, quæ ad rem penitus introspiciendam apertè faciunt. Differunt equidem, quia apud Auerroem calor elementi, quod à prima cōcurrit generatione, refractus est, nec nō planè alijs partibus immixtus,

3. cœli. 67.

D 2 ut in

ut in quolibet (ut ita dicam) puncto ubi ignis adest, terra etiam & aqua adfit, ac aer potentia saltem, ut ante docuimus. At qui nuper inducitur, nec refractus est, nec aliis immixtus elementis. Ergo his duobus hic à naturali differt: quò fit, ut etiam primus sit mollis, suavis, innoxius, ac corpus alens: secundus autem acer, tristis, & corpus ipsum, in quo est, destrues. Quamobrem & mixta generari concedimus inanima, nò quidem ab initio talia, sed primo uiuentia, demum mortua, ut lignum, herba, animalium partes, lapides, gemmaeque ex his praecipue. Sed & miscentur quaedam uel sic ab initio anima carentia, elemento praedominante ea miscente, atque in his omnibus partes sic immiscentur, ut contractae sint omnium elementorum etiam praedominantis uires, singulaeque singulis immisceantur. uerum in uiuentibus manifestius, minus in inanimatis, obscure in liquoribus, quae à nobis permiscentur: ut dum aquam uino comiscemus. Difficile autem est hoc omnino tueri Galeni placitis: quandoquidem ille ad qualitatem elementum formam semper uelit accedere. Sed tunc dicemus, non secus hoc fieri, quam in febre: aucto enim calore per ignem, ignem qui intus erat prius intendi, ac segregari ex hoc: sicque res ipsa ad idem redit. His itaque manifestum est, ualidioris substantiam, ut etiam magis densa, minus pati: quantumcumque autem patiatur ob id longe deterius euadit imbecilli si aequaliter à natura recesserit. Aliud igitur est difficulter pati: aliud ut passum deterius reddatur: nam hoc potenter nimis conuenit, primum autem imbecillioribus. Ergo mel patitur, lac non patitur, humido adhuc resistente. Sed si adeo coquatur lac, ut etiam amarum reddatur, quod & fieri potest, maxime si non misceatur, tunc mel lacte etiam longe fiet deterius, quoniam calidius est. ergo mel facilius patitur, ac magis lacte, quia in humido paritas non est: sed in uino, quod potens, difficilius patitur, non tamen minus, quia humor par est. Metallica autem hac ratione deteriora fiunt, quòd quaecumque, crassa sunt, subtiliora euadunt, ut docuimus: quaecumque autem subtilia, euanescent. Sed in acris uehementer subtilis pars longe copiosior est, quam quae accedit, ob id talia ut eris erugo mitior euadit, resolutis subtilioribus partibus. Ceterum quaecumque: acerbata sunt humida, cocta dulcescunt: quaecumque plurimum terrae habet, & sicca sunt, euadunt falsa prius, inde amara, dulcia nunquam: quae autem aquae incoquuntur, ab initio uim trahunt eius quod incoquitur, unde dulce ac pingue euadit ius carniū ab initio, demum etiam salsum si amplius, postmodum etiam amarum si ad extremum. De oleo lis sic dirimitur, cum coquitur aërea & aquea substantia crassa subtilior euadit, subtilis euanescit, terreum manet: tota igitur olei substantia simul sumpta crassior est, quia plus terrae pro portione obtinet: uerum quod subtile est subtilius est quam prius atque sic, ut dicam, olei crudi substantia crassior est, si ad maiorem olei cocti partem comparetur: quod enim defecatum est, subtilius euasit: quod uero subsidet, crassissimum est. Ergo iuxta

Galeni

Galenī sententiā, oleum coctione subtilius euadit & rectè, nam diuersarū partiū fit: & quod subtile erat, subtilius euadit. Est & uerū quod dicit Aristoteles, crassius enim redditur totū abundante terra, & ob id etiā concrescit magis coctum quā crudum. Rursus eadem ratio in uetusto oleo excogitanda erit: nam cū euadat palam crassius, ut Aristoteles docet: si quis tamen eo inungatur, magis penetrabit, quia subtiliores habet partes quæ intus trahuntur, quod autem terreum est hæret cuti. Ob id non eadem est ratio antiqui olei, & ob antiquitatem subtilis, & eius quod natura tale est, sabini puta: nam natura subtile oleum penetrat, nec obstruit: antiquum obstruit cutem, etsi penetret, nisi sit defecatum. Quod igitur aqua pertunditur totum crassescit, atque priori quod coctum est, aut uetustate permutatum, è directo contrarium. Memineris igitur huius, quod quæ coquuntur heterogenia, id est dissimilium partiū euadunt: illudq; esse generale omnibus quæcunq; igne experiuntur, subtiliora euadere sui natura, & tamen reddi tota substantia crassiora. An uero in lacte quicquam euadat subtilius? Certè sic: nam aliter aqua non posset euanescere: illud tamen paucum est admodum, atq; ob id lac & sanguis concreescere dicuntur.

His igitur uis, colligamus ignis uires quæ ad medicinam pertinent paucis. Res humidiores, & adeo ut superfluo humore abundant, igni expostæ fiunt seipsis meliores ac robustiores, eo donec dulciores euadunt: cū autem alium saporem acquirunt, fiunt deteriores. Ex his suauiores magis calidæ, utiliores quæ calido non abundant. ut lac, & mustum imbecillis uini: quæcunq; acerba sunt ex se, & plurimum habent terræ, siccantur, & fiunt primò falsa, deinde amara. Generaliter autem hoc in omnibus euenire Galenus fatetur: mel tamen primò amarescit. Quæ autem sicca sunt, iam uirtuti aut etiam mediocria immodicè sicca euadunt, ut uinum iam annuum, acetum, mel, ac talia: siccitas autem in his augetur, quia quod humidum est, euadit magis igneum, quod crassum terreum: igitur cū hæc elementa in sicco communicent, necesse est quod coquitur siccius euadere, non tamen calidius: nam etsi pars humida calidior fiat, terrea tamen augetur. Sed & calor qui inducitur, & si magis acris sit, non tamen magnitudine ei qui exhalat pro portione respondet, sed longè minor est. Substantia etiam eius quod coquitur rarior euadit: quare uina potentia igne cocta diutius, adeo euadunt his tribus causis imbecillia, ut aquæ speciem referant: & tamen sunt sicciora, & magis exurunt. Praua igitur omnia talia, & naturæ inimica. Sed si diutius coquantur, euadunt etiam frigida quasi, & tunc nec opus siccitatis perficiunt. Verū in ligni indici exhibitione non diu uinum coqui debet, quod si non ferueat tutius est. Quod tamen diu coctum est, morbo Gallico conuenit à calido &

2. de Virtutib.
natural. cap. 8.
in fine.

humido humore facto: exsiccat enim uehementer, nec calefacit. Quæ autem elixantur tandiu debent elixari, donec magis ac magis ad saporem conuenientem, ac mollitiem accedunt: ius autem ipsum saporem retineat dulcem, atq; pinguem. Quæ uerò incoquantur aquæ ut decoctum propinemus, tam diu coqui debent, quandiu decoctum recipit saporem maiorem eius quod incoquitur: cum autem falsedinem contrahit, nimium processisse nos in decoquendo ostendit, corrupisseq; non solum uires eorum quæ incocta sunt, sed etiam alienam qualitatem addidisse. Periculosus est igitur, nimis decoquere in frigidis, quam calidis decoctis. ac generalius nimis etiam coxisse deterius est quam parum. In crasis tamen humoribus, ac frigidis, uix nimia decoctionis terminos transgredi nobis licet: adeo longam sustinet decoctionem: tum maxime, quia & ipsa falsedo iuuat, ut in plerisque coli doloribus. Quæcunq; autem celeriter coquantur, ut florum, & exilium foliorum pars maxima, non solum inutile, sed prauum decoctum reddunt. Quæ falsa sunt: si nimis coquantur, amaritudinem contrahunt, atq; ob id insuauia, & etiam noxia redduntur. Quæ assantur carnes super prunas, quod subtiliores, eo meliores: atq; tunc optime nutriunt, & etiam copiose: si tamen adurantur noxiæ sunt: ob id ueru exceptæ extrema parte arida & tosta, interiore cruda malum & inæquale præbent alimentum: cum primæ ad uitæ longitudinem non parum conducant: si tamen diutius coquantur, & celeriter uoluantur, partes interiores eius, quæ assata est in ueru, non erunt insalubres: nam assatis super prunas similes erunt. Incoctæ aquæ iuris potius, quam carniū causa, utiles sunt: nam caro ipsa parum nutrit, & terreum exhibet alimentum, ac minimè simile radicali uulgo uocato humido. quæ autem in sartagine cum oleo coquantur quasi mediæ sunt inter assatam & elixatam. Facillioris concoctionis tantò assata, quantò melioris & huberioris alimenti ea quæ elixata est. Aueroës tamen, quoniam forsitan non satis firmo fuit uentriculo, etiam assatæ prætulit. Verum oleum deterius redditur in cibis semper ab igne, sulphureum quid contrahens, parteq; nimis crassum, alia nimis subtile, priuaturq; humido illo elegantissimo, quo nihil melius habet. Atq; id etiam sensisse uidetur Aueroës: quamobrem docuit, ut modicum aquæ oleo quod coquitur paulatim, semper miscetur: sit autem aqua tepida: nam sic olei substantia minimè corrumpitur, & carnes probè percoquantur. Cepas uerò, quas addit, nulli usui ad sanitatem esse constat, sed ad gratiā conceduntur. Eadem ratione oleum aliis in causis dum coquitur, aquæ misceri debet, sed modicæ: conseruat enim humidum proprium, & uirtutem eius quod incoquitur, ad se trahit, sitq; subtilius, nulla, uel omnino exigua comparata siccitate. Quæ autem prorsus dulcia sunt, ut saccharum, & mel, inutiliter igni admouentur: si tamen

men repurgandi causa, aquæ commisceri debent, parumq; apud illum moræ contrahere. Acetum igne adhuc ficius euadit: ut de reliquis dictum est: & si ualidum sit, & parum acre, acrius fit, si parum coquatur. fin autem diutius, omnis eius uis euanescit. Solida corpora cum exuruntur, terrestria fiunt & ignea, atq; ob id mediocriter mordacia: euanescit enim quicquid est mansuetum ex eis, pars scilicet aërea aqueaq;: quæ uerò acria immoderatè, cum plus amittant, quàm acquirant, mitiora redduntur: ob id cineres omnes erodunt & siccant immoderatè: quæ autem uires illis insunt à natura dum torrentur, euanescunt: ut ceruini cornu ad roborandum uentriculum, ob id non uri debet in eius affectibus, nec in occidendis uermibus: amittit enim uirus quo uermes necare potest: at in leuitate intestinorum plus prodest tostum: sed prius lauari debet, ob rationem dictam: aliter enim erodet intestina & proritabit. quæ incoquantur etiam ære amara redduntur, quia æs sponte tale est, & ab igne etiam deterius euadit: atq; eo deterius, si quod incoquitur, acutum aut salsum, aut amarum fuerit. Sola aqua nihil sponte ab igne patitur, sed melior redditur. uitreo tamen aut lapideo uase incoqui debet. Caro dum coquitur nimis, elixata fit inutilis & terrestris: assata autem torretur, & ad naturam sulphuris accedit. Quæ uerò crassa, & frigida, ac humida sunt substantia, aquæ incocta deteriora euadunt. Quæ autem acria, meliora: unde illud Aristotelis, Allium elixum delinit fauces, & porrum lentorem retinet, quò detergere illas possit. Et rursus humidiora assata meliora, elixa sicciora. Sicciora autem allia magis matura, atq; ideo dicit acriora. Assata longè meliora: ut pisces, in quibus etiam periculum non est, ne nimis coquantur, modò lentè id fiat: talia potius parua, quàm nimis exacta coctione periclitantur. Verum quæ pinguia sunt læduntur ab igne, non tamen adeò ut oleum: cupro autem parum fieri deteriora uidentur.

Par. II. Probl.
39.
20. Problem.
& 30.

CONTRADICTION III.

Thermarum aquæ an calidæ.

Aquæ quæ medicam uim præferunt, omnes planè siccant, quales quæ aluminis, uel etiam bituminis, aut sulphuris uim retinent, inquit Galenus primo de Tuenda sanitate: & in tertio, dum de Causis agit obstructionis, aquam aluminosam poros obstruere affirmat. In sexto uerò hæc habet dilucidiora præcedentibus. Calidarum autem quæ sponte nascuntur aquarum noxius est usus his qui calidam ac excrementis exuberantem, tum maxime acribus capitis temperiem habent. Siquidem quæ ex his sulphureæ sunt, ac bituminosæ, eò quòd calefaciant, calido capiti sunt inimicissimæ. Aluminosæ uerò quoniam angustos meatus corporis

fol. 4.
fol. 6.
fol. 4.

poris claudunt. Solis autem his sponte natis citra noxam utantur, si tamen ipsis utendum quæ utiq; sunt dulces. Sic enim tutò dixeris. Nam quòd utile etiam ex ipsis aliquid proueniat, id uerò perinde non tutò dixeris. Quando nec calidæ ipse forent fortasse, si omnis calefacientis ac etiam medicamentosæ facultatis essent expertes. Satiùs autem sit eiusmodi aquas experientia discernere: quando etiam raræ inuentu sint: apud nos enim stadiis ab urbe paulò plus cētum, in Prusa minus decem. Ergo apud nos, quæ est in Allianis (locum enim ita uocant) unius tota est rationis, atq; ex uno fonte manans: quæ uerò in Prusa est diuersa: item diuersus aquæ medicamentosæ fons, ut apud nos in Licetis. Hic non paucis dubitationibus causam dedit, nam non omnes facit astringentes, omnes tamen facit siccas. Prius uerò uidetur illas reformidare ut etiam sulphuream: tum uerò non omnes calidas esse uult, imò dubitat, cum prius aluminosæ ut astringentes, non ut calidas damnaasset. Sed audi quæ dicat in tertio de Præfatio ex pulsibus: Aquæ omnes sulphuræ, tum aluminosæ, & quæcunq; habent exiccandi uim, arterias indurant, & pulsum reddunt ob id duriorem. Et secundo de Crisi: Densatur autem cutis uel à frigore, uel ab astringentibus, uelut accidit his, qui se aqua aluminosa balnearunt. At de caliditate inquit primo de Simplicibus medicamentis. Aquarum quæ bitumen, sulphur, uel nitrum recipiunt, nullæ, imò ne marina ipsa refrigerare corpus possunt, etiam si per totam diem innataueris. Quò fit, ut nō generaliter hoc de omnibus prolatur animaduertas. At uerò de ficitate generaliter loquitur, cum in eodem libro inquit: Albulæ in Italia aque uocatæ, & quæcunq; alumen, chalcitim, ac sal recipiunt, tum reliquæ omnes eiusmodi exicare ualent: tum ulcera, tum lineum pannum impositum. Sed differentię huius causam paucis post uerbis subiungam. Sed illud primò adicere uolo, quod in ultimo Artis curatiuæ scripsit, est autem uerborum hæc series: Aqua quæ in Lesbo uisitur, à Mitylene stadiis quadraginta distans, uim habet digerendi: hæc enim uiribus & colore est, perinde ac si florem salis aquæ marinæ immisceas: ob id hydropicis & tumefactis idonea est, utpote ualide desiccans. Licet autem &, ubi natura talem non inuenieris, similem ei artificio facere. Aristoteles dubitans in Problematibus quærit, cur aquis calidis lapides magis quàm in frigidis concrecant? Respondet, quòd ob calorem: sed de eo quo feruent loqui quisquam dicet, non autem de potentia. Cum uerò narrationem de his texeret, Artanas ac Magnesias aquas calidas dixit, & potui aptas: falsas tamen, quod ex subsequenti Problemate satis apparet, inquit enim: Calidæ esse aliquando desierunt aquæ Magnesie, non falsæ. Sed & falsædinis causam & amaritudinis cinerem constituit: percolata enim aqua per cinerem, amara simul & falsa euadit.

At cl

cap. ult.

cap. ult.

cap. 4.
cap. 7.

cap. 15.

Sec. 14. Prob.
11. 16. 17. 18. &
19.

At clarius in sequentibus hoc docet, cum dicit, feruidas plerunq; aquas falsas etiam esse: quod per aluminosam terram euntes, cineri misceantur: nam cinis omnis falsus, & sulphur redolent. In ultimo autem dicit, eas aquas ob id sacras dici, quod fulmine, atq; sulphure proueniant.

Ex quibus satis colligitur aquarum calidarum ratio ibi secundum Aristotelis sententiam: si quidem modico sulphure alumini mixto aquas transeuntes cineri qui ob sulphur prouenit immisceri, atque ob id falsas aquas fieri: prohibet autem incendium aqua et aluminis copia, sed tamen aliquid semper exurit: ob id omnes ferme aquæ calidæ, sulphuris, aluminis, & cineris aliquid uidentur habere. Sed & in secundo Meteororum, ubi de maris agit falsedine, ait: Mare falsum est, quoniam terra ipsa, & uapor exuruntur: simile enim accidit ei quod cineri ferme cum aquæ miscetur, tum sudori, ac urinæ, quæ omnia falsa sunt: similiter & imbres, maxime autumnales, nam hi cum ex adusto uapore fiant, falsi euadunt. Terreum igitur cum aduritur, falsum fit, tamen præcipuè aquæ immixtum. Omne autem, inquit, quod exustum est, potentia calidum est, ut cinis, calx, & animalium excrementa: ea uerò de causa aqua maris grauior est dulci: ut negotiatoribus ex æquo naues ut in mari onerantibus in flumine, maximum ex submersione detrimentum accesserit. Ferunt autem ob id in Palæstina lacum esse, qui animalia non mergat, tanta est crassitudo aquæ. Quicumque autem fontes falsedinem retinent, uerisimile est ab initio calore tales factos fuisse: inde terras adhuc, per quas fluunt, cinere & calce abundare. Sunt etiam plerisq; in locis tam fontes, quàm flumina, coloribus ac saporibus uariis, quæ non nisi ob materiam admixtam talia fiunt, ut aluminis, & calcis, ac cæterorum. Hæc autem omnia à calore pro illius diuersa natura gignuntur. Vnde in Sicanico agro Siciliæ Oxalme fons muriam acidam cōtinet, qua in obsoniis utuntur pro aceto: & circa Lyncon fons acidus, & in Scythia alius amarus. Sed non omnes hos fontes calere, docuit tertio de Historia animalium, cum inquit: Sunt etiam aquæ multis in locis, quas cum oues biberint, uellera in nigrum permutant: ut in Assyritide agri Chalcidici Thraciæ amnis, quem à frigiditate Psychrum uocant. Et rursus quinto de Generatione animalium: Aquis etiam uis inest pilos immutandi, calidis quidem ad candorem, frigidis autem ad nigredinem. Hæc ille.

Sed primum dubitare licet, unde feruor thermis? Respondet author libri de Mundo, esse ut aquas ignium sub terra scaturigines, quæ ubi eis adhæserint, feruere illas: subiicitq; earum non solum, sed & specuum multis in locis exitus patere: atque his diuersas esse uires, aliis furoris, aliis tabefaciendi, aliis phanaticas, ut circa Delphos & Lebadiam: aliis letales, ut

E in

s. naturalium
quæstionum.
cap. 25.

cap. 24.

in Phrygia. Verùm de uirtutibus haud dissentimus, de causa feruoris nõ consentio: hoc enim falsum esse declarauimus in libro de Supernis. At de frigidis aquis quòd etiam uires habeant, & sint medicatæ, testatur Seneca, dum inquit: Circa Nonacrim in Arcadia Styx fons appellatus aduenas fallit, non odore, non colore suspecta: bibentes tamen immedicabili malo afficit, & occidit. At magis consonam rationem attulit calor, adesse uim sulphuris ac calcis, quæ obuio frigore incalescat, uelut & in calce dum aqua perfunditur. Quamobrem odores hos adesse sulphuris, bituminis, aluminis. Quo fit, ut alia ratio etiam in promptu sit, cur calidarum penè nulla ueneno prædita, aut rarissima: quoniam calore uenenum finitur. nam transitu aquæ calefcit: calore soluitur uenenum, & aqua simul feruet, ob id calidarum nulla letalis, frigidarum nõ pauca. Sed rursus, quonã pacto cum aqua ui, & multitudine exuperet, quod continetur calefacere tamen potest? Respondeo: A qua omnis infrigidat cum moram traxerit, nisi uim habeat metallicã: ob id decocta omnia, si diu morentur in uentriculo, ut in præcedenti explicauimus contradictione, infrigidant. Quare si calefacere consilium est, corpus moueatur: si autem infrigidare, somnus conuenit: diu enim retinetur aqua. Prius igitur calefaciunt quæcunque sic nata sunt, aut parata, quoniam exiliores partes à natura membrorum trahuntur: atque ea de causa calida decocta tum aquas thermarum fumeri oportet. Est tamen in thermis alia ratio: quædam enim adeo crassam habent substantiam, quam continent, ut non solum illico calefaciant, sed perpetuò, quandiu in corpore manserint. Quod autem dico de calefactione, etiam de humectatione, aut exiccatione dico: quæ enim uehementem uim siccam acquisuerunt, non solum illico, sed perpetuò siccant: quæ leuem solum ab assumptione, non diu. In cremoribus autem non tanta potest inesse uis, ut semper siccant, aut calefaciant: sed primum quidem hoc agunt: si autem diu retinentur, omnes humectant, & infrigidant. Omnes igitur Thermarum aquæ siccant ab initio, & calefaciunt: ueruntamen magis siccant, iuxta Galeni & Aristotelis sententiam, quàm calefaciunt. Quod enim omnes calefaciant, necessarium est: nam omnes per cinerem & calcem transeunt, aliter non feruerent: calx autem & cinis calida sunt. Idem de sulphure dico, & bitumine. Siccant & omnes, quia terra omnis sicca est, & cum aduritur siccior euadit, & aquæ commiscetur. His duabus de causis thermarum aquæ omnes siccæ sunt: sicciores autem, quàm calidæ, nam terra in extremo semper sicca est: at non potest in extremo esse calida, imò aluminosa, frigida etiam: ob id siccior semper est aqua thermarum, quàm calida. Quæ igitur alumine constat, quoniam si calida esse debet, sulphur aut calcem habere necesse est: imò utrunque: ea ratione aluminosa

minosa aqua modice primo excalefacit, post in frigidat: magis autem manifestum est hoc in ferrea. Frigida autem aqua non necessario exiccant aut calefaciunt, quia nihil eis admiscetur: ob id pauca illarum medicam uim habent: quaedam tamen habent, quae ab initio ortus sui calent, post autem longitudine uiae & frigiditate terratum aut metallorum refrigerantur: quae autem ex his turbulentae sunt, omnes malae, seu calidae, seu frigidae. nam in eis terreum non est dissolutum sed integrum immutat uim corporis nostri: & obstruit. Frigidarum autem quae clarae sunt, & uenenosae, natura sic constat: lacryma ex ueneno refudat, quae metallo aut lapide excipitur, misceturque aquae innoxiae, uel non miscetur: quae autem non miscetur perniciosissima, ut Styx, alia minus, ut quae iuxta Tempe in Thessalia, quam nulla bellua attingit, ut Seneca auctor est: transit autem per ferrum & aes. Omnis igitur frigida secundo modo, limpida, aut plane humida & frigida, aut uenenosa est: quia per expressionem fit: nam metallica in humido & frigido loco posita, prius exusta in aquam conuertuntur. Calidae igitur Thermae, omnes calidae iuxta Aristotelis sententiam, non solum calidae causae ratione, sed quia primo calefaciunt, etiam ferreae: sed adeo modice ac breui tempore, ut quae aluminosae sint, uel ferreae, frigidae iure merito à Galeno iudicentur ac posterioribus: quoniam cum minimum in corpore morae contraxerint, in frigidum manifeste: non solum quia aquae, sed ui exuperantis metallica partis. Harum igitur, & frigidarum, quae alba est, uel turbulenta, necessario noxia: antequam resideat, epota. Omnes tamen calidae exiccant, quia materia terrea siccitate carere non potest. ob id Galeni & Aristotelis concordia clara est: ille enim uim causae spectat, hic effectum in homine, ad quem obseruandum medicus est institutus.

Ipse uero Galenus sic sibi conciliatur. Omnes aquae calidae quandam habent uim medicam, & tamen non omnino omnes calefaciunt, ut aluminosae, suspectae uero ne ob causam nimis aliquid contraxerint: sed omnes exiccant, non tamen omnes astringunt: astringens enim est frigidum, siccumque qualitate, ac tereum etiam, ut Galenus ostendit in tertio de Simplicibus medicamentis. Nec nunc saporis & qualitatis differentiam, quando ex eisdem proueniant, magnifacio. Quaecumque igitur calidas uehementer magna praeditas facultate existimare licet. At non feruentes, sed solum calidas imbecilles esse, non est necessarium. In quibus autem colliquidatio terreum in aquam ducere potest, ut sal, ars naturam imitatur: ubi autem non potest, ut in ferro, sulphure, nulla ars naturam simulatur: sed à naturalibus balneis petendum.

dum est auxilium.

Ergo aquæ calidæ natura ex septem dignoscitur, odore, colore, sapore, caliditate, pondere, destillatione, & effectu. Odor docet materiam prædominantem: inde etiam Sapor: & quæcunque calidior est, aut ponderosior cæteris paribus est magis medicata. Color etiam docet quod crassior materia illi immiscetur. Destillatio declarat quid, quantumque ex unaquaque parte terrea in aqua admixtum sit. Vires etiam quia in metallis hoc non sit facile deprehendere, adducunt nos in cognitionem naturæ aquæ, ut inferius explicabimus, cum quædā propria sint.

Igitur, ut ad propositum reuertar, omnes aquæ siccant, quæ calidæ sunt, iuxta Aëtii sententiam: non omnes astringunt, aut excalefaciunt. Sed

lib. 3. cap. 167.

cur Paulus illas immodicè, non minus excalefacere, quàm exiccare, scripsit? Pauli litera sic iacet. in antiquo codice: τὰ μὲν ἐπὶ νιτρῶδιν. τὰ δὲ ἄλμυρά. τὰ δὲ σπυγνῶδιν. τὰ δὲ θειῶδιν. τὰ δὲ ἀσφαλτῶδιν. τὰ δὲ χαλκανθῶδιν. τὰ δὲ σιδηρῶδιν. τὰ δὲ σύνδετα. Quod est: hæc quidem nitro, alia fale, alia alumine, alia sulphure, alia bitumine, alia uitriolo, alia

cap. 11.

ferro, quædam ex his cōposita. Sed alibi inferius scripsit, τὰ δὲ χαλκίγοντα, id est ærea: atque sic apud Aëtium legitur. Confert & chalcantum seu uitriolum oculis, ut in quarto de Medicamentis secundum locos: additur enim in compositione eorum quæ ad astringendum maximam habent vim, sed & ibi squamma æri utilis habetur. Manifestum est autem, quòd ex his, quæ in libro nono de Simplicibus leguntur, cum de chalcanto agit, quòd chalcantum, non æs legi debet: nam chalcantum, ut ibi inquit, carnes siccant, contrahit, ac constringit. quæ omnia quis non uidet columellæ, & ori, ac gingiuis maximè conducere?

Sed adhuc dubitatio manet, Quonam pacto ferreæ aquæ immodicè, tum aluminosæ, excalefaciant? Certè sic legendus est textus ille: Naturalium aquarum calidarum uis est, quæ siccet non parum: quarundam etiam ut excalefaciat. Sed Græca lectio plus etiam obstat quàm Latina, cum in fine adiectum habeat ἐπίπρη. Auicenna uidetur & ipse intellexisse tamen in secundo libro de Aerea, cum dixit, Aerea confert ori & auri. Vtrunque legi potest, sed ærea certè non est tanta utilitatis, ut dixi, quantæ est, quæ ex uitriolo.

Illud minimè præterire licet quod dixit, Et plurimū earū soluit ahiū. Quonam pacto fiet hoc, si cæcis omnibus existētibus? Euenit hoc pro mole & magnitudine, ut docebimus, primò: tum uerò ex acredine: omnia enim acria aluum mouere solent, ex Galeni sententia: maximè tamen purgant salsæ, & nitrosæ, ut Haliabbas inquit. sicut aluminosa manifestè refrigerat, exiccat, & astringit. *contrariæ opinionis q. alumina refrigeret, est Dioscor. lib. 5. cap. 81, ubi uult ut alumina calida. Sed cereris, et ibi Mathisus dicitur. Dicitur. contra multos etiam sentientes ualidis satis rationibus,*

5. Theor. c. 29.

Sed postquam in hos sermones incidimus, operæpretium erit, ut ea adiiciamus, quæ ad illarum usum pertinent: tum maximè, quòd antiqui satis breuiter de illarum exhibitione locuti sunt. Igitur cognita qualitate aquæ, & ex quibus componatur, in illius vires ratione & experimento descendere licebit. Sic ex Aëtio. Generaliter omnes conferunt morbis humidis, dicit etiam frigidis: sed intellige, qui ex humoris abundantia proueniunt: ut, iuncturarum doloribus, resolutionibus neruorum, anhelosis, ulceribus humidioribus, fracturis, callo indigentibus: & hæc sine controuersia. Nephriti autem non sine controuersia, ubi plus calor noceat, quàm siccitas iuuat. Similiter & induratis tumoribus si à nigro humore sint, nam in Cancrum calidæ deducere possunt: peculiariter autem sic.

Salsa ac Nitrosa adhibentur fluxionibus capitis ac thoracis non acerbis, tumoribus pituitosis, hydropicis, uentriculoq; humido, sed tamen illi nocent: soluunt aluum egregiè.

Aluminosa sanguinis reiectioni, uomitibus, omnibus deniq; superfluis reiectionibus, tum maximè sanguinis, abhorrētibusq;: astringunt, & confirmant: uaricibus etiam conferunt, coctioni, & his qui immodicè sudant.

Sulphurea neruos molliunt, tenefimos mitigant, articulorum fluxionibus, spleni indurato, iecori obstructo, utero resolutio, coxendicum doloribus, omnibus cutis morbis manifestè conueniunt: expurgant ualidè, sed immodicè calefaciunt, & uentriculum labefaciunt. Quibus calida est temperies plerunq; mortem afferunt, nisi à iecore & præcordiis diligenter cauerimus: conferunt & pulmoni non parum.

Bituminosa calefaciunt, molliuntq;, præsertim partes circa uescicam, colum, & uterum: caput lædunt, & sensus perturbant. Constat autem bitumen sulphurea, & cinerea, tum falsa parte mixtis: inuenitur præcipuum in Syria, ubi mare mortuum, Galeno teste: habet autem & aqua a liquid unde consistentiam habet.

ii. de Simplic.
medic. in fine.

Mercurio quæ constat, omnis tepens, aut frigida. Tepida autem omnis aqua Mercurium, aut saltem ferrū immixtum habet: sola enim hæc duo tantum habent frigiditatis, ut sulphuris incendium moderetur. Porro quæ Mercurium habet actu, uenenoſa est qualitatis: quæ autem potentia, refrigerat, siccant, confirmat. Dictum est de his in libello de Subtilitate.

Aerea conferunt hydropisi ualde, tum etiam ori, tonsillis, auribus, uis, oculis. Sunt tamen uenenoſa qualitatis: calefaciunt etiam, & exsiccant, & attenuant non leuiter & difficultatem spirandi faciunt. Reprehendunt quidam nos, quòd adiecerimus quæ apud Aëtium minimè inueniuntur.

Sed illi digni sunt, ut eas aquas sumant, præceptis Aëtii solum admoniti.

Cinerea abstergunt, exiccant, & salis operationes, sed leues, habent: astringunt etiam, & splenem minuunt.

Calce autem constantia calefaciunt immodicè, & exurunt putrida curare ualent.

Ferrea infrigidant, astringunt, uentriculo & lieni commoda: ad sistendum sanguinem, undecumq; fluat, suprema.

Gypsea adhuc magis sanguinem retinent, sed uentriculo noxia, & spirandi difficultatem pariunt.

Chalcanto infecta ulceribus, tonsillis, uux utilissima: astringunt, exiccant, confirmant.

Argentea, ut Haliabbas inquit, refrigerant, & exiccant, moderatius tamen quàm ferrea, & conferunt membris principalibus, suntq; rara & pretiosa.

Lithargyrio infecta anhelitum uitiant, conferunt tamen ulceribus, maximè calidis, & non mediocriter.

Plumbea neruis & uentriculo noxia refrigerant & siccant, & fluxum feminis emendant, sistuntq; sanguinem.

Est autem usus Thermarum quintuplex, Potus, Lauatio, Lutum illitum, Gutta seu Instillatio, & Fumus, seu Sudoris prouocatio. Calida uehementissimè actu, & sulphurea & bituminosa omnia per instillationem capiti, uentriculo, pectori, iecoriq; adeò periculosa, ut per se pe mortem omnino inferant. Eadem ratio luti: neq; enim præcordiis aut capiti apponendum, aut pectori. Sudatio quæ fit in cauernis calidis omnibus temperamenti periculosa. Lauatio omnium tutissima.

Secundum regiones autem Italiæ dicendum, ut ex Saonarola accipimus. In agro igitur Patauino septem loci sunt, in quibus Thermae inueniuntur: & primò iuxta Aponum celebratae Claudiani elegiaco carminæ, materna lingua Ebanum: salis plurimum, inde aluminis habentes: nam necessariarum rerum, id est cineris, ac sulphuris quàm minimum habent: sanant præcipuè albas purgationes mulierum, quæ ob pituitam proueniunt: ut etiam mulier, quæ iam sterilis ob hoc per annos duodecim fuerat illarum auxilio conceperit: stillam habent frigida pituita, à capite descendenti, utilem. iuuant etiam uel solo sudore ex cauernis. De his autem Lucanus dicebat:

lib. 7.

Euganeo, si uera fides memorantibus, augur

Colle sedens Aponus terris ubi fumifer exit.

Sancti Petri, secundo loco habentur, à prioribus mille passibus distantes, in ualle, & ob id minus in usu: ualidiores tamen, parum potui apta mixtio ex eisdem.

Domus

Domus nouæ, quatuor stadiis à prioribus distantes, calcem modicam, præter reliqua quæ in aliis: ob id in hydrope frigida non parum utiles.

Montis Grotti duobus millibus passuum ab Apono quarto loco habentur: nullæ in Patauino agro magis sulphureæ, quamuis tamen parum & eius habeant: habent & cinerem, & alumen, & non multum gypsi: exiccant immodicè, calefaciunt etiam, sed longè minus. Vfus est instillatione super caput, tum super iuncturas frigida pituita laborantes: cohibent etiam quæ à capite defluunt.

Sancti Bartholomæi Thermæ à Patauio distant centum stadiis: mitiores hæ omnibus aliis sunt: aluminis plus cæteris habent, & aliquid etiam nitri. Nodos in iuncturis soluunt præ cæteris. Feltrinus uir cum ex luxatione in genu ad motum esset inhabilis, concepta in loco duritie, xv. dierum spatio domum pedibus suis rediit: ut Sauonarola refert. Vbi cineris, aut sulphuris nullam fecerimus mentionem, ut hîc, modicum illis inesse ex his intelligi uolumus.

Sanctæ Helenæ sexto habentur loco. i. x. stadiis à Patauio distantes, aluminosæ, & nitro abundant: nam sal etiam, ut dixi, cum cinere & sulphure omnibus communis est: quia iuxta Aristotelis sententiam cinis salem habet secum: emolliunt neruos à crassa pituita duros factos: conferunt etiam cutis defœdationibus quæ serpunt.

Montis Ortoni extremæ sunt, uulgò Mons Tertonus: naturam habent earum quæ iuxta B. Bartholomæi ædem positæ sunt. atq; ex iisdem constant. Has omnes fermè & ego uidi, dum iunior Patauî literis operam darem.

Bononiensi agro in confinioq; Pistoriensis, ubi Alpes, ac frigus etiam Iulij tempore, quasi temperatæ & amcenæ aquæ, & ob id multi usus habentur, Porretæ uocatæ: similes quidem his quæ in Aponensi agro natura, sed longè ualidiores, & etiam usui aptiores: roborant epotæ cerebrum, sensusq;, & uentriculum: sistit ex cerebro distillantia, difficultatem spirandi sanant, adeò ut etiam equos, quos Bulsos uocat uulgus, duorum mensium spatio curent. Appetentiam excitant, & sistunt sanguinem, qui fracto in pulmone, aut in pectore uase, fluit. Renum imbecillitatem firmanant, atterunt lapides, sterilitatem auferunt, & cohibent menses albos, ut autor est Gentilis: sanant & podagram, licet non antiquatam: appetentiam etiam prægnantium reparant: sed nolim tamen tanto periculo leuissimum symptoma curare. Periculosa tamen sunt, quia ualida: hoc enim uehementibus fermè omnibus auxiliis est commune, cum non ritè administrantur. Vnde etiam in adagium uenit: Balnea Porretæ mortem, uel porta salutem.

Romandiolæ tria habentur Balnea iuxta Castrum B. Mariæ: primùm

De

De turri uocatum, ad iuncturarum dolores, sed potui ineptum. Poltronum secundum dicitur, quod cutis defœdationes curat, scabiem, ulcera, elephantiasim. Dominarum tertium, quod mulierum mor os curat utero uenientes miro modo: distant hæ à Foro Iulii, uel Forliuio stadiis CCXL. uel P.M. xxx. inter ipsa solus murus medius est.

Foroliuii Balineæ sunt. D. M. passuum uel stadiis XL. ab urbe iuxta castrum Medullam. Harum aquæ epotæ corpus non leuiter purgant: quare salis plurimum habere coniectura docet: nam inter metallica ferme solus soluit uentrem.

Lucano agro xxi. m. passibus iuxta Torsennas Thermæ tres sunt, quarum primæ Torsenæ uocantur, iuxta Gentilis sententiam sulphure, & alumine, ac sole æqualiter constant: molliunt durata, & ulcera difficilis consolidationis curant. Sunt qui uerius illas habere florem salis fossilis, quem quidam uocant salgemmam, affirmant, salis nitri loco. Rubrum autem balneum extra uillæ circuitum, æneum est, ac quasi frigidum. Villæ Balneum, quod adeò celebratum est, & nunc in frequentissimo usu Mediolani, à Torsena m. passibus distat: exiguum ut uix tres capiat homines. Sedat sitim, quia terrea substantia constat: utile renibus, & iecori, tum etiam sanguinis sputo, & reliquis hæmorososiis singulare præsidium. Sauonarolæ autem ætate adeò contemptum, ob debiles uires, ut in usu non esset. Mercurii particeps est, unde si non rectè administretur, iecur debilitat, & hydropem gignit: ostendunt hoc aurei annuli.

Pisæ etiam habent sex balnea: in monte enim sancti Iuliani, qui est inter Lucam & Pisas, sunt Thermæ, & in eodem agro aliæ quatuor. Hæ aut natura aluminosæ non parum, sed & sulphuris non leuem habentes partem. Balneum Saniæ, immodicè sulphureum, & calidis ob id ualde temperaturis non leuiter noxium. Balneum sanorum, aluminis plus habet, sanis utile, confirmans robur. Balneum autem Reginæ tribus m. passuum ab urbe distat, ob id quod ferreum est, sanguinis fluxibus non parum utile, confirmans etiam uentericulum: melius longè balineo uillæ atq; eodem ualidius, haud mediocriter. Quintum ab hoc distat tribus passuum m. Marmoreum, quæ steriles sunt ob uehementem caliditatem, ab hoc balneo prolificæ aliquando fiunt, refrigerat enim usq; ad torporem. Sextum autem est distans xvi. millibus passuum ab urbe uocatum De aquis, famosum, ferreum, & aluminosum: optimum supercalefactis, impinguans eos, & uim attractiuam eorum confirmans: suscipit tamen uehementem permutationem, in mense Martio quandoq; hanc accolæ loci cognoscunt, sit enim aqua citrina colore, & tunc non leuiter nocet: cauendum est igitur tunc ab illa.

Volaterræ habent balnea tria aluminosa, & sulphurea, ab urbe xvi. m. pass.

M. passuum distantia, similia Aponensibus, & montis Grotti. Alia extra muros uillæ, similia Thermis uillæ fermè ad unguem, sunt enim ferrea, & alumine modico participantia. Sunt & alia ab his distantia duobus M. passibus, sale, sulphure, & alumine immodico prædita: & ob id ebullire uidentur adeo acriter, ut transeuntes aues halitu necent, & ad se trahant: ascendunt etiam corpora ex illis exigua & strepitum edunt non leuè, uocanturq; lacones surdi: administratio illorum ut est periculossima, sic uiolentissima.

Senæ habent undecim Balnea: primum Petrioli, distans P. M. XVI. ab urbe, sulphure & alumine participat: sed sulphure immodicè duciam seu stillam habet ibi x. sunt alia balnea eiusdem, ut fertur, naturæ. Secundum dicitur farinæ, simile priori, sed longè leuius, ideo prius in hoc ingreditur homines ut assuescant. est autem flumini propinquum. Tertium dicitur De cometis, quod quasi simile est dulci aquæ: in eo apponi solent cucurbitulæ, uelut in Thermis dulcis aquæ: uirtus ferme nulla, adeo lenis. Quartum est sulphure & ferro mixtum, immodicè calefacit & exiccat. Aliud ibi magis sulphureum, ubi tres, ut dici solet guttæ.

Ab hoc aliud temperatius. Sextum ultra pontem, uocaturq; Balneum dominarum, naturæ sulphuræ non parum ut reliqua. Caldenæ septimum balneum, ferreæ uirtutis, & aluminosæ, roborat membra nutritionis & coitum, attenuat splenem, & sanguinem cohibet ualde: solet hoc emendare detrimenta balnei Petreoli. Octauum Morcerati balneum, propinquum balneo Petreoli per quinque M. passuum: illo tamen longè mitius, unde ab eo curam incipere solent. Nonum Rapolani balneum pinguiori scabiei utilissimum: curat & superfluum uteri humorem: sulphure immodico abundat, & ideo uehementer calidum & siccum. Decimum Auinionis balneum ab urbe xx. M. passuum distans, æreæ, ferreæ, & aluminosæ est facultatis, sed æs longe minus dominatur: assimilatur Balneo Reginæ in comitatu Pisano: uerum ut crassioris substantiæ, sic tardioris effectus. Est & aliud, S. Philippi uocatum, nitro abundans, & ob id guttam habet siccantem uehementer, & cum minore periculo, quàm Petreoli balneum: nam sulphur nimium colliquat: hoc igitur mitius est. XVIII. M. ab urbe distat: uentis & inundatione non parum turbatur, sitq; graue: accolis hæc turbatio cognita est. Est & aliud uocatum Aquæ borlæ, quod quia nitro abundat, caretq; astringentibus, aluium non leuiter subducit. Omnia hæc in Senarum regione continentur: tamen plura alia, quorum naturam ex his, que dicta sunt, coniectura assequi licet.

Viterbii decem sunt balnea famosa: primum eorum dicitur De grotta, ab urbe distat passibus M. naturæ ferreæ & parum æneæ, salis & alu-

minis particeps: aureo colore, gustu maximè iucundum, substantia tenuissimum, unde uasis delatum magna ex parte euanescit: saluberrimum etiam, nam ex nulla alia aqua plus tutò bibere licet: purgat præcipuè renes, uentriculum, cerebrum: totum caput, & corpus roborat, sed tamen longe magis oculos, à quibus aufert tenebras, eorum aciem acuit, confirmatque. Secundum est Vallis Chaim, æreum, aluminosum, modice ferreum: uiri id non ferunt, nam nimis spiritum cohibet: mulieribus, quæ ob frigiditatem, & humoris copiam non concipiunt, salutare: ob id Dominarum uocatur. Cruciatorum tertium est, ferreæ, & æneæ naturæ leniter est, multumque sulphureæ: podagricis utilissimum, ac iuncturis salubre. Bulicani balneum ab urbe distat m. passibus, alumine & ferro constat: feruet multum, & eadem die sponte mutat colorem in aureum & argenteum: purgat exustos humores, & iecori saluberrimum est. Bussetum, sulphureum est, ferri non expers, simile balneo cruciatorum: peculiorem habet uim in antiqua coli uexatione, luxatis, ac fractis. Palatiorum balneum, alumine magis quam sulphure participat: curat scabiem, & cutis defœdationes, omni alio balneo longe melius. Sanctæ Mariæ in felice balneum, ferro & sulphure abundat, ob id etiam resolutioni arcticæ, ileo, colicæque confert, tum magis quòd eius substantia tenuis est: ob id etiam non plurimum lædit, etiam si in irritum quis ipsum sumat. Prati balneum, quasi expers qualitatis externæ, unde ob sulphuris leuem illam uim statum discutit in iuncturis existentem, & in utero. Suauis est hæc aqua, & potui apta. Paganelli balneum, clarum est, non multum calidum, nitro & alumine, modicoque ære participat, uentriculi affectibus nihil melius: purgat, confirmat, appetentiam incitat. Asinellæ balneum, æreum est manifestè, tum subtile, hydropicis salutare, tum obstructionibus, & in uteri collectionibus: limpidissimum hoc etiam est.

Aesculi autem iuxta urbem balneum, non multum calidum, multum tamen sulphureum est: nocet oculis debilibus, iuuat neruos resolutos, sed haud multum.

Urbs uetus nouem habet balnea: iuxta oppidum uocatum S. Calsianus, primum dicitur De terra, aluminosum, inde ferreum: purgat tamen renes. Secundum est balneum Caldaia, ferri minus particeps, mundat humidam scabiem. Tertium est Balneum sanctæ Mariæ, calidum, & siccum non parum. Quartum est Balneum de Caldagna, duas habet guttas: calidum est & siccum ualde. Quintum est Balneum sicuncellæ, id est Iecorarium: calidum temperatè: medium inter ferreum & aluminosum: iecori, spleni, uentriculo, maxime utile, seu calida, seu frigida uexentur in temperie. Sextum est Grottæ balneum, scabiem ulcerosam remouet.

Sept

Septimum est Sancti Georgii balneum, ulcera antiqua consolidat, hocque ei inest præcipuum. Octauum Balneum Pirus: prouocat sudorem. Nonum est Balneum De luto: extenuat crassitiem crurium, extendit nervos contractos: moram trahere oportet in illo per mensem cum dimidio saltem, uel etiam usque ad duos.

Perusium habet balneum unicum montis alti, nigrum, foetidum, bituminosum, sulphureum: uires balnei S. Bartholomei in agro Patauino.

Iuxta autem oppidum montis Catini sunt tria balnea: Primum, Balneum obsoletum, falsum. Balneum aliud falsum ualens oedemati, sciæ, & podagræ. Balneum nouum, & ipsum falsum est, atque ideo cognitum: soluit tamen uentrem, prouocat urinam & uomitum.

Apulia & ipsa non pauca habet balnea: Sudatorium primum: acuit uisum, stringit lacrymas. Ibi nouem alia habentur eiusmodi balnea. E quibus Bulla unum est: Sulphureum aliud: tertium uocatum Astianæ balneum, quod lenit pulmonem, & tollit tussim. Iuncare balneum, uentriculum confortat, & iecur: proprium eius est lætitiā inducere, suspiria tollere, coitum excitare, alacritatē gignere: hecticam omnem curat. Balneum Locus, est quod maxime Neapolitani diligunt iuxta litus est maris: confert oculis, caligini, aquæ: reficit consumptos, renes confirmat: aqua suaui, tepida, & multum grata. Hanc ex notis eam esse autumo, quæ in uilla, cui nomen Academia fuit Ciceronis, post illius obitum nata est: unde Plinius ea recitat carmina laureæ Tullii, quæ memoria digna sunt.

Lib. 31. cap. 2.

Quo tua Romanæ uindex clarissimæ linguæ

Sylua loco melius surgere iussa uiret.

Atque Academiæ celebratam nomine uillam

Nunc reparat cultu sub potiore Vetus.

Hic etiam apparent lymphæ non antè repertæ,

Languida quæ infuso lumina rore leuant.

Nimirum locus ipse sui Ciceronis honori

Hoc dedit, hac fontes cum patefecit ope.

Vt, quoniam totum legitur sine fine per orbem,

Sint plures oculis quæ medeantur aquæ.

Triptæ balneum, & ipsum iuxta maris littus, dulce, nec calidum: uentrem mollit, febrium siccitatem tollit, pectus lenit, supercalefactos refrigerat.

Petræ balneum cerebro commodissimum, ut quod omnes eius morbos tollat: auxiliatur etiam pectori & cordi, ipsa roborans: surdos, & suffusionem etiam curat.

Colatura balneum cor lætum reddit, tussim molestam aufert, pulmonem etiam & ob id, & præter id salutare: pituitam sistit. hæc omnia

F 2

facit

facit in potu sumptum: lauacrum autem balneum pulmonem expurgat, atq; ei opem affert.

Aquensis ciuitas Montis Ferrati, balneum habet de quo sic Sauonrola: In plano est aqua, quæ duobus diebus limpida est, tertio autem fit uiridis: curatur, seu expurgatur fons eius ob id singulis octo diebus: sapor eius foetidus est, ut corruptorum ouorum: dicitur curare iunctorum morbos. Hæc ille. At nos uidimus hoc anno tot ad illud confluere homines, ut uix locus ipse aduenas caperet: erat enim ut dicebant, non solum artubus, sed etiam capiti salubre. Ego equidem ex odore, & sapore, ac permutatione, in causa frigida, atq; etiam uehementer frigida, tantum conuenire existimo. Sunt etiam duo balnea quorum unum in ciuitate minoris usus alterum ab ea distans M. passibus ferme, ualde famosum.

Aquarium autem habet Thermas, distat à Regio Longobardorum XXII. M. passuum. Camphoræ odorem habet, limpidamq; aquam ac gustu non parum suauem. Si quis bis in die moram in eo trahat, sinus & chironia ulcera sanat.

Brandula oppidum XXXIII. M. passuum distans à Carpo, Thermas habet M. passibus ab ipso oppido distantes, aqua clara, qualitatis externæ expers, potentia etiã quasi temperata, ad calidum tamē declinans. Sulphuris & salis parum, at aluminis multum particeps: præcipuam habet in emendando sanguinis mictum uim: attamen hoc etiam commune habet in bobus: plurimi enim cū lætalis sit hic morbus, in illis, hac pota aqua liberantur. Sed & ex hoc deprehensa est uirtus in curandis hominibus.

Verona & ipsa habet in agro Calderam uillam, iuxta quam Thermæ ferreæ, & aluminosæ, robustiores his quæ de uilla in Lucensi agro: sistunt etiam profluentem ex cerebro pituitam: ob hoc hæmoptoicis ex destillatione commodissimæ. ut etiam aliqui sanguinem ex acuta destillatione expuentes perfectè curati fuerint.

Sicilia iuxta Sacham ciuitatem Thermas habet in radice montis diuisis fontibus uirorum, mulierum, belluarum: sed in summitate est antrum cum cubilibus uariis pro morborum uarietate. Conferunt ramici & podagræ: & natura earum est ferrea & aluminosa. Mōs uocatur gemmariorum, palmisq; refertum est. Aliud balneum inter urbem Reparanni & oppidum Alcam ab eo distans quatuor M. passuum, uocatū Calatomech: ibi tres domus, calida, calidior, & calidissima: ut etiam ibi coquantur oua: uerum natura sulphurea. Mense Maio ad eū confluunt homines. Alia etiã iuxta ciuitatem Palermi, Termini uocata, ab oppido eiusdē nominis.

At uerò ut sciamus cum facilitate quantum quælibet aqua ex sale uel alumine contineat, hunc modum tradiderunt: uas figulinum ad dimidium in fonte impleatur aquæ pondere cognito, inde in fonte supernatans

natans tandiu maneat, donec absumpta aqua lacrymæ quædam in uasis superficie adhæreant: tunc transmutetur in lapidea uasa lata, & quadrata & depressa, seu humilibus lateribus, quæ & ipsa maneat in aqua fontis feruente, ut sic ex mora cogatur in unum metallicum omne: hoc autem modo seruatur & sulphur, quod in destillationibus euanescit. Verum nec hic modus omnino tutus uidetur, cum plurimarum aquarum uires æreas ac ferreas experiamur, in quibus nihil ex eiusmodi metallis, quod sensui pateat, refecatur. Tutior igitur uia à sapore, odore, & effectui habetur, cætera non omittenda, cum assistentia probent & ostendant.

Ostenfum est autem quod non in omnibus licet naturam imitari: inquit enim Galenus, Vt in sale, sic in sulphure, & alumine, atq; aliis, licet artificio naturam consequatur nos in æreis, ac ferreis, non ad exactam eam symmetriam perducere per artem aquas posse ostendimus. Sed nec in alumine & sulphure, nam terrea manebit, & turbida, cum natæ thermæ clarissimæ sint. Respondeo igitur, Galeni sententiam quo ad primas qualitates esse exponendam: siccabit enim alia, alia calefaciet uehementer: non tamen in potu omnes æquè conuenient, cum naturales sint puriores, uelut & in reliquis quæ ab arte simul & natura fiunt: ars semper naturam imitatur, at nunquam æquat. Duplici autem modo in potu sumitur, uel ut expurgans, & in immodica quantitate, tuncq; somnus prohibendus est, ut superius diximus: tunc enim ad uncias ferme cc. peruenimus, sensim augendo: unde tanta moles si retineatur, uel subitam mortem, uel ascitem poterit creare. At è diuerso, si immutare uelimus temperaturam, non excedimus uncias xxiiii. tuncq; somnus maximè conuenit, uigilia attenuantur. Sicq; hoc anno multis nobilibus hac ratione, primus in hac causa, ut in plerisq; feliciter exhibui.

Æstate autem eadem ratione à medio Maii ad medium Iunii, & rursus à medio Augusti ad medium Septembris exhiberi solent: & rectè quidem si purgandi causa: si immutandi, quocunq; tempore conueniunt: summis tamen frigoribus temperies ad calorem declinans per uaporarium mollienda. Semper enim frigus, fames, foetor, fructus, coitus, sed & aqua, ac limphatum uinum, & caseus, fugienda sunt aquam thermarum bibentibus. Quò fit, ut minus mirum uideatur, Cramignolam & Gatamelatam duces, sub media hyeme à Sauonarola fuisse plenè curatos Thermarum aquis: nam calorem aëris, etiam æstiu, ars melius potest fingere, quàm aquas ipsas. Dantur igitur pulli, & auiculæ, & uitella ouorum, & uinum leue flauum, uel subrubrum: & acetaria aliquando: & citrangu la ipsa, quamuis fructus, pro fructibus non habentur.

Sed an uerum est quod Galenus dicebat, medicas aquas sitim facere? uidetur enim hoc uerum, quoniam, ut diximus, omnes sunt siccæ. Et rur-

i. de Simplicii.
med. c. 7. in fi.

*quæ fugienda sunt
aqua thermalem
bibentibus.*

ubi supra.

lib.1.c.9. sus,an nunquam conueniant febrientibus ea ratione,& ut ipse dicebat, in Arte curatiua ad Glauconem: Marinæ autem aquæ,& falsæ,nitrosæ,atque sulphureæ,plus quidem bilis educunt: sed multò minus,quàm potabiles profunt. Præstat uerò neq; ipas utiles (in Tertianis enim loquitur febribus,qui sermo fermè omnibus febribus communis est) dicere, quandoquidem plus qualitibus nocent,quàm iuuent euacuationibus. Equinoui corrupto iudicio quendam hisce uti persuasum, deinde extenuato corporis habitu ad tantam uenisse perniciem, ut tæbe consumptus interiret. Sed Princeps moderatius in secundo libro, Et aquæ sulphureæ,& lutosæ, & stantes, febres faciunt. Alia accedit dubitatio, quia ipse alibi ponit, quòd æræ & feræ iuuant in morbis frigidis & humidis. Nam in prima quæstione ratio & experimentum ostendunt, quòd aquæ feræ extinguunt sitim. Respondeo,dictum Galeni intelligitur secundum plurimum, nam eas in quibus ferrea uis dominatur, non uidetur agnouisse: quòd si agnouisset, aliam de his sententiam forsàn attulisset. Sed non omniæm extinguūt sitim:est enim sitis appetentia frigidi & humidis,aquæ autem thermarum omnes siccæ,quamuis feræ frigidæ sint: conueniunt igitur uel euacuando bilem, falsum uel humorem. uel in siti quæ ob intemperiem sit calidam, non deficiente humido. Eadem ratione & in febribus feræ possunt conuenire:quanquàm rarò, & solæ in acutis autem nunquam. Quomodo autem feræ cum æreis in morbis conueniant frigidis, respondet Gentilis, quòd exterius applicatæ naturalem calorem sua ui astringente reuocando:sed hoc est improprium. Intelligatur igitur referendo singula singulis, humidis omnes conueniunt, frigidis autem falsæ.Sicut & illud, Aquæ omnes metallicæ nocent & malæ sunt: id est, cum cibo sumptæ,quod uerum est:aliter autem falsum Haliabbas quoq; in eundem incidit errorem,dicens,Ferreasplenem calefacere.Illud etiam ad notandum, quod ab illo habetur, Salsas omnes caput offendere: nam de sulphureis iam illud dictum est.

cap.59.
secunda pri-
mi.doc.2.cap.
19.

secunda pri-
mi.doc.2.cap.
16.
ibid.c.19.
5.Theoric. 13.
cap.

l. morbis

An uerò non nisi uerbis grauibis exhibenda sint? hoc enim quidam sentire uidentur: dubitatio est,leuis tamen: nam si sanis quædam conueniunt,aut saltem neutris,quomodo etiam non leuiter ægrotantibus?Euacuandi tamen gratia,cum in maxima fuerint quantitate,solis ægrotantibus,ac etiam grauiter(non leue enim auxilium)non nisi graui conueniunt morbo.Quædam etiam talia sunt,ut quæ uehementè habent qualitatem, ut non nisi grauiter affectis cōueniant.Obseruant autem quidam Bissextilem annum, in quo referunt accidere sterilitatem persæpe,tum abortus prægnantium,& medullam arborum non ad florem conuerti, sed ad pediculum: quartanæ enim febres ab aliquo sidere fouentur, à quo & uniuersa, quæ sub cœlo sunt, quandam permutationem suscipere uidentur:

tur: sic bissextilibus annis thermæ corrumpuntur. Sed hoc fortem quandam ueritatis causam potius habere uidetur, quàm firmam rationem. Annis siquidem M.D.XI. & M.D.XLIII. plures grauem noxam à balneis, aliqui etiam mortem incurrerunt. Sed hoc non ubiq; æqualiter, non omnibus, non semper.

Artificiosa uerò non eiusdem generis sunt: alia enim ex aqua, lacte, oleo, uino, pura, & composita, de quibus aliàs dicemus: alia aërea, è quibus humida, sicca, ignea. Sed quæ artificio constant spirandi difficultatem semper pariunt, ob calorem, & uaporis abundantiam, ut à Principe colligitur. Sulphurea iuuant epota secundum ipsum, nec mediocriter: uapor tamen eorum nocet, magis tamen chalcanti, ut nono de Simplicibus medicamentis habetur. Sulphur enim iuuat, interius sumptum saltem: Chalcantum nullo modo. In hydropse quoq; eadem ratio est: nam aluminosa, sulphurea, ferrea, nitrosa, & salsa iuuant: dulces aquæ nullo modo, ut Princeps ait. Sed hoc non solum balnei, sed potus causa.

decima tertii
tract. i. cap. 40.

decima quarta
tertii tract. 4.
cap. 12.

Assumuntur autem duobus modis, in loco, & extra delatæ. Quæ deferuntur, eo sunt debiliores, quo locus ipse longius abest. Sed non solum debiliores sunt aquæ à fonte translate, sed etiam corrumpuntur: ob id non paruis uasis, ut quidam, sed magnis ad hunc usum paratis colligendæ sunt: quantum enim maiora sunt uasa, eo aqua purior, ac ualidior remanet. Qui igitur ad locum accedere potest, non uehi curet aquam: si autem uehere sit necessarium, aquæ dulcis omnem usum deuitet: seu uasa abluendo, seu alterius necessitatis causa. Sumitur & purgandi causa in multa quantitate & aliam ob rationem, cum temperaturam immutare propositum est: quo in casu (non enim semel dicere conuenit) somnus non solum est innoxius, sed etiam utilis semper: persæpe uerò necessarius. ob id cum purgationem molimur cautè agendum est: periculum enim non leue in errore. Aquæ enim Thermarum uires habent non mediocres, non solum ob feruorem, & metallicam uirtutem, sed etiam ob copiam earum, quæ iam diuturno usu laudatur. At nos, in quibus copia conuenit, iam diximus, ubi scilicet uires ualidæ & corporis uacuandi intentio est. Quod si Lucanæ uillæ, gratia exempli, conueniant accedenti ad locum, deportando aquas Veronensibus Calderæ utemur, atq; etiam maiore in copia, ut quod deest ex uiribus, ob translationem, natura & multitudine suppleatur. Venti autem omnes, maxime Boreales, & imbres, magis aquas omnes calidas uitiant. Venti magni ad tres dies, aquæ autem ad decem. Cum etiam annus pluuiosus est totus circa Ver, Thermarum aquæ sunt fugiendæ. Quicumq; igitur student thermis metallicis, corpus purgatione mundum reddant, & si opus fuerit, uenæ sectione. Tandiu uerò mane ieiuni in eis maneant, donec digitorum

Vide abusa
49.

cutis

cutis quasi corium contrahatur, & rugas præferat. Si autem potus balneum & hypocaustum necessaria sint, à potu sumatur initium, ultimum sit hypocaustum, medium autem balneum. Quiescat autem antequam cibumumat, per horam in lecto: quòd si per duas, adhuc melius: nec comedat, nisi prius quàm biberit totam exquisitè eiecerit: eiicitur autem urina præcipuè, post uentris secessu, post sudore, ultimo autem uomitu: sed in hoc post tres dies minimè persistendum, reliqua probantur. nihil tamen deterius, quàm quòd retineatur, illico enim desistendum. Alternatis autem diebus bis ac semel sudare & balneari licet, & utilius sæpe: bibere non nisi semel, seu purgandi, seu temperaturam corrigendi intentio sit. Vt uerò aqua acrior est salsa uel amara, sic simplicioribus cibis, ac insipidior, leuissimisque ad concoctionem. Fugiat & meridianum somnum, & labores uehementes, etiam ab assumptionis fine per x. v. dies: coitum uerò etiam ad duos menses: labores uerò leues, uel cœli mutationem, ad tres dies.

Sunt & alia multa balnea tum in Italia, de quibus historiam non tradidi: uerùm ex præcedentibus satis nota est: ut thermarum quæ in Rheticis alpiibus ultra Comum, uocanturque; balnea Bormii, & sunt iuxta montem Braiam. Alia in Germania, ut Badenia Ferina, iuxta syluam Martianam: & Cellensia, & alia plurima: hæc nanque podagricos iuuare creduntur: quod etiam epistola Theodorici regis Gotthorum ad Præfectum Ticini, apud Cassiodorum ostendit: sed nos meliorum & ualidiorum rationem habuimus. Permutantur tamen (ut diximus in libro de Super-nis) aquæ hæc, & quæ meliores fuerant inutiles redduntur: contra infirmæ processu temporis utiles fiunt: aliæ etiam nouiter nascuntur. Omnibus autem commune est, (ut plerisque aliis rebus, quæ sub Luna sunt) ut cum ad apicem peruenerint, senescere paulatim uiribus incipiant. Infinitum uerò foret, thermas ac illarum uires scribere, quæ aliis in prouinciis scaturiunt.

Aquarum igitur Thermarum præcipuæ quatuor sunt utilitates, ut à Rasi colligitur: Neros calefacere, tum ficcare: Cutis scabiem tollere, & hæc quasi generales sunt: Flatum uiscerum dissoluere, & hæc calidis solum inest: Et malum corporis habitum emendare, quæ æneis solum illius iudicio conuenit. Sed hoc dubium, cur non ferreis etiam? tum uerò cur aluminosas hepar uelit calefacere, & febres generare, cum alumen frigidum sit? Respondeo: A lumen quamuis sit frigidum, non tamen adeo ut calorem sulphuris & calcis possit reprimere, quæ illi necessariò in thermis ammiscuntur, cum plerumque etiam sal. Aeneæ uerò præter id, quod corrigunt, repurgant quod ferreis haud conuenit: ob id putredinem humorum æneæ sustinent, & ualde uitiatam temperaturam, non ferreæ: unde dicebat,

dicebat. Aenæ aquæ uim medicamento laxanti similem habent: usus tamen earum humores corrumpit. habent enim qualitatem medicam. Declarat etiam, cur omnes æquæ Thermarum noceant uesciæ, impedimentum enim mingendi procreant: dicit quia substantiæ sunt crassæ, igitur ineptæ transui per renes ac uescicam. Dico, hoc magis competit aluminosis, bituminosisq;. Addo, sulphuri, tum salem acuitatem urinæ facere: ob id balnearum aquæ omnes duabus ex causis urinæ morbos faciunt: præsertim falsæ, & alumine uel bitumine infectæ. At Rasis expresse omnes Thermarum aquas, etiam ferreas, calidas sentit: equidem ad simplicem & fontanam comparatas. Omnes etiam proculdubio densæ sunt, & graues, & concoctioni minime aptæ.

Ex quo patet, quod usus aquæ chalybeatæ, & si roboret uētriculum, extenuetque splenem, attamen corrumpit corpus & humores, & urinæ facit difficultatem. Ideoque nisi rarè, & non sine magna causa admittendus est: creata etiam podagræ utilis.

CONTRADICTION IIII.

Pestilenti morbo sectio uenæ an utilis.

Galenus in libro de Cibus boni et mali succi, hæc de morbo pestilenti, qui Romæ grassabatur, loquens habet: Cum autem morbi initio, medici nonnulli per paucis uenam incidere auderent, (neq; enim ab re à remedio eiuscemodi abstinebant, quandoquidem prius ægrorum uires resoluebantur) missus quidem sanguis non adeo bonus erat, ut is qui ex fanis detrahi solet. Ex quo uidetur pestilenti morbo non congruere uenæ sectionē. Auicenna autē inquit: Summa curationis est exiccatio cum sanguis ipse fuerit materia uincens cum uenæ sectione: aut si alius humor, cum purgatione. Huic Paulus subscribere uidetur, cum dixit: Quibus igitur sanguis superabundat, uena secanda est: quibus uenter pituita repletus, uomitu succurrendum. quæ uerba ex Rufo Aëtius etiam usurpat. Auenzoar quoque, Et curau iuuenem patientem phlegmonem pestilentem, primò sectione uenæ facta, deinde corpore purgato. Et infra quamuis dicat, quod in dislocatione seu luxatione spondilium, seu uertebraarum colli, debemus uti exiccatione, intelligit de illa quæ fit per uenæ etiam sectionem, non solam purgationem. Sed Rasis interpretatur uerba Rufi certe de regimine præseruante: ut etiā uidetur Auerroës & Haliabbas: nam cum in præseruando utantur sectione uenæ, & purgatione, de cura tamen pestilentis febris, nullus illorum sermonem habuit: sed illam, quasi nunquam uenientem, omnino omiserunt: uel forsan de illius cura desperauerunt: nec Pauli autoritas, nec Aëtii hoc in casu contra Galeni sententiam militat. Sed magis pro Galeno facit Rasis, qui in duobus locis tra-

— G — etans

23. contin. ca.
4. sublt. 754.
numero, folio
471. col. 3.

cap. 1.

Prima quarti
tract. 4. cap. 4.
Lib. 2. c. 36.

Lib. 5. c. 95.
Li. 3. Theisur.
tract. 3. cap. 1.

Cap. 3.

17. con. c. 6. fo
lio 360. col. 2.

6. collec. 18.
1. Pract. 26.
10. ad Alman.

6. & lib. Di-
uisionū 13.

lib. de Venæ
sect. cap. 9.

4. Regim.
acut. 19.

1. Regim. acu.

9.

11. Artis cura.
15.

1. de Differen.

febr. cap. 6. &

7. & 2.

Aphorif. 21.

Epistol. lib. 5.

epist. 3.

com. 5.

Etans curam febris pestilentis, in nullo illorum meminit de uenæ sectione. Propterea rationibus magis agendum uidetur, ubi morbus magnus, ætas & uirtus consentiens, ibi uenæ sectio utilis est: ut habetur à Galeno & Hippocrate: at uerò pestilens morbus magnus est, qui plurimum perimat, in eo igitur uenæ sectio maximè conducit. Febri etiam putridæ omni sectio uenæ maximè conuenit, iuxta Galeni sententiam: at talis morbus cum febre, plerunque saltem, si non semper, iungitur: atque ideo sectione uenæ curandus est. Accedit, quòd talis morbus iuxta Galeni sententiam fit ex obstructione ut plurimum, obstructioni uenæ sectio conuenit, quare in pestilenti febre administranda est. In talibus etiam phlegmones con- citantur interni, tum carbunculi, ut Galenus ibi testatur, quare cum ho- rum tam præseruando quàm medendo cura fiat uenæ sectione, non est cur illam omittamus: tum præsertim, quòd plerunque febres etiam in eis sint ardentissimæ, quibus nullum est præstantius auxilium sanguinis mis- sione, ut prima Aphorismorum habetur. Ioannes etiam Monardus (uir hac tempestate epistolis suis potius ornatis, quàm operi utilibus, nō quòd- eruditio etiam in arte desideretur, sed iudicium) censet secandam uenam, tum magis dolore uel tumore apparente. Assumit autem, ut mihi uide- tur, fundamentum tum inter alia, quòd Hippocrates in secundo de Hu- mana natura, (seu quisquis autor fuit huius) cum Galeno ibi, omnem in his morbis curationis rationem in duo partitur: Contrarietatem causæ morbum gignentis, & Paucitatem aëris qui trahitur. nam si ab eo infici- tur corpus, à modico modicè. Repurgat etiam ob id illud, qua ratione & sectio uenæ significatur. Sed quòd olim dixi, semper uerum fuit, nostros medicos in minimis esse diligentes, in maximis autem nihil scire: quo- niam ambitioni, & avaritiæ, non scientiæ, & publicæ utilitati studeant. Nempe quid absurdius fuit hac in causa sectionis uenæ fecisse mentio- nem, cum Galenus illius nusquam in tali morbo nec alius classicus uir, excepto Auicenna duntaxat, qui deceptus est, confundendo cum cu- ra præseruationem, illius fecerit mentionem? Manifestum uerò est, nec huius loci autorem uenæ suadere sectionem: & omisam hanc curam à Galeno non solum in primo ad Glauconem, sed & in XI. & XII. Artis curatiuæ, ad quos pertinebat, quoniam solis alexipharmacis, ut reliquorum uenenorum, perficiatur. qua etiam causa ab omnibus aliis etiam, ut diximus, quasi neglecta est: neque enim methodo uera, ut reliqua febrium genera, sed diuersis experimentis secundum proprias species curatur: cuius rei rationem in libello huic tractationi dedicato clarè docuimus: nec solum eam, sed & ipsa experimenta. Nunc au- tem quantum hic est necessarium, atque ibi prætermisum, doceam- us. Quòd igitur phlegmones his coniungantur externi, illud non facit

facit necessariam uenæ sectionem, at potius prohibet: retrahit enim illa intus quod natura utiliter foras iam protrudit: unde etiam Princeps à repellentibus cauet. Ardentissimas etiam fieri febres, falsum est, ut ostendam. Quinimo inquit Rasis, Cum igitur uideris nauseam frequentem cum febre tepida, tunc scias quod est pestilentialis. Quinimo Galenus ipse inquit, Non tamen calore uehementes sunt febres pestilenciales. Vnde ibi illud declarat, triplex esse genus pestilentie: aliud quod sine febre, aliud cum lenta, aliud cum ualida: nulla tamen pestilentialis calorem uehementem amplectitur. Multum igitur refert dicere, febris ualida, aut uehementis caloris, cum pestilens ualida esse possit, ardens esse non possit. Esse autem pestem etiam sine febre, non solum hic, sed in tertio Epidemiorum idem ipse docet. Quod autem febri putridæ, ut febris est, sectio uenæ conueniat, clarum esse existimo: sed plura sunt nocumenta iuuamentis, ob quæ abstinere cogimur: nam nec in tertianis exquisitis utilis plerunque est uenæ sectio, et tamen putridæ sunt. nec omnis pestifera febris ex obstructione fit, sed plerumque ex sola cutis angustia, uel conclusis meatibus. & quæ etiam ex obstructione provenit, sectione uenæ licet iuuaretur, non tamen admittit illam, eadem qua in febri putrida diximus ratione: plus enim est incommodi, quam utilitatis. At cum morbus est magnus, & uirtus cum ætate consentit, sectio uenæ necessaria est: primum in pestilenti morbo uix uirtus ualida esse potest: solet enim pestilens morbus uirtutem euertere celerrimè. Sed nec illa propositio generalis est, nam morbi ratione uera est, causæ autem nequaquam. Quod nunc ostendere aggredior.

Veneno assumpto, etiam ualidissimo, si uenam secueris, neque secundum rationem, nec secundum Galenum, neque omnino rectè feceris: omnes enim protinus perimes: at morbus magnus est, uirtus ualida, ab initio ætas consentiat. Auicennam requiras, Aëtium, Paulum, atque alios: uomitiuorum, & medicaminum, & clysteriorum, & alexipharmacorum meminerunt: sectionis uenæ nemo tam stultus fuit ut rationem haberet, aut de illa dubitauerit. Hæc igitur febris, aut si sine febre morbus sit, uenenum in causa est: non igitur sectio uenæ conuenit. Experimentum etiam docet, quod in uenenis ebibitis sectio uenæ præsentaneam affert mortem. Ratio idem ostendit: quod enim in concavis corporis partibus cum detrimento est, in uenas attractum, morbum facit immedicabilem. Vnde fermè pari ratione in pestilenti morbo uenæ sectio uitanda est. At dicent, Non par ratio: nam in uenenis assumptis febris non adest, nec in ipsis uenis uenenum, quorum utrumque continet febris pestilens: alterum autem morbus solus. Ad hoc autem facere uidetur Pauli dictum, Cum au-

lib. Diuisionū
cap. 158.
9. de Simplic.
medi. de Ter-
ra Samia.

particula 3.
com. 58.

lib. 4. fen. 6.
tract. 1. cap. 4.
lib. 13. cap. 48.

lib. 5. cap. 29.

lib. 5. cap. 2.

sexta quarti
tract. 3. cap. 1.

lib. 13. cap. 10.

4. pra. cap. 27.
cap. 31.

lib. 5. cap. 3.
sexta quarti
tract. 4. cap. 9.
8. ad Alman.
cap. 1. & 20. cō.
cap. 2.

1. de Criss.
cap. 11.

tem ex morfu uenenum in corpore sparsum fuerit, præcipuè si homo plenitudinem patiat, sanguis ex uena mittendus est: in aliis autem, uel ab initio statim uulneris, cucurbitula loco applicanda, aut membrum abscindendum, uel locus sugendus. In eadem sententia est Princeps. Sed Aëtius sapientius etiam in ictibus, ac uenenosorum morfib, à uenæ sectione cauet. Et quamuis Haliabbas in cura horum secet uenam maximè pleno existente corpore, non tamen ipse hoc facit in morfu canis rabidi, ut neque Paulus etiam: uerum A uicenna aded in hoc stupidus est, ut etiam his nullo auctore sanguinem mittere audeat nam Rasis qui ante eum fuit, nec in assumptis uenenis, nec in morfu eorum quæ uenenum habent, sectione uenæ utitur. Quamobrem illud forsan dubium esse potest, an in uenenis quæ non amplius agunt ut uenena, sed corrupto sanguine interficiunt, sectio uenæ competat? Quo in casu Paulus & Haliabbas sanguinem mittunt, nec tamen à Rasi uel Aëtio discordant, qui curam ueneni docent, non morbi uenenum insequentis. At in uenenis, quæ perpetuo multiplicantur, & per se, ac sponte augentur donec interficiant, uel finiantur (qualia sunt, quæ in pestilentia, uel morfu à cane rabido apparent) nemo unquam sanus mente uenam secabit: namque uirtutem finiet, & morbum aut causam nunquam: quippe cuius uel minimum uestigium relictum, totam humorum compagem corrumpere queat. At aliquod uestigium relinqui est necessarium, nisi totus sanguis detrahatur. Quælibet enim mixti pars mixta est. Solus igitur (ut dictum nuper est) A uicenna sine duce, sine ratione, sine experimento, hanc curandi rationem tradere posteris ausus est: existimans generalem rationem, quam etiam non percepit, Paulum secutus, in his tenere uenenis, quæ sub ea minimè continentur: id est, quæ nullo modo finiuntur antequam pellantur è corpore, uel occidant. Tria igitur cum sint uenenorum genera assumpta, & ictibus parta, quæ non finiuntur, ac rursus quæ finiuntur, in solo tertio sectio uenæ competit, cum amplius uenenum non est. at pestilens morbus in primo, uel secundo genere quasi est, quoniam modò in concauo, modò in uenis, nunquam desiderans uenæ sectionem. Cum uerò ex tertio genere fuerit, & iam exitialis qualitas ad finem perducta, tunc iam non est pestilens morbus amplius, sed ex alio quodam genere: de quo non est præsens disputatio. Alia ratio sic habetur: morbi pestilentes hi sunt in quibus natura materiæ non perfectè dominatur: aliter enim pestilentes esse non possunt. Atque in his, ut rectè Galenus inquit, per abscessus natura crissim molitur: nam finiri aliter nequeunt: in his igitur sectio uenæ prohibet naturæ impetum. Nam quæcunque ad interna feruntur uenæ sectio ad cutim trahit: ac quæcunque ad cutim, intus reuocat. quoniam uenæ

uenæ magnæ mediæ sunt inter uenas paruas ad cutim, ac etiam intra ad uiscera tendentes. Quamobrem periclitamur in Aphorismo: Undecunq; natura repit, inde ducere per conuenientes regiones. Dicit fortassis quispiam, Galenum eo in loco sentire, non à naturæ uictoria, sed à morbi qualitate abscessum moliri: inquit enim ille: In acutis ac calidis morbis abscessum expectare non oportet: sed in frigidis ac diuturnis. Morbi autem pestilentes acuti sunt, & etiam calidi. Sed hoc omnino nihil est: omnes enim fatetur iam, & in confesso est, ut dici solet, in pestilentibus morbis abscessus fieri. Ea igitur ratione natura abscessum molitur, quod perfecte dominari nequeat: atq; ideo in diuturnis morbis, & materia crassa existente. eadem ratione, quia non concoquit materiam in morbo pestilenti, abscessum generari necesse est. Impossibile est enim perfectam crism fieri absq; concoctione: perfecta crisis autem est ex genere illarum, quæ materiam extra protrudunt. Ideo eadem ratio in utrisq; & in longis morbis, & pestilentibus militat. Alius dicit, ab initio sectionem uenæ factam hoc non prohibere: nam & in his quæ per sudorem terminantur morbis nunquam conueniret: attamen conuenit: ratio enim principii alia est à ratione temporis, in quo morbus solet iudicari. hoc autem est consistentiæ, aut etiam finis augmenti. Respondeo igitur, in morbis pestilentibus crism quæ fieri solet celerem esse: ab initio autem naturam ad cutim propulsare materiam: motu quidem tunc initium habente, sed finem non assequitur adeò celeriter: quia natura non concoquit ut in aliis morbis, sed continuò conatur ut rem noxiam expellere: quare necessarium est ut sectio uenæ sit contraria motui naturæ: modo illo quo, si hora sudoris in morbo qui coctionem admittit, fieret. At in morbo qui non est pestilens, proculdubio ab initio materia quiescit, & ob id uenæ sectio nec noxia est, nec materiam auertit. Esset etiam mirum, quod Galenus in nullo loco de sectione uenæ in hoc morbo fecerit mentionem, cum tamen in lib. de Simplicibus medicamentis dixerit, Eos qui non liberantur luto, quod uocamus Armenum, in irritum tentare, cætera auxilia. Inquit autem, quotquot celeriter, ut per initia intelligamus, non igitur sectionis uenæ in his, sed Alexipharmaci tantum meminit. At hoc ut generale præsidium supposebat? imò eandem patitur, quam apud illum Erasistratus, ipse ab aliis reprehensionē, cum inquit: Neq; enim ille, cum alia quæuis enarraret, auxilium sectionis uenæ, tanquam rem parui momenti, prætermisisset. Turpe enim eadem ratione fuerit, cum non omnes sectione uenæ curarentur, terræ samiz meminisse, tanquam unici præsidii, cum neminem alio auxilio seruatum scripserit: sectionem uerò uenæ ut inutilem prætermisisset. At rursus obiicies, Anaxioni uni ex laborantibus pestilenti constitutione uenam secuit Hippocrates, & seruatus est.

1. Aphoriz.

9. de Simplic.
medica. c. de
terra Samia.

in libello de
uenæ sectione
a Iuero Eras-
tratis, fo. 2

1. Epidem. sec.
3. tex. com. 80.

quarta primi
cap. 20.
lib. Diuisionū
Rasis, cap. 178.

Respondeo: Ex sexdecim soli illi ægro uenam secuit Hippocrates: quam & alii seruati sint ex his, pauci licet. At hunc phlegmon potius lateris, quam pestilens morbus, uexauit. Cum uerò phlegmon lateris & pestilens morbus iunguntur, aut etiam alterius uisceris, tunc quid agendum sit in libro De peste docuimus. Accedit ultimo quòd nauſeantem non minues: tales autem sunt qui peste laborant. Illud etiam quamuis *πύρεγμα* adiecisse conueniet, Rasis autoritate candidam nebulam inter pleradas pestilentiam portendere. Dictum igitur Principis ad præseruationem institutum ab aliis, curationi non conuenit.

HIERONYMI CARDANI MEDICI MEDIOLANENSIS CONTRADICENTIVM MEDICORVM LIBRI II. TRACTATVS QVINTVS.

CONTRADICTION I.

*Dolor an à mala temperie, an à solutione
continui, an ab utroq;.*

cap. 74. & 2.
de Locis, c. 5.
cap. 3.
cap. 7.



com. 1.
secunda primi
doc. 3. cap.
19.
prima tertii
tract. 2. cap. 1.
& in 2. de Anima, cap. 3.

DOLOR secundum quamcunq; corporis partem continui solutionem, aut subitam mutationem ostendit, inquit Galenus in secundo Artis medicæ, tum alibi etiam sæpius. Vnde etiam in libro de Inæquali intemperie, Dum permutatur & corrumpitur natura, dolores fiunt: permutatur uerò atq; corrumpitur, cum frigescit, aut caleſcit, humectatur, aut siccatur, aut unitatis integritas soluitur. Et rursus in duodecimo Artis curatiuæ: Dolor omnis uel à continui solutione fit, uel à mutatione in primis qualitatibus: sed non omnis mutatio in primis qualitatibus dolorem procreare potest: neq; enim quæ sensum irrepit, sed solum quæ affatim atque simul. Idem etiam in secundo Regiminis acutorum, dum de lateris dolore agit: & hoc idem fatetur Auicenna dicens, Quòd dolor est sensus rei contrariæ & quòd fit duabus ex causis, qualitate contraria, & continui solutione: idem repetit, & non semel. Quinimo rationes adducit non paucas in priore autoritate, quarum ferme hæc est sententia: Dolor aliquis est æqualis in aliqua parte, sed

sed continui solutio necessariò inæqualis est, aliter membrũ non esset ullo modo, si quælibet pars soluti esset diuisa: igitur dolor fit præter continui diuisionem. Secundò: In dolore à causa frigida, idem est quod dolet, & quod est perfrigeratum: sed solutio continui est in parte non perfrigerata, igitur doloris causa non est solutio continui. apparet enim quòd frigus condensat partes, & non diuellit eas. Vltima ratio est, Omnis dolor est, cum sit sensus subitus contrariæ rei, sed mala qualitas est obiectum sensus tactus per se, & per se contraria naturali dispositioni, quia temperatura: igitur mala qualitas cum sentitur, dolorem facit per se, & non medio solutionis continui: quare doloris causæ primæ sunt mala qualitas, & unitatis solutio. Manifestum est autem, quòd ante nos (ut nec pleraque alia) nemo has tres rationes intellexit Auicennæ. Sed Conciliator tres putat esse, ac leues: Gentilis duas, ac quæ solui non difficulter possint. Igitur Auicenna in suo secundo de Anima declarat tertiæ rationis primam propositionem, quòd sensus fit cum immutatione quadam, dolor autem cum subita: nam calor hæctici cum sit tantus, quòd dolorem facere deberet, non facit sensum, quia non immutat. Quòd igitur per se immutat, & dolorem facit per se, si subitò. Sed in oppositum est Galeni sententia his uerbis: Delectatio ac tristitia omnibus sensibus, sed non ex æquo, communia sunt: nam tactus primò magis afficitur, inde gustus, post olfactus, inde auditus, omnium minimè uisus. Contristantur enim omnes sensus à sensatis suis cum diuelluntur: uelut uidendi ab albo luminosoq; audiendi ab acutis sonis, ac sic de omnibus, cum instrumentum diuellitur aliquo modo. Huic respondet Auicenna, quòd & si hoc uerum esset, quamuis alterius sit hæc disputatio contemplationis, ad medicum tamen spectat credere, quòd non solum à solutione continui, sed etiam à mala temperatura dolor proficiscatur: nam ei si quandoq; auxilia exhibuerimus, non aliter succurrimus, quàm in uulneribus adhibita futura, & his quæ partes diuisas unire queunt. Est & alia ratio pro Galeno: nam omnis causa per se est etiam de omni: sed non omnis qualitas facit dolorem: nam non humida, nec remissa: igitur qualitas non potest esse principium, & per se doloris causa: non igitur est qualitas doloris causa, nisi cum in tantum augetur, quòd soluat continuum. Rursus, Omnia quæ sunt causæ unius, & non sunt ex eodem genere, ordinem habent inter se: uelut si ignis ex concussione, & à sole, & ab igne generatur, non nisi generatur, quia calor communis est omnibus à quo ignis fit: sed calor est eiusdem rationis: ergo si dolor fit à solutione continui, & à qualitate contraria, non fit nisi quia unum est alterius causa, uel ambo unum efficere possunt, quòd sit causa doloris: at nulla est proximior dolori, quàm altera harum: igitur ex his una est alterius causa. Sed Auerroës aliter sentit: si quidem

Different. 76.
in expositione.

1. de Sympto.
causis, cap. 6.

3. Collec. c. 31.

dem quòd sola mala qualitas doloris causa sit. Adducit autem rationes has: Solutio continui est, cum malo motu, igitur cum mala qualitate: igitur dignius est ut cum dolor fiat à solutione continui, fiat ab ea, ut iungitur malæ qualitati tantum, & non per se. Alia est delectatio, & dolor, & obiectum sensus sunt eiusdem generis, id est, in eodem genere rei: sed delectatio est in genere calidi, frigidi, & reliquarum qualitatum, quia non fit nisi per earum commensurationem, igitur & dolor. Addunt alii tertiam rationem, ab eo tantum sumptam: Effectus existentis confimilis est causa: at solutio continui quædam est priuatio, igitur non poterit esse causa doloris. Sed hæc nihil ualet: nam eadem ratione multò minus causa esse potest qualitatis eius per quam dolor fit: nisi dicamus, quòd causa solutionis continui, & est malus motus, est causa malæ qualitatis.

Pro solutione uidendum est, quid primò senserit Galenus: nam Auicenna illi imponit & Auerroës, quòd solam unitatis solutionem causam esse dixerit: inquit enim & ipse in libro de Inæquali intemperie. Ex his ergo fortassis nec illud durius uidebitur, quod inquit Hippocrates, omnè morbum ulcus esse. Quippe ulcus unitatis diuisio est: immo medicus autem calor ac frigus proximè accedunt ut unitatem soluant: Plurimus quidem calor, dum incidit ac segregat substantiæ continuitatem: summum uerò frigus, tum stipando, tum introrsus trudendo etiam, quædam exprimit, quædam etiam quassat. ergo haud obscurum est, qualitates iuxta Galeni sententiam dolorem non inferre, nisi ob solutionem continuitatis. Hallabbas & ipse hoc Galeno tribuit, ut non qualitas doloris sit causa, nisi ut etiam solutionis continui. Auenzoar mediam quandam uisus est tenere uiam: dicens, quòd dolor est sensus quidam contrariæ qualitatis, qui cum perseverat, solutionem etiam continui affert. Sic igitur primas qualitates semper causas facit doloris cum Auerroës: & illi solutionem continui semper adiungit, iuxta Galeni sententiam: & utranq; adesse constitetur, licet non ex æquo iuxta Auicennæ placita. Rasis autem existimauit quòd Galenus tam malam qualitatem, quàm etiam continui separationem doloris causam dixerit, maximè ob auctoritatem à nobis ex libro de Simplicibus medicamentis adductam. Sed tamen si quis, quæ ille adduxit in quarto libro, diligenter expendat, facillè intelliget, Galenum dum seriò rem hanc tractat, sibi prorsus constare: solamq; continui separationem doloris causam constituere. Rabi Moyses putat Galenum mutasse opinionem, censuisseq; prius, solam separationem esse causam doloris, post uerò etiam malam qualitatem: quod non excusare est Galenum, sed grauius accusare: tum quòd primò errauit, tum quòd non poenituerit erroris, sed uelut obliuiosus contrarias sententias de eodem reliquerit posteris. Vnum sanè est quod non parum me torquet, quòd si mala qualitas

6. Theoricæ
cap. 16.

1. Theoricæ
tract. 9. c. 19.

25. con. c. 6. fol.
110. col. 3.

cap. 2.

3. Aphor. par.
aphor. 17.

litas

litas ut continuum diuidit dolorem facit, cur non docuit quamobrem sola repentina mutatio cum dolorem faciat, etiam solum diuidat continuum? ratio enim & experimentum docent, quod continuum etiam à mala qualitate sensim inducta diuiditur: nam in hefticis pulmo ob uehementem frangitur siccitatem. unde ex heftica fit etiam transitus in tabem. Quidam imaginantur, quod solutio continui fit causa doloris prima, iuxta Galeni mentem, non tamen sensus. Sed nos declarauimus, dolorem esse modum sentiendi, non autem quod sentitur: quare deerit proprium sensibile. Alii quod fit causa doloris & sensus absque mala intemperie, hi coguntur ponere solutionem continui, & unitatem, esse proprium sensibile sensus tactus: quia communia sensibilia, ut motus, non possunt sentiri absque propriis, iuxta Auerrois sententiam. Sed hæc est contra Galenum, quia sic non posset dolor esse in quinque sensibus, aut quinque sensus haberent unum proprium obiectum omnibus commune: & sic non esset amplius proprium. Propterea dico, quod semper cum solutione continui est mala qualitas coniuncta, quæ est obiectum sensus: & solutio continui est causa modi sentiendi, id est doloris: & ideo est sensibile quoddam commune, non proprium: uelut motus est causa imperfectè sentiendi, & non est proprium tamen obiectum alicuius sensus. Igitur opinio Galeni stat, quod semper dum dolor est, mala qualitas est, & solutio continui: & mala qualitas, qualiscunque sit, est obiectum sensus & continui solutio causa modi sentiendi. & hoc sensibile commune est quandoque causa proprii sensibilis: sed tunc non iam est sensibile commune, ut in uulnere, sed causa, donec produxerit primum sensibile: cum autem est effectus eius, fit sensibile commune, quoniam proprium iam præcessit. Galenus igitur posuit ueram causam doloris, id est proximam, & est solutio continui: quia est adæquata: quia tamen in sensu tactus impossibile est unum esse sine altero stante dolore, & uicissim alterius alterum causa est. ideoque alterum quasi altero modo proximius, modo remotius: ideo separationem continui & etiam primas qualitates primum obiectum seu causam doloris in sensu tactus ex æquo quasi statuit. non autem in aliis sensibus, sed in omnibus proprium obiectum sentitur, solutio continui est causa modi sentiendi. Ad Auicennæ rationes dicimus, quod non necessarium est solutionem continui esse æqualem ad hoc ut fit dolor æqualis, cum uideamus etiam in uulneribus inæqualibus æqualem tamen dolorem: & causa est, quia primum sensibile est æquale: non enim, ut dixi, causa modi sentiendi sentitur eo modo quo proprium obiectum. Ad aliud dico, quod ex compressione etiam, non solum diuulsione in frigore fit dolor: secundo de locis. Ad ultimam non fit, quia subitus fit motus, sed quia cum eo fit separatio continui: non enim in repentina im-

Lib. I. tracta.
§. con. 17.

Cap. 4.

H mutacione

mutatione ad contrariam qualitatem, sed uehementem tantum fit dolor semper. Assumpta igitur propositio falsa est. Docuit autem Galenus esse necessariam hanc repetitam immutationem, ad uellendum partes. Sed cur sola repentina hoc facit? non equidem: sed & quæ sensim fit, soluit continuum: sed tamen dolor non facit, quia ex diutina mora circuniacentes partes sensu priuantur ex toto, aut similes illi fiunt, quare non est quod sentiat: omnis enim sensus, ut rectè inquit ipse Galenus, cum aliqua fit mutatione. Ad Auerrois argumenta primum concluderet, ubi eodem modo causæ essent: præsupponit enim hoc, quòd dolor sit sensus quidam, sed est modus sentiendi: cuius causam par est aliam esse à causa ipsius sensus. Ad aliud: Falsum est assumptum: modi enim rerum non sunt in eodem genere cum rebus ipsis. Ad aliud: Dictum est, quòd causa soluens continuum motu uehementi, malam excitat qualitatem, quæ proprium est obiectum sensus tactus: unde fit, ut multi uulnerati nesciant se uulneratos, quoniam nedum refrigerari contraxerunt qualitatem, quæ est sensus proprium obiectum, qua sine non contingit habere sensum, quare nec sentiendi modum. At non contingit uehementem calorem non sentire, aut sine dolore sentire, quoniam est coniuncta causa modi sensus sensibili proprio. Ex quo patet, non solum Galenum sibi ipsi esse concordem, sed Aui cennæ & Auerrois opiniones aliquid continere ueritatis. Ergo quāquam non sit in dolore mala qualitas absque continui solutione, nec solutio continui absque mala qualitate, tamen ualet mala qualitas intensa, igitur dolor magnus: quia sequitur, igitur magna solutio continui: sed solutio continui potest esse magna quando sensim fit, & mala qualitas remissa. Et ideo qui torquentur, sentiunt solutionem continui, & non percipiunt malam qualitatem quamuis tamen sentiāt. adeo remissa est qualitas & paruus sensus. Et quòd solutio continui producat malam qualitatem patet, quia ex collisione leui quorundam lapidum fit ignis, & ex confricatione lignorum hederæ & lauri absque collisione similiter: & pueri cum loro ceduntur sentiunt manifestam caliditatem, & postquam uapulauerunt quasi sit ignis. Omnis igitur exigua qualitas sufficit cum magna solutione continui ad dolorem magnum inferendum: sicut stat, uelocissimum esse motum cum re mota paruissima: nec tamen sequitur, igitur motus sine re quæ moueatur, esse potest. Sed dentes patiuntur solutionem continui, & sentiunt, ut Philosophus in Problematibus declarat, & nos ostendimus in priore libro. & tamen franguntur sine dolore, & etiam teruntur lima. Hoc argumentum mouet Iacobus in suis quæstis artis medicæ, & propter autoritatem Galeni quòd dentes sentiant in substantia & non per neruum, adductam à nobis, non leue nobis negotium exhibet. Dico tamen, quòd dens si sentit dolorem uehementem in substantia, quòd ibi etiam

Par. 34. probl.
1. & 3.

Tra& 5. con-
tra. 15.
Questiõe. 59.
1. libri.

etiam terebratus idem faciet: sed in superiore parte impossibile est ut hoc accidat: sed uidetur accidere ob hoc, quod caliditas & frigiditas penetrant ad radicem eius, & ibi faciunt solutionem continui, & ideo dolorem magnum, ut quilibet potest experiri, non in summitate. Solutio uero continui non facit magnum dolorem in summitate, quia ibi dens parum sentit: nec in radice, quia mala qualitas non potest descendere ad eam, cum sit modica: igitur ex attritione dentis in summitate fit leuissimus dolor. Sed cur dentes à frigidis magis torquentur, cum solutio continui magis fiat à calido? Respondeo: Frigidus dens magis comprimitur, densus enim est: rara à calidis separantur, uexantur tamen & ipsi calidioribus. Quicunque autem dixerunt uehementes dolores solum fieri necessario à solutione continui remissos qualitate, Galeno contradicunt.

CONTRADICTION II.

Siccitas, & mala qualitas humida, an faciant dolorem.

CALIDAM & FRIGIDAM intemperiem capitis uehementissimi dolores consequuntur, siccam moderati, humidam omnino nulli: secundo de Compositione medicamentorum secundum locos. Quod dictum Princeps accepit hac uerborum serie: Calidum & frigidum secundum essentiam dolores pariunt: siccam per accidens: humida autem temperies nullo modo dolorē facit. Et in tertio: Temperatura humida, ut temperatura humida est, dolorē non facit: imò nec calida & humida, nec frigida & humida faciunt dolorē, nisi ut sunt calida & frigida: nam ut humida sunt, dolorē nullū faciunt. Non sic autē calida & sicca, uel frigida & sicca: utrisque enim qualitatibus faciunt dolorem. Sed dolor qui fit à sicca, ut sicca est, ut sciisti, paruus est, ac leuis. Et antea humida temperies dolorem nō facit, nisi sit cum materia quæ motu suo continuitatē soluat. Et ego etiā legam uel multitudine, ut codices antiqui multi. nam pro mota multā legēbāt. Auerroës quoque, dum enumerat doloris causas, inquit: Et dolor est malus sensus, qui fit à temperatura mala calida uel frigida, materiali, id est cum materia, aut sine ea. Ex quo uidetur uelle, quod ab humida nullus fiat dolor. Verum ista non est eius sententia, cum sic non enumeret siccam temperaturam, quæ tamen facit dolorem, ut uisum est ex Galeni & Auicennæ dictis. Præter hæc subiungit: Et quælibet qualitatū passiuarum potest esse causa huius accidentis: quamuis quælibet istarum, qualitatū, sit potius nata pati, quàm agere. Vnde clarum est, quod ab humido potest fieri dolor: & non uidetur Iacobus bene intellexisse Auerroë in illa autoritate, cum dixit: Et temperatura humida uel sicca dolorem non efficit, nisi paruum: humida autem cum sola fuerit, solam

cap. j.

secunda primi doc. secunda, summa 2. cap. 19.

sen. j. trac. 2. cap. 2.

cap. j. eiusdē.

3. collec. c. 31.

questiōe 60. 21. artis medicæ.

4. collec. c. 46

H 2 efficit

efficit grauitatem: nam dolor grauens est dolor & ipse ut ostendi: sed
 cap.de pfilio. tamen leuis. Mesue uerò existimat, quòd humidum nō excedat gradum
 6.theor.c.16. secundum, & ob id quòd dolorem nequeat efficere. Concordat igitur in
 re ipsa, non autem in causa. Haliabbas autem assignans causas doloris in-
 quit, uel à caliditate, uel frigidityte, aut aliqua materia: quare non solum
 lib.2.trac.77. humidum, sed & siccum explodit. Galenus etiam in Arte medica inquit,
 lib.12.cap.7. Dolores fiunt uel ob continui solutionem, uel ob permutationem: per-
 mutatur autem membrum à calida, frigida, humida, & sicca qualitate. At
 in Methodo medendi cū ter repetat doloris causas, & medelā etiā affe-
 rat: nec, quod mirum est, humidæ, nec siccae qualitatis mentionem facit.
 par.6.cap.3. quam sententiam accepit autor libri de Oculis ad unguem. Sed tamen
 cap.3. libro de Inæquali temperie mala, in sententiam libri Artis medicæ de-
 scendit, dicens, quòd dolor ab omni mala temperie fieri solet: hoc etiam
 exemplo docens: nam qui fame torquentur, humidam patiuntur & fri-
 gidam intemperiem: qui siti, calidam, atque siccam. Longus nimis, ac in-
 exhaustus labor esset, si uellem omnia loca, in quibus de causis doloris
 lib.5.cap.100. Galenus agit, ac sibi contradicere uideretur, recitare. Sed sit modus re-
 bus, quanto magis uerbis. Aëtius uideretur quandoque secutus senten-
 tiam Galeni in methodo, ubi de doloribus ac eius speciebus tum illius
 lib.6.cap.40. causis satis diffusè agit: inquit enim, Dolores à continui solutione, uel à
 calore, aut frigore nimio fiunt. Alibi autem inquit: Vehementissimi
 lib.3.cap.4. quidem dolores fiunt à caliditate & frigidityte, à siccitate moderati: ab
 humida autem qualitate nulli. Quod dictum à Paulo: qui, ut dixi, à
 cap.16. Galeno sumpsit. Sic etiam Alexander Trallianus dum libro primo ua-
 rias doloris capitis causas connumerat dixit. Respondeo igitur, Quòd
 causæ doloris, qui curam ad se trahat, sunt tantum ex qualitatibus cali-
 ditas & frigiditas: causæ autem doloris omnes, cū dolorem etiam le-
 uem intelligimus, sunt caliditas, frigiditas, & humida mala qualitas:
 & sic intellexit in secundo de compositione medicamentorum secundum
 lib. cui titu-
 lus est, an qua-
 litates sint in-
 cer. locos: sic Aëtius cum Paulo. Sed humida qualitas & ipsa cū supera-
 bundat in uia Galeni, non ut qualitas dolorem facit, sed ut soluit conti-
 nuum: cū enim aliud non sit qualitas & quale apud ipsum, humi-
 do aucto soluitur continuum: quia materia augetur. Sed non uidetur
 hæc solutio stare, cū in libris artis medicæ & de inæquali intemperie,
 illico adiungat continui solutionem: quare mala qualitas humida sub
 continui solutione comprehenditur. Melius igitur dicendum, humidam
 qualitatem dolorem ex se posse procreare, licet leuiorem quàm etiam
 sicca: sed nunquam contingit, ut rectè dixerat Mesue, adeò augeri, ut
 dolorem procreet. Igitur tribus modis Galenus locutus est: Vel de causa
 doloris

doloris ad se curam trahentis, ut in libro Artis curatiuæ: & in primo de Humoribus, uelut recitat Rabi Moyses. Vel de causâ cuiuscunq; , & sic sub ea etiam qualitas sicca, non tamen humida continetur. Aut de causâ quæ ex se posset generare dolorem, non tamen unquam augetur, adeo ut illum possit efficere, & sic humida qualitas sui natura & ipsa dolorem procreare potest. Contingere autem hoc, declarat Aërii sententia, qui Voluulum tantum à frigiditate fieri posse scripsit: non quòd caliditas etiam illum, si adueniret, non posset & longè ualidiorem procreare, quàm frigiditas: sed quòd in colo ob secum frigiditatem nunquam contingat adeo ualida intemperies calida. Et ideo cum dixit Galenus, Quòd dolor fit, cum subita fit permutatio: fit autem illa quandoq; ad calidum, frigidum, siccum, & humidum, intellexit causas doloris per se, non autem quæ illum efficere possunt: nam deest in humida qualitate semper excessus. Conciliator aliam solutionē affert, ut existimat ex Galeni uerbis sumptam primo de Symptomatum causis: dicente: Siccum autem & humidum, nisi calido, aut frigido copulentur, dolorem non afferunt. Igitur uidentur qualitates passiuæ non per se afferre dolorem, sed cum actiuis iunctæ augere illum: uelut cum humida compressioni frigoris fauet recipiendo, & dilacerationi caloris: sic & sicca maiorem efficiens penetrationem. Sed si sic esset, non dixisset Galenus, siccam moderatam humidam temperiem omnino nullam efficere: nam si de copulata loquitur, humida qualitas etiam efficit, si de sola nec sicca iuxta illius sententiam. Quare dicendum, Galenum in primo de Causis symptomatum (quod planè docent illius uerba) loqui de causis ibi tantum exterioribus, non autem infitis membro. Quòd si liceat ab his discedere, dicemus, passiuas nunquā per se grauem efficere dolorem, atque hoc ibi sentire Galenum: per se tamen siccitatem leuissimum, humidam qualitatem nullum efficere sole: natura tamen etiam ipsam hoc posse si augeatur. Accedit aliud concordix genus: nam Galenus uult quòd ad dolorem concurrat subita mutatio: At humectare non licet nisi longo tempore, ut Methodi septimo, & quarta primi.

At dices, Adhuc manet non leuis discordia inter Principem & Galenum: nam hîc Galenus uult quòd humida temperies calori uel frigori iuncta uehementes possit dolores excitare: sed Princeps iam, ut diximus, hoc de siccitate fatetur: de humida qualitate omnino negat, etiam in paruo dolore. Sed Princeps intellexit, quod ipsa humida qualitas dolorem inferat, non tamen negaret quin corpus calori aut frigori magis subiiciat: atq; sic non ex se dolorem auget. Verùm hæc Auicennæ sententia obli-
terat Conciliatoris, quam oppugnauius, concordiam.

7. Aphorism.
ciusd. 11.

lib. 9. c. 28.

2. regim. acu. 1

Differet. 76.
cap. 6. in prin.1. de Sympto.
causis, c. 6.
cap. 1.
cap. 2.

Supereſt ut Auerrois ſententiam uideamus : ipſe parum, ut dixi, differt à Galeno: nam tres ordines facit: primus eſt earum qualitarum, quæ dolorem uehementem efficiunt, & hæ ſunt caliditas & frigiditas. Secundus eſt earum, quæ faciunt dolorem, & in hoc ordine comprehenduntur omnes. Tertius eſt earum, quæ dolorem efficiunt proprie dictum: & ſic humida qualitas facit improprium dolorem, id eſt, grauitatem. In duobus primis concordat cum Galeno ad unguem: ſed in tertio differt, quia Galenus uult, quòd non poſſit augeri, adeo ut ſola uel coniuncta faciat dolorem, niſi ut dixi præparando membrum ut magis ſuſcipiat calidum uel frigidum. Nam de grauitate conſtat, quòd eſt genus doloris proprie ſexto Epidemiorum, & in ſecundo de Locis, quanquam neget eum uenis accidere, uel arteriis. Eſt etiam ratio ad hoc: nam grauitas & leuitas ſunt ſenſibilia propria: ſed ubi ſenſibile, ibi etiam modus ſentiendi: quare dabitur dolor grauis, leuitas autem deliciam parit. Sed hoc argumentum uidetur etiam oſtendere, quòd qualitas humida facit dolorem, quia cum ſit proprium obiectum tactus, habet etiam modum ſentiendi ſecum deliciam in temperantia, & dolorē in intemperantia. Nec obſtat, quòd leuitas non faciat dolorem, eo quòd leuitas non per ſe proprie, ſed quaſi per accedens ſentitur, ſicut etiam ſanitas. At non ſic de humido, per ſe enim, & proprie ſentitur. Sed reſponſio clara eſt ex diſtis: non enim tantum augeatur, ut dolorem poſſit inferre. quod facile in quinto de Simplicibus medicamentis colligitur: neq; enim ibi humorum, quæ ad gradum excellentem perueniant, ullam facit mentionem: docetq; in primo uel ſecundo ordine etiam calefacientium uel inſtigidantium, nedum humectantium, nihil prorsus eſſe, quod moleſtiam afferat. Sed dices, Aqua, uel aër ſaltem, in ultimo ſunt humida: elementa enim uel unam ſaltem in ſummo obtinent qualitatem. Reſpondeo: Aërem hunc, qui nos ambit, non eſſe purum, imò nec puritati proximum: ex aſſuetudine etiam nimia nos immutare non poſſe: cum in eo naſcamur, uiuamus, ipſum deniq; reſpiremus. eam igitur ſententiam quæ ad artem attinet medendi magis, ut ſcilicet calidum tantum, aut frigidum, doloris cauſas ſtatuamus, ipſi qui exercitationem tradiderunt ſequenti ſunt: ut Alexander Rafis, & ideo ſubiungebat ipſe, A ſiccitate non fit dolor, niſi leuis: ab humida qualitate nullus omnino, ſed eum ſuperabundauerit, fiet ſola grauitas: & eſt ſententia, ut patet, Auerrois ad unguem. Sed & Auerroës ob hoc cum Galeno magis concors eſt, quia & ipſe exiſtimat, non eſſe ſine corpore qualitatem: ob quam cauſam Auicenna ab utriſq; multum diſſentit: ipſe enim uult, quòd nullo modo, etiam iuncta aliis actiuis, ut caliditati, uel frigiditati, augeat dolorem. Differt ſolum in hoc, quòd etiã ſi excedat, non uult ut dolorem excitet. Sed poſſumus conciliare nolentem, dicentes, quòd loquat

lib. 1. com. 6.
cap. 7.

cap. ult.

lib. 1. c. 16.
lib. Diuiſ. ca. 3.

loquatur de eo quod fit, non quod fieri posset. Vel etiam, quòd ipse non uult hoc posse contingere ut tantum excedat. Sed sententia tamen eius est, quòd quantumcunq; aucta, nullum nec per se, nec alteri iuncta qualitati, possit creare dolorem. per accidens tamen, iuxta etiam aliorum sententiam, potest. Et sic cum Galeno & Auerroë concors est. Philosophus autem dicit absolute, quòd dolor etiam ab humido fit. Galenus in Arte medica ut Philosophus agit diuisionis uia. Fuchsius non uidetur in sua medendi methodo Galenum secutus, cum grauitatem à qualitate in humorem refert: nam & frigidus omnis humor grauis est: sed de sola qualitate Arabes intelligunt. Nec, ut dixi, proprie iuncta humida qualitas plus facit dolorem, quàm per se sola.

lib. cap. 3.

CONTRADICTION III.

In pestilenti febre an purgatio ab initio conueniat.

Summa curationis pestilentis febris est exiccatio: & illa fiat cum purgatione à qua incipere debemus, inquit Auicenna. Idem etiam Auenzoar, datq; sinum columbinum, cum agarico & aloë. Aëtius quoq; inquit, Bona est etiam per urinas purgatio, & quæcunq; aliæ. quæ uerba suscepit à Paulo Aegineta, qui pilulas etiam ponit ex aloës, & ammoniaci partibus duabus, Myrrhæ una. quas uulgus medicorum mutata lacryma ammoniaci in crocum, sequuti Auerrois errorem, tum etiam turbatis ponderibus uitiarunt. Sed in oppositum est sententia Rasis, qui de huius cura tractans in duobus locis, nusquam purgationis alicuius meminit. Sed reprimenda qualitatem prauam, tam occultam, quàm manifestam recurrit. Galenus etiam in octauo de Simplicibus medicamentis, inquit: Illos qui Samii luti potu nequiuērunt sanari, omnes mortuos fuisse. Quo sanè constat, eos purgationibus non iuuari. Dictum etiam Principis pro nobis facit, quia nec ibi explicat cum quibus purgandum sit: nec post in toto capite meminit purgationis. Summam uerò curationis in regimine uictus, in euocatione caloris ad exteriora, in aëris permutatione, & in resistentibus ueneno collocat. Quin etiam in tertio Epidemiorum hæc habet, de pestilenti loquens morbo in generali, Hippocrates: Nam purgationes multos offendebant: quorum qui sic habebant, multi subito peribant: aliis autem multis malum producebatur: unoq; uerbo longis, uel acutis etiam morbis detenti, uentris uitio omnes præcipuè sunt exanimati: cunctos enim uenter sustulit. Sed & antea descripserat tres ægros ultimos secundi segmenti, qui omnes cum perierint, aluum solutam dixit eos habere. cumq; expediret turgente ibi materia (si modò unquam) illos purgare, non purgauit. Galenus etiam, cum dixisset Hippocrates, Nec erat remedio locus: exposuit per Remedium, sectionem uenæ: purgationis autem

prima quarti
tract. 4. cap. 4.
3. Theisr.
tra. 3. ca.

lib. 5. c. 95.
lib. 2. c. 36.

6. Col. cap. 18.

10 ad Almani.
16. & lib. diu.
sionum 158.

cap. de Terra
Samia.

Sec. 3. tex.
com. 57. & 58.

tex. com. 7. 8.
& 9.

- Sec. 2.3. Epid. tem minimè meminit. Sed neq; in narratione sexdecim ægrorum tertii
com. 6. libri, nec quatuordecim primi, quòd illorum quenquam purgauerit ad-
Sec. 3.18. iecit. Nec omisſum negligentia, aut arte quadam, cum in primo & tertio
utrinq; clyſteris meminerit: nec præterit in Anaxione uenæ ſectiõnem,
cum phlegmone interno uexaretur. Quare manifeſtum eſt, nullam nec
Sec. 3.75. ab Hippocrate, nec à Galeno in peſtilentibus morbis rationem purga-
Sec. 3.60. tionis haberi. Quod & planè in hiftoria eius, quæ in Dealcis horto habi-
Sec. 1. text. tabat, fecit conſpicuum tertio Epidemiorum, cum dixit: Aluo ſubiectis
com. 25. balanis nigra excrementa reddidit. Manifeſtum eſt enim, quòd auxilio-
rum meminit: quanquàm id Galenus negare uideatur: & quòd hæc ora-
tio eius eſt, qui conſecutus fuit ſanitatẽ, non qui obierit: & quòd ſi mo-
dò ulli conueniebat purgatio ob illum morbum, huic maximè, cum an-
tea docuiſſet retrimenta fuiſſe nigra, turbata cum uomitu & ueterno:
quæ omnia erant indicia & materie ſurentis, & ad inteſtina etiam de-
cumbentis: quo in caſu maximè neceſſariam eſſe purgationẽ, docuimus
in primo libro. Igitur hæc uidetur eſſe Hippocratis & Galeni ſententia,
tra. 6. cont. 15. tum Rafis. Sed eſt autoritas Hippocratis dum de his agit his uerbis: Quæ
3. Epid. Sec. 3. ſuppurationem abſceſſumq; molita eſſent, aut ſi commodè alius turbata
text. com. 29. eſſet, aut bonarum urinarum extitiſſet excretio, bene terminabantur.
lib. 13. epiſt. 1. Manardus etiam in ſuis Epiſtolis rationibus aduerſus autoritates & ex-
perimentum agit: ſimilem ferme adductæ inducens ex Galeno his quaſi
5. Artis curat. uerbis: Propterea qui hoc uitio laborarunt facile mihi ſanati ob hoc
c. 12. uidentur, quòd perpuratum illis ac præſiccatum totum fuerit corpus.
Quipe cum nonnulli uomuerint, & omnibus etiam uenter profluxerit:
ſeu igitur arte, ſeu natura purgatio eſt ſalutaris. Accedit, quòd medicari
trac. 6. cõtr. 15. in acutis ſi materia turget eadem die bonum eſt: at peſtilentibus morbis,
materia plerunq; turgens ſubiicitur, ut nos oſtendimus in primo libro. eſt
etiam morbus peracutus, ut dici ſolet: quare & in eo, & maximè, purga-
tio conuenit, iuxta Aphoriſmi adducti ſententiam. Deinde dicit, cum
part. 4. aphor. materia ex toto genere humorum naturalium reſceſit, purganda eſt, uel
10. etiam nobis teſtibus. Tales autem apparere in morbis peſtilentibus, li-
quido conſtat his uerbis ex Hippocratis ſerie traductis in tertio Epide-
Sec. 3. text. miorum: Deiectiones uariæ erant, nam uel nigra pauca & uirulenta. Et
85. alibi rurfus, Aluius turbata bilioſis excrementis, paucis, meris, tenuibus,
mordacibus. Manifeſtum eſt autem talem propriè humorem eſſe debe-
re, qui ſit purgandus ab initio. Et in eodem rurfus: Aluo ſubiectis balan-
Sec. 1. text. 25. is reddidit nigra ſtercora. Hæc adẽdũ ſunt frequentia, ut turpe ſit pauca in
medium adducere. Poſſet etiam Hippocratis autoritatẽ ex tertio Epi-
Sec. 3. text. 57. demiorum ad ſe trahere: cum dicat Galenus in Commento: quomodo
& 58. purgationes prodeſſe porerant, cum eſſent omnino morituri: igitur in non
moritur

morituris utiles fuissent: si ob hoc tantum oberant, quòd essent morituri. Cum etiam debilis uirtus breui futura sit, tentandum erit ab initio ualidiora adhibere auxilia. Sed singula diluenda sunt: quandoquidem rationibus fallacibus incumbitur, potius quàm autoritatibus quæ ex experimento processerunt. Igitur cum adducitur ratio, quòd medicari in ualde acutis eadem die bonum est: Respondeo, Veneni qualitatem obstare: intelligi uerò in calidis frigidis uel humoribus eam autoritatem cum turgent: neque omnem turgentem materiam purgandam, nisi secundum qualitatem manifestam tantum turgeat. Nec etiam omnem, ut docuimus suo loco, quæ turgens est ac ueneni expers. Sed contrà, quia ueneno sumpto purgatio conuenit: Dicebat enim Princeps, Ad uenena conuenit dare agarici drachmas duas cum uino. Sed dico, quòd agaricus datur ratione proprietatis, non ratione purgandi: tum uerò Aëtius nullum tale exhibet medicamentum. Sed & hoc pestilens uenenum non est simplex, sed quod ipsum auget contagio: uenena autem ebibita non augentur contagio. Pestilens etiam uenenum, potius habet rationem eius quod morsu serpentis homini inditur. At in his non purgat Aëtius: quamuis dicat Princeps, Et ingreditur hoc capitulum sectio uenæ, & purgatio. Et idè difficile uidetur tueri dictum Principis in hoc, sed satisfaciunt aliæ responsiones, etiam apud ipsum Principem: clarum est enim quòd in potu ueneni præter agaricum, ut dixi, nec solutionis uentris, nec medicamenti alterius meminit. Cum uerò dicitur, materiam esse in eo morbo toto genere alienam à naturali, atque idè purgandam iuxta placita nostra. Respondeo, Materiam crudam, qualem in his morbis ubique adesse prædicat, non esse synceram, ac totam malam. Sed ob hoc cruda dicitur, quia nec separationem, nec conuersionem accepit, talis autem purgatione non debet duci. Sed dato quòd mera esset, quia ueneni particeps & contagii, idè frustra purgabitur. Ad Galeni interpretationem dico primo, quod exposuit causam ueritatis dicti Hippocratis, non tamen adæquatam. Illis etiam morbis contagio non aderat, uel perexigua, Galeni iudicio, ut aliàs docuimus. Vbi autem non adesset contagio, forsitan de purgatione caderet aliqua dubitatio: quamuis nec uel sic. Cum etiam ibi multi essent pestilenti in constitutione morbi qui non essent pestilentes, ut etiam nostris temporibus accidit: atque in his pestilentibus rursus alii coniuncti, quorum causa purgatio poterat conuenire. ut etiam de uenæ diximus sectione. Cum uerò diximus multos sanatos eo morbo, Hippocratis & Galeni testimonio, spontanea purgatione: Respondeo, aliam esse rationem naturæ, aliam autem medici. In morbi consistentia per summos ardores sanguine eieccto, natura morbos finit: igitur medicus hoc faciet? In morbi declinatione mouet hemorrhoidas natura: igitur

sexta quarti
trac. j. summa
i. cap. 5.

lib. 13. cap. 48.

lib. 12. cap. 19.

sexta quarti
trac. 3. cap. j.

I & med

& medicus? Natura expurgat empicos per urinam: igitur medicus hoc aggreditur? per aures ulcera, per surditates, multi cerebri morbi terminum accipiunt: in cerebri igitur morbis conabimur hæc inducere? Sed ad rem magis: cum materia sic expellitur, non sanitatis & uitæ causa est, sed signum. indicat enim uenenum finem accepisse: neque materia, quæ insignem habet ueneni qualitatem, in naturæ arbitrio est, ac expulsiōi illius pareat. Ergo multa purgatio finem ostendit ueneni, non facit, si à natura fiat: ab arte autem nullum commodum cum præstet, neque etiam signum. At cum dicitur, Virtus citò ex hoc morbo exoluitur. Fateor: sed uelocius inita purgatione. Auicennæ autoritas intelligi debet, ut dixi, in initio morbi, uel etiam antè: quia hæc uerba sumpsit à Galeno, qui de præseruatione intellexit: ut etiam diximus, dum sententiam Auicennæ de uenæ sectione in pestilenti febre declararemus. At si dicas, Non sic exponendum? frustra conaris illum, experimento, & Græcis omnibus cogere ut contradicat. Aëtii uerba etiam in regimine præseruatiuo intelliguntur. Pilulæ Pauli, quanquam eodem responso possent in aliam trahi sententiam, proprietatis causa debent admitti: neque enim ille agaricum, aut colloquintidam, uel scamonium, aut ueratrum consulit exhibere nobis uelut in aliis morbis: sed hoc unum tantum longo usu probatum, quod etiam omnes sanare ait eo morbo laborantes. in his autem solus Aloës purgat: sed ibi uel non purgat omnino, uelut nec in uocatis pilulis alefanginis uulgo, uel adeò magna est compositionis aduersus serpentes uenenum utilitas, ut purgationis leuissimæ noxa meritò sit negligenda. Sed Auenzoar alterius est sententiæ, quanquam & ipse per propria procedere conetur: experimentum etiam suum potius potest in oppositum contorqueri quàm quòd probet propositum. Si enim illos tantum suscepit curandos, quid medico credendum, qui duos tantum curauit ægros eius generis in uita? si uerò ex multis quos curandos suscepit, duos tantum sanauit, deteriore etiam conditione res agetur. Denique tanta posset esse in fimo columbi uis aduersus eius temporis pestem, ut agarici & aloës noxa occultaretur. Rationes autem, quæ in oppositum faciunt, omnes sunt euidentissimæ. Nam, ut diximus, in ueneni nulla conuenit purgatio, nec ebibitis, nec ei aculatis, quare nec in pestilenti febre. Purgationes etiam unum aut duos humores detrahunt, at uerò hic morbus adeò patet, ut etiam quandoque in ipsis membris consistat, ut in sequenti ostendemus contradictione, tum aliàs clarius: non igitur purgabitur humor qualis purgari debet. Cum etiam in omni purgatione iuxta Principis dictum melius sit infra subsistere, quàm exquisitissimè euacuare: quicquid relinquetur, & si minimum serpente ueneno

quarta primi
cap. 3. iuxta finem.

ueneno, nihilominus augebitur, unde iam afflictiis uiribus mors succedit. omnis etiam humoris purgatio coctionem illius aliquam præsupponit aut quòd sit turgens, multa uerò non turgent: & si turgeant, euacuatione tamen non indigent. Quæcunque uerò non turgent, ob ueneni qualitatem non concoquuntur, nisi finito ueneno. at tunc amplius non est pestifer morbus. Rursus ut aliàs declarauimus, febres hæc, cum magis uulgaris pestis, per abscessus finiuntur, qui fiunt materia mota à centro ad superficiem: at purgatio in diuersum mouet, siquidem ad centrum ex superficie. Iubent etiam Auicenna & Aëtius ac Paulus euocari calorem in his morbis ad superficiem: quomodo igitur illum atque humores simul intro trahimus? Accedit ultimò, quòd purgatio uenenum trahit super cor, & quæ sunt inter cor & iecur supra iecur: igitur occidit. Nam illas materias natura ad superficiem pellit, aut non nisi finito ueneno: aut per aluum solum, quod est citra iecur: quod ultra, per urinas: quod ultra cor, per sudores. Deicit & præter hæc appetentiam cibi, qua nihil est melius in pestilentibus febribus: miscet pura impuris, & calefacit: unde uenenum celerrimè & latissimè diffunditur. Vires etiam debilitat, ut diximus. Quare tandem in pestilenti febre fugienda prorsus omnis purgatio. Stultum igitur est, Rhabarbaro, aut triseræ perficæ inniti. Cum uerò pestilentialis febris sit ab aëre, tunc omnis purgatio præsentem affert mortem. nihil enim ex humore peccante minuit: quòd & si minuatur, uenenum nullo modo finit, à continente autem aëre corrumpitur humor, & spiritus: unde etiam in quodam genere febris pestilentis, quod ad hæticam pertinet, nihil potest excogitari perniciosius. Errat itaque Conciliator, qui dicit eam curari curatione febris putridæ.

différentia 94.
artic. 3.

CONTRADICTION IIII.

Pestilens morbus an omnis cum febre.

IVxta prædicta contingit dubitare, An omnis pestilens morbus sit cum febre? inquit enim Galenus tertio super tertium Epidemiorum, Cum mortales uel citra febrem pestis corripiat. Memini me aliàs de hoc scripsisse: sed in eadem sententia sunt uerba Hippocratis ex eodem libro: Ex his quos febres tenebant, inquit ille, alia quæ, nemo circa potum intempestius erat. Et hæc uidetur etiam sententia Rasis, cum dixit Morbum epidemiale, & Febrem epidemiale. Sed ipse confundit epidemiale cum pestilenti: & in hoc deceptus est in linguarum permutatione. declarantur rursus pestilentes fluxus uentris, corruptiones extremitatum, ut in tertio Epidemiorum ab Hippocrate, qui fe-

com. 58.

tex. 51.

17. con. cap. 6

par. 3. text.
com. 25. & 71.

bres non sunt: tum etiam oculorum morbi, ac multa huius generis. Vnde ibi multis eorum febres non erant. Et rursus paulò post, dum de ulceribus ageret. Quibusdam ante febres, aliis cum febribus, aliis post febres ipsa hæc euenerunt. Oppositum huius ostendit series tractationis; nam Paulus, Aëtius, Auicenna, Rasis, Pestilentem morbum inter febres collocant: non inter ulcera, profluuiâ alui, aut lippitudines. Ratio tamen est ut quod sine febre sit satis clara. Quid enim prohibet ut in uenenis quæ bibuntur, aut quæ animalia iaculantur, ne mala sit consimilis in aëre qualitas citra febrem quæ homines perimat? Rursus si pestilens morbus febrem necessariò adesse postulare, esset febris ipsa pestilens morbus: atque etiam unius generis ob id: at ut docebimus, earum febrium quædam tabificæ, quædam continuæ, quædam intermittentes. Vnde Hippocrates de constitutione pestilenti loquens, cum dixisset, Febrium ardentium, quæ uigebant, hæc erat natura. post pauca subiungit: Erant præterea febres aliæ de quibus iam acturus sum. Explicat autem eas non statim, sed post pauca, dicens: Multa præterea alia febrium genera uulgabantur, tertianarum, quartanarum, nocturnarum, continuarum. Apparet igitur febres comitari pestem, non autem pestem esse febris genus. Sed in oppositum est ratio, & experimentum. Ratio quidem, quoniam pestilens morbus est acutissimus. Docuimus autem aliàs, nisi sint à multitudine materiæ uel ratione loci acutissimi, tales febribus sociari. Sunt etiam contagiosi, contagio præsupponit putredinem ut explicat Galenus in primo de Differentiis febrium per exempla scabiei, lepræ, lippitudinis. Et rursus post hæc habet: In pestilenti autem aëris statu inspiratio plurimum est causa: fit enim & aliquando ob eos qui sunt in corpore humores ad putrescendum paratos, cum breuem aliquam occasionem ad febris originem ab aëre ambiente acceperit animal. Magna autem ex parte incipit ex aëris circumstantis inspiratione à putrescibili uapore uitiati. Ideo concludit, (quod mirum uidetur) Sed quoniam de febribus pestilentibus facta est mentio, quæ omnes à putredine ortum habent. Ideo clarum uidetur ex ratione, quod hic morbus nunquam sit sine febre, & etiam putrida. Hoc etiam experimento dilucidum est, necessarium enim his temporibus, ex his qui peste laborant, sine febre inuenies. At ut dixi aliquod genus perniciosum ad hecéticas reducit ipse Galenus, in quibus calorem febrilem inuasisse corpus cordis docet. Sed conciliatio in hoc apud me non est difficilis. Nam omnis pestilens febris à putredine sumit initium, cum uerò procefferit, nihil prohibet, ut quemadmodum in cæteris, quin in heceticam transeat. Maior dubitatio est in principali quæstione, an omnis morbus pestilens cum febre sit. Constat enim ex argumēto tacto, quod uitiato aëre qualitate aliqua mala, aut

tex.com.28.

3.epidem.fec.
3.com.35.com.47.
com.65.cap.2.
cap.4.cap.5. in ini-
tio.3. de causis
pul.cap.3.

la, aut aqua, quòd morientur homines passim, quia elementa sunt communia. & poterit hæc qualitas esse non putrida, ut in aliis uenenis. Et si quis dicat, quòd erit necessariò calida, ideo inducet febrem: nam qualitas frigida lentè occidit. Respondeo, quòd poterit esse sicca, & item frigida intensa, & tunc celeriter occidet. Poterit etiam esse occulta, pendens ex astris, & non habens ortum ab aliqua prima qualitate. Sed forsan dicet aliquis, hoc esse uerum, ubi non communicaretur aliis: at si debeat aliis communicari: tunc necesse est ut adsit putredo, uel saltem calor externus: quare febris aderit ex eius dispositione. Communicari autem ex homine in hominem celeriter, ac maximè pestilentem morbum, satetur philosophus ipse. Respondeo igitur pro concordia horum, Duplicem esse pestilentialem morbum: alium qui non facilè communicetur, & hunc quandoq; posse carere febre: sufficit enim ad hoc quòd sit pestilens morbus, ut sit epidemius, & pernecans: est enim hæc sententia sæpius à me ex Galeno repetita. Voluit enim omnia pestilentis morbi genera sub uno uerbo Galenus comprehendere. Sed Aristoteles intelligit per pestilentem morbum eum, qui apud nos pestis uocatur, facillimè ex uno in alterum transeuntem. & hic cum febre semper est: potest enim, ut dixi, in aëre esse mala qualitas, quæ multos perimat citra febrem, quia citra putredinem. nec tamen facilè communicabitur. esse tamen quæ communicetur citra putredinem facilè, hoc est ex his quæ nondum experimento comperta sunt. Succedit tamen plerunq; & in his, qui non facilè ex altero in alterum transeunt, morbis pestilentibus ipsa febris, etiam si ab initio non sit: ob hæc hic morbus febribus adnumeratur. Galenus in libro de Differentiis febrium, loquitur de causis febris pestilentis, non autem morbi pestilentis: ita quòd in ea tractatione iam præsupponit esse febrem: hanc autem manifestum est fieri à putrido humore. Sed hoc declarato adhuc restat longè maior difficultas, & est, An pestilens morbus, qui est cum febre, sit ipsa febris, sic ut pestilens morbus sit species quædam febris: an potius sint duo morbi, scilicet pestilens, & febris illum consequens: nam si sic non erit, nunquam transibit in hecticam: si enim est modus quidam putredinis, nemo dicit putrescere membra in hectica. Quòd si dicas, putridas alias in hecticas transire. Respondeo: Impropiè hoc dici: nam ex putrida exoritur hectica, nunquam putrida transit in hecticam. Siue enim finiatur putrida, seu non, hectica nihilominus succedit. Igitur una ex altera non generatur in his quæ transmutantur per generationem, generatio unius ad unguem est alterius corruptio. Sed tamen in hoc genere febris posset defendi, quia ut dictum est ex autoritate Hippocratis in tertio Epidemiorum, etiam membra ipsa in febre & morbo pestilenti secundum substantiam suam putrescunt. Et ideo dico, quòd ut declarau

i. Probl. 7.

i. Epid. Sec. 1.
in proœmio.

prima quarti
tract. 4. cap. 1.

prima quarti
tra. 4. cap. 1. in
expositione.

in libro De febre pestilenti, infiniti sunt modi pestilentis morbi: quidam enim sunt ipsa febris, quia causa eorum est modus putredinis: & de his loquitur maximè Auicenna dum de febre loquitur pestilenti. Quidam cum febre, ut in Apſtematibus seu Phlegmonibus: de quo genere loquitur Princeps, cum de Althoim sermonem habet. Quidam etiam febre carent. Sed quid dicemus de eo, qui febrem patitur pestilentem, nemine alio in ea regione consimili laborante? Respondeo, Lis est de nomine: erit enim febris uenenosa, non tamen pestilens. Cura erit eadem, sed non dicetur pestilens, quia nec uagatur, nec ortum habet ab aëre uel aqua, sed ab humoribus qui id genus prauitatis contraxere. Et in hoc bene respondet Gentilis, cum ferè idem dicat: sed postmodum aberrat, uolens quòd febris quæ ex uno cadauere putrido in domo existente orta est, uocetur pestilentialis, cum non sit epidimialis: sed difficultas est solum in nomine, est enim uenenosa, & habet aliquid plusquàm prima commune cum uera pestilenti. At maior est difficultas de ea quæ transfertur de regione in regionem, per halitum & contagionem, aëre non corrupto existente, ut frequenter in Italia accidit. Respondeo, quòd est uerè pestilens, grassatur enim in multos, & est perniciosus. Hic tamen modus est quasi medius, & fuit incognitus antiquis: uix enim persuaderi potuit Galenus, migrare morbum ex homine in hominem, tam celeriter necantem, absq; aëris consensu. Hoc autem melius intellexit Philosophus, & experientia nunc clarè docet, cum in multis urbibus nulli prorsus pereant, qui hoc uitio affectos & illorum socios diligenter uitauerint, & tamen in his, qui se immiscant, maximus numerus hominum peste desideretur. In hac tamen est uitium aëris, sed omnino communis: ideo, &c.

CONTRADICTION V.

Purgatio in Vere, an in initio eius, an in fine conueniat.

6. Aphor. 47.

Quidam alius tempore æstiuo febribus tertianis corripiebatur: sed multis iam annis non febricitauit, quoniam à nobis purgari circa finem ueris anticipauit: sic enim melius est tales euacuare: sicuti illos, qui morbo comitiali, apoplexia, & melancholia, articulariq; atq; aliis huiusmodi qui ex crasis gignuntur humoribus, præstat circa ueris initia euacuare, inquit Galenus. Et ante hæc uerba dicebat: Sic & mulierem quandam singulis annis Vere inchoante similiter euacuans, cum aliquando tumorem cancrorum pateretur in mamillis, ualido ac frequenti medicamento, quod atram bilem ciere posset, ad sanitatem perduxit. Dixerat & in initio, Hos enim oportet ut anticipemus purgare adueniente Vere. Sed cum sermo etiam ad eos qui bile abundant amara, extendatur, interpretari debet sic, ut anticipemus antequam adueniat morbus, & adueniente

niente Vere, id est, iam ueniente, seu in fine seu in principio, ut etiam Græca lectio sonat, *ἢ ὅτε ἐς βέλλον*. Sed in libro de Venæ sectione hæc habet: Siquidem nonnullis amaræ bilis succus plus cæteris colligitur, quibusdam bilis atræ, aut pituitæ, aliis ex æquo omnes, in quibus sanguis abundare dicitur, quos omnes euacuabis, ut etiam arthriticos & podagricos Veris principio, exhibito uidelicet aut purgante medicamento, aut uenæ sectione facta. Hic liquet, quàm sibi apertè contradicat in redundantia amaræ bilis, ubi etiam in initio Veris purgationem præcipit, cum antea docuerimus in fine esse faciendam. Sed de humoribus crassis sibi concors uidetur in his duobus locis, nisi esset quòd in prima Aphorismorum sic scripsit: Cæterum ut ex plurimo alimento oblato, quod non solum in uentriculo bene conficiatur, sed etiam in uenis & toto animalis corpore unumquodq; animal carnosius reddatur, & sanguine abundet, habent homines ipsa experientia satis compertum, non in seipsis tantum, sed etiam in iumentis. Nam ante æstatis initium, circa ultimam Veris partem, sibi & illis sanguinem detrahunt. En uides, quòd non initium Veris probat, sed finem illius. uerba tamen Aphorismi sextæ particulæ quasi ad unguem recitat in libello Quos & quando purgare oporteat, ut exscripta prorsus uideantur: quo fit, ut hæc potius Galeni sententia censeatur. Hanc sequitur Aëtius etiam: sed Paulus tam de purgatione, quàm de uenæ sectione totum Ver laudando, nihil mihi distinxisse uidetur: itaq; meo iudicio se ad Galeni sententiam refert: quam etiam expressit in consilio de morbo comitiali, cum dixit, Primò Vere purgetur puer. & in sexto de Tuenda sanitate: Qui uitioso sunt corporis habitu, purgatione leuentur in Veris initio. Sed nec obstat quòd alibi dixerit Hippocrates medicari æstate superiores, hyeme uerò inferiores: de coacta enim loquitur purgatione, quæ etiam extra Veris tempus fieri debet. Quòd si quis obiiciat, quòd Veris initium simile est hyemi ex dicto Galeni, & quomodo in hyeme poterimus frigidos & crassos humores expellere. Respondeo, quòd intentio Galeni est ab humoris abundantia sumpta: nam initio Veris si abundat pituita, expurganda est: si non, nec in fine. quomodo enim uerisimile est illam nocituram calido iam facto tempore, quæ dum frigidum esset non nocuit? aut si iam nocuit, manifestum nos malè fecisse, noxium non expurgando humorem antequam noceret. Quòd igitur pituita uel in initio Veris, uel nunquam in Vere sit expurganda, satis patet: tum etiam de aliis frigidis humoribus. De sanguine etiam, cum plurimi morbi ex ipso fiant (ut Hippocrates docet & Galenus) in Vere, patet, quòd traducta sectione uenæ ad illius finem nulla erit utilitas. Relinquitur igitur ut declaremus, quomodo amara bile superabundante, purgatio iuxta illius finem conueniat. Galenus enim declarat,

Aphor. 15.

lib. 3. c. 10.

lib. 7. c. 4.

lib. 6. c. 40.

ante finem.

iuxta finem.

4. Aphor. 4.

1. Aphor. 16.

3. Aphor. 20.

3. Aphor. 21.

1. de Natura
human. t. c. 11.

4. ad Alman.
cap. 25.

cap. 278. libri
de Regimine
sanitatis.
lib. 7. c. 3. & 4.

secunda pri-
mi, doc. 5. cap.
6.

tertia primi
doc. 5. cap. 1.

3. Aphorif. 20.

clarat, bilem æstiuo tempore abundare, itaq; cum nondum in initio Veris multa sit, tunc purgata difficilius cedit, & corpus frigidis obnoxium morbis relinquet. Hoc enim declarauit Hippocrates, Incolumitatem nostram æqualitate ipsorum humorum constare. Rei igitur ueritate intellecta, uerba Galeni concordemus. In libro de Sectione uenæ non tractat nisi de illa, quæ humores euacuat, potentia, non actu existentes: ideo non in fine, sed in principio euacuare oportet Veris, propter iam dictas rationes, etiam si biliosus redundet sanguis. At in humoribus iam existentibus secus est: conuenit enim, ut dixi, bilem medicamento iuxta finem Veris expurgare: quod expressit in libello, Quos & quando purgare oporteat. Sed dices, Non sic: nam in libro de Sectione uenæ addit purgandos etiam medicamento. Respondeo: Verum est, sed ubi negotium illud non tractat, uerba ad loci, ubi tractatur materia, interpretationem sunt deducenda. Et ideo mihi bene uidetur Rasis dixisse, cum synanche uexat in Vere, tunc præuenire oportet morbum sectione uenæ. Sed hic non potest loqui de sectione in principio Veris, aliter oporteret diuinare futuros huiusmodi morbos. Rasis igitur solum intelligit, ut fiat in Vere ipso ante morbi aduentum, non in principio illius, ut credit Antonius Gazius Patauinus, quamuis uir celebris. Eandem negligentiam Auerroës habuit, qui in Collectaneis, dum de purgatione & uenæ sectione loquitur, Ver tantum proposuit, non illius partem. Auicenna etiam laudauit omnem diminutionem succorum in Vere: uerba eius apponere libet: Nulla autem est res quæ adeo hominem ab ægreditudinibus Veris tueatur, sicut sectio uenæ, & purgatio, & cibi diminutio, & uinosi potus, cuius loco syrupi assumantur. Vnde liquet, quàm malè fecerint, qui Quadragesimam sustulerunt, etiam si non peccent: plurimos autem impietatis suæ dare ob id poenas morte præcoci. multa enim cum à Mose in sua lege, & à nostris altiore consilio nobis tradita sint, leuibus quidam suffulti suspitionibus, euertere studuerunt. Sed ad propositum reuertor: Princeps alibi ostendit, quòd in Veris principio purgationem ac sectionem uenæ moliri oporteat: uerum non exquisitè iuxta Galeni sententiam. Sed si sanguis abundet, uel etiam reliqui humores bile flaua excepta, Veris initio: at bile flaua iam actu existente purganda est in fine Veris. Igitur sectio uenæ semper in initio Veris, at purgatio non semper, sed quandoq; in fine. At in prima Aphorismorum docet regimen eorum, in quibus, non præ multitudine tantum sanguinis periculum imminet, sed etiam propter exercitationem: nam hi non in periculo sunt in Vere, sed in Aestate, cum mediocriter sanguis tantum exuberet, alioquin innoxius: nam solum hi ægrotant, quibus sanguis est uitiosus in Vere, iuxta Galeni sententiam, aliter non esset Ver saluberrimum. His igitur si sanguinem in initio

initio plurimum detraxeris, non erunt idonei ad labores: si paucum, co-
geris denuo iuxta illius finem, scilicet Veris, sanguinem detrudere: quare
in his festio uenæ finem Veris expectare debet. Hippocrates autem con-
uenire uocat, quod uel uitio multitudinis, uel prauitatis, purgationem
exigit, aut uenæ sectionem: non quando labores, aut exterior alia causa
imminet. Liquet autem ex hoc, quàm perperam ueterinarii sanguinem
equis in festo Beati Stephani detrahant.

CONTRADICTION VI.

Citri semen an calidum.

Citri semen calidum est in primo, siccum in secundo, sicut & cortex,
qui tamen est siccus in fine secundi. Caro autem est calida & humi-
da in primo: quòd uerò eius acidum est, frigidum est, & siccum in tertio,
inquit Princeps. Idem, si tamen idem est, in libello de Viribus cordis in-
quit, Cortex est calidus & siccus in tertio, semen frigidum & siccum in
tertio. De cortice discordat in gradu, de semine etiam in natura. Rasis au-
tem in Continentibus narrat opinionem Mesue, qui posuit corticem ca-
lidum & siccum in tertio, & concordat cum secunda Principis autoritate:
carnem autem frigidam & humidam in primo, in quo dissentit à Princi-
pe, qui illam opinionem in suo secundo libro reprobat. Sed semen dicit
esse calidum & siccum in tertio, & in hoc ab ambabus Principis senten-
tiis dissentit. Narrat & Galeni opinionem ibi Rasis ex septimo de Sim-
plicibus medicamentis non exquisitam satis: ait enim, quòd censet se-
mina esse sicca & dissolutiua in tertio: Galenus dicit in secundo: refertq;
id, cum dicit à temperamento recedere ad siccitatem non solum, uerum
etiam ad caliditatem. Sed nos de cortice concordat litera Rasis cum Ga-
leno, siquidem siccum in tertio, in calido & frigido temperatum ponit,
aut declinans ad calidum paululum, Rasis: sed Galenus siccum in secun-
do dixit, non in tertio: nec forsan error est Rasis, sed transcribentis libra-
rii. quoniam per notulas numerus ille describitur, non per uoces. Illud
sanè certum est, quòd arida pars utriusque consensu, frigida est & sicca
in tertio. Vnde error transferentis, & literæ Latinæ Galeni est manife-
stus: horum enim uerborum loco, *κατὰ μὲν τὸ σπέρμα, τὴν ὀξείαν ποιό-
τητα καὶ ξηραντικὴν δύναμιν ἐπικρατοῦσαν ἔχει, ὡς τῆς τρίτης εἶναι τὰ
ξῆως ἀπὸ τῶν ξηρανόντων τε καὶ ψυχόντων.* Vertit ille, In semine quidem
habens acidam qualitatem & siccam, ut ipsum tertii sit ordinis resiccant-
ium refrigerantiumq; cum debuisset potius transferre, Quod iuxta se-
men est, acidam habens qualitatem & siccam, ex tertio ordine est refri-
gerantium atque exsiccantium: ut scilicet ad succum uerba potius, qui

2. car. cap. 120.

trac. 2. cap. de
citro.

lib. 21. cap. 21.

iuxta finem.

K circump

circumpositus est semini, quàm ad semen uerba illa referantur. Ostendit primo hoc ita esse res ipsa, cum semen nemo frigidum & siccum dixerit, nisi autor libri de Viribus cordis. tum etiam Galenus ipse qui in eadem serie dicit, Semen, quod est nucleus, ex secundo est ordine siccantium ac dissoluentium: unde calidum ipsum ponit: siccum etiam in secundo, non quemadmodum succum in tertio. Et uerba illa, *τὸ δ' ὑγρὸν καὶ ὀξῶδες ὑπὲρ οὗ πρώτου διαίλεται*. Quod est, Humidum autem illud atque acidum, de quo primum dixerui, manifestum est nisi uerba illa ad prius exposita referantur, illum de succo nullibi eo capite locutum fuisse: quare mendax simul esset ac obliuiosus. Dicitio etiam *κατὰ, μὲν τὸ πνεῦμα* iungitur accusatiuo, & significat secundum: ut sit sensus, Quod secundum semen est. Approbat hoc & Aeginetæ lectio, cum dixit, Interior pars, siue acida, seu aquosa fuerit, abunde refrigerat. Aetiū tamen interpretes & ipse in eodem mansit errore, in quo & Theodoricus Gerardus: at forsan per semen intelligent primo loco, seminis corticem, quem frigidum & siccum in tertio nil repugnat, nucleo, quem propriè semen Galenus esse dicit, calido existente. atque sic interpretes & Princeps defenduntur, nec Græca litera quæ à nobis insueto certe modo exponitur contorqueretur. At huic concordia astipulantur uerba Galeni, cum dicat uere semen solum esse nucleum, tum Pauli modus loquendi, *ἔτε ὀξῶδες, ἔτε ὑδατώδες*, nam si per acidum aquosum intellexit, debuit dicere, Interior pars quæ aquosa & acida est. At uidetur aquosum ad succum, acidum referre ad seminis corticem. Sed huic concordia obstant, quod nullum de succo uerbum Galenus fecisset, qui tamen non tantum cortice seminis, sed uniuerso semine non solum longè ualentior est, sed etiam copiosior: tum etiam quia testatur (quod etiam iam in medium adduxi) Galenus se de succo fuisse locutum. tum quod cortex ipse seminis haud acidus est, nisi forsan leuiter, sed potius astringens, ac quasi inutilis medicinae, & modicarum uirium. Galeni uerba illa ad hoc tendunt, ut intelligamus, cum de semine loquitur, ac illius uiribus, non totum accipiendum, sed solum nucleum: non quod aliam uirtutem cortici seminis tribuat, ut forsan quidam interpretantur perperam, sed quod cupiat semen mundum esse à cortice proprio. Aeginetæ uerba ad hoc tendunt, ut intelligamus, idē nos posse humidū intelligere, quod etiā acidum: nam & caro citri acida paululum est, & ideo frigida à Galeno & aliis censetur, repugnante solo Principe. unde etiā Rasis propriū hoc illi inesse dicebat, ut uentriculi reprimat feruorem. nam crassa est substantia, nō facile putrescit, & frigida ac humida temperie est, quibus omnibus exedēti calori aduersatur. Non ignoro esse quosdā, qui citriū à Græco nomine, qui citreū, qui malū medicā, uocent: mihi nūquā tanta de nominibus cura fuit, ut grāmaticorū more res ipsas

neglig

negligerem. cum tamen nihil interfit, male an bene loquaris, nulla uox minus ambigua est, aut magis cōueniens quàm citrii: constat tamen apud Galenum citriū idem esse ac malum medicam. barbari eiecta uocali i, citrum uocāt. Hęc nō uidit Manardus adeo promptus ad coarguendū Auicennam, horū enim malorū sectæ causæ sunt. Etenim ut uisum est error hic à Græcis tum à Galeni litera & eius interpretibus, non à Galeno, nec ab Auicenna ortū habuit: quāquam, ut sæpius dixi, liber de Viribus cordis non sit Auicennæ. Sed sit modo, nihil dixit, quod Galeni uerba ferme non uideatur significare. Dioscorides eius non expressit uires, nisi feminis quod aduerfetur uenenis, & aluū moueat, quod & Rasis animaduertit, & mihi multis in causis usui fuit, cū uix queas simile inuenire. Sed ad rem reuertor, omiſſa de citrangulo quod Arantiū solemus appellare disputatione. Serapio concordat cum Galeno ferme, sed acidā partē frigidā in secundo & siccā nō tertio ponit, de semine & cortice cōcors: cuius etiā sententiæ est quasi Auerroës. Pro solutione igitur huius apparētis contradictionis dico, quod Galenus nō expressit quod sit calidum in secundo, sed quod siccū & dissolutiū de semine: corticē autē non negat paululū calidū esse, ideo Auicenna ipsum in primo gradu statuit. De carne solū est difficultas, nam Auicenna calidā statuit, hoc argumēto, quod non uideatur ullo modo infrigidare. Hic nihil plus habet Galenus contra Principem, quàm Princeps contra Galenū. Sentiamus igitur cum Galeno, quādoquidē etiā habet alios fautores. Dico tamē, quod adeo parū recedit à tēperamēto, ut totū inter tēperata citriū reponatur à Serapione. Quod uerò Mesue dixerit, corticē esse calidū & siccū in tertio, ut refert Rasis, uel hoc intelligi debet, accipiēdo solū scobē tenuissimā, quæ forsan talis est, nam odoratus est cortex ualde, uel ob regionē accidit, uel quia sub citrio Adami poma cōprehendit, quæ & ipsa habēt carnē quæ manditur, ac corticē, nec tamen sunt citrāguli. Est igitur cortex citranguli calidus in initio primi, siccus in fine secūdi gradus: semē calidū & siccū in secūdo, per semē medullā intelligēdo. Caro frigida paululū, & nō leuiter humida: succus frigidus & siccus in tertio. Cortex autē pomorū Adami & citrāgulorum calidus est & siccus in tertio. Medullā citrii aduersus uenena esse præstantissimā pluri mi referunt, adeo ut mirabilis Serapio, Mesue, ut Rasis refert, Auerroës, Dioscorides. Illud nō prætereundū, colligi ex dictis, Mesuē librū scripsisse de simplicibus medicamētis, qui ad nos minime peruenerit. Obiiciuntur & alia, quod dixerit Citri semē impinguare corpus: hoc non uidit Galenus, nō uidit Paulus, fateor perperā igitur adiectum: è egregium hominē. Sed forsan etiā Galenus hoc dixit in aliquo libro, qui ad nos non peruēnit, peruenit ad Auicennam: neq; enim locus de simplicibus medicamentis hoc postulabat, cum non de his ibi agat, quæ à proprietate operantur.

lib. 11. epistola 3.

lib. j. cap. 136.

par. 2. de simp. cap. 1.

5. collect. c. 42.

cenditum nutrit pulmonem & pectus, non de succo, sed de carne loqui Auicennam palam est, uel iniquo iudice: at hoc uerum est. Vnde patet, doctrinam Manardi utilitatis parum, persepe damni multū afferre. Vnde Brasauolus in suo libro de Simplicibus, dum de citrio loqueretur, Auicennam quibus potest modis excusat, & rectè, indignum ratustam euidentem illi obliuionis notam inurere. Obiicit & Manardus de morbo mulierum incerta primo, deinde etiam his quæ uera sunt, quanquam silentio à Græcis prætermissa, ut gloriam solum quæsisse uideatur.

CONTRADICTION VII.

Nubecula in urina rubea an breuem morbum declaret.

4. aphor. 71.

2. prognosi.
27.

secunda quarti
trac. j. cap. 88.

ibidè, cap. 86.

QVibus septima iudicatur, iis nubeculam habet quarta die urina rubeam. dixit Hippocrates. Et rursus alibi: Si urina fuerit subrubra, ac sedimentum subrubrum & leue, diuturnior hic morbus quam primus, sed admodum salutaris est. Galenus in commento huius textus docet causam, quia sola pars aquosa seu serosa sanguinis expellitur, igitur cum coctio præsupponat substantiæ mediocritatem, erit necessario morbus longus. Ipse etiam in expositione Aphorismi meminit huius difficultatis, dicens, hoc signum significare dimidium coctionis solum, ideo si celeriter ut in quarto die appareat breuem morbum denuntiat, ut pote in septimo finem habiturum. non sic si in XI. uel XIII. nam ferme conduplicabitur tempus, atque ut celerius apparente tali urina in XIII. terminabitur in XX. eadem ratione dico quòd si in XX. appareat in XXXIII. uel in XL. die finietur. Sed meo iudicio his seruatis, adhuc longe difficiliore relinquantur dubitationes: nam in Aphorismo loquitur de nubeculæ colore, in libro de Morbis acutis de urina substantia cum sedimento. Prima igitur breuitatem morbi, secunda longitudinem significat. Sed hæc responsio non uidetur de mente Galeni, qui inter hæc non distinguit. Et rursus Princeps: Et sedimen rubecum significat abundantiam sanguinis cum tarditate concoctionis: & associantur ei in febribus ardentibus tristitia & anxietas, non igitur hæc significat morbum breuem. Et rursus alibi: Urina rubea in acutis morbis significat uelocitatem finis morbi, bonam cum bonis, prauam autem cum prauis iudicationem ostendit. Hæc quis non uidet pugnare cum iam dictis? Subdit etiam: Et generaliter urina cum substantia rubea significat uehementem inflammationem. Sed quod magis mirum est in fine capitis, quasi oblitus priorum, hæc subiungit: Et ad summum urina rubæ substantiæ, & rubei sedimenti, significant materiæ cruditatem, & ipsam esse non coctam. & significant longitudinem, propriè quando rubedo

rubedo non est uehemens, & fuerit decliuus ad turbulentiam. Oedipum hîc quæramus oportet, adeo omnia sunt intricata. Sed in hoc cum Galeno uidetur concordare, quod nullam inter urinæ & sedimenti rubedinem differentiam facit: cum tamen prius opposita significare contendat. Forsitan ex illo soluitur, cum dixit: In tenui autem urina color intensus, ac tinctura multa, significat quod non est ob concoctionem, sed bilis admixtionem. Sic igitur crassa substantia existente rubeoq; sedimento, uel etiam urina, morbus breuis erit: subtili autem breuis non erit, sed inflammationem multam significat. Sed expositio hæc ad mentem Galeni non est, qui dimidiam coctionem significare illam semper contendit: cum urina rubea sub ratione coloris, non substantiæ consideretur. Respondeo: Nostra differentia data conciliat Principis uerba: pro Hippocrate autem Galeni expositio satisfacit. Ostendit autem hoc dictio Hippocratis, qui rubeam urinam facit salutarem, hic autem loquitur de mala Auicenna. At dices: Hoc non uidetur concordare cum dictis Galeni, qui subtilem rufam facit salubrem, & ex serosa sanguinis parte absq; inflammatione: quod & Aëtius confirmat. Autor libelli de Vrinis dicit, crassam rubram multitudinem sanguinis prætere: rubram subtilem non inueniri unquam: quia sanguis non fit nisi exacta coctione: at talis nequit esse cum subtili substantia. Respondet autem tacitæ obiectioni, quæ subtilis est non rubea, sed quasi rubea dicenda est. Ad hoc diceret Galenus, illam appellari, & si non sit, exquisitè rubeam. Auerroës autem dixit, urinam rubeam significare sanguinis abundantiam & uirtutis debilitatem. Et manifestum est, quod præterit illam quæ fit à dolore, ut in coli dolore etiam frigido. Et hoc declarauit etiam in Cantica, sed non dixit, nisi quod significat abundantiam sanguinis: debilitatis autem nullo modo meminit. Hoc tamen superest, quod cum Galenus ponat urinam rubeam fieri ex sanguinis serosa parte, nulla erit crassa, sed omnis urina rubea subtilis erit? Aliud dubium superest: Quod si rubra in proximo die significat indicatorio salutem, quæ concocta erit absolutè quando significabit? Respondeo: quod omnis urina rubra est necessariò subtilis: nam si crassa sit, erit sanguinea, non rubea tantum, cum à sanguine sola differat substantia: concocta autem urina iam præsentem & imminensem significat indicationem: aliàs plura dicemus.

CONTRADICTION VIII.

Fluxus uentris, fluxu curandus: uomitus, uomitu:

Et, an omnis cura per contraria.

Vomitus quandoq; uomitu prohibetur, & fluxus fluxu: inquit Princeps ex autoritate Hippocratis, dum de cholera morbo loquitur.

K 3

Hunc

secunda
pri
mi doc. 3. Sæ
ma 2. cap. 4.

lib. 5. c. 44.
c. 13. & 8.

4. Collec.
cap. 22.

parte 1. text.
& c. 295.

decima sexta
terti, tract. 2.
cap. 13.

Hunc cholericam affectionem uocant, qui Arabicos autores uerterunt.
 Sec. 5. Ea forsan Hippocratis autoritas credita est à Principe, cum autor secundi Epidemiorum inquit, *ἐμετα λύσις, ὅδ' αὖθις διδόναι πίνειν, καὶ ἐμέτω.* id est, Vomitus solutio fit, calida aqua in potu data, uomituq; eiecta.
 Aphor. 15. Vel illa sexta Aphorismorum: A longo alui profluuiio uomitus sponte
 lib. 9. c. 12. superueniens morbum soluit. Similiter Aëtius cum inquit: Adiuuare etiam oportet excreatione per sedem. alienum enim uelut uenenum insidens & uentrem ac intestina rodit, & humores ex uniuerso corpore trahit: per uomitus etiam opportuna prouocationem uomitus ipse soluitur, & cessat. Quinimo in eodem loco ferme, dum de uomitu à bile ageret, consuluit, ciendum esse uomitū. Et Princeps ipse ante ea uerba in fluxu propter pituitam à cerebro descendente facto, consuluit & uomitum, & alui deiectionem. Paulus tamen uomitum solum excitat, cum cholera à cruditate fit, non autem à bilis abundantia. Sed nullus melius Alexandro, dum enim cruditatibus angitur, & in choleram deuenit, uomitu facili soluendus est æger: dum autem bile nimia purgandus est, inquit, Picra cum Scammonio. Et hoc, inquit, si nausea & tinefinus infestent: æger tamen parum tum uomat, tum deiciat. Ex quo manifestus est error pudendus medicorum nostri temporis, qui malè intellecta Auicennæ autoritate, uomitum uomenti, & purgationem nimium deiicienti adiiciunt: cum solum in conatibus hoc liceat facere, natura non assequente, uel in cruditatibus. Hanc eandem sententiam Alexander, dum bilis coaceruata est in intestinis, nec tamen pellitur, secutus est, purgandam docens: si fluat, nequaquam. Illud solum mirum, quod infra in dysenteria eum torminibus uenæ sectionem consulat. At Galenus his contradicere uidetur, primo ad Glauconem, dicens: Sed neq; si fuerit febris cum profluuiio uentris, alia opus est euacuatione. Verum hæc sola sufficit, quamuis non sit pro multitudinis ratione. Quicumq; enim his plus adimere necessarium existimantes sanguinem mittere, aut uentrem mouere tentauerunt, in grauiora pericula deduxere. Non est mihi propositum nunc, ut discordiam è dysenteria cura natam dissoluam: nec ut abusum, de quo aliàs dixi in libro de Malo medendi usu, repetam: sed ut declarem, an fluxus solum astringentibus curetur. Non est confugiendum ad id quod minus demittat aluus, hoc enim iam excipit Galenus. Sed cum nihil sensu dignum, aut cum febris non coniungitur, aut forsan cum utrunq; adest, tunc corpus purgandum. Cum quibus non cum cassia, seu filica Inda, sed picra, haud admoto scammonio. Ita in cholera, & aliis influxibus generale preceptum erit, ut non purgemus, nisi natura torpeat, & febris non adsit: nam febris medicamentis aduersatur: ob id illa minimè exhibenda, ubi ea urget. Sed non uidetur regula seruari, quod contraria sint curanda contrariis?

decimasexta
 tertii, tract. 2.
 cap. 9.
 lib. 3. c. 39.
 lib. 3. c. 14.

lib. 3. c. 19. sec. 1

lib. 3. c. 21.
 c. 14. in princ.

abusu 44.

trariis? Est autem Axioma medicum scriptum ab Hippocrate in Aphorismis, & ab Aristotele in prima Problematum sectione. Ad eò uerò uulgatum, ut Aristoteles in secundo Ethicorum ad mores id retrahat. Sed & ante scripserat hoc Hippocrates in libro de Flatibus dicens: Hoc generale præceptum est, contraria contrariorum esse remedia, ut cibum famis, potum sitis: indolentiam doloris. Tum uerò in libro de Humana natura: In summa medicus repugnet præsentì tempestatì, Morbis, formis, anni temporibus, ætatibus: contenta laxet, contendat laxata. Galenus etiam in tertio Artis medicæ inquit: Curatio uerò unam præcipuam ac communem habet intentionem ad id quod est dispositioni auferendæ contrarium. Et in de Constitutione artis medicæ: Fueritq; generalissimum quod ab Hippocrate dictum est, contraria contrariorum remedia: singulatim autem sua cuiq; singularia, frigido morbo calidum, calido frigidum, humido siccum; atq; eadem in similibus, ac instrumentariis, contraria morbose inmoderationi in quouis quatuor generum moliri oportet. Idem libro de Sectis, & quinto de Tuenda Sanitate, aliisq; infinitis penè locis: ut facile intelligamus, nullum præceptum esse magis in medicina famosum. Sed & Princeps, quem non obiter hîc induco, declarauit eandem propositionem non solum in qualitatibus, sed etiam in repletione & euacuatione. Vnde Auerroës dixit: Hæc est radix curationis, ut quælibet dispositio cum suo contrario curetur, non solum in genere, sed deducendo per singulas species. ut calidum cum frigido, & repletio cum euacuatione. & per modos ac singularia: & extendit hoc etiam ad regimen præseruans, ut ante parum sequens dictum Principis, quòd debemus unumquodq; suo contrario in tempore præseruare ab imminente dispositione. Et hoc ostendit quasi Galenus in libro de Inæquali intemperie, & sumptum est primo physici auditus, nam contraria contraria expellunt, expulsio morbi sanitas est: igitur curatio fit à contrariis. Hic non licet dubitare, an aliqua curatio à contrario fiat, quæ enim in contrarium adduci possent, sophistica sunt: sed an omnis cura à contrario fiat? & si fiat, quomodo fiat? Nam Auerroës in septimo Collectaneorum inquit: Deinceps dicendum est qualiter agendum sit, secundum magis & minus, aut quando nihil fieri debet, & maximè in euacuationibus, & curationibus, quæ fiunt per contrarium. Nam in pluribus locis euacuatio, & aliæ contrarietates non competunt, quamuis natura ægritudinis illud requiratur. Vnde uidetur, quòd non omnis cura contrario fiat. Idem Princeps, cum dixit: Et scias, quòd non omnis cura indiget contrario: sed sæpe sufficit sola regiminis bonitas. Hippocrates etiam quinta Aphorismorum, Quæcunq; refrigerata sunt excalefacere oportet, exceptis iis quibus sanguis fluit, aut fluxurus est: sed Galenus rectè in commento respondet, hoc

Theor

22. Partic. 1.
Probl. 2.cap. 3.
in principio.2. t. c. 2.
cap. 6.

cap. 12.

fol. 2. in initio
3. Cantic. 7.
1. & 2.

co. 110. co. 107

cap. 6.
t. c. 81.

cap. 2. in prin.

quarta primi
c. 1. in fine.
Aphorism. 19
& 21.

Theorema non everti, Contrariorum contraria sunt auxilia: quia aliud est magis efficax, scilicet, Illa prius curari oportere quæ magis urgent. Alibi autem dixit Hippocrates, frigidam aquam reuocare calorem, ac distentionem nervorum sic soluere. Sed Galenus dicit, hoc non facit suavi, sed ex accidenti. Ad quod responsum plerumque; refugiunt, dicentes: Curam per se à contrario, ex accidenti autem etiam ab aliis fieri. Quinimò difficultas est de morbis in quantitate ac numero, nam quantitati nihil est contrarium ut Aristoteles in lib. de Decem uocibus refert: quomodo igitur morbus in magnitudine uel numero curabitur. Calor etiam naturalis morbos curat, qui nullis causis propriè contrarius est. Minus autem calidis. Dolor etiam dolore discutitur, ut uoluulus crurum dolore & labor labore: & duorum dolorum, qui non secundum eandem partem sunt maior minorem obscurat, ut inquit Galenus & Hippocrates.

cap. 7.

li. 6. de Decretorio, in fine.
3. de Tuenda sanitate, fol. 4.
2. Aphor. 46.

lib. 1. fen. 1. tra.
1. c. 29. iux. fin.

6. Epid. Sec. 5.
1. c. 23.
3. Probl. 11.
3. Artis medicæ.
cap. 6.
1. Chirur. ca. 1.

cap. 12.

Auicenna etiam curat dolorem capitis à mala temperatura frigida & humida absque materia purgante medicamento. Coitus etiam, iuxta Hippocratis sententiam, pituitam curat, nec tamen est ei contrarius. Curat & melancholiam cui minimè aduersatur. Temperatura etiam calida & sicca cauterio ex igne soluitur, ut inquit Albucasis: quomodo igitur cura omnis est à contrario? Solet etiam adduci, quòd cum æqualia in gradu, ut dicunt, conueniant, incipientibus hecticis frigida & humida adhibenda sunt, quæ modicum distent à temperamento. At si naturalis temperies similia postulat, non parum calida & sicca iuueni debentur. Quæ igitur hecticam incipientem curare poterunt ad calidam & siccam intemperiem declinabunt. His & similibus penè nugis, atque inanioribus etiam, Axioma medicum infringere conatur: ut alii non esse generale, alii per accidens à simili posse curari morbos interpretantes. Sed non sic est: Galenus namque x 1. Artis curatiuæ his utitur uerbis: Nunquam tamen propterea præceptum illud, Quòd contrariorum contraria sint auxilia, aliquando uerum erit, aliquando falsum: imò id perpetuò uerum est: quando fieri non potest, ut eorum, quæ præter naturam sunt, quicquam per aliud remediorum genus curetur. Non tamen ex usu est temper omnibus, quæ præter naturam sunt, mederi: sed cum sola per se subsistunt. Hoc in loco profectò mihi Galenus uidetur ueram huius præcepti explicationem posuisse: nam non semper conducit in complicatis affectibus, ad contrarii exhibitionem properare, quandoquidem neque ad curam. Velut non ad ulceris, quòd canis rabidus intulit consolidationem: morbi enim aliqui auctione indigent, alii ut seruentur maioris periculi effugiendi causa: ut hæmorrhoides in iecore iam duritiem contrahente. Cum igitur morbi curandi non sunt tunc, quis dubitat neque tunc contraria esse remedia adhibenda. Maneat igitur fixum illud: Cum curare uolumus, tunc contrariis auxiliis

auxiliis insistendum, in cæteris generale præceptum erit. Quidam autem putant ueram curam, esse solum causæ morbi ablationem, ut uidetur sentire Princeps, dum de morbis agit ex materia pendentibus. Nam in hæctica secus est: & uidetur sumpsisse hanc sententiam à Galeno quarto Methodi cum dixit: Præcipitur ab omnibus ferè antiquis medicis, quicunque ratione quadam, aut Methodo de ulcerum ratione scripserunt: causas quæ illa creant esse abscindendas, æquè profectò ut cæterorum omnium morborum. Ergo sententia Galeni est, quòd morbi qui fiunt curatione causæ auferuntur contrario suo, facti autem contrario ipsius morbi, non autem causæ. Quale autem sit hoc contrarium, dicebat Galenus x. i. Artis curatiuæ. Quod Hippocrates & Plato Contrarium uocant, Aristoteles Oppositum appellat: est enim Contrarium quod maxime distat in unoquoque genere: non solum calidum frigido, sed etiam magnum paruo, & multum pauco. Sed hîc cum loquimur de medici cura, non de opere naturæ intelligimus. Vnde illa Conciliatoris anxia inquisitio cum nihil ad mentem Hippocratis aut Galeni: nam contrarium à contrario curatur ope medici, qui in unoquoque indiget natura operante, ipse autem adhibet solum accidentia, substantias autem propter illa. Quare necesse est, ut contrario naturam nostram iuuat ac impellat. In cura autem quæ à natura fit, non est hoc necessarium, cum illa fiat à principali agente calore naturali, de quo nunc prorsus nulla est disputatio. Semper igitur quod primò intenditur contrario perficitur. Si enim, ut dictum est, uomitum excitet materia causa ugens est repletio secundum uirtutem dicta, seu humor in quali peccans, hic igitur euacuatione indiget, cumq; sit in uentriculo per uomitum. causa igitur morbi fientis nò aliter hic quàm in putrida febre tollitur. Ob hoc autem rectè dixit, in putrida febre curationē esse euacuationē humoris noxi: deinde quod supercalefacti fuerat, refrigerationem: nam febris causa, est humor putridus: & ipsa, calor superadditus. Sed Auicenna febrē aut totā, aut maxima ex parte, cum ex humore consistit putrido, fientem morbum censet. quod uerò factū est illius quasi ad hæcticas pertinet. Certè non alia cura tollitur, quàm hæctica. Balneo siquidē, & frigida potione, ac humidioribus alimētis. In his autem quæ à proprietate curāt, oppositio nò minus inuenitur, quàm in manifestis: seu enim lapis cōfringatur cathetera, seu hircino sanguine, seu petroselino ma cedonico, quod plus erat aufertur. At nò necesse est operationē omnem à contrario fieri actus: sed uirtute quandoq; tantum, uelut & cum solis radii ignē accendunt. Sex autē præcipua sunt quæ medicus perāgit, atq; in uno tantū cōtrariis minime indiget. Conseruatio enim quæ in sanis ad unguē corporibus adhibetur similibus solum perficitur. Quæ uerò in impeditis negotiis publicis, aut priuatis, non tamen sanis præseruationem quæ per

prima quarti
trac. 2. cap. 7.
post princip.

cap. 4.

2. Aphorif. 22.

cap. 12. in fine.

differecia 153.

11. artis cur.
cap. 10.

L contr

contraria fit requirit. Sic & præseruatio pura quæ sanis, sed non modo sano degentibus, ut in aëre pestilenti, uel in itinere, per contraria non ip[s]is quidem corporibus, sed causis quæ morbum gignere possent perficitur. Sic & reducimus lapsa parum corpora per contraria, cum liberè emendationi uacare possunt: & cura rursus morborum, & quæ præseruationi admixta est, ut in podagra contrario suo perficit. Quod si Auerroës dicat, non competere: quandoq[ue] intelligit, cum maiore impedimento res detinetur: ut in ulcere à rabido cane consolidatio: in fluxu corruptæ bilis retentio. Sic rectè Galenus excusat Hippocratem: Sed Princeps nihil plus uoluit, nisi quod non omni repletioni debetur euacuatio, sed tamen euacuatio per inediam, balnea, exercitia, ut inquit Galenus libro de Sectione uenæ. Hoc autè nihil aliud est, nisi quod sæpe natura curat absq[ue] medicinalium auxilio. De frigida aqua non est mehercle dubitatio: nam per se causa morbi est caloris naturalis debilitas, ex raritate corporis, hanc tollit proculdubio aqua frigida: contrarium igitur est causæ morbum facienti. Per absurdum equidem est, si intelligamus Hippocratem uoluisse inanitionem repletionem, aut repletionem inanitione tolli: Sed hoc docuit eo Aphorismo, tum alijs locis, quibus hoc scripsit Theorema, Detrimentum quod ab inanitione fit, tolli repletionem: uel uersa uice, quod à repletionem, per inanitionem. hoc autem proculdubio multos latebat. Ergo ut ad rem reuertar, non in frigido tempore, aqua super infusa leuat distentionem: est enim contraria solum ei caloris debilitati quæ ab æstiuo feruore ortum habet. Sed si quid est quod obiiciatur de morbis, nam in his palam contrarium solum delet contrarium: utpote febri frigida profunt. Verum non de hoc loquitur Hippocrates, sed de consequentibus: sunt autem consequentia morborum symptomata, ut causarum morbi. Per contraria igitur morborum symptomata tolluntur, quæ sunt actionum ipsarum uitia. ergo in omnibus Hippocrates hoc intendit, quod sublati anterioribus per contraria tolluntur & consequentia. Sic dolor obscurat dolorem, non tollit: labor autem causam aufert lassitudinis, quæ est in musculis repletio. Sic coitus dolores aliquando curat, ac pituita dolorum causam, & melancholicum morbum, humore purgato, aut flatu discusso: non equidem per accidēs, ut dicunt, sed propriè, ac per se. Albucasis autè docet, quoniam pacto calidus ac ficans morbus igne curetur: nam calidus ac ficans humor dissoluitur, tum etiā mala membri temperies. Est igitur inanitio hæc repletis humoris, unde ad propriū statū reditus. Verum in temperatura quæ ab influente minime p[er]det humore, hoc haud facile quis tueri poterit. Sed dictū Principis est potius ad præseruationem: quia ut dicebat Gentilis, facillimè cadunt in morbum cui materia associatur. In temperato uero corpore, cum primum hectica laborare incipiet, humida quidē modice ac frigida conueniunt curandi causa, præseruandi autē nō adeo parū. Quare in iuvene etiam

si immodica sit siccitas naturalis, & morbus in initio & nulla incrementi cura, siccis curabitur hecetica, sed non ad proprium temperamentum col-
latis. Hic autem casus iuxta imaginationem contingere potest: non au-
tem secundum ordinem naturalium causarum.

CONTRADICTION IX.

Venenum an detur quod sub certo tempore operetur.

Medico an pertineat scire uenena.

An in cura uenenorum conueniant medicamenta.

ET omne quidē quod interficit cum permutatione tēperaturæ, aut cū
putredine, aut aduentu super mēbrū, possibile est ut effectū producat
post tempus: licet putrefaciētis effectus, eo deterior sit, quo plus moræ in
corpore duxerit, inquit Auicēna. Ex quo palā est, dari uenēnū quod uo-
cant terminatū. Et hæc uidetur esse sentētia etiā Galeni, cū dixit, quōd
corpus illius, quē rabidus canis momordit, antequā in rabie deueniat, agrū
dici debet, quoniā causam in se continet, qua in morbū decideret, quāuis in-
terim nullū laborātis corporis signū ne uel pusillū cōtinēat. Sed alibi non
solum mehercle de cane rabido, sed etiā aliis uenenis, quę citra noxā inte-
rim agūt ad tēpus, adeo clarē locutus est, ut ipsius disputationis caput di-
ctum eius facturus sim. Quāobrem ne operā me luisse existimauero, si totā
seriē hic uerborū eius subiūxero: hoc autē quādoq; licet, cū uolumus la-
borē lectoris tollere: tum præcipuē, cum breuitas tēporis medicū plerūq;
ad languētis salutē sollicitum habeat. In his uerō quæ clariora sunt, nec in
uerbis dubitationē nobis relinquunt: sufficit, ut plerūq; feci, solā adiecisse
sentētiā. Ea igitur uerborū series sic se habet: Quæcūq; lethales causæ tra-
ctu tēporis læsionē fixā & indissolubilē cōfecerint, reuertētur pro malitię
suæ magnitudine, periculi magnitudinē afferētes. Nā causæ aliquæ eorū,
quæ in corpore procreātur, potētia uirtutēq; uirus rabidorū canū, tum le-
thalia medicamēta representāt, quę etsi in affecto loco nullū quod euidēs
sit symptoma pariāt, post quatuor tamē aut sex menses, uel longinquiorē
tēporis cursum hominē perimūt. Scimus autē aliquos à cane rabido mor-
sos, qui postea aquas formidauerunt: inde etiā à morsus initio post duos,
tres uel quatuor mēses interierūt. Noui sanē & quēdā, qui exācto an-
no eum incurrit affectū, quem *ὀφθαλμικός*, id est aquæ timorē uocant. De
quo medici omnes existimabāt, quōd immodica siccitate in solidis parti-
bus laboraret. Atq; una est adauēta naturalis caliditas, ac in ignē cōuer-
sa. Hunc affectū caninū uirus longo cum tēpore paulatimq; efficit, atq; ob
id difficilius potest corrigi, quōd partium solidarū substātia in aliā trāseat
naturā: ueluti in uiriliginibus, quas leucas uocāt, euenire cōsueuit: nempe
altius hic affectus descēdit, qui præter naturā est. Cū autē permutēt hæc

sexta quarti
tract. i. cap. 2.

In de consti-
tut. artis med.
cap. 19.

2. Prorrhi-
ci, com. 17.

L 2 solida

solida corpora, nondū tamē permutauerunt, simul ut uacuata sunt, solidorum quoq; permutatio cessat: interdumq; die uno, interdū citius ad naturalē reuertitur habitū. Nempe si ēte & nondū facto affectu, separata causa quæ illum efficit breui sedatur. Si autē cōpleatur affectus, quāuis uacuata fuerint corpora quæ affectum procreauerūt ab humido quod illius causa fuit, nulla tamen sanādi ratio amplius sup̄est. Simile quippiā lignis ipsis cōtingit, quæ prope mediocrē ignem sunt apposita: calefiunt quidē ualde, sed nōdum inuruntur: quæ si prius quā accēdantur, aut inurātur, ab igne separaueris, celeriter cōtractā exuunt caliditatē. Si uerō tantū in se caloris exceperint, ut inuri incipiāt, etiā si ab igne tollantur, nihil minus inuruntur. Quod si humidum lignum in ignem coniciatur, non protinus accenditur, uelut si calamum siccum in eum inieceris. Et si paulō pōst lignum, quod iniecisti, exemeris ex igne, breui interuallo eam, quam ab illo contraxerat caliditatem, deponet. Non est igitur absurdum, ut paulatim con similibus humor in corpore generetur, qualis rabidorū canum, & longiore temporis tractu corruptentiū medicamētōrū: ita ut plerosq; medicos lateant. Quēadmodū in eo qui ob lassitudinē febriit, atq; ut uidebatur ualde parū: qui post quartū diē urinā secreuit substātia tenuē, colore tamen nigrā: ut in utroq; eam quæ ex modico atramēto scriptorio multæ immixto aquæ formā reprēsentaret. Atq; modo alio si nō atramentū ipsum dilutum intellexeris, certē eam quæ fuligo dicitur imaginare. Visus est his æger quarto die bene se habere, ita ut sequentibus diebus leuaret: deinde die septimo uesperī cū febre cōpissēt, tabefactus obiit. Hæc sanē ille: quæ ego uberius descripsi, quoniam ea oratione tota ferme mihi opus est. Nam quod canis rabidi morsus, & medicamēta post tēpus interficiāt, sanē clarē ostēdit: quod etiā tēpore intermedio nullū sit signū quo ueneni uim dignoscere queamus, & illud, quod maxime erat dubitabile declarauit. Quod etiā purgātibus medicamētis ab initio opus sit antequā uis ueneni cōfirmetur, et illud docuit. Accedit quod per talia medicamēta nō humores tantū, sed ipsa mēbra solida infici apertē existimat. Cōtrariū tamē huius uidetur Princeps sentire, cū dixit: Et si toxicum nō cōuerteretur in cibū ac nutrimentum in turdis, sed perueniret celeriter ad cor illorū, sicut peruenit ad hominis cor, interficeret. Alii omnes legūt iuxta codicū literam, nō interficeret, cuius literæ nullus omnino est sensus. Ergo & ibi rursus: Toxicū ob id, ut Galenus inquit, homines interficit, turdos nō interficit: quia in turdis antequā ad cor properet, ppter arteriarū angustia morā trahēs, in alimētū cōuertitur. Si igitur quod morā in corpore trahit euinci necesse est, & ob id nō interficere, quomodo uenenū intra sex mēses occidere poterit. Quod si dicas, loqui de ueneno calido nō à substātia, certe toxicū primo nō tantū sui caliditate, sed magis ppria substātia perimit. unde Dioscorides: Toxicū linguæ & labiorū inflammationes gignit, & mentem uariis

sexta quarti
trac. i. cap. 2.

lib. 6. cap. 20.

uariis imaginibus replet, illud genus infaniz procreans, quod minimè curari possit. Manifestum est autem, hoc uel contrariorum esse argumentum, uel propriè cuiusdam naturæ. Accedit, quòd etsi caliditate sua occidat, euincitur tamen, aut lædit non euictum, quæ par ratio est in eo ueneno, quod à propria agit natura: quomodo enim non euictum tandiu perseuerabit, ut noxam inferat quæ minimè sentiatur? Ob hoc etiam iuste Gentilis ac meritò dubitabat, quomodo posset putrefaciens uenenum eo magis corpus inficere, quò diuturniorem moram in capite traxerit: cum omne agens agendo, si pati aptum sit, repatiatur. Respondet utiq; quòd hoc est in comparatione tantum ad frigidum uenenum, hoc autem extra propositum est: nam non interficeret, aut rarè: uel quòd cum non euacuatur perpetuò agit: quandoq; enim euacuatur à naturali, tertio de Temperamentis: & tunc actio illius cessat, aut minuitur. Sed dubitatio pulchra est, responsio autem non ad propositum: cum illud non doceat, cur non finiatur actio, aut minuatur ueneni putrefaciens, si agens naturale agendo debilitatur. Dicamus igitur, quòd quicquid à putrido tangitur, putrescit. Licet igitur ratione principalis ueneni actio putrefaciendi semper remittatur, aliter enim esse non potest in agètib; generalibus corruptibilibusq;: cum tamen humor iam putridus & solida membra à ueneni qualitate deprauata, & ipsa putrefaciant, non secus actio eorum augetur, quàm cum ignis accenditur, prior enim & si retundatur genitus tamen ignis de nouo non minus accendit, quàm qui prius lignis admotus fuerat. Quomodo autem non sentiatur hæc interim actio, infra docebimus: itaq; putrefaciens uenenum quantò magis in corpore persisterit, eò magis putrefacit, tum etiam magis deprauatis in dies humoribus, & malis succedentibus coctionibus & obstructionibus aduenientibus. nam partem continuò putrefacit, aliam autem præparat: nisi protinus è corpore expellatur. Sed adhuc quis dubitabit iuxta Galeni placita, nam insensibilem permutationem ponere cogimur: mutatur enim corpus interim, nec tamen sentit. Respondeo, interim procedere hanc mutationem in humoribus, esseq; hoc iuxta Galeni sententiam: sed tamen non omnino Galenus negat patientem quicquam sentire, sed non extare signa quibus possit medicus hoc percipere: quod & uerum est. interim enim tamen molestiam quandam sentiunt, & in somnis turbationes, ac imaginationes. Sed cum hoc prorsus naturæ contrarium sit, cur non uomitum illico concitat? Respondeo: Omni ueneno ad tempus noxam trahente, non solum præsentaneo, uim inesse ut nauseam concitet: sed ob paucitatem ueneni, aut ob admixta dulcia & bene redolentia, aut propter conuiuii hilaritatem, quandoq; imò persæpe latet.

Sed dicet quispiam, cur si dantur talia uenena, nemo ullum adduxit

exemplum? Apparet enim toxicum cantharidas, Argētum sublimatum, leporem marinum, ac pleraq; alia omnia esse præsentaneæ necis, non autem tandiu opus suum proferre. Respondemus itaq; apud omnes patere exemplum de morfu canis rabidi: tum inter medicamenta sanguis menstruus & leprosi, sunt de illis: existimant etiam quidam scobem æramamenta adamantis ex hoc genere esse: sed falluntur, nam omnino uenenum non est, imò egregium ac singulare cuiusdam difficillimi morbi medicamentum. Scio enim quendam Gemmarium, qui mihi fassus est, dedisse pluribus in uicibus ad pondus drachmæ unius, quod maximum est cuidam (existimo autem, sed dicere noluit, uxorem illam fuisse moecham) sub pulueris forma, sub scobis, sub ramenti, nec obfuisse magis, quàm si panem dedisset. Postmodum alius cùm insaniret plures acies, ac frustra, deuorauit adamantis, nec quicquam passus est detrimenti: uocabatur autem ille, Franciscus Todeschinus. Sciendum tamen, maximam partem horum uenenorum, quæ ad tempus constitutum agunt, esse factitiam, non naturalem: nam naturalia partim rarissima, partim non interficiunt, sed fascinant, ut sanguis uterq; dictus: qui tamen cùm putrefaciant, nisi succurratur, tandem occidunt.

Sed non licet medicos hæc docere, imò nec scire: unde Zoar: Medicus, ut medicus est, uenena non debet scire, sed solum ut auxilietur. Intellige quòd quantitatem quærere haud debet: multò minus docere, iuxta sententiam Hippocratis. Et tamen Princeps docet quantitatem croci quæ interficit, & colocyntidæ, & lapidis rubei, & aliorum multorum: Dico, quòd hoc facit in rebus quæ uenena non uidentur, quia utilitas iacturam superat: nemo enim bibit tres aureos croci: nec dare poterit alicui faciliter, hoc tamen præcepto uitabit eius multitudinem in cibis ac medicamentis, sciens esse genus ueneni. Genera autem docemus medicos, ut possint auxiliari: sed pondus, nec vulgares, nec medicos docere decet, nisi in his, quæ nos ut innocua tractamus.

Sed cur Galenus confundit uenenum putrefaciens cum ueneno à caliditate occidente? cùm dicat: At quæ corporis naturam rodunt, liquefaciunt, ac putrefaciunt potestate calida nominantur. Dico: Venena, ut docet Princeps, sunt duorum generum: quædam quæ à qualitate occidunt, quædam quæ à tota substantia, seu proprietate. Quæ à qualitate prima, ut calefaciens, aut infrigidans: nam euforbium adurendo, & opium infrigidando interficit. Quædam obstruendo, ut gypsum & plumbum usum: & quartum genus quod erodit & putrefacit, ut lepus marinus. Hoc autem facit caliditate sua: unde tertio de Simplicibus medicamentis inquit Galenus: Proinde longo post tempore, à quo sumpta sunt, nonnulla interimunt: potissimum quæ crassa, ac terrena sunt substantia. Hæc enim

*adamas uenensu
no est tunc propi-
nari potest.*

2. Theisr, tra.
l.c.5.

in sacramēto.
2. can. c. 130.
131.

sexta quarti
tra. l. 5. l. c. 1.

3. de Temper.
cap. 4.
sexta quarti
c. 2.

c. 22.

enim corpori diutius inhærentia dein temporis spatio putrescentia, erodunt, corrumpuntq; uicinas corporis partes. Vnde duo nos ibi præcipua docet: alterum, quod uenena talia putrescentia ad tempus proferuntur: reliquum quod ex his quæ à qualitate agunt, sola hæc fermè sunt, quæ opus suum ad longum proferunt. Docet præterea modum quo putrefaciunt: nam prius à nativo calore corrumpuntur, inde corrumpunt. Palam igitur, hæc non esse debere uehementer calida. Causam etiam docet putredinis corporis humani constitutionem calidam & humidam: nam talis putredini maximè obnoxia est. Hæc etiam à toto genere uenena dicuntur. Porro quod omnia talia potestate calida sint, prius explicauerat. Sed dubitatio ex dubitatione, sicut homo ex homine plerumq; oriri solet: nam Galenus ueneni à proprietate nullam fecit mentionem, quale est Napellus apud Auicennam, seu Toxicum, uel Aconitum. Nec ueneni obstruentis ut Princeps: sed etiam ponit uenenum humidum, inquit enim: Si calidum sit uenenum, à frigidis auxilium petendum est: si frigidum, à calidis: si humidum, à siccis: si siccum, ab humidis: si frigidum & humidum, à calidis & siccis. Et quidam adducunt Auerroë in libro de Venenis dicentem, Opium esse frigidum & humidum uenenum. Sed nos docuimus aliàs Opium inter sicca potius medicamenta referri à Serapione. inquit enim, Papaueris nigri succus magis infrigidat, & crassescit, ac exiccat, quæ fermè uerba à Dioscoride sumpsit ad unguem. Auerroës tamè Opium humidum existimat, dum de Cascasi seu papauere loquitur. Certum est, quod Galenus humidum & frigidum uenenum diceret lactuæ lactescantis agrestis tamen, etiam satiuæ lacrymam. De humido tantum ueneno non facile est exemplum inuenire. Sed tamen Galenus uoluit ponere quoniam poterat inueniri. Animaduertendum tamen, quod rarò dabitur uenenum quod humida qualitate occidat tantum, sed medio caloris, aut frigoris poterit relaxare corpus, aut somnum letiferum, ut opium, aut lactuæ lacryma prouocare: opium autem humidum proculdubio censeferi potest: siccatur tamen, quia frigiditas tanta est, ut comparatione humidæ qualitatis condenset humores, & spiritum uitalem destruendo, congelet humores & membra. Sicut & glacies, nam ipsa humida cum sit potentia, à frigido tamen immodicè concreta exiccat. Vel dic quod opium resoluta humidior ac subtiliore parte concretum esse siccum. humidi tamen ueneni nomen præterit Princeps, quia rarissimum est opium enim ratione frigiditatis potius perimit: quæ humida occidunt rarissima sunt. Sed quod Auicenna obstruendo occidere dicit, Galenus siccum appellat: unde etiam Serapio talia frigida & sicca in extremo esse docet, ut gypsum & plumbum. Sed de proprietate non erat locus Galeno dicendi, cum nec proprietates salutare ibi explicet, ut aliàs

c.21.

de Simplic.
medic. c.18.

tra.3. contradi-
15.

de Sim. c.374

lib.4. c.63.
s. Colloc. c.41.

de Simplic. c.
378. & 379.

lib. 2. cont. tra.

1. contr. 11.

c. 51. & 52.

5. Aphor. 1.

aliàs docui: quantò minus uenena quæ sic perimunt.

Sed cur non etiam sunt uenena purgantia, ut helleborus: unde Beniu-
 nius narrat, duos ex superpurgatione è uita excessisse. & alludit ad illud:
 Conuulsio ex helleboro lethalis est: & etiam de herba purgante sangui-
 nem, de qua Galenus in libro de Purgantium medicamentorum faculta-
 te. Sed Galenus in commento Aphorismi non negat posse dari medica-
 mentum quod superpurgando occidat, quamuis in helleboro adducat
 præter superpurgationem tres alias causas mortis inferendæ, nocumen-
 tum oris uentriculi, ac malam qualitatem hellebori exiccantis neruos:
 nec non uiolentiam attractionis quibus conuellantur nerui, non sola eua-
 cuatione. Hic igitur modus ad siccitatem pertinet ex parte. Qua autem
 superpurgat medicamentum uenenosum appellari solet, non autem ue-
 nenum: cum prius purget, quàm occidat. Talia sunt Scammonium, ela-
 cterium, colocynthis, helleborus, & citimallorum omnia genera, graciola,
 & multa alia. Sed herba illa erat medicamen uenenosum putrefaciens,
 uel reduci potuit ad uenenum dictum à proprietate. Manifestum est au-
 tem, quòd iuxta Galeni sententiam aliud dicendum est uenenum à pro-
 prietate, & à tota substantia, quod multos fallit: quandoquidem putrefa-
 ciens à tota substantia uenenum dici debet iuxta illius sententiam, non
 tamen à proprietate.

1. Artis medi.
 cap. de uentre
 com. 27.
 secunda pri.
 doc. 2. cap. 15.
 cap. 2. in prin.

Est autem uenenum, ut Hali scribit, humidum, subtile, aquosum, hor-
 ribilis qualitatis. Sed hæc diffinitio ualde absurda est: cum, ut dixi, etiam
 metallica prædura & sicca uenena sint. Melius est igitur dicere cum Aui-
 cenna, quòd est id quod à corpore non mutetur, & ipsum mutat. Et hæc
 uerba ex Galeno sumpta sunt in tertio de Temperamentis: quamobrem
 & sub eodem prorsus sensu, quo ab illo prolata sunt intelligenda erunt:
 scilicet, quòd non mutatur uenenum ad naturam humanam: ad aliud ta-
 men immutatur tum putrefaciens maximè ut declaratum est: ipsum
 enim prius quàm agat immutatur. & quomodo per tempus manens pu-
 trefacit, iam est declaratum: in aliquibus tamen putrescit substantia san-
 guinis: uelut in muliere quæ laborare uidebatur laterali morbo Anno
 M. D. XL. ad quam uocatus cum iam haberet spirationem grauem, uidere-
 turq; moritura eadem die, consensu medicorum priorum rogantibus af-
 finibus cum certum esset bibisse uenenum iam aliquot antea mensibus,
 secui uenam, produitq; non sanguis, sed uiuentis herbe succus, perseuera-
 uitq; usq; ad uncias nouem: quod ego prodigium uidens, nec proficere ex
 hoc certus, iussi sanguinem sisti, magna cum astantium admiratione: ui-
 xit tamen adhuc triduo, quasi alleuata uenæ sectione. Manifestum est
 autem, quòd iecur tale esse debuit. Veluti cum hæc rescriberem Anno
 M. D. XLVI. ætatis autem XLV. Thomas Iseus amicus noster misit sangui-
 nem

nem uiri nobilis ad me, cui uenam secuerat, lacti adeò similem, ut nihil fuerit expressius. Manifestum est autem, quòd uel putrefaciens hic bibit uenenum, aut hepar tale diutino morbo factum est, siquidem lacteum: similia enim à similibus generari necesse est. Porro uenena putrefacientia maximè, ut dixi, proferunt uim suam, sed quæ obstruunt, non similiter: quāquam enim occidant tardè, celeriter tamen inferunt tale detrimētum ut sentiat. Pleraq; autem uenena, quæ uim suam procrastinant, sitim, & mentis alienationem inferunt: calida enim, aut sicca, aut putrefacientia sitim inferunt corrupto humido innato: unde etiam aqua intercute laborantibus fitis adest, quamuis superfluo abundant humido, & tabidis, & senibus: frigidum etiam uel congelato natiuo humore, uel siccitate iuncta excitat sitim. Quæ à proprietate agunt corrumpendo humidam substantiam, & ipsa generant sitim. Carere igitur omnino siti, maximum est argumentum non bibisse uenenum. Mandragora tamen & succus lactuæ perimunt absq; siti, sed hæc copiosa esse oportet: & paucissimis contingit, ut his pereant uenenis. Cicutam nunc sciens prætermitto. Sed mentis alienationē faciunt omnia uenena ferme, ut de Toxico superius diximus: sic Sardonias herba, Pharicū, Apollinaris, Mandragora, palicaria, coriandrū, pomū spinosum, Aconitū, Doryeniū, Ixias, cerussa, menstruus sanguis, tum leprosi, Hercules lapis, & cæruleus, succus albæ uitis, Bryoniæ dictæ, tum Rhododaphnes, tum mēl anacardi, fibri testiculi corrupti, & felis cerebrum, & nux uocata methel, & baccæ lauri corruptæ, nuces ue, aut auellanæ, & extremitas ceruinæ caudæ, & assatura suffocata, & sanguis hominis biliosi irati, & fel leopardi, & cicuta: unde rectè Plato constare mentem Socrati describit in Phedone, cum ex ueneni ui laborare debuisset, pro miraculo. Ergo frigida id per se faciunt, obturbantia mentem, calida putrefacientia & quæ à proprietate agunt, plurimum atræ bilis generant, & ob id mentem loco mouent. Sicca somnos tollunt, unde mentis alienationes, hæc autem magis, quæ cum tempore perimunt: inde fascinati, præstigiati, lunatici. Sed non solum in potu sumpta sed morsu & ictu inficientia mouent alienationes, ut scorpii ictus, & morsus canis rabidi. Sed Galenus in libris de Temperamentis, uidetur sentire illius spumam non eodem modo afficere: inquit enim, Neque enim uiperæ uenenum, aut rabidi canis spuma, aut aspidis uirus, quæ tamen si extrinsecus occurrant offendere creduntur: parem uim habent uel soli cuti applicata, uel intrò assumpta. Quare hæc uenena intro assumpta iuxta Galeni mentem haud uidebuntur. Nos tamen uocati sumus anno M. D. xlii. quarta noctis uigilia, ad Alexandri Brasæ patritii uiri curam, cum in alterius medici manibus esset, deprehendimusque rabidum esse,

M erat

*Sanguis cuiusdam agnati
est lacti similis.*

lib. 3. cap. 3.

erat enim hydrophonus: cū autem ceteri medici simul aduocati, & qui prius aderat faterentur, quæsitum est de causa: astantes confessi sunt osculasse rabidum canem antequam emitteret suffocandum: mortuus autem est sequenti die ut nos prædixeramus. Constat igitur spumam rabidi canis uenenum esse pessimum, etiam intro assumptam. Sed hoc Galenus non negat, non tamen semper occidit: aut enim immixta cibis retunditur, aut paucitate sua euanescit. Ille tamen cū ieiunus esset exosculatus canem mortem momordit. aut forsan per nares ad cerebrum raptum uenenum est, offendeat enim plurimum in inspiratione. Quid igitur? an auxilium aduersus uenena hæc temporanea? Certè sic: unde Tranquillus in Nerone: cū destinasset occidere matrem, uenenoque ter tentasset, sensit antidotis præmunitam. Quale id esset Antidotum docet Scribonius largus. Sed nostro tempore difficillima compositio: nostra melior, de qua in libello Experimentorum, & paratu facilius: nunquam tamen absolueri potui, præseruare enim potest absque dubio ab omni ueneni genere. ille tamen duas connumerat herbas Hierobotane & *ὄστρεϊφυλλον*. Satis hoc constat, præassumpta omnem uim tollere ueneni, neque enim illud probarim,

Profecit poto Mithridates sæpe ueneno,

Toxica ne possent sæua nocere sibi.

Sed ex Antidotis potius ea securitas parata est. Non est consilii mei, ut hîc ea describam, quæ aliàs aduersus uenena, uel paratu facilia, uel præsentissima conscripsi. Illud potius quærendum est, cur uiuenti iumento, ut mulo, includi aduersus præsentanea uenena sit unicum ac non fallax auxilium, si celeriter administretur. Constat sanè, uenenum aut per paruas arterias maxime, quod iaculatur in sinistrum cordis uentriculum, aut per cauam quod bibitur in dextrum elabi, atque sic interficere. At si immodico calore exterius auocetur, non calefacto pulmone, aut uisceribus, per paruas uenas aut arterias à corde auocatum defertur ad cutim, atque eo modo liberatur æger. Constat igitur, cur neque in hypocausto iuuatur æger, nec in ueneno ad tempus, nam nihilominus illud hæret membris: & uirtus in qua unicum speratur in talibus auxilium, calore exenterati iumentum debilitata, corpus ueneno depascenti absque ullo præsidio exponit. Horum igitur uenenorum, quæ temporis tractu sensim ac latenter interficiunt, alia quidem uentriculum te-
rebrant, ut acus, uitrum, ac clau.

Nuper hoc Martio mense, Anni ut dixi M. D. XLVI. sacra uirgo insana, uinculis soluta, uitrum ciceribus confractum miscuit, inde multæ ex his absque detrimento euasere, duæ tamen hydrope extinctæ sunt,
una

compositio-
ne 177.

compositio-
ne 164.

*cur qui mulis aut
alijs iumentis ex omni
re includi à ueneni
plantarum hîc sunt?*

una cruciatu uentriculi peritura laborat: ad quam nos, cum alii nihil proficerent medici, uocati sumus. Alia autem congelantur in uentriculo, & lapidis formam induunt: & duo meo tempore excisi sunt, quorum uentriculis inerat lapis oui ferme gallinæ magnitudine, quorum alterum uidi, defunctum tamen, ac cum diuideretur. Hi ambo intolerabilibus uentriculi doloribus mortem obierant. Sed alia putrefaciunt iecur, & sanguinem totum corrumpunt. Sunt & quæ erodant pulmones unde emoptris uiolenta: alia post modum erodunt uesicam, ut cantharides: sed hæc subito deprehenduntur: cum enim membrum sit neruosum, illico dolet, & patitur.

Contigit res mira Gallarate oppido Mediolanensi, de qua alias scripsimus, sed non pigebit hic referre: Cum quidam hominem necare destinaſſet, eſſetque in oppido ſeditio, miniſter quidam eccleſiæ uenenum immiſcuit tortæ, quam tartaram uocant, ex lacte & ouis conſtat, mortui autem ſunt ex eo nouem conuiuæ, alii intra menſem, alii intra ſex menſes, quidam intra quatuor: omnes tamen tempore maiore quàm menſis, minore quàm anni dimidio. Attulerat ex Roma id ueneni genus, ubi CHRISTI ſacerdotes ei clariffimæ indiſtriæ operam dant: ſic ille, mortuo quem deſtinauerat, ſacerdotio functus eſt: lege enim ſibi inuicem ſuccedunt. Igitur hi donec cruſtas in capite emitterent, nihil prorſus ſentiebant: inde graſſante ueneno etiam febris ſuperueniebat, quæ occidebat. Erat autem uenenum id, ut illi mihi retulerunt, puluis cineris ſimilitudinem referens. Galenus itaque ueneni notas docere uolens inquit: Cum enim ſecundum illorum qui melius de his ſentiunt placita, eadem ſymptomata quæ à ueneno fieri poſſunt exhibitio, fieri etiam queant ex humore aliquo interius genito: ſi tamen in homine natura probis humoribus abundante, uiſtuque ſanorum mente, mors repente qualis his qui uenenum ſumpſerunt contingat, deinde corpus aut liuens, aut nigricans, aut uarium, aut diſfluens, aut præ marcore foedum reddit odorem, ac moleſtum, hunc uenenum ſumpſiſſe aiunt. At hæc præſentanei ueneni ſigna ſunt: diuturni autem quod dixit in Tiberio Tranquillus, cor igni non cedere. Sed hæc longinquiora ſunt, quàm, ut medicum inſtruere poſſint. in præſentaneis igitur præter Galeni ſigna, quæ parum profunt, cum de mortuis agant, & Aëtii fabuloſa deliramenta, ponam, quæ experientia ipſa comperi. Aurichalcum cum uenenum erodens ſentit, tum etiam aliorum plura genera, colorem immutat. hæc eſt in ſignis utilitas pauperum, qui ſecurius quàm auro uel argento comedunt ac bibunt. Præſtat igitur furculam ex illo ſplendente habere. Dixerat Plinius electrum natium ſtridere, ſed uix eſt ue-

6. de locis.
cap. 5.

lib. 13. cap. 25.

*furcula de aurical.
eo quod ueneno colore
intrauit.*

*Venenum nixi rope
tatur difficile ingere.*

*non intellecti nulla
est curatio morbi;*

sexta quarti
cap. 4. in fine.

rifimile, & nunc illud rarum inuentu. Nec nisi à putrefacientibus patitur, qualia etiam sunt, quæ aurichalcum certo immutant experimento: uelut auripigmentum, & cætera huius generis. Aliud cautionis genus: omnia sunt aut foedo odore, aut sapore tetro, aut sub dentibus strident: quamobrem si quis considerate comedat, & lente, tum ab his absteineat in quibus hæc latere possunt, ea autem sunt prædulcia, & odorata, & quæ saporem acrem aut magnum habent, facile uitare poterit. Et scias, Princeps illustrissime, quod ex decem qui uenenum bibunt uix unus, nisi repetatur, moritur. Dico autem uulgaria, aconitum, cicutam, opium, auripigmentum, atque eiusmodi. Scio multos qui plusquam quindecies uenenum dum ægrotarent biberunt potens, quorum aliqui uix periire, aliqui etiam seruati sunt. Quæ autem occidunt factitia sunt, & magni pretii: nec tamen ex illis qui ea sumpserunt uix pars tertia moritur. Ob hoc periculum solum ferme in domesticis. Nam & Arideus quamuis uenenum ab Olimpiade nouerca accepisset, superuixit tamen: & si mente oblæsus. Sic plures alii uenenis regis epotis. Sunt qui lapidem porcelanam, figulini genus est, ac in India factitii, prodere uenenum affirmant, quod nequaquam uerum est: cum enim tot sint uenenorum genera, impossibile est ab uno omnia eadem pati, atque ideo detegi. Factitia autem & ipsa retinent odoris aliquid, aut saporis, uel ob materiam si absque igne fiant: uel ob ignem, si cum ipso præparentur. Pleraque etiam eorum strangulare uidentur cum sensim deuorantur, ut quæ ex argento sublimato, ex toxico, ex fungis, ex spuma bufonis, aut serpentum fiunt. Cum uerò deuorata sunt uomitum cient, tunc summum præsidium est, ut euomat. Quod euomuit si suspicio subest, ieiunis gallinis detur: hæ si contristantur, uenenum est: si autem etiam moriuntur, ualde exitiale. Hoc idem in fungis ac ranis (si quis casu deuoratus euomuerit) fieri debet. Cum talia prætermittant medici qui custodiæ principis præficiuntur, ne gloriantur, quod illis neglectis, ac eorum salute dicentur. Non intellecti enim nulla est curatio morbi. Sed Principes suo malo plectuntur, qui fucum pro roseo colore natiuo diligunt. Tu uerò sapientissimus es, fructumque sapientiæ, uelut Cæsar noster feres. Sed cum non hic locus sit curam tractandi uenenorum, sed in quatuor libris huic negotio dicatis, quos canones curandorum morborum appellauimus ad solum dignum scitu est, an expurgatiua medicamēta epoto ueneno cōueniāt. Nam de uomitu ante distributionē, de prouocatione sudoris post distributionē, satis conuenit: sed de medicamētis expurgantibus est difficultas: dicebat enim Princeps, Et ad summū ex medicinis quæ bibūtur causa uenenorū, aut quæritur contrafactio acuitatis

tatis ueneni, sicut cum lacte: aut resolutio substantiæ eius, sicut cum alexipharmaco: aut exitus substantiæ eius, ut per lemniam terram: aut oppositio qualitatis, ut allium in uino damus ei, quem scorpius pupugit: constat enim uenenum scorpionis frigidum esse. ut etiam ipse testatur, & Beniuenius de hoc se uidisse magnum effectum affirmat. Hic igitur non meminit expurgantis medicamenti. Sed nec in cura Calcis, & Arsenici, & Napeli, quæ maxima sunt uenena, & auxilio hoc maximè indigere deberent, huius meminit. Et cum de cura argenti uiui tractat, enema exhibet, medicamentum non exhibet. Ratio etiam ad hoc facit, nam medicamentum sua caliditate uenenum attenuat, & etiam trahit ad uentriculum, igitur cum conturbet etiam uel occidet, aut ualde nocebit. In oppositum est ipse, & bibat decoctum urticæ cum butyro cocto ad expellendum uenenum uomitu, & purgatione. Manifestum est autem quod urticæ semen purgat pituitam, & humorem crudum: non quod purget, inquit, sed quod detergat: ideo uerba quæ sequuntur sunt clariora. Oportet ut utatur enematis, cum autem fuerit commotio supra illud, utatur eo quod uomitu & purgatione educit. Et rursus alibi, dum de spuma argenti loquitur: Et ad ultimum utatur aperientibus, & prouocantibus, ac purgantibus. Et in capitulo De gypso: Et indiget solutione uentris cum scamonio, & similibus. Et in capitulo De scobe ferri: Et indiget aliquando lapide Herculeo, & lac cum eo quod uiolenter purgat. Et rursus dum de cerusa loquitur: Et datur in potu scamonium cum aqua mellis. & hoc sumpsit ab Aëtio in eadem cura. Quo magis mirum est Aëtium nunquam alibi memoriam purgantis fecisse medicamenti: sed nec ubi generaliter tractat uenenorum curam: solum Bryoniam dat in perfrictionibus cum pipere, lafore, & similibus: opinor potius qualitatis ratione, quam purgandi causa. Verum haud difficile fuerit hos concordare: Quandoquidem uenenum, ut uenenum est, purgante indiget medicamento: sequuntur tamen ad purgationem calefactio, distributio, taliaq;: quamobrem neq; in calidis, ut toxico & auripigmento, nec in liquidis, ut argento uiuo, & cicuta, nec in purgantibus aluum, ut helleboro, aut elasterio, purgantibus medicamentis uti oportet: sed solum in frigidis solidis, nec purgantibus, qualia sunt, gypsum, & cerusa: & ideo in regulis generalibus purgationem laudauit Princeps, quæ tamen paucissimis conuenit uenenis: ob id Aëtius non purgandum generaliter censuit, cum paucissimis in uenenis purgatio conueniat. Exceptio enim regula amplior est. Vterq; igitur bene regulam docuit generalem: ille à ratione constituit, hic ab his, quæ occurrunt frequentius medico. Vnde bene dixit Galenus, quod excrementa quæ subterfugiunt concoctionem in uenenosis medicamentis, urina, aluo, & sudore expelluntur. Est etiam dubium in medicamento ne adhuc

sexta quarti
tract. 5. cap. 3.
cap. 56.

sexta quarti
Summa 1. c. 9.
& Sum. 2. c. 1.
Sum. 1. cap. 2.
sexta quarti
c. 4. in princ.

2. Canonis c.
723.

sexta quarti
Sum. 1. cap. 3.
cap. 5.
cap. 8.
cap. 4.
lib. 13. cap. 77.
cap. 48. eiusli.

3. de Tem. c. 3.

sexta quarti
c.4.

ueneni reliquæ distribuuntur per corpus, quæ in uentriculo manent: ob id nisi in his tutum est medicamentum, quæ iam dicta sunt: in aliis, si iam uirtus penetraverit, enematibus utendum est: ob id etiam alexipharmaca in expurgando eligunt, quandoquidem calor naturalis est qui expellit. & hoc sæpe repetit Auienna. Sciendum est autem, quod ne quis in aurichalco decipiatur ipsum maculam etiam ab omnibus quæ acria sunt contrahere: ut aceto, ac fale, tum maxime si misceantur: uerum non est similis macula: à ueneno enim nigredinem & rubiginem contrahit, ab aliis autem pallefcit. Sed forsàn quis requiret, unde periodici ac lenti ueneni signa sint? Sed rarius illa etiam præsentaneis, ut dixi, interficiunt. Faciunt autem plerumque febres sui generis calidum, & siccum, tertianas: humidum, ac ualde frigidum, lentas, ac tabificas, instar pituitosæ: frigidum & siccum, cum periodicis quartanis: quod etiam medicos fallit. Sed singulare signum est læsio in uentriculo cum uoluntate euomendi: nec leuantur oleo, nec oximelite, sed minus oximelite. Cum igitur nausea urget, & febricula, nec ullo euomunt auxilio, tunc ueneni suspicio adest: certius, si cum hoc erosione cum uigiliis sentiant. Memini me, cum Venetias foret fortuna iuisssem, ostenderunt mihi Ioannem Scottum, cui affinis ob intentatam litem, uenenum diuturnum exhibuerat: febricula is afficiebatur continua, quæ tamen tertio die exacerbabatur: dolor in uentriculo & erosio perpetua, inde marcor & tabes cum uigiliis, & uomitus quasi lentæ pituitæ ac crassæ, & sitis, non tamen multum ualida, & deiectiones albæ ac corruptæ. Hunc prædixi, cum iam tabefactus esset, intra tres menses moriturum, sed nec duobus superuixit. Et hæc inquam de diuturnorum uenenorum signis quæ uentriculo hærent. Quæ autem colligunt hepar, celerius perimunt, nec unquam annum attingunt, cum priora quandoque ad triennium extendantur. Signa eorum quæ iecur colligunt sunt, egestio foeda, tristitia, malus color, & uigiliæ.

Nunc tandem reliquum est, ut de his dicam uenenis quæ solo contactu occidere creduntur. nam ea ut leuius inficiunt, sic tutò copiosius exhibentur, atque ob id non minus ebibitis sunt periculosa. Dum uiderè parari mensam Cæsari, detergebant sedem, mensam, & pedum, pluteum sustentaculum mappa: existimant enim uenenum aliquod adeò esse potens, ut uel sub calceis uel ephippiis occidat: quod probe confirmatur, pestiferi experimento: ipsum enim ferro, uestibus, canibus, lapidibus, lignisque contactu hærens persæpe necat. Hanc tamen tantam subtilitatem perfidia nostrorum temporum inuenit, quod antiqui ignorabant. Celebre est hoc, ut fertur, apud Turcas efferam gentem. Hoc peremptum ferunt Ioannem Galeazium Mediolani ducem, qui Virtutum comes prius fuerat uocatus. Remedium est, cautio, uel Theriacæ electæ illitio. Præsentissimum

mum ignis, modò celeriter adhibeatur. Verba autem Principis superius adducta de turdis hoc rectè ostendunt, quod etiam fateri debemus: Diuturna uenena non esse uenena cum occidunt: neq; enim ad cor permeant, sed corruptis corporis partibus per febres & phlegmonas interimunt.

CONTRADICTION X.

Ætas consistentiæ an ad xxxv. annum terminetur.

Galenus tertio Prognosticorum inquit, Primus terminus conuersio-
nis ad habitum frigidiorum est annus trigessimus, nouissimus uerò
trigessimus quintus. Multis uerò propter naturam ab initio contractam,
& quæcunq; secundum casus, aut consuetudinis & arbitrii differentias
permutantur in medio, ætas uigoris est circumscrip-
ta. Liqueat igitur, quòd summi uigoris, uel ad xxx. uel ad xxxv. annum iuxta Galeni pla-
cita terminatur. Et tertiâ Aphorismorum: Iuuenum ætas quinta septi-
mana terminatur. & post pauca, Nam quæ iuuenibus ætas continuatur,
ad duas sequentes septimanas extenditur: in qua ætate omnia uitæ mu-
nia, æquè atq; illi, quæ in uigenti ætate consistunt, conantur peragere, non
tamen eodem modo ad labores sufficiunt. Manifestum est, & luce cla-
rius, uigoris ætatem non ultra xxxv. annum ut ad summum exten-
di. Vnde prius, dum de iuuenibus loquitur, in summo uocat uigore
consistentes: talibus enim ardentes febres accidere refert. Ipse tamen
Consistentem uocat à xxxv. ad xlix. annum prima Aphorismorum,
dum inquit, Appellat autem ætatem habentes consistentem, eos qui me-
diam habent ætatem inter iuuenes & senes, ita ut ab ætate quidem ui-
gente recedant, nondum tamen habent sensum senectutis manifestum. Sic
autem & Thucydides quosdam dixit, esse in ætate consistente. Verum
inter hanc ætatem & adolescentiam altera quædam est. Ostendit hic cla-
rè, quòd consistentiam aliam faciat ab ea, quæ Vigoris appellatur. Con-
sonat ad id quod dixit alibi, Aetates quatuor sunt, Crescentium, Vigen-
tium, Consistentium, & Senum. Iuuenum, atq; uigentium alibi Aetatem
florentem appellat, quòd in illa operationes sint perfectissimæ. Auicenna
autem posuit adolescentiam usq; ad xxx. annum: Consistentiam, quæ est
pulchritudinis, ad xxxv. uel ad summum ad xli. Primum senium, cum
uirtus non manifestè minuitur, ad annum usq; l. x. Deinde Senectutem
ipsam usq; ad uitæ finem. Manifestum est, quòd Auicenna quinq; annis
plus florentem extendit ætatem, quàm Galenus: & primum senium xli.
plus, id est, à xlix. ad lx. omiſsa ambiguitate nominum: nam Auicenna
Consistentem uocat, quam Galenus secundo Aphorismorum uigorem in
summo consistentium: quam uerò Galenus simpliciter uocat Consisten-
tem, Auicenna appellat Diminutionis non manifestæ. Sed lis in uerbis
apud

com. 28.

Aphor. 30.

Aphor. 29.

Aphor. 13.

lib. de Differ.
fol. 2.
2. de Tem. c. 2.prima primi,
doc. 3. cap. 3.

Aphor. 20.

cap. 13.

4. Theoricæ
cap. 2.

apud nos nihil momenti affert, difficultas est in re, ut uisum est. Perspicuum autem est ex his, crementum nostri corporis ad xxx. uel xxxv. annum extendi, iuxta Galeni sententiam, non autem ad xxi. ut quidam putant. Veruntamen manifestius crementum in longitudine ad id temporis terminatur. Princeps autem usq; ad xxx. uel xxxv. annum parum admodum in longitudine augetur, in latitudine autem ac crassitudine haud obscure. Quin etiam Philosophus primo de Generatione animalium. Quinquennio nanq; ferè corpus in homine dimidiū capere quidem omnis magnitudinis uidetur, quæ reliquo toto tempore comparatur. Id si ad longitudinem referatur, minimè uerum est, nam triennio dimidium longitudinis plerunq; absoluitur. Si autem ad totius corporis molem, octuplam esse oportet uiri ad quinquennis pueri magnitudinem: extenditur enim longè minus in longum, quàm in latum, aut profundum. Sed nec dimidium molis intelligere oportet: nam necesse esset uiri proceritatem quarta parte quinquennis pueri magnitudinem solum (sed nec plenè) superare: erit igitur puer ea ætate dimidio minor uiro: quoniam quo longitudine exuperat latitudine & crassitudine superatur. Sed sit qualiscunq; ratio huius, certè Aristoteles non uidetur, ut plerq; quæ in his scriptis libris, ad unguem fuisse assecutus. Haliabbas autem non obscure terminum incrementi xxxv. annum statuit. Similis fermè sententia habetur à M. Varrone, sed non tempora eodem modo partitur. Aetatem enim primam Pueritiæ, à puritate, ad x. v. extendit annum: sequentem Adolescentiæ, ab incremento ad xxx. usq;: tertiam Iuuentutis, à iuuando, usq; ad xlv. quartam ad lx. extendit: quintam ad uitæ finem Senectutis: ut priores omnes xv. annorū spatio claudantur. Sic ille fermè à xxx. ad xlv. annum hominem consistere arbitratur, proxima sententia Galeno, ut constat: neq; enim corpus nostrum, quin crescat, aut decrescat, unquam quiescit. Finem igitur incrementi suscipiente anno xxx. uel ad summum xxxv. proximis xv. sequentibus annis homo consistere uidetur, ut nec labi uires, nec crescere uideantur. Censorinus tamen refert in suo libro de Die natali, Hippocratem in libro de Septimanis, qui ad nos non peruenit, constituisse ætates septem. Primam ad septimū usq; annum: alteram succedentem ad xiiii. tertiam ad xxi. quartam ad xxxv. quintam ad xlii. sextam ad lxiii. extremam usq; ad uitæ finem. Vnde satis constat, à lx. anno supra omnibus hoc conuenire, ut ætas illa deplorata quasi habeatur atq; inutilis functionibus corporeis prorsus, aliis autem etiam parum utilis. Arabes Astrologi, & quidam etiam Græcus, ut Brasauolus refert, ætates pro planetis distinxerunt: Lunæ quatuor annos primos, sequentes sex Mercurio, octo succedentes Veneri, septem post hos Soli, xvii. Marti, sequentes proximos xxi. qui lxiii. terminantur Ioui, extremos Saturno tribuent

tribuentes. Quæ opinio ut naturalis non est, ita etiam à nobis in Astrologiæ placitis reiecta & impugnata est. Galenus certè in prima Aphorismorum parte, sex statuit ætates, quibus si septima, quam præterit, Infantia, adnumeretur, tunc septem numero erunt, atq; totidem, quot planetæ, ac quot ab Hippocrate numerantur. Meminit enim Pueritiæ, Adolescentiæ, Iuuentutis, Consistentiæ, Senii primi, & Senectutis perfectæ. Hic igitur in re manet difficultas, quonam pacto Auicenna ad x l. annum extendat florentem ætatem, Galenus ad summum tantum usq; ad xxxv. Et rursus Princeps ad l. x. consistentiam, Galenus ad x l. i. x. Responderi solet, in regione Auicennæ diutius uiuere homines, atque ob id in longius extendi ætates, quàm in patria Galeni. Sed regio Principis calidior est. Aristoteles autem in libro de Iuuentute & senectute, censet ob id parum uiuere animantia, quòd nimio æstu humidum à continente naturale consumatur. Sed ille idem non hoc censet de calido, quod humido coniungitur: in libello enim de Longitudine ac breuitate uitæ, dixit: Calidum cum humido iunctū & uitæ & incrementi causam esse: quo fieri potest, ut habitantes in calidissimis regionibus diutissimè uiuant. Atq; hoc alibi nos declarauimus. Esse igitur potest, ut in regione Auicennæ diutius proferantur ætates: nam & Auerroës suam, quàm Galeni facit regionem temperatiorem. Vel dic, quòd Auicenna extendit ætatem ad x l. florentem, quia nihil omnino quo ad uires homo debilitatur, ad patientiam autem laborum non suffert: à x l. autem debilitatur, etsi non ualde conspicua sit iactura. Vel forsan Galenus uires corporis solum contemplatur, quæ à xxxv. minui incipiunt. Auicenna totum hominem, qui quamuis labatur uiribus corporeis, ingenio tamen eo magis pollet: quò fit, ut à x l. ad l. x. consistere uideatur: à xxxv. autem ad x l. manifeste ingenii uires augentur, quod decedit è corporis uiribus, omnem sensum interrim effugere solet: quo fit, ut ætas à xxxv. anno ad x l. ad hominem collata ad florentem referri debeat: ad humanum autem corpus ad consistentiam. Sed cur hominis corpus uiribus celerius, quàm intellectu fenescit? Nobis animum immortalem statuentibus facile iuxta philosophorum sententiam in libro de Animi immortalitate responsum est. At si animus non immortalis statuatur dicendum esset, intellectum esse quandam ἀποφύον animi humani. Hæc cum fundamentum receperit ex se immortalis est, & ideo semper augetur: quia primis ac paucissimis extantibus formis rerum struem ex strue agit, ac facit superstructionem: quæ quandiu manet initium, semper augetur. Sic fit, ut anima ac corpus in dies debilitentur, immaterialis autem intellectus augeatur: quoniam natura sua immortalis est: uideturq; separata ἀποφύσις illa ab anima ipsa & corpore: cum tamen corpus adeò consenuerit, ut prima illa

aphor. 13.

cap. 3. in fine.

cap. 2.

17.problem.
2.problem.

lib.19.cap.22.

fundamenta perturbentur, aut obliuione deliteſcant, tota ἀπεφύσῃ illa, & superſtrues corruiſit ſimul, nec amplius redire poteſt: ſic fit, ut quibuſdam intellectus incrementum ad 1 x. uſque, aliis etiam uſque ad 1 x x. annum extendatur: quæ enim poſteriora ſunt, & magis ab initio animi remota, magis in pretio habentur: uidentur enim priora omnia includere: atque id potentia uerum eſt, ut quod octaedri ſolidi ad tetracedri ratio, eam quæ lateris recto angulo oppoſiti æqualem potentiam continet. Sed quonam pacto intellectus iſte noſter eſſe poteſt? Ob hoc dixerunt quidam, præparationem noſtram eſſe, quæ eſt potentia intellectus. Hoc autem ad librum de anima referatur. Cæterum id forſan dubitabit aliquis, quonam pacto Philoſophus dicat, Longitudinem plus augeri latitudine ac craſſitudine? afferatq; rationem, quod longitudo ter augeatur, latitudo bis, craſſitudo ſemel: non igitur ſerius profunditas aut latitudo longitudine: ſed nihil prohibet, longitudinem ſemper augeri dum creſcit animal: poſterius tamen minus latitudine uel craſſitudine. Quò autem ſeorſum augeatur longitudo, ab initio ſic debet intelligi, ut reliquarum dimensionum incrementa ferme lateant, uelut in arboribus. Natura tamen nobis proprie tres præſiniuit ætates, Incremēti, Conſiſtentix, ac Decrementi. De cauſis horum iam ſuperius diximus. Verum non ſunt iidem omnibus fines: unde Galenus in ſexto de Sanitate tuenda: Nec tamen eſt hæc ætates numero annorum circūſcribere, quemadmodum quidam fecerunt, ſed in latitudine quadam: ut cūm pubeſcere incipiunt aliqui anno x i i i i. alii ſequēte, alii autē poſt, longiore adhuc tempore. Initium autē remiſſionis quidā habent ſtatim poſt annum x x x. alii autem poſt x x x v. Ac robur quidē ſtatim minuitur poſt ipſam ſummi uigoris ætatē: non tamen hi ſanitatē amittunt, tameti minusquam antea laudabilem habeant. Cælius refert, Græcos quibus diligentiffima cura horū fuit, minutim ita concidiſſe ætates, ut cūm primum natus eſſet ἑρέφῳ, diceretur infans: cūm ambulare incipit, παιδίον: cūm diſciplinis aptus eſt, παῖδα, cuius quaſi diminutium παιδίσκῳ: cūm nondum ſatis aptus habetur, πάλλικα inſequitur encyclicarum diſciplinarum ætatem iuxta Veneris tirillationem: inde ἀντιπαῖδα, uel βονπαῖδα cūm iam matura ſunt in ephēbia: poſt ἀποδρόμοι ephēbi: ἀνιβοι autem impuberes communi nomine, ante pubem omnes: inde μείραξ adoleſcens, cuius diminutia μεράκιον, & μερακίλιον: poſt νεῶς, iuuenis: ſed ante ipſum eſt νεανίς, deprauata interpretatione plerunq; (eſt enim iuuenculus) illi adoleſcentulum quandoq; ſignificant. Poſt eſt καθεσκηώς, conſiſtens uir: inde ὠμολογέτης, uiuens ſenex: & προβεβηκός dicimus adhuc firmos ſenes: ſed πεμπέλους proximo morituros. Horum duo genera ſunt, ultimi nanq; ἰσχατόγεροι, priores autem πολιορκόταται. Γενεὰν autem

autem dicunt ætatem ualidiorem generandi, pariendique. Sic Græci expressius scribunt, quæ nos circumscribere cogimur. Ergo ad summum ætas nostra uiget ad annum usque xxxv. nec si quispiam postea ægroter, uerè pristina restituitur ualitudini: nec decet se eisdem laboribus exponere: non solum autem robustiores fiunt à xxxi. anno ad xxxv. ob incrementum, sed etiam ob soliditatem membrorum. Membra autem, ac partes, quæ non ex semine gignuntur, etiam senio quandoque, semper autem antè augentur.

CONTRADICTIONE XI.

In declinatione generali an contingat ægrum mori.

CVm aliquando illud euentu contingat, ut ægri non falsa morbi declinatione mitius se habentes attamen pereant: non ideo absurdè dubitari solet, an in ueris morborum ac generalibus remissionibus æger mori possit. Nam de falsa remissione Aueroës dicebat, Et aliquando accidit mors in augmento, statu, uel declinatione: & declinatio in mortiferis morbis fit à debilitate uirtutis, non morbi. Quo minus mirum fiet, in his mortem contingere. Sed dubitatio est de uera declinatione, cum dicat Princeps: Et tertia est mors facta in declinatione, & est pauca & rara, & plurimum illius est in declinatione particulari, non generali. Et causa mortis in declinatione accessionis est, quod calor expanditur & diuiditur, & quod necessarium fuit ex unione illius in principio dispertitur, quia natura ferè secura redditur. Et quidam ex his cum syncopi subito, alii autè sensim pereunt. Et fortasse declinatio est mollificatio uirtutis absque morbi remissione: & ideo existimatur, quod sit uera declinatio: cum tamè in ea pulsus mollior fiat, & inordinatus: in uera autè confirmetur, & ad ordinem redigatur. Vnde luce clarius est, hic loqui in prima uerborum serie de declinatione uera, cum sermo secundus à primo seiunctus sit. & etià non esset uerum quod frequētius mors in declinatione accessionis contingeret, quam in declinatione falsa: nam falsa declinatio frequēter accidit, mors in remissione accessionis raro admodum, ac pro miraculo. unde necesse est uerba illa, Et plurimum illius: referri ad ueram, non ad falsam generalem declinationem. Memini etià me legisse apud Rasum, quarto Continētis, hanc sententiam: In morbis, ubi expulsio fit à uirtute naturali, concoctio sanitatē prænuntiat, quoniam uirtus quæ concoquere potuit, expellere etià sufficiet: at ubi per uoluntariam uirtutem, uelut in morbo laterali, quod concoctum est, expelli debet, sæpe concoctioni mors ipsa succedit. Alibi etià in eodē morbo recitatur exemplum, cum concocta materia ex esu lenticulæ cum aceto suffocatus est æger. Solet etià adduci argumentum Nicolai de decrepito in declinatione, cui plus uirtus ex ætate, quam morbus à uirtute decrescit: qui sic in uera, ut ille cōcedit,

3. collec. c. 9.

secunda quarti
trac. 1. cap. 98.

cap. 3. fol. 85.
col. 2.

1. de uisitu in
acutis. cō. 27.

lib. 2. trac. 2.
summa l. c. 15.

N 2 declin

declinatione morietur. Mitto nunc nouos superuenientes morbos: nam hoc nil magis mirum, quàm si in morbi remissione cadente domo quis obruatur. nam si sanus à morbo corripitur ac moritur, quid oppidò mirum est, iam languentem, licet in morbi remissione; nouo morbo opprimi? Non ignoro Gentilem existimasse uerba Principis intelligi de falsa tantum declinatione: cum etiam existimet in falsa declinatione morbum cum uirtute remitti, cum tamen Princeps falsam declinationem non morbi, sed solius uirtutis remissionem habere dicat: non est enim necessarium ut morbus remittatur, sed ob id declinatio dicitur, quia morbus remitti uidetur, non quia remittatur. attamen non semper ad uirtutis declinationem falsa declinatio sequitur mortis presentibus signis iam subeuntibus. aut quia morbus non in naturali calore uiuet, ut in fluxu, phlegmone, doloribus: aut etiam quia uirtus omnino repente concidit. cum igitur morbus febris fuerit, nec in uirtutis attenuatione signa mortis euenerint, sensimque, non repente à morbo uirtus euincitur, falso declinare morbus apud inexpertum medicum, aut etiam astantes iudicabitur. & hoc ubi amplior materia non efferbuerit. Quæ enim prius computruit, si non alia adiciatur deficiente naturali calore speciem remissionis febris necessario præbet. Memoria teneo, plurimos uidisse qui post remissionem obiere, morbum pestilentialem habuisse: atque id ratione, nam in eo morbo, ut Princeps ait, urina atque calor non mala sunt: tamen pulsus, ut inquit Galenus, igitur remissus morbus est quo tempore perit. At dices, non hoc uerè ita est. Fateor inquam: sed tamen cum medicus artifex sit sensituius, ut dicunt, rectè ille dici potest in declinatione morbi periisse, quo tempore peritus etiam artifex remissum morbum iudicat. Sed uidetur ratio nostra hoc etiam demonstrare: Ponatur morbus uirium habens octo, uirtus autem duodecim, ad concoctionem cibi uirtus necessaria sit ut decem. In morbi consistentia fiat pugna, natura cibo nequaquàm intenta superabitur morbus & remittatur uirtus ad nouem, morbus ad unum. Agens enim naturale agendo repatitur: tunc euictus est morbus, declinatio secuta est: proportio uirtutis ad morbum creuit: cum tamen sine cibo uiuere nequeat, nec cibum concoquere sufficiat morietur in uera declinatione attrita uirtute: atque tales plures uidemus, quibus morbus remissus est, ac sine cibo rectè habent, cum tamè uiuere nequeant, cibum recipientes torquentur, & in deterius labentes pereunt. Vnde nihil est deterius in declinatione quàm aut grauiter cibo ægros implere, aut procrastinare alimentum tenue. Hac ratione ego iura dare soleo. Hic modus non est, ut Nicolai argumentum, imaginarius: nam quod decrepitus à morbo conualescat, deinde ætatis lapsu moriatur, esse non potest. Cum enim à pugna plus remittatur morbus, quàm uirtus ætatis decursu, necesse est, ut qui sustinuerit

prima quarti
trac. 4. cap. 2.

3. de præfagio
ex pul. cap. 3.

rit morbum ante pugnam, ætatis decursu interire non possit. Si enim magis lapsu ætatis uirtus decrederet in declinatione quàm morbus, ut illi uolunt, eo magis etiam in statu uirtutis maior esset iactura quàm morbi, quare non fieret uera declinatio, sed falsa: itaq; in uera declinatione non cogimur hoc argumento fateri quenquam posse mori. Quòd si dicas, sanus existens morietur ex ætatis lapsu, quantò magis ex morbo, quamuis in declinatione. Dicimus, argumentum non ostendere, nam in declinatione uirtus ualidior præsupponitur, quæ morbum euicerit: in sano nequaquam: non igitur ex hac causa mori potest quisquam in declinatione. Quod Galenus etiam sensisse uidetur ibi, cum dixit: per accessionem te nunc oportet intelligere tempus deterius totius circuitus, quod est à primo insultu, usq; ad tempus consistendi: sicut reliquum declinationis est melius. Et in tertio de Crisi: In declinatione propter uirium imbecillitatem moriuntur. Hoc enim pro uerissimo habendum est, quòd in accessionum particularium declinationibus plurimi pereunt. Quod nonnulli uidentes idcirco opinantur etiam uniuersalis declinationis tempore aliquè posse mori. Verùm non ita res se habet: ubi enim morbi status præterierit, natura quidem iam superior euasit: neq; enim aliter morbus declinasset: nullus autem modus mortis aduenientis excogitari potest, præterquam ex errore. Sed de hoc haud considerare proposuimus: sed solum, an morbi ratione mori contingat. Neq; igitur id unquam fieri uidi, neq; id ratio docet. Sed particularibus declinantibus accessionibus multos mori uidi. Hæc & multa alia subiicit, docens, quonam pacto qui moriuntur in accessionis declinatione, ob caloris diffusionem pereunt ac imbecillitatem: alii quidem subito, ut in syncopem incidisse credantur: alii autem ueloci quasi subexistente declinatione plusquam par esset. Ex his quidam dum leuare uentrem conantur, alii etiam sine hoc. Itaq; patet neq; aliam, ut dicunt posse putrescere materiam in uera declinatione, quàm æger pereat: nec aliis casibus eueri posse. Vnde excepti casus à Gentile non satisfaciunt ueræ nec falsæ declinationi. Veræ, inquam, quia nec in illa relinquitur materia eiusdem generis: nec natura adeò deficit in uera, ut conetur erigere se: nec materia permutatur de loco ad locum, cum sit resoluta in uera declinatione: nec potest esse morbi resolutio ob uirtutis remissionem, ut clarum est: nec etiam diminutio morbi minor diminutione uirtutis, ut in uictoria Cadmica Etheoclis & Polynicis: nam non sic est uera resolutio morbi, nec declinatio, quare nullo modo hoc contingere potest in uera declinatione: & etiam sententia Galeni dicta his repugnat. dicit enim, quòd euicta materia non potest amplius homo mori. Attamen Gentilis rationem Galeni diuidit, dicens: Quoniam si materia non uincit in hora status, multò minus in hora declinationis, in

1. Aphorif. 12.
iuxta mediū.

cap. 9.

ptima quarti
tra. 1. cap. 3.

qua est debilior. Secundò, quia in declinatione uirtus uincit materiam, igitur uinci non potest, nec mori. Hæc ratio, ut uisum est, Galeni est, & satis euidens: prima autem non tenet, propter argumentum nostrum adductum. potest enim uicisse materiã, & tamen nõ sufficere: uera enim declinatio est, in qua morbus remittitur stante uirtute quæ sufficiat ad cibi concoctionem: ideo ante cibi exhibitionem non possumus scire, nisi per coniecturam, an morbus sit inclinatus: præcipuè post abstinentiam in statu: & hoc ego frequenter uidi in aliorum ægris dum essem superuocatus: nam ego ad eam audaciam nunquam processi. In falsa autem declinatione, ut dixi, non uidentur dicta Gentilis omnia ad propositum: nam de materia inæquali, & dissimili, dico quòd non erit nec uera nec falsa declinatio generalis, sed particularis quædam tantum morbi remissio. Nec etiam conatus ille est similis remissioni morbi, sed res modico tempore permanens, & quæ succedit post uirtutis casum. In mutatione autem de loco ad locum, fateor aliquos decipi: sed tamen breui tempore durat: nec est similis declinationi quam supponimus durare per aliquot dies. Remanent igitur duo soli modi à nobis tacti: & de ultimo etiam qui concluditur argumento nostro, diceret Auicenna cum Galeno, quòd sufficit calor in quali ad concoctionem, nec requiritur quantitas illius, quia potest diminui cibibus. Ideo pessimè faciunt, qui post declinationis aduentum copiosè cibum exhibent, cum in statu summam tenuitatem adhibuerint. Præstat enim, ut dixi, paulatim cibum à summa incipiendo additionis tenuitate exhibere. Est igitur falsa declinatio apparens sola cum uirtutis defectu deficit & morbus. Nec mirum est cur Galenus neminem uiderit declinatione uera pereuntē, cum pulsus notitiam perfectè teneret. Gentilis tamen alibi sequelam Galeni declarat, dicens: Si potest mori æger in uera declinatione, igitur natura à materia potest superari: sed iam præsupponitur uicta, igitur idem erit comparatum ad uirtutem uictum ac uincens. Sed hîc pugnamus potius autoritate, quàm ratione: nam Auicenna loco priore expressè, & hic etiam, innuit, in uera declinatione hominem mori non posse. Declarat etiam proprietatem ueræ declinationis hic, cum dicat: Et quantò plus declinatio procedit, eo magis diminutio morbi est manifesta: quæ conditio si appareat, certè ueram declinationem ostendit: in ea enim morbus perpetuò minuitur, & uirtutes omnes augentur. Sed Gentilis ibi sentit, quòd in falsa declinatione possit mori, & uiuere: adducens uerba Hippocratis: Non secundum rationem alleuiatis, sed in talibus potest contingere etiam salus. Attamen non uidetur falsa declinatio secundum Principem: nam non est alleuatio morbi propter uirtutis diminutionem. Ideo dico, quòd omnem falsam declinationem, sumptam secundum Principem, sequitur mors: sicut omnem ueram

Secunda primi, doc. 1. ca. 7

2. Aphori. 27.

ueram salus. Nec est differentia, nisi quòd mors nullo modo intercipi potest: salus autem multis modis, præsertim alio morbo adueniente, aut ex errore medici, aut astantium, uel ægri: ideo pronuntiatio de morte certior est semper, quàm salutis. Et ego de salute nunquam absolute in uita mea pronuntiaui, de morte frequentissimè. Nam mortem absolute pronuntiare licet medico experto: salutem nunquã securè promittere potest. Quòd si dicas, Qui alleuiantur sic præter rationem, possunt mori: dicuntur enim præter rationem, ut ibi inquit Galenus in commento, cum non solum absq; expurgatione, sed etiã coctione alleuiantur: tales autè constat mori posse. Respòdeo, quòd hæc nõ dicitur morbi declinatio, quia nõ fit sensim: sed quædam remissio. Vel dic, quòd falsa declinatio morbi apud Galenũ utrũq; admittit, mortem scilicet, & salutem. Sed falsa declinatio Principis semper est cum morte: & hoc, quia Princeps facit ueram declinationem, cui semper salus succedit: & falsam, cui semper mors: & remissionem, quæ est cõmunis, etiam illi tranquillitati, ad quã recidua succedit, in qua cõtigit tam salutẽ, quàm etiã mortẽ subsequi: ut in Hemitreteo sentit Princeps. Sed an Galenus id remissionis morbi genus unquã attigit, quod ex uirtutis fit dissolutione? Equidem sic cenſeo, cum mortuũ ex perpetuo sudore enarrat. At declinationem non esse morbi repentinam solutionem, cui postmodum succedat reuersio, ac recidua, Galenus ipse declarat tertio de Crisi, cum dixit, Nullam unquam factam morbi solutionem repentinam absq; crisi, quare hanc pro declinatione non accipiet. Causa tamen erroris quòd existimauerint, solam coctionem facere declinationem, fuit sumpta ex secundo super primum Epidemiorum, cum dixit, Concoctionem securitatem iudicii salubrem cum celeritate portendere. Cruda autem, & incocta, uel in malos abscessus conuersa, acrisas, dolores, diuturnitatem morbi, mortem, reciduas. Expressius uerò in tertio de Crisi, cum inquit: Sola coctio crisis celeritatem, securitatemq; salubrem ostendit. Neq; enim uel animo concipi potest, quod post morbi exquisitam coctionem crisis mala sequatur. Sed de hoc aliàs: unum nunc sufficiat ostendisse, quod ibi etiam, tum aliàs, ut dixi, manifestè docet: Non posse scilicet in declinatione quenquam ex morbo mori: uerba eius sunt: Et nullum est mortis periculum tempore status elapso, quantum iudicio assequi possum. Et tamen quidam sunt, qui se putant multos uidisse ægros in declinationibus periisse. Sed si experientiæ uel rationi credere oportet, cognoui ipsos alia, quàm morbi ratione interiisse. omnes quidem erroribus interiere, præcipuè propriis ægrotantium ipsorum, sed & aliquando medicorum. Sic quidem experientia testatur, neminem unquam ui morbi in declinationibus periisse. Sed adhuc magis ratio: neq; enim possibile est, ut postquam causæ morbosæ iam coctæ sunt, ac iam natura superauerit,

æger

prima quarti
trac. 4. cap. 18.
in fine, & 19.

1. Progn. com.
4. in prima di.
cap. 9.

1. c. 45. & 46.

cap. 4. in prin.

æger moriatur, modò rectam curationem medici exhibeant. Vbi enim natura superior euasit ac debellauit, & restitit uehementiori morbi conatui, & quæ infestabant oppressit (hoc enim est ipsa coctio) fieri non potest, ut deinceps succumbat. Quòd si à morbo natura non uincatur, mortem subsequi nullo modo contingit. Siquidem nihil aliud est mors, quàm omnimoda naturæ prostratio. Vbi uerò ipsa perdurat dominatur ac uincit, hominem necesse est liberari. Alius igitur est sensus horum uerborum, quàm præcedentium: nam sola coctio sufficit ad hoc, ut natura per crisim non succumbat, quoniam iam materia eiecta est. Sola tamen coctio

Aphor. 22. declinationē non facit, cū necesse sit ad eam, ut habetur quarta Aphorismorum, adesse separationem, & expulsionem totius materiæ, uel maximè eius partis: quo in casu æger mori non potest ullo modo. Sola igitur coctio facit, ut per crisim non possit mori, uera autem declinatio quæ ultra coctionem, separationem, & expulsionem requirit, nec mortem per crisim, nec per resolutionem paulatinam admittit. Qui uerò somniant (ut in quodam uiro illustri, morbo laterali laborante, cū post coctionis signa tenderet ad mortem) aliam motam esse materiam, præter Galeni mentem loquuntur: nam sic nunquam ueræ declinationis indicia, nec idcirco ueri status, & aliorum temporum habere possemus: sed omnia semper confusa manerent, imminente semper metu alterius materiæ putrescentis. Nec Galenus tam absolute pronuntiasset, neminem se uidisse unquam, qui in declinatione morbi obierit: necesse enim esset multos sic periisse, si noua materia de nouo putrescere posset. Et ut in phlegmonibus, sic etiam in febribus hoc quandoq; cōtingeret: quod tamen nunquā uidetur. Neq; hoc etiā in phlegmone unquā apparet, ut eiecta materia, sed solum ante illius eiectionem, æger moriatur. At hoc si nouæ materiæ superuentu contingeret, non minus post prioris materiæ expulsionem, quàm ante contingere necesse esset. Itaq; qui mortuus est, in declinatione fuit, coctionis ratione, non separationis, aut expulsionis. Quare, ut uerè dicam, in statu morbi fuit, quē in declinatione esse existimabant, unde adiecto cibo illū suffocasse haud obscurū est: quod enim declinationi debebatur, statui tribuerunt: sed hoc merito suo. Illud tamen etiā animaduertere decet, pleurosq; decipi circa materiæ coctionem: cū enim in febribus unam aut alteram uident urinam quæ cocta uideatur, existimant coctam esse materiam, cū tamen haud cocta sit, nisi cum perseverantibus signis coctionis imminet status. Atq; ideo hic frequens est error, ut nulla in re magis medicos falli cernam: atq;, ut uera dicam, hucusq; neminem adeò oculatum animaduerti, qui hoc intelligeret: omnes enim, dico omnes, ut urinā concoctam uident, aut sputum, aut aliquid simile, materiam coctam arbitrantur, ac expectant iudicium, qui prudentiores ex illis: aut purgant, qui

qui magis imperiti, cum tamen hæc signa sint concoctæ partis, non autem totius materiæ. Sed hæc aliâs. Ex hoc tamen planum est, materiam posse in dies magis concoqui, & tamen ægrum tendere ad mortem. In plena tamen coctione, ubi materia sinibus non ut in phlegmone continetur, mori quæquâ uî morbi est impossibile: & hoc iuxta Galeni placita, quamuis rationes illius non ostendant. Quod enim ipse non uiderit, haud impedit, quin hoc contingere possit. Rursus, quod euicta materia non possit succumbere, hoc probat certè, ubi reliqua paria sint, uirtus, locus, & ubi homo à cibo abstinere possit: ratio tamen medica est, ac sensui innititur, quam Galenus affert. Iisdem tamen rationibus, quibus probamus, non posse mori in declinatione, ostendi etiam potest, non posse in syncopim incidere: nihil tamen prohibet, quin in animi deliquium incidat: differentia enim horum alibi est declarata. Differentia autem cur in generali declinatione homo nequeat mori, in particulari autem possit, ex parte uirtutis est debilitatio propter expansionem in accessionibus: sed ex parte materiæ est, quia in generali declinatione concoquitur & expellitur, sed in accessione solum expellitur: declarauimus enim in primo libro, quod materia quæ in concavitatibus continetur, non concoquitur, si iam sit separata, sed protinus expellitur. deterior enim est materia febrium interpolatarum, quàm continuarum, quia purior: sed minus mala, ratione loci. Et ex hoc patet, cur in puris tertianis maior amarulentia, & sitis, & molestia, & uigilia, appareat, quàm in continua, quæ tamen aliquando tendit ad mortem. Causa igitur est materiæ synceritas. hanc causam non attulit Galenus, quia loci, ubi de declinatione loquitur, ad uirtutem considerandam proprii magis sunt. Conciliator inducit duas rationes suas, quibus credit se ostendere, neminem in morbi declinatione mori posse: alteram, quod omne quod mouetur parte quadam est in termino ad quem mouetur, parte uerò in termino à quo mouetur, iuxta Aristotelis sententiâ. igitur cum in declinatione fiat motus quidam à morbo ad sanitatē, erit homo tunc quasi in termino ad sanitatē: sed motus naturalis uelocior est in fine quàm in principio, ut idem fatetur Philosophus: igitur declinante morbo, homo semper ad sanitatem ocius mouetur. Reliqua est, quod in declinatione uel moritur ob symptomata, uel ob uirtutem, aut ob materiam: si primū, illa sunt remissiora, dicente Hippocrate, secūda aphorismorum, circa initia & fines omnia imbecilliora: nō uirtutis ratione, quæ facta est ualidior cessante morbo: non morbi, qui iam declinauit. Sed hæc rationes nō cōcludūt: nam si intelligit, quod dum declinat morbus homo mori nō potest, quis dubitat? nam sic simul moreretur & sanaretur. Sed dubitatio est, an iam existēte declinatione cōiungat ægrū mori, crescēte tamē rûc morbo: nec propositio Aristotelis debet intelligi de hoc genere mutatio-

i. con. trac. 4.
cont. 12.trac. 6. cōtra-
dic. 16.

differentia 107

sphy. 62.

2. cœli 35.

aphor. 30.

nis, quæ ad sanitatem, uel mortem tendit, sed solū de motu locali, in quo scripta est à Philosopho. Si autem dicat, regredi omnino morbus non potest, delato ad sanitatē tamen ueloci motu ægro, diceret alter, materia illa potest esse facta deterior, ut uidebimus. Cum autem dicitur, materia euiecta est, equidē ratione concoctionis tantū, nō autē expulsionis. Nam quod dictum est à Rasi, dicitur ferme à Galeno secūdo Prognosticorū his propē uerbis: Duplex enim est prima causa uacuationis, quæadmodū dictum est dum de causis ageretur, tum materiæ uitium, tum eius quæ principiū habet motionis: itaq; initiū motionis in ea est facultate, quæ thoracem in tussientibus mouet. Manifestū est itaq; non solam sufficere coctionem in his morbis, ut declinatio iam aduenisse dicatur, sed robur mouētis facultatis: ea autem primò deficit inter alias, & debilior euadit, dicēte Galeno: Morbo autem consistente cum iam natura concoxit, superfluum est euacuare, cum propter alia, tum quia animalis facultas magna ex parte eo tempore est fatigata, licet quam maxime reliquæ duæ aliæ uitalis ac naturalis robustæ sint. Sed nec argumenta Conciliatoris, quibus probare nititur, hominem in declinatione mori posse, concludunt: nam cum dicat, somnus lædens in declinatione accessiois, est letale signum, prima Aphorismorum: si igitur illa sit ultima accessio morbi, & in illa debeat mori, proculdubio si sit in declinatione generali, in declinatione generali morietur. Sed non poterit tunc somnus lædere ubi utraq; accedat declinatio: sed solum ubi accessiois illius. Quærit autem, quasi causam, cur sit quòd in lucta uirtutis uincente morbo, aliquando consurgit etiam uirtus, & sanatur: uincente autem uirtute, non contingit mori. Equidem declinatio non est solum succumbente morbi materia, sed penitus euiecta, depulsaq; quo in casu si similiter uictus succumbat, non poterit sanari. Sed meritò licet dubitare primò, cur restaurando uirtutem etiam si succumbat, non possit sanari æger, cum materiæ uiribus quoquomodo attritis in pugna, & restaurata uirtute, homo semper deberet sanari? Cur etiam quandoq; sanentur quidam, alii autem nequeant euiecta uirtute sanari? Cur tandem non potest alia moueri materia dum morbus remittitur? præsertim cum etiam moueatur in sanis: qui tamē natura seipsis ægrotātibus secundum unūquodq; uirtutis genus sunt ualidiores. Respōdeo: In morbis quādoq; spiritū generatio prohibetur: & qui sunt, corrumpuntur, atq; in his defecta uirtus cibo restauratur: hoc autem maximè in pueris & adolescentibus: talis autē est syncopis febris. In aliis autē extinguitur spiritus, & humores corrumpuntur, in quibus difficilior est restitutio. In aliis autē etiam membra ipsa solida uitiātur, atq; in his quicquid acceperit alimēti, fermè corrumpitur. Habetur distinctio hæc à Galeno fermè, sed non exquisitè. Cum igitur succumbit uirtus nondū facta in membris principalibus im-

prefs

com. 43.

2. aphor. 29.

aphor. 1.

11. artis cur.
cap. 3.12. artis cur.
cap. 4.

pressionē (dico autem nūc principalia cor, hepar, uentriculum, cerebrum) homo restauratur nouo alimento tenui, atq; hoc est præcipuè, quod à uino, uel ouis sumitur: euiçta autē natura, atq; membro principaliore, nullus uitæ locus relinquitur: tunc igitur quodcunq; adieceris, morbo maius quàm uirtuti adhibet fomentū, atq; sic homo periclitatur. Cum autē morbus in declinatione cōsistit aliam tunc moueri materiam est penitus impossibile: ut enim declaratū est quæ aduersus naturam propriam mouetur, à natura uniuersali impellitur. Si igitur in tempore quo morbus uigebat à natura indiuidui alioquin morbo impedita continebatur, quanto magis quiescere cogetur eadē existens remisso morbo ubi natura singularis seu propria ualidior est, & minus impedita. Si autē creuit mole interim materia, proculdubio erratū est in uictus ratione, quod Galenus prudenter excepit: inquit enim, Non potest in remissione morbi æger mori, si in uictu peccatum non sit. Si autem qualitate deterior facta est, necesse est uel hoc errore uictus accidisse, & sic in priorem causam incidimus: uel aër deterior est, quo in casu & quomodo id fiat, inferius nō negamus, aliā posse moueri materiam docētes. In sanis autē contingit moueri materiā, quia priore tempore uirtus ualidior fuerat, & ex cibo clementū affuit, nec mūdū est corpus: & plerunq; illi errorē aliquem admiserunt: pauci enim absque errore nouo egrotant. Qui tamen per aliquot præcessit dies. unde lassitudo nuntia est morborū, aut fastidiū cibi. Deniq; in sanis uirtus non augetur, augetur materia. Est uerò alia causa, cur homo iudicio peractō, superataq; uirtute, necessariò moriatur: quoniā illa nunquā cessat deuiçta uirtute ut agēs naturale, ut pondus, ut ignis, uirtutē opprimere, nihil tēporis ad restaurationē dimittēs. Quòd si talis est morbus, ut plus euiçta natura uiriū ex cibo recuperetur, quàm ex morbi causa adimatur, tūc morbus ille salubris fuit, peccatū uerò fuit in uictus ratione iam dudū nimis tenui. Sic placuit Cōciliatoris rationes discutere, quæ aduersus suā ac nostrā opinionē erāt. Hoc enim rectē agimus, si qua deducitur aduersus placita nostra ratio ualida, ut illā diluamus. At uerò quæ pro nobis erunt, si minus concludāt, deinceps præterire eas in animo est, ne tēpus teramus, & ab utilioribus studiis lectorē reuocemus. Vita enim, ut rectē inquit Hippocrates, nostra breuis est. Quibusdā autem animus est, ut longa oratione folia impleāt: nobis properandū est, ob rerū necessariarū, aut ualde utiliū, multitudinē. Sed ad rem reuertor. Quatuor sunt genera declinationum: Falsā, de qua dicebat Princeps: Quum homo habet febrē ardentē, quæ aluiatur, & quiescit à priore calore subitō, sine crisi manifesta, per euacuationem, aut permutationem, & sine extinctione ultima, uel regionis, aut aëris permutatione, & quiescit pulsus à uelocitate pristina, uelut tranquillus existens, tunc iudica quod moritur uelociter. Hic etsi multæ ui-

O 2 deantur

secūda quarti
tract. i. cap. 92.

deantur conditiones, exprimitur tamen frequens euentus. Et ego dum uocatus essem ad aduocatū Petrū Antoniū de Laude morientē, ut medico uidebatur præter rationē, omnia signa hæc præfuisse ex astantiū narratione intellexi. In aliis autē uidetur declinatio cum euacuatione, præcipuè urinæ, ut mihi quondā accidit, dum uocarer ad Bergomensem minutū mercatorē, quem curandum susceperat ignarus medicus, x x i i. die dum post multam urinam alleuiari uideretur, repente factus sine sensu, ac mutus, cum uocassent me, die sequenti expirauit. Et mihi cōtigit anno ab hinc x i x. (eratq; secundus quo artem profitebar) ut Piscator, cum sudore tri-duano cōtinuo perfunderetur, cuius initium in septima fuit, me bene sperante, ut cum eo sudore in fine nonæ expirauerit. Nec unquam aliàs similem casum, neq; etiam apud alium quempiam medicum uidi. At secunda declinatio est accessionum, in quibus mori aliquando contingit. Tertia autem est declinatio media in phlegmonibus, in quibus materia est concocta, non tamen planè eiecta: in hac contingit mori ægrum, nulla alia facta adiectione materiæ: hoc autem, ut dictum est, ex animalis uirtutis imbecillitate, uel propter membranæ continentis densitatem, ut in pleuritide maxime contingit. Imò cum in interno phlegmone concocta materia expulsio tardatur, tunc ualde timeas. Nam uel non tota concocta est, sed quæ in profundo est cruda, adhuc manet: uel aliquid latitat, nēpe materia quæ loco coctionis malā adepta est qualitatē: neq; id mirū pro partiū materiæ uarietate: aut tanta est illius multitudo, ut naturā ac uim animalem deterreat, ac aggrauet: aut pars illius interim dum cōcoquitur uersus cor penetrauit. Apparet enim manifestè phlegmones aliquos suppurari, qui tamen interiora erodunt propter quod incidi illos ante perfectam maturationem iubet Albucaſis. Quod etiā Galenus sensisse uidetur. Porro quod nō sit perfecta declinatio, nisi eiecta tota, uel maxima parte materiæ in phlegmonibus, audi ex Galeno: Quādo coeperit expuere pauca cocta reliquoq; tempore augumēti, usq; ad statū, plura meliora, ac facilius expuente, tunc cum exquisitè cocta, & multa, & sine difficultate fuerint, tempus status erit: tūc uerò declinatio, cum iam multitudo diminuta, eiecta autē quæ fuerūt exquisitè nō solum cocta, sed etiā absq; molestia educta, dolorq; cessauit. Apparuit igitur hos nostros medicos haud intellexisse, quid sit declinatio phlegmonis: neque hoc, ut nec pleraq; alia benè Galeni atq; aliorum dicta uidisse. Neq; id mirum: haud enim possent me eo odio prosequi, si amarent ueritatem, aut agnoscerent eam: nec tonfores ac pharmacopolas in me incitarent, adeò turpi insectatione, si ueri essent studiosi: inquit enim Poëta Tragicus:

Εἰ πᾶσι ἐφυσφόρον δ' ἄμα,
οὐκ ἦν ἂν ἀμφίλεκτο ἀνδρώποισ' ἔργισ.

Sed de exquisita , ac generali declinatione unus est tantum modus, quo æger perire possit, siue phlegmon, siue sine eo febris sit: Error uictus, sub hoc tamen & pestilens aër, & tristitia, & timor comprehendendi debent. Habitare enim in pestilenti regione, ad errorem uictus pertinet, seu regiminis. Nihil enim prohibet naturam quæ morbum uicerit alium, dum illi ualeat aër in pernicioso alios infectos humores non posse perferre: tuncq; in uera declinatione contingit mori. Atq; hoc ego pestis tempore frequenter uidi: in remissionem enim tertianarum peste correpti moriebantur. Sed dubitatio est in illo, qui ex morbo laterali transit in cynanchen, & moritur. Duos autem sic perire uidi, & tamen nisi natura materię perfectæ dominaretur, non posset tota transmutari. Sed in his naturę proprię conatum adiuuat natura uniuersalis: quare non natura singularis materię dominatur, imò potius uincitur. turget enim illa. Palam autem est, nullo modò morbum dici in declinatione comparatione ad laborantem habita, sed solum ad morbi genus. Qui uerò ex sudore pereunt, non sudant ob materię concoctionem, sed tenuitatem, ac caliditatem, nam & calor malus ac perniciosus non naturalis tantum sudorem excutit, ut in syncope, & in omnibus ferme ex febre pereuntibus, cum iam mors appropinquat per paucas horas. Nec uirtutis robur tunc sudorem excutit, sed magnitudo caloris corrumpentis. Aut dicas, quòd sudor accidit, dum uincente humore putrido calor naturalis ob contrarietatem refugit ad exteriora, extinguiturq; ac in sudorem conuertitur: sicut etiã in resolutione diurnę febris, in qua etiam homo madet resolutis spiritibus. Aliquando etiam fit sudor, dum calor præternaturalis pugnat cum naturali & cor occupat: & tunc tales cum sudore moriuntur, ut quinta Aphorismorum scripsit Hippocrates. Sed dices: Quomodo materia potest moueri à natura uniuersali in humano corpore? sic enim in mortuo etiam moueretur. Respōdeo: uel loquimur de putredine, & sic patet, quòd illa magis sit in mortuo, quàm uiuente: uel de motu secundum locum, & sic non fit nisi à natura uniuersali per se, sed medio caloris præternaturalis, ut etiam docuimus aliàs: uerum hic non inuenitur in mortuo, cum nondum putrescit: cum autem putrescit, iam corrumpitur tota substantia, ideo cessat omnis motus, cum nulla sit forma mixti, nisi in fine: & tunc quod aëreum est, diffatur: quod aqueum, fluit: quod terreum uerò, subsidet. Corruptio autem in uiuente retinet formam, quia calor naturalis reluctatur, & ideo mouetur à natura uniuersali per caloris illius uim, qui contrarius est naturali. Prohibet autem calor naturalis perfectam putredinem: quia si humor absolutè putridus, qualis est in cadauere, fiat (ut quandoq; accidit) in corpore humano, tunc putrefacit totum corpus, & est uenenum perniciosissimum, illico necans, & cum contagio: & ideo nihil magis est

Aphor. 71.

1. Contradiç.
tra. 6. con. 16.

1. Theisr tra.
15. cap. 4.

cap. 4. in prin.

cap. 2.

aptum ad pestem inducendam cadauerum insepulorum corruptione: ideo pestis plerumq; sequitur clades: unde inuentum illud nepharium. Auenzoar autem cum frangi existimat apostemata, in morte, uel ante mortem recte sentit: nam extincto calore naturali relinquitur præternaturalis, nam uictor debet superesse uicto: ideo calor quo calent corpora mortuorum, non est naturalis, sed præter naturam: ideo eiectio quæ fit in mortuis, fit quandiu ipsa cadauera sunt calida, & hic motus est similis ei, qui fit à calore præternaturali in uita, cum materiæ febrium malè morientur, aut phlegmonem generant. Sed dicet forsàn quis, in febre pestilenti apparet quandoq; uera declinatio, & tamen æger moritur. Dico, quòd hoc quandoq; latet etiam perfectum medicum, est enim difficile tunc cognoscere morbi magnitudinem. Verum non solum in falsa declinatione, sed etiam in uera in hoc morbo contingit mori. Et hoc est certum, nec contradicte sententiæ Galeni, nec his quæ diximus: & hoc est, quia illa febris fit ab aëre, & aër ex constitutionibus siderum adeò uehementer agitur, quod inducit nouum genus corruptionis in residuo humorum, qui iam erant euicti, & sic moritur æger. Et medici non in aliis rebus, quæ ad artem pertinent, quàm in hac causa prudentiores admirantur, & dicunt, quòd interim latitauit quasi esset cuniculus illa materia. Veritas igitur est, quòd sicut in Thermis, cum homo uideatur temperatè agere, uolentes curatores sudorem prouocare, flabello aërem mouent, & sic homo quasi flammam sentire uidetur, & protinus sudat ab eodem aëre moto, in quo prius quiescente algere sibi uidebatur. & hoc maxime accidit in oppositionibus lunæ & malorum siderum, etiam si non concedas astrologiam secundum uim naturalem, quam medici stellis tribuunt. Quidam etiam in declinatione moriuntur ex emissionem seminis per somnium: sed si hæc fiat ex abundantia illius, aut uirium robore, uix morietur: ille autem quem ego uidi mori, fuit propter imaginationem uxoris ei proximæ, & calorem plumæ, & ideo peccatum fuit in regimine. Multi etiam moriuntur in declinatione fluxus uentris, sed hæc declinatio non est propter uirtutem retinentem & emendantem humorem, sed propter expellentis facultatis imbecillitatem. Sed Haliabbas in decimo suæ Theoricæ dixit, quòd homo non moritur in declinatione, nisi peccetur in uictu, uel nouus accedat morbus: potest excusari de pestilenti morbo, aut in pestilenti constitutione, & hanc tamen ad regimen Galenus retrahere potest: stultum enim est, si per uictum tantum cibum & potum uelis intelligi, & non omnia illa, quæ numerantur in tertio Artis medicæ. Et sic Haliabbatem tueri licet, nec tamen dicemus contra Galenum. Ille tamen Arabs fecit errare omnes recentiores, qui ad beatā illā nouæ materiæ fluentis inuentionē recurrunt. Sed nunquid stante lethali aliquo morbo, alius possit

possit declinare. utpote tertiana iuncta phthoë uel hydropi lethali? Certè sic ex Galeni sententia quia sicut in exterioribus sic in internis. Sæpe autem uidemus tubercula & plagas phthisicorum sanari: & ego uidi etiam in tabescente curatam tertianam, in alio difficultatem intestinorum. Et hæc differentia in morbis, quorum natura est ualde differens, clara est: ut in tertiana, & tabe: sed in his, qui sunt ferme similis terminationis, ut in hemitritico & tertiana, uel semitertiana cum continua, accidit ut unus morbus ad declinationem perueniat, altero tamen tendente ad augmentum: & tunc in hora remissionis illius morbus in declinatione uidetur, imò est ipse æger, quamuis non uerè, & tamen ex eo morbo moritur: & hic est unus modus mortis in declinatione. Sed quod adhuc maiorem habet dubitationem est: quia, ut dixit Hippocrates, quæ relinquuntur in morbis post iudicationes reuersiones facere consueuerunt, & in reuersione sæpe contingit mori: ut in Hermocrate tertio Epidemiorum, de quo dixit, Quartodecimo à febre erat liber, non sudauit, dormiuit, omnino mente constabat, urinx eadem, id est, crassæ, rubræ, infra tenues, non subsidentes, quem tamen infra diem xxxvii. constat mortuum esse. Vel igitur ex toto fuit in xiiii. liber, uel in morbi declinatione, uel in alio tempore. Circuitum autem exacerbationis uocat Galenus, ut iam diximus suprâ, principium, augmentum, & statum, in quibus temporibus morbo principali carere non potest. Quomodo igitur hic, si caruit febre, in statu, uel augmento esse potuit? Relinquitur igitur ut fuerit in declinatione. Sed hanc fuisse falsam declinationem: & quomodo, adeò Galenus in expositione clarè explicat, ut nemini, qui seriem uerborum illius animaduertat, dubitatio relinquatur. Et falsam igitur ibi declinationem aperuit, & latitantis materiæ ridiculum inuentum irridet: & quomodo intermedium tempus, & cur inter morbum & reciduiam ad declinationem falsam pertineat, ostendit. Verùm quod dixerat in Aphorismo nuper adducto, materiam post iudicium relictam solere febres accendere, dubitationem habet magnam. Primum, quòd si perfectum est iudicium, iam sumus in uera declinatione absq; dubio, & tamen homo potest mori succedente febre in debili iam corpore: & ideo bene dixit Princeps, quòd reciduiua sua radice est deterior. Secundum, quòd materia relicta si putrida est, concitabit febre, nec ille poterit absq; febre esse medio tempore, quòd tamen frequentissimum est ante reciduias: uel pars materiæ quæ nondum putruit relinquatur, quæ ut noua putredine in reuersione, sic etiam in declinatione ægrum potest occidere. Dabitur igitur, quòd iam adeò pertinaciter à nobis negatum est, nouæ materiæ motus in declinatione. Respondemus, Hominem, qui rectè uixerit medio tempore, in reuersione mori non posse, si concoctio præcessit. Sed cauendum, ne remissio

in de totius morbi temporibus cap. 7.

a. Aphor. 12.

Sec. 1. reb. 5.
tex. 8.
tex. 12.

com. 3. ubi su.

Secunda quart. tra. 1. ca. 95.

missio illa, ut Galenus declarabat in prima super tertium Epidemiorum sectione falsa sit: declinatio enim quæ iudicium subsequitur, iam concocta materia, illi protinus succedit, ut Galenus docet lib. de Totius morbi temporibus. Vel igitur rectè decernit natura, nec error sequitur, nec recidua: uel succedit error, nec tunc morbi causa reuersio fit, seu pereat, seu feruetur: uel praua fit eiectione materiæ, soluiturq; morbus falsa declinatione, ubi tamen uirtus ualida sit concoquitur denuò residuum materiæ quod uicinum fuerat putrescenti, soluiturq; morbus, aliter æger perit. Cur autem antea non putruit? in declinationibus non licet uirtute facta ualidiore, at in tempore conualescentiæ decidentis, corrumpitur ob uictum qui nunquam talis, qualis in morbo adhibetur. longum enim esset tam diu adhibere eam uictus tenuitatem, quapropter si rectè uiuat qui conualescit, cocta q; materia deserit febris ob eiectionem, mori ægrum in reuersione est impossibile. Hoc est quod dixit Hippocrates non pura corpora quantò plus nutries, tantò magis lædes: & ideo tutum est conualescenti tenuiter ali. Sed etiam si tenuiter uiuat, reuerti potest morbus alia parte materiæ putrescente quæ priori affinis fuit, sed hæsit illa in extremis inde à natura mota quæ impediabatur morbo, putrescit, concoquitur, & euincitur. Rursus ex Galeni sententia prima super tertium Epidemiorum sectione quandoq; ac persæpe falsò uidetur remitti morbus, ac sine febre esse, materia iam putrescente uel in Gangrænam terminum habente. proximas enim erodit partes: ut in libro de Totius morbi temporibus habetur: sed hoc maximè in phlegmone. Hippocratis igitur præceptum est, uel cùm natura imbecillis non totam potest expellere materiam: uel cùm partem illius obiter relinquit nondum putrescentem, ut quæ in locis latis contineatur, & pauca sit: uel cùm nondum exactè materia concocta est in iudicio. At si sine iudicio morbus definat, tantum abest ut securitatem portendat, ut etiam reuersionem minetur, & sæpe mortem: ut in Epidemiis Galenus eo loco scripsit. Illud potius nunc considerandum erit, quod Galenus scripsit in libello de Totius morbi temporibus, de statu morbi, & inclinatione, his penè uerbis: Cùm in pus materia conuertitur, tunc status tempus est in eo enim iuxta Hippocratis sententiam dolores ac febres fiunt: si autem fluor diffatur, aut concoquitur, minorem tumorem ac tensionem reddet, eritq; huiusmodi declinationis principium. In febre autem similiter cùm ipsa concoctio maximè conficitur uigor est, inde ex hoc declinatio qua symptomatum magnitudo & humorum copia cessauit: restat uerò modicum in ea humorum adhuc, qui concoctionem requirant. Sed de hac in ultima huius tractatus contradictione dicemus: pars est enim eius. Nunc sufficiat lectorem admonuisse, aliam esse phlegmonis, aliam morbi in ægrotante inclinationem.

CONTRADICTION XII.

Intestina an habeant uirtutem attrahendi.

Chili subtilior pars trahitur à uentriculo & intestinis, & per uias uenarum quæ uocantur mesaraicæ (& sunt duræ uenæ intestinis coniunctæ) impellitur ad uenam portæ, inquit Princeps. Et non obscurum est ex his uerbis intestina habere uirtutem attrahentem, etiam comparatione habita ad chilum, non solum ad proprium alimentum. Et rursus alibi: Quod penetrat ad intestina à duobus patitur, à uentriculi uis expultrice, & intestini attrahente. In oppositum est sententia Galeni quarto de Partium usu, his ferme uerbis: Quemadmodum igitur uentriculo utrosque uillos sortito duabus opus fuit tunicis, contrario inter se modo habentibus: ita & intestinum quodque cum unam habeat motus speciem propultricem, unam pariter tunicæ speciem in transuersos & rotundos uillos dissoluendam obtinuit. Quid tandem tunicæ binæ extiterunt, siquidem ambæ itidem se habeant? superflua enim altera esse uidetur: at non est ita. Nam intestinorum tunica duplex fuit, partim ut facultas expultrix robustior esset, partim ut ipsa instrumenta ab exterioribus iniuriis essent tutiora. Inde post pauca: Nonnullis uerò intestinorum quidam uilli recti secundum longitudinem obtenduntur, ad transuersorum tutelam: idque animalibus tenues habentibus intestinorum tunicas, aut actiones uehementiores, potissimum inest. Periculum enim erat, ne transuersi uilli à sese mutuo auellerentur. nisi extrinsecus à rectis, uelut uinculo quodam fuissent deuincti. Quo fit, ut in recto intestino complures eiusmodi fuerint: quod multis ac duris alimentis sicci congestis excrementis, ibi eius intestini tunicas muniri ualde oportuit. Extrinsecus igitur transuersis, ceu ligamentum, uilli quidam recti iniectioni sunt. Hic manifestum est, noluisse omnino intestinis inesse attractionem: cumque constaret, in illis esse uillos rectos, rectis autem uillis uim attrahendi inesse, haud dubie confiteri coacto uim attrahendi inesse debere: Respondet, non ea causa uillos rectos intestinis inditos ut attrahant, sed firmitatis causa. & in quinto de Vsu partium: Porro intestinorum tunicæ transuersos utrosque in circulum planè circumactos. At uesicarum tunicæ rectos, ac rotundos, & obliquos habent uillos: una enim utriusque tunica cum sit, ad omnem motus speciem constructionem commodam adepta est. Siquidem motum quem attrahendi causa recti, & excernendi causa transuersi, & eum, quem ut retineant, quibus undique apprimuntur uilli obliqui, faciunt. Atque hæc luce clarius explicant intentum: siquidem Galenum nullam attrahendi uim intestinis tribuisse. Sed uerba quæ sequuntur Oedipode quodam interprete

prima primi
doc. 4. cap. 2.
in princip.

decima sexta
tertij, trac. 1. c.
1. col. 1. idem
ferme etiā in
13. de natura
animaliū. c. 6.

cap. 17.

cap. 11.

P prete

prete indigent, quamuis haud curæ mihi nunc sit de his, & si superioribus repugnare & rationi simul ac experimento: de his enim suo loco dictum est. Nunc autem prosequamur intentum, nam nec solum Galenus Principi, sed uterque sibiipso uidetur contradicere. In prima enim Aphorismorum particula, quod & totis penè libris tribus de Naturalibus facultatibus, maximè tertio, ostendit, quatuor uirtutes cuilibet parti esse necessarias, quæ nutriri debeat: quas Naturales, id est, ab anima non predeuntes, ceu etiam stirpibus conuenientes, quas animam non habere existimat, uocare solet. Certum igitur cum sit, intestina nutriri, clarum est etiam facultate attractrice ea minime carere posse. Sed Auicennæ locus est & si foedus, omnia tamen speculandi causa, ac contemplandi naturæ opera si non relinquitur Aristoteli locus defensionis animaduertere decet. Respondeo, Auicennam non dicturum in recto intestino esse attractionem, nisi in comparatione ad id quod in superioribus continetur intestinis, quia eo nutritur: & hic caderet dubitatio aliàs diluenda: an uilli recti seu longi ex utraque parte trahant. Galenus autem non sibi repugnat, cum uirtutem attractiuam etiam intestinis largitur in comparatione ad proprium nutrimentum: quæ attractio fit naturali facultate absque uillis, nam & ossa trahunt. Est enim attractio in animali triplex: Naturalis, quæ sola ui fit, à quolibet membro: Voluntaria, quæ à musculis, uelut cum trahimus nauim: & Media, quæ fit per uillos: nam aliqua attractio per uillos uidetur uoluntaria, ut cibi deglutitio: aliqua autem non, ut attractio urinæ in uesicam, neque enim sentimus eam: quamuis aliquis posset dicere, eam quæ à uentriculo fit, etiam non esse uoluntariam: sed nos sentire attractionem cibi in deglutitione non propter uillos gulæ, sed etiam propter musculos. Et forsitan aliquis dicet, quòd muscoli ex uillis componuntur, igitur musculis trahentibus uoluntate, etiam attractio per uillos uoluntaria erit. Quia igitur non est locus tractandi hinc hanc difficultatem, sufficiat tria esse genera attractionum, quo ad sensum distincta per musculos, per uillos, & per uirtutem solam: seu uoluntarium, & per naturam, & neutrum. Sic etiam

3. Theor. c. 26 Haliabbas sentire uidetur, scilicet quòd intestina chilum non trahant. Sed tamen non leuis dubitatio emergit: nam si intestina nutriuntur ex

cap. 12. chilo, oportet ut trahant ipsum. Omne enim membrum, ut declaratum est primo uirtutum naturalium, trahit quod sibi est familiare. Responderet Galenus, non esse attractionem illam per uillos: humidum tamen aliquid ac subtile intestina trahere ob id, non tamen totam chili substantiam. Habet hoc argumentum Galenus, quòd cibus si non concoquitur in uentriculo persæpe manet horis xiiii. in eo, nec tamen est impedimentum in transitu. Quòd si dicat alius, non trahere intesti-

na

com. 22. cap. 9

21. 1. trac. 1.
cap. 11.4. problem.
cap. 27.

na quia nondum sibi conueniens. Respondebit Galenus, Renes trahere sanguinem à iecore, etsi non perfecte concoctum: & rursus uescam à renibus: idque ratione, nam etiam eiicit uenterculus non concoctum cibum. Sed Auicenna dicit: Quomodo? cum non uideamus cibum exire ob ualidam expellentis uim uirtutis in uia Galeni, imo erit hoc propter uim attractricem intestinorum. Respondebit Galenus, Hoc est propter debilitatem continentis uirtutis. & ita omnia ad contentionem reducuntur. Probabilior est iudicio meo Auicennæ opinio: nam si intestina non traherent, ex impulsu autem solo uentriculi reciperent, esset hic motus uiolentus, non naturalis, similisque morbofo affectui. Et etiam quia confitemur quod attrahunt nutrimentum, igitur & chilum: etenim omne quod trahit nutrimentum, trahit & superfluum illius: & si trahit chilum, & iam habet uillos longos, cur non debent illi fungi propria operatione: nihil enim agit natura frustra. Et etiam quia in colica, & ileo facto absque obstructione, non bene descendit cibus, igitur cum hoc non sit causa uentriculi impellentis, erit causa trahentium intestinorum. Hæc tamen quæstio, ut mihi uidetur, à dissectione ortum habet. Propterea dicebat Galenus sexto Anatomicarum dissectionum, intestina ipsa pauculas rectas habere fibras, has nos uillos dicimus, plerasque circulares. Præstabat docuisse, ubi illæ sint rectæ, seu in longitudinem exporrectæ. Vessalius dixit, Crasis recto & colo ob firmitatem non paucos uillos rectos adesse, forsan etiam ut uiolentius attrahant, in exteriori tamen tunica tantum, non in interiori, subtilibus paucos. Illud facit pro Galeno, quod ab eo animaduersum est, scilicet tunicas gracilium intestinorum esse transversas ac orbiculatis tantum fibris intertextas, cum paucis iuxta ilei finem rectis in exteriori tunica tantum: necesse enim erat iuxta uentriculum illas esse, si attractionem iuuare debuissent. Dicamus igitur, quod leuis est intestinorum uis attrahendi, eorum comparatione quæ in uentriculo continentur: & hoc ex dissectione cognoscitur: sensu enim dignam natura rectarum fibrarum multitudinem in intestinis, atque præcipuè in interiori tunica collocasset, si attractionem à uentriculo esset molita. Quæ tamen cum aliqua sit, etiam chili comparatione, non negligitur à Principe etiam rerum minimarum studio: tum maximè, quod ea uis, etsi per se sumpta sit obscura, iuncta tamen uentriculi impulsioni euidenter effectum auget. Nec tamen ullibi Galenus hanc uirtutem expresse negauit, concedet tamen attrahentem uim secundum naturam, quæ perficitur absque fibris. Et hæc est ualida, comparatione ad rem quæ in intestino continetur, & sic transmittitur pars utilior ad nutritionem intestinorum: & hæc uis est maxima in mesaraicis, & iuuatur ab hepate. Reliquam, ut paruam neglexit, non negauit.

fol. 4. in initio.

lib. 5. c. 5. iuxta finem.

CONTRADICTION XIII.

Circuituum in morbis causa an motus materie.

Difficillima, & obscurissima de morborum circuitibus, semper apud medicos quæstio habita est: cur scilicet tertianæ alternis, quartanæ duobus interceptis, quotidianæ singulis inuadant diebus. Continuæ etiā exacerbentur, & phlegmones exacuātur. Vnde tertio de Diebus iudicatoriis: Quæ igitur causa sit, quod in acutis morbis tertio quoq; die plurimū fiant accessiones, & in longis quotidie, uel quarto, nō promptū est inuenire: nec in præsentia disquirere est necessariū. Quod uerō sic eueniūt oculis usurpare licet, & ad principia rationē ex principio habet. In secundo autē de Febriū differētiis sic inquit: Quæcunq; per circuitus aliquos ægritudinum accessiones fiunt, ex membrorū dispositionibus ortum habēt: nanq; hæc mēbra uel generant, uel fuscipiunt, aut mittunt, uel attrahunt superflua, eo quo diximus modo. Itaq; uidetur Galenus hoc nō in materiā traducere, ut Conciliator existimat, sed potius in efficientē mēbrorū naturā. Nunc autē hæc sic dixisse sufficiat, nam penitiorē horū uerborum sensum inferius perscrutabimur. Auicenna uerō dixit, Et putredo bilis facit tertianā, & sanguinis cōtinuā, & melācholiæ quartanā, & pituitæ quotidianam, & quæ sunt illis similes, & quando extra uenas putrescunt, & nō est phlegmon aut tumor internus, nec alia causa, faciunt circuitus quos diximus. Quando uerō intra uenas, fit continua febris, sed tamen ex illius uehementia cognoscitur accessio. Et accessiones festinant uel ob materiæ multitudinem, ut in quotidiana, cū non est à uitreo humore, hic enim ob crassitiem est lenti motus: aut ob subtilitatem, ut in bile. Contrariis autem causis accessiones tardius adueniunt, & harum utraque in quartana inuenitur. Et rursus alibi, loquens de sua Hepiala: Et ipsa non est quandoque seruans accessionem omni die, imò conuertitur in tertianam, & quartanam, & tamen est ex genere febrium à pituita pendentium. Quotidiana enim febris non est à pituita, quia singulis diebus illius accessio renouetur: sed quoniam ex frigida & humida materia pendet. Hæc est illius ibi sententia, licet litera sit corrupta. Duas igitur Princeps causas facit circuituum, materiæ multitudinem aut paucitatem, crassitiem aut subtilitatem. Quo magis mirum est de Gentili, qui relicto textu aliam ponit opinionem, quod à proprietate occulta pendeat. Existimat autem duos esse circuitus, alterum proprium, quo bilis tertio die mouetur: alterum autē generalem, de quo uult locutū Auicēnā in Capitulo generali febriū putridarū supra adducto, & Galenū in fine libri de Differentiis febrium. & hic pendet à multitudine, à subtilitate, à ui membri mittentis: & ita uult, quod ex melancholia quandoque possit

cap. 8. ante
medium.

cap. ult.

differētia 88.

prima quarti
l. c. 1. in fine.prima quarti
trac. 2. c. 49.

possit fieri tertiana, & ex pituita quartana, & hoc ob paucitatem & humoris crassitatem, ut à Principe uisum est in secunda autoritate inducta: & ideo credit se nulli illorum contradicere, quoniam hi descripserunt causam circuitus uolentem, non autem propriam humori. In disputatione tamen de febre luculenta opinionem quam ex Galeni uerbis expressi illi tribuit, & reprobare conatur. Hæ autem sunt illius rationes: Si ob paucitatem, ac multitudinē, aut membrorum uim confurgit circuitus, etiam in sanguinea febre circuitus erit. Et quamuis Galenus hoc argumentum effugisse uideatur, cum causas reddit, cur febris à sanguine continua existat: attamen dicit, illius responsum esse uoluntarium. Accedit, inquit, quòd hæc causa Galeni non ostendit bilem de tertio in tertium diem moueri: sed solum, quòd uelocius quàm melancholia, & tardius quàm pituita. Ultimo concludit, quòd cum hic effectus circuitus adeò sit constans, ac perennis, causam perennem & constantem inuenisse oportuit: Sed uarietas in multitudine & robore membrorum est infinita, & ideo non satisfaciet circuituum ordini. Et quia pro Galeno quis respondere poterat, quòd effectus ille quanquam uariationem suscipiat infinitam, semper tamen intra suos limites constantem, utpote tertiana multiplex esse potest, sed tamen bilis nunquam nisi tertio die mouebitur, licet horæ non sibi consent. id conatur refellere. quoniam id est quod querimus, quod scilicet bilem tertia die agat. nam si ad quantitatem refugias, iam illa nullum finem in uarietate recipit. Sed argumentum planè sophisticum est: diceret enim Galenus, cum ad certam quantitatem ac uim peruenit, mouetur singulo die: si ad minorem, tertio quoque die. Sed illud præter reliqua uidetur aduersus Galenum militare, quòd sic quintanas ac sextanas cogeretur ponere: quarum altera, ut rarissima, uidetur non secundum rationem naturæ facta: alterius neque unquam exemplum aliquod inuentum est. Hoc autem magis fatigat, ubi iuxta Hippocratis sententiam nonnam admittamus: nam ubi extrema, ibi & medium esse necesse est. Propterea Gentilis opinio in hoc constat, quòd proprietas occulta, moderata tamen & deducta, ad actum per calorem naturalem agit hoc: neque enim magnes quantumcumque minimus ferrum trahere potest. omnis enim proprietas indiget calore & debita quantitate. Ideo interpretatur uerba Principis quæ sunt hæc: Et febres hæ non carent circuitibus secundum materias quæ ad tumores ipsos à quibus pendent effunduntur. Namque circuitus februm sunt secundum generationem ipsarum materialium, & motum illarum, & secundum attractionem caliditatis & doloris trahentium ad ipsos tumores. Vnicuique enim humori circuitus inest, qui illi conuenit. Dicit igitur Gentilis, Sicut scammonium & rhabbarbarum bilem à proprietate trahunt, & tamen requiritur certa quanti-

Quæst. 14.

prima quarti
tra. 4. cap. 13.

2. de Differen.
febr. cap. 15.

4. Collect. 27.

Aphor. 30.

tra. 1. Contr. 2.

tas: sic etiam in circuitibus necessarium est. Et licet exemplum falsum sit in uia Galeni, propositio tamen uera est generaliter in habentibus quantitatem, ut intellectum excipiamus. Galenus tamen suam opinionem probabat exemplo fluxionum auris, pedis, oculorum. Nam si uidemus recurrentes lippitudines, gratia exempli, tertio quoque die, quamuis materia ipsa sit sanguis, quia in exangui membro, ueluti cerebro, non potest tantum sanguinis generari, ut perpetuus fiat morbus: sic morbi qui ab humoribus fiunt, ob id non nisi statis temporibus redeunt: quia in minori tempore grauari natura nequit tantum, ut expellere cogatur. Auerroës autem Galeno tribuere uidetur, quod senserit circuitum fieri à calore putredinis, non autem naturali, atque ipso per se solo: hocque illi adscribit in libro de Febrium differentiis, quem exposuisse se affirmat. Hic tamen nunc usque ad nos minimè peruenit. Putat igitur hoc fieri propter caloris naturalis motum. Atque utinam quomodo fieret declarasset: palam est enim Delio quodam nos natatore indigere. Nunc satis constat quatuor esse opiniones: unam Galeni, quod à motu membrorum & uexatione, quæ etiam est Galeni: aliam quæ Auerroës est, quod ab actione naturalis caloris cum materiæ natura: tertiam quæ à natura materiæ ac putredine quam ille conatur Galeno tribuere: extremam Gentilis, quæ à proprietate cum naturalis caloris actione circuitum fieri censet. Auerroës etiam uidetur contradicere Hippocrati, in quarta Aphorismorum particula dicenti: Quibuscumque accessiones fiunt, quacumque hora febris dimiserit, si eadem cras occupauerit, iudicium habent difficile. Dicit Auerroës: Cum febres ordinem seruant, bene terminantur, quia significant calorem naturalem uincere, hic enim ordinem seruat. quæ autem ordine carent, malè finiuntur, aut non facile: quare ad unguem uidetur contrarium Hippocratis sentire. & rectè inquam uolenti suam opinionem tueri necessarium fuit hanc inuenire rationem: concedendo quod febris quæ ordinem retinet, & eadem inuadit hora, facile finiatur: nam materia à calore naturali regitur. Sed & sensus est concors: febres enim quæ nullum certum habent circuitum longissimo tempore durant. Hac inquam Hac, Illac, Istac, ut mos est, nulla certa ratione circunferuntur. Famam quærentibus Auerroës ac Gentile, Galeno autem ueram causam haud explicante. Nam de Auerroës opinione quid prorsus curandum, qui non ausus est in tam ardua difficultate modum explicare: sed forsan in expositione libri illius hoc dixit. At Gentilis nihil dixit: reducere enim ad proprietatem omnia facile cuique est: & hoc non est quæstionem declarare, sed effugere: sic enim cuilibet licet quidlibet quæsitum dissoluere. Accedit, quod (ut aliàs docuimus) proprietas non inest, nisi rebus perfectis, & animatis: sed humores non sunt perfecti, nec animati: quomodo igitur poterunt

runt habere certum motum à proprietate? Rursus non daretur febris ultra quartanam, datur autem quintana, & aliæ circuituum rariorum, inter quas Gentilis affirmat se uidisse aliquam febrem habentem circuitum singulo die XIII. reuertentem, & ad hoc etiam adducit auctoritatem Rasis ex XVI. Continentis. Nec daretur tertiana à pituita, quod tamen Auicenna concedit in loco adducto, apparetq; hic circuitus etiā in corporibus sanis si ab humore penderet. Ad hæc respondet ipse Gentilis, nam aduersus se hæc argumenta adducit, quòd proprietates non sunt æquæ ipsis formis humorum, sed solum cum conditione quantitatis & magnitudinis, quibus uariatis melancholia potest facere quintanam, & pituita crassa quartanam. Sed non respondet duobus argumentis ab initio à nobis adductis. Et etiam quia nos querimus proprietates singulares, & non adeò generales: uelut, quòd ignis sursum, & terra deorsum moueatur: nam hæ proprietates rationem omnem naturalem tollerent. Sed, ut habetur à Galeno in libro primo de Elementis, humores in animalibus habent rationem elementorum, igitur motus eorum non sunt tribuendi proprietati. A uerois etiam opinio defendi non potest, quoniam præter id quòd est incerta, faceret ut declinationis accessiones essent celeriores, hoc autem contra experimentum & Galeni sententiam. Nec in doloribus uidetur posse causam circuitus reddere, cum ibi non sit principium ex putredine & naturali calore. Quinetiam absq; putredine, & in sanis, hi circuitus experimento comperiuntur. Et quanquam hæc argumenta non ostendant Auerois opinionem falsam esse, illa tamen nec clara est, nec rationem habet, cum à calore naturali sumat initium. Sed nec bene dicunt, qui Galenum propriam causam prætermisisse aiunt, generalem tantum apposuisse, cum hoc longa serie uerborum pertractet, & in loco qui huic quæstioni propius erat. Hoc igitur Galenus sentit, in iecore mala bilis generatur, hæc uis generandi ab initio usq; ad finem dierum XIII. permanet, gratia exempli. hoc toto tempore iecur à bilis generatione haud unquam cessat, non tamen accessionem facit singulis diebus, quia non tanta potest in una die gigni quæ naturam grauet, quare secunda dies expectatur à natura, donec coaceruata multitudo accedente prauitate naturam uexans expellere illam cogat. In sanguine hæc semper adest multitudo, in pituita fermè, nam post sanguinem nihil est de quo plus gignatur, quam de pituita, post de flaua bile, ultimò cum minimum de melancholia generetur, rariores etiam ab hoc humore fiunt accessiones. Sed hæc opinio potius est rhetorica quam naturalis: meliusq; conuenit Oratoribus, quam Medicis, habet enim probabilem causam, non tamen ueram. Primum illud præsupponit, materiam morborum per singulos dies generari: quod & absurdum est, & uel ipso teste etiam falsum: cum enim de cibo febrientium ageret, inquit: Quicquid non concoquitur ex cibo non solum non

Quæst. 14. de
Febre.

1. de Crisi. ca.
3. in princip.

11. Artis cura.
ca. 15. in fine.
11. Artis cura.
cap. ult.

tra. 4. quæst. 5.

Par. 3. Com. 2.

prima quarti,
tra. 2. quæst. 2.
In expositione
52. Aphori.
5. par.

nutrit, sed etiam febres accendit. Absurdum uerò, quia nil edente homine cessaret à prima die febris: quod tamen & ipse negat, & experimento contrarium est. Et etiam in omni febre esset mala intemperies calida & sicca iecinoris, si à bile oriatur: cum tamen haud ita sit ab initio, sed quæ habetur potius contrahitur ab ipsa febre dum permanet. Et etiam talis mala temperies certis finiretur: quod tamen in aliis generibus malæ temperiei falsum plerumque esse uidemus. Et cum bilis sit molestior pituita, quanquam paucior, celerius expelleretur, & frequentiores faceret accessiones. Quid tandem? non ne uidemus abundante bile non continuam, sed potius duas fieri tertianas, quoniam naturæ humoris continuas febrem fouendi repugnat. Declarauimus etiam in primo libro, quoniam pacto humores sunt in potentia in sanguine, & cum ad actum reducuntur expelluntur à natura si ualida sit, & fit febris interpolata. Difficile etiam est seruare motum accessions tertiani in continua & quartani, quem ego non semel uidi. Et etiam quomodo in duabus tertianis accessiones accessionibus per tertium conueniant, non autem illius febris quæ proximo inuasit die. In febre etiam ex pituita, dum inclinatur morbus in extremis diebus, accessiones ad tertium diem extendi deberent, materia pauca & parum uirtutem urgente, ut quæ modum quandam coctionis acceperit: sed hoc contingit minimè, itaque difficillimum est Galeni opinionem tueri. Quinimo & ipse in commentario primi Epidemiorum, uolens reddere rationem, quod quintana, aut septimana febris non inuenitur, dixit: Quoniam nulli humores tales habent circuitus: oportebat autem adesse si paucitas materiæ & crassities ad constituendum circuitum sufficiunt. Hugo Senensis & alii hanc mouent quæstionem: in qua præter longitudinem cum Fuchio dicere nolim, cæcos à cæcis legi: dicam tamen, plerumque illos absque utilitate multa uerba profudisse. Nihil tamen oberit in tanta bene scribentiū in Medica arte autorum inopia illos ad ordinem, ad subtilitatē, ad claritatem, ad iudiciū denique imitandum legisse. Hoc enim omnibus anteponeūdi sunt, qui nūc fermè scribūt, quod res ipsas primò, deinde autorū placita inspicūt. At hi qui se adeò Galenicos profitētur, cum Galeno errare uolunt, bene autem sentire cum illo non plerumque illis concessum est. Nostis temporibus nihil deest, si uolumus illi sibi deesse nihil uoluerunt. Quamobrem ne quis me culpet, quod prolixior in enarrandis rationibus Gentilis fuerim, quas ut negligam adduci non possum. Causa tamen circuitus uera est cum tamen liceat, sed quorsum uolenti Galenum tueri, quod uelut in primis elementis Aristoteles locum inuenit habita comparatione extremorum, & numerum ex qualitatū mixtione, sic ex numero humorum & numero circuituum sibi æqualibus coniectari facile cuilibet licet, quod singulis humoribus singuli conueniunt circuitus.

tus. Nam sanguini continuus, pituitæ quotidianus, bili flauæ tertianus, melancholiæ quartanus: nec ullus præter hos (uel Galeno, ut diximus, teste) circuitus inuentus est. Fuerint sanè quintanæ, quartadecimanæ, atque aliæ: non ne etiam monstra sunt, & infantes bicipites: atq; hi rariores haud sunt illis febribus: plures enim bicipites infantes uidi, & trioculos, quàm perseuerâtes quintanas, aut alias rarioris accessions, quàm quartana sit, febres: & quilibet sic experietur, modò ne tres casu aduenientes pari interuallo, aut quatuor ephemeris pro una computet febre. Quare iam constet tibi, nullos esse præter hos quatuor, quos dixi, circuitus: scilicet, perennem, & singulo die, & tertianum, atq; quartanum. Quibus accedit ratio sanè manifestissima: namq; cum sanguis calidus sit, & humidus, continuam facièt febrem, cum utraq; qualitas putredini astipuletur. Rursus pituita singulo die cômouet febrem, nam frigiditas celerius à calore uincitur, quàm siccitas humida euadat, uel ipso Galeno teste: atque ideo bilis diem saltem integram ad putredinem requirit. Atra bilis autem, & melancholia, cum utraq; qualitate putredini resistent, non nisi quarto die, id est duobus interiectis diebus integris putrescere possunt.

7. artis cur.
cap. 5.

Hæc est sanè totius negotii ratio: nunc obiecta diluenda sunt. Primum obstat, quod etiam absque putredine mouentur humores per circuitus: quare ad proprietatem erit confugiendum. Respondeo: Motus ille non fit nisi cum humor ad actum ex potentia reducitur: ea deductio est uia quædam ad corruptionem: purum autem sanguinem per circuitus confluere, est penitus impossibile. Si quis rursus dicat, quòd tali existente causâ circuitus, in declinatione non deberet esse tardior: Respondeo: Quòd est tardior accessio, quia motus habet initium à materia, non à natura: materia cum sit paucior, serius obit munus: factò tamen principio à natura uniuersali, adiuuatur & perficitur à singulari. Quòd si dicas, ex quarta Aphorismorum debere inuasionem firmam ordinem naturæ & breuitatem morbi prænuntiare: Dico, quòd Galenus ibi manifestè à ueritate coactus confitetur, motum fieri à natura uniuersali, tanquam ab initio: sed iuuari post modum à calore naturali: quare non solum iniuste ab Auerroë accusatur, sed non rectè interpretatur illum. Eadem ratione licet respondere his, qui dicunt, quomodo fit accessio in continuis: nam fit, quia humor ille in tanto tempore non minore calorem putrefacientem suscipit. Eodem modo ratio manifesta est, cur dixerit Auicenna, Epialam transire in tertianam & quartanam: condensata enim materia & iusto frigidiore quàm in pituita, tardè putrescit, rarumque efficit circuitum. Et ideo bene dixit Auicenna, quòd humores proprios habent circuitus. Cum autem dixit, multitudinem & uim membri esse in causâ, secutus est Galenum, qui de circuitu non firmo,

aphor. 30.

ut Rabi moy.
par. 10.

Q sed

1. de uictu in
acutis. cō. 42.

sed contingente loquitur. Quin etiam ipse Galenus hoc testatur, se diuersa in libris suis perſæpe ſcripiſſe ex occasione. Vel dicas, quòd ibi loquitur ſolum de circuitu continuarum: aut quod uerius eſt, humorem conſiderare tantum ex naturæ ſuæ ratione, non ut putredini obnoxius eſt. Sed ſi uera fateri uolumus, cauſam generalem omni humori conatus eſt inuenire communem, tanquam quod in dolore inſluit putridum non ſit: & tamen quod ſponte fluit putridum eſt: quod autem ui doloris trahitur ſola, haud putre eſt, ſed nec circuitum ſeruat.

11. artis cur.
cap. 15.

Quorſum autem hæc dubitatio? dicit aliquis. Ha quantum refert ad contemplationem ſcire rerum cauſas, etiam ſi nulla eſſet utilitas! Nunc autem quod & in aliis pro exemplo afferamus cauſæ huius cognitionis utilitatem, imò neceſſitatem. Nam ſi de nouo materia generaretur, inedia eſſet medela morborum. Si, quod exiſtimant, uenarum affectus cauſa eſt reditus, ſummè frigida tertianæ acceſſionem ex toto prohiberent. Si proprietas, nullum eſſet auxilium, uel quod aduerſaretur ei proprietati ſolum. Si autem putredo ipſa, & tranſitus ex humore in potentia ad humorem actu exiſtente, auxilium erit ſectio uenæ, quod & ipſe Galenus adhibet: unde huius opinionis ſaltem fuit, cū ætate prouecta ſcriberet artem curatiuam. Et nos quoties curauimus tertianam, ſola uenæ ſectio. Clarum eſt autem, hanc ſolam opinionem auxilium afferre ad curationem, quare ſola utilis exiſtit, etiam ſi uera non eſſet. Sed ſi quis dicat, cur igitur quartanæ parum conuenit uenæ ſectio? & cur ante acceſſionem granatorum uinum ebibitum plerunque liberat à tertiana? Reſpondeo: Nigra bilis cū iuxta ſplenem fuerit non educitur: grauitas enim prohibet ne aſcendat, ne egrediatur: præparatio etiam frigida eſt, ſectio uenæ ſemper calorem per ſe naturalem minuit, unde etiam ſi liberetur à febre, tranſibit in ſcirrhum uiſceris alicuius. Vinum autem granatorum prohibet quandoque (neque hoc enim ſemper facit) ut humor potentia in humorem actu non tranſeat. Itaque etſi haud me lateat quàm conſtanter Galenus in prima perſiſterit opinione, dum Platonem oſtauo de Placitis reprehendit: dicam tamen cum Ariſtotele uulgatum illud in Ethicis, Amicus Socrates, amicus etiam Plato, ſed tamen magis ueritas amica nobis eſt: atque utinam hac in cauſa ipſum non cogeret Galenum relinquere: uerum in tam euidenti cauſa potius retrahendus eſt ipſe ad noſtram ſententiam, quandoquidem etiam quamplurimum ad rem medicam hoc interſit, quàm illius gratia relinquere ueritatem. Sed cū demonſtratio ipſa uerorum, etiam cauſam oſtendat eorum quæ circa illa contingunt, pulchrè fecerimus, ſi cur morbi aliqui acceſſiones longas, aliqui breues habeant, edocuerimus. Quomodo etiam morbi ipſi longi atque breues euadant, ac ruriſ cur

miſc

fol. 5.

lib. 1. cap. 5. in
princip.

misceantur continuæ interpolatis. Nam haud dubium est, cum materia ipsa, quæ expellitur, crassa est ac multa, quanquam non sicca, nec euidenter frigida erit, ut cum frequentibus accessionibus, ut tempora accessionum etiam sint diuturna. Et si accessiones raræ sint, materia autem multa, crassaque, erunt accessiones ipsæ longæ. Ac idem in aliis iudicium est: nam cum pituita parum frigida, ac tenuis, paucaque putret, singulo die leues & breues erunt accessiones. Sed serius augmenti accessiones fieri deberent, nam pars quæ tunc accenditur crassior est, longior enim accessio, atque ob id materia crassior, & abundantior: serius igitur aduenire deberet. Hoc uerum est, quod materia crassior est, atque abundantior. Sed & hoc bene Galenus dixit atque ad id tantum respexisse uidetur: nam multitudine sua naturam magis stimulat: initium enim, ut dixi, motus in interpolatis à materia est: perfectio autem illius à natura. Putrescit autem celerius, non quia ab initio subtilior, sed quia per calorem præcedentis accessionis ad putredinem magis parata est. Sed declinationis accessio est tardior, licet præparatio caloris in statu iam præcesserit, quoniam initium motus est à materia, quæ pauca cum sit, non potest celeriter moueri, nam illius subtiliores partes antequam putrescant, calor naturalis resoluit, unde tardatur accessio. Indebili autem uirtute ob hoc accidit, ut declinationis accessiones anticipent. En uides, quantum intersit uerum iecisse in unaquaque re fundamentum. Rursus, ut ad rem reuertar, cum materia quæ putrescit multa fuerit, & quæ parata est putredini etiam multa, erunt cum longis accessionibus morbi etiam longi. Sed si pauca est quæ parata est putredini, multa autem quæ putrescit, ut in tertianis quandoque accidit nothis, erunt accessiones longæ, ac morbus breuis. Vidimus & in quartanis è diuerso cum breuissimis accessionibus longissimos morbos. Palam autem, quod ex multa materia putredini parata pauca putrescebat. Quomodo autem interpolatæ inter se, aut cum continuis misceantur, nunc accipe: Continua febris sedem & ipsa habet propriam, atque eam in maioribus uenis: cum enim in paruis materia coaceruatur, fieri non potest, quin parte illius eiecta non sequatur typus, horror, rigor, uel frigus. Age igitur, materia in caua iecoris parte putredini obnoxia contineatur biliosa, & in paruis uenis quæ à caua descendunt melancholica, tunc fiet continua tertiana & quartana interpolata: similiter si pars bilis in uenis paruis iecoris dextris, alia in sinistris contineatur, quæ eodem tempore non putrescant, quia non sunt continuæ, duæ confurgent tertianæ interpolatæ: atque eodem modo in aliis. Mixtio autem ea quæ fit continuæ cum interpolata, difficilis est, iuxta Galeni sententiam. Sed forsan dubitabit aliquis, quoniam si frigidior materia tardius putrescit, quoniam

2. de crisi. c. 7.

pacto non ex pituita uelut ex bile fiat tertiana. Equidem non facile est intra uenas adeo frigidum humorem generari ac manere, sed qui fit pituita est, siccitas autem bili naturalis est: qui igitur humor est frigidissimus, præter naturam est, atque ideo rarissimus, ob hoc tertianæ rari à pituita fiunt: fiunt autem in iuuenibus nunquam fermè, in senibus frequentius, non solum quòd frigidum humorem hi soli possint coacervare: sed quoniam cum ad summum frigiditatis non peruenerit hic humor, tardè tamen putrescit ob caloris innati imbecillitatem. Constat enim hyeme tardius putrescere carnes à calore interno, ob exterioris frigoris impedimentum. Aliud enim est agere, aliud non prohibere. Itaque febres hæ, cum ob frigiditatem materiæ crassitiem etiam illius habeant, liquet longas habere accessiones, adeò ut in tertium diem proferantur, atque sic secunda accessio ante primæ finem superuenit. Quo fit, ut tales febres ab aliquibus continuæ ob paruitatem frigoris, ab aliis tertianæ ob circuitum, ab aliis hæmitritei iudicentur: quoniam non finiuntur, & tamen unam habent tantum accessionem in tribus diebus. Quidam uerò notham nolunt esse tertianam producentes accessionem ultra modum. Qui uerò semitertianam appellant, cōtinuam ac tertianam iungentes, non possunt tantæ paruitatis reddere rationem. Medici igitur ad conspirationes intenti, ad maledicendum adeò sagaces, moribusque aulicorum ornati hoc mirantur, nec tamen coarguere sciunt, nemine apparente qui ex febre in manibus meis mortuus fuerit, nisi illo puero, qui tamen ex uermibus potius perierit, quorum maximam manifestè congefferat copiam, quòd dixerim neminem febre in nostris manibus perire, cum magna curationis pars ex hoc capite pendeat. Sed non apertius hic locuti sumus, quia solis eruditis ac ueritatis studiosis scribitur hic liber: neque tamen quicquam deest ad dignoscendum febrium genera omnia, & materias à quibus proueniunt, tamen etiam uirtutis robur. Constat enim primis qualitatibus circuitus distingui, magnitudinem autem accessionis & morbi ac diurnitatem ex multitudine ac crassitie humorum pendere. Igitur ut ad rem reuertar, tales febres quæ tertianæ sunt à pituita frigida calidis indigent ac incidentibus. Et ut unum exemplum dicam, apparuit in Marco Antonio Cagnolo ærarii præfecto: ad quem cum essem superuocatus duobus medicis aliis fastu plenis, literis uacuis, non sum ausus hoc in medium proferre, cum uiderem his etiam, quæ palam scripta sunt ab antiquis, illos minime acquiescere: solum enim illud studio quærebant, ne illi placerem, non ut æger sanaretur: atque ea de causa cum nondum essem in collegium ascitus frigide fatis rem gessi, ne magis crabrones irritarem. Videant igitur qui præsumunt, quan-

tam

tam communi utilitati ansam eripiant, cum non ex operibus, aut disputationibus, sed ex uerbis inefficacibus homines æstimant. Sed nihil aliud, ut reor, in causa est, præterquam quod ubi fures sunt, oporteat esse carnifices, euasit tamen ille succedente Vere post tres menses naturæ beneficio morbum, quem tam diu protraxerat artificum maleficio. Distinctè igitur de hoc propter rudes in nostra methodo medica scripsimus: utq; hic nemo longam explicationem expectare debet, sic nec illic rationem ullam eorum quæ dicuntur: in secunda enim æditione methodi quicquid in aliis operibus à me conscriptum erat, quod ad exercitationem pertineret, ordine collegi, additis præcipuis ad unamquamq; morbi speciem per tempora auxiliis: itaq; de illis ibi scripsi. Nunc autem typum à materia potius, quam natura fieri ostendit Hippocr. cum dixit: Si rigor incidat febre non deficiente, ægro iam debili existente, lethale est. Dicebat autem Galenus, quod si frequenter incidat, quod tunc mortis est signum. Quomodo autem potest frequenter incidere, si iam debilis est uirtus, nisi materia ipsa seipsam prius impellat, & naturam proritet? Neque enim rigor fieri potest, ut Galenus docebat, nisi materia ex uenis supra nervos expandatur. Quo fit, ut nec à uirtute debili frequenter, nec ab illa solum contingere possit. Ex his patet, Conciliatorem non rectè omnes causas, quæ sunt circuituum naturalium febrium ac phlegmonum, tum quæ celeritatem aduentus tarditatem uel efficiunt, aut accessionum longitudinem ac breuitatem in unum miscuisse: sed secutus uidetur Ha. liabbatem, qui ferme eas confundit: sed malè quidem, iudicio meo: nam cum grauem uirum, qualis est Galenus, in medicina deferere in animo est, non nisi uel ob alterius in ea facultate uiri non minoris autoritatis sententiam, ut cum Auerroës pro Aristotele, uel ob sensum, ut Vesalius, uel cum ratio ualida illud nos docet, in causa quæ magnam utilitatem hominibus asferre possit.

4. Aphor. 46.

lib. de Tremore
re lectiga. c. 7.8. Theor. ca. 4
iuxta med.

CONTRADICTIONE XIII.

In morborum initijs an possint apparere signa coctionis.

INter omnes tertianas ea simplicissima est, quæ cum omnia exquisitæ tertianæ signa habuerit, in urinis etiam subsidentia & leuem & æqualem statim in primo die fecerit, inquit Galenus. Alibi autem dixerat, Hoc autem initii manifestius est indicium, cum urina solam albam nebulam, aut suspensionem æqualem, continuam, atq; albam habuerit, & quidè rubens nebula, aut subsidentia: & sine subsidia bene colorata urina & crassitudine mediocris, principii finè manifestat. Rursus etiam ibi: Quod si aliquod manifestum inspicatur coctionis signum, quicquid temporis interiacet principium est egritudinis. Et iterum Hippocrates: Urina

2. de Crisi, ca.
3. in fine.1. de Crisi, ca.
17.

lib. 1. text. 2. 6.

Q 3 optima

optima est, si candidum fuerit sedimentum, leueq; & æquale per omne
 tempus, donec morbus iudicetur. Et Galenus in Commento: Vrina enim
 assidue faciens sedimentum quale dixit, securitatem morbi indicat. In his
 omnibus partim uult ab initio in morbis putridis apparere signa conco-
 ctionis perfectæ, in quibusdam haudquaquam perfectæ: quod fit, ut hæc
 inuicem pugnare uideantur: sed longè euidentius cum aliis quæ mox di-
 cemur: nam in libris de Febrium differentiis docuit, signum coctionis ap-
 parere statim ab initio, proprium esse ephemerarum, quamobrem nun-
 quam putridæ conuenire poterit. Et in primo de Crisi dum docet morbi
 tempora distinguere, initium uocat illius cum coctionis signa non appa-
 rent: augmentum, cum imperfectæ: statum, cum exactæ. Vnde tantum
 abest, ut in principio perfectæ coctionis signa apparere possint, cum nec
 in augmento, nec imperfectæ rursus in ipso initio. Solutionem declara-
 bat ad unguem Galenus huius in primo de Crisi, dicens: Etiam si quis
 fulmine ictus intereat, eius morbi tria tempora pertransibit, uerum mo-
 mento initium distabit à statu. At morbi quidam adeò sunt breues, ut il-
 lico ad statum deueniant: & sic coctionis signa non in initio morbi, sed
 statim tamen apparebunt, quia morbus non secundam excedet accessio-
 nem. Eo fit, ut tertiana aliqua sit, quæ urinas ab initio statim habeat con-
 coctas. Cum uerò statim dixit in primo die, non partem diei dixit, sed sta-
 tim ab initio quasi morbi, id autem prima die. Principium igitur si pro
 prima die capiatur, concoctionis signa admittit, sed & pro tempore quo-
 libet breui: si autem pro initio morbi, nequaquam. Sed & initium sym-
 ptomatum coctionis admittit signa: nihil enim prohibet symptomatum
 initium apparere iam aucto morbo. In morbis autem qui non ex putre-
 dine existunt, nihil prohibet apparere ab initio coctionis signa, quando-
 quidem nihil est quod concoquatur. Sed Galenus dicit proprium hoc
 esse diurnarum febrium. Rectè, inquam: nam ibi loquitur de febribus,
 quæ ab initio febres uidentur: hæctica autem uel ab initio non fit, aut si
 fiat, febris esse non uidetur. Sed dicet quispiam, etiam diurna & hæcti-
 ca sunt à putredine, aliter caliditas iecoris hæctica esset. Respondeo ad
 hoc aliàs in generali: nunc sufficit dixisse, quoniam non concoquitur ca-
 lor ille, nec materia calori subiecta: sed ut in humoribus initium putre-
 dinis restauratur, non per concoctionem, sublata putredine, sic etiam hæ-
 ctica & diurna. Solet fieri argumentum, morbi materia existente à corde
 procul quamuis concocta leuissima fient symptomata ac qualia per mor-
 bi initia, dum materia cordi proxima est, igitur sub initio prioris morbi,
 cum primum febris & symptomata apparent, uidebuntur coctionis si-
 gna. Rursus etiam in phlegmone suppurato in extremis corporis absq;
 febre, si recurat materia uersus cor, erunt in initio illius morbi perfectæ
 coct

lib. i. c. 7.

cap. 3.

cap. 17.

coctionis signa materiæ quæ febrem facit. Et in Anaxione laborāte morbo laterali initium recidivæ fuit cum signis concoctionis tam urinæ, quam sputi, ut in tertio Epidemiorum habetur. Sed, ut dixi, hoc non fuit morbi initium: supra enim ostensum est, quod tempus remissionis & quietis in morbo, cui successura est declinatio, nequaquam dici debet tempus in quo homo sanus sit. In phlegmone suppurato erit initium morbi, sed cum cruditatis signis: & de hoc diximus, ubi de sedimenti causis locuti sumus. Cum enim materia putrida est & cōcocta, non potest moveri uersus cor, quia est in potestate naturæ. Ad illud, de phlegmone in corporis extremo, respondeo, quod eadem fermè erant symptomata, sed in remoto facili morbi & consistentis, in propinquo cordi difficilis & incipientis: & ideo dum materia putrescit in phlegmone remoto à corde, uidebuntur signa iam materiæ concoctæ, si præsupponamus cor illi communicare iam consistente morbo, non in initio. Si autem loquamur de diurna febre illi succedente, non sumus in casu, cum de putrida sit sermo. Quod si quis dicat, Morbo in quantitate peccante, concoctio ab initio apparet. Respondeo, quod febris esse non potest à materia, sola quantitate peccante, sed oportet ut sit calidior, quam naturaliter sit. Et ideo argumenta hæc Iacobi etsi laboriosa sunt, haud tamen ualde utilia ad doctrinam, cum quædam imaginatione tantum uerisimilia præsupponant. Illud solum difficile uidetur in uerbis Galeni, quod modò nullam initio, modò remissam tribuit coctionem, modò talem fini initii. Sed Galenus ubi nullam initio adscribit coctionem, de illius maxima parte loquitur: nam solus finis initii, qui augmento iungitur, initium coctionis ostendit. atq; hoc tempus est quasi augmenti initium. In accessionum autem initiis est euidens, non apparere coctionis signum: & tamen materiam naturæ exagitat: quo fit, ut sedimentum, quod & aliàs diximus, non sit pars materiæ peccantis, aliter non esset cruda cum in materiam agat urina. Sed nec in fine, cum eiicitur, perfecta apparet coctionis significatio, ut in fine primæ accessionis tertianæ: quare in uniuersali initio alicuius morbi, quia consistentia est accessionis, concoctio potest apparere, & hoc in interpolatis: aliter sudores primæ accessionis in tertiana essent symptomati.

Sec. 3. text. 30.

Contrad. 11.

Tra& 3. huius
Contrad. 22.

1. de Cri. cap. 3

CONTRADICTION XV.

Lateralis morbus an acutus.

IVxta dictum de Anaxione dubitari solet, quomodo uno existente morbo usq; ad xxxiiii. diem possit esse acutus. Princeps etiam morbum lateralem chronicum, seu diuturnum uocat. Sed Galenus exponens illud Primæ particulæ Aphorismorum, Accessiones uerò & constitutiones

decima tertii,
tra. 4. cap. 1. in
principio.
Aphor. 12. in
principio.

nes

decima tertii,
tract. 5. cap. 3.
iuxta finem.

nes morbi indicabunt acutum eum uocauit. Et rursus contingit alia difficultas, quia Anaxion ex recidiua seruatus est, cum tamen dicat Princeps, Et cum recidiua fit moriuntur. Posset quis effugere ad uerba quæ subsequuntur, cum dixit, Et hoc in calida & pura. Et hæc responsio est non uera, quia uerba hæc ad regimen referuntur, de quo dixerat, non ad prædictionem. Nec Gentilis expositio satisfacit, quod intelligatur ut plurimum: hoc enim reuersioni omnis grauis morbi conuenit, redditurq; dictum sine arte, & Principe indignum. Dico igitur, quod hoc intelligi debet de reuersione quæ fit per influxum nouæ materiæ ad locum, & est reuersio non naturalis, sed uitio regiminis contracta. quod indicant uerba antecedentia, nam dixit, obserua regimen exquisitum hoc illud indicans, nam si recidiuent, id est, ex errore moriuntur. Reuersio autem in Anaxione fuit propter residuum materiæ ab initio confluentis. Galenus tertio de Crisi fermè in hanc sententiam dicebat, Quod reuersio morbi post euacuationem est minoris periculi morbo ipso: sine euacuatione autem maioris. Ergo si non est educta materia. periculosa est reuersio: & rursus si educta contingat uitio regiminis ac uictus. Si autem educta magna ex parte materia, nec errore subsequente in uictu morbus reuertatur, necessariò lenior erit, ac sine periculo. Sed quomodo fuit morbus lateralis absq; febre in Anaxione à die xxxi. ad xxvii? Respondeo, Hic morbus non fuit ex genere acutorum, & ideo potuit esse sine febre quandoq;: & causa est, quia in tempore medio interiacente defluxum materiæ, & illius putredinem contigit laborare morbo laterali ratione materiæ, non tamen ratione proprii morbi lateralis, qui febrem includit. Sed quomodo acutus hic morbus potest quandoq; non esse, dicente Principe, Lateralem morbum esse apostema calidum? Respondeo, quod loquitur de exquisita morbi diffinitione. Nam subiicit, quod fit secundum plurimum à bile, uel bilioso sanguine. Sed dices, Igitur facta in membrana distinguente pectus collectione pituitæ putrescentis non erit morbus lateralis exquisitus? Respondeo, quod non: & hoc etiã sensit Gētilis. Sed cum putrescit pituita calefit, putatq; Gentilis tunc debere lateralem morbum uerū dici debere: sed non est, quia uerus morbus lateralis necessario est acutus. Quod si dicas, factus à sanguine pituitoso quomodo erit. Respondeo, acutus: quia sanguis pituitosus ad sanguinem purum etsi comparatus frigidus sit, per se tamen calidus est: & etiam quia intra quartum diem necessariò putrescit, unde morbum acutum gignit. Sed dices, Igitur morbus Anaxionis fuit acutus, & tamen fuit sine febre. Dico, quod fuit acutus conuersius à sanguine pituitoso, & hic potest quandoq; esse absq; febre. Et quamuis uideatur in sexta Aphor. 33. Aphorismorum Galenus sentire, quod à pituita possit fieri morbus lateralis;

decima tertii,
t. 4. ca. 1. in pr.

Aphor. 33.

ralis: hoc tamen solum ad sanguinis discrimina transfert, non ad humorem purum.

CONTRADICTION XVI.

Lateralis morbi signum an ab urina sumendum.

SVpponamus ægrum aliquem à morbo laterali habitum, neque ex-
 puentem aliquid, & urinas quidem mingentem tenues, sed bene co-
 loratas. His uerbis subiunxit, quod si usque ad x i. diem talis perseuera-
 bit, ad x i. usque diem dicetur in principio, unde in laterali morbo etiam
 ab urina coctionis signum accipere oportebit. Simile quidem ferme uide-
 tur quod in prima Aphorismorum scribitur, dum dixit: Meminit non
 solum sputorum, sed & urinarum, & excrementorum alui, & sudorum.
 Sed hæc forsan in uniuersum, non autem in solo laterali morbo. Hic
 etiã pulsus prætermittit, inter signa morbi demonstratiua non adnume-
 rans. Liquet autem quòd & in eodem commento, & in eodem primo de
 Crisi, non ponitur urina, sed solum sputum à quo coctionis signum su-
 mere necesse sit in laterali morbo. Sic & quinto de Locis, Pulsus primò
 inter afsidentia ipsa, deinde etiam inter significatiua lateralis morbi si-
 gna adnumeratur. Et in libro de Constitutione artis medicæ, & alibi sæ-
 pe. Diximus & de hac ipsa re superius aliquid, distinguentes etiam signa
 in genera sex: quemadmodum in commento eiusdem aphorismi. Iudi-
 catoria, quæ & critica: prognostica, quæ salutem aut mortem denun-
 tiant: coctionis significatiua, seu Pathognomica, afsidentia seu distinguen-
 tia morbi genera, & rememoratiua, quorum ibi ut minus necessariorum
 meminit, cum peracta solum doceant. Igitur ut ad rem reuertar, cum mor-
 bus lateralis exquisitus febrem secum necessario coniunctam habeat, cuius
 urina est signum: est autem febris non solum contentæ in phlegmone,
 sed etiam in ambitu illius materiæ putredo, conuenit ut lateralis mor-
 bi signum ab urina sumatur: cum tamen urina non sit illius signum con-
 coctionis, aut pathognomicum, aut afsidens, aut prognosticum. Et ideo
 mala urina super mortem significat in morbo laterali, bona haud signifi-
 cat salutem: dicente Galeno, unum signum ad mortem significandam
 sufficere, ad salutem uniuersa requiri. Pulsus autem prætermittitur dum
 ad uerba Hippocratis attendit: aut dum de his agit signis quæ ad coctio-
 nem, aut prognosticum pertinent: Nam neque pulsus curauit Hippo-
 crates, nec magnum habet in prognostico uel coctione testimonium.

1. de crisi. 18.

com. 12. in
fine.

cap. eodem.

cap. 1. in prin.
in fine.

cap. 15.

contrad. 9.
tract. 2.

2. prognost.
com. 56.

CONTRADICTION XVII.

Calor iuuenis an ualidior in operationibus calore pueri.

R Galenus

314

cap. 3.

cap. 1.

com. 33.

com. 14.

cap. 6.

Galenus in tertio de Symptomatum causis, Iuuenes, inquit, cibos siccis facilius concoquunt pueris, humidos autem æqualiter. Op-
positum autem in sexto de Sanitate tuenda, cum inquit, Duobus exi-
stentibus operationum generibus corporearum, in quibus pueri præci-
pua vim obtinent, & animalium in quibus ea quæ pueris succedit ætas
usque ad declinationem præcellit. Et in secundo Prognosticorum, dum
declaret aquosam urinam ut nullam aliam esse in pueris perniciosam;
sicut in iuuenibus nigram: quod aquosa contraria sit coctioni qua maxi-
me pueri præstant: atque ideo maxime exitialem. Et rursus in prima
Aphorismorum, cum censet plus cibi pueris deberi, hoc idē sentire uide-
tur: ualidior enim calor est qui in singulos dies plus alimenti concoquit.
Eademque sententia illius esse uidetur in quinto de Simplicibus medi-
camentis, dum pueros ad mouere docet uentriculo ob concoctionis im-
becillitatem. Respondet quidam, quod iuuenes non ob caloris magnitu-
dinem siccis cibos melius concoquunt, sed ob similitudinem instrumen-
ti cum eo quod concoquitur. Sed per hoc non habemus quod pueri me-
liores habeant naturales operationes: pueri etiam humidiores melius con-
coquerent non æqualiter si instrumenti similitudo hoc faceret. Respon-
det, quod iuuenes melius retinent cibos humidos, ut quantum decedat
ex similitudine, tantum accedat ex retentionis perfectione: at cum re-
tentio sit uis naturalis, erit ut ualidiores sint uires naturales in iuene,
quàm in puero. Aliter igitur respondet, quod licet concoctio melior sit in
iuene, puer tamen præstat in reliquis operationibus corporeis, ut attra-
ctione, adiunctione, & assimilatione, ideoque plus crescit. Sed hæc respon-
sio minime cōuenit Galeno, tertio enim de Symptomatum causis dixit,
eam uim quæ immutat in pueris esse ualidiorem, reliquarum trium iu-
uenes functionem habere meliorem: in retentione quidem manifestissi-
mo discrimine, in expulsiōe leuiore, in attractione penē leuissimo. Con-
stat itaque hoc totum non solum responsioni contradicere, sed etiam aliis
Galenī autoritatibus, quas suprà adduximus. Nec etiam responsio hæc
his quæ in prognosticis dicuntur satisfacit: cum neget pueris concoctri-
cem esse ualidiorem quàm iuuenibus, ad alias autem naturales uires sub-
terfugiat. Quamobrem ad Græcam lectionem quidam refugiant: habet
autem uersio noua, quod & Græcè ponitur, pueros in uentriculi conco-
ctione iuuenibus præstare: sed illi totam seriem uerborum ab eo initio
τὰ δὲ τῆς ἀναδόσεως, usq; ad illa uerba, γέγοναι δὲ πρὸς, ad uentriculi
referunt operationes, quibus imbecilliores uolunt esse puerum iuene:
at in operationibus iecoris, ac ceterorum membrorū, idem accidere negāt:
puer enim ualidior est iuene. Sed hæc responsio fundamentū fuscipit fal-
sum, ea enim uerba, τὰ δὲ τῆς ἀναδόσεως, ὅργανα τοῖς πασι, εἰ καὶ μὴ
σφόδρα

σφοδρὰ ἰσχυρὰ, ταῦς ἐν ἐγγύειαις ἐσιν, ἀλλ' ἱκανὰ γὰρ καὶ οὐδ' αὐτὰς ἐνδοῦναι: non de uentriculo, sed de uenis intelliguntur: subiicit enim, *Σύμμετρον γὰρ ἡδὴ σκληρότητα ὁ τόνον αἰφλέβες ἔχουσιν, αἱ κατὰ κτλ. καὶ δὲ δυνάμει, &c.* & ideo etiam ad iecur referri maxime ea oporteret, non ad uentriculum: nec ulla uidetur ratio, ob quam melius iuuenis concoquat, uentriculo eo præter modum ampliore facto, calore autem nequaquam aucto. Deterruiorem etiam uel sic retentricem facultatem fatetur in pueris unde quaque, quod à uerbis Galeni in sexto de Tuenda sanitate alienum est: propterea dicam cum Poëta:

Πολλοὶ τοὶ νεογενεῖς παῖδες δὲ τε βέλχονται.

Responsio igitur in tribus constat: in celeritate operationis, in perfectione, & in comparatione ad proportionatum alimentum. Itaque quo ad proportionatum pro propria magnitudine alimentum pueri in omnibus præstant iuuenibus tam celeritate quàm perfectione, ni forsan casu ob nimiam humidam substantiam non adeo bene contineant quod crassum est, & corpulentum: nam quod ad bene comminuta attinet, ut in secunda & tertia concoctione pueri præstant etiam iuuenibus: si uero ad proportionatum cibum pro usu ac necessitate cõparentur, cum is sit longe maior quàm in iuuenibus proportionem ad molem corporis habita, tunc perfectiores etiã habent pueri operationes iuuenibus, nutrimentum melius iuuenibus restaurant, quia simile ei quod habent: quod autem habent longe melius est eo quod in iuuenibus inuenitur: in celeritate tamẽ à iuuenibus in siccis longe superantur: in humidis sunt æquales: eò enim uincuntur mole cibi à iuuenibus, qui parem corporis rationi suscipiunt quantitatem, quo illos superant, quod calor in iuuenibus etiam ad animæ operationes magis distribuitur: atq; sic in tertio de Symptomatum causis locutus est. A parte enim in primis uerbis hoc fatetur.

CONTRADICTION XVIII.

Calor naturalis & febrilis an unus.

Febbris est affectus calidus & siccus: est enim conuersione naturæ caliditatis in igneam, inquit Galenus. Ex qua sententia clare habetur, quod calor naturalis sit febrilis: nec superfluit duo calores in febre: & adducitur fundamentum pro hoc, nam aliter duo accidentia, id est, duo calores, solo numero differentia, in eodem subiecto simul inuenirentur. Et non esset febris rarior senibus, ut nec morbi alii frigidi. nam calor debilis illorum si alius est ab eo qui in febre accenditur, minus resistet quàm in iuueni ipsi febre: erit igitur frequentior febris in senibus, quàm iuuenibus. Cuius tamen oppositum scribitur prima Aphorismorum. Et Galenus extrema Hippocratis uerba interpretaturus inquit, Cum febris fiat

aphor. com. 16.

aphor. 14.

conuerso calore natiuo in igneum, uix fieri potest, ut exiguus calor. qualis in senibus adest, in immensum illum acutæ febris transeat. Quod si transeat, signum est à uehementi causa hanc tantam permutationem esse factam, atque ob id etiam signum perniciosum. Hæc ratio supposito duplici calore nihil planè concluderet. In libello etiam de Morborum differentiis, multiplex quasi ad hoc adducitur ratio: Nam; uidemus, inquit, quod ex ira & exercitatione calor accenditur naturalis, hæc eadem si sæuiant, magis febrem accendunt. Cum igitur nemo in ira dicat alium accessisse calorem nouum, sed cum qui iam naturalis fuerat, animi affectu talem redditum, conuenit ut & in febre idem accidat. Præterea à frigido febris accenditur, nulla aut causa alia calida existente: oportet igitur non secus accidere quàm in prunis cum mediocriter suffocantur, ut scilicet calor ipsemet accendatur & immutetur. Quam etiam sententiam declarauit in libello de Usu respirationis. Accedit ex priore loco aliud argumentum, quod cibi acres atque acuti, & dolores etiam febres accendunt, cum nouum tamen calorem minime inducant, sed solum naturalem diuercent. Et rursus in phlegmonibus pars putrida calore unico continetur, inde paulatim progreditur calor in uicinas partes: cum autem ad cor peruenerit obfuderitque innatum calorem, sic ut accendatur, quemadmodum in patiente particula febris fit: itaque ut unus in phlegmone calor, ita etiam in febre quæ ex illo accenditur. Itaque concludit, ut promptissime quodlibet corpus paratum est calori, ita in eo facillime febris accenditur. Utque calor ipse innatus magnus extiterit ac in materia calida, sicca, atque leui, ita obnoxius est quisque magis febris.

cap. 3. Sic & in primo de Febrium differentiis dixit, Calorem qui causa est febris alium esse uel propter putredinem, uel motum, atque alia. Quod si alius calor febris esse potest, non utique calor qui ex putredine oritur causa febris erit, sed ipsa febris: inquit enim: Oportet augeri calorem ipsum ut febris fiat. Potest autem augeri motu, uel putredine, uel adhæensione alterius caloris: quo fit, ut non nisi calor naturalis immutatus febris dici possit. Et rursus declarans quomodo ex pororum stipitatione febris fiat, inquit: Calor naturalis perfrigerari nequit: atque ob id febris ipsa accenditur si uapor acris ac mordax extiterit. Sed tamen in oppositum multa deduci solent, ac primò ex eiusdem loci initio, cum dixit, quod febris est una intemperies, cum in corde quædam caliditas præter naturam generatur. Liqueat enim quod si solū quod præter naturam est febris est, calor naturalis immutatus in igneum febris dici non debet: non enim totus, sed ex parte tantū non naturalis est: aliter febriētes neque concoquerent, neque respirarent, nec membra seruant, nec deniq;

nig; uiuerent. Accedit quod in illo capite dixit, si fuliginosa euaporatio acris non sit, & mordax, febris non gignitur, & tamen calor naturalis accenditur etiam in his. Et rursus quilibet febriens triplice genere febris laboraret: nam si calor naturalis in febriente immutatus est, cum ille unus sit, erit & qui in solidis, & qui in humoribus igneus, ac deniq; simul hecticus, & ephemera, & putrida laborans. Gentilis etiam hoc utitur argumento, quod in his qui febre per circuitus laborant, perfrigerantur in declinationibus cordis regiones, & uentris magis quam extrema, eo quod caliditas non naturalis uehementius ibi ab innata oppugnatur ac extruditur ad extrema, ubi propter innati caloris imbecillitatem aliquandiu manet. Quod si unus esset calor, profecto necessarium esset celerius extrema refrigerari prae cordiis: cum in extremis minor sit calor naturalis, ac etiam ob id praeternaturalis. Philosophus etiam in Problematibus quaerens, cur medici excessibus utantur? Respondet, quoniam morbi in excessu constant contrariaq; contrariis curantur. Itaq; febris apud Philosophum erit superaueta solum caliditas, aliter quicquid comederet febriens corruptioni obnoxium esset, nec esset à quo praeternaturalis ille calor corrigeretur. Auerroës etiam in tertio Collectaneorum dixit, Febris est calor compositus ex calore naturali, & extraneo putredinali transmissò à corde per totum corpus: & laedit omnes operationes tam actiuas, quam passiuas. Et subiungit: Et dicimus quod iste calor est ipse calor naturalis permutatus in quantitate & qualitate operandi operationes non naturales, aut in materia non naturali. Sed hæc, ut patet, non est generalis diffinitio febris. At enim dubium non est, quod putrida, quæ in humoribus accendi solet, non conueniat. Auicenna uerò expressius cum febrem diffiniret calorem non naturalem in corde accensum esse dixit. Et pro hac sententia uidentur esse non leues rationes: nam febris suscipit magis & minus, cum in qualitate consistat: igitur dato quod etiam calor naturalis ipse immutaretur, non totus immutatur: quare pars quæ non immutatur, cum naturalis existat, febris dici non potest. Medicus etiam est artifex sensituius intendens secundum Galenum conseruare calorem innatum, & febrem destruere: igitur febrilis calor, quem intendit destruere, non est innatus, sed superacquisitus. Et etiam quia dum frigiditas mala in membro abundat, morbum non uocamus calorem cum frigidityte iunctum, sed ipsam frigiditatem, ipsamq; remouere conamur: igitur superadditus calor, & non naturalis superauetus, febris dici debet. Idem etiam apparet experimento: nam si quis sextum digitum habeat, non iam morbus est in alio, quam in ipso sexto digito, qui superadditus præter naturam est. Esset etiam difficile imaginari duo genera febrium simul eadem hora, ut ponit

Quæst. 4.

Par. 1. Probl. 2.
& 8.

cap. 5.

Prima quarti,
tra 2. 1. cap. 18. Artis curat.
cap. 9.

- cap. 7. Galenus in secundo de Crisi: quomodo enim idem calor naturalis erit sub duabus mensuris: imò sequeretur, quòd idem calor simul augetur ac minueretur, uelut singulis diebus cernimus in augmento continuæ febris tertianam interpolatam declinare. Nec sufficit dicere, quòd remittitur calor, comparatione habita ad unam causam: & accendatur, comparatione habita ad aliam. Et nullum est argumentum ualidius pro Gentili, & miror quòd ipsum non uiderit. Nam si calor intenditur, seu augetur, & febris quæ declinat non est nisi iste calor, igitur febris illa non uerè remittitur, sed tantum causa febris. Et hoc est simile ei quod accidit laboranti febre tertiana continua, qui ponatur hora declinationis in aëre calido, adèd ut non remittatur febris, nec calor ille: & tunc licet causa remittatur, non dicimus morbum remitti: igitur, nec in priore casu. & hoc est totam peruertere medendi artem. Sed & illud sequitur, quòd febricitanti noua febris aduenire nunquam poterit: nam iam calor ille in igneum mutatus est, quomodo igitur erit permutatio caloris innati in igneum, cum iam sit facta mutatio. Et etiam cum remittitur calor naturalis, & moritur homo, iam remittetur morbus, & homo morietur. nam calor ille minor erit naturali: igitur non poterit facere febrem: & sic resolutio morbi mortem pariet. sed hoc solet dici, quòd calor ille est minor, sed habet proprietatem qua à naturali differt. Auerroës enim in secundo de Anima dixit, quòd ignis coniunctus cum quadam uirtute est principium augmenti: & istam uirtutem qualis esset declarauit Galenus: quoniam oportet ut sit humidum in eodem subiecto, & ideo corpora puerorum crescunt minus adolescentium nullo modo senum. Sententia igitur clara est Galeni quòd est tantum unus calor, quoniam medicus artifex sensitiuus, & ipse non percipit nisi unum calorem tangendo, & non duos: igitur non debet ponere nisi unum. Et hoc etiam declarauit primo regiminis
- com. 41. acutorum, cum dixit: Febris ortus est natiui caloris conuersio in igneum: unde Hippocrates febrem magnam ignem uocare solitus est, & in thorace accensa in caput flammam emittit. Et rursus octauo Artis curatiuæ:
- cap. 1. Febris fit, cum adèd calor immodicè augetur, ut operationes lædat. Et in libro Diffinitionum, etsi ille Galeni minimè sit: Febris est innati caloris
- fol. 4. declinatio in statum qui præter naturam est. Et in Introductorio medicorum: Febris est natiui caloris in ardentiorē conuersio, eo quòd intro-
- cap. 13. auersus perspirare prohibeatur. Et rursus in libello de Morborum differentiis: Morbus in ea consistit intemperie, in cuius temperie sanitas posita est. Sed contrà, quia primo Artis curatiuæ febris est calor tantus ut
- cap. 7. operationi noceat: quod etiam dictum est in octauo eiusdem operis libro. Si igitur operationi nocet, igitur cum operatio à calore fiat innato, præsupponit calorem innatum operatione propria fungi, sed illam ab exter-
- no uit

no uitari. Sermo enim proprius esset, si sentiret, unum esse calorem febris & innatum. Febris est mutatio caloris innati tanta, ut prohibeat ne operatio ipsa ab illo perfici possit. Sed uitare actionē, est eius qui illam iam esse præsupponat. Sed hæc sophistica sunt: nihil enim aliud uult Galenus, quam quod operatio perfici nequeat ob intēperiem. Nec est ponēda proprietas alia occulta, ut facit Gentilis, quando constat siccitatē nimiam esse causam corruptionis: quæcunq; autem febris, ut declarabitur, siccitatem continet, comparatione habita ad proprium calorem innatum. Videant igitur qui uolunt negare coniunctam causam in uia Galeni, si febris est calor ille in igneum mutatus, & non calor nouus additus: quid uelint esse calorem illum qui inest materiæ marcescenti. Nam in secundo de Natura humana, & alibi sæpe, ut etiam retulimus hîc, febres aliæ propter putredinem, aliæ ob alias causas: igitur calor ille putridus est causa, & non morbus. Isti autem qui negant causam coniunctam dupliciter peccant: primò, quia calorem putridum faciunt febrem, cū sit causa: constat enim etiam præter Galeni auctoritatem, non posse esse febrem: cū materia existente pauca, & à corde remota, febrem non efficiat. Peccant etiam cū causam tollunt coniunctam quæ est ipsa putredo. Nam cū proculdubio causa sit non morbus, est enim uitians operationem, quia calorem naturalem corrumpit, & non absq; medio, & etiam non est in subiecto proprio sanitatis, id est in membro: igitur rectè inquit Galenus, In putridis calor immoderatus, seu innatus in igneum conuersus est morbus, & causa illius est calor putridus. Non potest autem esse causa antecedens, ut patet: quoniam cū tollitur, tollitur & febris, si de halitu loquamur. Sed non eo modo fit febris, ut declarabo: & sic etiam hoc modo peccant. Quòd si finita putredine remaneat febris, illa tunc carebit causa coniuncta, sed uel erit alterius generis, uel omnino hoc esse non poterit. Ergo qui moritur quantumcunq; remissum, aut, ut melius dicam, paruum habeat calorem, si ex febre moriatur, sicciorem planè habet, atq; acutiorem. Ergo, ut Galeni sententia nobis notior euadat, Calor febrilis est naturalis cū in igneum mutatur. Cū autē calor sit qualitas quædam, sensim acquiritur amittiturq;: & quantum ex propria forma decedit ab illo, tantundem ex ignea qualitate accedit. Quo fit, ut alius alio magis aut minus febrem pati dicatur. In qualibet igitur parte ipsius caloris naturalis iuxta subiecti magnitudinem, & iuxta etiam gradus ignea qualitas induta est: non tamen in qualibet parte substantiæ caloris hæc est: nam sic totus esset exquisitè igneus calor innatus: uelut in aqua omnes partes, cū ad ignem posita calefcit, calore præditæ sunt, omnesq; frigida substantiæ partes caliditatem sentiunt, non tamen in qualibet parte substantiali (ut ita dicam) minimi cuiuslibet calor inest: aliter enim ignis esset,

Contr. 25.

Com. 24.

aut

aut aër non amplius aqua : eo modo si febrem pro noxa accipimus , est qualitas inducta , quæ calorem uitiat : sed si hæc pro calore putrido (gratia exempli) sumatur , non morbus est , sed causa : si uerò pro eo quòd calori accessit naturali , ille morbus est , sed re à naturali calore nullo modo distinguui potest , cum sit unus & idem . At dices : Igitur ex naturali & corrupto sit unum : hoc haud absolum est in imperfectis , sicut etiam de Elementorum forma in mixto iuxta Auerroë . Sic neq; absolum est duo accidentia , solo numero differentia in uia Galeni , esse in eodem subiecto , sed imperfecta utraq; . Sicut igitur in mixto , cui terra prædominatur , cum ex putredine leuius euadit , grauitas suo opere fungitur , sed imperfectè : sic imperfectè concoquit calor febrientis . Et tamen non omnis calor superauctus est febris , sed oportet ut uitiæ proprias functiones . Februm autem diuersitas ex hoc patet , nam qui ephemera laborat , solos habet accensos spiritus , absq; putredine tamen , & tamen tantum , ut operatio uitiæ , non ut in ira , uel cursu . Qui autem putridam habet , calidos etiam spiritus habet : sed quoniam calor ille putridus est , quamuis inflammetur spiritus , quamuis operatio lædatur , non tamen ephemera patitur : deest enim tertia conditio quòd calor ille putredine careat . Ob hoc febrem sanguineam , quæ sine putredine est , ephemera includere necessariò , diximus aliàs : & cur alteram cum altera Galenus confundat . Nam ex ephemera in illam transitur , & illa rursus secum ephemera necessariò coniunctam habet . Sed putrida hectica non includit , in uia Auicennæ causam ostendere facile est , quoniam membra alieno calore solum , non proprio abundantat in hectica proprio . Verum iuxta Galenum dicendum , quòd calor ille non adeò inhæret membro , ut absq; fouente causa putredinis manere possit : at in hectica manet : unde ex quacunq; putrida in hecticam facilis est transitus , cum membra calida & sicca extiterint . Differunt igitur hi calores , non substantia , sed modo inhærendi . Differunt etiam , quia calor hecticæ putredine caret , ut etiam in ephemera dictum est : ob hoc tam facile ex ephemera , & longè facilius in hecticam transitur , quàm ex putrida . Sed rarè id contingit , quòd rarè primam diem ephemera transit , putrida etiam in menses se extendente . Sed hecticus cur putrida non laborat , & ephemera : putrida quidem , quia etsi calorem contrahant humores , non tamen febrem faciunt , nisi calor ille sit putridus : at hecticæ calor , ut dixi , putridus non est . Relinquitur igitur solum dubitatio , cur non quilibet hecticus ephemera laborat ? Nam , ut diximus , unus est calor naturalis , qui in igneum transit totus , quare & qui in spiritibus , & ideo ephemera cum hectica semper aderit : quod & uerum est , unde hectici maximè ab ira nocentur . Et etiam quia calor multiplicatur unde quaq; in circuitu , uelut & lumen , & ideo spiritus & humores calefc

calefcunt à membris, & fic fit ephamera. Et etiam quia cor eft calidum in heftica, igitur & fpiritus calefcunt in eo immoderate. Sed tamen poteft effe, quod modus caloris in membris impediatur nutritionem, & in fpiribus, cum natura calidiores fint, non impediatur operationem, quia calor heftici in membris forfitan eft minor naturali fpiritu: & fic non poterit accendere illos, & erit hefticus etiam in tertia fpecie, nec tamen laborabit ephamera. Et hæc poffet effe alia caufa, cur laborans putrida non neceffario laboret ephamera: quia fpiritus etiam non folùm membris, fed humoribus funt calidiores. Modi igitur, quonam pacto cum totus homo febricitat, nunquam calor innatus accenfus fit in omnibus febribus, nec tamen laboret triplici febris genere, fatis manifefti funt. Qui uerò dicunt, quòd ex fundamento febrilis caloris primò febres diftinguuntur, hoc bene declarant effe tria februm genera: fed non, cur uno liceat laborare abfq̃ reliquis. Cur autem in circuituum remiffionibus febres citius præcordia extremis relinquunt, accidit, quia pars fana & membra præcipuè, partem delent quæ fuperinducta eft, quoniam non manet nifi ex caufa fouente, ideo nihil concludit. Nam, ut diximus, illi duo calores diftincti funt ut elementa in mixto, & contrarii etiam funt inuicem: fed tamen funt unus calor. Nam calor febrilis eft modus quidam, & non accidens nouum inductum, aliter in omni febre effet corruptio fubftantiæ membrorum. Mens igitur Galeni eft, quòd calor putridus fit noua qualitas, hæc agendo modum nouum inducit in calorem naturalem, quo totus fit intensior ac ficcior feipfo naturali, adeo ut impediatur operationes, & tunc uocatur febris. Aristotelis fententia nec eft expreffa de hoc, & poffet dicere caufam, non morbum: cum dixit confiftunt, non funt. Auerrois autoritas eft pro Galeno: nam primo docuit, illos calores effe ratione diftinctos, inde in fubfequentibus uerbis oftendit, re & fubftantiâ nō differre: fed illum naturalem immutatum, effe febrem. Auicennæ diffinitio nō eft ad mentem Galeni: fed fi uis tueri, dic quòd pofuit caufam, quam uocant Barbari Formalem, febris pro febre: nam materia febris eft calor naturalis, & modus ille forma, & totum eft uerè ipfa febris. De parte autem non immutata fi illa diftingueretur fubiecto uel re procederet argumentum. Medicus etiam intendit reducere calorem ad proprium ac priftinum ftatum, & etiam conferuare partē quæ non eft uitiatā: fed, ut dixi, non differt à uitiatā nec loco, nec gradu: ut, fi quis uelit remouere putredinem à carne incipiente putrefcere, non ex hoc fequitur quòd alia pars carnis fit putrida, alia non: fed folùm quòd eft caro ipfa remiffè ac parum putrida: & hoc idem ad unguem in calore febrili ac naturali: nulla enim pars carnis eft in actu pura à putredine, & tamen cum fit parum putrida, hoc unum totum, quod eft caro putrefcens, ad priorem ftatum reducit. De fexto

digito alia est ratio: est enim morbus in numero alterius generis à morbo in temperie. Sed etiam sextus digitus est causa morbi, unum est quod distinguitur à parte sana subiecto & re. Cum uero subiunguntur omnia illa, respondeo, quod quamuis calor sit unus, multos tamen habet modos differentes, & sub diuersis modis est febris alia, & alia: nec illæ febres alter se habet, quam Socrates, Grammaticus, Citharædus, & Medicus: sunt enim unum re inter se hæc, & tamen fiet magis medicus, minus grammaticus, & desinet ex toto esse citharædus: propterea dixi, quod sunt modi caloris naturalis, & non qualitates: nam modi simul plures, esse possunt qualitates, non nisi certo numero ac mensura. Quia in uia Galeni qualitas est elementum, & caliditas est corpus calidum, ut dixi. Cumq; dicis, igitur simul calor poterit augeri ac minui. Respondeo: quod in diuersis febrium generibus diuersos suscipiet modos: in duobus autem omnino similibus erit hæc uarietas in diuersis partibus necessario, quia loci materię putrescentis diuersi.

CONTRADICTION XIX.

Temperatura sicca an ieiunio aprior.

- cap. 3. **G**alenus octauo Artis curatiuæ describens temperaturas quæ difficilius ferunt in ediam, difficillimè calidam & siccam, ab hac calidam & humidam, post quam est calida in humido & sicco temperata, inde sicca in calido & frigido temperata, post temperata in omnibus. Facile autem fert frigida & sicca, facilius frigida & in humido & sicco temperata, hac facilius ut etiā iuuetur. humida quæ calore & frigore uacat, omnium facillimè frigida & humida, ut quæ non solum non patiat ob in ediam, sed etiam manifestissimè iuuetur, iuxta illud Hippocratis: Corporibus carnes humidæ habentibus famem adhibere conuenit: fames enim corpora siccant. Sed huic contradicere uidetur quod scribitur in primo Regiminis acutorum, cum duos statuit homines, quorum alter omnem habeat ferendi ieiunium indicationem, & hunc temperamento sicco constituit: alter omnem indicationem difficulter ieiunium ferendi, & hunc humidum ponit: itaque humida temperatura hic indicabit de difficili tolerantia in prima autoritate de facili, adeo ut etiam utilis inedia iudicetur. Ex priore etiam autoritate uidentur melancholici longè facilius ferre ieiunium, ut qui sint in quinto ordine, sanguineis qui sunt in secundo ordine: & tamen secundo de Temperamentis inquit, Qui exiles sunt, & uenis angustis, minimè in ediam ferre possunt. Constat autem tales esse, qui melancholico sunt temperamento. Auicenna etiam uidetur non statuisse modum generalem in his, cum dixit: Et sunt de hominibus multam carnem habentibus, qui tamen ieiunium ferre non possunt: quasi dicat,
- cap. 4. post princip.
- prima quarti trac. 1. cap. 8.

dicat, ferre ieiunium humidis corporibus plerunque, sed non semper conuenit. Idem uidetur uelle de temperamento bilioso, cum quibusdam ex his solum ieiunium nocere posse affirmet. Et rursus tertia primi dum inquit, Corpora humida naturali humido ueloci resolutioni apta sunt, nec tantum ferunt famis, quantum sicca: nisi in eorum corporibus humidum non naturale, nutritioni tamen aptum, contineatur. Accedit, quod idem uidetur de ætatibus, quod de temperaturis, dicente Hippocrate, Minus ferre eos pueros qui sunt magis uiuaces. Et hanc similitudinem uidetur confirmasse in libro de Victu sanorum, dum inquit: Pueros si cibis siccis alueris, ab incremento prohibebis. Nullam aliã noxam tribuit ei qui ad temperamentum ætatem quemadmodum & temperaturam reducere conetur. Sed rei ueritas est, quod comparatio temperaturarum cum ætatibus non est nisi ratione magnitudinis caloris naturalis, non ratione cæterorum: unde etiam bene dixit Hippocrates, Quemadmodum pueri quod innato calido abundant difficile ferre ieiunium, sic inter illos uiuaciores eo quod abundant & ipsi innato calore: quod clarè Princeps animaduertit in prima quarti, dum de cibo febrientium tractaret, dicens: Et qui uehementem habent calorem naturalem, hi autem pueris assimulantur, & qui ualde debilem, nam hi extremè senibus sunt similes, difficillimè ferunt inediam. Si autem comparentur ætates temperaturis ratione similitudinis in temperamento, longe diuersam habent rationem ob duo: primum, quod omnis intemperies indicat de reductione, uel saltem præseruatione: sed intemperies ætatis si bona fuerit, ut puerorum, & adolescentium, sui conseruationem postulat, propterea dicebat Hippocrates, Victus humidus pueris confert, soli senes reductionem & præseruationem postulant: ut in libello de Regimine, seu uictu sanorũ, Galenus loco adducto declarabat. Alterum in quo differunt est, ratione caloris, qui ætatibus associatur, non autem temperaturis. Si igitur calor similis indicat similem tolerantiam, igitur cum in ætate consimili temperamento sit diuersus, aliam tolerantiam indicabit: ut in iuvene calor est ualidissimus, in calida & sicca temperie imbecillis, ob hoc in iuvene minus ieiunium fertur, & in calida ac sicca temperie melius. Quænam autem sint differentie ferendi, & à quibus sumendæ nunc dicendum est. Aliud est dicere, quod facilius ferant: aliud, quod pauciore cibo indigeant: aliud, quod si peccetur, minus noceantur. Sani enim pluri cibo indigent, & difficilior ægris inediam ferunt: si tamen noceantur, longè maius egri plerunq; sentiunt detrimentum (ut qui ex eo errore in mortem deueniant) quàm sani. Aliud etiam est loqui de præparatione ad febres, aliud de detrimento ieiunio proprio quod est exarescere corpus, ac uires ipsas prosterne. Alii rursus tales sunt corpore toto, alii uentriculo tantum: sed par ratio haberi

doc. 2. cap. 7.
post mediũ.

1. aphor. 13.

com. 8.

1. aphor. 16.

in his debet, ut temperaturę uentriculi temperaturis uentriculi, & corporis totius corporis temperaturis sibi consimilibus conferantur. Circa uerò causas alii comparationem calidi ad humidum quæsiuerunt: nam ubi maior proportio, ibi maior resolutio atq; maius detrimentum: ob id calidi & humidi plus nocetur, quia humidum illorum plus à suo calore, quod subtilius sit, patitur. Alii rationem calidi supra frigidum, atq; ubi maior ratio, ut in bilioso, ibi maius detrimentum. Sed, ut clarum est, Galenus in causa febris, & incendii caloris naturalis, caliditatem primò, ut proniorem ad agendum, inde siccitatem considerat: hoc solum excepto, quòd in calida temperie, cum humido iungitur, nimiam humidi resolutionem ueretur, in cæteris omnibus integram rationem ordinis seruat. Humida igitur corpora, si non calida sint, parum aut nihil patiuntur: iuuantur etiam cum superfluo abundant & bono humido, ut declarabat Princeps: & hæc fuit mens Hippocratis in Aphorismo. Dictum autem Principis de sicca temperie intelligitur in comparatione ad propriam resolutionem, quæ proculdubio minor est, quàm in temperamento humido, non in comparatione ad febrem iam cœptam, de qua Galenus loquitur. Ex hoc tamen non sequitur, ut dixi, biliosus febriens ex inedia maiori subiicitur periculo quàm sanguineus, igitur copiosius nutriendus, cum secus sit: plus enim sanguineo febrienti cibi debetur. Ad id quod dictum est ex secundo de Temperamentis, alia est ratio in comparatione eorum quæ merito substantiæ membrorum contingunt, ubi melius melancholicus sanguineo in ieiunium perferendo est præponendus: alia ratio est merito eius quod utriq; cõtingit. Melancholicus enim parum habens sanguinis & malū hoc illud quicquid habet ægrius fert ieiunium sanguineo in quo plurimū est sanguinis boni. Atque hæc uerior responsio est quàm Conciliatoris, dum hanc difficultatem tractat, nam & in principali parum titubat. Ad illud primi regiminis acutorum, non periculum respicit accõsionis febris, quod singulare est biliosis tantum, & ephemeris, sed proprium respicit tantum resolutionis substantiæ membrorum & uirtutis, in quo sicca intemperies minus afficitur: unde etiam simile fere in regionibus quidam dicunt: nam Arabes, & Armeni, facilius ferunt inediam, ut etiam ad tertium diem usque: Germanis, qui nec unius diei facile. Sed hoc facit consuetudo etiam, & caloris paucitas natiui, ut declaratum est in habitantibus calidas regiones. Dictum itaque Hippocratis ex septima Aphorismorum in immoderato regimine tantum utentibus circumscribatur. Verum ubi detrimentum equale ex ieiunio emerferit, haud dubiè siccior corpore exsistentes maius sentiunt detrimentum, & qui imbecilli sunt calore.

differentia 117

CONTRADICTION XX.

Concoctio an melior fiat in somno.

PRinceps in primo Cantica suæ inquit, Somnus calefacit corporis interiora, ex quo fit melior concoctio cibi, & laudabilior. Et in secundo: Longitudo somni congruit ei, cui cibus concoctus non est, nec non super nauseatiam satietatem. Et quod somnus adiuuet coctiones, aliàs declarauimus. Et rursus secunda primi, Cumq; somnus materiam inuenit aptam concoctioni & murationi, ad sanguinis naturam eam conuertit, & calefacit ipsam, & transit calor per corpus, & calefacit corpus calore naturali. Sed in tertia primi hæc habet. In die dormire malum est, & generat morbos humidos, & descensum humorum, auget splenem, lassat neruos, corrumpit colorem, pigrum efficit, & desiderium debilitat: tumores & febres frequenter inducit. Quomodo igitur hæc contingere possunt, si somnus semper concoquit. Videtur etiam credidisse, quod somnus tertiam coctionem non iuuat, cum dixit: Amplius super uacuitatem dormire, est malum, & uirtutem deiiciens. Gentilis exponebat prius dictum, quia somnus non est consuetus, nec profundus, qui fit in die. Solet dici, quod in consuetis, uel in causa doloris, uel in uentriculi debilitate, uel ad supplementum nocturni somni, licet. Sed Auicenna aliquid plus uult: nam si de superfluo loqueretur, conueniret etiam quandoq; nocturno. Hæc igitur sententia ad diurnum solum extenditur. Si igitur hic somnus nocet, non concoquit, quod sit præter consuetudinem, uel nimis leuis non facit, ut non adiuuet coctiones. Sed uidetur hæc ratio, Qui dormit in die, uel dormit ad supplementum nocturni, uel ultra metam propriam cum nocte bene quieuerit. Siquidem rectè quieuit nocte, incurrit detrimenta somni superflui: ea autem sunt ab illo descripta: si uerò pro supplemento nocturni, cum diurnus sit leuior, & in hora calidiore, in qua non adeò bene cogitur calor ac quiescit, & necessariò interruptus, eo quod pars fit in nocte, & pars in die, & etiam præter consuetudinem: & si hoc non in omnibus, igitur concoctio non perfecta celebratur nec fida, igitur sequentur hæc omnia. hæc est ratio eorum, quæ ab Auicenna scribuntur. unde patet, quod deterius est semper dormire in die, quàm perficere debitam somni quantitatem in nocte. quam Auerroës dixit esse minimam quinq; horarum, maximam nouem, mediocrem septem. Veruntamen ille idem censuit in suis Collectaneis, quod somnus esset necessarius tertiæ coctioni, non solum primis duabus. Conciliator uidetur sentire quod somnus sit necessarius primæ & secundæ coctioni, non autem tertiæ, aliter nullum superesset tempus exercitationi. Respondeo: Somnus utilis est omni coctioni, in tertia tamen si probè administrantur reliquæ duæ non est adeò necessarius, quia utilitas exercitii, & expulsiōis superfluum uincit. Illud mirum de diurno somno, quod Galenus dicebat, Consuetudinem plus posse, quàm naturam.

Text. 136.
tex. 39.

tract. 1.
contr. 18.
doc. 2. cap. 13.

doc. 2. cap. 9.

lib. 2. cap. 21. iuxta medium.

Different. 121.

2. Prognost. com. 11.

CONTRADICTION XXI.

*Superflua an melius per somnum expellantur.*Secunda pri-
mi, doc. 2. cap.

13.

cap. 3.
ca. 2. iuxta fin.

com. ultimo.

cap. 9.

4. Par. Aph. 41

de Causis,
Sympto. c. 8.
ca. 5. iuxta fin.

Somnus omnes ualidas retinet euacuaciones, inquit Princeps: & subdit sententiam hanc, quamuis ancipitem, ex mala translatione, Vigilia melius expellit omnia ad superficiem corporis quàm somnus, licet in somno magis abundet sudor propter distributionem alimenti. Et uidetur sumpta à Galeno autoritas, cum dixit in duodecimo Artis curatiuæ, Somnus concoquit, & uigiliæ digerunt. Et ratio uidetur sumpta ex libro de Dissolutione continua, cum dixit, quòd calor in somno intus migrat. Et rursus in secundo Regiminis acutorum dixit, Nempe uigilia per halitum digerere & siccare, non quæ in imo sunt coquere nata est: Somnus uerò humectare, spiritumq; & effluuia cohibere. At tamen in tertio de Causis pulsuum inquit: Etenim excrementum succorum confectorum ueluti fuliginosum excernere arteria per somnos uehementius auet, quoniam copiosius fit. Cui subscribit illud Hippocraticum, Sudor multus ex somno factus absq; causa manifesta, corpus uti pluri cibo significat. Dicebat Philoteus, referente Brasauola, Quare dixit in somnis? quia in somnis omnes naturales potentia operantur. Simile uidetur uoluisse eadem particula Galenus, cum dixit, Per somnum operationes sensuum, ac uoluntaria quiescunt. Quasi de naturalibus non intelligat. Atq; si Galeni uerba rectè interpretemur tertio de Causis pulsuum, non obscurum est duas esse somni partes: primam, in qua calor naturalis contrahitur perfrigerato corpore: postremam, in qua illo aucto corpus ipsum concalciscit. In prima itaq; parte somni nequaquam superflua expelluntur, sed si modò fiat in secunda. Galeni enim uerba sunt: Igitur toto somni tempore uidetur animalis uirtus quiescere, & naturalis uehementius operari. Liquet autem quòd expultrix est uirtus naturalis, & una ex quatuor. In quarto etiam de Tuenda sanitate inquit: Id nobis agendum in his est, qui succum habent corruptum, nec concoctioni idoneum, ut sudore urinaq; expellatur. Quod semicoctum autem est, utile concoquendo reddatur: id autem somno atq; quiete optimè fiet. Foran quis hæc ultima uerba, ad coctionem eius quod concoqui potest tantum referet. Sed obstat, quòd sudor melius per somnum prouocatur, ideoq; etiam ad primam partem refertur: & in prioribus uerbis laudat uinum, quòd concoquat, urinasq; ac sudores prouocet, & somnum conciliet. Quomodo igitur illorum prouocationi consulit, si ea per uigiliam melior fit? uinum autem somnum inducit. Sed dicet differentibus temporibus utraq; hæc agit uinum: somnum enim conciliat & concoquit, inde uigilia digerit. Veritas est, quòd expulsiio triplex est: Voluntaria, quæ fit per musculos, ut cum manu impellimus

pellimus aut etiam respiramus: Media, quæ sit per uillos, seu fibras: hæc enim naturalis est, cum non assentientibus nobis fiat: non tamen pura naturalis est, cum fiat ab eodem principio, & animæ conatus augeat, uel supprimat: ut in uomitu, ac compressione uesticæ. Tertia pura naturalis à calido fit, & secundum hæc tria genera distinxisse oportet: nam sudor cum naturali tantum expultrice indigeat, melius per somnum protruditur. Quæ uero fiunt per uoluntatem solam, sæcumeductio ex intestinis, & urinæ ex uestica, melius proculdubio per uigiliam, cum per somnum ex toto supprimantur. At mediæ quædam, ut descensus cibi ex uentriculo ad intestina, aut urinæ ex renibus in uesticam, proculdubio hæc medio quodam modo fiunt per somnum: aliquando melius si uirtus naturalis uiucat per somnum: aliquando per uigiliam melius, ubi animalis uis maior requiratur, ut in uomitu & deglutitione: pauci tamen dormientes euomunt, nisi ebrii sint, ob motus uiolentiam quæ expurgisci cogit. Generaliter tamen propelluntur melius per somnum ad conceptacula sua superflua quæq; Galenus autem cum dixit, uigiliam expulsiōi superfluum magis cōuenire, de expulsiōe ex conceptaculis intellexit foras, ut meiando, aut egerendo, non ea quæ corpus liberans uniuersum in conceptacula superflua impellit. Et sic etiam dictum Principis intelligatur. Et somnus nocet quando superflua expulsiōe indigent: nam palam est, illum ibi intelligere de expulsiōe extra corpus. Vnde uideant qui copiosorem cibum suadent in cœna exhibendum, quanto periculo exponant homines, si quid uberius assumendo peccatum fuerit.

Decimatertia
tertiū, tract. 2.
cap. 6.

CONTRADICTION XXII.

Medicamentum ex contrarijs facultatibus compositum, an contrarios morbos curare possit. Et, an in eodem membro contraria efficere, priusq; uiribus aliud quàm secundis facere.

Quod curare debet tantum, in contrariam partem debet declinare, quantum est qualitas morbi quæ à naturali statu membrum abducit: quo fit, ut temperatis cura perfici nequeat: tertio de Simplicibus medicamentis. quod præceptum non semel repetiit; ut tertio Artis medicæ: sed non est id primum propositum: Nempe quod iuuentur à temperatis: & priore iam loco dixerat, tum etiam antè, Non tamen curare possunt. Atq; id primò mirum, posse iuuari, curari non posse. Cæterum eò illius tendit oratio, ut nos doceat, medicamenta contrarias simul habere facultates: exemplumq; subiicit in eodem tertio Simplicium medicamentorum libro, de medicamento quod melle ac rhu constat, quod planè astringit simul ac laxat. Inde de lacte brasicæq; sed non pari ratione subiicit, tamen idem de medicamento ex cotoneo ac scammonio, nec non de
rosa

cap. 12. in pri.

c. 6.

c. 7.

cap. 14.

cap. 15.

- cap. 16. rosa quæ simul dulcescit in ore, & amarescit. Quo fit, ut non clarius quam sequentibus uerbis, quomodo id fieri possit, declarauerit. Mixta enim, inquit, qualitas est partium non similium in medicamento: immixta autem substantia dissimilariū: uelut in rosa alia est pars quæ dulcis, alia est quæ amara, aut etiam mordicans. Dabat autem triplex exemplum ibi, atque adeo euidentibus hæc demonstrabat, ut non pigeat ad uiri sententiam intelligendam ea recensere, quæ ibi adducit. Primum igitur est, cum in tranquillam aquam duo lapides proiiciuntur, circuli sunt sibi inuicem obuiantes, eodemque momento aquæ eadem pars duabus contrariis figuris subiicitur. Similiter eodem tempore si quis pedem in calida, manum in frigida teneat, totum corpus calido simul & frigido perfunditur: nec tamen aut lapilli unâ sunt, nec pes cum manu: ut nec in lingua, cum absinthium cum melle mandimus. ergo substantiæ dissitæ sunt loco, naturæque, qualitas tamen communis ubique. Nec absurdum uidendum uidetur contraria censere in eodem esse subiecto, modò non in summo. Quam sententiâ ferme expressit primo de Elementis, in fine, dum docuit, substantiarum mixtionem ad minima fieri, qualitatum autem perfectam unionem. Temperatum autem nihil prorsus agere in contrariis summis affectibus, docuit tertio de Temperamentis, tum quòd haud ualeat immutare, tum quòd immutetur, & tunc semper calefaciat. ob id prius dixerat, quòd medicamentum frigida non immutatur à natura, sic enim calefacerent, sed tamē calefunt qualitate, quæ eis non naturalis est, cuius auxilio comminuta, ac in pristinam redeuntia naturam refrigerant, actu frigida existentia: exemplumque dat pituitæ, quæ actu frigida est, licet in corpore nostro moram non paruam traxerit. Ex his planè constat, temperaturam esse qualitatem, non substantiam apud Galenum, prout etiâ credidit Auicenna. Nam Galenus censet misceri qualitates, ut iam dixi, substantias autem ad minima, temperatura autem est qua agunt: est igitur temperatura qualitas, ut in medicamentis. In simplicibus autem qualitas non aliud est ab ipsa ferme substantia, atque ob id temperatura substantia quædam est. Differunt tamen, ut aliàs declarauimus. Liqueat uerò, nec Auerroem de actione medicamenti frigidi Galeni sententiam esse assecutum. Serapio igitur, ut ad rem redeam, sic explicat medicinæ compositæ auxilium: Nam medicamentum aut ad partem læsam sponte accedit, atque ea de causa ad uniuersum corpus: igitur pars illius minima ad læsum membrum, parumque iuuaret: supponit autem illius egregiam operam, quæ tamen nondum demonstrari potest: nisi quis dicat, Capparium lienis, Eupatorium iecori strenuè prodesse. Sin autem trahitur à particula patiente uel sola ipsa qualitas ad ipsum peruenit membrum: quo fit, ut non similitudine trahatur: nam quod simile est, ideo est simile, inquit, quia mixtio qua-

tuor elementorum cum attrahentis partis mixtione conuenit; quare non
 solam qualitatem trahi necesse est: neq; etiam pari ratione sponte quali-
 tatem diffundi: nam in primū incidimus inconueniens. Cur autē sanū exi-
 stens similibus gaudeat, cōtrariis ægrum: & illud nos breuiter docuit: præ-
 ter naturam enim cum odio habeat qualitatem à qua lēditur, contrariam
 diligit. Porro quod mixtio substantiarum non penetratione corporum
 fiat, sed minimis tantum, nullibi adeo expressit Galenus, quā in tertio
 de Simplicibus Medicamentis libro. Nam cum ambas opiniones bis reci-
 tasset, hanc quam secundo retulerat loco ueram esse, ac dictis à se, tum à
 Thèophrasto consentaneam fore affirmauit. Sed ut ad rem redeam, dum
 de Antidotis loqueretur Galenus, recensens mithridaticæ inuentionem
 compositionis, inquit: Mithridates cum in damnatis expertus esset,
 ad singula uenena singula medicamenta prodesse, omnia in unum com-
 miscuit, ut sic fieret quod uniuersis uenenis conueniret. Palam autem
 est ex primo de Medicamentis secundum genera, uenenorum alia ue-
 rare pulmones, alia uescicam, alia peculiarem atq; præcipuā partem quan-
 dam: quo fit, ut necesse sit antidotum mithridaticam in illo auxiliari pul-
 moni, huius autem uescicæ. Quod & in libello de Theriaca ad Pisonem fa-
 tetur, cum dixit: Nam morbi cuiusq; differentia ac uarietate comperta,
 naturaq; medicaminum simplicium ac temperatura cognita, sic præpara-
 mus medicamentum, ut unicuique morbo quod conueniat, uaria compo-
 sitione distribuatur. Inde paulò pōst, cum quod dictum fuerat in primo
 de medicamentis secundum genera recitasset, subiicit: Contraria uice ple-
 raq; medicamenta quibusdam partibus curandis maximè sunt idonea, ut
 iecinori Eupatorium, Glans unguetaria lieni, Saxifragia & Betonica re-
 nibus. Quin etiam paulò antè retulerat rem, ut dicit, miraculo similem,
 Trifolii speciem, quæ habet semen cnico simile, folia uerno tempore hya-
 cintho, dolores qui ex istibus serpentum accidunt curare, si ex decocto lo-
 cus foueatur: at fanis membris fons idem, idem doloris genus creat, quod
 percussus à serpēte pati solet. Hoc primò Galeni grauitate indignum ui-
 detur, cum uerisimile non sit ab omni serpentum genere eundem pro-
 creari dolorem: at herba, ipsa quonam pacto, cum una sit, uniuscuiusque
 doloris similitudinem imitabitur: oportet enim eam omne genus dolo-
 ris efficere, quod neq; uerisimile est, neq; ipse dicit. Quod si de uno, aut
 paucis serpentum generibus intelligit, haud uideo, quod non hoc miracu-
 li genus dici debeat, illo ita scribente quinto de simplicibus medicamen-
 tis: Siquidem facultates quæ deleteria medicamenta mutant, mediā ha-
 bent naturam inter corpora quæ patiuntur, & ueneni naturam: quod fit, ut
 largius sumpta lædāt. Quæ uerba et si Oedipo quodā indigeant interpre-
 te,

cap. 17.

lib. 1. cap. 1.

cap. 1.

cap. 3.

cap. 4.

cap. 18.

te, nam id ostendere uidetur prima fronte, quod alexipharmaca opus alexiteriorum iuuare debeant, non curare: miraculum tamen Galeni hic solunt. Sed iam ad propositum nostrum reuertamur: sententia Galeni est, quod primæ qualitates in mixtione refrangantur aliis ferme integris relictis, quam in eo libello, antequam ad medicamentum Theriaci descriptionem perueniat, clarè expresit. Liqueat igitur & quod iuxta illius mentem, compositum medicamentum contrarias habeat facultates, contrariosque morbos curare possit: tum in eodem membro contraria simul efficere: aliaque primis, alia aliis facultatibus. Quæ cum possem innumeris illius sententiis confirmare, ob illarum multitudinem atque consensum superfedeo, contentus modum, quo id fiat, iuxta illius sententiam atque etiam causam explicasse. Auerroës tamen quinto Collectaneorum conatur ostendere, quod medicina composita contraria non possit efficere, nisi ut est media inter illa, uelut temperata calefacit frigida, & eadem ratio calida infrigidat, estque illius hæc ratio, hoc rationi repugnat, nec experimento potest demonstrari: igitur uerum esse nequit. nam experimentum tuetur, ut dixi, repugnantia medii ad extrema, ratio non ostendit ut una medicina possit habere plures formas, nec si habeat ut membra trahant quod contrarium est affectui. Respondebit Galenus, quod hoc experimento patet, quoniam non æquè bene curantur morbi contrarii à liquiritia, uel saccharo, aut his quæ penitus sunt temperata, ut oui luteum, sicut à medicamento Theriacæ Andromachi, Philonio, & talibus. Dicit Auerroës quod talia medicamenta sunt subtiliora, & etiam magis inimica naturæ, & ob id in illam magis agunt, etsi in qualitatibus sint æqualia. Præterea medicina, ut dicitur, non fermentata melior erit, qua tamen Galenus haud utitur. Ad hæc ille dicit, meliorem esse proculdubio, sed primas qualitates obstare. quare fermentatio, ut dicunt, seu mora nihil addit, sed minuit ab operatione principali, innoxium tamen reddit medicamentum. Est autoritas Galeni primo de Antidotis: Antoninus cum in grauem soporem ex usu theriacæ incidisset, succum Papaueris ab illa amoueri iussit. uerum cum in immodicam siccitatem incidisset antiquiore sed cum succo usus est. Itaque, ut ibi dicebat, constat recentem ad somnum ualidiores uires habere: eadem ratione ualidius cuncta peraget munia. Respondebit Auerroës, debilius agere proculdubio uetustam antidotum, sed non mixtionis ratione, sic enim præstaret nulla unquam uti mora, sed quoniam quæ ingrediuntur imbecilliora euadunt. Sed hoc etiam Galenus fatetur dicens, nam causam imbecillitatis in succi uetustatem, non in mixtionem reiiicit. Sed ad hæc inquam Galenus medicamentum mixtum ualidiores habet uires longè quàm ut appareat temperatum, nam tenuis substantiæ est

est cinnamomum, nec tamen adeo bene excalefacit uentriculum, ut theriaca, quæ longè cinnamomo caliditate inferior est. Accedit, quod ad diuersa membra uim habet quandam præcipuam theriaca, ut in aperiendo iecoris obstructions, curâdoq; coli dolores: quod & uidit Auenzoar: quomodo igitur hæc media existens facere poterit. Illud tandem luce clarius est, medicamentū mixtum, quod moram non traxit, ualidius esse tanto quanto periculosius: quod ego in Persico Philonio dum Emopticos curare uellem non semel expertus sum. Excipitur tamen functio, quæ simul colligere plura debet, ut si detergendum, inde agglutinandum sit: nam tunc operatio hæc multiplex atq; iuncta longè melius ab una forma fiet. hæc autem fit una tēporis beneficio. Altera ratio (ut ad Auerroem redeam) hæc est: Galenus concedit formam unam mediam in primis qualitatibus euadere, sed secundæ & tertiæ facultates in primis fundamentum habent, ergo & illæ uicissim immutantur, & in unam redeunt formam. Succedit quòd forma una in singulis agit, nec est agens perfectum in naturalibus donec formam unam atq; extremā receperit, eadem & in artificio compositis ratio est. Quòd si formæ plures sint, etiā diuersas esse partes in quibus fundentur esse oportet: quare mora, & mixtio erit necessaria. et ideo à forma illa quæ toti prædominatur actio ipsa non à diuersis partibus proueniet. Ad hæc Galenus utiq; respōdebit: fieri quidem formam unam quia temperamentum, non autem sic unam, quin partes diuersas retineant operationes, ac uires: ut in brassica edocuit, cuius succus soluit uentrem, substantia astringit. Qualitates autē primæ iuxta Galeni sententiam toti medicamento communes fiunt, nō autem reliqua: neq; enim actiua sunt, aut producere simile possunt, cum nō sint substantiæ elementi proximæ. Ergo medicamentū non miscere oportet ubi ex innoxiiis constet atq; propinquis temperamento. Respondeo: In uia Galeni ob tria expedit fieri eam unionem: primum, cum immodica fuerint quæ miscentur, ob idq; maximè quæ succum excipiunt nigri papaueris: uel cum plures operationes simul iunctas quærimus, uelut in Philonio, cum sputum sanguinis cohibere uolumus ex pulmone, nam penetrare oportet medicamentum, atq; id à calidissimis fit medicamentis: inde astringere, hoc autem à frigidis, aut temperatis: quòd si unio facta nō sit, penetrabunt leuia: & tantum abest ut cohibeant sanguinem, ut etiam sine astringentibus existētia proritent acrius. Manifestum est autē quòd hic modus in plures diuiditur, aut penetrationis gratia, aut moræ in loco, aut uehementioris actionis, aut plurium simul se consequentium actionum, aut expulsiōis. Similiter & modus primus est, aut quia immodica est qualitas, aut quia membris obest principalibus. Tertium autem

1. Theisfr in
proemio.

est in expurgantibus, in quibus mixtio non una, non unum affert detrimentum, sed multiplex. In morbis igitur cordis, iecoris, intestinorum & uentriculi, & lienis, medicamenta haud unam formam habere debent ut nec in renum morbis: & hoc, nisi in uenæ fractura, atque neque in illa ubi uenter patitur. Laborante uesica, utero, capite, pulmonibus fermentari debent, ob uiarum longitudinem: deferuntur à tenuissimis uel astringentia uel mollientia, aut talia. Si mora concedatur, præstat & in cordis medicinis fermentata esse simul medicamēta. Porro ut ad Aueroerem reuertar, contrarias qualitates, quæ à materia pēdeant, in uno subiecto posse esse negat. Simplici autem ratione & immateriali non esse impossibile affirmat. sic enim in oculo imago candoris ac nigredinis. Verum hoc Galenus haudquaquam dicit, nam in mixto ab arte (cūm folius naturæ ac Dei existimet uerè miscere opus) alias partes statuit quæ laxent, alias quæ astringant. Hanc autem distinctionem medicamentorum ostendit Galenus primo ad Glauconem, dum tertianam notam curare docet ptisana cum pipere exhibita in cibo. Huius causam reddebat Auicenna in cura hemitritæi, loco etiam ptisanæ suo more hordei aquam scribens: inquit enim, quod piper trahitur ad materiam, & illam concoquit: hordei uis ad cor, & ad membra calefactorum: & quod ubi natura hoc facere non possit, tunc cadit. Sed iam uidetur quintam ponere naturalem uirtutem, de qua diximus alias. Ex hoc patet, quod modus Auerois, non satisfacit cum sua æqualitate: nam ab æquali cibo neque tantum concoquitur febris materia, nec calor adeo refrigeratur. Eandem habet sententiam in quinto Canonis, dum crocum medicamenti frigidis docet admiscere, quæ cordi sunt conuenientia: dicit enim, quod natura illa expoliat à croci calore, inde illis utitur: quam sententiam apertius declarauit in tertio libro, dum de corde loquitur, his uerbis: Et in intemperie cordis calida, frigidis medicinis calidas admiscebimus: confidentes quod si naturæ uires ualidæ fuerint, discernet inter id quod infrigidat, & id quod calefacit: & infrigidante quidem utetur ad temperandum cordis substantiam, illudq; ei applicabit: calefaciens autem spiritui transmittet, atque eo modo illum instaurabit. Hic non tantum duorum membrorum ratione, sed unius uires medicamenti segregari docuit. Contra hæc pro Aueroe dicet quispiam, Si ita est, æque facile fuerit ferre contrarias dispositiones curare, ut simplices, cūm tamen experimentum maximū discrimen esse doceat. Quid enim negotii est miscere medicamentum calidū in tertio, frigidum in tertio, & iecur calidissimum simul refrigerare, ut uentriculum frigidissimum excalefacere? Auicenna etiam quinto Canonis dicit, Vires quæ Theriacæ inexistunt non à myrrha aut

cap. 10.

prima quarti
tract. quarto
cap. 19.tract. sciential
& est cap. 2.tract. primo
sen. 11. cap. 7.cap. de Qua-
litate compo-

aut alio simplici prouenire, quoniam ab una forma procedunt. unde neq; immutare consulit Theriacæ descriptionem, damnatq; Galenum quod illam immutauerit ambitionis causa. Sequeretur etiam, quod medicamenta ut magis composita eò ferme essent semper utiliora: quare in non fermentatis A uicenna Galenum tuetur, ut in cura hemitritici dictum est: at in compositionibus magnis unam formam, à qua omnes illæ operationes, non secus quàm in homine ab anima, constituit. Hic rursus Galenus diceret, In hominis anima ratio non obscura est, illa diuersis corporis partibus utente: at in medicamento si una est forma, si una qualitas, inde etiam una substantia, unde origo tantarum operationum. Causa cur morbi complicati non facile curantur est, quoniam si qualitates immodicæ fuerint, in transitu corrumpunt obuiantia loca: si autem modicæ, medicamentum iam uetustate corruptum erit. Difficile etiam est in complicatis, contrariisq; morbis causam præpotentem non inuenire quæ sanationem non impediat. Si etiam unum membrum solum laboret, uniuerfis uiribus natura utitur ad instaurationem: pluribus laborantibus, auxilia diuidere cogitur, si quidem natura est quæ curat, non medicamentum. Ex hoc patet, quod tertio loco quæsitum fuit, medicamentum aliquod calidum & humidum astringere: & frigidum & siccum laxare, & emollire: nam cum rei emollienti rem abundè frigidam addideris, siccamq; seu permiseris fermentari seu non: sed magis cum permiseris temperatura una proueniet frigida siccaq;: pars tamen quæ tumore duro laborat, id quod laxat trahit: quare quod trahitur, simul laxat, atq; infrigidat, & siccatur. Et hoc est, quia secundæ & tertiæ uirtutes non in impressiuis qualitatibus, sed in elementatibus manent. Porro qualitates elementares laxantis medicamenti proculdubio caliditas sunt, atq; humor. At dices, Galenus sexto de Medicamentis secundum locos, inquit: Hanc uerò myrrhæ recursus uelocis facultatem retardant astringentium mixturæ: non igitur in solis primis qualitatibus hoc accidit. Duo in hoc considerare oportet: primum, quod & secundæ, & tertiæ uires, & quæ à forma mixti procedunt omnes hebetantur certè contrarii admixtione: sed non tamen uelut primæ qualitates, cum minimè inuicem agant: uel ut in unum, quemadmodum illæ, coeant. At etiam, quod secundo loco dicendum fuit, cum ad laborantem particulam medicamenti uis non comparatur, sed ad sanam, uel ad uniuersum corpus, mixtum ex diuersis ac contrariis facultatibus, nihil prorsus agit, altera alteram facultate retundente. Sic igitur scammonium citonio immixtum non adeo, ut per se solum, uiolenter expurgat, neque uenterculus ab oleo rosaceo relaxatur aut confirmatur. At rursus recurrens, Galenus tertio Artis curatiuæ nos edo-

sitionis medicamentorum, & est cap. 3. tra. i. § can. in descriptione Ther.

cap. i.

cap. 2. cet, mixtum ex æruginē æris & oleo ac cera medicamentum salubre esse ulceribus putridis, nec colliquare æruginem, nec oleum aut ceram putrefacere: inquit enim, ex infinitis penè medicamentis cauo ulceri infensissimis, quorumq; nullum generandæ carni est idoneum, unum conficere possum medicamentum, quod nec dolorem excitabit, nec phlegmonem, nec putredinem, & carnem pulcherrimè generabit. Igitur in mixtis medicamentis ratione uirtutum secundarum, etiam una forma confurget, ex mente Galeni. Verùm hanc difficultatem ipse sustulit, dicens: Immodicè siccata ærugo, ab immoderato sicco sunt erosiones, colliquationes, dolores, & phlegmones excitantur: ab humidis nullum est, ut à cera & oleo auxilium sordidis ulceribus: moderatè siccum nullum affert detrimentum, sed carnem generat. Itaq; ærugo æris humido ceræ & olei ad moderatam siccitatem deducta hæc omnia facere potest, ut multum proficit, & nihil noceat. Quare hæc ex primarum qualitatū mixtione potius sunt quàm subsequentiū. Illud etiam diligenter considerare expedit, Non eandem esse rationem assumpti intra corpus, & inditi ulceri medicamenti: nam quod intrò sumitur, à diuersis membris primò in diuersas partes diuiditur: tum etiam à partibus aliis, atq; aliis, eiusdem membri unaquaque quod sibi conuenit ad se trahente, & reliquum relincente: at quod ulceri immittitur, distribui nequit, aut separari: totum in totum necessariorè agit. Quod etiam intrò sumitur in potestate est quoquomodo corporis ipsius: quod extra applicatur patienti particulæ quasi plenè dominatur: intrò nequaquam, nisi uenenum fuerit. Alia in uigesima octaua Contradictione de hoc subiiciemus: quæ ibidem repete.

CONTRADICTIONE XXIII.

Hædi carnes an faciliè concoquantur.

cap. 4. **E**X pedestribus animantibus suilla caro cibus est optimus: inde hœdina, post uitulina, libro de Cibis boni & mali succi. Declarat autem quòd non ex paruulis, nam excrementosam illam putat, sed mediocris ætatis eligendam suillam carnem. Agninam improbat deinde, quòd lenta sit, & mucosa: ab aliis autem pedestribus abstinendum ibi prorsus confulit. At uerò cùm de hoc sermonem faceret, tertio de Alimentis, inquit: ca. 2. post init. Cæterum, ex suum carnibus, quemadmodum his qui ætate florent, ualidiq; sunt, & multum exercentur, florentium ætate sunt præstantiores ita aliis incrementum. Vnde hic uidetur paruulos porcellos adultos præferre: cumq; cæterorum animalium quadrupedum carnes damnalet, inquit: cap. 14. cap. 8. tamen in eodem libro, Carnes animalium agrestium pauci sunt excrementi, multò ualidius nutriunt, & melius præbent alimentum. In libro autem

autem de Attenuante uictus ratione inquit: His, qui uitam degunt defici-
dem, suilla caro non conuenit: solis hœdis innoxie utatur. In primo etiam cap. 9.

Artis curatiuæ ad Glauconem inquit, de Cura loquens tertianæ: Par-
uorum etiam suum si carnes liquefactas dederis, nihil nocebis. Et rursus ca. 12. in prin.

secundo de Temperamentis: Caprilli generis foetus suillo, quod nimis sit
humidum ac mucosum, esui melius est, atq; iucundius. Forſan quis hæc
sic concordabit. In libro de Alimentis & de Cibis boni & mali succi, con-
siderat quid melius exhibeat alimentum: atq; in hoc genere suilla caro
præcedit: si tamen ad attenuantem uictum respicias, hœdina præstantior,
cùm minus nutriat, & minus etiam lentum præbeat alimentum. Iuue-
num tamen suum melius est alimentum, quàm nuper natorum: sed non

adeò facile concoquantur, ut nuper nati: conueniunt tamen nuper nati
ratione temperaturæ, tertiana laborantibus: similiter & in sicca uentriculi
intemperie abhorret primò suillam, dum laborat homo, dare: quæ quam-
uis, ut dixi, nutriat copiosè: attamen crassum, & glutinosum, inquit, ali-
mentum præstat, & difficilè concoquitur: cùm tamen conualeſcere illum

ca. 6. ante mc.
7. Artis curat.
post med.

fingit, à ptisana & piscibus ad porcelli nuper mactati carnes transit, dua-
bus rationibus: quòd temperiem habeant maximè morbi intemperiei
contrariam, unde hœdinæ præferuntur: & quòd adultis facilius conco-
quantur, unde imbecilli uentriculo magis conuenient. Cæteris (dicebat

com. 102.

Galenus quarto Regiminis acutorum) mediæ ætatis sues conueniunt,
non solum ob suauitatem, sed etiam ob concoctionem. Hic per concoctionem
uel alimentum intelligere decet, uel etiam quòd nuper natis nimio
humido difficillimis, ut ibi aiebat (cùm omnium animalium quæ ab ho-
mine eduntur, suilla caro humidissima sit) melior sit, ac facilior ea, quæ
mediæ ætatis est. Hoc idem Hippocrates habebat in textu, cùm dixit:

Porcelli caro praua est, suilla optima. Verùm antea caprillam bubula fa-
cit deteriore, quòd acrior sit, & calidior. Sed nihil prohibet, caprillam

ibid. com. 106.

deteriorem esse bubula, uitulinam tamen hœdina esse inferiorem. Quod
uerò de agrestibus laudet, quæ iam damnaſſe uidebatur, nihil est: nam
agrestes sues, uitulos, hœdos, agnos, auesq; probat: non autem genera agre-
stium, ut ceruos, lepores, capreolos. Refertur igitur dictum illud ad ui-
uendi modum, non ad animalium genera. Multum tamen facit & regio:

5. Colle. c. 20.

nam Auerroës Arabiæ agnos hœdis illico postposuit, autoritate etiam
Rasis fretus: nec facit meliores suillis, quo ad nutrimentum: sequitur
enim Auicennam, & Galenum in hoc, sed concoctionis facilitate conside-
rata, quamuis non sit adeò ut suillæ boni alimenti, eas tamen præponit
suillis. Suillas robustis suo loco primo relinquit. Nec de uitulina discor-
dat: nihil enim prohibet, in Græcia uitulinas arietis carnibus proponi, in
Arabia autem Auerroi arietes aduchebantur, Arietinas uitulinis præ-
poni.

cap. 8. poni. Nuper igitur nati porcelli omnibus carnes deteriores adultis, incrementis autem facilius concoquuntur adultis, non tamen melius exhibent alimentum, nisi à sicca intemperie uexatis: optimè syluestrium. Verum quis nobis fortasse obiiciat, ex libro de Renum affectuum dignotione, ac curatione: Caro suilla maximè nutriens, corroboransq; corpus, optimiq; succi, ac hominibus maximè familiaris, sed glutinosum quid, ac crassum continet: ob quod qui ea assiduè utuntur, iecoris & renum obstructionibus capiuntur: longiora igitur per interualla ea utendum. Paruorum autem porcellorum carnibus (modò parum) assiduè uteris, nihil enim nocebunt. Hoc in renum affectu consulit, neq; enim uerum est generaliter: & quanquam adulatorum porcorum melioris alimenti caro sit, si tamen peccetur, nec probè concoquatur, deterius afficit quàm incrementum. Igitur hœdina & incrementum porcellorum caro securitate præstantissima, non tamen alimenti bonitate. Porcellos igitur semiagrestes, & qui in montibus uiuunt, Galeno consulente, eligere decet.

lib. de Cibis
boni & mali
succis, c. 8. in
princip.

CONTRADICTIONE XXIIII.

Pisces omnes an difficilis coctionis.

cap. 16. **P**isces omnes ad concoctionem sunt contumaces, tertio ad Almanforum inquit Rasis. Subiungit præterea: Semper enim longam in uentriculo moram trahunt, & sitim faciunt: & quamuis abundante bile, & in temperatura calida conferant, malos tamen etiam in his generant humores. Auerroës autem sexto Collectaneorum (docens nos à pestilentia præferuare) inquit: Sanguis ex his rebus genitus (de piscibus loquens) est celeris corruptionis. Et ratio habetur ex dictis, & etiam ex Rasi, dum dixit, quòd est tenuis & huimidis. Sed neq; Galenus quinto de Tuenda sanitate, cōmemorans senibus aptos cibos, tum iuuenibus, ceraceis, & ostracodermis, auibusq; , hœdi carnibus laudatis, piscium ullo modo meminit. In oppositum est Galeni sententia septimo Artis curatiuæ, ubi saxatiles etiam laboranti summa imbecillitate uentriculi, exhibet. Laudat & illos in libello de Attenuante uictu, semperq; aliis proponit eorum usum. Et in historia Antiochi, quinto de Tuenda sanitate, tum etiam Telephi Grammatici, qui ad summam senectutem peruenerunt, piscium meminit, non solum saxatiliū, sed etiam pelagicorum. Ideoq; saxatiles commendauerat tertio de Alimentis, cum dixit, eorum genera non solum concoctione esse facillima, sed quòd saluberrima sint hominibus. Dico autem, inquit, saluberrima, quæ sanguinem substantia mediocrem generant: quod & antè dixerat etiam de pelagicis, cum eos post perdoes aues collocasset. Illud sanè mirum, quòd parum antè dixit, Pelagicos, tum cæteros pisces omnes sanguinem tenuiorem co, qui ex pedestribus genera-

22. con. ca. 421
parum ante
medium.

ca. 6. ante me.

cap. 8.
ante medium

cap. 28.
cap. 1. f.

tur, procreare; unde alimentum illorum cito diffiliari. Sed non sibi contradicit: tres enim ordines facit eduliorum in animalibus: Pedestrium, crassum sanguinem generantium: Auium, mediocre, quibus proximos statuit pisces pelagicos, & saxatiles, & cæterorum, qui cum fructibus & oleis sanguinem generant ferocem. Ex hoc non rectè intellecto Galeni sermone Arabum error prorepsit, existimantium pisces omnes tenuem sanguinem simpliciter gignere, cum Galenus quadrupedibus comparasset. Quinimmo etiam de mollibus loquens, inquit: Omnium autem meminatorum piscium alimentum hominibus ociosis, senibus, imbecillibus, ægrisq; accommodatissimum est. Qui uerò corpus exercent, cibos postulant firmiores. Postea uerò, cum piscium duriores carnes habentium meminisset, inquit: Crassum hi gignunt alimentum. Tantum igitur abest, ut tenuem semper generet sanguinem, uel ut siticulosi sint, uelut Rasis dixerat. Optimum enim esse alimentum existimandum est, nec immerito ab Apostolis usurpatum, qui nisi ui intercepto cursu ad extremam peruenire senectutē. Iudas & Symeon ad annos cxx. Petrus ad lxxxiii. & tamen cruce extincti: Ioannes lxxxx. excessit. Propterea bene dicebat Galenus in libello de Cibus boni & mali succi, Pisces omnes ferè boni succi censentur, nisi qui in lacunis, aut paludibus uiuunt. Differentiāq; illam tum ibi, tum in tertio de Alimentis, scriptam ab Auerroë primo Canticæ, tria docete esse piscium genera à loco sumpta, decet animaduertere: Eorum qui in mari semper uiuunt, qui & optimi sunt: Eorum qui in dulcibus aquis semper, qui pessimi: de quibus Rasis forsitan intellexit, nam in lacibus, dixit, uel paludibus inueniuntur: maris haud meminit, quod forsitan ab illo plurimum distaret. In continentibus autem aliorum recitat opinionem, nec marinos uel ibi ipse cognouisse uisus est. Similiter & Auerroës, dum illos damnat, de his intellexit. Eorum autem & est genus tertium, qui modò in mari, modò in fluminibus uiuunt, Galeni sententia est, ut alimentum, quemadmodum & uita, media esset inter pelagicos & dulces. Hoc tamen Auerroës v. Collect. multū laudat (quasi cum Galeno certare uolens) quod magna exercitatione utatur, dum procul à mari aduersus fluminis impetum ascendit. In mari autē degentium, dicebat Auerroës, tum aliorum, adhuc triplex est genus: quod in saxis uiuit, optimū: quod circa littora, pessimū: & mediū, quod in aquarū gurgitibus. Galenus autem præter hæc addit tria, ut bono alimento alantur, ut molles sint carnis, ut friabiles. Sic igitur belle xxvii. genera piscium, tum uerò cum contrariis liiii. & si ad ueram normam deducere tentaueris, in uniuersum erunt piscium genera clxxx. quæ ex hac regula Auerrois & Galeni dignoscuntur: uelut marinus pelagicus, mollis carne, ac friabilis, malo utens alimento, unum est genus: ac sic reliqua compone. Ex prima ta-

ca. 30. in fine.

cap. 31.

cap. 7.

cap. 30.
com. 128.

cap. 33.

In cantica
com. 128.tertio de ali-
mentis. ca. 30.

Marinus { *Saxatilis.*
Pelagicus.
Liutoralis.

Fluuialis { *Saxatilis.*
Gurgitens.
Ripalis.

Amphibius { *Saxatilis.*
Gurgitens.
Liutoralis.

Mollis, *Parus.*
Friabilis, *Lentus.*
Euchimus, *Cacochimus.*

1. can. ca. 55.

bula nouem fiunt genera piscium: ex secunda, cum tria semper assumpseris, nec inuicem contraria, uiginti: ductis itaq; uiginti in nouem, exurgunt c lxxx. ut proposueramus. Verum Galenus cum copiam trium priorum haberet, scilicet marinarum, l x. tantum considerauit, reliquis c xx. ferme neglectis. At nos omnia genera considerare oportet: & ut Saxatilis, mollis, friabilis, ac bono alimento utens est optimus: sic fluuialis, ripalis, durus, lentus, & malo utens cibo (uelut tincha, quæ iuxta cloacas inuenitur) pessimi est generis, atq; è directo oppositi primo generi. Quamobrem ne mirentur, si uel Rasis hos iure merito damnauerit. Sic & Auicenna, uel quod non cognouerit marinos, uel quod illorum paruam haberet copiam. Accidit autè aliquando, ut sub uno nomine quatuor omnes conditiones contineantur, ut dicebat Galenus: cum dico Saxatilem piscem, dico simul mollem, & friabilem habentem carnem, ac bono alimento semper utentem, ut qui nunquā ex solita habitatione discedat. Sic Pelagicus unum uiuendi morem obseruat. Sunt & aliæ differentię à cortice sumptæ, quarum meminit Galenus: sed si saporem loco corticis addideris, uniuersa genera comprehendes. Sufficiat igitur primam diuisionē in sex capita deduxisse. Marinos, Fluuiiales, Amphibios pauco uel multo exercitio utentes: tum unumquodq; horum in duo, habentes saporem dulcem, qui cibo conueniunt solum: & qui falsedine præditi sint, ut ostrea, conchiliæq; quæ præter quod alunt, aluum etiam deliciunt, medicamentiq; & cibi simul habent facultatem. Erunt igitur in uniuersum genera duodecim, quæ per uiginti ducta, tot enim sunt membra secundæ diuisionis, genera omnia piscium constituent c c x l. quorum ex Galeni historia facultas, quantum ad cibi rationem pertinet, perfectè nobis innotescit. Sed cum in sermonem de alimenti perfectione inciderim, scire non ab re erit, Omnia mundi mixta quadrifariam, ut in libro de Subtilitate docuimus, distinguui: uel elementorū proportionem, uelut in pipere plus est de igne, quàm de aqua: & in lactuca plus de aqua, quàm de igne: uel refractione, & sic nobiliora sunt animalia plantis, & illę metallis: uel mixtione perfecta, & sic Aurum ære nobilius est, quoniā mixtio auri ad minima redacta est. Huius ratione res sit perennis seu plāta, seu lapis, seu metallum, uel animal. Differunt autè multum hi duo modi, nam in piscibus & si refracta sint elementa, ut in quadrupedibus, non tamen subtilissimè mixta est illorum compages, ut nec inter quadrupedia bonū: propterea minimè uitæ bos est pro molis magnitudine. Sic & Smaragdus inter gemmas refracta habet ad tēpericem elementa, & ideo nulla gemma homini ad medicinæ usum commodior: quia tamen non ad subtilissima miscetur, ab igne, ab ære q; omnium fermè prima

ma gemmarum corrumpitur, & collisa frangitur. Quæ uero uis à coelo
 pronenit, animaliaq; constituit, ut Philosophus dicebat, quartam diffe-
 rentiam, atque perfectissimam nobis exhibet mixtorum. Quo in genere
 proculdubio homo omnia alia mixta antecellit: uerum hoc ad operatio-
 nem, non ad uitæ diuturnitatem pertinet: nobis autem sermo de illa est
 institutus. Viuit igitur & permanet mixtum, quodeūq; pro mixtionis
 subtilitate. Ob hoc etiam qui ualidos ac bene contextos habent dentes
 diuturnioris sunt uitæ: nam & reliqua membra minimis contexta sunt:
 nam quod tale est rimas non habet, & in subtiliores partes diuiditur ci-
 bus, ut alere possit melius secundum minimas quasque partes. Non esse
 autem idem uel animam habere nobilem, uel elementa ad minimum
 mixta, constat in canibus, & coruis. Proculdubio enim coruius canem ui-
 tæ longitudine superat, & ab illo ingenio superatur: Sic & canis cum ca-
 melo. Sus etiam refracta habet elemēta, nec tamen ad minimum mixta,
 cum parum uiuat, nec animam nobilem: adeo tamen refracta sunt in illo
 elementa, ut etiam in homine, in quo maximè ut caro eius, teste Galeno,
 simillima sit humanæ: latueritq; eodum hospites humanam supposititiā
 pro suilla comedentes, donec digiti inter carnes sunt reperti. Vnde non
 solum refracta elementa pariter ut in homine, sed etiam proportio eadē
 fermè elementorum constat. Quamobrem & in corporeis affectibus nul-
 li magis ex animantium genere quàm sui homo assimilatur. Aues au-
 tem fermè omnes mixtionem subtilissimam elementorum habent, & ob
 id diuturniores. Quod in minimis earum generibus perspicere facile li-
 cet. Carduelis ad annum xiiii. peruenisse uisus est: Pisces autem, ut dixi,
 minimè. Deinde in medio quadrupedia. Liquet autem tum ex his, tum
 ex illis quæ superius dicta sunt, hominum naturam omni mixtorum am-
 plitudini coequalem esse: quotquot enim species sunt animantium, uel
 plantarum, uel etiam metallorum, sub iisdem elemētorum proportioni-
 bus, sed refractorum, ac ad minima deductorū potest humana forma con-
 stare: quare & omni mixto ali: uelut omne mixtum alicui animali. cibis
 est. Sic quælibet uirtus piscis, aut plantæ, aut auis, aut serpentis, alicui ho-
 mini conueniet. Elephantina igitur temperatura maximè ad uitæ longi-
 tudinem conuenit homini, quod Elephas diutissime uiuat, quippe philo-
 sopho teste annis ccc. Conseruatio igitur uitæ per ea quæ minimis con-
 stāt, diutissimeq; seruantur. Ex carnibus igitur. aues, uinū magis q̃ aqua,
 mel, oleum, ex fru&ibus quæ sponte seruātur ut uua, passæ, pineæ, pista-
 cia, auellana, panis, & hæc singillatim cum mixtionem ad minima quæ-
 ramus. Rursus quia oportet alimentum carni humanæ assimilari, atq; cæ-
 teris corporis partibus: hæc autem refractæ, oportebit ex refractis esse ci-
 bos, horum autē nullum substantia durissimum. propinquissimæ igitur

2. de genera-
 tione animal.
 cap. 3.

34. par. probl.
 primo Arist.

com. 8.

10. de simpl.
 medic. cap. 3.

trac. 2. cōtr. 7.

3. de natura
 animal. ca. 9.

*que fuit da ut qd
dum uiuat,*

*non loqat
dum uiuat*

in hoc animalium partes maxime suis, ut dictum est. hæc autem attrita dentibus diligenter. Itaq; & diligenter attritus cibus esse debet, & simplex, & rei uiuentis, & quæ diu maneat incorrupta substantia, illius qui uitæ longitudini studet. Præter hæc autem moderatus, incorruptus, cum exercitatione, & quiete, & somno opportunis. Quæcunq; autem ab his deficiet melle & oleo condiantur. Manifestum est etiã quod alia aliorum. Namq; ualidis membris, etiã sine carne, ut pleriq; in heremo olim uitã longissimã duxerunt.

CONTRADICTION XXV.

Febris an siccitatem contineat.

CALIDUM, FRIGIDUM, SICCU, atq; HUMIDUM sunt corporis elementa: primaq; ex eorum intemperaturis ægritudines constituuntur: eorum genere febris est una; est enim quædam in corde præter naturam caliditas genita, primo de Differentiis febrium. Ex quo clare liquet febrẽ solam caliditatẽ esse, cum simpliciter affectum pronuntiauerit, nec siccitatis ullo modo meminerit. Quod & primo Canticæ Auiçen. docet, eam caliditatem esse docens: & Auerroës in cõmenti illius sine, Caliditas cum in uno mēbro præter naturã fuerit, morbũ cõstituit, qui nomine caret: cum autem in uniuerso corpore, Febris nuncupatur. Et paulo post, Caliditas præter naturã humori iuncta febrẽ putridã cõstituit. Ideoq; Gal. de Differentiis febrium inquit: Febrim substantia in ipso calere consistit. Clarior in libro de Morborum causis: cum enim connumerasset prius, morbos alios fieri à calore solum, uel frigore, tamen sicco, atq; humido: alios autẽ esse cõpositos, qui à calido & sicco uel humido prouenirent, subiicit: At si calor in totũ extenditur corpus, tunc huiusmodi affectus Febris nuncupatur, quæ est quasi totius corporis quædam immoderata caliditas. Vnde etiam in tract. 2. partis operantis Canticæ cum explicasset morbi calidi uniuersi corporis curam, febrem illo significari ostendit. Rursus autem octauo de Morbis curandis, cum differentiã morborum qui ex intemperie proueniunt explicasset, quoniã alii in una sola peccant, alii autẽ in duabus, subiicit hæc penẽ uerba: Sanẽ unus quispiam morborum est febris, quos intemperies creat, & febris: utiq; cum adeo immodicẽ calor auctus est, ut hominẽ offendant, & actionẽ lædat. Quando autẽ neutrũ horũ efficit quatumuis auctus calor sit non propter hoc febricitare homo dicitur. Arist. quoq; prima Problematũ particula: Feruẽs quoq; inflãmatio cum nõ nisi caloris sit, exuperantia, febres accendere potest, tum paulo post: Aestus in corpore febris est, uelut in oculis lippitudo: namq; à calore aëris, ut simile à simili accenditur. Et magis aperte alibi: Austri sua natura calidi atque humidi, qua quidem re febris committitur. Quippe cum non nisi per excessum ambarum harum qualitatũ exoriri soleat. Igitur tantum illa à sicco

*problem. 6.
problem. 8.
problem. 23.*

cap. 3. in prin.

*com. 160.
t. com. 161.*

ca. 1. post principium.

cap. 2.

com. 67.

cap. 1.

à siccitate abest, ut etiam humida sit, si uera sunt quæ refert Aristoteles. Sexta etiam Aphorismorum inquit Galenus, Febris suam habet in caliditate substantiam: siccitatis haud meminit. Princeps etiam in prima quarti, dum febrem diffiniret, calorem dixit, non calorem cum siccitate. In prima etiam Aphorismorum, quamuis Galenus dicat, quòd febris est conuersio natiui caloris, in igneum, attamen dicit, illam calorem esse: difficileq; ob hoc, in senibus accendi quòd eorum calor innatus exiguus sit. Quòd si febris siccitatem contineret, & si caloris ratione in febres non facile inciderent, siccitatis tamen ratione facilius quàm pueri. Hoc autem nemo concedit. Si etiam febris morbus esset siccus, non facile uideretur quomodo hecticus uel primæ speciei curari possit: dicente Galeno septimo Artis curatiuæ: Itaq; insanabilis prorsus est siccitas, si fuerit consummata: consummata autem erit, ubi solida simularium partium substantia reddita est ficcior. Denique effugere non potes si febris omnis siccus sit morbus, quin etiam febris omnis difficilis sit curationis. In oppositum primo de Temperamentis morbus datur calidus & siccus, ut febris: & frigidus & humidus, ut Hydrops: & frigidus & siccus, ut melancholia. Et primo Regiminis acutorum. Si igitur contraria contrariorum remedia sunt, ut uiribus frigida sit ac humida ptisana oportet: nanque id febris est contrarium, quæ natura calida est & sicca. Decimo etiam Artis curatiuæ, illa frigidis & humidis cibis, potibus, aëre, medicamentisq; curat, uelut morbum qui in calido & sicco sit constitutus: etsi fateatur quòd caloris maior cura sit humida, in humidis tamen auxiliis minus peccari. Cum autem dixit rursus primo Regiminis acutorum, quòd febris sit ex ardore caloris naturalis: illud planè intelligendum, quod superius dixerat, & in prima Aphorismorum, scilicet febrem esse igneum calorem. hoc enim ubiq; fatetur. At in his locis igneum calorem explicat, id est, calidum atq; siccum. Unde super Aphorismo uictus humidus febricitantibus omnibus confert inquit Galenus. Febri enim, quoniam calida & sicca passio est (est enim conuersio natiue caliditatis ad igneam) uictum humidum consulit. Nemo hic non uidet, & quòd febrem siccum esse uelit affectum, & quòd per igneum non calorem tantum, sed cum calore intelligat siccitatem. Et rursus secundo Regiminis acutorum: Coctio à calido fit humido & uaporofo, non squalenti atq; sicco, qualis febrilis est. Nihil autem perplexius his uerbis est, quæ nono Artis curatiuæ scribuntur: *Ἐν δὲ τῶν ἐξηγούμενων τοῖς ἀπλοῖς ἐστὶν, ἢ κατὰ τὸ θερμοῦ δυσκρασία. ταύτης δ' εἰς ὅλον ἐκπείθει τὸ σῶμα, πυρετὸς τὸ νοσήμα. καὶ τῶν αὐτῶν πύρετος καθόσον ἐστὶ πυρετὸς, ὑγρότης καὶ ψύξης ἰσότης. μόνος μὲν ἐν ὅλῳ αὐτῷ, σκοπὸς ἀπάντων τῶν βοηθημάτων κοινὸς, ὃ νῦν ἐξημῶν. ὡς τε εἴρηται δὲ πρὸς τὴν ἰασιν, ἀλλ' ἢ τὰς ὑλίας ἐξεδρεῖν ἐν αὐτῷ ὁ σκοπός.*

Aphor. 6.
cap. 1.Aphor. 14.
in fine.

ca. 6. in initio.

cap. 3.

com. 18. ante
medium.

cap. 7. 8. & 9.

com. 43.

Aphor. 16.
1. par.com. 22.
cap. 14.

πὸς ἐνδόντας δὲ τὰς ὕλας, τὸν μὲν καὶ τὸν ἐξ αὐτῶν τῶν τριῶν τῶν
 πυρετῶν λαμβάνειν καὶ τὸν δὲ ἐκ τῶν παραβάλλειν τῶν κατὰ
 φύσιν, τὴν νόσον. ἐς ὅσον γὰρ ἀποκχωρήκε τῶ κατὰ φύσιν, ἐς τοῦτον
 χρόνον ψύχειν τε καὶ ὑγρᾶναι τὸν καμνοντα. Placuit hæc sic adscribere, non
 quod uerba aptè non sint, sed ne quis suspicaretur in Græco codice ali-
 quid plus, minus uel adesse, quàm Latinè translatum foret: est igitur ho-
 rum uerborum sententia hæc: Eorum ergo quæ simplicibus accidunt
 partibus una est intemperies, quæ à calido fit: hæc autem cùm in totum
 diffusa corpus fuerit, febris dicitur. Et ipsius omnis febris, quatenus febris
 est, humectatio atq; refrigeratio remedia sunt: ac si sola hæc sit, propo-
 situm auxiliorum commune omnium est quod nunc dictum est: ut nihil
 præterea ad curationem sit necessarium, præter inuentionem materiæ,
 quæ proposito conueniat. inuentas autem materias in tempore opportu-
 no ex quatuor morbi temporibus adhibere oportet: quantitatem autem
 assumere earum, secundum naturæ & morbi constitutiones: quantum
 enim morbus à naturali statu recedit, tantum oportet infrigidare atq; hu-
 mectare patientem. Febrim hic facit morbum tantum calidum, curat
 tamen infrigidantibus atq; humectantibus. An hoc prorsus absq; conside-
 ratione? Haud equidem: sed ex hoc nodi dissolutio, meo iudicio, habetur.
 Mirantur aliqui, quòd non tam clarè in primo libro locutus fuerim: ex-
 timueram, cùm librum illum emendarem, minus tunc adhuc exercita-
 tus, ne quid ueritati, atq; his quæ in posterum dicturus eram, dissentiens
 in medium asferrem. Nunc huius rei experimentum habeto. quonam
 scilicet pacto ex prioribus posteriora pendent. Itaq; dictum est supra,
 quòd febrilis calor est idem cum naturali subiecto & re, nec nisi solo mo-
 do differt. Declaratum est autem in prima Aphorismorum, tum alibi sæ-
 pe, quòd naturalis calor in humido fundatur, estq; re unum calor natura-
 lis & humidum: quod & hic iam ex uerbis Galeni in secundo Regiminis
 acutorum docuimus. Quambrem his duobus fundamentis demonstra-
 tis, si calor naturalis febrì accendatur, humidus tamen adhuc erit: aliter
 transitus erit ex humidissima substantia in siccam protinus, & erit uita
 sine humido. Quomodo igitur Galenus potuit febrim uocare morbum
 calidum & siccum absolute: cùm esset calor humidus. Ob hoc, si quis re-
 ctè definiat febrim iuxta Galeni sententiam, calorem potius humidum,
 quàm siccum appellabit. Simpliciter igitur Galenus febrim morbum
 siccum dicere non potuit, comparatiuè autem potuit: cùm enim omnis
 calor humidum naturale depascatur (ut Galenus inquit in libello de Vsu
 respirationis) logè magis febrilis: unde ab opere siccus, quòd exsiccat, uo-
 catus est. Quomodo autem exiccet, declarabat Philosophus quarto Me-
 theororū dicens, quòd calor putridus dissoluit humidum, & diffillare co-
 git,

Contrad. 18.
 huius tract
 com. 14. iuxta
 medium.

cap. 3.

t. c. 6.

git, eoq; res sicciore euadit. Esse autem febrem calorem tantum, qui uitiet naturæ opus, cum toti corpori communicatur, ex hoc liquet, quod si calor esset siccitati iunctus, tantus calor toti corpori uel cordi ipsi insitus, atque ex eo in uniuersum corpus deductus quod operationes lædat, quis erit morbus? an forsitan esse non poterit? Sed si dicas uersa uice, si febris est calor, & sine siccitate, cum siccitate iunctus calor quis morbus erit? Dicimus & hunc febrem esse si cum comparatiue sumitur, sed serò aduenit, simpliciter autem nunquam, nullus enim esset, ut diximus, naturalis calor tunc, si siccitas prædominaretur. Quia igitur plusquam decet calor febrilis siccet, sicut & calefacit, ideo humectantibus non minus quam refrigerantibus semper indiget febriles. Hac de causa igneum calorem Galenus appellauit febrilem, ac febrem calorem cum siccitate. At dices, Cur non omnis morbus hac ratione calidus etiam siccus non est? immodica enim caliditas plus iusto semper exiccabit. Respondeo, caliditas impressa cum quæta fuerit, non exiccabit, nisi siccitati iuncta: febris autem in calore influente motu semper siccet, uelut calidus aer semper plus iusto siccet: non tamen eruca, uel indica nux aut caro.

CONTRADICTION XXVI.

Iudicium omne an in morbi consistentia.

Magna ex parte morbo in suo uigore consistente, sunt iudicationes, inquit Galenus prima Aphorismorum: non semper igitur illas tunc fieri docet inde etiam Princeps, Et non fit crisis in principio morbi, nisi perniciose: & in ea quæ statum antecedit non est securitas, sed ipsa diminuta aut mala. Crisis autem bona fit in hora status. Et rursus dixit parum ante, Completa autem crisis fit apud statum, & fortasse, cum aduenit declinatio. Manifestum est igitur, quod iuxta Auicennæ sententiam, in quocumq; morbi tempore crisis, seu iudicatio morbi fieri potest, etsi in principio sit perniciose semper: & plerumque etiam in augmento. Galenus autem prima Aphorismorum duo tempora solum assignat, in quibus indicia iudicii apparere possint: non in principio, dicit, sed in augmento & statu. Itaque iam constat dissidium, cum nec in declinatione uelit fieri iudicationem, nec in principio. Dicit ad hæc forsitan quispiam, quod quæ in principio accidit iudicatio, erit sine signis: & quæ in declinatione, erit cum signis in statu: ita quod signa iudicationis in augmento significabunt iudicationem in augmento uel statu: & signa iudicationis in statu iudicationem in statu uel declinatione. Sed pars prima responsionis stare non potest, nulla enim crisis sine signis, saltem demonstratiuis esse potest. Quod infra Galenus docet, cum dicit, ut sudores sanguinis fluxus, rigor, alui profluuium, & uomitus. Quis ambigit, nullum horum signorum

com. 19. in fi.

secunda quart, ca. 2. in fine.

com. 12. in medio.

post medium, com.

gnorum, præter rigorem, esse futuræ iudicationis sed præsentis signum. Rigor autem est proximo futuræ. Vnde Hippocrates secundo Epidemiorum demiratur Zoilum laterali morbo laborantem sine rigore iudicatum: & rectè, cum in phlegmonibus iudicatio bona à suppuratione ortum habeat: suppuratio autem phlegmonis interni, etiam in continua febre rigorem adiciat. Per iudicationem plerumque Hippocrates ad salutem repentinam intelligit mutationem, ut etiam in libro de Medicis præceptis cum ait: Iudicatio est morbi exolutio. Subiicit autem quam exolutionem intelligat illico, quoniam salutarem: inquit enim, Paruos autem morbos medela exoluit. Neque potes dicere, quod Auicenna intellexerit per principium primam diem, nam primo de Crisi quandoque in prima die morbus ad statum peruenit, & tunc poterit fieri salubris iudicatio, & non esset si imper perniciosa. Neque etiam Auicenna intelligentè de principio generali morbi, in quo nondum coctionis signa manifesta apparent primo de Crisi. Galenus potuisset de prima die intellexisse in Aphorismo: cum, ut dixi, tunc etiam præsentis iudicationis signa quandoque appareant. Relinquitur igitur, ut uel Galenus loquatur in prima Aphorismi parte de prædicentibus iudicationem signis, & in secunda tam de prædicentibus, quam etiam demonstratiuis: uel quod Auicenna non rectè admiserit uel perniciosam morbi iudicationem in illius principio. At ibi Galenus, si quidem primo de Crisi, inquit: Quod si sudores in morbi principio apparuerint, uel profluvia alui, aut sanguinis, hæc nunquam morbos finiunt. Vult igitur hæc potius esse naturæ irritamenta, quam iudicia: quod aperte docet quarta Aphorismorum. Declarat autem Galenus, Crisim non fieri, nisi in statu uel parum antè, non autem in principio, tertio de Crisi, cum dixit, Crisis quidem non fit, nisi in statu, uel parum antè: mors autem contingere potest in tribus temporibus, scilicet principio, augmento, & statu. Sed nec in declinatione: inquit enim, Si in statu crisis non fuit, multò minus in declinatione illam fieri contingeret. Est autem huius rei in his uerbis contenta demonstratio huiusmodi breuis: uel morbus proritare naturam ad iudicium atque certamen potest hora declinationis, aut non potest: si non potest, nulla erit in declinatione crisis: si potest, cum acerbior fuerit in statu, illam proritare debuit, nec expectare declinationis tempus. Ad hæc, inquam, dicimus: declinationem crisim non admittere sui natura, ratio enim concludit. Defenditur tamen Auicenna, quia per accidens contingere potest, cum hora status morbi impedimentum adfuerit: quod ego quandoque uidi, homine cui futura erat per sudorem crisis in hora status in frigido loco constituto: cum autem quieuisset febris accenso igne sudor multus profluxit, ac liberatus est. Hocque in sudore frequentius accidit, quam in aliis generibus iudicationum. Nec quifquam

in fine.

cap. 17.

cap. 18.

com. 22.

cap. 6.

ca. 5. post prin.

quam existimet Auicennam posse tueri quod de declinatione accidentiū loquatur . nam tunc cessat crisis causa, & est molestiæ materia . Per statum enim quid intelligeret, docuit Galenus primo de Crisi, cum dixit, cap. 1.
 Vehementissimum enim morbi tempus statum dico. Constat autē uehementissimum esse tempus morbi cum symptomata maximè sæuiunt.
 De principio autē sic Auicennam tuebimur, nanq; tertio de Crisi, cap. 9. in prin.
 Galenus, in principio quandoq; ægrum repente mori, non tamen Crisi: quia dicit ad eod morbus magnus est, ut natura non audeat morbum aggre-
 di, crisis autem non fit sine pugna morbi naturæq; . Hoc tamen mor-
 tis genus per crism factum uocat Auicenna, quia subito accidit, & cum
 pugna naturæ cum morbo: nam et si natura (ut rectè Galenus) morbum
 non aggrediatur, morbus tamen illam adoritur: unde fit aliqua pugna,
 quæ speciem quandā malæ crisis refert. Diximus autem perfectam iudi-
 cationem in summo morbi uigore fieri debere. Est autem absoluta iudi-
 catio, prima Aphorismorum sex habet condiciones: quòd materiam extru-
 dat è corpore, non per abscessum, aut transmutationē, materiamq; peccan-
 tem, non autē aliā, & quæ per cōuenientes regiones: nam crisis per sangui-
 nis sputum haud erit laudabilis, quæ facile tolleretur, præcedente cōstio-
 ne, & decretorio die. Itaq; rectè dictum, eadem signa cum in principio ap-
 paruerint, quæ in augumēto uel statu crises indicare solent, deliria osten-
 dere. Nanq; inquit, nihil statim ab initio iudicari potest. Hæc igitur atq;
1. reg. acut. com. 9.
 repentinam considerans, quæ illis succedit signis, mortē Auicenna, tum
 quòd agentium naturalium esset contrariis semper quantum licet resiste-
 re, mutationē ab initio ad mortē factam et si quicquam ad ueræ crisis ra-
 tionem deesset, crism tamen appellauit. Crism nanq; Auicenna uocat
 quācunq; subitam mutationem ad salutem, uel ad mortem, quemadmo-
 dum Galenus eam diffiniebat secunda Aphorismorum, & sic illam fieri com. 13.
 in principio nihil uetat. At ut uerè accipitur crisis, est agitatio materiæ fa-
 cientis morbum à natura, & hæc in principio contingere non potest.

CONTRADICTION XXVII.

Morbi an uirtutis maior in uiclu indicatio.

Aliquando etiam in ipsius morbi uigore, ubi casus aliquis interue-
 nerit, robur naturæ dissoluēs nutrire cogimur: prima Aphorismo-
 rum Galenus inquit. Quod & Auicenna docuit in prima quarti, cum di-
 xit: Et cum times casum uirtutis tunc melius est ægrum nutrire. Et pau-
 lopost: Et corpora biliosa proprie cum assueta fuerint plurimo cibo, nisi
 cibum sumperint in principio accessionum, imò etiam in statu qui dete-

X rior

Fen. 4. cap. 1.
post prin.

rior est duorum alterum incurrunt: aut enim in syncopim cadūt, aut extenuationem illam quam Hippocrates primo Prognosticorū descripsit: sed tamen dixit in primo libro, quod cum symptomata grauiora efficiuntur, minuere debemus cibum: quare non uidetur conueniens ut illis uirtutem prosternētibus debeamus dare. Et, ut ad institutum reuertar, nono

cap. 13.

Artis curatiue, dum de hoc ageret, inquit: Maxima igitur dignitas ipsarū est uirium: quando nobis uiuere ex ipsarum custodia constat: ut cum uitam ipsas esse uires, aut earum actiones necesse sit. At uita ipsa nihil prius in animātis corpore esse potest, propterea quod nec sanos esse citra ipsam uitam licet. Virtus ergo omnium prima hominibus custodienda est. Seruabitur autem si nec substantia illius inanis reddatur, nec mutetur tanta

cap. 3. in fine.

mutatione ut corruptioni sit propinqua. Atq; huius custodiæ pars est, ubi uel temperiem ipsam præsentem seruamus, uel absentem inducimus.

ca. 4. in prin.

A uirium autem indicatione proxima est, quæ ab affectibus quos curare proponimus, nobis aduenit. In duodecimo etiā Artis curatiuæ, in syncopæ à crudis humoribus uinum exhibet cum pane, quorum utrunq; morbo euidentissimè aduersatur. Et paulo post in syncopæ à bile uinum, testatus iam tamen bili nihil uino amplius nocere. Et decimo eiusdē enarrat longam historiam illius, quem ab initio cibans febris, aut parum antè, quod uirtus succumberet ieiunanti à morte seruauit. In duodecimo etiā eiusdē dum de Syncopa agit quæ initio calidorum humorum cum febre prouenit, dat uinum aquosum, oui lutea, cerebrum suillum assatum,

com. 13.
com. 44.

carnesq; etiā ante absolutam materiæ morbum facientis coctionem: cum tamen constet in febribus dare carnes, & uinum, esse uictum monstruosum Petronæ primo regiminis acutorum. Atq; in hoc ipso libro unum statuit tam sanis, quàm languentibus cōmunem scopum, uitalis uirtutis conseruationem. Sed tamen oppositum subiicere paulo post uidetur, cum inquit: Morbus non de nutritione indicat, sed prohibet. Vbi igitur non prohibuerit, & facultas affuerit, tūc nutrimus. Et prima Aphorismorum Galenus rursus, In sanis intentio est uirtutem seruare, uel etiam augere. In longis morbis raro augere, plerunq; tamen seruare. At in acutis moderate debilitas tueri. per moderatū intelligit, ne omnino decidant & moriantur. Quod si hoc in uitali & naturali proponit, quàm parum curabit

com. 29.

cap. 1.

animalem, quæ celerrime ac maximè aliarum comparatione fatigatur? secunda Aphorismorum. In decimo etiam Artis curatiuæ cum tria hæc comparasset, morbum, causam morbi, & uirtutem, his uerbis utitur: Cum autem in his examinandis non parum uisa est ad hominis salutem momenti habere uis ipsa, supple naturalis: itaq; de ea non leuis ad agendorum considerationem cura habēda est. Hic liquido ex ui sermonis morbum

bum & causam principalioris indicationis facit. Inde non multis post uerbis subiicit. Si horum trium indicationes pugnabunt, eam præferes, quæ ualidior fuerit, aliis duabus non neglectis. Rursus in nono eiusdem, Vt in ^{cap. 9.} sanis principalior intentio est, illos in statu, in quo sunt, seruare: ita in ægris amouere affectum qui præter naturam est: quare in diariis febribus propemodum nullam de uirtute curam habendam suadet. Quod & in octauo iam libro dixerat. Vbi hanc prope paucis antè uerbis definiebat ^{cap. 9. in fine.} questionem, dicens: Si febris indiget frigidis atque humidis perpetuo, natura autem, & consuetudo, & anni tempus, ætas, ac reliqua omnia in unum consenserint, calidæq; ac sicca expostulent, febris uerò mitissima fuerit: tunc neque calefaciemus, neque siccabimus, sed neque tunc infrigidabimus, humectabimur: sed mediis utemur. Liqueat itaque illum morbum exiguum omnibus naturalibus causis simul coniunctis contrariis æquiparare. Igitur morbi ualidior est indicatio quàm uirtutis in quali cibo exhibendo. non autem de quantitate, de qua iam nunc est sermo. Quod autem necesse sit primam morbi habere rationem, patet in acutis, cum illius uirtutis debilitas ex morbo proficiscatur. propterea rectè dixit Princeps, fauientibus symptomatibus debere subtrahi cibum, non addi, nam tunc natura occupata est. Accepit autem hoc ab Hippocrate secundo Regiminis acutorum, dicente: Ingens quidem malum est, si cui ob morbi laborem aut acumen imbecillitate forbitio- nem aut potum porrexerit. Dictum autem Galeni, quod symptomati- bus uirtutem prostermentibus illico dandus sit cibus (nam sic solet ad- duci, parumq; refert, si quis rectè pensitet) eo loco scriptum est, ubi intel- ligimus, ex nimia inedia hoc contigisse. Nam Hippocrates in textu di- xerat, Coniectari autem oportet, an æger usque ad morbi statum perdu- rare possit. Alio etiam in casu nutriendus est eger, cum imbecillitate uen- triculi, tum maximè oris illius laborat: non quod cibus iuuat per se, sed quod immixtus lædenti materiæ, tum etiam sua qualitate læsionem il- lius mitiget. Ostensum est enim in sexto Contradicientium medicorū libro, neruos qui ad os uentriculi ueniunt, eiusdem esse paris, atque sub- stantiam unam habere cum his qui ex cerebro in guttur, fauces, pulmo- nes, ipsum cor, pectus, iecur, lienem, atque septum, & renes permeant. Quo fit, ut ore uentriculi affecto totum corpus compati grauiter ne- cesse sit: tum magis quod, ut ibi ostendimus, nec ibi profundi sunt, sed in superficie & magnitudine conspicui: eo factum est, ut cum aliqui sic laborantes cibo & potu iuuantur, multi crediderint in syncope & ui- ribus deficientibus conuenire cibum. nam & ille iuuenis ex decimo Ar- tis curatiuæ ob uentriculi os. compatiiebatur. Tertius est modus, cum

materia praua exurensq; extiterit, tum maxime mobilis aut pestilens. Sed nec hic alius est à primo, nam nisi nimis tenuiter ante cibo & potu erga illum usus sis, non proderit in syncope cibi uel potus exhibitio, sed potius hominem ipsum enecabis. Nam si cibis aut potus uirtutem auferent, mori hominem ex ullo morbo esset impossibile. Nanque instaurazione continua facta tenuis cibi, aut ouorum, aut uini, uel succi carnis, si uirtus augetur pugnatq; cum morbo assidue, illi non accidente auxilio, huic perpetuo, tandem morbus finietur manente uirtute: Cum igitur hoc non contingat, hæc duo necessaria sunt, primum ut dum coquitur cibis, morbus humores ac sanguinem interim depascatur atque inficiat: & quod non probè cōcoquitur ex cibo ipsi morbi materia, uelut auctarium accedat. Quòd si ita est, aliis in casibus quāquam labentibus uiribus quānam prorsus ex cibo spes adest: quin potius si qua superest eo suffocato tollitur. Quomodo autem hic agendum, & quòd nullus hoc modo nobis perit, in arte curatiua, quam quatuor libris scripsimus, edocuimus. Nunc autem tempus est ut doceamus generaliter, quòd & aliàs dixi, quantum ad cibi pertinet non qualitatem, sed quantitatem, magis uires quàm morbum attendere oportere. Si autem morbus maior sit quàm uirium imbecillitas, nulla certa potest dari regula. Sed iudicio, in quo plerique decipiuntur ægri periculo atque iactura utendum est: cap. 1. atque hæc est Galeni exquisita sententia decimo Artis curatiuæ, ac etiā nono eiusdem. Quòd si quandoque dixit, in omnibus præferendam esse cap. 3. uirtutem, finis causa illud docuit. Nam quis adeò absurdus est, qui ignoret uirtutem seruandi causa omnia fieri: cum, ut rectè dicebat, uita sine cap. 13. uirtute esse non possit. Sic in nono Artis curatiuæ etiam in ægris, ut finis propiorem, commendat uirtutis custodiam. age exemplo: Pædagogus salutis puerorum præfertur, ac illis instituendis salutem magis habet commendatam, ut qua pereunte institutioni nullus prorsus locus relinquatur: num propter hoc sedulus magis erit ac magis laborabit circa salutem: totosq; consumet dies in explorandis lacunaribus tegulisq; ne in cautè illos opprimant: an his potius animaduersis quasi per ocium, diligenter instituet pueros, atque assidue docebit. Cæterum quòd ad exemplum Galeni attinet, primo Regiminis acutorum, de duobus illis laterali morbo laborantibus, quanquam hic locus esset disputandi, quia tamen liber in immensum crescit, ad tertium librum ubi de uenis latis agitur, reseruatur: hoc uno tantum addito, quòd prior non ob uitalis uirtutis robur, ubi cibum assumpserit, mouetur: neque alter, ob imbecillitatem seruabitur. sed hic ob inanitionem seruabitur, alter ob repletionem morietur: reliqua posse aut non posse ferre indicabunt, priorisq; exempli longè plures seruabuntur, quàm secundi: cum quique

que debito quod ille ibi exposuit regimine utentur: imò uix ullus ex secundo exemplo supererit. Nunc autem ostendamus quod diximus, scilicet quòd plus possit morbi quàm uirtutis indicatio in cibi quantitate exhibenda: inquit enim Hippocrates Aphorismorum prima: Aeger ab initio nutriri debet, ut possit, usq; ad morbi statum sufficere, in quo tenuissimè nutriendus est. Si igitur parum in statu ob morbi uehementiam, cum uirtus tamen debilis sit: multum ab initio morbi, cum uirtus ualida est, quòd morbus sit imbecillis (inquit enim alibi, Circa initia & fines omnia imbecilliora, cum uerò consistunt fortiora) liquet, quòd morbi potius quàm uirtutis curam gerit. Nam si uirtutis rationem proponeret, astatim in statu & ab initio tenuiter ægrum nutrirer: at oppositum è directo facit. At per copiosam nutritionem nutrimentum quod plurimum nutriat, ut oia, & carnes intellige non quantitatem: neq; enim unquam multa cibi quantitas ullo in morbo ex materia conuenit. nam si uirtus ualida est, haud eo indigebit: si imbecillis, non poterit concoquere. Solum igitur quandoq; cibis multi nutrimenti conuenire potest.

Aphor. 10.

2. Aphor.
Aphor. 30.

CONTRADICTION XXVIII.

Senine, an iuuent laborantibus calidiora conueniunt.

Calidiores partes, si intemperie labantur frigida, calidioribus indigent auxiliis, ut quæ multum à naturali statu remoræ sint: frigida, autem parum calidis indigent: parum enim à naturali statu recesserunt: septimo Artis curatiuæ. In octauo uerò Artis curatiuæ duos proponit homines eadem in regione ortos temperata, ægrotareq; alterum iuuenem assuetum calidis siccisq; cibis, & calida temperie, in regione autem frigida, hyeme & constitutione frigida atque humida: reliquum puerum frigida humidaq; temperie, & assuetum humoribus frigidioribusq; cibis, in calida autem regione, ac constitutione æstatis tempore. Primo omni ex parte calidiora & sicciora conuenient: secundo frigidiora atq; humidiora: nisi quòd respectu ætatis puerilis calida non frigida competunt. Inde subiicit, Consuetudo de similibus semper indicat. Anni tempus, regio, & constitutio, semper sibi contraria, nisi fuerint temperata. De natura & ætate adeò obscure ibi loquitur, sed tamen quòd similia postulent exemplo declarauerat, ut loci sententiam explicare hîc non omnino tutum sit. Nono etiam eiusdem, docet plus omnibus his posse consuetudinem: nanq; frigidus natura, uel etiam iuuenis, calidis assuetus, à calidis non lædetur. Intemperiem autem duplicem nobis insinuauit: Naturalem, quæ sibi gaudet similibus: & Acquisitam, quam palàm est, si consuetis natura gaudet, etiam similibus debere: at non debet, quia præternaturalis est ideo uoluit aliquid dixisse, ubi propter difficultatē rei nihil tūc dicere au-

ca. 13. in prin.
cap. 9.

cap. 16.

fus est. Nunc nulla mihi est cura, quòd senes humidis indigeant, ad senium retardandum, calidisq; : nam in præseruatio genere longi periodi illud dictum est, cum sermo noster de his quæ nunc maximè conferunt propositus sit : neq; dubium est, si humidis ualde senex utatur, quin in anasarcam incidat : nam membra ualde dissimile natura non concoquunt : sed moderata sint humida calidaq; & ex longo usu. Quare rogo te lector, ut ex toto hanc ab illa disputatione seiungas. Igitur ut ad propositam questionem reuertar, Auicenna quarta primi de utroq; explicauit, scilicet de naturali & præternaturali intemperie, quòd similibus sit adiuuanda: ideoq; seni frigida & humida, neq; modice, nec sicca exhibet. In oppositum est Auerroës cum ratione quam adducit: si enim seni frigida ualde exhibuerimus febricitanti, morietur æger, ad ulteriorem enim transibit intemperiem: iuuenis uerò non solum non periclitabitur, sed etiam iuuabitur. Similiter sic sensisse uidetur Auicenna, cum dixit in prima quarti, Cum dederis aquam frigidam in potu, non sit calor innatus debilis, nec iecur frigidum. Sed in uno est differentia, quia Galenus præsupponit quòd morbi sint æquales quo ad sensum, non quòd æqualiter recedant à temperie propria: tunc enim senex febrilis si æqualiter febrere, ut iuuenis uideatur, multò magis premetur, uehementioreq; febre quàm iuuenis infestabitur. ob hoc itaq; frigidioribus indiget, rectè inquit Galenus: & Auerroës rectè: nam ubi æqualiter à proprio statu recederent leuiter frigida curabunt leuem febrem que in sene erit, adiuta etiam auxilia à natura erunt frigida atq; humida: at in iuvene nihil proficient, in quo febris quidem æqualis est senili, sed totus calor longè acutior ac maior: poteruntq; (quemadmodum & febris accidit, ex conspersa aqua, ut ignis accendatur) leuibus frigidis irritare febris uehementia & magnitudo. Accedit quòd senes forsan à frigidis immoderatè patientur ob uirium imbecillitatem, oportebat enim senem ualidum & iuuenem, imbecillem accipere: nam quæ ex ætate accidit in uirium robore differentia, haud est præsentis considerationis: sed tantum quæ meritò temperaturæ. Est autem Temperatura quadruplex, Naturalis, & Aequalis, & Inæqualis, sed tamen naturalis: & Inæqualis consuetudine acquisita, uel ætatis necessitate, quæ aut non lædit, aut parum lædit, aut omnino est inemendabilis, ut ualde senum intemperies: & quarta quam Malam uocamus intemperiem, quæ lædit, & naturalis non est, & merito sui est sanabilis: etsi non semper ob magnitudinem curari possit. Est autem duplex genus frigidioris calidioris uel, aliud quidem quod quantitate ac potestate maius, ut lactucæ magna quantitas: aliud quod gradu & natura, ut modica mandragoræ portio. Senex igitur hoc secundo genere utetur, sed modicè, tum maximè, cum æqualiter uidebitur febricitare: sed & tunc, si

uires

uires ferant, copiosè: parum autem si uel uires non ferant, uel si æquali lapsu à proprio recedat temperamento. At iuuenis primo genere utetur, affatim scilicet modicè refrigerantibus, ubi febris æqualis sit: affatim autem uehementer refrigerantibus, ubi æqualiter à proprio recesserit temperamento. Auicennæ autem dictum de aqua frigida, est ob timorem, ne à corpore non possit expelli: cum enim huius causa detur, scilicet ut expellatur, calore innato ualido tum maximè iecoris indiguit, quare hoc temperamenti meritò haud accidit.

Sed quoniam diximus, frigida iuueni febre laboranti minus conuenire, uidebitur regula tertio Artis curatiuæ data uitari: quod morbi æqualibus in gradu curentur, nam de curatione agit tantū ut à morbi ratione pendet: seu enim loci, seu temperamenti causa uariationem suscipiat, eo loco non curat: sed tunc indicationes miscere oportet. Sed adhuc dubium est, nam si æqualiter recedant à propriis temperamentis senex & iuuenis, ob morbi naturam æqualiter frigidis indigebunt: senex uerò ob tempericem frigidioribus, igitur senex utroq; modò frigidioribus indiget, cum tamen leui labore febricula. Hoc uerò iam discussum fuerat, nam tunc paucioribus frigidis, attamen uirtute frigidioribus indigebit: iuuenis autem pluribus, at minus frigidis. Sed adhuc remanet dubitatio, quia laborante bilioso & pituitoso grauedine, si frigidiora seu minus calida pituitoso exhibeantur, duo sequentur inconuenientia: primum, quòd si uix sufficit concoquere biliosus: igitur pituitosus non concoquet materiam, quia minus habet de calore, & sic non sanabitur. Secundò, quia generabitur facillimè noua pituita, quæ aggregabitur priori: in bilioso autem ob temperaturam nequaquam. Dico igitur quòd in morbis materialibus ubi de causa consideratio habenda est, aliud oportet statuere: nam ad concoctionem senex & pituitosus calidioribus indiget quàm iuuenis, & biliosus. Ideo bene egit, ut recitat Brasauolus, Leoniceus, qui annum agens

cap. 6.

LXXXV. tertium scilicet, seu uerius quartum à centesimo, iure galli castrati, & uino dulci ac potentissimo à grauedine & raucedine, contra Hippocratis spem in eo Aphorismo declaratam, curatus est. Dictum igitur Galeni de Immaterialibus morbis, uel de morbis qui à materia fiunt, illa non considerata, intelligendum est. Sed iam ad diuisionem de temperatura deuenio. Omnis intemperies, quæ non lædit aut modicè, in eo morbo qui ab illa non pendet, similibus indiget. Seorsum autem naturalis uel custodiri debet, si leuis, uel in homine occupato: uel curari, si grauis. Acquisita autem si melior est naturali, conseruanda est, quandoquidem non habitam quærimus, sexto de Tuenda sanitate. At si deterior aut æqualis illi in prauitate fuerit, abolenda: nec tamen immutanda consuetudo, aliud enim est consuetudinem mutare, aliud quod ex illa prouenit iam

2. Aphor. 40.

auferre

lib. 1. Contra. auferre : diximus autem de hoc aliàs. Sed ne existimares ob consuetudi-
tra. 6. cont. 2. nem, quæ mutanda non sit, etiam intemperiem custodiendam : uoluimus
& de hoc te admonere. Hoc uerò de temperie dictum est, ut intelligas,
Contradi. 22. illam amoliendam, sed sanitatis tempore non, cum alios morbos, tum ma-
huius tract. ximè præcipientes & acutos. Cum igitur morbus, causaq; ac temperies dis-
sident, etsi dictum sit superius, quod medicamentis indigent compositis,
id etiam locupletius hic exponetur.

Difficile autem hoc uidetur : Primò, quia medicina composita est re-
fracta, igitur cura non erit per æqualia in gradu, affectui enim frigido, ut
duo si cinnamomum non mutatum competit, quomodo idem refracta,
& imminuta ex compositione uirtute curare poterit? Accedit, quòd Ga-
lenus primo de Temperamentis immixto, & Auicenna prima primi con-
cedunt ex primis qualitatibus fieri unam formam mediam, quòd & in
primo de Elementis fatetur, igitur cum secundæ & tertiæ ex primis pen-
deant, non poterunt esse distinctæ subiecto in medicamento iam ad mi-
nima commixto. Ad hæc superius iam diximus, & nunc quidem clarius,

cap. ult. primas qualitates quæ secundarum & tertiarum uirtutum sunt funda-
mentum, esse elementorum qualitates, quæ non miscentur magis, quàm
quæ ex illis oriuntur, & quam ipsa elementorum corpora. Verum tem-
peramentum est ab impressiuis quæ in unum coeunt. Medicina autem
refracta primas qualitates elementorum integras seruat, impressiuas ne-
quaquam. Sicut igitur cinnamomū in niue infrigidatum humectatumq;
non minus calefaceret, post consumptam frigiditatem illam aduentitiam
& exiccaret post humidum abolitum quod ex niue conceperat, atq; ideo
serius : sic & in compositione ad unguem accidit : ob id serius operatur
mixtum ac fermentatum medicamentum, non minus, nisi quantum ui-
tio uetustatis ex illo uirium decessit. Quoniam uerò Auerroës quinto

cap. 57. Collectaneorum exempla Galeni infirma reddit, ut de albo ac nigro co-
lore simul in oculo existentibus, mirum est, cur dissimulauerit exem-
plum de dulci & amaro in lingua, dum mel absynthio commiscetur : nam
lingua dulces simul & amarum percipiente, non est quod de materia assu-
mat argumentū : manifestum enim est has qualitates non ut in sensu co-
lores à materia pendere. At rursus Auerroës quomodo membra trahent
quod sibi conuenit, cum non sentiat? primò, ob distantiam, utpote pul-
mo medicamento in uentriculo existente : secundò, quia membrum in-
sensibile sit, ut pulmonis caro, quæ sensu prædita non est : tertio, quia qua-
litates elementares sensus non sunt obiectum, sed impressiuæ : impressiuæ
autem iam in unum coierunt : quartò, quòd una impedit aliam : ad hoc
cap. ult. Galenus ex Hippocratis sententia, secundo de Elementis respondebat,
Plantas & fata omnia quod sibi conuenit trahere, respuere quod contra-
rium

rium est eis: nullum autem est in animali mēbrum quod facultate plantę careat. trahunt autem simile ex elementorum mixtione, non ex impressiuis qualitatibus: quare cur & quomodo trahant satis iam est manifestū. Et nisi ita esset, nō minus à luteo oui uel macere aut glycyrrhiza, aut quouis medicamēto temperamento proximo morbi omnes curarentur; quā à Theriaca, uel Mithridato, ut dici solet, fermentatis: tamen Philonio, Athanasia, atque aliis magnis antidotis, cum ratione hac solum curēt quod temperata sint, aut temperamento proxima. Ideoq; affectui extremo contraria. Sed quomodo idem membrū sensu priuat, ac calefacit simul? uelut in coli dolore frigidus contingit ex theriaca potu, calida enim ponitur theriaca in secundo ordine: nam si frigidum membrū trahit partes theriacę calidas, quonam pacto stupefiet, trahetq; opium, quod frigidū est? Dixere quidam membra trahere ob dolorem, quod dolorem sedat: sed sic membra subirent uices operantis cum ratione ac electione. Alii dixerunt, quod dolor accendit spiritus, qui frigidum medicamentum ad se trahunt. Ac sic totum corpus æqualiter obstupesceret, quod minime uerum est. Alii uerò dicunt, quod partes calidę stuporem faciunt. At hoc primò reprobatur, quoniam antiquior theriaca magis hoc faceret. Respondemus, quod etiā aliās diximus, uires ex uetustate opii collapsas. Sed dicunt, stupor est, cum spiritus ob frigiditatem fit insensibilis; ut secundo de Locis affectis, Frigiditas somnum & stuporē facit, caliditas motus & uigilias. Idemq; primo de Symptomātū causis, Frigida, inquit, & humida non somnum solum, sed coma, & caron, torporemq; faciunt: at caliditas ac siccitas irritationes procreant, & uigilias. Sed tamen unguentum ex styrace calidum facit, & soporiferum, Dioscorides libro primo: & ibidē de Aromo clarius, Calefacit, inquit, & siccatur, astringitq;, & somniferū est, ac somno dolores leuat fronti illitum. Idem de Aloē, & apud Paulum de Anetho. Quid tandem, dicet Galenus partem adesse frigidam, atq; humidam, ideoq; soporiferam: at calidum siccumq; non hæc aget, non somnum, non stuporem inducit. Alii dixerunt, somnum cōciliari à theriaca, ob idq; solum stupefcere locum. Melius autē, (quandoquidem locum dolentē præter cæteros stupefcere uidemus) est dicere, quod partes in quibus solutio continui ex dolore accidit calefiunt, trahuntq; frigidiorē theriacę partem, hocq; modo propinquitate locorum calidorum ac frigidorū obstupescere totū. Indicio est, quod calefiant ex dolore partes, tum quia diu conflictatę definunt per se dolere: tum quia ad locum trahi calorem naturalem spiritum ac sanguinem non secus quā ab ictu aliquo, tradit Galenus. Sed tandē quomodo iecur, si calida laboret intemperie, calida simul ob naturalem, frigida ob præternaturalem attrahet intemperiem? Respondet: tum frigida tantum attrahet, donec laborat, uel moderatē calida: (sed

cap. 9. in fine
cap. ultimo.

cap. 7.
cap. 14.

lib. de uenę
sectione, c. 8.

Y de

de hoc alia est contemplatio suo loco discutienda) ut conualuerit cali da trahet. Non ergo duo simul appetet, nisi diuersarum partium ratione.

CONTRADICTION XXIX.

Semitertiana an Typhode longior.

IN continuis incedentes acutæ sunt: quæ uerò typhodes sunt longiores: medix inter has sunt semitertianæ: seu maius Græcè sic: *ἐν δὲ τοῖς συνεχοῖσι, οἱ μὲν καυσώδεις, ὅθεν, οἱ δὲ τυφώδεις χρονιώτεροι, μέσοι δ' ἁμφοῖν οἱ ἡμιτρίταιοι.* Prima Aphorismorum inquit Galenus. Sunt autem à *τύφω* uerbo Græco, quod est incendio, *τύφος*, atq; *τυφώδεις* febres dictæ: unde Suidas: *τυφῶν ὅχ' ἢ φλόξ ἐκ τοῦ αἰέρος. ἅλλ' ἐκ τῆς ἀναδυμιάσεως συσσεφῆ, πρὸ τοῦ ἐκ πρῶθ' ἵνα. ὡς πλάτων γν' φαίσκει.* Quod est Typhon, non est flamma ex aëre concepta, sed ex exhalatione obscuritas, quæ ex incendio procedit, ut Plato ait in Phædro. Subiicit & id: *τυφῶν, κεραυνὸς βίαιος, πολὺς καὶ πνέυματώδης, καὶ πνέυμα καπνώδες ἐξ ὧν ὅς ἀπὸ νέφους.* Λέγεται καὶ ὅτι τὸ τυφῶς, id est, Typhon est uiolentum fulmen: & uehemens flatus, & spiritus fumosus à nebulis findens. Dicitur & à *τυφῶς*, quod terræ filium, & multa alia significat. In hac fermè sententia est Hesichius, dicens, *τυφῶν, ὁ μέγας ἀνεμος, τινὲς δὲ τὰ ἐκ τῆς ἀναδυμιάσεως.* Id est, Typhon, magnus uentus, quidam quæ ex exhalatione. Galenus in septima Aphorismorum inquit: *ἐπ' ἐκείνων δὲ καὶ τὰς διαφορὰς τῶν πυρετῶν ἔγραψα, ἡπύαλον καὶ λιπυρίαν, ἐλατῶν τε καὶ τυφῶν καὶ λοιμῶν, καὶ κοῦσον,* id est, Ob hæc autē differentias febrium scripserunt Hepialam, & Lipyriam Helcodem, & Typhodem, pestilentem & ardentē. Fuchsius unā eandemq; dicit Typhodem atq; Helcodem: quod neq; uerum est, nec ex nominis ui ostenditur. Aëtius autem cap. 89. libro v. inquit: Si circa uentrem erysipelas fuerit, lipyria succedit: si circa iecur, Typhodes: si circa pulmonem, crymodes. Quod ut iacuit hausit Her molaus Barbarus, cum dixit ea ad unguen, quæ nunc recitauī. Similis error decepit Fuchsiū, cum ἐχκίοδ' ημ' & ἐλώδ' ημ' confundit: uir magnæ eruditionis: sed qui sæpe seu ob scribendi celeritatem magnis labatur erroribus, seu ob incuriā: Nam in Aphorismis editis, uigesimiquarti primæ particula, pulcherrimi sanè, ex toto obliuiscitur, utq; adeo etiam ipsius Hippocratis textum prætereat. In Præfatione autem Ptolomæum Euergetē Iuliano facit plusquàm sexcentis annis antiquiorem, cum uix quingentis ac nouem annis antecesserit: nisi de primo Euergete intelligat: sed de cuius uel uerbum addere claritatis causa. Scio hoc ad rem medicam nihil pertinere: sed tamen optarem illius maiorem diligentiam, ut maiore etiā fide opera illius apud posteros manerēt. Simili desiderio teneor, ne quicquam alieni sibi adscriberet, postquam proprio ingenio adeo foecundus, suisq;

com. 12 post principium.

com. 42.

cap. 89.

lib. 2. corrol. in Diosc. cap. de crimno.

suisq; laboribus est. Sed & Leonicens Elodem pro Helcode transu-
lit. Legitur tamen in libello aduersus Iulianum, καὶ περὶ τῆς τυφώσεως post initium
ἢ ἐλώσεως ὀνόμαζόμενοι. quas dicit maximè humidas esse febres: seu igitur
τυφώδης atque ἐλώδης unum genus sit febris, seu diuersum, non nisi
humidarum febrium τυφώδης genus est, neque quod erysipelas iccoris
necessariò consequatur. Manifeste primo illas Galenus septima Apho-
rismorum, ab hepatica ac aliis seiungit. Pòst etiam in prima Apho-
rismorum morbos alios connumerat, qui acuti secum coniunctam ha-
bent febrem, ut intelligamus de febribus, quæ sine phlegmione fiunt, tum
locutum esse cum Typhodem connumerasset. Febris etiam quæ icco-
ris consequitur erysipelas acuta nò parum est. hanc autè Gal. semitertia-
na longiorem facit. Aberrat igitur in hoc Aëtius? Hercle nò: sed Typho-
dum febrium genera duo sunt, alterū quod ab incendio & fuligine dictū,
quod acutū est, & iccoris sequitur erysipelas: aliud lentum, atq; humidū,
quod semitertiana longius producitur. Còstat sanè Galenum uariè usum
uebo τυφώδης, quandoquidem libro, Quòd animi mores corporis
sequantur temperaturam his uerbis ex Hippocrate sumptis utatur,
ὡς ἡ φλέψ ἢ ἐν ἀγκῶνι σφύζει μανικὸς καὶ ὀξύθυμος ὃ δ' ἀνὰ τρεμεῖ, τυφώ-
δης. Ea sunt scripta secundo Epidemiorum, quorum sensus est: Quibus
næ in cubito pulsant, hi furori sunt obnoxii, & iracundi: Quibus
autem quiescunt, Typhodei. Bartholomæus Syluanus Salonensis uertit,
Succenso stupori opportuni. quæ uerba difficiliter sonant Latine quàm
Græcè. Cornarius Stupidum uertit, non seruata nominis qualitate.
Rem ego docebo, tu modò quibus uis commodioribus uerbis licet uta-
re. Scis eos qui in fumo obuersantur sensibus detineri, atque hebetudi-
ne quadam: huic similem affectum patientes mente Typhodeos appel-
lauit. Sed quomodo Typhodes semitertiana longior esse potest? quan-
doquidem uarietas dispositionis longitudinem morbi afferat, quarta
Aphorismorum dicente Galeno Variæ dispositiones serius uincuntur
quàm una. Accedit ratio, nam in semitertiana cum humor mixtus pec-
cet, uel à duobus membris diuersis, uel ab uno duplici intemperie labo-
rante gignitur, utroque modo ut morbus curetur est perdifficile. Hu-
mores etiam crassi, atque tenaces, difficiliter concoquantur cæteris om-
nibus, sexta Aphorismorum: ac tales in semitertiana sunt. In Typhode
autem, siue sit ardens febris, (ut Leonicens exponit, qui eam appellat
succendentem) seu humida, constat impossibile esse illam febrem, in
qua sudor ab initio apparet, ex crassa consistere materia: quomodo igitur
semitertiana Typhode longior? Respondeo igitur, quòd Typho-
des est febris quæ nec hepatica est, nec lipyria, ut ex septima Aphorismo-
rum à Galeno colligitur: est tamen ex his, quæ ex multa materia pitui-

cap. 8. in fine.

sec. 4.

com. 40.

Aphorif. 42.
in commen.

rofa gignuntur: sudorq; , qui in illarum initiis apparet, longitudinē morbi significat, scilicet ob materiæ multitudinem: scriptum est enim secundo Epidemiarum, Signa decretoria quę non decernunt, mortem, aut morbi longitudinem significant: est autem sudor signum decretorium, quare tales febres, quę cum illo adueniunt, ualde prolixę sunt: tum maxime dicente Hippocrate, Sudor multus ex somno factus, cum homo uictu moderato utitur, humorum significat abundantiam: sudoris enim multitudo si quid aliud signum, materię ostendit multitudinem. Differt autem semitertiana (quę & Hemitritæus Gręcè dicitur) à duplici tertiana, ut a Galeno habetur in libro de Typo: inquit enim, Triplex semitertianę genus: minimum, quod Typum habet horarum uigintiquatuor: medium, quod horarum triginta sex: maximum autē, quod quadraginta octo, quod continuę proximum est. Nullum autē, ut ibi inquit, periculo uacat: aliquod etiam genus continuum est, aliquod intermittēs. Nec solum inter acutos morbos, sed etiam inter diuturnos ab Hippocrate morbos adnumeratur. Vnde patet cur dixerit in prima Aphorismorū Galenus rectē semitertianam esse mediam inter acutos morbos ac diuturnos: non quod media sit inter utrunq; uerē, perabsurdū enim est, nisi uelimus omnē semitertianā, esse acutam conuersuā, cum differāt inter se genere, ut mox ostendetur, sed media est semitertiana, quod quoddam genus acutum sit, aliud autem diuturnum. Affligit enim, ut ibi inquit, uentriculum, & neruosas partes, ac medias: tum etiam commouet lethargos, uigilias attonitas, animi deliquia, & syncopas. Nonnunquam autem in tertianam desinit, & quandoque in duas tertianas, & aliquando in duas quotidianas. Manifestum est autem, ut secundo de Crisi habetur, tertianam, si exquisita sit, duodecim horas pertransire non posse: cum idem iudicium sit de duabus, ut parum ante iam dixerat: quare duę tertianę singulis diebus inuadent, plerunque typo non excedente in singulos dies horas duodecim: at rarissimē ad uigintiquatuor peruenient. Minimus uerō hemitritæi, seu semitertianę typus est horarum uigintiquatuor, ut iam docuit te Galenus: quare non minima inter duplicem tertianam & semitertianam, uel ex solo typo differentia erit manifesta. Neque tamen duplicem tertianam excedere horas uigintiquatuor est impossibile: uerū tunc à semitertiana aliis notis dignoscetur. Verū an semitertiana dicatur, Galenus in libro de typis satis dubitasse uisus est: seu quod, inquit, dimidio circuitus tertianę reuertatur: tertiana siquidem singulis duobus diebus semel, hæc singulo die semel: atque sic hoc nomen etiam duplici tertianę conueniret: uel quod semitertiana sesquitertianam sonet, id est, dimidio longiorem tertiana: nam accessio tertiana duodecim

est

sectione. 1.

quarta apho.
aphorif. 41.quarta apho.
aphorif. 42.

cap. 4.

cap. 3. iuxta finem.

cap. 2. in fine.

est horarum, hemitritæ autē decemostō excedit: sed & hoc malè conueniebat: cū, ut diximus, ad uigintiquatuor accessio etiam semitertianæ minima extendatur. Aliter quod uigintiquatuor horas continens in singulis accessionibus dimidium obtineat amplius quàm sexdecim, qui numerus horarum est tertie partis typorum tertianæ, quartanæ, quotidianæq; . Vel, ut Agathino placuit, dicta semitertiana, quod à tertiana deriuetur. Hoc nunc recentiores sic explicant. nam hemitritæus tertiana & quotidiana constat: itaq; hemitritæus tertianæ dimidia parte tertiana est: inde figura Metonymia dictus semitertiana: cū tertiana potius sit hemitritæi dimidium. Vel dic, quod cū tritæus horis xlviii. absoluitur, hemitritæus dimidium spatii occupans, semitertiana, uerè dici potest: uerū ad utiliora transeamus: ostendit autem Galenus semitertianam in libro de Morborum temporibus ex mixtione quotidianæ ac tertianæ fieri: eam tamen sine rigore incipere exacto fatetur, sed uel cū illius initio, uel cum horrore tantum: & nunquam intermittere, sic ut ad perfectam integramq; febris solutionem deueniat. Quamobrem hoc de difficili hemitritæo est intelligendum. Quippe in secundo de Februm differentiis dixit hemitritæum ex quotidiana haud intermittente, & tertiana constare. Exquisitum autem dicit illum esse, quotiens bilis ac pituita cœquantur: tunc enim bilis celeritatem cohibet pituitæ frigiditas, & pituitæ tarditatem atq; hebetudinem ipsa bilis excitat. Quod fit, ut ex hoc argumentum quod in oppositum deduxeramus dissoluatur: nanq; breuior morbus erit hemitritæus quotidiana, quanquàm hæc unico humore, scilicet pituita, ille uerò duobus, siquidem bile atq; pituita constet: nam calor bilis attenuat pituitam, & ipsam celeriori concoctioni reddit aptiorem. Vnde primo ad Glauconem, Quartana & quotidiana si non sint exquisitæ, non sunt longissimæ. Supererat uerò aliud genus continui hemitritæi, quod ex tertiana continua & quotidiana fit intermittente: hæc duo uerò sub genere hemitritæi contineri uult: quandoquidem hemitritæum apud Hippocratē febrem, continuarum ex genere dici ostenderit. Tertium autem genus (de quo in libro de Typis, ut diximus, loquitur: & quod in tres, ut docuimus, species diuiditur) ex interpolatarum februm genere est, atq; ideo nec uerè Hippocraticus hemitritæus. Primi autem generis, ut dixi, species tres sunt: Exquisitus, cū bilis pituitæ composita æquali mensura est. Altera species, cū pituita uincit: & ut in qua uincit pituita: nam ea est ex diuturnarum februm numero: ubi bilis ex acutarum: exquisitus in medio est. Semitertiana igitur media est inter acutas ac diuturnas febres, quandoquidem modò diu duret, modò parum, modò mediocri quasi spatio: ut acutæ uocatæ conuersuæ. At Ty-

iuxta finem.

cap. 2.

cap. 3. in fine.

- phodem longam esse febrem constat, cum pituitosa planè sit inquit enim
 cap. 7. primo ad Clauconem, de quotidiana sermonem habens: *καπνώδης γὰρ
 τινα θερμοσίαν ἀτμῶ πολλῶ συμμυγῇ δόξας ἀνίεναι*. Quod est, Fumosa
 quædam caliditas cum multo uapore commixta exire uidebitur. Ob hoc
 igitur liquet cur quotidiana typhodes dicta sit, quasi ex fumosa flamma
 constans febris: at pituitosam febrem ex diuturnarum genere nemo du-
 bitabat. Sed quomodo sudorifica sint, cum Galenus quotidianam sudore
 terminari ibi neget? Respondeo, Non omnem quotidianam uocat Gale-
 nus typhodem, sed madidam atq; humentem: generaliter tamen tales
 sunt quotidiana: sed non ad solutionem per sudorem ueniunt: madescunt
 enim potius, quàm sudant: idq; perpetuò quasi accessionis tempore: tum
 magis per initia & augmenta, minus autem cum maximè sudore indi-
 gerent, scilicet sub status fine, & declinationis initio. De his autem sudo-
 ricis febribus dicebat prima parte primi Epidemiorum: Sudabant sem-
 per, non toto corpore, frigebant extremitates multum, inquit Galenus
 in Commento, Febrium hæc sunt symptomata cacœthuma: Et rursus in
 secunda eiusdem libri parte, Sudores omnibus undequa; multus plados.
 ubi Galenus: Quibus inquam multum per cutē effluxit, eo tempore natu-
 ra fuit potens huc reicere excrementum, unde sudarunt hi. Superfluum
 enim humidum Plados uocare solet. Cum igitur aliis aliter, ac quibus-
 dam multifariam humores collecti longo tempore euacuarentur, ob id
 merito dicit, Omnibus undequa; multus sudor. Declarat autem quòd
 hic, quibus hæc aduenerunt cum dolore, hi sunt sub autumno & hyeme fa-
 cti tabidi: unde argumētum hoc est longi morbi atque pituitosi: Et si Ga-
 lenus aliter interpretetur. At uerò clarius paulo infra, cum dixisset Hip-
 pocrates, Sudores multi non solum laborantes non iuuabāt, sed etiam le-
 debant, inquit Galenus: Causa manifesta est, nam crudis morbis sudores
 non profunt, nec bonum prænuntiant: cum copiam denuntient humorū,
 uel uirium imbecillitatem. Meminit & prima in parte sexti Epidemio-
 rum Hippocrates febris humentis inter reliqua febrium genera: & Gale-
 nus in expositionis fine inquit: *καὶ τῶν συνέχων, τὸν μὲν ἡμισιταῖον, τὸν
 δὲ καυσώδη, τὸν δὲ κρυμώδη, τὸν δὲ τυφώδη, τὸν δὲ λοιμώδη, τὸν
 δὲ ἐλεώδη, τὸν δὲ ἡπιαλόν*. Quod est, Continuarum alia semitertiana,
 alia ardens, alia algida, alia typhodes, alia pestilens, alia eleodes, alia he-
 piala. Constat igitur Typhodem non esse elodem, nisi inter ἐλεώδη &
 ἐλώδη differentiam facimus. At nos, ut diximus, ἐλεώδη, & ipsi scri-
 ptum inuenimus. Quare seu Typhodes sit humens, ut non est: seu fumo-
 sa & à pituita genita febris (quàm forsā Lipyriam quidam dicunt, ut
 cap. 3. Rasis decimoctauo Continentis, qui Tycorem pro Typhode corrupto
 nomine scribens, Lipyriam manifestè esse uult) ex diuturnarum febrium
 genere omnino est.

CONTRADICTION XXX.

Autumno an morbi acutissimi.

SCio *τυφῶνας* uentos esse, quos nos Turbines dicimus: quis igitur prohibeat esse febris genus turbulentum pituitosa, quod Typhoden Græci uocarint. Vbi ergo de nominibus agendum est probabilia argumenta adduxisse sufficiat: rebus in ipsis, quoad licebit, adiciam demonstrationes. At res iam penè comperta est, *τυφῶδης* enim diximus febrem ex pituita continuam ac diuturnam. An uerò *ἐλώδης* sit seu humens, seu à *τυφῶν*, uentosa, seu fumosa, quod mihi magis arridet, quandoquidem *ἐλώδης* eam nunquam esse putarim, parum interest. At multum sanè hoc, quod ad rem ipsam pertinet, scilicet: An, quemadmodum dicebat Hippocrates in tertia Aphorismorum, & Autumnus morbos gignat acutissimos, & maximè lethales? adducit tres causas in Commento Galenus quæ ab hoc anni tēpore sunt inseparabiles. Prima, quòd est inæqualis & inconstans. Dixerat autem iam, quòd in non constantibus temporibus inconstantes morbi, ac mali iudicii fiunt: & quòd temporum mutatio morbos parit: quamuis hoc ad generales potius anni partes pertineat. Autumnus autem inæqualis est, ut in primo de Temperamentis declaratur atq; ideo morbos acutissimos, & lethales gignere solet. Secunda causa est, quòd ob ætatis calorem humores multi superassati generantur, qui postmodum collecti sub Autumno morbos prauos procreant. Tertia, quòd frigus Autumni constringit poros, unde facilis fit putredo, prout declarauerat sæpe dum de Causis febrium ageret. Inde adiicit quartam, quæ non est generalis, ut rectè ait, & est multorum fructuum, illius generis quod facile corruptioni obnoxium est, usus: ut declarauerat in secundo de Alimentis, & in libro de Cibis boni & mali succi. Potuit & quinta addi ratio, scilicet, Virium eo tempore imbecillitas: quas tales esse & Hippocrates insinuauit prima Aphorismorum, & ipse Galenus docuit in Commento, cum dixit: Aestate imbecillis calor noster est, atq; exiguus post Autumno: sicut Hyeme ualidissimus inde Vere. Sed multa sunt in oppositum, primum quòd in eadem particula connumerans Autumni morbos, inquit: Quartanæ, & erraticæ, & lienes, aquæ inter cutem, & tabes, & stillicidia urinæ, & difficultates, ac leuitates intestinorum, & coxendicum dolores. Hi omnes diuturni sunt, nisi uelis difficultatem intestinorum excipere, qui morbus est anceps. Connumerat & morbos comitiales & anhelationes, qui morbi longi sunt, & furores, & atra bilis, nec nisi ex acutis alios præterquam duos anginam, & ileon. Forfan excusabis, quòd dixerit, præter ætatis morbos: at illi acuti magna ex parte sūnt. Fateor: sed tunc cogimur concedere, plures morbos æstate fieri acutissimos,

Aphor. 9.

Aphor. 8.

cap. 4.

cap. 2.

cap. 1.

Aphor. 3.

Aphor. 22.

tos,quàm Autumno: nam comparatione habita ad uniuersum morbo-
 rum genus quod utroq; tempore uexat, plures acuti ex natura morbo-
 1. Aphor. 23. rum accidunt æstate quàm autumno. Quin etiam in sequenti Aphorif-
 mo tria connumerat prorsus morborum acutorum genera ex pauciori-
 bus quæ hyeme contingunt: Lateralem morbum, Pulmonis inflamma-
 tionem, & Apoplexiam, seu Attonitum. Liquidò autem ex hoc constat,
 Hippocratem non in uillis, sed urbibus artem exercuisse medicam. Nam
 morbus lateralis, quem ipse non connumerauit inter ueris morbos, longè
 in uillis frequentior est Vere quàm Hyeme. Sed nec quo ad morborum
 2. Aphor. 25. qualitatem uidetur Autumnus morbos efficere acutos, cum dicat Hip-
 pocrates æstiuæ quartanæ breues sunt, Autumnales uerò longæ, & Gale-
 nus etiam in prima Aphorismorum ipse, dum hunc adducit Aphorif-
 com. 12. post initium. mum, apertè innuit, Autumnus prolongare morbos, & æstatem decur-
 tare. Additur & quasi tacita ibi ratio, inquit enim: Accessiones fiunt in
 æstate de tertio in tertium diem: Autumno autem de quarto in quar-
 tum, qui circuitus à melancholia fieri solet. Manifestum est autem, mor-
 bos à melancholia longissimos esse: quod Galenus innuit in Commento
 Aphorismi illius æstiuæ quartanæ, cum dixit Hippocratem longissimi
 morbi consulto meminisse. Quare non uidetur, quomodo Autumnus
 acutos morbos possit, nec in genere, nec priuatim, (ut ita dicam) pro-
 creare. Respondeo, quòd solutio constat in tribus: Primum, quòd hic lo-
 quitur generaliter: nam etsi Ver acutos procreet morbos, non tamen nisi
 13. Aphor. 20. in impuris corporibus, ut dicebat Galenus: & ita ætas in calidis, aut im-
 becillibus: & hyems in humidis: Autumnus autem generaliter sui prau-
 tate omnibus nocet, plurimosq; generat morbos acutissimos ac lethales.
 quod etiam experientia ab Hippocratis æuo usq; ad hæc tempora con-
 firmat. Nam bene possunt lethalibus morbis alia tempora abundare
 quandoq;: sed autumnus esse salubrem pro re mira haberi debet. Se-
 cundum est, quòd acutissimos dixit non in comparatione ad cæteros
 morbos autumnus, cum quandoq; plures sint longi, ex natura quidem, ut
 dictum est, coxendicum dolores, tabes, quartanæ, & reliqua quæ superius
 sunt connumerata. Ex numero etiam ægrotantium quandoq; cum au-
 tumnus fuerit salubris, morbi pleriq; longi euadent, & seruabuntur. Acu-
 tissimi igitur erunt comparatione reliquorum temporum, pluresq; ægro-
 tantes, & plura etiam morborum acutorum genera habebit cum æstiuos
 & proprios, & postmodum generaliter omnes: nam Hippocrates eo
 Aphorismo frequentiores describit, qui in Autumno accidere solent:
 non habita comparatione ad reliqua tempora: sed ad morbos qui Au-
 tumno apparere solent: nam morbi rari autumnus ferme adeò frequentes
 sunt, sicut hi qui peculiare sunt hyemi in hyeme: uelut morbi laterales,
 qui

qui non sunt ex morbis autumnii, & sunt ex morbis hyemis, adeo frequenter accidunt in autumno sicut in hyeme: sed tamen rari dicuntur in comparatione ad morbos autumnii: ut qui, uerbi gratia, uix unumquēuis ex centum ægris quos autumnus habet obtineant. Tertium autem est quod acutissimos lethalius iungere debemus: nam ex acutissimis qui ad salutē ueniant plures proculdubio habet ætas. Nam autumnii acuti morbi cum non occidunt in diuturnos uerti solent. Ob id fit, ut fermè morbi illius temporis in mortales ac diuturnos diuidantur: quod & in prouerbio est apud nos, Morbi autumnales lōgi uel mortales. Ex his facile liquet, quomodo plures acutos habeat autūnus lethales quā ætas, pauciores salubres, simpliciter etiam plures: nisi apud rusticos, qui nimio labore per æstatem morbos sibi accersunt. Sed dices, Quomodo autumnus est morbosificus generaliter, cum dicat Hippocrates, Aestate & autumnii prima parte senes bene ualere: reliqua autumnii parte, & hyeme, qui mediam habent ætatem. Respondeo, hic Hippocratem autumnum cōsiderasse ut partem reliquorum temporum, ac merito primarum qualitatum, nō propriè in æqualitatis ratione. Constat autem, quod ratione qua calida illius pars cohæret ætati conferre senibus, qui frigidi sunt: qua ratione parte frigida hyemi iungitur conferre in ætate media constitutis, cum calorem augeat innatum, ut prima Aphorismorum dicitur. Ad id de melancholiæ generatione dicimus & atram bilem fieri, à qua acuti morbi.

3. apho. 8.

Aphorif. 15.

CONTRADICTION XXXI.

Morbi & Symptomatum consistentia an eadem sit.

IN morbum peracutū patientibus statim incidit morbi uigor, qui nihil aliud est, quā morbi, quantū ad casus attinet, summum: prima Aphorismorum inquit Galenus. Hippocrates quoq; secunda Aphorismorum: Circa initia & fines omnia imbecilliora: cum uero consistunt, ualidiora. Vel intelligit de cōsistentia symptomatum, & sic est sermo illo indignus: quasi diceret, Morbi in summo uigore, sunt in summo uigore. Vel intelligit de morbi cōsistentia, & sic habemus propositum. Et in de Totius morbi temporibus: Porro cum iam in pus uertitur maximi dolores apprehendunt partem, quoniam in puris generatione dolores ac febres magis infestant: uocaturq; hoc tempus, Vigor morbi. Cum autem fluor digeritur, aut in pus mutatur, tunc minorem tumorem ac tensionem reddit, estq; id declinationis principium. Et rursus infra: In puris generatione uigoris terminus est in inflammationibus. Sed hoc non adeo manifestum est, nisi præcedentibus uerbis iungatur. Et rursus in de morborum, id est accessionum, temporibus singularibus, de febribus agēs, habet hæc uerba: Inde aliud atq; aliud affectionis incrementum, ad perfectam usque cō-

Aphorif. 7.

Aphorif. 30.

cap. 3.

cap. 6.

post initium.

Z stentiam

- stentiam excipit, quam in singulis rebus summā esse magnitudinem intelligimus. Et primo de Crisi, Optimum eorū quæ ad Crisim pertinent principium est futuri uigoris summi in morbo cognitio: sic enim appellatur uehementissimum totius ægitudinis tempus. Et alibi in eodē libro: Status, qui est uehementissima totius morbi pars. Vtar & ratione Galeni, quam innuit in libro de Totius morbi temporibus: Cauēda sunt media, in quibus morbus est ualidissimus: tresq; adducit ad hoc Hippocratis Aphorismos. Sed si aliud esset tempus consistentiæ morbi & symptomatum, uel nulla penitus de morbi cura esset habenda, uel in excessu symptomatum essent ægri cibandi, medicamenta danda, mittendus sanguis: quæ omnino absona sunt: pessimeq; fecissent Galenus atque Hippocrates, tum maximè in prima Aphorismorum, ubi tam tenui uictu ægros iuxta statum extenuant qui alterum ab altero statum non distinguunt: ac insuper edocuissent de quoniam status genere intelligant.
- Aphorif. 47. Quin etiam si status est dum materia concoquitur, non cum cōcocta est, nam tunc incipit declinatio: igitur ex sententia Aphorismi secundæ particulæ, dum pus conficitur dolores ac febres fiunt, magis, quàm iam confecto. Accedit, quòd statum uocamus, dum consistit morbus ex symptomatum sequitia. Vel igitur nondum concoqui incipit materia, uel concoquitur planè, uel ex toto concocta est. Si hoc ultimum, erunt symptomata declinationis tempore, quod nemo admisit. Si ante concoctionem, cum nulla sit pugna illorum causa esse non potest. Si in ipsa coctione, uel dum incipit, uel dum inualefcit: non primum esse potest, nam eadem ratione qua initium facit sæua symptomata, consistentia faciet deteriora. Si autem in consistentia status symptomata sæuiunt maximè, igitur in statu morbi: nam nihil aliud est Status morbi, quàm tempus in quo materia plenè concoquitur. Et ideò bene dixit Auicenna prima quartæ, Et status in febribus est hora in qua uehemens est pugna naturæ cum materia, altero eorum uincente, dumq; pugna manet est status: ex quo liquet tunc esse grauissima symptomata. In oppositum Hippocrates primo Regiminis acutorum inquit: At si os madescat, & quæ à pulmone expuuntur talia sunt qualia esse oportet, cibi liquidi quantitatem augere conuenit. Nempe quæ citius madescunt iudicationis celeritatē ostendunt. Itaque constat nondum factam iudicationem, quare statum morbi in his non esse absolutum: & cum augeat cibos, constat iam defequisse symptomata: quare status symptomatum alius est à statu morbi. Secundo quoque de Februm differentiis, & secundo de Crisi, & nono Artis curatiuæ, Tres sunt species sanguineæ febris, è quibus una semper minuitur. quomodo igitur illa in suo statu grauior erit? Euidētor est auctoritas, quæ habetur secunda Aphorismorum à Galeno, his omnibus cum
- cap. 1. 1.
- cap. 3. 2.
- cap. 2. 3.
- cap. 6. 4.
- cap. 3. 5.
- traç. 1. cap. 3. 6.
- t. 23. 7.

cum inquit: Dispositio ex qua casus generantur, quam morbum nominamus, non omnino dum morbus consistit ualidior est: sed in his qui seruari debent multò melior quàm in morbi principio. Auicenna quoque secunda primi, Hora status est, in qua ægritudo in una manet dispositione. Et rursus prima quarti. Cum apparet coctio in excrementis, tunc est hora status propinqua. Et etiam antè dixerat, Et apud statum apparent signa completæ coctionis. Quare non poterunt fœuire symptomata ex dicto Hippocratis iam adducto in secunda particula Aphorismorum. Cessant enim, ut alibi dicit, calor & continui solutio, à quibus febris & dolor fiunt: atque inde reliqua symptomata. Accedit ratio nostra, Iudicium omne, ut uisum est, in morbi consistentia uel antè fit: sed si salubrem esse debet, iam factam præsupponit coctionem, prima Aphorismorum Galenus docet, ac toties, ut repetere tædium sit: igitur morbi status semper præsupponit coctionem uel existentem nunc, uel iam ante absolutam. Hac forte ratione factum est, ut Princeps existimauerit, statum non esse grauem ratione coctionis materiæ, quandoquidem necessario in illo iam planè tota concocta sit. Dicunt & quidam, uirtutis casum in statu accidere non posse, cum materia iam sit benigna: uerùm posset ratione separationis, expulsionis uel: & idè hoc argumentum non est euident. Hæc quæstio est apud multos difficilis, sed nos declarabimus illius ueritatem, & causam difficultatis aperiemus, quæ fuit, quòd non uiderunt Galenum, nec potuerunt illius mentem, quam nunc declarabimus, assequi. Igitur morbi quidam primo mortales, alii salubres habentur. In mortalibus cum non contingat mors in declinatione, continget uel in statu uel ante. Si in statu, symptomatum tunc erit consistentia, cum non dentur fœuora symptomata quàm mortis. Si ante statum, tunc status symptomatum præcedit statum morbi: nam homine moriente semper status symptomatum adest. Quo tamen ad imaginationem coinciderent: id est, quòd si ille posset superuiuere usque ad statum, adhuc fœuora experiretur his per quæ mortuus est, symptomata. adeò quòd uir longe ualidioris quàm ille uirtutis per illa oppeteret mortem. Igitur in morituris status morbi semper est cum statu symptomatum: sed symptomatum status non semper est cum summo uigore, sed quandoque antecedit, cum mors in principio morbi uel augmento aduenit. In hoc tamen sensu etiam in illis coincidunt hæc tempora, quòd si æger posset superuiuere symptomata illa lethalia usque ad morbi uigorem augerentur. Cum dico Augeri: intelligo quatuor modis, Numero, Magnitudine, Perseuerantia, seu diurnitate, & Specie: id est, quando nouum symptomatum genus, quod prius non aduenerat, accidit, ut post conuulsionem syncopis. Et hoc uolui, ut intelligeres pro sequentibus cum

com. 29.

doc. 1. cap. 7.

tract. 1. cap. 4.

cap. 3.

cōtrad. 26.

Aphor. 20.

de augmento symptomatum loquemur. In his autem qui seruantur uel morbi sunt absque materia, uel cum materia. In materia carentibus per statum intelligendo summum morbi uigorem, erunt & tunc semper symptomata sanissima, quia nulla est ratio quæ impediatur, cum symptomata à morbo solum pendeant. In his autem morbis qui à materia pendunt, uel illa tota seruatur usque ad statum, uel antea magna ex parte minuitur. Si tota materia, seu maxima pars seruatur, quia semper portio aliqua decedit subtilior in omni tempore, tunc ipsa non augetur, nisi quis in uictu peccet. Ex quo patet, quod hi dicunt, materiam in dies singulos generari, nihil aliud dicunt, quam quod in uictu aberrant, dando oua, contusa, carnes, & maiorem quam oporteat cibi quantitatem: & in talibus non potest assignari regula generalis: imò si euadunt fortuna, & robore naturæ, & Dei beneficio, non medici euadunt. In his igitur qui recto utuntur uictu, aut parum ab illo aberrante, considerandum est, quod contingunt tria genera symptomatum: unum à materia, & uocatur Casus à Galeno: hoc autem fit duobus modis, uel materia ad benignum transeunte, uel ad oppositam coctionis qualitatem è directo, de qua dicebat Galenus primo de febrium differentiis, & de morbi totius temporibus. Si igitur ad benignum non transeat, symptomata status necessario difficiliora sunt, cum materia magnitudine sit eadem, & qualitate, quam ab initio fuerat facta deterior. Et ideo separatio nec coctio non adiunt, sed sola expulsio improbi & benigni simul per abscessum: & sic seruantur (hoc enim iam suppositum est) pauci illi qui seruari debent: ut in febribus pestilentibus: & tales abscessus etiam postmodum lethales iudicantur, euadunt tamen facta corruptione, & excisa funditus ac radicitus carne, ut in illustri Triuultio contigit. Paucissimi etiam seruantur facta expulsionem materiæ extra: sed hoc rarissimum, ut dixi, est. Non transmittit autem extra in talibus, sed ad abscessum permutat, quia separationem moliri non potuit. Separationem non potuit moliri, quia non potuit concoquere: cum autem benignum immiscetur corrupto, non expellit extra, quia membra uellent benignum, seu quod sibi utile est, retinere: cum autem expellunt, tunc signum est materiam adeò prauam esse, ut membra propriæ utilitatis oblita, etiam utile cum inutuli reiciant: atque ideo mortis hoc est signum. Moriuntur autem, quoniam ante finitur uirtus, quam expulsio. Qui autem ex his seruantur, ob id seruantur, quod quanquam materia ab initio praua esset, coctionem tamen, etsi imperfectam, suscepit. Porro huius etiam imperfectæ coctionis meminit Galenus, ut dixi, primo de febrium differentiis. Sed iure dubitabis, si materia facta deteriore natura potest

potest expellere illam, & ægrum seruare: quanquàm, ut dixi, hoc raturum sit. Cur igitur ab initio non expellit, uel si expellat, non tunc æger ut in hora status, liberatur? Respondeo: quòd etsi materia illa haud concoquatur, interim tamen ad uias expulsionis commodiores dirigitur, atq; ita facilius tota in abscessum à natura detruditur. Ob id liquet, cur bubones in pestilentibus febribus malè cedant curationi. In his igitur omnibus uigor morbi cum symptomatum uigore coniungitur. In morbis autem qui ad melius materiam dirigunt, duplex est differentia: quidam enim omnino ad utile conuertunt cessante ipsius materiæ uitio: & in his etiam status symptomatum idem est, sicut in materia carentibus morbi consistentiæ. Est enim Morbi consistentia, cum materia fermè computruit. Cum autem mitigatur ac remittitur dispositio, iam non status est, sed declinatio, quo tempore symptomata fiunt minora: quare & in his symptomatum status ac morbi unus est. Sed ubi materia concoquitur, tria sunt symptomatum genera, quæ iam declarare aggressus eram, sed non perfectum materiam, se mouentis natura uniuersi illam impellente: secundum actionis caloris naturalis in illam concoquendo: tertium autem crisis & pugna. Hæc autem fiunt, dum materia corrupta separatur à benigna, & dum expellitur. Cum autem in præcedentibus coctio nulla esset, ut dixi, in pestilenti febre, & ratione expulsionis & ratione materiæ quæ deterior facta est, in statu cum tunc expellatur, uel etiam si non simul tota expelleretur, ut dictum est, morbi uigor cum symptomatum statu coincidit. At in his ratione materiæ cum deterior sit in principio, quàm cum concocta est in statu: ideo symptomata initii quo ad materiæ prauitatem deteriora sunt, quàm status uel augmenti. Sunt autem materiæ symptomata Grauitas, Præfocatio, Rigor, Frigus, Commotio, & quæ ad hæc sequuntur. At ratione coctionis deteriora sunt symptomata status, similiter & ratione separationis, & expulsionis: nam coctio fit in prima status parte absoluta, & in illius parte secunda separatio & expulsio. Quòd si contingat crisin non fieri in secunda parte status, sed morbum paulatim dissolui, tunc æger eo tempore, ut rectè Galenus dicebat secunda Aphorismorum, melius se habebit quàm com. 29. in initio: quia iam materia cocta existente non erunt coctionis symptomata: sed nec expulsionis, quare hoc in casu status symptomatum finitus erit in prima status parte morbi, atq; coincidit. Et tamen cum hoc stat, quòd in secunda parte status melius æger se habeat, quàm in principio. Quòd & si succedat crisis, uel iudicium, tunc aliquando sæuiores erunt crisis symptomata, quandoq; mitiora, quàm initii secundum materiæ multitudinem, ac locum, & genus iudicii. Nam iudicium sudoris, & sanguinis narium plerumq; mitius est: uomitus autem, & fluxus grauius

urinæ medium. Sed de hoc non potest statui regula generalis. Vnum est, quòd status symptomatum in his coincidit cum statu morbi, scilicet priore illius parte, in qua materiæ coctio celebratur. Si uerò crisis fiat in fine augmenti, tunc nondum perfecta erit coctio materiæ, & finis augmenti symptomata erunt grauiora principio, quia iungentur symptomatibus coctionis, separationis, & expulsionis uno eodemq; tempore, & talia erunt grauiora symptomatibus materiæ solius. Sed hinc remanent duæ dubitationes: prima, quia dictum est, quòd ubi materia concoquatur in hora status, quòd in prima parte status erunt symptomata sæuiora respectu coctionis, & in initio morbi respectu materiæ: quænam modo erunt maiora absolute? Secunda dubitatio est, quia si crisis fiat in augmento, igitur uel succedet status, aut non: & si succedet, uel erit deterior augmento, aut mitior? Ad primam respondeo, quòd in seruandis materia raro est mala, nisi turgeat à principio, ideo symptomata coctionis sunt grauiora, & ita uerum est absolute, quod status symptomatum coincidit cum morbi statu. Si uerò turgeat, uel pars expellitur, & sic leuior status redditur: uel decumbit in aliqua parte, nec expellitur, & tunc iuxta loci naturam ubi decumbit, & reliqua molestiora redduntur, aut mitiora status quàm initii symptomata. nec de hoc potest dari regula generalis. Ad secundam dico, quòd ualida existente uirtute quandoq; tota materia expellitur, & tunc sine statu declinatio subsequitur, & non coincidunt tempora morbi & symptomatum. & erit crisis perfecta quantum ad materiam peccantem, non tamen absolute optima, quia erit laboriosissima, quare cum maxima corporis & uirium iactura. Ideoq; aliquod iudicium est optimum in quo tota materia peccans non expellitur: & uersa uice in aliquo iudicio tota materia peccans, expelletur: nec tamen erit optimum. Si uerò tota materia in hac crisi non expellatur, tunc de hoc in sequentibus uerbis dicemus. Cum igitur tota materia non ad statum usq; reseruatur, hoc quinq; modis fit, uel natura morbi hoc expostulante ut in sanguinea febre, quam nos decrefcentem uocamus, Græci autem *παρακρυσινάγ.* in hac cum decrefcere incipit, nam statim ab initio id esse non potest, sed post quatuor, aut ad minus tres horas, statim tota febris sub quatuor temporibus est: nam respectu eius quod putrescere incipit in initio: eius quod putrescit, nondum tamen concoctum est in augmento: eius quod iam concoquitur ex toto, ac resolui incipit in statu: eius quod uel ex toto, uel maxima ex parte resolutum est in declinatione. Status igitur huius morbi generalis: nam reliquum, ut dixi, usq; in finem totum ex quatuor constat temporibus, est antequam febris decrefcere incipiat, & ideo symptomatum status idem est cum morbi uigore, quamuis post quartam aut sextam horam à morbi initio adueniat. Alter modus est, cum

cum ex circuituum qualitate , ut in tertianis , quotidianis , quartanis , in quibus semper subtrahitur , facta per singulas accessiones crisi , aliquid de materia : & tunc cum leuior expellatur , & grauior relinquatur . & in initio non putrescat ea quæ in statu putrescit materia , sed alia , erunt symptomata status grauiora quàm initii uel augmenti , & hoc ferme semper . Accidere tamen potest (quod bis in uita mea uidi) in tertiana , ut adeò magna pars putrescat in initio , ut quia subtilis ferme tota sit , quòd etsi deterior relinquatur , præ paucitate tamen minus molesta faciat in statu symptomata quàm in augmento uel in principio . Sed tamen & hic statum morbi cum statu symptomatum coincidere dicemus : nam prima accessio statum continebit , aut prima cum secunda : nam maior materiae pars in illis accessionibus concocta est , atq; ideo tunc morbi status erit , sed & symptomatum , ut diximus quare & sic coincident . Manifestum est autem quòd paucae in hoc morbo merito ingruentis erunt accessiones . Nihil uerò mirum , maiorem ab initio materiae partem computrescere , cum quandoq; tota , etsi rarò , sub una accessione constituatur : merito ob id hæsitantibus medicis , an ephemera fuerit , an in tertiana : cum non circuitus , sed symptomata nobis febrium genus declarent , ut Galenus dicebat : sed hoc loco suo uidebitur . Tertium genus morbi , in quo materia deerescit est , dum colligitur , ut in laterali morbo , & pulmonis phlegmone : nam in his ut paulatim concoquitur , (quòd tota uno in loco circumscripta non æqualiter possit concoqui , ut nec in forno panis , & in hoc à februm materia differt , quæ ubiq; sparsa fermè simul tota concoquitur) sic paulatim digeritur sputis aut aliis modis . In his non semper deteriora sunt status symptomata , quàm reliquorum temporum , nec semper mitiora : sed pro materiae , quæ iam ante statum expellitur , multitudine mitior est , aut grauior status initio . Et quanquam statum dicamus , cum tota materia residua concoquitur , tempus tamen totum ab initio exsudationis expuitionis uel usq; ad tempus illud quod statum uocamus , quemadmodum in *παρανυσια* febre ex quatuor constat temporibus . Quòd si uellemus statum intelligere in his non cum totum residuum materiae concoquitur , sed quando maior pars : tunc etiam status & symptomatum & morbi unus esset . Sed quia statum intelligimus , cum tota materia phlegmonis quæ restabat , concoquitur , illa autem pauca est : fieri potest , ut symptomata motus materiae ab initio sint grauiora symptomatibus coctionis in statu : quandoq; etiam contingit contrarium , nec certa regula de hoc dari potest . Quod etsi accadat , ut ab initio magis à cibo ægri , quàm in statu prohibeantur : non tam ex sæuitia principii accedit , quàm ne materia in motu existente accessio phlegmoni fieret metu . Attamen grauitatem status ostendit hoc , quòd minimo errore longè magis quam ab initio

initio admissio, pereunt: quod tamen non solum efficit status periculosa constitutio, sed uirium etiam imbecillitas. Quartum genus est, cum materia turgente natura expellit uel ars aliquid, aut etiam per uenæ sectionem: nam tunc fieri potest, ut status symptomatum fuerit ante purgationem, uel uenæ sectionem: status tamen morbi erit suo tempore ac post materiæ diminutionem: & de hoc etiam regula certa dari nequit: nam quando materia detracta fuerit maior, & quod relinquitur ex ea benignius, eo principii symptomata symptomatibus status erunt deteriora. Versa uice, cum prauæ qualitatis extiterit, uel quod detrahitur modicum relictæ materiæ comparatione, tunc symptomatum status cum morbi uigore coincidet. Vltimum est, ut sub hora augmenti natura non perfectè materiam expellente fiat crisis: & tunc residuum plenè concoquatur hora status, & fiet recidua quæ plerumque sua radice deterior est, & tunc symptomatum status cum statu morbi coincidet. Quandoque uerò non erit tanta prauitas status, sicut augmenti, & tunc non coincident, quia maxima pars materiæ in crisi eiecta est. His igitur intellectis omnes autoritates concordantes sunt. Cum autem dicimus, Coctio præcedit statum, quia crism bonam: dico, quod præcedit, aut simul fit: & seu præcedat, seu simul fiat: ambæ tamen, tam crisis, quàm coctio instantis morbi tempore fiunt: sed coctio in prima parte, & crisis in secunda. In crisi autem augmenti non præcedit perfecta coctio, cum hoc tamen contingit, quod perfecta fiat crisis: non iuxta uerum significatum crisis, sed iuxta illud significatum ueræ crisis, quæ est cum tota materia propulsa ex corpore æger perfectè liberatur, nec morbus amplius reuertitur. & in hoc significato dixit Galenus tertio de Crisi, crism fieri solum in statu, uel parum antè.

HIERONYMI CAR-

DANI CONTRADICENTIVM

MEDICORVM LIBRI SE-

CVNDI TRACTA-

TVS SEX-

T V S.

CONTRADICTION I.

Ver an in tres partes diuidatur.

PRIMUM Veris initium Hyemi similis est, finis autē æstatis: quam obrem sic uer diuidemus, quod Hippocrates indiuisum reliquit: prima Aphorismorum Galenus inquit, nec hyemen diuisit. At primo Epidemiorum hæc habet quæ ab Hermanno Cruferio corrupta sunt, atq; inuersa: Principium ueris secundum æquinoctium est: finis autem, qui & æstatis initium, Pleiadum ortus. A æstatis autem finis Arcturi ortus antecedens autumnale æquinoctium diebus duodecim. Occasus autē Pleiadum ut autumnus finis, sic hyemis initium. Post pauca autem in hanc sententiam uerba subiicit: Si quatuor tempora in differentias iuxta illorum magnitudinem disseces. Aestas in duas, Hyems in tres partes diuidetur. Quæ anni temporum diuisio ex ipsorum spatio efficitur. Est enim inter Vergilias & Arcturum tempus mensium quatuor. Plurimum etiam quàm quatuor quod inter Vergiliarum occasum & æquinoctium uernum interest. Veris autem tempus nec duos integros menses habet, quo fit ut iure indiuisum relinquatur. Hinc etiam Autumnus erat tempus, Veris maius quod in duos menses extenditur: hoc tamē ab æstatis ac hyemis tempore magnitudine longè superatur. Et ante etiam: Hippocratis nomē præferens liber de septimanis annum habet in septem diuisum partes: æstate quidem in duas, hyeme in tres partitis: uere autē ac autumnus manentibus indiuisis. Sic è directo pugnat hæc cum prior in Aphorismis sententia: cum ibi, ut dixi, diuiso uere hyemē relinquat indiuisam: hinc diuisa hyeme uer relinquatur integrum. Sed facile hoc dissoluitur impedimentū: in Epidemiis tempora diuidit penes longitudinē spatii stellarumq; nobiliū exortus occasus ue, tum etiam naturæ temporum in eadē qualitate differentiā excellentem: nam æstatis secunda pars quam exortus Caniculæ inchoat, siccissima est, et si tota æstas sicca sit: & pars prima hyemis quam sementē uocant, & ultima quam *φύταλιαν* longe minus frigida sunt media parte, quæ solstitio hyemali usq; ad Fauonii

com. 15. in fine.

par. 1. com. 1.

a a flatum

flatum extenditur, cuius non meminit Galenus. Sed in Aphorismis cum uidetur penes tempora instituat calida, frigida uel, par fuit ut uer quod prima parte frigidum hyemi erat affine, & reliqua postrema scilicet, calidum atque aestati contiguum diuideretur. Atque ex hoc licet contrariis uicibus pariter autumnum diuisum etiam in duas partes intelligeremus. Hyems igitur cum esset tota frigida, & aestas tota calida, nulla ibi diuisione indiguerunt. Tametsi de his aliis locis, tum in libris astronomicis qui æditi sunt plura dixerimus: septem tamen tempora iuxta medicorum sententiā nostro æuo sic distinguemus, variantibus syderum occasu atque ortu non solū, sed etiam solstitiis atque æquinoctiis. Veris initium igitur die x. Martii, finis & initium Aestatis v. iiii. Maii. Initium Oporæ secundæ partis æstatis x. v. iiii. Iulii. Aestatis finis & Autumni initium x. x. v. iiii. Augusti quamuis Arcturus pluuiosus x. v. i. Septembris exoriatur. Autumni finis & Hyemis initium x. x. v. i. Octobris, cum Vergiliæ crepusculo oriatur, nam illarum occasus matutinus fit die v. i. Nouembris. Inde x. i. Decembris secunda pars Hyemis inchoat, cuius finis atque *φωταλίας* initium quinta dies est Februarii, cum Canicula uesperis exoritur. Clarum enim sydus aquilæ x. x. i. Ianuarii uesperis occidit, multò ante Fauonii flatum nostra ætate. Et hæc ex Francisco Syrigato.

CONTRADICTION II.

Virtute debili existente, & humoribus prauis, an parum de cibo dandum. & reliqua.

aphor. 17.

ET quibus semel aut bis cibis dandus in die sit considerandum, prima & ea quæ in corpore est dispositio sit ex humorum corruptione uel defectu, parum ac sæpius de cibo dandum erit. Si autem cum uirium debilitate neque defectus fuerit, nec corruptio, sed humores moderati, aut etiam abundantes, his raro, & pauca. Si autem cum humorum defectu, corruptione uel uires ualidæ fuerint, sæpe ac multum de cibo dandum est. At si uires ualidæ fuerint cum humorum abundantia, raro pauca offeremus. & hæc de uiribus ac humoribus dicta sint. Inferius autem, cum à temporibus anni sumit indicationem, inquit: Hyeme multa & raro danda sunt: multa ob uirium robur, raro autem, quoniam minima fit in corpore resolutio. Sed hic duo sunt difficillima: Primum quidem, quòd iam dixerat, Virtute ualida existente, & humoribus plurimis, quales sunt in hyeme, ut colligitur prima Aphorismorum, parum & raro de cibo dandum est. Non igitur multum ac raro. Secundum, quòd in Aphorismo Aestate & autumno, dicit, Quòd uere facile ferunt cibum, & melius quàm autumno: &

aphor. 15.

par. 1. aphor. 18.

tamen

tamen in præfenti aphorismo dicit, Paucis, & ex longo interuallo nutri-
mus. Succedunt præter has difficultates duæ dubitationes: prima, quia
uult, quòd uirtute existente debili & humoribus abundātib: item, uir-
tute ualida existente, multisq; humoribus, parum & rarò de cibo dādum
fit: atq; idem debilis uirtus & ualida indicabunt. Altera, quò modo uirtus
ualida esse possit cum humorum paucitate. Est etiam alia dubitatio,
quia Hyeme plurimum de cibo dandum est, iuxta aphorismum, Ventres
hyeme & uerè natura calidissimi, & somni longissimi: in his igitur tempo-
ribus oblationes multæ dandæ sunt. Auicenna uerò de æstate inquit, pro-
pter caloris resolutionem indiget additione cibi, & separatione. Sed for-
san, imò certè, idem est cum eo quod dicit Galenus, Parum & sæpe: at-
amen ut adeò sæpe sit, quòd tota summa maior sit mediocritate atque eo
modo indigebit pluri cibo quàm in uere, sed in pluribus uicibus exhibito.

Diximus aliàs de cibo ratione humorum corruptorum exhibendo.
Nam tres sunt indicationes, Virtus, Quantitas, & Qualitas humorum.
Hic qualitatē prauā non per se, sed ut de quātitate indicat, cōsiderat: nam
prauos humores quod corpus ex his nō nutriatur, tanquā nō existētes, ha-
bet. Duas igitur hic (nam tertiā eo in aphorismo edocebit nō pura corpo-
ra quāto plus nutries tāto magis lædes) cōsiderat indicationes: Virtutē, &
humorū quātitatē. Sūt etiā duo scopi, Necesitas, ac Tolerātia. Itaq; ut sin-
gula singillatim dissoluā, ad primā dixerūt quidā, quòd si indigēt, multū
dandū est, sed rarò: si nō indigent parū. Sed quomodo uirtute existēte ua-
lida in morbo possunt cibo plurimo indigere? Dico, quòd si calor sit uali-
dus, tūc rarò & multū dandū erit: si imbecillis, parū & rarò. Quomodo au-
tem uirtute ualida existēte, calor naturalis possit esse imbecillis: tum rur-
sus, calore cum ualido uirtus imbecillis, suo loco declarabitur. Ad secū-
dam cōtradictionē dixit Galenus, in eo aphorismo Aestate & Autumno,
Hippocratē loqui de ægris: multū tamen possumus dare in autūno, si uir-
tus ualida fuerit. At uerò sæpius in autūno utroq; modo, seu æger, seu sa-
nus extiterit: nō multū autē nisi sanus & cū uiribus ualidis. In uere autē
nutriemus parū, & ex longis interuallis, necessitatē intuētes: at si tollerā-
tiā, multū possumus nutrire, quoniā uirtus feret. Ad primā uerò dubita-
tionē si quis diligētē mentē adhibeat Galenī uerbis, ille in cōmēto respō-
det. Nā duplex est discriminē uictus. Validarū uiriū cū humorū multitu-
dine, & Imbecillū cum humorū multitudine. Primū, quia in ualidis uiri-
bus indicat de cibi paucitate, sed nō necessario expostulat, perfert enim &
multitudinē: imbecilles indicāt ratione multitudinis humorū: sed nō be-
ne ferūt nec copiā, nec mediā. Secundū discriminē est, quòd in ualidis uiri-
bus, cū morbus adest, longe tenuiore uictu (quamuis & in imbecillibus
tenui opus sit) utendū est. Quoniam pacto autem uirtus ualida esse possit

i. aphor. 15.

prima quarti
tract. 2. cap. 7.
iuxta me liū.
1. contrac. 1.
con. 17.aphor. 17.
i. par.

cap. s. in prin. cum humorum paucitate, Galenus mihi declarasse uisus est pulchrè decimo Artis curatiue, cum dixit, Virtus in solidorū & spiritūū temperie cōstat. Quare nō est necesse adesse multitudinē humorū ad hoc ut ualida sit uirtus. At dices, nono Artīs curatiuæ, inquit Galenus, quòd cum cimento sanguinis usq; ad certā metā crescit & uirtus: licet ibi doceamur, quòd postmodum adeò sanguis possit crescere ut obstruat, nec tunc uires crescāt, Vnde liquido patet mēbri diuisionis illius claritas, cum uirtutem debilē cum humorū multitudine posse esse contendit. At uerò de uirtute ualida, & sanguinis paucitate, maior mehercle relinquitur dubitatio. Verū dicemus, quamuis nec cum extrema sanguinis paucitate mediocres, nec cum paucitate etiā ualidæ uires esse possint: cum pauco tamē sanguine mediocres uires esse queunt: & hoc solū Galeni autoritas expostulat. Reliquum est tandē ut doceamus, quonā pacto, cum hyems multū de cibo requirat, dicat Galenus rarò dandū. Sed hoc clarum: cum enim plurimus, ideo raro concoqui enim breui tempore multus cibus nequit. At etiā dictū illud: Ventres hyeme, ad sanos refertur ægri uerò rarius & minore cibo alendi sunt. Hinc dissoluitur difficultas de duobus ægris.

s. regim. acutorum. 44. com. in prin.

CONTRADICTION III.

Aqua hordei an in morbis conueniat.

trac. cap. 43. **I**Noleuit tantus aquæ hordei usus, ut uix medicus dici nostro tempore debeat qui illa non utatur. Meminit sanè eius Hippocrates tertio Regiminis acutorum his uerbis: De reliquis potibus, cuiusmodi est hordeaceus, & qui ab herbis uiridibus, neq; possumus dicere ptisanam intellexisse, uel illius succum, aut ptisanam colatam: quandoquidē hīc hæc subiiciat narrationi de potu aquæ simplicis, & uini aquosi, flauī, inodori: & etiam quia hoc dicturum se pollicetur ubi de morbi singulari curatione aget, & ubi etiam composita tractabit medicamenta. At de ptisana & illius succo diffuse iam tractauerat: quare hīc simplicem potum intelligit ex aqua hordeoq; confectum. Meminit & in quarto libro eiusdem, his uerbis: trac. cap. 71. Quòd si supra modum siticulosi sint, bibant aquam hordei. Quo in loco contradictionis ansa habetur, cum Galenus dicat, melius fecisset si exposuisset an per aquam hordei zythum quo nunc homines passim utuntur intelligat: an oporteat in ea conficienda solū hordeum madefacere, uel quouis alio modo eam parare. Ex quo liquido patet, Galenum hordei aquam nostri temporis ignorasse, Arabumq; fermè inuentum esse. Quod autē infalubris sit & nunc ostendam. Vnde non satis queo demirari Manardum, qui quasi consulto, sed nō cōsulto per deos, imò potius crassa minnerua, atq; peruerso iudicio totā corrūpit medicinā: a laudatissimæ enim ptisanæ usu, quo nihil uel laudabilius excogitare, uel etiā nūc experimēt o salub

lib. s. c. pistola 2.

salubrius potest, nos deterret. Ad infaustum autē hoc potus genus (quod Hippocrates Vino, Oximelle, nec non Mulſa, aquaꝫ, cōmemoratis pręterit: quod Galenus prorsus ignorauit: quod, ut ostendā, nō minimi est detrimenti) hortatur. Non ne hoc profectō est omnia medicinę pręcepta confundere? cūm pręfertim in omnibus fermē, quę ad humanam salutem spectant, talem se gerat. Ergo fertile solum ut medicamenta salutifera affert, sic & uenena: sterile uenenis caret, sed nec boni quicquam producit. Aetas nostra magna & pręclara ingenia tulit, à barbarie bonas literas uindicauit, artes in immensum auxit: sed tamen quosdā etiā ædedit uiros, qui fucata doctrina & uerborū lenocinio, cuncta corrumperēt. Dum enim ambitioni nimis studēt, ut pulchrē magis, quā uerē dicant consulunt. Neq; ullum est genus hominum difficilius, quā hominum, qui summam gratiam in sermonis elegantia statuunt. Sine iactura hominum tamen in aliis disciplinis errare licet, quamuis hoc turpissimum sit, atq; è directo contrarium his, qui ob inuentiones artium laudem ac pręmia ab antiquitate promeruere. At in arte medica, omnis falsa doctrina multorum millium hominum infantium morte, pręter ipsius artis iacturam, pensatur. Nemo me inuidia, quod mortuus sit: aut odio, quod illum nunquam noverim: sed humani generis salutis gratia hæc dicere sibi persuadeat. Grauius in illum sum stomachatus, grauius etiam inuehor, nō alicuius similitudinis causa, non glorię spe, cūm dispar longē sit certamen: sed, ut dixi, ne gratia quam sibi dicendī cura comparauit, mortalium generi plurimū noceat. Neq; est quod quisquam patriam forsitan illius odisse suspicetur, cūm plus longē utilitatis Leoniceus, & nisi uerer adulationis, mihi tamen incogniti, suspensionem dicere, Brasauolus, quā Manardus hominibus detrimenti attulerint. Sed sit hoc longē maius beneficium, atq; ut ita dicam, decuplo, pręstat tamen & medicorum uulgus & ægros ipsos ac noxa carere. Sed iam ad rem reuertor, à qua me humanę salutis amor dimouerat. nec quisquam putet qui non ueritatis studio scribat: atq; hominibus salutaria, seu uiuat, seu etiam mortuus sit bellum mecum internicinum non habere. Sic enim Hippocrates, sic Galenus, ceteriq; qui ueritatis dilectione flagrarunt, illiusq; dulcedine inebriati sunt. Quod si par illis eruditione esse nequeam, quid quæso prohibet, non quantum illos amare ueritatem? Ostendunt libri nostri de Consolatione ueritatis amore me plusquam illos periclitatum. hoc certius est argumentum amoris illius, quā pręmii magnitudo. Itaq; admirantur quidam, quod Andream Vessalium, mihi hominem è facie ignotum, alienaq; gentis, & (ut etiam quod illi obiiciunt addam) chirurgum, laudauerim, atq; suspiciam: eaq; etiam de causa adeo quidam ueritatem ode- runt, me accusant. Ego quidem non Italus potius quā Barbarus sum,

non Mediolanensis potius quam Memphiticus, proborum mihi patria una est, atque mundi ipsius ciuis. Vessalium non amo, uirtutem illius suspicio, diligentiam admiror, utilitatem amplector, denique fortitudinem suspicio, quod primus omnium pro ueritate Galenum iam uetustate gloriosum, ac morte inuidia carentem, multitudineque operum illustrem, aggredi hac ætate, quæ adeo liuori est obnoxia, ausus sit. Itaque ut ille Diis gratiam habere debet, quod satis feliciter negotium processerit: ita nos illi decet quod fortiter aggressus sit. Ergo, ut ad propositum reuertar, iam de duobus dicendum est: constat enim hordei aquam neque Hippocrati in usu, nec Galeno cognitam fuisse. Cur igitur in quarto Regiminis acutorum dat? constat ut in tertio libro iuxta finem dicebat Galenus, eum non esse Hippocratis genuinum. Quid igitur nostra refert, si cantharides, aut æris æruginem subditio Hippocratis nomine alius quispiam administret? Sed in tertio potus illos nobis insinauit non esse communes, ut quatuor iam dictos Vinum, Aquam, Mulsam, Oximel, qui non solum acutis omnibus, sed etiam diuturnis conueniunt: non tamen sic, ut unus illorum omnibus, sed omnes quidem omnibus. Alterum, quod mirum est, Galenum dixisse Hippocratem non scripsisse libros de Acutorum morborum curatione, nec horum potuum compositionem tradidisse, nec medicamentorum compositorum conficiendorum modum: cum sanè constet, omnia hæc in libris de Morbis absoluisse. Vnde in tertio illorum, ubi de frigefacientibus potibus in ardenti febre agit, aquam hordei sic describit: Hordeum Achilleum & magnum ac plenum hemina mensura siccat, & acutis spicis ablatis, ubi probe laueris, aquæ congio affuso, coquito ad dimidias, frigefacito, ac ad bibendum dato. Subiicit & post pauca aliud conficiendi genus, his uerbis: Hordei torrefacti probe loti chænicem dimidiam in aquæ congio bis aut ter feruere finito, & frigidam hanc exhibeto. Meminit in utroque ablutionis ac exsiccationis: quæ duo si modò hunc librum pro Hippocratis genuino, aduersus Galeni sententiam quis recipiat, in aqua hordei conficienda adicere decet. Constat enim non potuisse Galenum hunc librum si fuisset Hippocratis (cum adeo diligens in illius uoluminibus exquirendis extiterit, ut in primo de medicatrina apparet) latere.

iuxta finem.

com. 1. Necesse est igitur quandoquidem liber hic antiquioris cuiusdam est, nec obscuri uiri, Galenum illum Hippocratis esse non existimasse. Dictum est autem de hoc diffusè in Galeni uita: testatusque sum, me nihil unquam solere repetere. Sufficiat solum ostendisse quod ab Hippocratis maiestate plurimum deficiat: nam de stylo luce clarius est. Primum in quarti libri initio fontem sanguinis cor facit, & splenem aquæ, quæ ab illius placitis abhorrent, falsaque sunt: nam splen atri humoris, iecur sanguinis est initium. et si de corde il-

lum

lum tuearis, de liene non est dubitatio. Sed, ut dixi, sit pro argumento sit, hoc non censuisse Galenum. Quisquis autem fuerit ille qui librum hunc scripsit, seu ex Hippocratis filiis alter Theſſalus aut Draco, aut ex nepotibus mentem Hippocratis secutus est: ac forſan etiam ex illius præcepto libros hos conſcripsit. Nam ubi de hordei aqua agit, etiam decoctum ex herbis tamen paſtis edocet. At nõ de cnico, pyris, punicis, Myrtis agit. Sat dicet quiſpiam, fuerit extremis in uerbis, poſtquam de cotoneo docuerat, unum eundemq; modum & reliqua conſiciendi admonuiſſe. Sed ſit modò Hippocratis quantumuis potum illum ſolum in ardenti febre admittit, nulla prorſus laude propria ei adiecta, cum reliquos ibi diuerſis laudibus ſingulis peculiaribus decoret. Ergo Arabum hoc inuentum iam nunc etiam iuxta illorum ſententiam tractetur. Inquit Auicenna libro cap. 53. ſecundo, Aqua hordei inflat, & uentriculo nocet. Inde dicit, quòd hordeum eſt frigidum & ſiccum in primo, & quòd aqua illius humectat, & inſrigidat: non ſanè ratione hordei ipſius cauſa, quandoquidem, ut dixi, ipſum ſit ſiccum: ſed quoniam aqua non potuit ad contrariam propriæ naturam ex coctione cum hordeo conuerti. Sed ſi quis uideat ipſum in prima quarti, ubi eam componere docet, aquæ hordei quæ citra illius admixtionem ſubſtantiæ ſit modicas laudes præbet. Illud quod multos decipit eſt, quod & ibi Auicenna docet, per aquam hordei ptifanam aut ptifanæ ſuccum intelligi, cuius non mediocres laudes ſunt: quas qui abuſum aquæ hordei huius neſciunt, perperam huic etiam tribuunt. Nam hæc tardè è uentriculo deſcendit, uentriculum uexat, inflat, & quod maximum eſt, concoctione materiæ delinquentis retardat. Fit enim concoctio, ut in primo libro docuimus, calefacientibus, & generaliter calorem naturalem, aut illius actionem roborantibus. Igitur hæc, cum illud impediatur, quod optimum eſt in morbis, ſaltem præparare debet illam, ut oximel, aut muſſa: ſed ne id quidem: cum enim præparatio fiat attenuando craſſa, incidendo lenta, aperiendo obſtrueta, hæc increaſſat, lentorem auget, uiſcidamq; facit materiam, cum hordeum ipſum uiſcidum ſit per ſe: ob idq; ptifana longiſſima coctione, dupliciq; ut Galenus ipſe docet, indigeat. Ab aperiendo autem tantum abeſt, ut etiam non parum obſtruat. Solum igitur præparat materiam, cum ſine obſtructione immodicè calida materia abundauerit, ut forſan in aliquibus exquisitis tertianis. Quibus igitur potibus reſciendus æger: oximel cum aqua admixtum in pluribus uomitum commouet: ubi id non agat melius: ſi id agat, & reliqua conſentiant, uinum album inodorum iam diu dilutum porrigito: ſi quid prohibeat, ſoleo ego aquam, in qua bugloſi radix, aut paſſiſſa acetofa fuerint incocta, propinare. Eſt & aqua ſimplex cocta longè melior hordeacea. Ergo nominis ambiguitas nos decipit, nam ptifana ipſa, ut

tract. 2. cap. 9.

Hip

1. Regiminis
acut. 18. Hippocrates nos docet, non mediocribus laudibus prædita est, inter quas est, quòd humectat. Hic lonè maior accedit dubitatio, quàm de aqua hordei: quomodo enim humectare potest hordeo existente sicco, ut in libello de Ptisana habetur: inquit enim, Hordeum frigidum est atq; siccum. Et in primo exsiccantium ac refrigerantium illud collocavit septimo de
- cap. de Hord. Simplicibus medicamentis, adiiciens illud, Plus ficcare quàm fabam. Quomodo igitur ptisana humida? Respondet Manardus, hoc illi ex aqua aduenire. Sed si sic esset, omnia quæ coquuntur aqua, frigida & humida existerent. Inde, quomodo potest hordeum in contrariam per solam coctionem transire substantiam: nam aqua non nutrit, sed ipsa hordei in ptisana existentis substantia: quare oporteret substantiam hordei humidam euadere: palàm enim est, elementa non nutrire. Hoc autem accidit his, qui omnino Philosophiæ expertes sunt, ut absurdissima dicant. Igitur hordeum totum cum cortice siccum est, sic Galenus in his duobus locis
- cap. 9. docuit. At primo de Alimentis inquit, Quomodocunq; hordeum paraueris, nunquam excalefaciet, at pro uaria præparatione exiccabit uel humectabit. Ex quo planè colligitur, farinam hordeaceam frigidam esse, & mediam inter exiccantia & humectantia: unde cùm elixatur humectat: quantumuis enim modicum humoris ex aquæ consortio recipiat, cùm iam temperata sit, ac media prorsus inter siccum atq; humidum, illico in humidam temperiem labitur. Huic sententiæ consentire uidetur, quòd
- cap. 78. Dioscorides libro secundo scribit, eius ptisanam lac proritare: & quod Hippocrates dixit, mediocriter illam humectare. Falluntur enim hac ratione prorsus, qui eam uehementer esse humidam arbitrantur. Philosophus in Problematis raram esse hordei farinam, & crassæ substantiæ existimauit, multoq; antiquo tempore in usu, ac longè frequentiori quàm nunc. Credo quòd tritici ubiq; uberior nostro æuo prouetus sit, tum filiginis ac milii. Antiquis hordeum magis curantibus, cuius et si usus non adeo esset utilis hominibus, de seruis tamen non curantes, quorum propriè alimento destinabatur, equis ac afinis alendis commodius erat filigine ac milio. ea de causa fationi hordei intendebant. Sed ut ad propositum
- Probl. 37. reuertar, primo Problematum scripsit, hordeum tritico humidius esse, de quo forsan cùm medici aliter sentire uideantur aliàs dicendum erit.

CONTRADICTION IIII.

Coctio an securitatem omnino portendat.

- Part. 2. t. com. 45. ca. 5. in initio. Concoctiones celeritatem iudicii portendunt, securitatemq; salubrem: primo Epidemiorum inquit Hippocrates. hoc etiam primo de Crisi Galenus adducit: sed quinto de Locis, dum de suppuratis agit, fatetur uiribus imbecillibus existentibus concocto purè ac in pectus effu-

so mortem ob id contingere, quod ualidis opus sit. Damascenus etiam in Aphorismis, Cuius urina, inquit, in morbo diuturno sani hominis urinae similis perseverauerit, is nunquam ab eo morbo liberabitur? Respondeo: Concoctio (tamen si superius de hoc abunde dictum sit) duplex: aut materiae collectae in uno loco, uel per totum corpus dispersae. Si absoluta sit coctio & materia sparsa, aeger non moritur: quia natura quae fuit sufficiens ad concoctionem, multo magis erit ad separationem, & expulsionem, nisi error acciderit, igitur sanitas est expectanda. Sed si materia est collecta, poterit post coctionem mors contingere. quamuis enim absoluta sit coctio, attamen praeter locorum angustia, aut multitudinem materiae, uirtus non potest expellere, ac aeger moritur. Contingit autem quatuor modis, existimare materiam coctam, & tamen mortem subsequi: quos quia frequentius uidebis, quam in capite capillos, ideo diligenter animaduertas. Primus est, in febre pestilenti, cum urina uideatur similis ferme coctae, & tamen aeger est propinquus morti: Propterea dixit Auicenna, Et quandoque urina parum abest ab urina sani, & tamen aeger moritur. Dixit, Parum abest: non absolute, Similis est. Causa est, quod (ut declarauimus) pestilens febris quandoque est de genere Hecticarum, aut earum quae solum in spiritibus accenduntur: uel quia natura non agit in materiam illam actione qua separet aliquid ex ea, quia non potest, ideo urina relinquitur quasi nulla sit materia in corpore. Tertius modus habetur ex similitudine eorum quae a Galeno dicuntur tertio de Praefatio ex pulsibus, de ipso pulsu. Nam calor pestilens calefacit urinam, & tingit, summa uirtutis debilitas aquosam efficit, ita ex horum duorum extremorum mixtione quae perniciosissima sunt, urina similis efficitur ei quae a moderato calore, qualis in sanis est. Secundus modus est, cum phlegmon latitat in internis, & homo existimat solum adesse febrem, ideoque coctionem febris praestolatur, interim a phlegmone crudo aeger interficitur. Tertius modus est, cum urinae quandoque concoctae uidentur, nec tamen perseverant, indicatque materiam diuersarum qualitatum, unde ex parte supra totum iudicium facientes decipimur. Quartus est, cum materia non est in loco expulsionis apta ob uirium imbecillitatem: ideoque maxime Hippocrates laudauit in morbis pettoris sputi facilitatem: nam praeter materiae coctionem, & qualitatem laudabilem, sputi facilitas uires ualidas & instrumenta operi apta declarat. Mitto nunc, in quibus errare contingat, uel quia morbus in uenis non sit, ut in Damasceni casu: uel quia non probe noris exquisitam excrementi coctionem: aut quia error in uictu succedat: nam haec non boni medici errata sunt, priora excusantur. Sed tertius tamen, etsi frequentissimus sit nostro aeuo, uenia tamen indignus est: tum nunc magis, postquam te docui, non debere absolutam dici coctionem, in qua coctionis signa non per-

cap. 3. in fine.

aphor. 104.

contradic. 11.
quinti tracta.prima quarti
tract. 4. cap. 2.

cap. 3.

b b feuer

aphor. i. feuerant. Possibile est tamen, euiētis à calore naturali causis morbificis (quod notatu dignum est) patientem mori ob alteram quæ lateat dispositionem, secunda Aphorismorū inquit Galenus. Vnde & concoqui periclitante uiro materiam possibile uidetur, & merito iam euiētæ nullo modo posse perire. Sed hoc in sparsa iam intelligendum docuimus.

CONTRADICTION V.

Somnus an à frigiditate fiat, & an habeat iuuamenta somni naturalis.

ARdor uigilias, refrigeratio soporem inducit. Nempe quod ad utrūque attinet in morbis, calida frigidaq; intemperies primas sibi uindicat partes: altera uerò ab hac facultas ad humidum siccumque refertur: Galenus tertio de Locis affectis inquit: & eandem sententiam expressit secunda Aphorismorum his uerbis: Fit autem somnus grauis refrigerata parte sensitiua prima, hoc est cerebrò ipso. Cū enim ualida refrigeratio fuerit, mixta humido facit lethargicas passiones, cum siccitate autem eas quæ Græco uocabulo *καταλύσεις* nominantur. Sic & uigiliæ fiunt propter calorē primæ partis sensitiuæ, uel ex sola intemperie, uel bilioli humoris abūdātia. Et Princeps prima tertiū, Cū somnus grauis, seu Caros fit ab intēperie, fit à frigido primò, inde propter humidæ qualitatis abūdantiam. Aristoteles etiā in libello de Somno & uigilia, querit: Cur cū somnus sit refrigeratio quædā, calida nonnulla, ut uinum, somnum concilient? At oppositū primo de Causis symptomatū. Ac quæ quidē tantum humectant medicamēta meritò omnia somnifera uocātur. Quæ uerò perfrigerāt, nec somnum, nec indolentiā afferre rectē dicūtur: sed pro somno Coma Caronq; pro indolētia, ob perfrigerationis excessum, sensus quidē abolitionē, aut saltē certē diminutionem. Dico solutio huius difficultatis est satis clara in ultima autoritate, nā inquit, Naturalis somnus fit ab humido, morbosus autem à frigiditate. Sed ut in morbo dicebat Galenus, frigidas primas, humidū secundas obtinet partes: sic in naturali uersa uice. Sed si ita est, frigida & sicca somno idonea essent: at Galenus nihil tale refert, sed solum humida papauer, mandragorā, altercum seu hyosciamū. Quin etiā Serapio refert Caphuræ usum, quam in tertio ordine refrigerantium statuit, uigilias afferre. Quod etsi Solanum hypnoticū octauo de Simplicibus medicamentis referat esse somniferū, frigidum, & astringēs, cuius radix ex cortice in initio secundi refrigeret, exiccet ex initio tertiū, Hortense in extremo astringentiū collocauit secūdo de Alimētis, reliqua genera eiusdē temperaturæ cū esse uelit, impossibile est esse humidum. Quare fatemur humida etiam somno aptiora, sed & immodicē frigida si sicca

ficca sint caron possunt producere. At de Caphura alia ratio est, cum
 pares habeat calidas ac tenuissimas: quæ autē crassiores frigida, nec mihi
 usque adeo de illius frigiditate compertū est. Aliud etiā potest usus quā
 præsens natura, uincente demum siccitate: ut magis quæstio circa medica-
 mentum ipsum uerfetur, quā circa generalē illius uim ac somni causas.
 Sed aliud est, quod senes bene dormirēt, si frigiditas potior esset siccitate.
 Hoc autē Galenus negabat, secūdo de Alimētis dicēs, Declinantium ætas
 ad uigiliam est propensa. Respondeo: Quod, ut dictū est, frigiditas non est cap. 40.
 causa somni naturalis: & ideo senes etsi nō bene dormiāt ad *καταληΐαν*,
 tamen sunt propensi ad caron ac coma. Sed si calor est causa uigiliarum
 maior quā siccitas, & plus quā somni humida qualitas, pueri nō essent
 somniculosi, quod est contra Philosophum in de Somno & uigilia, & ex-
 perimentum medicorū. Respondeo primò, calor præternaturalis est cau-
 sa uigiliæ nō naturalis. Secundò, calor non multus, qualis est in pueris, sed cap. 3.
 intensus & acutus. Ostendit autem Galenus secundo Artis medicæ, cum
 de calido cerebro tractaret non pertinere uigilias ad ipsum: de sicco autē cap. 8.
 inquit, ad uigilias prompti sunt, & ut illius uerbis, *ἄγρυπντικοὶ δὲ εἰσι.* cap. 10.
 de calido tamen dixerat, Breuibis somnis hæc temperatura gaudet, mini-
 meq; profundis, sicut de calida & sicca *ἄγρυπντικώτατοι*, id est maximē cap. 12.
 uigilantes. Itaq; apud illum hic ordo statuitur: Frigida cerebri temperies,
 atq; humida maximē, graui somno & plurimo tentatur: humida somni
 multi ac profundī. frigida somnolenti, non multum tamē. Calida & hu-
 mida somnos habet profundos, sed non diuturnos: nec tamen diu possunt
 uigilare. Frigida & sicca quasi in medio est, sed illam Galenus subtrahit:
 uaria enim est, & modò peruigil, modò nimis somno dedita. Inde Cali-
 da breuibis somnis, nec profundis, detinetur. Inde Sicca multum uigilat:
 omnium maximē Calida & Sicca. Sed nunquid somnus à frigido factus
 habeat iuuamenta ueri somni? & iuuamenta somni declarantur secun-
 da primi ab Auicenna, & sunt quinque: Primum, Caloris naturalis re-
 stauratio: Concoctio tam nocentis quā iuuantis materiæ, seu cibi: Re-
 tentio eius quod præter naturam fluit: Sedatio malorum symptomatum
 plurima, ut tussis lassitudinis, & doloris, sitisq; Preparatio materiæ ad ex-
 pulsionem. Et ad primū sequuntur reparatio spiritus animalis, lætitia, cō-
 firmatio uiriū: ad secundū humectatio, uētriculi robur, bona nutritio, pin-
 guedo: ad tertium sanatio fluxus: ad quartū sanatio uulnerū, & fracturæ
 uenarū: ad ultimū bona crisis. Ex quo patet, quanta mala inferant qui bo-
 num somnum, quāuis profundū, impediūt. Neq; enim omnis profundus
 somnus malus: secūdo enim Prorrhitorū inquit Galenus, Dormitatio
 succedēs longæ uigiliæ, etiā si *κατὰ* dici possit, uel etiā in pueris sine uigi-
 lia longa præcedēte, non solū mala non est, sed utilis, ac etiā signū bonum

doc. 2. cap. 13.

com. 29.

dici debet. O quot nidi conantes prohibere hunc somnum profundum longæ uigiliæ succedentem: & quibus successit iactura ægri usq; ad exitiū uoto potiti sunt: quibus autē non seruatus est æger inuito carnifice medico. Somni igitur profundi tres sunt species, *καρος*, *καρώδης*, & *καταλήλη*. seu, Dormitatio, & Deprehensio, ac Stupor. Scio non uerē hęc Latine exprimi, sed edocebo: quādoq; de cogor Latine aliquo modo explicare, quod Latinis ignotum fuit uno nomine: nam Celsus hęc circūscribit. Itaq; cum somnus profundissimus est, & grauiter euigilatur, ruitq; in somnum de nouo, sed non læditur sensus ac motus, tunc est dormitatio: & ad illam sequuntur omnia iuuamenta boni somni, nisi quod præparatio materiæ ad expulsionem non adeo rectē perficitur. Nec semper calor naturalis augeatur, imò quandoq; debilitatur propter frigoris uehementiā: reliqua tria ut in perfecto somno succedūt, *ὑπὸ καταλήλη* tertiū & quartū cōmodū succedit, nullū aliorū, ideo est uia ad mortē. Regula enim generalis est, Somnus qui somni iuuamenta magna ex parte non præstat, est mortalis: ut etiam de uero somno eam iterauerit Hippocrates secūda Aphorismorum. Ideo etiam bene dixit Princeps. Et somnus qui medius est inter somnum & uigiliam in omni dispositione est malus. iuuat tamen *καταλήλη* in dolorum maximorum sæuitia, nec in ullo alio casu. nec potest dici quod iuuat, sed quod magis noceat uigilia ob doloris acerbiteriam: hunc ego stuporem nominaui, cum homo iacet apertis oculis, nec sentit, nec mouetur. Dicas modò tu, me non satis bene accommodasse nomen. Quid mea interest, nam hoc & Galenus de hemitritæo, qui Romæ erat frequens, excusat. In *καρώδης* autem, seu deprensione, cum læduntur cerebri uentriculi uulnere, uel compressione, uel nerui temporum, non succedit nisi tertium & quartum iuuamentum: sed calor naturalis adeo debilitatur, ut patiens sit in uia aperta ad mortem. In hoc est quasi somnus, sed sine motu & sensu omni. Differt à *καταλήλη*, quia oculos tenet clausos, nec ullo modo euigilari potest.

aphor. 1.

secūda primi
doc. 2. cap. 13.
in fine.lib. de morbo
rum tempor
bas in fine.

CONTRADICTION VI.

Enemata an nutriant.

A Dea quæ uentriculo sunt uicina, pertingere nequit quod per sedē infunditur, quinto Artis curatiuæ, dicebat Galenus. Rursus in ter-
 cap. 11. tiodecimo, dum enarrat curā phlegmonis, Iecoris in cauo, inquit, si scir-
 cap. 15. rhosum aliquid remanserit, medicamenta ualidiora clysteribus admisce-
 bis. His fit, ut à iecore uideatur posse trahere clyster, à uentriculo nequa-
 cap. 17. quā. Et infra inquit, Ad ieiunū ipsum intestinū clysteria nō possūt attingere, imò etiā si nitaris solū ad tenuē intestinum accedere ac ipsum tågere
 com. 20. queūt. Quarto autē Regiminis acutorū, dū curā anginæ tractat, Post uenæ
 section

fectionem iubente autore in textu clysteria apponi, inquit Galenus. Quòd autem scopus sit non solum excrementa in eis repurgare, sed passim corpus uniuersum à morbificis humoribus, statim palam est. Nullibi sanè meminit, quòd clysteria nutrant: sed neq; Auicenna. Auenzoar primo Theisr affirmat enemata nutrire hac ratione, Si quis à bile intestina pungente uexetur, nec modum habeat deiiciendi aluum, bilis reieicitur per os. De hoc dicebat Galenus, scribens tertio de Symptomatum causis sub hac sententia: Venter cum pro lege nature se habet, trahit à uentriculo supernè, deorsum uerò excernit: cum autem præter naturam affectus est, etiam ab inferioribus aliquid capit: nam & clysteris aliquid usq; in uentriculum ascendit, adeò ut uomere. præterea stercus aliqui in lethali- bus ilei morbis. Si igitur hoc in re praua efficere potest, inquit Auenzoar, scilicet uel ut ad se trahat, uel ut recipiat: quanto magis rem dilectam enemate iniectam, qualis est pituita, lacus pulli. Docetq; modum, ut bene uacuis intestinis aliquid horum quod diu contineatur, immitti debet. Inde respondet autoritati Galeni contrariæ, Enemata non ascendunt nisi ad ilei initium, quæ enemata sunt euacuantia: igitur enemata nutrientia non ingrediuntur uentriculum. Dicit, argumentum non ualet, concedendo quod Galenus dicit, Quia expurgantia enemata à uentriculo re- iiciuntur, & nutrientia attrahuntur. Ista opinio falsa est primò, quia Galenus in hoc loco ultimo adducto hæc subiicit: Satius autem est uen- triculum in huiusmodi affectibus ut existimemus non trahere, sed quod ab intestinis uiolenter retrudentibus ascendit, duntaxat recipere. Quippe in intestinis, de quibus iam agere tempestiuum est, compressiua est uirtus, ceu alibi ostensum est: qua usq; nutrimentum ad inferiorem suum exitum perpellunt. In quibusdam tamen affectibus cum comple- tendi ac constringendi motus ab inferiore incipit parte, ea quæ in inte- stinis continentur, sursum feruntur. Qua ratione acer etiam succus quis- piam, qui ad sedem aliquando delatus fuerat, ac uel in foro, uel in loco alio quopiam uersatis, aut negotio aliquo quod deferere non licuit distri- ctis uiolenter retentus, rursum ascendit, uentremq; mordens, caput etiam uaporibus impleuit. Principium quidem motus ab animali instrumento, in ano existente, quod musculus est, capiente: inde unoquoq; intestino quod iam receperat sursum trudente, simili modo in præceps repulit. Quo etiam modo crepitus infernè exire prohibitus, sursum retruditur. Ergo mirum non est, clysteris aliquid ac stercoris, ex tam uiolenta inte- stinorum constrictione in uentriculum aliquando præter naturam ascen- dere, indeq; ad exitum properare. Hæc Galenus. Ita ut intelligamus, uen- triculum non trahere eò unde impellere nititur, id est, ex intestinis. Ad hæc tamen diceret Auenzoar, Galenum loqui de fecibus, & bile, ac ene-

tract. cap. 18.

c. 1. post me 1.

matibus non nutrientibus, quæ solum ui intestinorum ascendunt, cum uentriculo sint inimica: Non tamen esse Galeno propositum, ostendere ibi uentriculi uires, sed uitia: at attractio alimenti inter uitia computari non debet. Hæc tamen opinio, ut luce clarius est, Galeni placitis non consentit: nam meminisset huiusce rei, uel aliquando, tum maxime ibi, uel uerbo. Accedit quod posset sic seruari æger pluribus diebus: at experimentum oppositum edocet. Testatur Brasauolus se mulierem angina laborantem usq; ad decimam diem seruasse enematis: sed ita tamen, ut ni contigisset morbum solui in eo termino, illam præ uirium imbecillitate fuisse protinus interituram. Diceret ad hoc Auenzoar, Istud experimentum pro eo esse, quoniam satis est aliquandiu esse seruata, partemq; ascendisse ad uentriculum, & eandem esse totius ac partis rationem, modò celeriter succurratur: in illa uerò forsan prius decidisse uires, tardatumq; enematis auxilium. nec ad ipsum uentum nisi postquam alia irrita fuisse compertum est, quod tardè iam deprehensum fuit. At est alia ratio, nam uix in biduo descendunt quæ in uentrem ingeruntur usq; ad antum: igitur longè tardius ascendent ad uentriculum, igitur auxilium erit lentum & inutile: nam quod ingestum erit per enemata prius corruptetur. Respondebit Auenzoar, naturam esse sollicitam in necessariis: & sicut concessum est à Galeno reici bilem ab ano usq; ad uentriculum cum noxa patientis in momento temporis ex dolore ac punitione, ita uentriculum in momento ob inediam posse trahere. Inde diceret Auenzoar, Si cõsiteris ob noxam, sticteris (sic enim musculus ani uocatur) retrudi bilem, rem uentriculo ac intestinis ingratisissimam, usq; ad uentriculum per intestina: igitur imposito sale acuto, uel re pungente, idem accidet de enemate nutriente, & sic enemate homo nutrietur. Et quamuis intestinorum longitudo in homine sit iuxta communem naturam (ut sæpe uidi) xxiiij. passuum, seu xviij. brachiorum, tamè ea ratione qua in momento ex ano in uentriculum retruditur bilis, eadem ratione etiam, ac maiore, cibis. Sed etiam quis instabit contra Auenzoar, quanquam prædicta ratio non leuis sit, quoniam in fame feces sursum ascenderent, quod nunquam uisum est, nam nunquam ileos ex fame accidit. Respondebit Auenzoar, quod materia, quæ trahitur ex iecore, est illi aptior: ideo in tempore famis trahit ex iecore, non ex intestinis, quia in illis non est nisi res quæ iam à uentriculo est reiecta. Et nos respondemus rationi Auenzoar, quod enemata iniecta, quæ pungant, poterunt certè usq; ad uentriculum ascendere: sed quia hoc non fit merito attractionis uentriculi, sed expulsionis intestinorum, ideo etiam simul feces expellentur ab intestinis in uentriculum, & ita cadet in ileon & morietur, imò strangulabitur protinus, quia sumus iam in casu, in quo non potest

*Ignorant Intestina
est nec passui sine
brachioz it ip hinc.*

test deglutire: aliter frustra esset tentare enemata, cum liceat nutrire per os. Ideo debemus ex hoc cauere in strangulationibus, ubi homo non potest deglutire enemata acuta. Atq; ex hoc patet, uiam Auenzoar esse difficile tueri, solum tum ob Galeni auctoritatem. Quidam conati sunt tribuere Rasi, quòd nono Continentis docuerit instrumentum, quo enema usq; in uentriculum propelletur: quod somnium nescio quando somniauerint. Ille docet instrumentum quo simul flatus extrudatur, & enema recipiatur: quod quia utile est, & ibi obscure ab eo qui uertit, non dico perperam, explicatum, ideo illud declaro: Cannula clysteris summa in parte diuidatur, eius pars qua immittitur enema non communicet alteri parti, uerum multò inferius foramen habeat reliqua, cuius in summo foramen sit: in parte autem crassiore ut tuba promineat: quam quidem figuram, ne longius procedat oratio, hìc depictam à latere damus. Cæterum, ut ad rem, unde digressus sum, reuertar: Alexander Benedictus libro secundo suæ Anatomix existimat, enemata nutrire, ualido cerè argumento: Venæ mesaraicæ ad omnia ueniunt intestina, rectum, colon, ileon, monoculum: (quod satis confusè Galenus in libello de Venarum dissectione, & in sexto Anatomicarum aggressionum explicauit: sed pulchrè Vessalius libro quinto de Humani corporis fabrica) sed ubi uenæ mesaraicæ, ibi attractio iecoris ex intestinis: igitur nutrimentum existens in recto, colo, monoculo, & ileo, ad quæ ex Galeni confessione peruenit, nutrit. Ad hoc diceret Galenus, quòd secunda coctio præsupponit primam, & ideo uenæ illæ possunt trahere ex fecibus utilem succum, qui iam concoctus est in uentriculo, non tamen immissum per enema, quod nullam nondum recepit in uentriculo immutationem. Ad hæc responderet qui Alexandri Benedicti iam mortui uiri partes tueretur, Intestina primo habere quandam uim concoctricem, quoniam ex uentriculi substantia una atq; continua sunt. habentq; duas ut ille tunicas. Quòd si Galenus fatetur cibum mansum in ore quoquomodo concoqui, quòd & testatur Auicenna illis uerbis, Nutriens dum in ore atteritur, concoctionem quandam recipit, acciditq; id repente, atq; ob id quòd tunica oris interior gulæ substantiæ eadem est: gulæ autem substantia uentriculo continua, quid de intestinorum substantia dicendum erit, quæ coniuncta sunt substantiæ uentriculi, quæ diu feces continent, quæ eodem alimento quò & uentriculus ab interiore parte scilicet chilo nutriuntur. Accedit, quòd quidam sunt potus, qui in uentriculo nullam ferme moram ducunt, ut uinum: sic enim Galenus tertio de Temperamentis, & secunda Aphorismorum, inquit de illo: Vinum facillè fit sanguis. & rursus: Vinum ut adfimiletur, mutationem minimam desiderat: quò fit, ut tum nutriat, tum roboret. celerrimè. & etiam: Celerrimè igitur omnium, & confertim maximè

cap. 1.

c. 6.

cap. 6.



c. 4. in princ. &
c. 2. in princ.
Aphorif. 18. in
princip.

maximè, uinum alit. Ostendit autem hoc in fine, nam talia moram in uentriculo pro temporis totius portione, qua in nutrimentum transeunt, necessariò trahunt. Ad hæc igitur sequitur, ut uinum (dulce præsertim ac tenue) per enema iniectum nutriat. Galenus inquam dicit, in morbis longis tam tenue nutrimentum haud fatisciet, in acutis uinum non competit: igitur nullum est uiuo auxilium. Præterea in tertio de Temperamentis dicit, quòd nisi transeat uinum, & quæ facillimè nutriunt per omnes concoctiones, non poterit alere. Hoc igitur supposito, nihil omnino per enemata impositum nutriet. Respondebit Alexander, quòd est uerum ubi per uentriculum transeat, & adducet hanc rationem, Hi aluntur, etsi male, quibus ante tempus absolutæ primæ coctionis multò, incoctus cibus descendit ex uentriculo: igitur pari ratione cum tantò proximius sit uinum natura sanguini, quantum ille cibus incoctus beneficio imperfectæ coctionis: igitur sicut cibus incoctus nutriet, ita & uinum. Ad aliud dicit, Iura pulli, lutea ouorum, si uinum displiceat, hoc efficere, posse. Præter id accedit, quòd Galenus secundo de Compositione medicamentorum secundum locos, inquit: Clysteria ualida reuellunt ea quæ ad caput feruntur, nec solum quæ in intestinis & mesareo sunt, euacuant: sed etiam quæ circa iecoris sîma hærent. Si igitur ad partem ubi concoctio fit res horribilis pertingit, multò magis cibus. Si autem pertingit, etiam nutriet, cum cibus fuerit, & leuis alimenti, & maximè quia commiscebitur his quæ nutrire iam solent, scilicet succis cum fecibus existentibus, ex quibus perpetuò hepar exugit. Accedit, quòd, ut dixi, uidentur intestina concoquere, quod etiam sensit Princeps sextadecima tertii, dum de monocolo loquitur. Huic rei assentiri experientia uidetur, quandoquidem enemata prolongent uitam in eo qui solum ex inedia periclitatur, per aliquot paucos dies & non per multos. Quòd si nihil traheretur, non fieret prolongatio ulla uitæ: si etiam totum traheretur, prolongaretur uita per menses: si autem traheretur ad uentriculum, posset perpetuò uiuere: ut etiam per os assumpto cibo: cum autem nullum horum contingat, sed solum aliquot paucis diebus uita prolongetur: manifestum est, quòd nutriunt per partem subtilem tantum concoctam prius aliquo modo in intestinis, inde attractam per uenas mesaræas. Ideo oportet euacuare intestinum rectum solum à fecibus, quia feces relictæ iuuant ad nutritionem, & non adeò debilitatur æger. Inde fiat enema ex iure pulli succoso, & oui luteo, & uini albi dulcis tenuis uncia, & sacchari semiuncia. Hoc est ultimum. Quòd si quis dicat, Non ne enemata plus debilitabunt ex motu, quàm confirmabunt ex nutritione? Dico, quòd in assuetis, non: in non assuetis, bene uerum est, uel si parum contineant: oportet enim tepidum immitti, & eleuatis cruribus multum prono corpore, uel non tantum

cap. 10. post
medium.

tract. 1. cap. 1.

*Enemata nutriunt
ex quibus parentur.*

tum supino, quod rectum intestinum hæreat spinæ dorsi, saltem horis quatuor continere. & sit quantitas à quatuor ad quinque uncias: nam multa aluum irritabit, nec nutriet. Quòd & si saccharum irriter, lac illius loco addatur atque sic nec Galeni sententiæ hoc aduersatur: enemata, etsi parum ac facile resolutioni aptum, nutrimentum exhibere concludimus. Sed dicemus, Si Galenus existimat enemata non attingere nisi initium ilei intestini, cur in secundo ad Glauconem inquit: Non modica autem sit uirtutis distributio ex ebibitis, intestinis crassis laborantibus, atque uicissim subtilibus ex his quæ per sedem iniiciuntur: igitur etiam ad graciliora perueniunt enemata, ut ad crassa medicamenta per os sumpta. Respondeo, quòd similitudo hæc non est omnino exquisita: ut enim medicamentorum per os sumptorum substantia tota, sed imminuta uiribus, ad crassa intestina descendit, ita uiceuersa parum de substantia, integris tamè uiribus, ad intestina gracilia ascendit. Nec tamen ex hoc sequitur, quòd in uentriculum pars illa possit ingredi: nam cessat impetus retrudentis, & ascensus est arduus, quia duodenum rectè quasi ex pyloro prominet: & pyloro duæ sunt glandulæ constringentes os ipsum cum conclusum fuerit, & uirtus uentriculi abhorret quod in intestinis natura continetur. Quòd si cogatur quandoque recipere, illico proritatur ad uomitum. Quòd si quando Galenus dixerit, acuta clysteria uentriculum offendere: hoc fit, quoniam uirtus illorum & uapores ad ipsum proculdubio ascendunt: conturbant etià motu materiarum. An uerò ad caua iecoris accedant, ut ex illo iam audiuius in secundo de Medicamentis secundum locos. Dico, quòd sic neque enim sola continui ratione & consequentiæ quæ uacui timore fit euacuari summa iecoris ibi Galenus intellexit: quòd quidè sic etià caput purgari concesserit: sed quonià enematis pars tenuior aliqua, tum uapores ad iecur usque pertingunt.

*g. Enemata nutriantia
Galienus tamen perit
nihil est coherens.*
cap. 6. in fine.

CONTRADICTIO VII.

Prædictio in acutis morbis, an minus firma, quam in diuturnis.

Galenus super eo aphorismo, Acutorum morborum non omnino sunt certæ prænuntiationes salutis aut mortis, inquit: Morbi longi ob crassos ac lentos sunt humores, ac frigidos, qui non facile concoqui possunt, & in patientibus partibus impacti sunt atque agglutinati, ita ut eorum dispositiones præduris tumoribus magis quam inflammationibus assimilentur. Pauci uerò ex ipsis sunt absque loco patiente, in quibus uenæ omnes æqualiter habent humores putrescentes: seu atrabilem, seu pituitæ naturam præferentes. In his igitur omnibus Hippocrates uidetur fidere præcognitionibus: in acutis uerò non omnibus, sed aliquando falli præcognitionem

2. par. 19.

cc nem

nem confitetur. Ex quibus uerbis duo habemus, quod cognitio finis morborum diuturnorum sit certior quam acutorum, & etiam quod sit absolute certa. Sed in oppositum sunt multę difficultates: prima est ac minima, quod tertio de Diebus ceticis hanc scientiã & firmitatẽ exitus morborum ueniat ex astrologia: igitur nõ habetur ex medicina. ibi etiam si quę dicit uera sunt, habebimus exitũ certũ in acutis, & tamen hĩc incertũ plerunq; esse fatetur. Item potest esse quod luna stet iuxta locũ planetarũ in genitura malorum, & tamen materię natura dominetur. Quo in casu aberrabimus etiã in diuturni morbi prædictione. Secunda difficultas habetur primo prognosticorũ, cum dixit Galenus, Fidi medici interest, ut in prædicendo frequẽter uerus, rarò falsus habeatur. Inde seqtur post pauca, promiscuè omnibus concessum est, finẽ magna ex parte consequi posse. Nam alius, dicit, qui in uiginti prædictionibus semel aberrauit, & si perpetuatẽ interrupt, melius tamen prædicit, quam ille qui in totidem bis deceptus est. Ex quo colligitur, prædictionẽ etiã in diuturnis, haud quaquam esse omnino firmam & securam: sed quandoq; contingere in illa aberrare, quod etiã experimentoprehenditur. Tertia dubitatio est, quia Rases sextodecimo Continẽtis oppugnat Galenum quinq; rationibus: ostendere conans breuiore morbos certioris esse iudicii. Prima est, signa iudicii morbi in acutis sunt euidentiora, maiora, & firmiora, quam in diuturnis, primo de Crisi, cum inquit, Post quadragessimũ diem omnes dies decretorii languent, concoctione potius & abscessibus quam crisi morbum finientes. Ante ipsum uerò nec adeò ualidi qui à uigesimo ad quadragessimũ, ut qui à quartodecimo ad uigessimũ intercidunt. Omnium autem, inquit, firmissimi usq; ad quartũdecimũ. Si igitur signa crisis talia sunt in acutis, latent in diuturnis: ita etiam exitus morbi. Quis enim de morbo qui per abscessum sit finiturus, tutò audebit de salute aut morte pronuntiare, cum nec locus, nec magnitudo nobis sit conspicua? Secunda ratio est, inquit ille, quod in morbis longis materia magis latitat in profundo corporis, nec emittit partes sui, ut in acutis per urinam, secessum, uomitus: igitur ipsa ægritudo, & illius magnitudo, & materię qualitas magis incerta. Tertia ratio, ubi diuturnus morbus crisi sit cariturus, nullum habemus signum de futura salute aut morte, tales autem plurimos diuturnorum esse ostendimus. Quarta, non possumus incrementa adeò celeriter in diuturnis assequi, igitur nec signa cruditatis aut coctionis materię, à quibus salutis aut mortis signa pendent: ut sæpe ostensum est. Quinta, Non possumus in longo morbo dignoscere an materia ex toto eiecta fuerit è corpore, quia illius expulsio est lenta, & plerunq; in pluribus diebus perficitur, ideo nunquam sumus securi in illa à reuersione, iuxta dictum Hippocratis secunda Aphorismorum, Quę relinquuntur in morbis

com. 4. in
enarratione
longa post
medium.

cap. 1. fol. 32.
col. 4.

cap. 10.

aphor. 12.

bis reuersiones facere consueuerunt. & accepit ex experimēto, quia Hippocrates enarrat quosdam qui cū uiderentur liberi in longo morbo, tamen reuertente illo, alii seruati sunt, ut Epicratidis uxor die octogesima: & alii mortui, ut Parius die centesima uigesima. Ideo dicit: Hippocrates in eo aphorismo dicere uoluit, in acutis non omnino certus est exitus morborum, quanto magis incertus erit in diuturnis. Sed etiam sine discrimine, & potius in acutis quā diuturnis prædicere docet Galenus primo de Diebus iudicatoriis his ferme uerbis: Hic morbus isto die soluetur, si ipse ratione à nobis instituta uictus utetur, nec alio medico, neq; ipse peccet, sed omnia languens efficiat, quæ illi imposita sunt. Nec ex externis rebus aliquid sinistri inciderit. Manifestum est igitur, hîc certam salutem promitti: nam quæ illi prædictioni adiunguntur conditiones in diuturno morbo multo magis erunt necessariae. Sed facillè quo ad hoc conciliatur Galenus sibi ipsi: nam paulò post edocet, quòd in quibusdam morbis licet diligenti medico non solum mortem, & diem mortis, sed etiam horam prædicere. Inde subiicit, quòd si signa obscura fuerint, melius est filere: atque ob hoc inquit, mihi nunquam ad hanc usque diem ex prædictione contigit aberrare. Hæc igitur est sententia Hippocratis, iuxta Galeni interpretationem. In quibusdam acutis possumus certè salutem aut mortem prædicere, in quibusdam haud hoc cōcessum est. Sed de diuturnis hoc generaliter fieri potest. Ad auctoritatem tertii de Diebus iudicatoriis, dico, quòd illud positum est pro accessorio & coniectura magna. multò tamen magis in cōfectionis signis confidit. Dictum autem Hippocratis in aphorismo intelligitur merito artis medicæ tantum, non eorum quæ ab astrologia decernuntur. Cū autem supponimus morbi initium illud, Respondeo, quòd tunc æger morietur, sed non morbi sola uiolentia, sed ob errorem, uel casum: & ita utraque scientia recte prædicet: & ego uidi quendam, qui fuit percussus, ut uidebatur, non lethali uulnere in capite, & medici pollicebantur salutem: & astrologus quidam dixit, quòd septima die apparebunt signa mortis, & ita euenit ad unguem: & hoc fuit, quia illi non rectè curauerunt eum: & sic medicina & astrologia ambæ possunt esse ueræ, & de eodem iudicare contraria: quia astrologia amplectitur morbum, causam morbi, uirtutem, & præter hæc quæ à medico omnia considerantur, etiam casus, quos medicus præscire nequit: & hoc de astrologia perfecta, & non de illa deceptoria, quæ usque ad hanc diem uiguit. Quòd si uelles supponere ut luna esset in loco bonorum in hora natiuitatis, & cum hoc essent alia signa salutis ex astris, nam hoc unum quamuis à Galeno quasi pro præcipuo & exemplo describatur, haud tamen est sufficiens ad salutem decernendam, & quòd materia sit longè potentior uirtute, dico quòd hoc erit impossibile, Ad

3. super primū
Epidem. 22 et
3. super 3. t. c.
73.

cap. 11. iuxta
medium.

cap. 12.

ea autem quæ à Rasi adducuntur intelligere decet, quòd concordia stat in hoc: Paribus diebus assumptis: puta uno, uel duobus, aut quatuor, in morbo tam acuto quàm diuturno, certius est iudicium in acuto: nec hoc uoluit Galenus, ut existimabat Rases, & in hoc sensu intelligendo, procedunt rationes. Sed sumptis partibus morborum, utpote principio acuti morbi ac diuturni, uel augmento utriusque: semper iudicium diuturni est uel æquè certum, uel etiam persæpe certius quàm acuti. Et hæc fuit sententia Galeni in expositione aphorismi. Et quòd non possit intelligere de paritate dierum, certum est: nam morbus qui terminatur in die septimo, certior est in ipso septimo die, cum iam declinationem ingressus est, ut cum iam sit in limite salutis, quocunque morbo diuturno, in quò septimus dies nec dimidium initii morbi impleuit: aliter possent futura esse certiora præsentibus, & præteritis: quod responsum neque idiota dignum est. Ad primam igitur rationem respondeo, quòd non ualeat hoc argumentum, neque fidem facit: crisis est certior, ergo salus aut mors. contingere enim potest crism esse certam, nec tamen salutem aut mortem: cum ex toto hæc signa distinguantur. Cum dicis materia in morbis longis magis latitat in profundo. Respondeo, quòd morbi longitudo, non fit ob hoc iuxta Galeni sententiam, sed ex quatuor: ex uirtutis debilitate, ex crassitie, multitudine, ac lentore materiæ, & hoc in salubri. In mortali autem ex eisdem, sed pauco materiæ excessu uires ægri superante. nec etiam magis latent reliqua, ut dixi, nisi paritate dierum supposita, non temporum morbi. Ad Galeni autoritatē in primo prognosticorum dico, quòd uult prædictionis esse duo genera, quorum utroque utitur medicus, Coniecturatiuum, & Certum: & de utroque exemplum explicat. & ideo morborum longorum prædictio ad certum genus pertinet, quantum ut dixi merito medicinæ. Sed contra, quia scirrhus in iecore paruus est sanabilis, magnus insanabilis. de mente Galeni, inter paruum & magnum est quoddam medium, à quo incipit esse insanabilis, ante illud autē est sanabilis. Constituatur igitur duo qui patiatur scirrhus: alter sanabilē, sed difficillime: alter insanabilem, licet in principio eius termini in quo sanari posse definit: neutrius horum medicus poterit prædictionem ueram ac tutam pronuntiare: quia dispositiones sunt conterminæ, adeò ut lateat sensum, & medicus est artifex, ut dici solet sensitiuus: igitur nō habemus certā prædictionē in diuturnis morbis. Secūdo in morbis qui partim sunt in mēbris, partim in humoribus, ut in elephātiāsi, & morbo Gallico, in quibus maximè iecur inficitur, etiā dato quòd noscirem quātitatē morbi, nō possumus scire oīa simplicia, quæ prodesse possunt illi mēbro: nā tales morbi, ut Galenus docet, per propria

s. ad Glauconem. cap. 6. in princ.

19. artis curatiuæ cap. 17.

propria illi membro simplicia medicamenta curantur. Et dat exemplum de eupatorio in iecore, & cappari in liene. Cum igitur talium simplicium non sit exquisita potentia nobis nota, necesse est ut non possimus certè prædicere de salute aut morte. Et do tibi exemplum in Gallico morbo: ab initio omnes peribant, post uenit Ioannes de Vigo, & ratione deducta à scabie unguentum fecit cum argento uiuo, & innumeros curauit, qui antea pro desperatis habebantur. Post, aliqui remanebant qui curari eo auxilio non poterant, & desperata salute, quidam inuenerunt suffumigium quod erat ualidius unguento, & qui curari non posse credebantur, multi ex his curati sunt, non tamen omnes. Rursus relictis cum pro deploratis haberentur, ligni sancti decocto magna ex parte liberati sunt. Cum tamen etiam multi neque hoc potu, nec aliis præfidiis liberarentur. Illustri Comes Ioannes Tirmus Triultius Mediolanensis, innumeros ex his relictos pro desperatis, uini cum cortice eiusdem ligni atque aliis multis medicamentis simplicibus decocti, potu curauit. Rursum cum non omnes nec sic possent curari, quod nimis tenuibus uiribus essent, & macilentis, inuenta est annis ab hinc sex, radix Cinæ, & ipsa ex India aduecta, quæ curat & impinguat, & potum etiam uini synceri & carniū esum admittit, ut etiam hæctici qui antea nullo tali auxilio rectè uti poterant, curarentur à Gallica illa lue. Vltimò ab anno citra ualidissimum aliud Salze, uel Sarze, Pariliæ radice inuētum innotuit. Patet igitur quod sapius deploratos iudicatos liberare licuit. Illud idem in elephantiasi atque lapide uescicæ, & scirrho iecoris, uel lienis, dicendum erit. Respondeo igitur propter hæc, quòd dictum illud Galeni, ut & ibi ipse explicat, de morbis intelligendum est, qui ex materia pendent sola mala. In morbis autem qui ex sola intemperie, uel in morbis qui ex numeri uitio, & generaliter in morbis compositionis non possumus certè prædicere, quanquā diuturni sint. Primò, quia termini morbi curatione recipientis, & non recipientis sunt uicini, adeò ut non possis discernere inter sanabile & non sanabile persæpe: non dico semper, nam quando morbus ualde exiguus aut ualde magnus est, in altero de salute, in altero de morte securè pronuntiare licet. Alia causa, ut dictum est, quia cum talia curentur per propria auxilia, & proprietatibus rerum nulla meta imposita sit, adeò ut Auenzoar existimet esse herbam quæ ulcera pulmonis consolidare planè possit, quòd idem in pecoribus manifestè operetur: & oleum quod frangat uescicæ lapidem. ideo non potest assignari meta in his, maxime ad mortem. Et si quis dicat, cognoscam ex processu, utpote in scirrho, an tendat ad salutem, uel ad mortem: & ex parua mutatione faciam iudicium de toto processu morbi: nam si alleuiatur, igitur iisdem auxiliis sanabitur: si in deterius pergit, igitur eadem ratione morietur. Respondeo, quòd non:

cc 3 quia

1. Thei. tra. 10
ca. 4. 2. Theif.
tract. 4. cap 7

quia datur regimen præseruatium, in quo non potes inter hæc bene distinguere, an minuatur, an consistat, an paululum augeatur. Sed dices, tandem cognoscam, quis dubitat, post duos aut tres annos: sed hoc etiam agnoscunt idiotæ. nec est prædictio medico digna. Præterea, ut dixi, non potes esse certus, quin per aliquod nouum inuentum non sanetur, quamquam in manibus tuis semper morbus deterius se habuerit. Et forsitan etiam sine nouo inuento, sed auxilio à medicis recitato, cum tu uel nō uideris, uel si uideris, non tamen ipsum è præcipuis in tali morbo existimās, ad magis laudata te transtuleris. & tamen his non curantibus, hoc derelictum pro inutiles curabit: seu quod proportionales sint inter homines & medicamenta, seu quod in tua regione alias & ualidiores obtineat uires, his quas illi Dioscorides, aut Galenus etiam tribuerint. Cum igitur tot modis errare contingat in his, satius est à prædictione abstinere.

CONTRADICTION VIII.

Delicia an ad naturalem statum sensum reductio sit.

- cap. 6. **G**alenus primo de Symptomatum causis hæc habet: Passio quæ in nobis uiolenter fit, ac præter naturam, Dolorosa est, si celeriter, & per magna incrementa fiat: quæ uerò ad naturam rursus eodem modo fit, nec uiolenter, Delicia uocatur. & paulò post: Sic igitur omnis tristis passio in omnibus sensibus fit: contraria uerò illi sua uis ob contrariam causam. Regressus enim confertim eius rei quæ in periculo erat ne diuelleretur ad propriam naturam, uoluptatem affert. Et iam etiam ex Platonis sententia docuerat eam mutationem quæ in sensu accidit sensum, dum ad naturalem statum redit, non sentiri. At rursus è directo contrarium dixit
- cap. 7. duodecimo Artis curatiuæ, his penè uerbis: Videntur enim corpora non solum cum in non naturalem statum confertim ueniunt, tristem mutationem sentire, sed etiam in ipso ad naturalem statum reditu, nisi paulatim eum recipiant, cruciari. Scimus enim qui in uehementi frigore fecerunt iter, cum sese non sensim, sed simul calefacere properarent, dolore circa unguium radices adeò uehementer affectos, ut cum ferre non possent. Manardus hanc mouet difficultatem, ab alio, ut & ipse fatetur, excitatam. Quod uerò ad ipsum attinebat inuoluit scilicet responsionem. Sed quid mirum de homine omnis Philosophiæ rationisq; naturalis experte? inquit enim, *ἡγεµα καὶ κατὰ μικρόν*. quibus uocibus in libro de Causis symptomatum utitur: id est, Sensum ac per modica: itemq; *κατὰ βραχὺ*, id est, per breue, relatiuè dici. Ergo comparatiuè aliquid & magnum, & paruum, & longum, & breue, dici potest. Id igitur quod adeò lentè ad naturam suam redit ut sensum effugiat, nec dolorè affert, nec uoluptatem.
- Quod

Quod autem breuiter adeò tamen ut sensum non effugiat, potest & dolorem afferre & uoluptatem. Calor igitur qui uoluptatē affert, comparatus ad illum qui non sentitur, magnus dici debet: ad eum autem qui dolorem efficit, paruus. Hæc ille, ut sit sententia, quoniam in prima autoritate Galenus uult delicias fieri ex ueloci mutatione, & per magna incrementa ad statum naturalem, in secunda ex ueloci mutatione & per magna incrementa ad statum naturalem fieri dolorem. Manardus uult per mediocria incrementa & per mediocrem uelocitatem fieri delicias: per parua enim incrementa & lenta factu reditu nullum fieri sensum: per magna admodum ac uelocissimè dolorem non delicias procreari. Sed dum Galenum conciliat, illum in utroq; loco peccare facit. qui cum mediocriter aduerbio, seu manis Græcè *μεγας* uti deberet, in altero extremum unum, in reliquo aliud assumpsit. Vides, en lector, deliramenta Galenici medici, quonam pacto longè deterius eum quem profiteri affirmat, ac tueri, uituperet, quàm nos qui soli ueritati studemus: & tamen antequàm nos audisses, rhetoris uiri responsio probabilis uideretur, ac nullius indiga, nisi quòd Galenum stupidum ostendit, ac omnino sui imparem. Nam quòd relinquat aliquid quod dicere debuisset, hoc commune est uitium, atq; adeò tolerabile, ut Aristotele id sæpissimè faciente pro uitio haberi non debeat. Sed quod ambobus extremis, modò hoc, modò altero, medium significet, hoc prorsus insuetum est omnibus claris uiris, Galenoq; indignum. Præterea si calor qui inducitur non tantus est ut possit frigus propellere, delicias non affert, cum non redeat ad naturam. membro enim adhuc frigido existente delicia non est, sed minor dolor: aliter omnis delicia esset cum dolore. Si autem est tantus ut propellat frigus, & sic cuius comparatione paruus dici debet? neq; enim latet quenquam si exuratur membrum non deliciari. Igitur Galenus non de caloris quantitate, sed de reditus uelocitate ad naturalem statum sermonem habet. Et sicut extremus dolor fit in momentanea ad præternaturalem dispositionem mutatione, sic summa uoluptas in reditu subitò ad naturalem statum. Quis enim unquam conqueritur in feminis effusione, quod naturaliter esset dispositum, dolorem sensisse? quantumcunq; uelox esset. at necessarium hoc erat iuxta Manardi sententiam. Sed uide, si uidere manes tui possunt, quid sit Conciliatorem Auicennamq; spernere, imò Aristotelem: sed non ausus es illum adeò apertè calumniari, quàm leui in re non potueris te explicare, quid in difficillimis tibi cōtinget. Nam mehercle dubitatio hæc, longè melius ab aliquibus ex nostris discipulis solueretur. Itaq; uideas primò quid dicat Auerroës tertio Collectaneorum: Et delectatio, quæ est contraria dolori, non est nisi comprehensio sensibilis temperati, & similiū. & quasdam delectationes præcedit molestia, & illæ

ca. 31. post me.

illæ sunt naturæ iucundæ. Apparet igitur in delectatione adesse oportere temperiem: quomodo igitur ubi sentitur in lenta scilicet reductione, contraria qualitas, poterit esse delectatio? Necesse est enim finem esse cum temperie, transmutationem uero esse adeo uelocem, ut tota intemperies sensum lateat. Quod in musicis quotidie experimur: primò quidem, cum Diatessaron in acutis transiens, quod asperit concentus: Diapente in grauius relinquit, dulciusq; resonat, quam si sola Diapente absque Diatessaro audiat. & rursus, cum ad Diapason uenimus, facimus durissimam præcedere dissonantiam, quæ interuallo constat sex spatiorum duplici Diatessero, sed leuiter ut non audiat dilabente perfectum efficit concentum. Igitur solutio contradictionis habetur à Galeno ipso, secundo de Locis, cum causam doloris referret intemperiem: dixit enim, Vehemens frigus concitat dolorem, ut in his qui hyeme ambulant. Quod si conentur, ut quidam faciebant, manus illico ad ignem calefacere, unguium radices graui dolore infestantur. Non igitur ibi uoluit celerem redditum esse doloris causam, sed intemperiei magnitudinem. Celer igitur redditus uoluptatem affert, nec sine illo potest esse uoluptas: & quanto celerius fit, eo maiorem uoluptatem parit. Vnde biliosi, seu calidam atque siccam testiculorum temperiem habentes, omnibus magis in uenere delectantur. Sed cum intemperies adeo magna est, ut redditus fieri non possit ad naturalem statum, tunc dolent ob utranq; qualitatem: altera quæ iam membrum læserat, reliqua quæ nunc lædit, affatim immutans: Nam & ex lenta calefactione dolent, non uoluptatem capiunt. Oporteret autem illos uoluptatem capere aliquo modo, si mediocri uelocitate redditu facto deliciæ constarent. Igitur deliciæ non fiunt, nisi cum confertim ad naturalem statum redditus est. Sed non potest confertim ad naturalem statum redire, nisi parum membrum à naturali statu recesserit. Igitur in ualida intemperie non potest haberi sensus uoluptatis, sed solum minoris doloris. Quod si coneris per contrariam qualitatem celeriter remittere intemperiem, non solum uoluptatem afferes, aut dolorem minues, sed ipsum augebis: & hoc uoluit Galenus. Igitur deliciæ semper fiunt, redeunte celeriter, & per magna incrementa membro ad naturalem statum, à quo parum discessit. Quod si multum discesserit, leuiter quidem usq; ad naturali propinquum perducendum. inde si confestim ex hoc ad exquisitam propriam redierit temperiem, uoluptas etiam generabitur. Causa autem doloris in radice unguium ex repentina caliditate, est contractio frigoris, ita ut non iam redeat ad naturalem statum, sed partes aliæ urantur, aliæ magis frigeant per antispasim. Ex quo liquet, non esse mirum cur non adsit uoluptas, cum desit illius causa, scilicet redditus ad naturalem

ralem statum. Quod si celeritas ipsa dolorem afferret, uoluptatem sentire illo eodem igne, eum qui modicè friguit, esset impossibile.

CONTRADICTION IX.

Odoratus instrumentum an uocata caruncula mammillares.

ITaque si Ioannes Manardus ad res ipsas, quæ nobis subiacent, nostrisq; sensibus oculos admouisset, in tam absurdam interpretationem haud facile incidisset, si quando enim aut uehementer doluit, aut frigore de- tentus est, intelligere poterat, nullam esse causam quæ illi posset afferre uoluptatem: multas autem, quæ lenire dolorem. Quod si quandoq; etiam æstiuo sole supercalefactus, aut aure in umbra se exposuit, aut in lympham pellucidi fontis intrauit repete, maximam fateatur necesse est sensisse uoluptatem. Atque ut uno uerbo hos Galenicos alloquar, illud saltem Lucani dum Cæsarem inducit loquentem imitemur: sic enim ad Pompeium, quasi uerba uertens, ait:

Ille tuus saltem doceat discedere Sylla.

Sic uos Galenum ipsum imitemini, qui primo semper rerum naturas, inde sententias Hippocratis & aliorum est contemplatus. Leuis proculdubio res est in qua aberrat, sed tamen quinq; in tam leui causa admisit errores. Primus, quod ut dixi Galenum, quem maximè suspicit, adeò aperte uituperat, ut si Galenus resurgat malit inimicum Auerroem amplecti, quàm hos uiros. Nam plus gloriæ ab inimicis egregiis, atq; æmulis claris, quàm ab adeò frigidis atque absurdis defensoribus proculdubio aucupamur. Secundus est, quod non animaduertit, quemadmodum prius dixerat Galenus si sensim reditus hic fiat, non sentitur, non dixisse, itaq; cum con- festim reditus sit ad naturalem statum, dolor inuadit. Sed hoc uoluit Galenus, quod festina mutatio doloris causa est. nec dolor sine illa esse potest: adeò ut si in reditu ad naturalem statum coneris festinare, non modo uoluptatem affert, neq; dolorem lenit, sed etià auget. Quoniam reditum non assequeris, sed partim priorem per antispasim auges intemperie, partim contrariam illi inducis, ea in parte qua minimè opus est. Quod si dialecticæ initia intellexisset Manardus, non aberrasset. Dolor, inquit Galenus, non fit nisi cum repentina mutatione: igitur quod fit per repentinam mutationem dolor est. Ac si quis dicat, Homo non est qui corpus non sit, igitur quod est corpus homo est: atq; ita etià asinus & lapis homines erūt. An nō animaduertit si hoc sensisset Galenus, quemadmodū docuit, quod dolor non sine repentina est mutatione, ita dixisset omnis repentina mutatio dolorem affert: quod neq; dixit, neq; dicere uoluit: cum intelligeret extemporaneam ad naturalem statum permutationem uoluptatē afferre. Ideo bene dixit Princeps, Delicia non fit nisi ex subito reditu ad natu-

secūda primi
doc. 2. cap. 23.

d d ralem

ralem temperiem. Atq; hi duo errores in hominem sunt, nunc autem tres qui supersunt in rem ostendamus. Primus horum est, quoniam existimat Manardus, illū qui ex frigore summo supercalefactus dolet ob reditum ad naturalem statum dolere, cum non ad statum naturalē redeat, sed aliū. Quod si quis pergat eo calore, ut ab initio coeperat, se conficere, sentiet se urī, non ad naturalem statum redire. Secundus error est, quod credat reditum ad naturalem statum posse esse cum dolore, cum id nequeat: Omnis enim reditus ad naturalē statū, si repentinus sit, uoluptatē affert: si autem sensum, affectum illum quem Epicurei Indolentiā uocatam miris laudibus extollunt. Tertius error est, quod credit celeritatē esse solum doloris causam, cum summa fuerit: cum tamen, ut dixi, in summa celeritate, modo finem suum assequatur, summa sit uoluptas. Et quantū à summa celeritate reditus ille ad naturalē statū dehiscit, eo leuior uoluptas sentitur. Sunt etiā alia in hoc illius errata, quæ ne tædiū legenti afferam relinquo. Ergo Deliciæ, ut rectè Galenus inquit (neq; enim in re iucunda sermonē proferre piget) in omnibus sensibus constant. In Tactu quidē res uenerea obtinet principatū. Inde si unquā, ut dixi, sub æstu magno feruens, umbrā cum leni aura uel fontem ingressus uoluptatē expertus es, quæ ex his cōsequitur, proximā uenereæ, atq; salubriorē sæpe inuenies. Venus solū addit imaginationē. Sed quod ad tactus sensum attinet, ut minor est hæc uenerea, ita longior. Vnde etiā quæri solet, Si deliciæ fiunt homine ad naturalem statum redeunte, quonā pacto cum semel uel ex fonte, uel ex aura redieris, uoluptas illa tandiu perseuerare possit? nam egredi denuo à temperie erit necessarium, & dolorem intermisceri uoluptati. Sed tribus hoc modis fit: primò, quia nō simul omnes partes redeunt, sed aliæ atq; aliæ. Vehemens autē iucunditas redeuntīū obscurat aliarū quæ nondū redierunt partīū sensum: tum præsertim quod iam cōfirmata intēperies dolorē non affert: sed quæ de nouo nobis aduenit. Secūdo, quod per calorē æstiuū aliæ partes uexantur, estq; si diligenter animaduertis, uoluptas illa permixta, leuissimæ molestiæ: sed non secus ac in musicis de diapaslo succedente contingit, in hac uoluptate aduenit: ut scilicet molestia brevis sit, ac minima: iucunditas autē perfecta & firmior, sui solū sensum ac memoriā relinquat. Tertio quod etiā post temperiē ex sensibili suauī iucūditas percipitur. Quēadmodum qui cum uirginibus cōcumbūt citra uenerem. Quintū uoluptatis genus est illorū, qui non uehementi frigore uexati, aut in tepidæ aquæ balneū, aut in mollē atq; calentē lectū ingrediūtur. Reliquæ autē uoluptates tactus aut uix sentiuntur, aut fordidæ sunt, ut illorū qui pati uenerea cōcupiscūt: aut cum dolore cōmixtæ, ut in his qui scabiē scalpūt. Proxima tactui est, quæ in Gustu: eaq; duplex, Potus ac Cibi, alios alia delectantibus. Dulcis tamen generaliter sapor, inde subacerbus aut

aut subacidus maximè iuxta naturæ cursum delectant. Indicio est, quòd talia maximè pueris placent. Visus uarietate, & uirenti colore, ac cœruleo oblectatur: Vnde prata florentia si cœruleos flores multos, intermixtis albis, rubrisq; ac aliorū colorū non paucis habeant, omnem uisus iucunditatē implent. Auditus autē fusurro aquæ, & leni uoce delectatur: unde etiā nutrices infantes cantu leni mulcēt. Delectatur & harmonia postquā adultior fuērit. Medius inter omnes sensus Olfactus est, nam subtilior ac tenuior tactu & gustu, crassior ac magis hærens materiæ auditu & uisu: diuinum autē quid obtinet, unde etiā antiqui diis sacrificabant odoribus, thymiamata appellabāt, quæ in altaribus incendi solebant. Fragrabāt hæc incredibili suauitate, atq; ideò spiritus hæc reparant, mirumq; in modum restaurant: unde autor libri de Viribus cordis, odorata collaudat: tum etiā Auicenna plurimum ad reparationem uirium ac animalis spiritus professe putat. Et nos nulla in re, fatemur enim quam in odoratis maiorem uoluptatem sentimus. usq; eo ut trahat quasi extra sensum: quia odoratus uis, omnibus aliis sensibus in nobis perfectior est. Videtur autem particeps tactus & gustus, dum per uapores sentit odores: at cū sine illis eorum sensuum qui per solas species percipiunt sensibilia, ut auditus, ac magis etiam illo uisus: ut quasi duplex sit hic sensus, qui generaliter in hominibus est debilissimus, iuxta Aristotelis sententiam secundo de Anima. Quamobrem ubi iaceat opportunum nunc arbitror quærere: neque enim Galenus sibi ipsi, nedum aliis consentire uidetur. Scribit nanq; octauo de Usu in hanc ferme sententiam de illo loquens: Solum ex omnibus sensorium hoc intra cranion positum est in ipsis cerebri uentriculis anterioribus, qui etiā uaporosum quid cōtinent. Adducitur autem ratio subtilis ab illo hæc oclusis naribus uel operimento etiam illo ut in corizis, aër transit, non tamen odorem sentit, igitur primum hoc sensorium est in cerebro. opus etiā erat odoribus ad spiritū animalū & cerebri cōfirmationē. Ex quo patet quod iam dixi, cerebro ex odoribus mirā tum uoluptatē, tum utilitatē accedere. Videtur igitur sentire quod & Philosophus ipse dicebat secūdo de Anima, scilicet, quòd homo nō odorat, nisi dum spiritū ad se attrahit. Eandē igitur opinionē tenuit Galenus primo de Symptomatu causis, scilicet quòd in uētriculis fiat cerebri: quā etiam illi tribuit Andreas Vesalius, ut suo loco uidebitur. Sed in quarto de Simplicibus medicamentis dixit, odoratū fieri in cerebro per nares delato uapore, locum tamen nō explicauit. In libello autē de Odoratus instrumēto ferme idē cōcludit, sed quomodo, id ostendamus. primū inquit nō potest esse os nasi, cum ossa sint sensus expertia. Sed nec tunica interior, tribus ex rationibus, quarū prima est, in omni sensorio est substantia, ipsa quodāmodo similis ei quod recipitur, ut crystalinus humor luci, auditus tympanum

trac. i. cap. 9.

secūda primi
doc. 2. cap. 29.
et prima quart
ti t. 4. cap. 4.

t. cap. 92.

cap. 6. in fine.

t. c. 98. & 100.

cap. 4.

cap. 22.

fol. 1. & post
longa serie.

sono: igitur cum uapor recipiatur in odore, decuit tunicam esse mollem, atq; humidam. at ipsa est prædura & ei similis quæ ossi capitis proxima intus hæret. Altera ratio est, quod natura in omnibus sensoriis inaximos pro sensorii magnitudine nervos impertiit: ut in auditu instrumento & oculis: sed tunica interior nasi, minimos ac exiles suscipit nervos, tum pro sui magnitudine adhuc magis, quare illa, non potest esse odoratus instrumentum. Tertia ratio est, quod nisi spiritum trahamus repletis quantuncq; odore naribus, non olfacimus: igitur sensorium olfactus in tunica nasi interiore esse non potest. Quartam ex libro de Vsu partium sumere licet, quod obstructa uia quæ est inter nares & cerebrum, homo odores non sentit, ut in corizis apparet: igitur in tunica illa uis sensus odoris esse non potest. Quod si diceres, non transmitti uirtutem, hoc non satisfacit, quandoquidem uirtus illa per neruum deferatur, qui impeditus minime est. Post Galenus ostendit neq; in palato, nec in ulla oris aut faucium parte odoratus sensum uigere, quandoquidem oclulis naribus diligenter, ore autem aperto nihil omnino odoris sentiamus. Sed neq; in membrana quæ ossa illa cauernosa subcingit, at potius in cerebri substantia: primum, quod in ualida attractione acutarum rerum per nares aliquid usq; ad ipsum cerebrum, quod etiam lædat, pertingit: igitur & uapores usq; ad cerebrū ascendunt. Secundo, quod supercalefactū a sole cerebrū, ex rosarum odore iuuatur. Tertium, quod in grauedinibus contēto spiritu cerebrū incalcescit, emissio refrigeratur: igitur respiratio ad substantiā ipsam cerebri usq; peruenit, quare & odor ipse: ergo & in cerebro odoratus functio perficitur: ubi enim species sensibilis finitur, ibi sensorium suum est. Neq; uerò, inquit, quod arbitratur Aristoteles operculū aliquid est, quod huic sensorio superpositū modò claudatur, modò referetur: sed perpetuò, ut reliqui sensus, qui in abdito sunt, apertum manet sensorium, quod longissima oratione ostendere nititur. Vbi autē fiat in cerebro nō ostēdit deficiente sine libelli: quāuis uideatur uelle ex his quæ dicit, quod in cerebri potius uētriculis. Operimentū igitur illud adesse testatur octauo de Vsu partium dum de olfactus instrumento loquitur: patere tamē semper, nō autē modò occludi, modò referari putat. Sed & Philosophus in quinto de Generatione animalium, & si obscure uidetur sentire quod in cerebro sita sit uis percipiendi odores. Clarius inquā lōge in libello de Sensu ac sensibili, dū dixit, Odoratus instrumentū in cerebro sitū est: uideturq; hætenus Aristoteles Galeno cōcors. q̄ & Galenus existimauit de operimēti clausione solū ab illo dissidēs. Neq; enim si claudi operimētū odoratus iuxta Aristotelis sententiā potuit, in naribus ubi neq; operimētū erat, neq; claudēdi modus, odoratus sensoriū esse, iuxta illius sententiā credi debet. Sed tamē Philosophus in secūdo de Partibus animalium, inq̄t: Sēnsoriū uerò olfaciēdi nō longe euariat in ceteris quadrupedibus uiuiparis. Quibus enim maxillę oblongę in

cap. 1.

cap. 3. & 2. in
fine.cap. 16. in
princ.

acutum exeunt, his nares in rictu appellato continentur. Et rursus infra: Cumq; meatus olfaciendi habeant, de aibus enim loquitur, nares habere non possunt. Hanc illi aduersante Galeno opinionem audacter tribuit Auerroës, in Paraphrasi secūdi libri de Partibus animalium, & in secūdo Collectaneorū, ubi tres pro hoc adducit rationes. Par est autē in re ualde dubia tantum audire Philosophū. Inquit igitur, Si alibi uigeat hic sensus, aëre attracto, per palatum oclusis autem naribus homo olfaceret: quod experimento falsum est, & falsum à Galeno cōcluditur: igitur non potest in cerebro uel eius parte esse uis sentiendi odores. Nam oclusis naribus aër ad cerebrum, per foramen in palato quod iuxta uulnam situm est ascendit: sternuentibus enim nobis, cibis (adeò lata uia est ab ore in nares per palatum) quem comedimus eiicitur è naribus aër & uapores in cerebrum ascendunt, etiam ex palato ascendent, saltem uia narium, si nulla esset alia uia, & sic odor sentiretur. Nam clauduntur nares solū manibus in extrema sui parte. Item uia qua descendit pituita ex cerebri uentriculis in infundibulum: inde, in glandem pituitæ quæ basi osis cerebri superposita est, atq; inde in palatum, aër potest subingredi proculdubio, cum longè pituita tenuior sit: igitur fieret sensus odoris clausis naribus.

cap. 13.
cap. 17.

Secunda ratio, ut Auerroës inquit, est Auenzoar: Nisi odoratus instrumentum in naribus esset, homines dum comedunt, & dum concoquunt cibum, sentirent odorem illius, quod tamen falsum est. Patet autem sic futurum: quoniam, ut declarauimus, aër & uapores per palatum ascendere possunt ad cerebrum. Tertia ratio est contra Auicennam, ut uidebitur, Carentia animalia carunculis mamillaribus odoratu carerent, quod tamen apertè falsum est. Ideo dixit in primo Collectaneorum, Odoratus instrumentum est in neruis quinti paris, qui exeunt ex foramine uocato Orbus, seu Orobis, & pars illorum ad aures etiam, pars ad mandibulas tendit. Et in tertio Collectaneorum declarauit, quod etiam animalia exanguia, & quæ respiratione carent, odoratum habent. Sed differt ab odoratu hominum & respirantium animalium. quia in homine & his animalibus, non fit sensus odoris nisi cum attractione aëris: sed in non respirantibus clarum est, quod si odorant, odorant sine aëris ulius attractione. Docet autem nos ibi, quod postmodum declarabimus, & cur ita sit, scilicet, quod odoratus uis in homine est imperfectissima. Gustus autem perfectus, sed tactus perfectissima omnium animalium: quod etiam sumptum est ab Aristotele in secundo de Anima. Auicenna uerò, quinto de Anima, & Quinta Tertii, tenet tertiam opinionem quod odoratus instrumentum in carunculis mamillaribus situm sit. Sunt autem duæ partes cerebri prominentes altera à dextra, altera à sinistra parum supra neruos uisorios magnos, rubeæ, rotundæ, duriores quàm ce-

cap. 7. ante
medium.

cap. 36.

ca. 8. post me.
cap. 1.

ca. 6. fol. 30. &
32.

fol. 51. in expo-
sitione n. liti-
ræ 3. & 4. fi-
guræ.



figura 3

rebri substantia, paulò maiores cicere, in anteriore cerebri parte, perfimiles ualde papillis mulierum, quas dum fugunt infantes lac in ore continent: à quibus etiam propter similitudinem nomen sumpserunt. Vesalius libro primo hæc habet, suæ Anatomix: Octauum id os censebitur, quod sedes constituit, quibus duo non abfimiles neruis cerebri processus incumbunt: quos ferè olfactus instrumenta nominamus. Os autem octauum illius sensorii sedem seu fundamentum, non dico sensorium, proculdubio facit. Nam & perforatum est, & processibus subternitur, & quæcunq; habet huic officio necessaria. In capite autem eiusdem libri duodecimo enarrat Quartam opinionem uolentium odoratum consistere in cauitate, quæ est inter duo ossa squamosa frontis, in qua aër continetur. & si fractura ossis eo loco contingat, adeò ualida ex eo loco exufflatio fit, ut candelam accensam extinguat. ut igitur in aure ab aère sub tympano contento sonus ipse excipitur, fitq; auditio: sic in hac cauitate uapor, fitq; odoratio: iuxta illorum sententiam. molliusculum autem corpus ibi membranaq; obductum affirmat esse, quasi hoc sit ipsum sensorium. Rursus libro quarto inquit, Neq; enim olfactus organa nerui appellantur, quod dictam nuper Caluariæ amplitudinem non excedant. Quasi iuxta suam sententiam potius in illis processibus olfactus ipse constituatur. Demum in eodem libro, sed posterius cum quintam illorum recitasset imaginationem, potius quàm opinionem, dicentium, olfactus organum esse alios duos uentriculos cerebri sub prioribus atq; notissimis existens, ipse quænam sint illius sensus instrumenta declarat. supponens quòd ex dissectione habetur uentriculi superiorem & anteriorem partem uocari a, posteriorem autem atq; superiorem b, posteriorem autem inferioremq; ac se antèrius reflectentem, coangustantemq; c, demum anteriorem inferioremq; ac arctissimam ubiq; extra cerebrum prominet, licet cranei os non exeat, d, partem hanc, d, c, instrumentum olfactus esse affirmat. Hi sunt processus quos etiam antea esse instrumenta huius sensus prædixerat. Nec tamen uult processus hos cauos esse, sed ductu colore formaq; haud neruis abfimiles, qui à tenui membrana spoliati, in octauo ossis sæpius memorati cauernas se condunt, duriore membrana tamen illos circumambiente. Et quauis hîc parum obscurius, an hi idè sint cū uocatis carūculis māmillaribus, declarasse uideatur: eos tamē non illos esse in septimo libro edocet: nam tubera illa mammillaria cc, literis inscripsit, instrumenta autem olfactus ll. multoq; antèrius exporriguntur mammillaria tubera ipsis processibus olfactus: suntq; maiora, & rubicundiora, & sublimiora. At processus ipsi olfactus instrumenti ex eadem sede ad unguem enascuntur ex qua etiam uisoriij nerui. Quò fit, ut iam facile sit hos inuenire processus: tamen magis quòd ut ille refert, in ouibus.

ac.

ac canibus longè magis quàm in homine sint manifesti ob illorum magnitudinem. Reliquum igitur est, ut primò ostendam quare olfactus instrumentum in nobis debilius sit aliis sensibus. Inde ex sex, quas recitavi, opinionibus quinta reiecta, quænam possint inuicem concordari. Post hæc edocebimus argumenta illa quæ adducuntur non demonstrare. Ultimo quænam sit omnium uerisimilior opinio. Igitur sensus animalibus, cæteris aliter quàm homini dati sunt. Sensus enim belluis salutis gratia dati sunt, secundum Aristotelis sententiam, tertio de Anima: sed in hominibus & propter salutem, ut animal est, & propter scientiam, ut rationis particeps. Secundo enim de Anima, uolens ostendere quòd sensus tactus omnes differentias tangibilium agnoscit: dicit, Aliter intellectus non possèt eas cognoscere quæ sensu laterent. Manifestum est igitur, ob intellectus operationem & scientiam, tum etiam ob salutem hominibus datos esse sensus. Duobus autem modis cum sensus sensu eiusdem generis rerum differentias comprehendat, aut quòd ex maiore distantia ac exquisitius. multitudo differentiarum cum ad scientiam non ad salutem pertineat, necesse est hominem perfectiores, quòd ad comprehensionem differentiarum sensilium, sensus cæteris habere animalibus: atq; etiam sic odoratum: propterea dicebat Auerroës, quod & in libro de Animi immortalitate recitauimus, cætera animalia de sensilibus fermè cortices solū percipere, cū homo medullā attingat. Sed dices, Canes odoratu homines, tum dominū præcipuè agnoscunt: atq; sic differentias quasdam odorum quas homo non agnoscit. Nemo enim est qui hominem ex odore possit agnoscere. Respondemus odorem hominis tenuem esse, sed tamen sub speciebus odorum hominibus cognitorū proculdubio contineri. adeò tamen esse leuem, ut ab homine perceptus, cum sensum parum afficiat, memoriam non pariat. In cane autem, in quo non parum odoratum afficit, memoriam parit: tum magis, quòd canis memoria non adeò tot rebus implicata est ut hominis. In sentiendi autem præstantia, cum oculorum sensus & ad salutem non parum conferret, & plurium rerum nobis ostenderet differentias, ut primo habetur primæ Philosophiæ, fati ualidum & acutum illum in hominibus esse decuit. Sed tamen potius salutis causa, quàm scientiæ: cum scientia possit ex propinquis sensilibus atq; ad motus sensui percipi. At ob salutem oportebat ut possèt & feras, & serpentes, & hostem procul prospicere. Quamobrem mediocriter acutum, aut etiam plusquam mediocriter hunc sensum obtinuit homo. non tamen ad salutem neq; multò minus ad rerum scientiam necessarium erat illum esse perfectissimum: tum magis, quòd prospiciens à longè multis modis ac longè facilius se tueri poterat, quàm cætera animalia si quid ei inimicum uidere

t.c.60.

t.c.128.

cap.1.in fine.

in Proœmio.

uidere contigisset. Atq; eadem est ratio de auditu sensorio, quæ de uisu: cum sit & auditus disciplinæ sensus: non enim necessarium erat disciplinæ causa ut esset acutissimus, cum propius ad audiendum accedere posset. Reliquum est igitur, ut de tribus aliis sensibus agamus, & primum de tactu, quem proculdubio oportuit esse perfectissimum utroq; modo. in pluribus quidem eorum quæ tanguntur differentiis cognoscendis ob scientiam: in minima sensilia percipiendo, ob carnis & cutis summā mollietatem. Si enim talis non esset, utiq; totus semper esset ulceribus scatens: à minimis enim læderetur, nec tamen ea perciperet: quò fit, ut qui stupore per totum corpus detinentur infelicem agunt uitam, nihil audentes tangere. Cætera autem animalia cutem habent duriores, & præterea pilos, aut plumam, aut squamas. Oritur autem hæc sensus perfectio ex illius æqualitate non solum, sed etiam cutis mollietate: quò fit, ut cum gustus esset quidam tactus, ut etiam hunc ualde perfectum sensum homo obtineret: tum etiam quia ad salutem ei erat necessarius, ubi ratione, non ad eò periculo prospicere poterat. Vbi enim rem in os intruseris, nisi saporem percipias, nec sensibus aliis te iuuare potes, nec rationi tempus datur, ut de illo decernere possis: quamobrem gustum perfectum etiam homo habuit. At in odoratu cum cætera animalia duos haberent sensus pro cibo, alterum cum iam maderent, scilicet gustum, alterum ante, odoratum scilicet, nec liceret eis ratione uti, propterea perfectissimum pleraq; ad eò ut etiam muscæ & formicæ sensum odoratus acceperunt: neq; enim fermè alio modo absentem cibum quærere licebat, quam ipso odoratus sensu. Homini cum multis modis hoc liceret, iam etiam inuentum aut reicere aut sumere ex multis coniecturis, propterea sensus odoratus obtusior illi fuit. Vis autem hoc uidere ex priuationibus? Si quis uisum amittat omnibus periculis obnoxius, ad eò ut ab inimicis non nisi aliorum ope, uel contemptu tutus sit: & si etiam oculis parum uideat non leuem iacturam subit. Idem de auditu, de gustu, res corruptas deglutunt: de tactu rarum est, sed totum periculo plenum: at odoratu plures carent, qui nullum sibi detrimentum accidisse putant: cum quosdam uiderim, qui etiam optarent: ne malos sentirent odores. Igitur natura ne homini acutiorem odoratum daret, cum in aliquo necessarium esset humanam naturam minus acutè sentire, diligenter admodum prospexit. accedebat, quòd alii sensus, qui sine contactu fiunt: uel, ut clarius dicam, qui non optatis facillè occurrunt, ut uisus ac auditus nihil habent quod afficiat uehementer corpus: at odoratus cum prauum odorem percipit multum hominem contristat. Melius igitur fuit obtusionem esse, nam in cunctis quæ uitare non facillè licet, ubi uoluptas & tristitia maiores euadunt, iacturam tristitiæ & prauæ occasionis, uoluptas ipsa nequaquam pensare potest.

potest. Neque enim uulneris iacturam unguentum pari uelocitate tollit, qua accepta est: neq; calamitas ex cadaueris foetore, ullo mosco uel ambare leniri potest. Sed iam his relictis ad ipsas de Olfactu opiniones accedamus, in quibus fas est ex quinq; Aristotelem omnibus accommodare. Nam cum dixit, esse in cerebro, seu in cerebro ipso, seu mammillaribus tuberculis, seu in processibus sit, illis omnibus satisfactum est. Quod si obijcias, quinto de Animalium generatione eum dixisse, quod omnes sensus in corde fundamentum habent. Respondeo ibi de primo sensorio, non de instrumento loqui. Cum autem dixit, nares instrumentum esse, intellexit ex communi loquendi modo. Quinimo ibi potius colligitur oppositum, ubi uidebatur nares sensorium olfactus dixisse. Nam de elephantis promusci de loquens inquit, duas habere functiones, respirandi, & capiendi: at si sensum odoratus in naribus statuerat, palam est tres oportuisse promusci functiones tribuere: capiendi, respirandi, & olfaciendi. Potest & Auerrois accommodari sententia: nam cum dixit in cerebro esse olfactus sensorium, ibi distinxerat sensus in eos qui in corde fundantur, ut tactum, quem in corde constanter esse affirmat, & gustum: & in eos qui in cerebro, ut odoratum, & uisum. Si tamen uera fateri uelimus, Galenus melius interpretatur Aristotelem quam Auerroes in hac parte. Nam modus loquendi in libro de Sensu & sensili, ostendit oculum uidere, cerebrum uero per operculum: cerebrum autem per seipsum odorare potius, quam per aliud, atque ea de causa si quis tamen uelit Auerroem tueri, tuebitur: sed mentem Aristotelis non uidebitur assequi. Atq; eo magis, quod Aristoteles secundo de Anima, docuit quod olfactus non fit nisi attrahendo aerem, & quomodo poterit esse in naso uis odoratus. Et quod maius est, dicit quod est operculum huic instrumento quod aperitur in attractione aeris: sed manifestum est, nullum esse operculum in naso, quo modo igitur sensus olfactus potest esse in naso de mente Aristotelis? Et miror quomodo Auerroes, qui illum locum exposuit, non animaduertit. Sed alia opinio quarta quae ponebat hunc sensum inter ossa cauernosa in molli substantia, posset tueri in uia Philosophi, quia est iuxta cerebrum & supra nares, & supra uelamen illud. Sed tamen non potest esse uera, nisi de preparatione aeris in loco illo, non de proprio sensorio: quia non est ibi neruus, igitur neq; sensus, loquendo de sensu perfecto. Relinquantur igitur quatuor opiniones: prima Galeni, quod in uentriculis: secunda Vessalii, quod in processibus cerebri: tertia Auicennae, quod in tuberculis mammillaribus: & quarta Auerrois, quod in naso. Et Aristotelis sententia prioribus tribus concordari potest. Sed iam uideamus argumenta Galeni quantum concludant: dicit igitur, Tunica dura est, igitur non est aptum sensorium. Respondebit Auerroes, quod nervi molles sunt, nam idem est de auditu sensu: & probaret hoc argumentum

cap. 2. in prin.

cap. 2. in fine.

t. c. 98. & 106.

eadem ratione auditū non fieri in aure. Cūm dicis, pauci sunt nerui: diceret Auerroës, hoc facit pro me, quia sensus hic in homine est obtusus propter hanc causam. Vnde si ponas odoratus sensum in cerebro, deberet esse acutissimus, quia cerebrum hominis est maxime aptū sensui, eo quod est tenuissimæ substantiæ. Quod si uelis refugere ad temperamentum, diceret, sunt animalia habentia calidius & siccus cerebrum, ut canis, quæ tamen melius odorant: & habentia frigidius ac humidius, ut pisces, quos tamen uidemus procul, quāuis sint in aqua, sentire odores. Ad aliud, quod nō est Galeni, sed Aristotelis, diceret Auerroës: Si non obstaret Aristotelis auctoritas, non fit hic sensus nisi cum quodā motu, sicut & alii: & ideo quāuis odor sit in naribus, non percutit sensum nisi cum attractione aëris, uel expulsiōe, & ideo non sentitur. Et ad hoc adduceret rationem, quia si esset in cerebro non fieret nisi cum attractione aëris, sed quidā sentiunt etiam in emissionē saniei foedum quiddam. Hoc tamen experimentū negarent Aristoteles & Galenus. Ad alias autē rationes diceret Auerroës, demiror quod audeas dicere cerebrum sentire: principium enim sensus non debet sentire, & etiam cerebrum neruis caret, & tu uis quod non sit sensus sine neruis, & nemo est unquam conquestus de cerebri dolore, sed membranæ senserunt nigellam non cerebrum ipsum. Ad experimentum de rosis refrigeratis, quæ primo incalescunt, dolent, sentiunt, uidetur cerebrum, id est totum quod sub cranio continetur, melius se habere. Ad id de grauedine diceret, quod sternutatio non fit à uētriculis, & hoc est uerum: primo, quia uentriculi à naribus plurimum absunt: secundò, quia non habent exitum, nisi ad lacunam pituitæ, inde in glandem, quomodo igitur sternuentes nō emitterent ita ex palato, sicut etiam ex naso: tertio, quod oporteret uehementer lædi uentriculos ante sternuitionem, ob repletionem illorum ex spiritu. imò sternuitio esset epilepsia quædam: quartò, quod maius est, quod nullæ sunt membranæ in uentriculis, ut clarum est, & bene animaduertit Vessalius, quare oporteret concuti ipsam cerebri substantiam, & sic læderetur cerebrum mirum in modum in qualibet sternuitione, & perueniremus ad illam historiam, seu fabulam, in qua dicitur, quod olim sternuentes illico moriebantur. Vnde inoleuisse dicunt genus illud dicēdi, quo sternuentibus bene precamur. Et quāuis hoc potuerit esse uerum, non fuit tamen mors ex sternuitione, sed ex cerebri morbo qui sternuitionem inducebat. Propterea dico, quod sternuitio fit aëre impulsio per palatum à pulmone quandoq; aliquando ex cauo illo quod est inter duo ossa, à membrana dura cerebri, & nullo modo unquam à cerebro. & ex hoc aduenit, quod sæpe homo dum tussit sternutat, & si cibum in ore habet emittit per nares: igitur tunc sternuitio à pulmonibus procedit, uel ab eorum altero. Et certum est, quod motus omnes ualidi à pulmonibus fiunt

fiunt, qui sunt naturales & cum strepitu: ut tussis, clamor, & sternutio. Et iam ego te liberaui ab errore antiquo: nunc uenio ad argumenta Auerrois in quibus conatur ostendere, odoratum fieri in naso. Nam dicit in palato est locus transitus aeris & uaporum, respondeo quod non expor-
 rigitur ad narium locum supremum, nisi cum impulsu, & tunc propelli-
 tur extra. Diceret enim Galenus, quod odoratus sit, quia aer & uapores
 recipiunt quandam præparationem à loco cauo supra nares, uel etiam
 in naribus ipsis. sed uerisimilius est, ut in loco superiore, eo quod uia
 narium est ualde lata, & libera, & agens agit per contactum. Cum igitur
 aer deferretur ad palatum, si cum impetu, propellitur foras extra na-
 res, & sic non potest odoratum efficere: si uero leniter, transit ad cere-
 brum, non transeundo cavitatem illam, nec nares: & sic sine præpara-
 tione, & ideo non potest odoratum facere. eadem responsio satisfacit se-
 cundæ rationi. Vel dic ad utranque, quod non fit sensus nisi cum motu, &
 quod motus non fit, qui ad cerebrum tendat, nisi per nares, & cum respi-
 ratione. Sed melior longe est prima responsio: quia in attractione quan-
 tuncunq; leni aeris, fit odoratus. Ad id de tuberculis māmillaribus dice-
 ret sicut Galenus in testiculis respondet Aristoteli: imò sicut ipse Aristot-
 eles secundo de Anima: non enim sequitur, Respirantia animalia non
 odorant, nisi in attractione aeris: igitur quæ carent respiratione nō odo-
 rabunt. Et similiter, Sanguinea uiuunt per cor, igitur omnia animalia sine
 corde, carent uita. Sufficit enim, inquit Philosophus, quod habeant cordi
 proportionale: ita testiculis, ita respirationi, & tuberculis māmillaribus.
 His intellectis, ratio est pro Principe ualidissima: Cerebrum, ut ostensum
 est clarè, non potest esse subiectum sensus odoratus, neq; instrumentū: imò
 cum careat sensu tactus, carebit etiam iuxta Philosophi regulā, odoratu,
 & omni alio sensu. Sed neq; nares, tum ex ratione Galeni adducta ex li-
 bro de Usu partium, quod oclusis naribus sine nerui uitio odor non sen-
 titur: tum quia etiam quod inspiret uiolenter aerem in nares odoratū aut
 aquā, dūmodo non attrahas anhelitū, nō sentis odorē: ideo ultima respon-
 sio pro Auerroë non tenet. Si quis enim impulsorio instrumēto aerē odo-
 riferū impellat in nares, ut expertus sum, dum hæc scriberē, odor non sen-
 titur, nisi attractio fiat: & ideo oportet ut fiat in loco propinquo cerebro,
 inter nares & cerebrum. Tubercula autē māmillaria sunt eiusmodi, ideo
 erunt instrumentū sensus odoratus. Accedit quod natura nihil facit fru-
 stra, sed nullā utilitas, nec à Galeno, nec à Vessalio, diceret Auicenna assi-
 gnatur his tuberculis, quæ sunt adeo magna ut etiā perfunctoriè cerebri
 dissectionē agentē, & qui nunquā aliàs uiderit, minimè lateāt. Est etiā ra-
 tio uero similis, quod ex odoribus acutis oculi illacrymantur, quia tuber-
 cula illa proxima sunt locis neruorū, quibus uisus cōstat: quare credendū

est, talia esse proprium uisus instrumentū. Galenus igitur in uentriculis cerebri odoratū fieri sentit. Sed ueritas ostendit, si eam amplecti uelimus, quod in tuberculis māmillaribus, ut Auicēna uult, uel in processibus uētriculorū solidis, quos nos neruos mutilos appellamus ex Vessalii sententia, facta tamen prius preparatione aeris in cauitate illā, quæ media est inter ossa squamosa, uel in naribus, odoratus sensus absoluitur: & sic Galenus & Auerroës aliquid ueri dixerunt: hi uerò rem, ut dici solet, acu attigerūt: neq; quicquā obest, quin his ipsis Aristotelis sententiā coaptemus.

CONTRADICTION X.

Attonitus morbus an aliquando in corde.

SCio quàm difficile sit omnibus placere: quòd enim paucis uerbis Galenum tueri uelut & Aristotelem, potuerim, nec uoluerim, accusabunt. Ea autem sunt in ima uentriculorū cerebri parte, iuxta Galeni sententiam, & iuxta ueritatem, dum uentriculi angustior pars antrorsum reflectitur, fit odoratus. Ecce adieci, liuide, modo quid accusas? Sed haud noueram processus illos qui caui, ut dixi, non sunt, quiq; ob id haud uentriculi nomē merentur, an Galeno cogniti essent. interciderūt enim libri de Dissectionibus, qui hanc ostendere partē poterāt. Sed si nouit, cur non dixit? si nō nouit, quo modo significare nobis id potuit. Sed hæc garrulis relinquamus, qui dum Galenū tueri, id est ruditatē suā uelle se simulāt, illius clarissimā doctrinā præceptaq; saluberrima euertūt. Ad rem propositā redeamus. Dicebat Hippocrates quarto Regiminis acutorum: Si quis repente obmutescat, id uenarū interceptiones atq; occlusiones faciūt. Galenus in libro de Causis morborū locū hunc exponit per morbū attonitum. Igitur attonitus morbus fit quandoq; interceptis uenis atq; occlusis, tales esse non possunt nisi quæ à corde ad cerebrum ferūtur: uel enim moreretur protinus, uel non posset animal priuari sensu, & motu, nisi uenæ illæ ad cerebrum tenderent. Et in principio libri de Usu pulsuum, & in secundo de Dogmate Platonis & Hippocratis, si ligentur nerui soporarii animal euadit stupidum & mutum: neque hoc contingere potest, nisi quia hi nerui per cor transeunt: nam in reliquis hoc neruis non accidit, neque cerebrum est læsum magno detrimento. Igitur attonitus morbus & stupor uitio cordis euenire possunt. Vnde Princeps prima tertii tractans curam comitalis morbi, inquit: Nisi timor esset, ne in attonitum morbum incideret, uenas soporarias incideremus. Quare manifestum est, illis interceptis, uel etiam neruis: nam nerui, ut in sexto contradicentiū medicorū declarauī, medii sunt inter interiorē soporariam & arteriā, contingere attonitū morbū seu apoplexiā. Secunda etiam aphorismorum Galenus dixit comitalem morbum, apoplexiā esse diminutam

t. cap. 23.

cap. 3.

cap. 6. in prin.

trac. 3. cap. 11.
in fine.

aphor. 45.

nutam, liquet autem comitialem morbum perſæpe ex aliorum membro-
rum conſenſu fieri, quare & apoplexiam. Quinta etiam Aphoriſmorum
ſuper his uerbis Hippocratis: ſi quis ebrius repente obmutuerit, declarat
Galenus fieri hunc morbum neruorum conſenſu: at hunc morbum ſexta
Aphoriſmorum declarauit eſſe perſæpe apoplexiam, inquit: Mutos
non tantum eos appellat Hippocrates quibus uox læditur, uerum per
exuperantiam quandam una cum illius læſione omnes quæ ſunt ſecun-
dum electione operationes, intelligere nos uult. Quos igitur mutos uocat,
contingit eſſe ſentientes: ſed plerumque utraq; patiuntur. & talem affectum
ipſe apoplexiam uocat. Auicenna quoque in capite proprio huius morbi
ſcilicet attoniti, inquit: Et cum obſtruuntur uenæ & arteriæ in meatibus
ſpiritus ad cerebrum, ex uehementia repletionis, & ſanguinis multitudine,
accidit apoplexia: quia ſpiritus non habet tranſitum, quare non mora-
tur, uſquequo præſocet. & cadit in eo ſenſus ac motus non ſecus quam in
illo, in quo uenæ apoplecticæ conſtringuntur. Et hæc uidetur etiam ſen-
tentia Hali, ubi dixit in ſecundo Artis medicæ, quod ex ſubita effuſione
materiæ ſuper cor, homo poteſt repente mori. Et prima quoque Proble-
matum Philoſophus ait: ſeniores ſtupor attonitos reddit: ubi uniuerſus
humor reſolutus incubuit, & ex caloris natiui imbecillitate concreuit.
Quaſi uelit attonitum morbum fieri cum calor in corde innatus debili-
tatur, & ex eo humor ſuperingruit. Quam ſententiam Auerroës tertio
Collectaneorum, ſic expreſſiſſe uidetur: Cum apoplexia ſit amiſſio mo-
tus, & ſenſus generalis ac proprii. Et motus habeat duo principia, Cor, &
Cerebrum: & non poteſt euenire ratione cordis, quia ſubito morerentur:
relinquitur ut fiat uel ratione obſtructionis in cerebri uentriculis, uel in
uenis ſoporariis. Liquet autem quod per uenas, tam eas quæ pulſant, quas
arterias uocamus, quam quæ non pulſant intelligere oportet. In oppoſi-
tum Galenus in libro de Symptomatum differentiis, declarat quod apo-
plexia ſit morbus cerebri uitio proueniens, non tamen dicit quod non
poſſit fieri illud uitium intercluſis uenis à corde uenientibus. Eodem
modo in tertio de Locis, docet quod ſit apoplexia uitio cerebri, ut lethar-
gus, & phrenitis ac mania, neque tamen dixit, quin hoc uitium ex obſtru-
ctione inter cor & cerebrum facta accidere non poſſet. Rurſus in quarto
eiſdem, cum pars cerebri anterior occupatur, ſic ut ſpirandi facultas ui-
tietur, caros nominatur. Si autem cum hoc, etiam ſpiratio fiat, diffi-
cilis apoplexia eſt, quæ plerumque cum ſanatur, terminatur in reſolu-
tionem. non dixit ſemper. Apparet igitur uitio cerebri fieri apople-
xiam. Sed quod hoc uitium ex uenarum à corde uenientium obſtructione
fieri non poſſit, nullibi dixit, ex his, quos adduximus locis. Dixit ta-
men in ſecundo de Decretis: quo etiam loco prius eum adduximus, arte-

com. 4.

com. 51.

prima tertii, t.
5. cap. 12. ante
medium.In expoſitio-
ne t. 71.

Probl. 9. in fi.

ca. 41. col. ul.

ca. 3. ante me.

cap. 7. in ſine.

ca. 2. ante me.

riis præcisis non obmutescere animal, non stupidum fieri, uidere, & audire, ac uocem emittere ac mouere se, multò etiam minus si arteriis illæsis præciantur uel laqueo uenæ non pulsátiles intercipientur. Quin quod plus est uenis, arteriis ac neruis simul præcisis, nihil aliud præterquam quòd obmutescat animali contingere. Eadem, ut dixi in libello de Pulsuum usu, fatetur: & quandoq; sub uesteram cum manè præcidisset, aut colligasset, iugulasse animal. Tertia uerò Aphorismorum dixit uertiginem & apoplexiam fieri cerebro pituita repleto. Sed clarius secunda Aphorismorum, dum dixit causam apoplexiæ cuiuslibet esse, uel cerebri phlegmone similem dispositionem, aut illius uentriculorum ex pituita repletionem. Quare meritò eos irridebimus qui apoplexiam ob cordis detrimentum fieri posse suspicantur. Nam corde patiente illius palpitatio & syncopis superuenit, qua defertur in mortem: non autem apoplexia. Sed neq; interceptis uenis tale quicquam fieri contingit, quòd pulsátiles nullo modo ab humore obstrui possint, rarissimè non pulsátiles. Sunt enim latæ adeò ut digitus ingrediatur, locòq; profundo & calido fitæ. quatuor etiam non pulsátiles, duæ arteriæ, quare obstrui nisi ob nimiam sanguinis repletionem non poterunt. At tunc cerebrum ipsum prius repleti necesse est: eumq; morbum consequi, quem Galenus inflammationi similem esse dixit. At si præciantur aut laqueo intercipientur tandiu animali superueniente, signum est partem quæ in cerebro spiritus seruatur non esse exiguam. Si igitur nihil præueniat, tandem apoplexia corripit animal necessarium est. Sed uereor ne Galenus non omnia simul sex uasa, quæ à corde in cerebrum per collum feruntur simul præciderit, aut ligauerit. Nam uno relicto, etsi uena non pulsátilis sit, quòd relinquitur, transfunditur ex uena in arterias cerebri, spiritus ac sanguis. etenim hoc Galenus in libello de Venarum & arteriarum dissectione concessit, diuq; & si ægrè per unum tantum uas animal seruatur in uita. Sed iam de his non est consideratio. Arabes tamen cum pro neruis uenas legerint, in hunc deciderunt errorem. Apoplexia igitur neq; ab alio membro fit quàm cerebro ipso: neq; cerebrum ob uenas interceptas hoc pati potest, nisi laqueo, & omnes simul ualidè intercipientur. Sed in Aristotelis Problematis, perperam cor adiectum fuerat. Multis igitur erroribus ob falsam lectionem Conciliator, & Nicolaus inuoluti deceptiq; sunt. Auerroës causam simpliciter rectè considerauit, sed non animaduertit, uenarum tum multitudinem tum magnitudinem, quæ nullo modo, nisi manibus ac industria non leui intercipi poterant. facilius plura occides animalia quam omnia hæc uasa strictum admodum uinculis exceperis. Nam si tria ac tria simul colligare tentaueris, non poteris uenam non pulsatilem quæ in medio est ita constringere diligenter, ut, nihil ex corde ad cerebrum

Differ. 182. lib.
3. tra. 2. Sum. 5.
c. 14.

cerebrum permeet. itaq; interceptio hæc, ut ab hominibus fieri potest difficillima est, & à Galeni consideratione remota. cuius institutum est de spontaneis loqui apoplexiis. Si autem, ut à natura principium habere potest, fabulosa & commentitia. Sed & hic error Auicennam deceptit. Galeni autem sententia quæ illis subscribere uidetur in libro de Morborum causis, hoc uult quod interceptiones uenarum cum illæ immodicè sanguine repletæ fuerint, uel animal suffocant, nec est hæc apoplexia, sed suffocatio, uel implent cerebrum apoplexiamq; efficiunt, simili in cerebro qualis est inflammatio oborta dispositione, de qua etiam exponens aphorismum dixerat. At horum utrunq; plurimum differt ab illa uenarum interceptione, in qua Auicenna & Auerroës spiritum à corde ne ad cerebrum deferatur prohiberi putant. Hanc enim ex exemplo soporariarum uenarum ligamento obstrictarum Auicennam intellexisse palam est. at hæc nulla prorsus est: reliquæ duæ quas Gal. adducit frequenter contingunt.

CONTRADICTION X I.

Cerebrum an possit tumorem pati.

Neq; ex cerebro & pulmone inflammatis pulsus æquè duri ut ex menyngibus, quarto de Præfagiis ex pulsibus, inquit Galenus. Subiicit autem post pauca. Pulmo autem & cerebrum ne scirrhum fortassis admittunt. Quò fit, ut Galenus censuerit cerebri substantiam uerè tumorem calidum posse contrahere. De frigido tamen dubitauerit. Et Alexander Tralianus hæc habet de Phrenesi loquens: trahit igitur phrenitis originem ex bilis flauæ copia cerebrum occupante: & phlegmonem inibi cum incensa febre constituyente, uel in membrana cerebrum uelante cui *μηνίγξ*, nomen est. Rasis quoq; in libro Diuisionum dixit phrenesim fieri in cerebro, sed quia non distinguit inter cerebrum & membranas, esset forsan autoritas ambigua, nisi quòd in primo continentis dixisset quòd fit in cerebro expressè, & ex sententia propria. Idem etiam iam dixerat ex sententia Pauli. Sed uerba Pauli habemus ab ipso, quæ sunt hæc: *ἡ φρενίτις φλεγμὴν ἔστιν τῶν μηνίγγων ὁ θερμὸν, καὶ αὐτὸ τὸ ἐγκεφάλῳ σὺ φλεγμονῶν, ὅτε δὲ παρὰ φύσιν θερμάσῃ σύσκειν ἐν αὐτῷ.* Quod est, phrenitis est membranarum phlegmon calidum: & ipsius cerebri tumor. cum ex præternaturali caliditate cōcretio fit in ipso. sic Paulus ipsum cōcedere uidetur. Auicenn. autē contra negantes inuehitur, hac ratione: omne quod nutritur ac extenditur, potest tumorem pati, nam etiam augetur. cerebrum autē nutritur & augetur ac etiam extenditur, quare cerebrum poterit tumorem pati. Alia ratio, dicit ossa possunt pati tumorem ut in tractatione dentium ostendetur, igitur multò magis etiam cerebrum. In oppositum est autoritas Aëtii dicentis: phrenitis est inflammatio mem-
branar

cap. 9.

lib. 1. c. 19.

cap. 6.

cap. 9. fol. 20.

col. 2.

cap. 9. fol. 19.

lib. 3. c. 6.

lib. 6. c. 2.

- branarum cerebri cum febre acuta delirium, & mentis alienationem inducens. nec meminit quòd sit inflammatio cerebri. & similiter infra dum de Catalepsi, & Cathocho agit, dicit fieri sanguine cerebrum implente, non dixit ex cerebri phlegmone. Et de Caro, quòd fit ex humoribus frigidis & humidis cerebrum occupantibus. & hoc uidetur uoluisse Galenus secundo Aphorismorum cum post ea uerba: omnes apoplexiæ fiunt uirtute animali non potente defluere in partes infra caput existentes, subiicit: *ἢ τοι διὰ φλεγμονῶν τινὰ διαίτησιν ἐν αὐτῷ τῷ ἐγκεφάλῳ συσῆσται, ἢ τῶν κοιλιῶν αὐτῶ ἐμπιπλεγμένων, ὑγρότατον φλεγματώδες.* Id est, aut propter aliquam dispositionem phlegmoni similem quæ in ipso cerebro constituta sit, uel ob ipsorum uentriculorum repletionem ex humidissimo pituitoso humore. Noluit dicere, *διὰ φλεγμονῆν*, id est, propter phlegmonem: sed, *διὰ φλεγμονῶν τινὰ διαίτησιν*: id est, ob phlegmoni similem affectum. ut uideatur sensisse cerebrum phlegmonem concipere non posse. Serapio etiam non obscuræ inter Arabes autoritatis, negat cerebrum posse tumorem ullum pati. adducitq; rationem hanc, Quæ in ultimo dura sunt ut ossa extendi nequeunt, quæ in ultimo mollia ac tenacia. Cerebrum autem est tenacis substantiæ ac mollis, ideo tumorem concipere nequit. Consistit hæc ratio in experimento, cum res mollis ac uiscida dicit Serapio diuellitur, diffluit, nec in tumorem potest attolli: ut lacrymæ abiectis laricisq; tale autem est cerebrum. est enim uiscidum si quid aliud in corpore, egregieq; molle. Alia ratio Conciliatoris: omne quod phlegmone corripitur, ut Galenus docet in libro de Tumoribus præter naturam, & de Inæquali intemperie, sanguine primo uenas habet, aut arterias plenas, post ex illis in cauitates sanguis exprimitur, quod etiam affirmabat tertio Artis medicæ: & tertio decimo Artis curatiuæ: at palàm est cerebrum non excipere uenas, sed esse exangue, de Animalium historia primo, iuxta Philosophi scientiam: igitur phlegmoni cerebrum minimè obnoxium est. Ad hæc Conciliator dicebat, quòd ex superfluatorum aggregatione potest tumorem pati, non autem ex influxu per uenas. Hæc responsio non satisfacit rationi Serapionis quæ ualida est. item uideretur ex hoc, magis posse concipere durum tumorem, quàm phlegmonem, quòd est directè contrarium Galeni sententiæ in initio adductæ. Nec ista responsio satisfacit Aëtio. Alii dixerunt, quòd potest phlegmonem pati, non tamen tumorem, & est responsio communis. Hi auferunt partes diffinitionis à definito: cum phlegmon sit tumor præter naturam, ut in libro de Tumoribus habetur. Alii è quibus Gentilis est, dixerunt cerebri primo membranas longè frequentius pati phlegmonem, & alios tumores quàm ipsius cerebri substantiam, & hoc etiam Auicennam ipsum concessurum. Sed tamen dicit non demonstrare argumentum

mentum hoc est apostema igitur tumor: quia in igni sacro, Græci Erysipelas dicunt, est apostema, & tamen non est tumor. Sed hoc est cōtra Galenum expresse quarta Aphorismorum, & ideo coincidit cum prima. Et etiam ut patet ratio Auicennæ ad hoc tendit, ut ostendat cerebrum posse intumescere, quia Serapio negabat hoc quod possit cōtingere, non autem quoddam aliena materia nō possit in cerebrū influere, igitur si ratio Auicennæ debet esse cōtra Serapionem, erit de tumore, & nō de apostemate, sub illo sensu suo nomē apostematis intelligēdo. Et ideo Gētilis dānat Auicennā, quē tueri nititur. Et quia dicebat quoddam poterat fieri tumor ratione nutrimenti secutus Auicennā: respondeo quoddam Auicennæ ratio non ostendit: quia nutrimentū & augmentū, sūt ab anima, sed tumor ille fit reluctante uimēbri. ideo nō sequitur, mēbrū hoc nutritur & augetur, igitur potest tumorē cōtrahere in mollibus etiā mēbris. multo minus sequitur, quia nō consistent cum fuerint inæqualiter aucta. Itē cōcesso quoddam non possit fieri tumor durus in cerebro, aut saltē nō facilius quā phlegmon, igitur, cū durus tumor fiat sensim & in longo tempore, & ex materia consimili nutrimento cerebri, multo minus fiet phlegmon. Respondeo igitur quoddam tumor durus in cerebro non potest fieri, non quia non possit materia ingredi, sed quia cerebrum cum sit mollissimum natura, antequā in scirrhum trāseat, morietur animal seu homo: & hæc est mens Galeni in illo loco. transire enim membrum principale ex uno extremo in aliud, stante uita non potest. ut cor ad frigiditatem uel iecur ad siccitatem, uel cerebrum ad caliditatem uel duritiem. cum enim dicimus cor frigidum factum, intelligimus ad id quoddam prius erat habita comparatione. De calido autem tumore, dico quoddam non fit res collecta simul. & ratio est, quia hoc fit uenis & arteriis plenīs: & illæ sunt minutissimæ & sparæ, ideo materia illa spargitur undequaque, & ita totum cerebrum in suis extremitatibus & in medio intumescit æqualiter ferme, & ideo dixit Galenus dispositionem hanc esse phlegmoni similem, & non phlegmonem, & tunc homo apoplecticus cadit. Cum autem loquutus est de cerebri phlegmone, cum ibi rem illam obiter nec ex proposito tractaret, intelligendum est, de ista dispositione phlegmoni simili. Et ex hoc patet cur hi qui ex hac dispositione cadunt in apoplexiam, nullum penē antequam cadant sentiunt detrimentum. nam cerebrum æqualiter in ambitu suo, & in medio ubi à membranīs tangitur, leniter afficitur, inde simul totum aded læditur, ut repente priuetur homo sensu & motu. De tumore autem molli dico & Erysipelate, quoddam possunt fieri, quia sunt tumores hi tales ut alter fiat sensim & ex materia proportionata cerebri nutrimento: alter est tumor exiguus non dico nullus ut Gentilis: & ideo hæc possunt quanquam raro cerebro contingere. Sed Erysipelas magis lēdit membranas, & fit sem-

per in superficie cerebri, ideo non potest dici apostema cerebri. apostema etiam molle cum diuidat cerebri substantiam, celeriter occidit: ideoque Aëtius non egit de ullo cerebri apostemate, & rectè. Ratio Serapionis est bona, tndit enim ad hoc quod non fiat apostema, id est tumor conspicuus & permanens in una parte, nam partes procidunt cerebri ob molli-
tiem, cum sensu digno tumore inuicem diuelluntur. Auicenna ad contin-
gentiam recurrit, quæ res proculdubio lata est. uelut si quis uellet affir-
mare hominem nasci posse cum iecore in sinistro latere.

CONTRADICTION XII.

Ventriculus an chilo nutriatur.

cap. 13. **G**alenus in tertio uirtutum naturalium dixit uentriculum sibi pri-
mo concoquere, inde sumpto ex eo quod concoxit alimento, reli-
quum aliis membris impartiri. quam sententiam quo ad nutritionis mo-
dum declarauit etiam in secunda aphorismorum, tum etiam Auerroës se-
cundo Collectaneorū & Princeps ipse dum dixit occultum autē uentri-
culi primum nutrimentū quod est in eo tangit, & per ipsum cōtactū. nu-
tritū, clarius autem in tertiadecima terti hoc declarauit. Sed oppositum
habetur tertio de Temperamentis cum dixit, oportet quod nutrit primo
in uentriculo & iecore ac uenis aliquam traxisse moram: igitur cum chi-
lus non fuerit in iecore, neque in uenis nutrire non potest. adducuntur &
due rationes non leues à Iacobo, quarum prima est, quod ex iisdem nu-
trimur dum sumus in utero matris & extra, at tunc nutrirī nō licet uen-
triculum nisi ex sanguine deducto ex utero matris per uenam umbilici
in iecur. igitur etiā ex sanguine dum est extra uterum nutrietur à iecore
deducto. Et ideo si dicis pars interior uentriculi non potest nutrirī quia
ad eam non pertingunt uenæ ex iecore: respondemus quod si uenæ non
pertingerent interius, tunc non posset nutrirī illa pars & crescere dum in-
fans est in utero, quia tunc nullum assūmit cibum. Similiter & ratio Ga-
leni adducta in tertio Virtutum naturalium, quod omne membrū sibi la-
borat, non concludit, quia à natura diceret aliquis est institutū, ut uentri-
culus concoquat iecori, ut postmodum mutuam ab illo gratiam recipiat.
nam & dentes molunt cibum, & tamen non ex illo tunc nutriūtur. Quod
si dicas quod hoc nō faciunt naturaliter sed à redundāte: respondeo quod
& uentriculus recipit cibum per motum uolūtarium. Alia ratio est, quod
ex iisdemmet nutrimur quibus etiam generamur, primo de Semine in-
quit Galenus, sed ex sanguine uentriculus est genitus non ex chilo, igitur
etiam ex sanguine nutrietur. Est etiam autoritas Galeni sexto de Placi-
tis Hippocratis & Platonis dicentis quod omne membrum quod alii
præp

præparat totum quod præparat ad illud transmittit: quare si uentriculus præparat cibum & chilum iecori, non retinebit quicquam ex illo. nam ut in exemplo adducit, testes præparant semen glandulæ, ideo nullum habent alium meatum aliò tendentem. Pro prima tamen opinione adducuntur etiam tres aliæ rationes, prima quia si ex sanguine etiam nutriretur, nutriretur à chilo & à sanguine, quod esse non potest. ad hoc responderet aliquis quòd à solo sanguine nutritur pars interior uetriculi & nullo modo à chilo. Secundo sequeretur quòd natura mitteret chilum à uentriculo ad iecur per easdem uenas, per quas sanguinem traheret. Respondeo quòd hoc argumentum potius concludit oppositum, nam si uentriculus nutriretur à chilo, idem nutriretur & à sanguine & à chilo. Dico igitur quòd uenæ quæ nutriunt uentriculum, non sunt illæ quæ exungunt chilum, sed chilus transmittitur prius in intestina, & ibi à iecore exugitur per uenas mesaræas, in intestina non in uentriculum terminatas. Tertia ratio est quòd uacuum à uacuo traheret, nam cum uentriculus est uacuum traheret à iecore ut nutriretur, idem contingeret ipsi iecori. Sed hoc nihil concludit, nam posset trahere ut dixi utrumque membrum uicissim, sed diuersis modis, uentriculus à iecore per uenas portæ fundo illius insertas, & iecur à uentriculo per intestina. Ita quod ab intestinis trahat per uenas mesaræas. Sed hoc esse non potest, cum intestina careant uirtute attractiua. Ideò quamuis ad hoc dictum sit, quòd intestina habent uirtutem attractiuam naturalem, & si non trahant per uilos, attamen mens Galeni primo de Symptomatum causis est quod iecur per uenas illas à uentriculo ipso non ab intestinis sine alio medio trahat. Quamuis igitur dissectio non ostendat uenas illas in partem interiorē penetrare, ex tribus tamen cognoscimus argumentis: primum quòd in hora famis fit succio à iecore per illas ab ipso uentriculo: Secundum quòd pars interior uentriculi rubet: tertium quòd ut dictum est, uentriculus ex illis nutrimentum suscipit dum infans est in utero. quia aliter interior uentriculi pars nutriri non potest. Accedit quòd bilis à iecore reiectatur ad uentriculum per has. Sed alius diceret quòd per intestina ascendit, motu naturæ contrario, sed propter impulsū. Solet adduci argumentum quòd post mediam horam ab assumpto cibo cessat fames, & nondum est genitus sanguis nouus, igitur uentriculus ex chilo assumpti cibi nutritur. ad hoc responderet aliquis quòd ista non potest esse ratio, quia pars quæ nutritur est fundus uentriculi, à chilo: sed fames fit in ore uentriculi, quod est elatius palmo ipso fundo. imò ex hoc sumitur unum fundamentum quòd uentriculus à chilo non nutriatur, nam uenæ pertingunt ad gulam usque à quibus illa nu-

cap. 7.

ff. 2. tritur

tritur. Sed ab huiusdem nutritur & uenterculus à quibus gula, igitur uenterculus à uenis nutritur. Neque potest gula cum ei non hæreat chilus à chilo nutriri. Scimus etiam quòd fundus uentriculi habet sanguinem & uenas, & hoc etiam Vessalius in sua dissectione testatur, sequeretur igitur quòd nutriretur sanguine simul & chilo. Hoc idem uidetur Galenus concessisse dum dixit iecur trahere à uentriculo chilum per uenas: & non dixit per intestina. Et Princeps etiam teritiadecima tertii dum de sanguinis uomitu qui fit ab erosione uentriculi agit. Neque est uerisimile quod tota interior tunica erosione corrupta sit, ad hoc ut sanguis ex exteriori euomi possit. Sed hæc parum referunt, nisi esset quòd si Galenus uult, quòd uenterculus ex chilo nutriatur, cur dat olera & quæ habent subducere uentrem in initio cibi: ut etiam recitat de Telepho grammatico & Antiocho medico, qui ambo olera iu prandio primo fuebant. & secundo de Alimentis omnia quæ aluum subducere possunt & corruptioni obnoxia sunt, ante alios cibos sunt sumenda. etenim ipsa faciliè descendunt, & uiam aliis cibis munient. exemplumque uidetur esse id de quo nuper egerat, malum persicum. & in tractatione de cappari, quod magis medicamentum esse uult quàm alimentum, inquit, Vti autem oportet eo ante alios omnes cibos. & rursus de sycaminis postquam idem ferme quod nunc dixi præceperat, inquit: neque hi ordinem ciborum ignorare uidentur, cum rectè in quibusdam illum obseruent, ut cum radicularum, oliuas & foenumgræcum ex garo sumunt, post hæc maluum & betam & alia id genus olera cum oleo & garo. Et in sexto de Tuëda fanitate, qui biliosum habent uenterculum, cibis aluum deicientibus utantur ante omnes alios, ut malua & oleribus ex oleo & garo. erat exemplum de rhetore secundo de Alimentis, atq; alio cui ex consilio Galenus talia dedit ante cibum aut prohibuit. diffuse autem hæc ibi tractat nescio, si cura est habenda uentriculi, quomodo ex his non ad senectam quam primum dilabatur, ubi ex chilo nutritio sit. Dicunt quidam hoc solū in cibis quæ aluū subducūt agendū: sed cum quotidie id Galenus consulat, difficile est hanc tueri opinionē. Omnes in re tanti momēti cogitēt. unū scio, quòd à carnis esu incipere magnū uentriculo auxiliū affert. talia igitur quæ aluū molliāt raro accipere oportet. nā post ualidiores cibos sumpta totū corrūpūt: unde melius est minorē iacturā ferre. Nutritur autē interior uētriculi tunica cibo, sed ab ipsis uētriculi uenis in sanguinē trāsmutato. ob id cū uenæ illæ etiā gulæ cōmunicēt, gula & ipsa magna ex parte à chilo nutritur. indicio est non secus cibo sed aliquanto serius famē extinguī, ut potu sitim. possunt autē uenæ ille sanguinem generare, inquit enim Galenus secūdo de Placitis, sanguis primo in uenis quæ à uentriculo ad iecur tendunt generatur. est igitur sanguis sed imperfectus, ex quo interior uentriculi tunica

lib. 5. c. 3. fol.
493. in prin.

3. uirtu. natu-
rali. c. 13. in ini-
tio.

trac. 5. cap. 11.

cap. 19.

cap. 34.

cap. 11.

fol. 3.

cap. 22.

cap. 7.

tunica nutritur : scilicet non in iecore, sed ex chilo, in uenis ipsius uentri-
culi genitus. quamobrem pars illa rubet, simile aliquid habens iecoris ca-
lori, quoniam in substantia neq; ex toto absimilis est. Ad Galeni autori-
tatem in libro de Placitis Hippocratis, intellige quòd non transmittitur
pars aliò, sed bene potest retinere pro se, ut in exemplo de Iecore, quòd
nutritur sanguine, quod fit ex eo quod defertur ex uentriculo & intesti-
nis, & in reticulari plexu cerebri, nam palàm est uenas plexus illius san-
guine nutriri, & tamen dicit quòd præparant nutrimentum cerebro.

CONTRADICTION XIII.

Hæcticarum an duo genera tantum.

Galenus primo de Naturalibus facultatibus, ponit quinq; genera hu-
midorū quæ non sunt humores : primū, quòd in uasorum extremis
continetur : secundum quod dispergitur, uocaturq; apud Auicennam
rosa : tertium quod adiungitur : quartum, quòd agglutinatur : & quin-
tum quòd assimilatur. ostendit autem tria hæc ultima genera inuicem
differre, quasi manifestè aliis primis duobus tum inter se, tamen ab
aliis differentibus. Nam dicit cum *λόβη* morbus sit in quo corrup-
pitur humor agglutinatus non autem assimilatus : in *ἀναστροφή* autem
adhærens, & nondum agglutinatus : uerū tabes, & *ἀστροφία* ex quolibet
horum generum consumpto fiunt, ut septimo Artis curatiuæ, & in libro
de Tabe, tum etiam in primo Prognosticorum edocet : ideo & humido-
rum genera quinq; præter humores, & totidem hæcticarum esse uiden-
tur. At Auicenna ponit tantum quatuor genera humidorum præter hu-
mores, & tria tantū hæcticæ genera hoc exemplo claro ea distinguens. in
lucerna est oleum, quo lucerna repleta est : est oleum quod iam in licinio
imbibitum est, est ipsius licinii humidum, proprium quo licinium conti-
nuum est atq; unum. cum in oleo lucernæ ignis accenditur, fit species
prima hæcticæ : cum in oleo imbibito secunda : cum iam ardet licinii pro-
prium humidum tertia. At decimo Artis curatiuæ dicit ardentes huius
generis, nisi prius mors occupet, in hæticas primo, & post in marasmodos
transeunt. Post clarius etiam duo tantum illius genera esse declarat, di-
cens : Nam primum huiuscemodi febris proprium humidum ex quo nu-
truntur partes inuadit : hinc uerò ad carnosum genus transit, quod circa
tamen fibras tum mēbranas quæ solida sunt nostri corporis membra hæ-
ret. ita deinde ipsas solidas depopulatur. docet autem has partes carnem
membri uocari posse. Atq; in his uerbis magnus quidam uir deceptus
est. Paulus in hoc sensu duo genera tantum constituit, hæticam quæ cu-
rationi cedit, & marasimum insanabilem. uult autem primum genus ali-

cap. 11.

com. ult.

prima primi,
doc. 4. cap. 1.
in initio.
prima quarti,
tract. 3. cap. 1.
ca. 5. post prin.
ca. 11. post me.

lib. 2. cap. 32.

lib. 5. c. 22. in
init.
lib. 5. ca. 93. in
princip.

lib. 2. c. 11. post
princip.

quando sponte oriri, aliquando ex febribus ardentibus. Sed hoc ad causam pertinet, non ad febrium hecticarum species. Quam sententiam uidetur sequutus ad unguem Alexander Trallianus, ut nulla ex parte ab hoc discrepet. Aëtius tamen ex Græcis quatuor illius genera docuit: primum, inquit, cum calor febrilis eliquat & reficcat substantiam in partibus uelut ex humore concretam, ut pinguedinem ac carnem: deinde proprium humidum consumit ex quo corpora nutriuntur, quod circumfusum sanè atq; dispersum est instar roris circa omnes animalis partes. hinc uerò ad carnosum genus transit, quod fibris ac membranis quæ solidæ sunt animalis partes circumiacet. quod sanè discindentes coqui abiectis membranis ac fibris tollunt. Exactum autem eius complementum in hoc est, si ipsa solida partium simularium substantia siccior facta est: atq; tunc tabida febris nominatur. primum igitur in humido carniū, secundum in humido quod solidorum concuitatibus inest, nondum tamen illis adhæsit, tertium in carne ipsa, quartum in humido quod iam agglutinatum est solidis: uocaturq; hoc genus tabes. Ioannes Damascenus quoniam Arabes omnes sequuntur tria illius genera docet. inquit enim, humor quadrisariam in nobis continetur in uenis & arteriis, quo succenso putrida febris exoritur: in uacuis partibus membrorum, quas Græci *πρόγες* uocant, hoc succenso fit hectica primi generis: si humidum carniū secundum genus, quod *μαλασμός*: si humidum solidorum proprium, tertium genus quod *μαλασμόςδης* à Græcis appellatur. Auicenna in hoc à Græcis differt, quod ipsas tres species distinguit humidi ipsius ratione, non partium aut solidorum. & sic cogeretur quinq; efficere. uerum, cum accenditur in humido, quod adhuc est in ore uenarum hectica est: quia primo non est ex certo humoris genere: secundo, quia lenta: tertio, quia consumit corpus, illud proprio priuans alimento: quarto, quia illico transit ad humidum sparsum. Tertii autem generis hecticæ Auicennæ, quia aliquando constat calor febrilis in agglutinato humido, sed nondum assimilato: aliquando autem in assimilato duæ iterum erunt species, quarum prima erit sanabilis, etsi admodum egrè: secunda, prorsus insanabilis, aut forsitan quispiam, neq; primam sanari posse affirmaret, cum Galenus solidam partem sicciorē ex humido proprio factam, nolit posse restaurari. Verum hoc indidissum relinquitur. nam consumpto quod continetur in meatibus humido, curam edocet in septimo Artis curatiuæ libro, consumpto quod assimilatum est, cura est impossibilis, dixit. de eo autem quod agglutinatum est, nondum tamen assimilatum, non satis aperte locutus est, existimo autem sanari posse, quia & ratio ostendit, & quia duos nobiles in nostra ciuitate alterum de Casate, alterum de Roma, sanatos ita uidi ac impinguatos, ut multis etiam postea annis superuiuerent. ut non iam fuerit transm

transmutatio tabis, sed uera sanatio. Sed Galenus non distinguit ab humidorum substantia hefticarum species, sed ab ipsis quæ consumuntur partibus. & quanquam duo tantum genera uideatur constituere, si quis tamen seriem illius non conniuentibus ulla ex parte oculis inspiciat, quam in decimo Artis curatiuæ diuisionis posuit, tria genera atq; apertissima, longeq; aliorum qui eum secuti sunt, diuisionem faciliorem inueniet. primum, cùm siccatur caro: secundum, cùm caro consumitur: tertium, cùm solida ipsa membra siccantur: patet autem illa consumi non posse, quare, quartum genus dari non potest. Primum curatur: secundum, ut magis processerit, eo fit difficilius: cùm autem tota caro absumpta est, uix fieri potest ut etiam solida substantia membrorum non sit siccata, atq; sic in tertio genere iam sumus quod insanabile est. ideoq; illius eo loco sententia uidetur perdifficilis; quoniam secundum genus curare docet idem, sed iam exactum dixit insanabile, quod uix fieri possit, ut tertio non coniungatur, cùm ipsum finem suum attigerit. Circa humidorum quæ secunda uocat Auicenna, iuxta illius sententiam tractationem, quatuor genera ponuntur: primum, in osculis uasorum: secundum, sparsum in concavis partibus membrorum: quæ ambo, iuxta Galeni sententiam, describuntur: tertium autem, est quod agglutinatum est atq; assimilatam, quo ad accidentia, non autem quo ad substantiam. atq; in hoc à Galeno dissidet: primo, quia huius sunt duæ species, quod apponitur, sed nondum est agglutinatum: & quod agglutinatum est. Secundo, quia Galenus hoc non uult esse assimilatam, nec quo ad substantiam nec quo ad accidentia. Nec enim (& est tertium in quo dissidet) concederet Galenus posse aliquid secundum accidentia assimilari & non secundum substantiam ipsam. Quartum genus, quod quinto Galeni correspondet, Auicenna facit feminale, ut ita dicam, humidum: Galenus autem nouiter genitum putat, ut etiam in primo de Tuenda sanitate, atq; id rationi consentaneum: nam si nondum assimilatam humidum tertii generis aut quarti est, iam assimilatam in aliquo ordine collocari etiam debet. unde mirum est de Auicenna qui loco illius feminale ponit. neq; dicendum est ipsum intellexisse quod consumatur antequam assimiletur: non enim augmento locus esset. quid igitur, an oblitus est? certè non. ergo existimat illud quod in nobis humidum agglutinatum atq; assimilatam est, nostrorumq; membrorum pars est, nunquam tamen fieri simile feminali secundum substantiam. secutus in hoc Philosophum ut credidit uolentem, ut à diuersis agentibus specie ac producentibus diuersa specie efficerentur. Sed non differunt specie homo qui semen generat, & genitus qui alimentum transmutat. ob hoc superstitiosa ac nullius utilitatis est hæc Auicennæ differentia. Galeno igitur magis credendum est, tum de he-

fticar

cap. 2.

cticarum tum de humorū diuisione scribenti, & si primo Prognostico-
rum oscitanter hanc humorum diuisionem tractanti, quod ibi exquisi-
ta dignotio non tam esset necessaria: quantum illorum genus, quod appo-
nitur, sed non agglutinatur prætermiserit. Veritate igitur patefacta facile
est intelligere, quonam pacto Galeno cæteri Græci accommodari de-
b. ant.

CONTRADICTIONE XIII.

Corpus temperatum an omnes operationes habeat perfectissimas.

EXistimo te meminisse quod iam declarauerimus dari corpus tem-
peratum in superiore libro: tum uerò in hoc tria esse quæ ad elemen-
ta pertineant, per quæ corpus corpore perfectius euadit. An igitur corpus
quod æqualiter ex elementis, quo ad uires constat, omnes habeat opera-
tiones perfectissimas dubitari solet? demiror autem eos qui illud esse pos-
se negabant, hoc de illo quærentes. nisi forsân, propinquiorum rationem
habere uoluerint, non exactè temperaturum. esse autem duplicem perfe-
ctionem in sensibus ex uerbis Aristotelis iam te docuimus. Igitur Galen.
in libro de Optima corporis constitutione inquit: Quod uerò huiusmodi
corpus rectè ad unamquamq; se habeat actionem, difficiusq; cæteris cor-
poribus morbis corripiatur, id facile à quouis deprehendi potest. inde in
subsequentibus uerbis, quod de omnibus simul operationibus, & non sin-
gillatim intelligat, imbecillatq; præferat temperatum, edocuit, dicens:
quod siccum (licet humidis causis, & humidum siccis, & densum exte-
rioribus) magis resistat temperato, nihilominus temperatum & siccis & hu-
midis, & exterioribus, & internis melius omni alio corpore resistit. tan-
dem quod generatum intelligendum sit in fine illius libelli docet. Quod
etiam non singillatim possit habere omnes operationes perfectiores
ostenditur: primo, quia eadem est comparatio hominis perfecti ad imper-
fectum (perfectum autem nunc ac deinceps temperatum uolo intellegi)
quæ imperfecti ad belluas, nam humana constitutio belluarum compa-
ratione proxima est medio temperamento ex elementis: igitur homo
primo deterius odoratur quàm reliqua animantia multa: igitur non in
omnibus uincit. Docent hoc præter ea quæ superius deduximus, etiam in
auditu uerba Philosophi, quinto de Generatione animalium, dicentis:
Homo pro sui magnitudine minimè procul audit. Tum elephas uitæ
longitudine antecellit, ut superius demonstratum est. omitto nunc de le-
poribus quod uelocius currant: de capreolis, quod leuius ac uehementius
saltent: nam hæc uon in temperiem, sed in formam membrorum referri
possunt. quanquam & ad hoc non parum uideatur conferre sicca calidaq;
temperies. Sic sensuum robur secundo Artis medicæ, & claritatem, siccis
temper

temperamentis aut calidis ac ficcis tribuit Galenus, cum prius tamen de his filuerit temperati cerebri signa describens. Id uero dicunt uix effugere licet: quòd puer temperatum habens cerebrum non iuxta ætatis rationem, sed simpliciter, si deterius dicitur puero temperato, cerebrum habente pro totius corporis ratione, igitur humidum cerebrum. Nam tale est pueri exactè temperati, promptius est ad operationes temperato. Si autem melius, non igitur operationes corporis temperati, sunt semper intemperati operationibus meliores. cum in pueritiæ ætate superentur. Quinetiam Aristoteles in Problematibus fatetur illos qui studio artibus administrationeq; claruerunt, natura non temperatos sed melancholicos fuisse. Secundo quoq; Prognosticorum, & tertio de Symptomatum causis, ac etiam sexto de Tuenda sanitate, docet Galenus naturales puerorum functiones ualidiores esse inò ualidissimas. primo cum urinarum subtilium redderet rationem exitium decernētium. secundo cum eas reliquis comparat operationibus, tamen etiam ætatibus. at luce clarius est pueros intemperatos dici posse collatos ad iuuenes, iuxta Auicennæ prima primi sententiam. Accedit quod ex Galeni sententia, secunda Aphorismorum quælibet uirtus à propria qualitate sibi congenita iuuatur, ut à calore attractiua, igitur calida temperies melius temperata attrahet. atq; eadem ratione in aliis functionibus dicendum erit. propter hæc quærebat Philosophus in libello de Memoria & reminiscencia, cur qui plurimum ualent memoria, reminiscencia habeant imbecilliores? manifestum est igitur non posse aliquem hominem omnes operationes perfectissimas habere. & sicut in compositione, qui cauos habent oculos melius, id est magis procul uidet, quinto de Generatione animalium, & qui longa habent crura celerius currunt, ita in temperatura quædam intemperies, absoluta temperie, quibusdam functionibus sunt aptiores. Si etiam perfectissimæ essent operationes temperati, ut propinquius homo accederet temperamento, ita melius ac perfectius functiones suas ageret. at hoc falsum est. melius enim concoquit uentriculus calidus in secundo ordine, quàm frigidus in primo, meliusq; appetit frigidus in secundo, quàm calidus in primo. ut Galenus secundo Artis medicæ docet. quidam etiam dicunt tactum subtiliorem araneam habere quàm hominem. nam ipsa sentit leuem motum fili suæ telæ, quem proculdubio nullus homo sentiret. & si diceres quòd perfectio sensus consistit in cognoscendo plures sensibilibium differentias tantum, non in acutius sentiendo: obstat Galeni sententia primo de Symptomatum causis dicentis, perfectio sensus constat in sentiendi minima sensibilia & procul, quàm sententiam uidetur confirmasse Aueroës tertio Collectaneorum, cum dixit tinnitus fit uel propter auditus acumen: quia etiam sentit omnem paruum motum qui fit

cap. 10. & 12.

cap. 7.

par. 30. problem. 1.

com. 33.

cap. 30.

cap. 1. in fine.

doc. 3 cap. 1.

com. 20.

cap. 2. post med.

cap. 1. in fine.

tex. 56. & 57.

cap. 2. in fine.

cap. 17.

quarta tertii
cap. 9.

in aure, uel propter aërem ibi præter naturam existentem. Auicenna tamen suo more retulit quandoq; tinnitus causam, in auditus acumen, & quandoq; in instrumenti debilitatem. Sed hoc illis sufficere uidetur quod sensus perfectio, tamen hæc exigat, ut procul & minima percipiat: & si hoc ad aliam causam quandoq; referri possit. Est & alia dubitatio quia æqualis temperies non est uitæ longioris omni alia, cum calida & humida in hoc uincat, teste Galeno, uel etiam humida tantum sexto de Tuen-

fol. 2.

da sanitate dicente: Quod ad ipsius temperamenti rationem attinet, qui maximè humidi sunt, maxime etiam sunt longæui. Iidem ubi corpus ad robur peruenit, sanitate plus cæteris fruuntur: & cæteris qui eandem ætatem agunt ualidiores usque ad senium extremum manent. Ideoque medicis omnibus tum Philosophis, quanquam hoc unum temperamentum ab initio aliis imbecilius sit, secundum naturam esse præ cæteris omnibus probari q; uidetur. Et Philosophus in libro de Longitudine & breuitate uitæ docet calidum bene pingue quoniam putrescat minimè, & plurimum humidum, quod tarde siccetur, uitam efficere longissimam.

cap. 2.

cap. ult.

Illud etiam ferme exemplo regionum habetur, ut in libro de Philosophorum historia, seu is Galeni, seu Plutarchi, seu alterius inclyti uiri fuerit. nam non in regionibus temperatis, sed in Britannia, uita hominum est longissima. ut quæ pluribus ultra centesimum annum, nonnullis etiam usq; ad ceterisimum uigesimalum producat. Ratio id confirmat, nam cum corpus semper siccescat ab initio natiuitatis, refrigeretur etiam à summi uigoris tempore Galeno teste, necesse est ut calida & humida temperies aliqua post mediam ætatem tunc temperata sit, cum quæ ab initio commodata fuit, iam frigida & sicca non parum existens, senectutis limites ingressa est. atque iccirco in calida & humida omnes ætates magis proferri consentaneum: ut longior sit pueritia, adolecentia, iuuentus, atque senectus, eoq; totus uitæ, cursus diuturnior. Et ut nihil prorsus intactum relinquatur morbosiora etiam uidentur temperata corpora quibusdam intemperatis: siquidem Philosophus quinta Problematum quærit cur temperata corpora & quæ modicè constant, sæpius in morbum incidunt. octauo etiam Artis curatiuæ & prima quarti Auicenna, uolunt quod temperatis corporibus, ut quatuor sunt proniores intemperies, ita quatuor aliæ minus pronæ ad febres: frigida, & humida, & quæ ex his componitur, tamen etiam frigida & sicca, laborat & homo pluribus morbis quàm cætera animalia teste Philosopho. Et si etiam temperatum morbus inuadit, quandoq; facilius perit, rariusq; liberatur quibusdam qui nō admodum sunt temperati. nam ex apoplexia, qui frigida sunt temperie, & facilius seruantur, & tardius quàm qui temperati sunt moriuntur.

1. de tuēda sanitate cap. 2. & 6. eiusdem cap. 1. 2. 3. & 4. & alibi.

problem. 22.

cap. 8.

cap. 2.

3. de histor. animal. c. 24.

His tot tantisq; suffragiis Trusiani opinio de temperati corporis fun-

ction

ctionibus fulcitur. Quinq; enim modis operationes in corpore temperato possumus cōparare, uel ut singulæ singulis intemperati perfectiores sint. Vel ut aliquæ tantum, à quibusdam tamen corporibus intemperatis generatim sumptis perfectioribus operationibus temperatū uincatur. Vel ut aliquibus intemperati corporis functionibus melior, uniuersè tamen sumptis omnia corpora intemperata operationū perfectione uincat. uel etiā ut omnia intemperata corpora uincat generatim operationū perfectione, nullā tamē obtineat perfectissimā, sed in singulis modo à calidis modo à frigidis uincatur. ultimo quòd nullus est ausus affirmare, ut nullam operationē perfectissimā habeat: nec generatim etiā omnia imperfecta corpora operationum perfectione uincat. Sed nec quòd nullā habeat perfectissimā operationem, neque quòd uniuersè sumptis ab alio corpore uincatur, ullus ausus est dicere. Relinquitur igitur ut uel generatim solū operationibus sumptis præcellat, uel etiā singillatim. Horū utrunq; duobus modis cōtingere potest, uel perfectione quæ in exquisito sensu operæ uel cōtingit: uel in robore: ut cū procul audimus, uel celerius non tamen firmitus currimus. Ergo temperato homini uitales operationes in summa perfectione omniū ferme cōsensu insunt. Cæteræ pro qualitate etiā ac perfectione, nō tamē quòd ualidiores sint intēperatorū operationibus, singillatim sumptis, uerū ut dixi generatim tantū. De hoc igitur prima quæstio erit. Altera an eadē sit cōparatio hominis ad belluas, quæ tēperati hoīs, ad eum in quo qualitates duæ uel una uincit. ultima an etiā ut ad actiones se habet, sic etiā ad morborū ingruentiū resistentiā. Itaq; quod homo tēperatus habeat singulas operationes pfectiores operationibus cuiuscūq; intēperati, ostēdo ex sentētia Galeni in libro de Optima corporis cōstitutione dicētis: quòd nō nisi p loga tēporū interualla hic inuenitur: si igitur generatim solū haberet pfectiores operationes, cū necesse sit aliquē semp esse q oēs alios operationū pfectione antecellat, aliter esset pcellus absq; fine, uel enim ego sum uel Socrates & si qsq; melior Socrate: tandē ad eū deueniemus, q uniuersè sumptis operatiōibus erit pfectissimus. Semp igitur erit homo tēperatus, nec longis tēporū interuallis indigebit. Respōdebatur forsan semp dari hominē q sic præcellat, nō tamē oīs talis erit tēperatus: neq; enim conuertūtur. Sed quomodo agnoscat tēperatū hoīem illū, si nec singillatim operationes oēs habet pfectiores, neq; q præcellit omnibus uniuersè sumptis, ob id tēperatus dici debet. nā operationes faciunt instrumēta alia esse, secūdo de Anima inquit Philosophus, & Auerroës dixit illas esse principiū cognoscendi uirtutes. Accedit quòd Galenus in eodē libello cū pposuisset de corpore temperato duo, alterū scilicet quòd operationibus præcelleret, & quòd minime morbis esset obnoxiiū. horū postremū generatim in sequentibus uerbis intelligendū edocuit, de primo nihil

cap.3.

t. cap.38.

2. collec. c. 7.
ante mediū.
cap.4.

cap. 1. in fine. dixit: quare absolute & singillatim hoc erit dictum. quod & secundo de Temperamētis his uerbis declarabat: tēperatū corpus omnes tum animales tum naturales uirtutes inculpatas habet, cum & sensuum facultatibus, & membrorū motibus, optimē prāditū sit. Quod etiā luce clarius ostēdit

cap. 45. secūdo Artis medicæ, cum dixit: tale corpus esse ueluti Polycleti statuā, quam liquet nō uniuersē sed singillatim ex omnibus mēbris fuisse absolutā. Mirūq; uidetur cū omnia intēperata corpora fermē quibusdā operationibus præcellāt, nā id omnino necesse iuxta illorū decreta solū tēperatissimū nullā habere optimā. At dicēt uitalis atq; alia quæpiā forsan in illo optima est. imperitē igitur admodū Galenus fecit, qui intēperatorū functiones optimas descripsit, tēperati corporis omisit. Forma etiā iuxta Galeni sententiam corporis animati anima est, ex illius mixtione producta, quod satis in libro de Animi immortalitate ostēsum est. Tēperati igitur hominis anima undequaq; absoluta. illa uero operationū principiū, & qua ratione unā perfectā efficiet, eadē & omnes operationibus enim ut dicebat Philosophus tertio Coeli, corpora distinguuntur & dignoscūtur. Ipsi etiā qui sic credūt cogūt cōtraria propriæ sententiæ ex suis fateri decretis. nā si quis tēperato uniuerso ad amulsim corpore, mēbrū unum ex exterioribus, tale habeat, quale ipsi prādicāt ex intemperie optimæ functioni paratū, ut uel aurē iusto ficiorem, uel oculum humidiores, habebit hic generatim, cum in reliquis æquales temperato habeat mēbris, functiones illo ipso meliores. Sicq; intēperies temperiei præstabit. nec in hoc finem postmodum imponere licebit. hic manus, ille aures etiam, altero & oculos superaddente. In primo etiam de Tuēda sanitate cum Galenus docuisset quod quamuis homo non sit robustus ut Milo Crotoniātes, nec uideat ut lynceus lupus, tamen debet dici robustus & bene uidens, quando hæc plusquam mediocriter illi adfunt: eodem modo inquit de sanitate dicendum est, quāuis enim non omnino sit illa perfectissima, tamē homo debet dici sanus, si igitur homo temperatus perfectissima utitur sanitate atq; etiā solus: & perfectissima sanitas non est, nisi cum operationibus perfectissimis, tam uitalibus & naturalibus pro toto, quā etiā sensibilibus pro sensibus & reſtricibus pro cerebro ac motiuis, igitur corpus temperatum omnes operationes perfectissimas habet. Auicenna quoq; quem iam prædiximus ubi non Galenum citat sequi illius opinionem, cuius se facit expositorē inquit: Quum enim operationes secūdū naturalē cursum procedūt plenē ac pfectē, significāt tēperaturā æqualem. Quod si mobiles sint plusquā decet caliditate abūdare significāt. & deinceps luce clarius docet, si quis eū diligēter legat, ab intēperie nullā perfectā functionē proficisci posse. Vnde post dum tēperatæ tēperaturæ signa declarat, dicit quod ipsa functiones perfectas habet. utiturq; nomine complementi, quod & si durum sit, euidentius tamen absolutā operationū perfectionē nobis declarat.

secūda primi
doc. 3. c. 3. in
3. signo &
cap. 4.

Scio quemuis libenter manus daturum modò liceat tot in contrarium adducta euadere, dico igitur quòd corpus temperatum omnes operationes habet perfectiores, quolibet intemperato corpore, seu mauiſ Latinè magis dicere inæquali ſingillatim, non tantum uniuerſè operationibus omnibus ſumptis, meliusq; omnibus morbis reſiſtit. & omnes operationes tam communes, quàm proprias perfectiores habet ſingulis animalibus, modò non ſit differentia in instrumentorum compoſitione, ideo non curret magis quàm lepus, quia non habet quatuor crura, neq; duo longiora poſteriora anterioribus. & habebit etiam operationes perfectiores perfectiſſima planta. & multas cùm hoc ſeorſum ac ſibi proprias, quæ nulli alteri conuenient. & erit quaſi ad ſimilitudinem Dei in terra. oportet autem quòd in tali ſint elementa in ultimo reſracta, & æqualibus uiribus mixta, & ad partes minimas. Hæc autem omnia ſic oſtendo argumentis ſatiſfaciens. omnes fatentur quod uirtus uitalis in illo robuſtior eſt, & melius etiam concoquit, quia calor eſt ualidiſſimus, id eſt, ob multitudinem partis igneæ: nam tale corpus erit denſiſſimum, quo ad ſolida, ut oſtendi in libro de Subtilitate, non dico quoad cutem: nam in hoc erit mediocre, & humidum illud erit pinguiſſimum, & calor in ultimo reſractus minimè conſumens, & minimè ad morbos paratus: igitur talis homo erit longiſſimæ uitæ inter homines. Sed & inter animalia cætera. nam Ariſtoteles ſolum elephantum diuturniorem facit homine: hoc autem generaliter eſt intelligendum. elephas ad ſummum uiuit annis iuxta illius opinionem, ut dictum iam eſt. ccc. at prætermiſis fabuloſis aut antiquioribus hiſtoriis, Ioannes de Temporibus ſic uocatus. cclxi. annis uixit. Nam is ſub Carolo magno Cæſare ſub quo militauit, mortuus eſt Lotharii Imperatoris temporibus: iuxta annum ſalutis noſtræ M. C. X. L. eiufdem Caroli magni ætate Ricardus quidam ccc. quoniam tamen, ut dixi, hæc rara ſunt, Ariſtoteles prætulit elephantem. moritur & homo longè celerius quàm ei naturæ neceſſitas imponat, ob curas, labores & uoluptates. Galenus calidam & humidam prætulit, quoniam facile poſſit inueniri. huius operæpretium fuiſſet curam inſtituere, ſi hæc fuiſſet illius iudicio diuturnior. ſed & in primo, & in quinto, & ſexto de Tuenda ſanitate teſtatus eſt ſe temperati hominis uitam, non calida & humida temperie præditi inſtituere. Sic etiam cùm dixit corpus hoc magis à calidis morbis uexari, quàm frigidum: & rurfus, ab externis magis quàm denſum, uerum eſt qualitatum ratione. non tamen facilius ægrotat: quia calor ualidior, & membra firmiora magis reſiſtunt. ibi autem ſolùm docere uoluit, quod meritò temperaturæ accidere conſueuit. quò ſit, ut lædi dicat facilius non autem ægrotare. Sic & iuuenes à calore quem exercendo immodicè concipiunt, ſenioribus facilius læduntur, non tamen facilius

4. de Genera.
animal. ca. uł.
in princip.

3.collec.ca.38.

7.Natur.hist.
c.21.2. Artis. medi.
c.6.

ægrotaut, ob uirium robur. Quod ad odoratum auditumq; attinet: dicebat Auerroës quod uultur habet oculos carbūculo fimiles: ideo maximè procul uidet. causa igitur prima perfectionis sensus est temperies, secunda constitutio instrumenti. ideo Aristotelis dictum de oculis cavis intelligitur, partibus aliis causis existentibus. Quia enim humana natura, ut declarauimus, omnium uiuentium implet latitudinem: ideo in omnibus fermè uiris aliquid est minus ualidum, natura autem cum in aranea nulli alteri rei studeat quàm tactui, & in apro quàm auditui, & in cane quàm odoratui, & in uulture quàm uisui: ideo uidentur generaliter hæc animalia præstare homini, in genere illo sentiendi, cum tamè homines aliqui longius perspiciant uulturibus, ut de Strabone uocato narrat Plin. qui ex Lilibæo naues in Cathaginienfium portu numerabat. & de illo qui Iliada Homeri, qui nuce contineretur, in charta scripserat. idem de aliis sensibus, concoquit, & melius Struthio aue, & si ferrum non concoquat. illa enim pomum in substantiam suam uertit, homo in humanam, quæ elementa ad summum habet refracta. faciliusq; longè aliquid ferri concoquet homo, quam Struthio pomum in humanæ substantiæ æquè perfectam carnem uertat, iuuaturq; dissimili instrumento auis, cum longè crassiores habeat uentriculum. pari igitur instrumento, manifestè omne animal ab homine superatur impari, interiore tamen, etiam semper, sed occultè. Declaratum est autem temperatum hominem omnes alios sensibus atq; aliis functionibus superare, ut qui omnia bona in se colligat, quare etiam reliqua omnia superabit animalia. uincit igitur & elephantem uita, quoniam nobilissimam ac maximè necessariam actionem, nobilissimum animalium, quod est homo, par fuit habere perfectissimam ac maximè constantem. hæc autem uita est. non tamen excedit plantas: non est enim in his calor qui cum motu consumat humidum, quare neq; paria instrumenta. uincitur igitur uitæ longitudine à quercu & oliua & non paucis aliis arboribus. Sed cerebrum siccum sensus habet claros. comparatione aliorum inæqualium corporum, & meritò qualitatis tantum, non autem formæ atq; substantiæ. Dixerat enim prius, Ingenium tenuem cerebri substantiam, memoria firmam, discendi facilitas formarum faciliè susceptiuam ostendit. hæc igitur non qualitatatum, sed substantiæ propria esse declarat. Puer ille melius discit qui temperatus est, ea de causa, quòd substantiam habet meliorem, non autem is qui ad puerum comparatus iusto siccior est. nec enim sic intelligendum est temperati nomen, quòd temperiem habeat ætati non proportionem respondentem. Aristoteles autem ab initio non negat fuisse temperatos illos sapientes, neq; Galenus pueros præponit uiris, sed æquat: at de hoc aliàs cum dictum sit, nihil etiam ad institutum pertinet. Iam uerò si de functione uitiosa agendum sit, immoderantiam consequi potest:

si de

si de utili tantum, temperamentum. Memoria plerumque quod tarditate quadam constet, à reminiscencia optima seiungitur: non tamen semper. regulæ autem hæ eorum sunt, quæ frequenter contingere solent, non autem necessariorum. Quod uerò medij eadem ratio sit, & eorum quæ medio sunt proximiora, nondum concessum est: si tamen concedatur quæ magis procul absint, deterius concoquent, modò ea æqualitas ad uitium operationis non ad qualitatis magnitudinem referatur. Neque calor adeò concoctionem euertit, ut frigiditas. multò tamen minus discrimen est, quàm multi existiment: si de calore elementi, & non de naturalis caloris magnitudine aut paruitate intelligamus. Ratio regionum rationi substantiæ corporis non par est, cum in illa solum modica resolutio ad uitæ longitudinem quæatur: in hac autem est consistentia firmior humidi, & caloris robur, soliditasque membrorum. ideo in frigidis regionibus atque humidis, modò putredine uacent, uita est longissima hominibus. Cum uerò dicimus temperata corporis prius sicca euadere, falsum est ob quinque causas prius enarratas caloris moderationem, humidi pinguedinem, membrorum soliditatem, meliorem in dies restaurationem, morbosque rariores. Per modica autem & temperata corpora, quæ facilius & ægrotant, & liberantur, Aristoteles non intellexit temperata, nisi temperatam, id est, moderatam magnitudinem intelligamus. iacent enim uerba Philosophi hoc modo: *διὰ τὴν τὰ σύμμετρα τῶν σωμάτων καὶν πὲ πολλάν*: id est, propter quid magnitudine commensurata corpora sapius ægrotant: cum *σύμμετρα*, & commensurata significaret, & etiam temperata, ille ambiguo nomine titubans, utrumque significatum explicuit. quo errore Gaza, alioquin magnus uir, libro de Animalibus omnes Aristotelis inuoluit. Solet autem Philosophus cum ambiguo nomine aliquid explicat subiicere id cuius contemplatione facile sit intelligere, quo in sensu debeat arripi. itaque non de temperie agit in solutione Problematis, sed solum de magnitudinis commensuratione. Quò factum puto, ut hoc errore decepti sex expositiones alii dederint, quæ omnes præter id quod non satisfaciebant literæ Philosophi, neque ipsius rei difficultatem tollebant. Quod uerò de febribus dicitur ad qualitatis tantum rationem referendum est. uelut & illud secunda Aphorismorum, quod quisque facilius in consimilem labitur intemperiem, & facilius sternatur. non tamen facilius ægrotant temperata corpora febribus, ob uirium robur. & si qualitatibus ipsis minus frigidis atque humidis, quæ à febrium incurfionibus magis remota sunt omnibus aliis resistent. Apopletici autem frigida temperie, si æquali morbo detineantur cum temperato celerius suffocabuntur, magis læsis respirationis instrumentis. si autem æqualiter læsa sint, haud æqualiter ægrotant: quare argumentum nullum est. Hominem autem pluribus morbis

com. & tc. 34.

morbis subiici par erat cæteris omnibus animalium generibus: cum, ut dixi, omnium animalium temperiem subeat. dico autem leonis, formicæ piscis. atq; ideo etiam maximè uariis morbis laborare, imò omnibus his, qui animali cuiquam, uel etiam placitæ contingere possunt. cum enim temperiem uires & propria cuiusq; tum munia tum miracula uiuentis subeat, necesse est & cuiusq; uiuentis morbos sentire. at omnibus refistit temperatura æqualis. quæ cum Strabone melius uideat, subnatet aquis melius quàm Nicolaus Ligur, audiat ut longissimè, odoretq;, Cyneæ memoriam possideat, uiuacior sit elephanto, persanet splenis uitia digito pedis, ingenio superet Archimedem, eloquentia naturali Ciceronem, multaq; alia innumera efficiat, quæ singula pro miraculo haberi soleant: his omnibus in unum collectis, palàm est eum qui tali temperie præditus sit admirationem maximam populis præbiturum. proq; diuino homine habendum, ac quasi Deum inter mortales cohabitaturum: præsertim uirtutibus sibiinuicem suffragantibus. unde prodigia miraculaq; efficere poterit. Rarò autem talis homo nascitur. ubi autem quomodo & quando in aliis libris à me dictum est. Sed hæc medici considerationem excedunt.

CONTRADICTION XV.

*Virtus sensitua & mouens an cum spiritu per nervos
necessariò diffundatur.*

cap. 7.
cap. 6. in med.

MEmbris ipsis uirtus innata est uitalis ac naturalis, quæ si diu potuisset per se conseruari nullo auxilio indiguissent. Sed cum seruari diutius uirtutes hæ nequirēt, arteriis ac uenis indiguerunt. At uirtutē sensitiuam membra ipsa ex se non habent, sed ueluti splendor quidam. Solis uirtus illa per nervos eis ex cerebro influitur: inquit Galenus primo de Locis affectis. & ante etiam clarius longè his uerbis. Præterea aliter is affectus uidetur cui meatus ex cerebro ad oculos descendens obstructus est: aliter ille cui propter spinæ inflammationem (etsi quodam modo affectus huic similis sit) resoluta sunt crura: atq; aliter ille cui uox aut perit aut uitata est. Etenim ad crura facultas quædam, sed citra essentiam descendere prohibetur: ad oculos autem etiam cum essentia: uerùm ad guttur, etsi materia perueniat, non tamen illius sufficiens quantitas est. Ex his uerbis clarum est Galenum uoluisse, quòd uirtus mouens, quæ ex cerebro membris per nervos aduenit sine spiritu deferatur. uidendi tamen facultas cum ipsis spiritibus ad oculos uenit. Et rursus, in sextodecimo de Vsu partium, reddens rationem cur nerui uisorii sint caui, & è uentriculorum cerebri sinibus explantati, dicit ut spiritum splendidum haurire ex cerebro possent. molles autem quia prima sensus operatio fit patièdo.

qui

qui autem nervi movent duri ac parui & ex spina explantati, nec manifestè caui, igitur uelle uidetur solam uirtutem in motu, non spiritum esse necessariū: nam & ipsi eodem modo ex cerebro saltē, si non propè uentriculos illius, non ex spina exorirētur. In primo quoq; de Semine astruit, nervos sensibili carere cauitate. Primo quoq; de Vsu partium inquit, Venæ deferunt sanguinem, calorem autem arteriæ, ut conseruent eum qui innatus est membris: nervi autem sentiendi & mouendi facultatem à cerebro acceptam membris impertiunt. In secundo etiam de Symptomatum causis, cum de mouente uirtute diutius uerba fecisset, nulla spiritui habita mētiōe, inquit, tandem: Iam crassi glutinosiq; succi, cum sic uiam uirtutis obstruunt, ut parcior influat, tremoris causæ sunt ac potissimum cum prorsus obstruentes, reliquorum etiam nervorum partes aliquas resolutas efficiūt. Hoc autē, ut mihi uidetur, etiam clarius declarauit in primo libro, dum de torporis causis agit, his uerbis: Atq; quòd animalis quidem uirtus siquidē meatum aliquem, tanquā certam uiam, à cerebro per neruū habet, hoc obstruēto impediētur, cuius arbitror pateat. Quinetiā compresso extrinsecus neruo angustia meatui eius continget, ne id quidem ullum lateat. Quòd autem & si nullus sit meatus, sed tanquam per aquam uel aërem solis radii transeunt, sic principii uis per ipsum corpus neruorum permeat. Dubitat igitur hīc Galenus, an per cauitatem certam neruorum, an sine cauitate neruis existentibus per ipsam substantiā nerui animalis uirtus deferatur: quæ dubitatio nulla esset, si spiritus uirtutem illam deferret. Rursus etiam in primo de Semine qualis lux soli, talis cordi uirtus quæ in arterias, & cerebro quæ in nervos infunditur, & quæ à testiculis in uniuersum corpus, tum etiam à uenenis lethaliibus. Accedunt his autoritatibus quatuor rationes: Prima quòd quum uolumus sentimus & mouemus: igitur uirtus illa cum subito transmittatur, non potest in spiritu esse: certum enim est, quòd nullum corpus subito mouetur. Et addunt, quòd si membrum ligatum, atque ob id insensibile redditum, soluitur, tunc illico mouetur & sentit, quare uirtus illa quæ ligamento impediēbatur, illico descendit per nervos. Secunda ratio est, quòd ligato neruo, qui motus minister est, repente motus membri concidit: at par erat si in spiritu ea uis animali erat, quandoquidem ille adhuc asseruatur, nec tamen perit, aliquandiu etiam uirtutem mouendi asseruari, atque hoc exemplo reliquarum duarum uirtutum ostenditur, cum naturalis uirtus ac uitalis membro ligato non paruo tempore seruentur, quòd per spiritus ad ipsa membra deferantur. Neceffe etiam esset ligato membri neruo, membri uirtutem corrumpi, utpote uitiato calore sublatoque animali spiritu. Accedit, quòd phreniticorum robur causam non habebit ullam manifestam: nam cum in his ob morbum, magna ex parte

cap. 5. in initio.
cap. 16.

cap. 2. post med.

cap. 5. post Princip.

cap. 17. ante medium.

h h resol

resolutus sit spiritus animalis, atq; hic est motus ac sensus instrumentum
 quonam pacto poterunt in motibus, quemadmodum experimentum ta-
 men ostendit, esse robustiores? Oppositum tamen uidetur Auicenna te-
 nere in prima primi, cum dixit, Spiritus animalis defert uirtutem sentien-
 di ac mouendi per totum corpus. Quam sententiam longe clarius expli-
 cavit in libro suo de Anima: duabusq; rationibus declarauit ac firmauit:
 quarum hæc est prima: Nerui sunt caui, & si non admodum manifestè, &
 cum cauitas illa non sit necessaria, nisi ob transitum spiritus, uel nutritio-
 nem, igitur cum replebitur ut in resolutione, non priuabitur uirtutis il-
 lius transitus per neruos, quia obstructio non impedit nisi corpus: quare
 membrū resolutū sentiet & mouebitur: quod tamen est falsum. Ad hoc
 respondebat Galenus, quòd assumpta propositio manifestè falsa est, scili-
 cet, Obstructio non impedit nisi corpus: nam dicit, radii solis in aëre impe-
 diuntur manifestè & à nebula & à fumo ac nube, & in aqua à luto ac li-
 mo. Ad hoc diceret Auicenna, quod radii solis impediuntur, quia rectè
 procedunt, & talis uirtus nunquam ex toto ac penitus: sed uirtus cerebri
 sensitiua descendit circunvolutis neruis ac tota igitur, oportet quòd cum
 corpore deferatur. Secunda ratio, Spiritus est instrumentū proprium ani-
 mæ ex sententia Galeni in libello de Vsu respirationis: sed omne agens
 producit actionem suam per proprium instrumentum ac proximum: igitur
 anima producit sensum & motum in membris per spiritum. Diceret
 ad hoc Galenus, quòd uerum est, quòd uirtus sensitiua quæ in initio ner-
 uorum ab anima infunditur, per spiritū infunditur, & sic de mouente: nec
 tamen ex hoc sequitur, quòd illius extensio per omnes nerui partes per
 spiritum fiat. Velut primum lumen quod diffunditur à sole, diffunditur
 lucis medio, non tamen lux ipsa descendit cum lumine ad inferiora: sed
 ipsa cum sole manet. Adduco modo ego nō paucas rationes pro Auicen-
 na. Nam in his qui fluxu laborant, etiam sub die mortis stat ratio & me-
 moria: igitur temperamentum cerebri non est corruptum, & tamen uir-
 tus mouens est debilitata usq; ad extremum: igitur si illa uirtus sine spiri-
 tu deferatur, adhuc in illo uirtute mouente nulla ex parte corrupta, esset
 ille ualidus fermè in motibus, sicut antequam ægrotaret. Neque enim po-
 test ratio assignari, cur sensus parum lædatur, & motus multum, nisi
 quia ad mouendum multi spiritus necessarii sunt, ad sentiendum pauci.
 Et si dicas, quòd corrupta est neruorum temperatura: istud est falsum:
 tum quia sensuum non est corrupta, & nerui sensuum sunt molliores: &
 si esset corrupta esset maximè ex siccitate: sed siccitas usq; ad certam me-
 tam adiuuat ad ualidos motus, ut in phreniticis, igitur fuissent aliquando
 ualidiores ac robustiores in morbo illo, quàm ante morbū. Accedit quòd
 dictum illud sextodecimo de Vsu, de neruis uisoriis quòd caui sint ualde,
 ut

doc. 6. cap. 4.

lib. 5. cap. 8.

1. de Sympto.
causis. c. 5.

cap. 5.

ut ipse affirmat, falsum est experimento: & hoc Vesalius diligenter se animaduertisse, dum de humani corporis agit fabrica, testatur: & nos non raro uidimus. Si igitur per tam densos nervos copiosus spiritus ad oculos deferatur, iuxta Galeni sententiam, id neque in aliis à ueritate fieri abhorrebit. Neque uerò dixerim impossibile, quòd ubi alimentum transit, etià animalis spiritus non permeet. Apparet autem omnia nostri corporis membra esse poris plena, ossa, cutim, nervos, nervosamq; substantiam. nec quid membranarum ac cartilaginibus solidius uidemus, membranarum etiam ipsis cartilagine uidentur esse solidiores. Cavitates etiam non sunt nutritionis causa: aliter corpora ex superficiebus constarent, quod Aristoteli repugnat: sunt igitur spirituum per illas transeuntium uia: nam neq; ob solam uirtutem hoc erat necessarium, quæ in solidissima penetrare corpora potest. Si etiam sola uirtus in nervos penetrat, non delassaret motus: nam hoc quod resoluitur cum uirtus sit materiæ expers, neque multam afferet iacturam, nec restauratione indigebit. At uidemus eos qui laborant & fatigantur, non minus cibum ac potum desiderare, quàm quieti. Ipse etiam Galenus dum causam assignare nititur, cur amissio motu remaneat sensus: aut contrario modo, sublato sensu motus remaneat: in partium nervorum diuersitatem eam retulit. At non oportebat, si duæ erant facultates in cerebro distinctæ, & sine spiritu transmissæ. uelut neq; illud admiratione dignum, Cur uentriculus retineat cibum, & non concoquat, cum alia sit uirtus quæ concoquit, alia quæ retinet. At dubitatio ex hoc magna uidebatur, quia quum per spiritum deferrentur ambæ, corrupta una spiritum corrumpi necessarium erat, atque ideo etiam alteram. At si sine spiritu, quid prohibebat, unam corrumpi, alteram seruari? Denique si uirtutes essent distinctæ nec ex spiritibus pendentes, nulla ratio adduci potest, quæ ostendat, cur debilitatis sensibus per uirium resolutionem, semper motus ipse necessario debilis euadat. Clarum enim est, quòd cum pauciores spiritus sensui quoniam patitur quam motui necessarii sint: si adeò resoluuntur uires ut non adsint spiritus pro sensu, multo etiam minus aderunt qui motui satisfaciant. Quinetiam quod mirum est, illi quoque, qui Galeni partes timentur, fatentur transire spiritus per nervorum cavitates, sed nec motus aut sensus gratia, quod ridiculum est. Dico igitur mentem Galeni esse, quòd uirtus illa transeat per nervos subito, sicut lumen: ad hoc tamen ut recipiatur, & conseruetur, necessarius est spiritus animalis in cavitatibus nervi contentus: & hoc parum differt ab opinione Auicennæ. Nam solum in hoc, quòd Auicenna uult, eam uirtutem per spiritum transferri: uterque autem in hoc concordat, quòd & spiritus & uirtus sunt necessaria. Ratio tamen Galeni de nervis opticus uocatis falso innixa fundamento perit. Reliquis autem satisfaciamus:

lib. 4. cap. 4.

3. cœli. 61.

1. de locis. c. 6.
post med.

mus: Cùm enim dicitur, nos posse subito mouere, declarauimus hoc in libro de Animi immortalitate, quòd spiritus omnes uni parent in quo anima ipsa sita est: & spiritus ille non tunc ad locum sensus & motus transmittitur, sed asseruatur, cum sua facultate: inde sublato ligamento fungitur operatione sua illico, modo non diu ligamentum manserit: nam tunc si diu manserit, membro stupido effecto, non statim uis sentiendi uel mouendi redit. Cur autem ligato neruo illico pereat uirtus utraque, quamuis spiritus seruetur? Hoc ideo euenit, quia non transit uirtus ad spiritum ipsum ex cerebri spiritu. & hoc de sensu perfecto, nam imperfectum sensum membra etiam habent sine sensu, ut aliàs te docui. Quòd uero ligato membro, quin uitietur membrum, si diu maneat uinculum, nemo dubitare debet. Phrenitici autem robustiores sunt ob neruorum siccitatem, cum nondum in spiritibus facta fuerit euidentis iactura: cum tamen fuerit resoluta spirituum pars magna, tunc debiles euadent: robur etiam illorum est in retinendo, non autem in mouendo corpus celeriter, ac leuiter: at hoc roboris genus ex manifesta pendet siccitate. Igitur uirtus & spiritus per neruos transeunt, uirtus autem ipsa uelut radius, perpetuo illis cum spiritibus iuncta hæret. Iuxta autem Galeni sententiam, quæ meo iudicio uerior est, per neruos defertur: iuxta Auicennæ placita per ipsos spiritus. Verum hoc discrimen pendet ex his quæ aliàs demonstrauimus, scilicet quòd Auicenna existimat, spiritum esse primum sensus instrumentum. Nos autem arbitramur, primum esse sensus instrumentum, sed non primum quod recipit speciem rei sensibilis.

1. contradic.
trac. 5. contra-
dic. 1.

ubi supra cō-
tradictiū.

CONTRADICTIONE XVI.

Testes an generationi necessarij, & an membra principalia.

Testes non sunt necessarij absolutè in generatione, quia multa animalia quæ generant, ut pisces, ac serpentes, illis carent. Sed neque in habentibus: quia taurus cùm inisset à castratione illico generauit. Sunt igitur ut uasa feminaria lata contineant, & ut morando feminis effusionem, diuturniorem coitus delectationem efficiant. indicio est, quòd quæ testibus animalia carent, celeriter uenerem absoluunt: inquit Philosophus primò de Animalium generatione. Et rursus tertiam utilitatem addidit alibi, dicens, quòd uelut textrices pondere tendunt fila, sic testiculi tendunt appensi uenæ ex corde uenienti ipsum cor. Vt enim dixerat prius, quæ à natura fiunt, alia necessitate, alia ob utilitatē: testiculi igitur ob utilitatē, nō necessitatē facti sunt. Aduersus Philosophū cōsultò inuehitur Galenus primò de Semine dicēs, si testiculi non sunt necessarij generationi feminis, cur est quod nimis infrigiditatis testibus,

cap. 4.

lib. 5. de ani-
mal. genera-
tione cap. 7.

cap. 15. & se-
quentibus.

bus, aut scirrhus laborantibus, aut auulsis, infœcundum fit animal: & quia ad hoc uidebatur Aristoteles respōdere, quòd uasa seminalia, partim qualitate, ut in scirrhus, uitiantur: partim contrahuntur. Contra hoc, inquit Galenus, testes in auibus abdominis membranæ hærent, & in summo uasorum seminalium, igitur ibi non faciunt tensionem: & tamen auulsi animal infœcundum efficiunt: non secus quàm hominibus & quadrupedibus. Accedit, quòd si ita auellantur testes ut membrana supergeminallis relinquatur, uasa ipsa illæsa manent, & tamen sterile euadit animal: nec solum, inquit, sterile, sed ueneris desiderium amittit, glabrum totum corpus efficitur, uenæ angustæ, uox exilis, & caro odoris est expers illius quem integra animalia retinent. tot & tanta igitur nobilitatem huius membri cordis nobilitati fermè faciunt cœqualem. Imò dicit, nobiliores sunt testiculi, cum dent bene esse, (ut illorum uerbo utar) corde dante solum esse: quantò nobilius est bene esse, quàm esse. Quartam subiungit inde rationem, Si tendendi cordis causa testiculi facti sunt, ualidius cuniculum poterat natura moliri, arteriam magnam spinæ per ligamenta ualida tensam, aut supra iugulo nectendo, aut iecori etiam, quod illi uinculo recto uenæ causæ alligatum est: fuisse tñ; tensio hæc cordis non solum maior, sed & securior. Quinta his subiicitur ab illo ratio, quòd quæ circumflexa sunt, nisi dirigantur, tendi nequeunt: at uasa seminaria circumflexa sunt. Quibus etiam magis tensa forent, his ualidior uirtus, ut feminibus: uuenes autem, cum his contrahantur, imbeciliores euaderent. Et sunt etiam animalia in quibus testiculi uentri astricti, nec penfiles, ut lues quibus nullam prorsus utilitatem præstarent. essent etiam in hoc lien & renes cordi utiliores, tamen quia maiores testibus, & cordi propinquiore, ac etiam uenæ quibus annectuntur rectiores: cum hæc, quæ ad testes tendunt obliquæ sint, ac etiam uaricosæ. Vltimo dicit, esset hæc tensio profus cordi uiolenta. nec obstat quòd utilis esset animali: nam sic diceremus animal necem ut boui esse naturalem, quia utilis esset hominibus. Propterea concludit, Nihil tale optarem ab Aristotele dictum. declaransq; utilitatem seminis, quòd testibus alendis sit necessarium, quodq; ab his in uniuersum corpus uirtus quædam, quæ illud totum immutet procedat, etiam supergeminallis membranæ, quæ media est inter uasa feminis & testiculos, non solum loco, sed substantia docet. Atq; sic testes esse membra principalia clarum est: non solum, ut dici solet, ratione conseruandæ speciei: sed ipsius singularis hominis, cuius corpus, animam, ac mores adeo immutant. Sed ut mihi uidetur, non admodum rectè imponit Aristoteli, quòd censuerit testes solum tendendi uinculi cum corde causa esse creatos, sed ut uasa seminaria melius firmarentur inuoluiq; possent: ac sic pondere suo aperta manerent. Inde etiam huic accedit ut cor ten-

cap. 17.

1. de Generat.
animal. cap. 4.

in Paraph. c. 1.

cap. 3.

cap. 44.

dant: sed non ob hoc principaliter sunt facti. Deberat Galenus argumentis Philosophi respondere, nec non illius mentem uerè non perperam declarare. Sed hoc studio contradicendi ei contigit. Aristoteles tamen non negat testiculos non adiuuare in feminis generatione. inquit enim, Aues testiculos maiores habent, dum tempus aduenit quo coire solent, nec tamen coiuuerunt. ex quo patet quòd uult semen in testibus gigni ac perfici: non tamen simpliciter esse necessarios in generatione. imò etiam neq; in generatione habentium testes. Auerroës quinto de Generatione animalium dicit quòd testes non sunt necessarii absolute, ut diximus, ad generationem: in habentibus tamen illos dicit, quòd si experimentum de tauro esset uerum, non essent necessarii: ubi autem non esset uerum, res esset dubia. ista determinatio non est clara, ut ad primam attinet partem: diceret enim Galenus quòd & si generasset, hoc fuisset quia iam erat concoctum semen in testiculis, & delatum ad glandem, quæ est in radice membri genitalis, & ita detractis testibus semen illud non fuit læsum, & potuit pro una uice generare. nec etiam sequitur, testiculis auulsis non potest generare: igitur testiculi sunt necessarii ad feminis generationem, ut causa agens. Nam esse potest quòd nō generet cessante fine. nam si animal castratum generaret, uel generaret animal castratum aliud, uel integrum. si integrum, esset in effectu quod non fuit in causa: si autem castratum, igitur generaret animal alterius speciei, ab ea cuius fuit prius generans. Nec est similitudo si dicas, quòd carens oculis generat habentem oculos, hoc infra ostendemus. Dico igitur propter adducta, quòd testiculi non sunt necessarii ad generationem animalium absolute, cum, ut dixit Philosophus pisces & serpentes generent, carentes illis. in habentibus autem reflectunt calorem ad cor, & ab ipso recipiunt uim, & ideo sunt necessarii, ut uoluit Galenus, non tamen uerè necessarii, id est, per modum principalis causæ, & hoc uoluit Philosophus. est igitur ac si diceres sunt necessarii, & hoc concedit Philosophus, quia sublatis, non generat animal. exemplum de tauro est ad ostendendum quòd nō sunt principales, & hoc etiam concederet fermè Galenus. & si nō concedat, hoc tamen uerum est. non sunt tamen necessarii in homine, quia generatio est hominis ut animal est, non ut animal perfectum: Cum uerò dicit Philosophus illud de tensione, intellexit unam utilitatem quæ erat minima, sed tamen ibi necessaria: alias autem utilitates iam prius declarauerat. Sed cum influant super totum & uocentur principalia membra secundo Artis medicæ iuxta initium, cur dum in eodem libro enumerat membra à quibus totius temperatura pendet, solum cor ac iecur adducit cerebro & testibus prætermisis? Respondeo quātum ad testes attinet (nam de cerebro hic locus non est) illi influunt super totum, sed medio cordis. communicant enim cordi.

cordi & iccori uires suas, & ab ipsis in totum corpus uis illa distribuitur. iccori quidem per uenas & cordi per arterias. quia igitur non habuerunt feruientia, ideo non potuerunt dici principalia in influendo. Et ob hoc sedatur contradictio quæ uidetur esse inter Rasim secundo ad Almanfo-
 rem commemorantem omnia quatuor membra principalia in cognitione temperamenti totius, & Galenum qui connumerat cor & iecur solum. Nam Rasius connumerauit quæ plurimum influebant seu per se, seu medio alterius: Galenus autem solum ea quæ per se influunt. Et si dicas quare igitur uocauit membra principalia testes? Respondeo quia iuxta illius sententiam, sunt principales in generatione seminis, & ideo in conseruatione speciei. Et si dicas, Galenus primo de Semine dixit, quod sola uirtus per totum multiplicatur, & tu dixisti quod per uenas & arterias. Respondeo quod sicut uenenum, solam uim multiplicat absq; substantia aliqua, illam tamen primò communicat spiritibus ac sanguini, quorum medio totum postmodum inficit corpus, ita de uirtutum. Merito enim agentis, id est testium, sola uis multiplicatur: merito modi producendi per sanguinem & spiritus.

ca. 15. in initio

cap. 17.

CONTRADICTION XVII.

Semen an animatum: an spiritus animatus: an utrunq; à toto decidatur. Semen an nutriet. Pullus an ex uitello oui.

Aristoteles secundo de Generatione animalium de semine loquens iam proposita questione an uiuat, hæc habet: Semen habere animam & esse potentia palàm est. Propius autem ac remotius idem à seipso potentia esse potest, ut Geometra dormiens remotior quàm uiuigans, atque hic contemplante iam. Secundo autem de Anima inquit, non est id potentia uiuens quod anima caret, semen autem potentia est corpus quod uiuit: exponit Auerroës, intelligit quod quia dixerat in animæ definitione potentia uitæ habentis, quod hæc potentia non est illa, qua semē est potentia uiuens: nam semen est potentia uiuens, quia potentia corpus quod uiuit: hoc autem & fructus non habent animam. Et potest formari ratio manifesta sic: Corpus animatum potentia uitam habet, sed semen non est potentia uitam habens hoc modo, quia est solum potentia corpus animatum, igitur semen non est animatum. & ideo bene dixit Auerroës duodecimo primæ Philosophiæ: Virtutes igitur quæ sunt in seminibus quæ producunt animata, non sunt animata actu, sed potentia, sicut domus quæ est in anima ædificatoris, non est domus actu, sed potentia. Et rursus, quasi exponens subsequenti Philosophi uerba in secundo de Generatione animalium adducta Auerroës septimo primæ Philosophiæ inquit: Formans uirtus non agit nisi per calorem qui est in semine, non eo modo

cap. 1. in fine.

t. c. 10.

com. 18. satis post medium

com. 31. iux. f.

modo ut hæc uirtus in illo calore sit, ut anima in calore naturali: sed est ut intelligentia in corpore cœlesti. In his omnibus patet quòd semen non habet animam, nisi in potentia remota de qua nulla est quæstio. rursus, secundo de Generatione animalium quærens Philosophus quomodo animæ corpori adueniant, inquit: Animam igitur uegetalem in feminibus, coceptibus scilicet nondum separatis, haberi potentia statuendum est non actu, priusquam eo modo, quo conceptus qui iam separantur, cibum trahant, & officio eius animæ fungantur. Principio enim hæc omnia uitam stirpis uiuere uidentur. De anima quoq; sensibili pari modo dicendum est: atq; etiam de intellectu. omnes enim potentia prius haberi, quàm actu necesse est. Et Auerroës in Paraphrasi inquit: Semen enim uidetur excrementum alimenti, non autem res animata: nec uirtutem habens nutritiuam in actu, tandem concludit quòd in semine solum relinquitur calor, qui effingit animam, ex uirtute quæ est similis arti, quæ proficiscitur ab intellectu separato, qui est alius à primo Motore declarato octauo Physicorum, & hæc uirtus cœlestis est: quam intellectus ille calori largitur sine instrumento corporeo. Sed in oppositum uidetur esse quòd spiritus est animatus, seu animam habens: & etiam quia semen nutritur. augetur enim quod concrefcit in utero ante generationem cordis, ut etiam Hippocrates confiteri uidetur, & non à uirtute membrorum: igitur à uirtute seminis. igitur nutriendum uirtus, & ideo anima in semine ipso est. Et hæc est sententia Auicennæ & illius ratio ad hoc ostendendum. quam etiam Auerroës illi tribuit. Nunc autem ostendamus spiritum esse animatum, unde protinus sequitur semen animam habere. Aristoteles igitur secundo de Generatione animalium post ea uerba quæ superius adduximus, quærens quidem corpus illud proportionem habens cum elemento stellarum, quod animæ coniungitur, respondet non igneus, sed naturalis calor. cum igitur anima sit cum calore naturali, & hic in spiritu, ut ibi dicit, manifestum est animam esse in spiritu. Galenus quoq; quartodecimo de Usu partium, inquit semen ipsum totum uitali spiritu plenum est. Et autor libri de Spermate, sed hic Galenus non est, ait: semen emittitur completum & animatum. Ipse autem Auicenna cum dicit quod subiecta sanitatis & ægritudinis sunt membra uel spiritus, subiecit postmodum uirtutes in spiritibus ipsis sunt. & alibi: spiritus secundum Aristotelem recipit principium primum & animam primam: ex qua aliæ profluunt uirtutes. Et duodecimo suo de Animalibus, dum factus est esse primum instrumentum sensus. Et rursus, Galenus in libro de Usu respirationis, uult spiritum esse primum animæ instrumentum. Accedunt non leues his rationes, atq; prima Philosophi in secundo de Generatione animalium, omne quod fit, ab aliquo tali actu existente fit, animal

cap. 3.

2. de Generat.
animal. cap. 2.
in principio.lib. de natura
fœtus, fol. 1.
16. de Anima-
libus, cap. 1.In Paraphr. 2.
de gener. ani-
mal. c. 2. pag. 2cap. 3.
cap. 9. in fine.

cap. 1.

prima primi.
doc. 1. cap. 2. in
fine causæ for-
malis.

Doc. 6. c. 4.

animal sensitium ex semine fit, igitur semen actu est sensitium. Altera est sumpta ex dictis Principis dum uult rationem reddere uertiginis: inquit enim, Et quando uoluuntur spiritus, uidetur homini quòd res ipse uoluantur: nam hæc inuicem æqualia sunt, quòd mundi partes aliter se habeant ad spiritus, & quòd ipsi spiritus aliter se habeant ad mundi partes. liquet igitur quòd spiritus sunt ipsum sentiens: addit enim illico, idem est seu sensatum seu sentiens moueantur. quod etiam in ebriis contingit. tertia problematum. Rursus extremum extremo non iungitur nisi per medium, sed animæ substantia remotior est à substantia membrorum, quàm spirituum: quare multi crediderunt animam esse spiritum. nullus credit esse caput, aut cor, igitur anima est in spiritibus potius quàm in membris. mouentur etiam spiritus undequaque, nec motus hic naturalis est, cum sit planè omnis talis ad certam metam circularis re-ctus uè, nec uiolentus. neque enim animalia sic haberent suum principium, relinquatur igitur ut sit ab anima quæ in ipsis sit. Galenus tamen oppositum aperte declarauit in septimo de placitis Platonis & Hippocratis dicens, seu anima corporea sit seu incorporea, ipsa in cerebri substantia non in spiritibus sita est. adducitque rationem uacuato ut in uulnere uentriculi cerebri uniuerso spiritu sicut concidit sensus ac motus, uacuata anima mori hominem necesse esset, quod tamen falsum est. Ratio hæc præter multiplicem solutionem quam recipit, etiam concludit oppositum. nam utroque uentriculo uulntrato ita ut exhalet uniuersus spiritus, homo moritur. igitur experimentum est contra ipsum. nisi uelit nos intelligere quòd uno uulntrato, dimidium animæ amittatur. omitto quòd in arteriis plurimus seruat, alius etiam qui sensibus delegatus est regredi posset, & sic anima denuo instaurari. ipse etiam spiritus qui animæ est fundamentum est in corde. Sed & si demonstratio hæc non ostendat, opinionem tamen Galeni qualis sit, aperte docuit. Sed sunt quatuor rationes ualidæ in oppositum: anima nutrienda est in membris, tum quia ipsa sunt quæ nutriuntur, tum quia plantæ carent spiritibus, sed ipsa continentur in aliis animabus sicut trigonus in tetragono, secundo de anima, igitur etiam sensitiua & intellectuua sunt in membris. respondeo quòd anima nutritiua est in spiritibus aut proportionali ipsis in plantis & eodem modo aliæ animæ: & licet membra nutrantur & augeantur, hoc ei euenit per calorem à spiritibus manantem, anima in spiritibus manente. & hoc ut dixi iuxta Auicennæ sententiam & ueriores opinionem. nam ut dixi Galenus uult quòd nutritio fiat in membris uirtute propria illis insita, non ex spiritibus prodeunte. Alia ratio est quoniam corpus & non spiritus accipitur in diffinitione animæ ab Aristotele data secundo de Anima. Sed ibi declarauit animam per notissima. neq; illi cu-

cap. 6.

cap. 5. in initio.

cap. 1. in fine.

prima tertii
trac. 5. cap. 1.

problem. 9.

fol. 2.

t. cap. 31.

t. cap. 6.

in princip. *ræ fuit ut distingueret corpus à spiritu. Rurfus Philosophus in primo de Plantis cum declarasset opinionem Anaxagoræ, Empedoclis & Platonis, qui uoluit plantas defiderare, nam multum nutrimentum ad fe trahunt: inquit non defiderant quia non lætantur nec contriftantur. huius indicium eft quoniam primo non habent difcrimen eius quod fugiant fequatur ue. Secundo quia non sentiunt. apparet autem utrunq; quia non habent instrumenta nec motus nec fensus. & hanc ultimam rationem declarabat fecundo Cœli dum probat fidera non moueri cum careant motus instrumentis. Sic igitur de fpiritibus pari ratione, non habent instrumenta fensus neq; delectantur aut triftantur, igitur non sentiunt. Rurfus non habent instrumenta motus, igitur non mouentur. Refpondeo quòd ifta argumenta tenent de plantis & fideribus quia funt unum totum, fed fpiritus funt partes: & ideo fufficit quòd id cuius funt partes, id eft animal habeat instrumenta. dico etiam quòd lætantur & contriftantur, quia habet animam. non tamen ineft fensus in actu quando funt in femine feperati, fed uirtus fentiendi fopitur, remanente ui nutriente in actu ut apparet ex demonstratione adducta Auicennæ. hoc autem tenemus de mète etiam Philofophi, non Auicennæ folius. Galeno parũ in hoc tribuo, quia quæftionem folum obiter tractat non ex propofito. Nec tamen ualet illa ratio, mouetur ad omnem partem, igitur animã habet, fufficit enim quòd ab anima impreffionem receperit: nam & ferrum à magnete contractum ferrum trahit, nec tamẽ animã magnetis aut fubftantiã habet. fic fpiritus poffet imperio animæ parere, anima autẽ carere. Concludo igitur animã & uitã plãtę inefle feminibus omnibus, inditioq; eft quòd breui corrumpuntur. Verum animaliu feminibus, etiã anima fenfitiua fed quafi fopita ineft. ideoq; fpiritibus. Hoc uifo quærimus an ex toto decidatur femen? Hippocrates in libro de Semine in initio dicit quòd uenæ, arteriæ & nerui ex toto corpore in pudẽdum tendunt, atq; ideo pinguiſſimum humidum quòd eft in toto corpore, ad renes prius uenit, inde per tefticulos in uirgã donec emittatur. huiusque cauſa in coitu totum corpus delectationem fentit. & in fine libelli inquit in mutilatis pars quæ ad mutilum pertinet membrum debilis effunditur, quo fit ut aliquando integri quandoq; mutili ex mutilis euadant infantes. Ariſtoteles quoq; quarta Problematum quærit cur clunes & oculi maxime in uenere patiantur, reſpondendo autem inquit oculos tendi dum femen ex cerebro aut aliud emittitur. itaq; ex cerebro atq; aliis partibus decidi putat. Clarius cum rationem afignat cur uenerea res adeò delectet. Dicit enim femen uel ex toto deciditur ut antiquorum quidam exiſtimauerunt, uel faltem uenæ ex uniuerso ac meatus omnes in partem illam tendunt. Firmiter autem hoc inferius declarat cum docet cur maxime imbecillis fiat homo ex uenere, inquit quia*

t. cap. 50.

in primis uerbis.

probl. 2. probl. 16. probl. 22.

ex

ex toto corpore semen ipsum prouenit. aliter autem necesse esset partes aliquas nihil pati quòd experimento aduersatur. Auicenna quoq; hæc habet: Et mihi uidetur quòd semen non sit ex solo cerebro, imo ex omni membro principali illius fons & ex aliis etiam refudet. nec totum est ex cerebro ipso, quamuis in illo concoquatur. & quamuis uideatur tribuere Hippocrati quòd senserit ex cerebro decidi tantum, non tamen ausus est hoc pronuntiare. Et recte, nam Hippocrates (cum superius adducta auctoritas uideatur esse Polybii ex Græca inscriptione) in libro de Aëre & aquis dum de Macrocephalis agit inquit. Semen ab omnibus corporis partibus prouenit. Ideoq; ex caluis calui oriuntur. In secundo etiam de Generatione animalium, inquit Philosophus quòd semen ipsum mouetur eo motu quo totum corpus augetur, omnes partes illius potentia continens. Præter rationes autem duas ex Hippocrate deductas alias etiam subiicimus. nam ut ostensum est animali castrato totum corpus uitiat, hoc autem non contingit nisi quia testes ipsi non amplius uirtutem influunt in corpus uniuersum. hæc autem uirtus non est nisi attractio seminis. immiscetur enim semen alimento membrorum cum non trahitur, ipsaq; tota immutat ac uitiat. quare à toto corpore decidi illud necesse est. Rursus omne quod potentia tale est, ab aliquo quod tale actu sit fieri necesse est. Semen est uniuersum corpus potentia, igitur tale actu, id est, à quo deciditur, non est autem corpus uniuersum actu nisi totum corpus, à corpore igitur toto deciditur. Philosophus etiã primo de Animalium generatione adducit quatuor rationes quarum duæ primæ ex Hippocrate sumptæ sunt, tertia etiam, cum dicat quòd nulla ratio potest assignari cur filii patri assimilentur in uniuersis corporis partibus, nisi fateamur à toto etiam corpore semen decidi. Quarta est quòd uelut totius corporis semen totum est principium, sic partium corporis partes seminis: hæc igitur à consimili corporis parte genitæ sunt. Adducit autem exemplum de Chalcedonio puero, qui cum pater in brachio ex punctura uestigium haberet, consimile licet & minus euident in brachio habuit. Sed hanc sententiam Aristoteles paulò infra explodit singula singillatim excutiens. Quod enim inquit similes sunt parentibus filii, non ostendit semen ipsum ex uniuersis partibus decidi. Nam & uoce & pilis & motibus filii parenti similes sunt, nec tamen semen ex uoce pilis ac motibus deciditur. Adde quòd similes sunt etiam in his rebus quæ nondum patri inerant, ut in canitie celeri, caluitie, & barba. Redditur etiam post plura genera similitudo ut in Elide, cum mulier ex Aethiope concepisset filiam peperit candidam, illa autem filium peperit Aethiopi similem, uel igitur semen primum nigredinis causa fuit, oportuitque filiam nigram esse, uel si non nepotis nigredo aliam habuit causam. Quarta ratio à stir-

uigesima ter-
tiii tract. i. cap.
3. in fine.

fol. 5.

cap. 3. in fine.

cap. 17.

cap. 18.

pibus sumitur quæ de truncis ramis insitæ arbores tamen procreant perfectas, & cum fructum non ferant tunc, neque tulerint, generant tamen fructiferas. nec si fructum habeant, tamen ex fructu semen deciditur. Rursus ait, si semen ex toto deciditur uel ex omnibus partibus similibus tantum, uel ex instrumentis, uel ex utrisque. Si ex instrumentis solum, non ex toto neque uniuersis partibus deciditur. Si autem ex utrisque, bis ex eisdem generabitur, nam instrumenta ex similibus partibus constant. ut manus ex carne, neruo, osse. Si igitur ex osse & carne & neruo atque ex manu, cum manus non sit nisi neruus, os, caro, bis ex osse, neruo & carne semen decidetur. Si autem ex similibus siquidem figuram non habentibus, figura non poterit seruari in filio, quare nulla erit similitudo, neque enim est quod ordinet. Si autem figura ipsa ac partium adest distinctio: genitus erit antequam generetur. Erit enim semen homo paruus, quo fit etiam ut animalium semen ex hoc iuxta Aristotelis sententiam dicere sit necesse. Nam aliter ratio non ostenderet. Subiicit etiam quoniam si partes illæ simul sunt: erit semine animal. si diuisæ, uiuere non potest semen. Sexta ratio est quod foemina à patre gigni non potest, cum pater utero & uulua careat. si autem ab utroque semen deciditur, generabitur androgynus: qui & hermaphroditus dicitur, utroque semine suum sexum afferente. Si etiam ex toto secedit semen foemina absque uiro poterit generare. nam uim habebit semen illud membrorum omnium, cum habeat & conceptaculum uterum, nihil ei ad generationem deerit. Octaua ratio illius est quod si non sanguis ex sanguine, nec caro ex carne, sed aliquid potentia, tale actu autem dissimile fecernitur, necesse est ut superflua sit hæc ab omnibus membris separatio. Cum ex uno tale potentia omnibus conueniens segregari possit. Nona si tale actu est, quomodo in utero à sanguine matris augebitur? cum sanguis talis non sit. si autem solum potentia est, non indiget ut à toto decidatur. nam similitudo quæ potentia est, etiam ab uno membro pro toto corpore potest effingi. Quædam etiam animalia ex dissimilibus uel ex nullis prorsus gignuntur ut muscæ ex putredine, ut uermiculi ex papilionibus. quod si semen ex toto prodiret essent uermiculi illi papilionibus similes. Vndecima accedit ratio quod non semper mutili ex mutilis, tum maxime si casu oculus effossus sit, aut pes abscissus, gignuntur. at hoc prorsus erat necessarium. Est etiam inquit impossibile quod in plantis hoc fiat. nam motu uno generantur omnes fructus ac semina, at si ita esset una secretione fructus unus, alia deinde alius, atque ita singillatim singuli fructus singulis ex toto secretionibus fierent. at hoc falsum est, simul enim eduntur, augentur, ad perfectionem ueniunt ac maturescunt. etenim si dicas singulis cremen-

tis

tis ex toto decidi materiam: uel tota feretur ad unum, quod experimento falsum est: uel in uentre arboris diuidetur: atq; sic erit ut perfectus fructus non autem seminis pars, aut fructus, quæ multis augetur diebus. Demum & est ratio tertiadecima, quædam animalia sine seminis effusione gignuntur, ut cartilaginea tertio de Animalium generatione, & testacea, quædam enim illorum coitum absoluunt foemina in masculum genitali immittente, clarius hoc declarauerat etiam in primo de Generatione animalium. quare tandem inquit, non ex cunctis partibus, sed ex creatrice tantum uirtute, neq; ut à materia, sed ut ab agente semen deciditur? Causam uerò uoluptatis refert in pruriginem, quæ toti tunc accidit. non esse autem ob secretionem indicat, quoniã frequenti utentes coitu, minus delectantur, cum tamen secretio maneat, sit etiam in fine coitus: at necesse esset si ex secretionem fieret in initio potius aduenire. aliisq; ante alias partibus. quod scilicet procul à membris genitalibus aliæ distent, aliæ illis proximæ sunt, cum tamen ubiq; simul contingat, hoc delectationis genus. dicit igitur semen esse excrementum ultimi alimenti utilioris, atq; ideo dicit, potentia est ad omnia membra, unde problematis affert eam adducti solutionem, cur eo emisso uniuersum corpus patiatur: nanq; cum esset paratum toti corpori alimentum, quod mirum si eo substracto etiam corpus uniuersum patiatur. hoc igitur modo decidi semen, iuxta Aristotelis sententiam intelligendum est, ut scilicet parata res transmutationi in singulas corporis partes semen uocetur. causam similitudinis diluit, sed nobis hîc locus non est. unum solum sufficiat, ut Aristotelis sententiam ab his diuersam decima Problematum explicemus. inquit enim quod semen à cerebro maxima ex parte deciditur, quod ab Hippocrate sumptum uidetur in lib. de Ossibus, dum dixit maxima seminis pars ex medulla spinæ effunditur. & in libro de Locis, in homine uenæ post aures præcisæ infœcundum reddunt hominem. Sed Aristoteles ex aliorum opinione ibi loquitur, quoniam, ut dixi, ex corde potius semen, quam ex cerebro decidi putat. est enim cor potentia omnia reliqua membra, non cerebrum. Aduersatur igitur Hippocrati Aristoteles: neq; enim Hippocrates ad illum sensum retrahi potest, cum uelit decisionem hanc à toto similitudinis illius esse causam quam filii referunt, ad parentes. Sed & Auicēna quintodecimo de Animalibus uidetur subscribere Philosopho, propriam seu negligens sententiam, seu quod Paraphrasim quandam Aristotelis ibi conficit. Iacobus Forliuensis quatuor adducit rationes præter eas quas Philosophus adduxerat contra Hippocratem: prima est quod si semen ab uniuerso corpore decideretur diuersarum esset partium, sed hoc Hippocrates non negaret. Secunda quod in superfluo coitu

cap. 7.
cap. 11.
cap. 16.

Vigesimiprimi quartæ partibus.

Proble. 56.

sol. ultimo.
in initio.

cap. 2.

In Quest. 36.
2. Artis med.

etiam sanguis emittitur, igitur ex sanguine semen procreatur. ad hoc Hippocrates fatetur etiam ex uenis materiam seminis aduenire. tum maxime necessitatis tempore. latere autē in sanguine ut in rubro alba latere solent. Tertia quod trahunt uasa seminis secundum genus proprium: cum igitur sint ex uenis & arteriis trahent sanguinem, non autem superfluum membrorum. Responderet Hippocrates quod hoc eis contingit testiculorum causa. atq; ea de causa testiculi principium in generatione præstant. quia illis præcisus solus sanguis ad uasa trahitur, non autem excrementum tertiæ coctionis. Quarta, quod pingues parum seminis emittant, quia à uenis decidunt nam pinguibus modicus inest sanguis, secundo de Temperamentis, si autem à membris multa materia superesset. Eadem ferme quæstio est de spiritu an ex toto decidatur, uerum ut recte inquit Philosophus, cum spiritus agens sit, minimè necessarium est, ut ab omnibus partibus decidatur. Qui enim semen ex toto prodire affirmarunt ipsum materiam etiam geniti constituebant. Galenus autem in primo & secundo de Semine, docet uasa feminaria ex emulgentibus inde illas ex magnis uenis, rursusq; illas ex uniuersis uenis, uasisq; trahere semen. Et in quinto de Simplicibus medicamentis inquit, semen ex superfluo bono alimenti conficitur. uidetur igitur existimare quod tale superfluum in uenis magnis contineatur. inquit enim in sextodecimo de Partium usu lac & semen ex sanguine exactè cocto generantur. in uasis autem ex longinquo deductis ac multis cum circumuolutionibus, ut perfectam transmutationem assequi possent. Quò fit, ut nihil secretum ex unoquoq; membro Galenus existimet. Neq; enim oportebat imò, nec erat opportunum diu permanere in uasis si à membris decideretur. nam quantò diutius maneret, eo minus esset aptum generationi. amissa magna ex parte ea qualitate qua ab initio membra singula referebat. Quinetiam huius rationem declarat in eadem disputatione, cum inquit: Incisis his uasis supra sanguinea apparet materia, & quantò magis uersus testiculos descenderis, eo candidior uidetur. dealbatur enim in uasis, quare si alba esset ab initio, non satis aptè iterum in sanguinem uerteretur, ac denuo dealbaretur. Sed uoluptatis illius causam in serosam sanguinis partem refert. ob id, inquit, emulgens sinistra ex caua deriuatur antequam ad renes perueniat, unde semen sinistri testiculi serosius redditur ac frigidius. Dicimus autem nos quemadmodum in scabie, si prohibeamur scalpere uniuersum corpus usq; ad cor molestia afficitur. atq; è diuerso, si contingat acrem illum humorem extrudi, tranquillitas quædam toti accedit corpori: quanquam humor scabiosus haud ex toto corpore ad locum illum descendat, sic in uenere uoluptas ob excretionē uniuerso corpori accedit, quamuis quod excernitur, non ex toto descendat. imò tunc ne ulla quidē

pars

cap. 4.

cap. 17.
cap. 2.

ca. 23. post pri.

cap. 10. post
medium.14. de Vfu.
cap. 10. & 9.

pars, sed à glande sola quæ in penis radice posita est. Concluditur tandem à Galeno, quòd semen ipsum ex syncero sanguine qui ex magnis uenis deriuatur constat. Atq; iam cum Aristotele concordat quod ex excremento optimo alimenti, quòd non ex partibus membrorum, sed ex sanguine ipso, quòd ex toto quodam secretum non autem ex singulis partibus conficiatur. Sed tamen hac in parte Hippocratem Galenus nimis manifestè relinquit. Sed sic difficile est proculdubio experimenta seruare, nisi dicamus, quòd testiculi attrahunt à singulis membris non materiam illam, sed uim generandi quam in materiam communem sanguineam concoquendo imprimunt: atq; ita à toto ut Hippocrates uult semen deriuatur, nec tamen seminis materia, sed forma tantum. seruaturq; illæsa Aristotelis opinio tum Galeni ac experimenta. Solum illud ambiguum relinquitur, quomodo ex ultimo alimento si ex sanguine generatur, cum non sit sanguis ultimum alimentum: respondeo, quòd ob id dicitur ultimum alimentum, quoniam iam in uenis paratum erat transmutationi in membra: at dum conficitur, testiculi trahunt quod uestigium iam accepit membri. membrum enim in sanguinem in illo contentum agit. ob id auulsis testiculis mutatur totum corpus, ut iam dictum est. sed hoc dilucidius explicabitur, dum de similitudinis causis dicemus. A carne autem an etiam decidatur satis ostensum est quòd sic, sed tamen minus efficax. Iuxta id dubitatur an semen ipsum si retineatur nutriat. quod semen ipsum nutriat testiculos & uasa seminaria hoc abunde in libro de Semine priore demonstratum est, illo generali præcepto quòd unaquæq; pars, primo sibi: deinde alijs nostri corporis partibus concoquat. Sed quæstio est, an totum corpus nutriatur. atq; in hoc uidetur difficultas triplex. prima, quia si est alimenti excrementum, quoniam pacto alimentum esse potest: secunda, quòd iam ulteriorem in uasis concoctionem receperit, atque etiam regredi ex illis ac distribui ipsum oporteret in uniuersum corpus. tertia, quòd senes quibus modica est restauratio semen habent, igitur ut in pueris si in alimentum transire posset, & ipsi illo carerent. At oppositum patet in pueris, unde Aristoteles in Problematibus, & Galenus, fatentur seminis materiam in alimentum in illis transire, ob id neq; effundunt, & si effundant, læduntur. pinguescunt etiam plurimi à coitu abstinentes. Ex eisdem etiam nutrimur quibus generamur, dicebat Galenus in primo de Semine, cum autem generemur ex semine, iuxta illius sententiam, ideo etiam nutriemur. Validiores etiam sunt senes à coitu abstinentes, & uacua tunc habent uasa semine: quare, si superfluum esset solum alimenti, quemadmodum in alijs excrementis, abstinentibus à uenere senibus noxa potius quàm robur accederet. Igitur ex semine iam peracto nemo nutritur, nisi secundum eam partem, quæ ad uasa illius, & testiculos attinet.

9. de Vsu par.
cap. 4.

ca. 17. in prin.
3. Virtu. natu.
cap. 17. & 12.
in princ.

4. Problem. 11.
subobscurè in
sinuat.

cap. 17. in fine

attinet. ex feminis materia antequam ad testiculos trahatur proculdubio. neq; enim, ut reliqua excrementa, sic excrementum est, ut non possit esse alimentum. quod et si manifestius, iuxta Galeni sententiam, quod ex illo ex quo generamur, etiam nutriamur, in Philosophi autem uia non generemur ex illo, sed ex sanguine menstruo: attamen & iuxta illius sententiam, semen in alimentum transit, quia antequam semen fiat, sanguis est. porro ex sanguine generamur, iuxta illum: igitur, utroq; modo, seu sit materia generationis, seu non: feminis materia in alimentum transit, his qui à uenere abstinent. ob id lethale est diutius à uenere abstinuisse, iuxta senium: deinde ad illam reuerti. quod nos in pluribus uxorem post longam uiduitatem ducentibus obseruauimus. pars enim iam membrorum restaurationi delegata absumitur. & membra tamen maxime principalia in eam decidunt iacturam, de qua dictum est Artis curatiue duodecimo. At obiter illud in dubium uertitur, quod Hippocrates dixerat in libro de Pueri natura, scilicet pullum ex oui uitello generari, cum dicat Philosophus tertio de Generatione animalium, pullum oui generari: uitellum autem oui esse illi alimento ut crescat, uelut in Viui parisi lac ipsum. huic sententiæ suffragatur Auerroës in Paraphrasi, & ipsa ratio cum experimento. Sed tamen pro Hippocrate sunt rationes etiam. Semen enim maris in uitello est, non in candido oui: palam autem illud esse quod fingit pullum. Dicit etiã quod respirat, per meatus corticis aëre deducto, sed sic par est, potius pullum ex albo, quod cortici hæret, constitui. Aristot. autem hanc opinionem, quod pullus ex uitello gignatur, alatur ex candido, quæ, ut dixi, Hippocratis fuerat Alcmaënoi Crotoniati ascribit: ueritus forsitan proauum suum, seu tritauum Hippocratem damnare, uirum haudquaquam etiam si pietas non obstaret, talia merentem: tametsi in uno aberrasset. Igitur hic concordia non opus est, nisi dicamus exteriora quidem membra ex candido generari: interna, ut iecur ac cor ex uitello: quod etiam color ostendit in utrisq; partium consimilis & genituræ masculi locus. Nempe difficile est cor imaginari deductum ex oui candido, non solum ob colorem ac genituræ magis locum, sed ob ipsius cordis situm, qui in medio oui est, ubi & uitellum. quare & Aristotelis, & Hippocratis sententia satis uidetur probabilis. partem tamen uitelli alimentum esse necessarium est, eo quod intus constitutum sit. at alimentum intus esse debet: nisi forsitan & ipsum per umbilicum trahatur. at & umbilicos fateatur Aristoteles, quamobrem & sic candido ali pullus posset. ut uero Galeni placita sequamur quandoquidem in uiui parisi non omnia ex sanguine generantur matris, sed etiam alia membra ex masculino semine, alia ex foemineo: sic pullum ex genitura maris fieri, tum ex uitello & albo consentaneum est. Cor igitur ex maris semine, sanguinea membra ex uitello, ossa

nerui

cap. 5.
iuxta finem.

cap. 2.

lib. 3. cap. 2. in
princip.

nerui, cartilagines, membranę ex candido, atq; ita meo iudicio resse habet.

CONTRADICTION XVIII.

Fœmineum semen an generationi necessarium ut materia: an ut agens.

Masculinum an ut materia. Causa similitudinis in sexu an Calor

& siccitas. Causa similitudinis filiorum cum parentibus an seminis

uictoria. Semen calidum & siccum an fecundius. Cur semen in

animalibus factum: fœmina an uiro calidior.

Semen fœmineum ingredi generationem dubitat Philosophus primo de Generatione animalium, ac coarguit. Hoc primum fundamēto: quod menses in fœmina proportionem habeant ad maris semen, ex ultimoq; sanguineo alimento decidatur utrunq; . argumento primo est quod eadē ætate ferme semen ē maribus menses ē fœminis effluant. Deinde quod ætate confimili, id est, in senio finiantur utraq; . Et quod eisdē symptomatibus societur illorū initia, mutatione uocis, māmārū tumore. Sed & fœminæ cum fluunt rite menses nec mariscis nec varicibus nec sanguinis ē naribus profluio capiuntur facili. Cumq; mulier obscuriores uenas habeat, & palleat magis mare, totoq; corpore minor sit, palam est tandē menses esse superfluū ultimi alimenti in fœmina, non secus quā in mare genituram. Non igitur aliud semē habet mulier, neq; par est, inquit, ut duo sint eiusdem rei ultima excremēta. Eadē ratione docemur semen esse excrementum ultimi alimenti, quodq; si pinguedo, quoniā & ipsa ex quodam simili non tamen uere tali excremēto fiat, abundet, semen deficiat, indicio est si menses uerē excrementū sint in mulieribus, nullum prorsus mulieribus semen inesse. atq; ita quæstio de muliebri semine unaq; inanis est, scilicet an ingreditur generationem ut agēs, an ut materia, neq; enim ullum tale semē datur. Proxima huic ratio est, sine uoluptate cōcipit mulier, sed serosa illa substantia sine uoluptate non effluit, igitur sine muliebri seminis effusioe fit generatio. nō igitur tale semē erit generationi necessarium, uel ut materia uel ut agēs. Quod si effluat ac delectetur mulier in coitu, generatio nō fit, nisi menses fuerint moderati, at hoc erat necessarium ubi fœmineū semē generationē ingrederetur. quippe causis existētib; ut sit protinus effectus necesse est. Quarta ratio est, quod etsi emittant dum coeunt fœminæ, uoluptatēq; capiāt, nō tamē ea parte emittūt semen, sed foras ubi & testiculi illarū iacēt. Cumq; in animalibus nō sanguineis nulla prorsus sit emissio, nec in sanguineis ouiparis nec in his qbus uterus hēret septo trāsuerso, & tamē sit generatio, cōstat semē fœmineū nō esse generationis partē aut causam. Tāgitur & secūdo de Animalium generatione alia ratio, nō par est eiusdē rei duo esse principia secundū idē causæ genus, at genitura uiri efficiēs, mēses materia, itaq; genitura fœminæ nullas par-

cap. 19.

cap. 20.

cap. 40.

fol. 1.

kk tes

tes implere potest. Atq; eodē modo haud par est idē duas præbere causas, foemina igitur materiā præbete, nō præbebit effectricē. subiicitur & octaua ratio si quoquomodo foemineū semē generationē ingrederetur, duorū alterū cōtingere necesse esset, uel ut sine mare mulier per se posset cōcipere, uel sine mēsis, at utrūq; falsum prorsus esse cernitur. nā si uim haberet effectricē cū mēses pro materia mulier habeat, quid prohibet uirgines nō generare. Vltimū est argumētū, quòd in seminibus semē ut agens concurrat solū, & quod in semine cōtinetur ut materia quædā, quæ ut deficit, ex terra postmodū semē mutuatur alimētū. Hæc inquā ille. Sed Galenus secūdo libro de Semine adducit unā rationē quod utile sit semē in generatione, qua uasa seminaria ante coitū in mulieribus repleta inueniuntur, post uacua igitur excernitur semē muliebre in coitu. dicit secūdo nō solū excernitur sed in matricē ipsam eiicitur. Hoc probat experimēto mulieris uiduæ, quæ cum diu cōtinuisset semē, ob idq; passa foret symptomata cōuulsioni similia, p̄ titilationē in uulua factā excreuit semen foras, crassū & pingue cū uoluptate simile ei quæ in coitu pcipitur. Ideoq; multæ mulieres libidinofæ habēt mēbra uitrea similia uirilibus aqua plena, quibus impositis uulua, nō secus ac in coitu deliciatur emittūtq; semē. quòd si semen non intra uterū emitteretur ē uulua, nequaquā posset egredi: cōstat igitur quòd in coitu mulier & semē emittit, & in ipsum etiā uterū. Dicit Galenus hoc cognito tribus de causis hoc semen emitti potest, uel ut fiat ex eo foetui inuolucrum, uel ut nutriat quoquomodo uirile semen, uel ut placuit Hippocrati in libro de Natura infantis dicēti: Si genitura quæ ab utrisq; exiit in utero māserit, primū quidē cum mulier ipsa non quiescat, cogitur ac crassā euadit, post etiā à matre spiritū concipit. Deinde ubi spiritu repleta fuerit, foras per genituram ipsam spiritus erumpit. atq; sic uicissim quòd in utero est perpetuo spiritū trahit atq; emittit, trahit autem ob calorem. Hæc Hippocrates pueri nobis prima generationis initia docens tradidit. ex quibus liquidò nimis manifestum est quod Galenus dicebat Hippocratem sentire, quòd semen muliebre foetus ingreditur generationem. Ergo Galeni hæc prima ratio est contra Athenā, tum etiā Aristotelem. Sola materia non est sufficiēs principium assimilationis, sed menses sunt materia tantum iuxta Aristotelis propriamq; nostram sententiam, igitur foetus propter mēses solos non potest assimilari matri. Sed assimilatur quandoq; ut experimentū docet, igitur oportet aliquid præter menses à matre ipsa decidi in foetus generatione quod efficientis uim habeat. tale igitur semē foemineū erit. Et quia Aristoteles & Athenus affirmabāt materiam esse causam ipsius similitudinis, exemplo sumpto à feminibus quæ translata degenerant in secunda aut tertia satione, & animalū quæ perpetua mutatione in foeminæ tandem speciem uertuntur.

Ideo

cap. 1.

in princip.

Ideo Galenus dicit istud non est uerum quantum ad speciem ipsam spectat, sed solum ad speciei qualitates. nam arbor persica in Aegyptū translata in aliā speciem non degenerauit, sed solum ueneni qualitatem amisit retinuntq; formā. Ad hæc diceret Philosophus quod uidemus hoc in aliis plantis ut Theophrastus in quarto de Plantarum causis generaliter primo deinde de lino quod in lolium uertitur, & tritico in tiphā; clarius etiā in secundo de Plantarū historia tiphā in triticū uertitur, & triticum in lolium, nec non hordeo & tritico uicissitudo est, ut alterū in alterū mutetur, tum sisymbriū in mentam. & ex arboribus mutuo mutantur olea & oleastrū, punica dulcia & arida, caprificus & ficus, tum ficus candidū fructum emittens cum ea quæ nigrū. At maius hoc est discrimē dicit Philosophus quā maris & foeminæ. Neq; enim sexus mutatio speciei mutatio est, quin tu diceret Aristoteles Galene facis masculū à foemina calore solo differre. Alia rursus Galeni ratio est quod agit aut dat formā exactā aut non, sed à materia exacta fit tum maximè in delineationibus. Si primum, omnes foetus erunt patri similes nihil cōferēte materia, si secundū, omnes erunt matri similes, cum menses à sola matre impartiantur. horum neutrū cum eueniat necesse est prorsus fateri, aliquid etiā à matre decidi cuius uictoria alterna modo matri modo patri modo utrisq; similes efficiantur filii. Inde subiicit, perabsurdū est posse fieri ut si solū semen paternum agat, ut non ad amussim efformet filiū patri similem. quod si modo deficiat fortuitō à patris forma declinabit, non quod in matris formā degeneret. uelut si Polycletus statuam effingat aut qualem efficere uoluerit delineabit, aut imperfecta & absurda delineatio relinquetur, non luto ex quo efformatur similis. Ad hæc Philosophus diceret materiam naturālē ab artificii materia differre, quod iam in plantis & animalibus ostensum est. Sed de animalibus diceret Galenus accidere hoc merito seminis foeminei, non autem ipsorum mensium. Quare ut dixi in plantis uis inest ut cum non utuntur materia exquisitè idonea ut in proximam formam degenerent. sic masculus in foeminam uertitur reluctante mensium materia. indicioq; est foeminam casu quodam fieri quod ferme omnes uirob; & ingenio à mare multum deficiunt. Quod non esse posset, si solum ob uictoriam foeminei seminis contingeret. Captio autem est ac sophisma cum dicitur uel ex materia uel ex agente exacta habetur similitudo. Nam ab agente tantum habetur similitudo, uestigio tamen eo relicto in mensibus, ut si quicquam deficiat ad actionis perfectionem, in formā matris degeneret. Sed solum hoc pro Galeno relinquitur quod est quod delineet? nam tu, dicit Galenus, ô Aristoteles delineationem ipsam ab aliquo agente fieri concedis. nec ob agens uis esse menses, nec potest esse paternum semen. Tum Philosophus ad hæc, quid igitur uel auo uel pa-

2. de generatione animal.
cap. 4. post princip.

cap. 1. & c. 6.

c. 5. & etiā 4.

- truo aſſimilabit, cum nihil ſit ab his quod in formam foetus continendam
- cap. 3. agat? Reſpondet autem in eodem ſecundo libro de Semine Galenus Phi-
loſophi rationibus ſed haud omnibus. Sed ei primum, quòd ſi uis in fœ-
mineo ſemine eſſet, oporteret aliquando fœminam ſolam poſſe per ſe
cap. 4. generare, ergo dicit Galenus poſt propoſitam quaſtionem ac multa uer-
ba primum membra ipſa genitalia in fœminis teſtes ſcilicet & uafa facta
eſſe ad coitus deſiderium, oſtenditq; hoc ſuum exemplo tum etiam in pri-
mo libro, quæ ex ectæ pingueſcunt, ut mares etiam caſtrati, ab appeten-
tiaq; coitus deſtituuntur non ſecus quàm illi, non tamen per ſe fœminas
generare, neq; enim genituram eſſe fœcundam, nec tamen ob id fore ſu-
perfluam generationi. Ergo primam utilitatē præbet ſemini maris quod
ipſum ſpargit humidius exiſtens ac liquidius: ſecundam quod illud nu-
trit. tertium quod membra quædam efformat non magis hæc quàm illa,
ſed immixtū maſculino ſemini illa effringit in quibus præualet. Vt uero
cap. 5. lib. 11. in
initio. hoc oſtendat ſic inquit: partes ſeminis quæ primo ei aculantur ualidiores,
craſſiores ac magis concoctæ, pòſt ſecundo loco eiectæ imbecilliores ac te-
nuiores atq; ita deinceps. ſi igitur ex ultimis gratia exempli efformetur
cap. 10. facies, in illis ſemē muliebri præualebit, fietq; caput ac facies matri ſimil-
lima. quartam utilitatem declarauit in primo libro dicens, quòd ex ſemi-
ne matris inteſtinalis membrana quæ infantem circuntegit generatur.
Cum enim prima quæ foetum integit uocetur amnios, extima quæ utero
craſſior hæret aliudq; quàm mēbrana Chorion, mediā inter has inteſtina-
lem Galenus uocat. Sed ſi diligētius rem uis intelligere, quā à Galeno ex-
plicitur, qui totā hāc hitoriā trāſcribere obſcure uiſus eſt, atq; ſub erro-
ris timore inuoluere. Veſalium libro quinto de Humani corporis fabrica
cap. 17. conſule. Igitur ob calorē deficientem negat Galenus fieri poſſe ut fœmina
per ſe concipiat. oportere enim illā recrementū multū generare quo nu-
tritur infans, nec hoc efficere poſſe niſi frigidā habeat intemperie. quā-
obrem ſemen id erit iuſto frigidius nec generationi aptū. Negaret autem
mulieres abſq; uoluptate poſſe concipere, niſi forſan ob dolorem ut dum
deſlorantur uirgines aut ob metum uoluptas non ſentiat. Sed poſtquā
Galenus ut uideo parum ſe in hoc tuetur, alias ego addam rationes. Si nō
eſſet ſemen fœmineum generationi neceſſariū, eſſet potius impedimēto:
quo fieri neceſſe eſſet ut plures conciperēt abſq; uoluptate quàm cum ea,
quod manifeſte ſenſui repugnat. Secūdo muli qui ex tauro generātur dē-
tes habent ſuperiores, & tales cū ex ſemine fiāt, nō poſſunt à ſemine tauri
generari, cū taurus ſuperioribus dentibus anterioribus careat. nec à menſi-
bus q materia uicē ſubeūt, igitur ex ſemine matris. In libris autē de Vſu
lib. 14. cap. 7. partiū totā hāc ſentētiā tribus uerbis explicauit. Semen habere fœmineū
uim aliquā efformādi clare apparet in hypenemiis ouis, quæ ex toto reli-
quis quæ ex cōcubitu maris nata ſunt aſſimilātur. nec tamē aliqd tale eſt

in hominibus, nam mola sine cōcubitu fieri nullo modo potest. uerūm et si semē foemineum aliquid ad generationē conferat, non nisi tamē masculino immixtum, ita ut masculinum primo moueat, foemineū autem aliquam leuem uim ad formationem habeat, nihil tamen per se. Auerroës autem secundo Collectaneorum, & primo de Generatione animalium in Paraphrasi declarat quasdam Philosophi rationes ac diligentius ut primo illam quod foemina posset sine masculino generare. nam si dicas, inquit, non generat, quia feminum mixtio necessaria est, dicit ille, mixta hæc habebunt rationem materiæ, quare etiam formam erit necessarium inuenire. & sic uterus formæ uicem subibit. Superaddit unum, quod Philosophus non dixit eo modo quo Auerroës interpretatur, scilicet, in quo mulier concipit femellæ semen effluere. Adducitur autem subtilis ratio ad hoc ab Auerroë quæ talis est: si generatur caro ex sanguine, & nerui, & uenæ ex semine matris, neq; enim actiue concurrere potest, quod & Galenus fermè fatetur, essent enim unius rei duo actiua principia, alia uerò membra ex patris semine, essentq; hæc membra similia, etiam in generatione priora instrumentis. Et sic animatum ex inanimatis componeretur, ut uolebat Empedocles. Ad hæc Galen. diceret, uel loqueris de tempore, & sic non est necessarium ut similia præcedant composita, quamuis & Philosophus ipse faciat cordis generationem præcedere generationem aliorum membrorum. Si uerò de natura loqueris omnino concedere congeris similia membra præcedere composita. Dicitq;, si semen muliebre est semen, non sunt menses: si menses, igitur non semen. si utrunq; igitur alterum superfluit. Galenus ad hoc respondet, quod non oportet negare apparentia sensui ob rationes sophisticas, sed concessis apparentibus quærere rationem. Concedit autem Auerroës facta esse membra in mulieribus similia uirilibus ad generandum semen, aut serosam partem generationi tamen inutilem, sed solum delectationi. Contra hoc instat Galenus, ex ceteris testibus in foemina tota permutatur, ut mas castratus, igitur testiculi habent uim manifestam in foemina, ut etiam in mare. Ad hoc dicit Auerroës quod habent uim magnam, ut tamen in oculo talpæ solum deest una pars parua, ut aranea membrana, propter quam prorsus oculus ille non est oculus, quia non uidet, ita in testiculis mulieris ac seminariis uasis, una modica res est, per quam solum generat serosum humidum, non autem semen. Solum illud uellem intelligere ab Auerroë & Philosopho, quid est, cum disputatio sit de corporis forma quod det formam ouo hypenemio? cum non sit ibi mas: & si dicunt quod materia, igitur materia se effingit. Propterea Philosophus concessit in secundo de Generatione animalium quod corporis forma à materia procedere potest: sed utinam docuisset ipse uel eius expositor Auerroës modum.

c. 10.
c. 4.1. de Semine
cap. 16.

ca. 4. post pri.

Ideo Galenus dixit, quòd forma oui, non est forma generati, sed materia, ac feminis: nec potest hoc modo sine maris semine fingi animal, imò nec mola, & hoc quia non uidebatur semen in auibz foeminis, igitur hæc uictoria est in magno fluctu. Nam hypenemia fiunt sine semine maris & foeminæ, & tamen sunt similia onis prolificis in totum: ideo dicit Galenus, quòd non sunt primum intentum à natura, sed pullus. At dicit Aristoteles, Sufficit mihi quòd absq; semine potest dari forma in substantia, & etiam in figura & delineatione. Dicit ad hoc Galenus, quòd cùm Gallinæ in coitu delectentur, habent autem testes, aut aliquid illis simile, & uasa semen generantia. Alteri rationi Galeni Auerroës respondet, quòd propositio illa effectus communis duobus fit ob causam communem in illis duobus inuentam, uel intelligitur in eodem genere causarum, & sic non est generalis, uel in diuersis, & sic est generalis. nam si dicas, Cõmunis est causa efficiens, falsa est, non enim mater ut efficiens concurrit: si autē dicas, Est aliquid commune in matre & patre, quod potest assimulare, uerum est: & in uno est efficiens, in alio materia. Quia igitur menses deciduntur à sanguinis ultima concoctione ipsi continent potentia omnia membra, cùm igitur semen masculinum non uincit, in illis generant partes similes matri, ex quibus postmodum totum uidetur ad matris similitudinem delineatum. Sed Galenus ad hoc diceret, Istud non sufficit, quia delineatio est opus ueri agentis & non materiae, primo de Facultatibus naturalibus dicebat clarè, Substantia ad materiam pertinet, delineatio & forma ad aliam uirtutem. Addit unum experimentum Auerroës quod per se concluderet si uerum esset, scilicet quòd ab initio embrio totus est sanguineus sine ulla distinctione, sed hoc diceret Galenus falsum est, & ideo potius oppositum concludit. Dicente Hippocrate in libello de Natura foetus: quod pars extrema quæ membrana erat candida fuit: igitur oportuit ex aliquo illam candido generari, & non ex sanguine, igitur ex semine maris aut foeminæ. & quanquam intus rubrum totum apparet, diceret Galenus (quod & uerum est) album nec syncerum nec multum latere in rubro multo atq; syncero: breui tamen apparere etiam feminalia membra, & illorum substantiam. Auicenna uerò dixit, quòd membra formantur à foeminino semine, & quòd ipsum concurrit fingendo etiam & ut agens, sed tamen cùm prius uim à masculino semine receperit. Et ita facit semen uiri ut formam primam, menses ut materiam, semen foemineum ut instrumentum quoddam. uisus est autem medius inter Philosophum & Galenum, & ob id ab Auerroë reprehenditur. Sed alibi dixit, quòd semen foemineum est semen imperfectum, & medium inter menses & semen uiri: & ideo semen uiri agit in semen foemineum. respondet rationi Philosophi dicentis, quòd aliquæ mulieres concipiunt absq;

cap. 5.

in principio.

uigesima tertii, tract. 1. c. 3

15. de Animal. c. 3.

absq; emissione proprii feminis, dicit, quòd primò potest aliquando emit-
 ti absq; delectatione. Secundò, quòd tale semen potuit esse effusum ante
 coitum: & sic mulier non potest concipere absq; effusione proprii femi-
 nis. nam ipsum est materia generationis membrorù & mediũ inter men-
 ses & semen uiri. & interim dum formantur membra ex semine foemi-
 ne, sanguis mensium paulatim transmutatur ad naturam seminis foemi-
 ne, & ad corporis substantiam inde, ac membrorum seminalium. quod
 autem transmutari non potest, efficitur caro: excrementa autem expel-
 luntur. Addidit autem unum, quod inveniuntur ova quæ carent albo, &
 habent semen masculi, & quod ex his pullus generatur. Sed cum album
 oui referat foemineum semen, uidetur hæc ratio potius contra Auicennam.
 & ideo, ego lego potius cum negatione, & talia ova non generant.
 Neq; enim auctor unquam ubi uerbo tantum sensus deficit culpari de-
 bet. Nam si uelis affirmatiuè legere præter id quod contradicit dictis ab
 eo, non est etiam uerisimile, quandoquidem uix possit de hoc sumi cer-
 tum experimentũ. & tantò magis quod in superiori Contradictione ostē-
 dimus, oui album esse membrorum seminalium, uelut & in mulieribus
 foemineum semen, materiam constitutionis: igitur oui candidum feminis
 materiam referat, luteum mensium, genitura genituram uiri. His uisis
 ostendo semen foemineum esse generationis partem agentem, ut enim di-
 cebat Philosophus in secundo de Generatione animalium: si quod ex c. 4.
 uulpe & cane fit ineat canem: ac rursus genitum canem foeminam, tan-
 dem dicit corpore canis exquisitè euadit: quoniam corporis forma à ma-
 tre efficitur. si igitur corpus habet canis, aut etiam operationes, aut non. si
 operationes habet uulpis, contradicit his quæ dixit in primo de Anima. t. c. 53.
 nam nihil prohibet fieri transitũ animarum ex uno corpore in aliud ut
 uolebat Pythagoras Samius, quãdoquidem anima uulpis erit in corpore
 canis. Si uerò habet animam canis ut consentaneũ est, & ratio docet & ex-
 perimentũ ostendit, cum pater primus uulpes fuerit, atq; ideo anima pri-
 migeniti uulpis, atq; ideo secũdi, necesse est tandem ut dicas formã & ani-
 mam sicut & corpus ab ipsa matre contractã ac immutatam. igitur mater
 ipsa effectiue concurrat, ac non solum corporis, sed etiam animæ causa est.
 quandoquidẽ uidemus pueros non solum forma, sed etiam moribus ple-
 runq; matribus similes fore. quare necesse est tandẽ fateri semen foemineũ
 in generatione ut agens concurrere, quod est propositũ. Nec in omnibus
 animalibus, eadẽ enim esset captio quæ de testiculis, sed solum in perfectis
 animalibus in quibus mater semẽ eiicit. Sed & ut materia quòd ex mem-
 brana circumgenita illi genituræ ab Hippocrate uisa demonstratur. Illud
 solum superstitiosum uidetur quòd Galenus ex tribus mediam illam in-
 testinalem elegerit, cum nec rationi consonum, nec demonstrari possit ar-
 gument

gumentis uel experimento. Sed ad Philosophum redeo: Forſan dicet animam producti animalis aliam eſſe ab anima canis ac uulpis, & ſi ita eſt, uel ſemper mutantur, eruntq; duæ animæ adhuc canis, & illius animalis formæ ſimilium corporum, id eſt, caninorum. & ſpecies animalium infinitæ, quod prorsus naturæ repugnat. Vel dicemus, quod à primogenito eadem ſeruatur ſpecies, quanquàm neutra, nec canis, nec uulpis: palam autem eſt quod & ſic corpora eadem à diuerſis animis reguntur. & quod ex commixtione duarum ſpecierum tertium genus non producit. Hæc itaq; atq; alia ex his abſurdiora ſequentur. Rurſus, ſi ſemen foemineum generationem non ingrederetur, caſtratæ foeminæ concipere poſſent. at non poſſunt: ſic enim experimento deprehenſum eſt eas non minus maſculis ſteriles euadere.

Ex his habentur quædam corrolaria non inutilia ex Ariſtotelis ac Galeni ſententia: primum, licet mulæ non concipiant, muli tamen poſſunt generare. eadem enim ratio de his ac uulpibus procreatis à cane foemina & maſculo uulpe, licet facilius parua generent animalia quàm magna. Secundum, hinni ſunt animoſiores mulis, quia hinnus ab equo & aſina generatur, & mulus ab aſino & equa. muli autem hinnis maiores erunt atq; robuſtiores. mulæ tamen non generant, ut autor eſt Ariſtoteles quoniam uterq; parens à ſterilitate parum abeſt. Tertium, filii tauri & equæ, ſunt ualde robuſti atq; audaces: aſimilantur enim patri. Quartum, pro generando multum conſert, quod protinus mulier menſes finierit. Nam ſiccus uter ſcit ne foemineum ſemen à ſanguine corrumpatur. Sed ipſum foeminæ ſemen tranſit illico in foetus ſubſtantiam: atq; interim ſanguis ſenſum accedit, nec fit menſum impetus antequam confirmetur genitura. Quintum, ſi mulieri multum fluant menſes, in ipſo fluxu iuxta finem facile concipiet: ſic enim quantū oportet relinquitur. ſi autem parum, antequam effluant. quædam autem concipiunt in ipſis menſibus, quibus os uteri à purgatione concludi ſolet. retinetur enim ob hoc ſemen iniectum purgationis tempore. quod ſi morentur ocluſo utero, non concipiunt. ob id pauci cum uxoribus, ob temporum omnium occaſionem, non concipiunt. niſi uitium in mare ipſo fuerit. Sextum, iuuat igitur plurimum ad concipiendum ut foemina prius ſemen emittat ante marem, atq; illico mas ſequatur: ſic enim ad cornua uteri ſemen maris annectitur: facileq; nutritur foemineo, inde concreſcit. Septimum, ſemen foemineum concurrit ut agens, debile tamen. præbet autem materiam membris feminariis, neruis, uenis, arteriis non totam, ſed commixtam maſculino. fiunt etiam ex utroq; ſemine duæ interiores membranæ circumambientes foetum, extima uerò ab illis ac ſanguine. Sed dubium eſt, an maſculinum ſemen ut materia quædam concurrat: uidetur hoc quæſiſſe Ariſtoteles

2. de Generat.
animal. c. 6.

1. de Generat.
anim. cap. 19.
iuxta finem.

teles ac breuiter pertransisse his uerbis. Hoc inquam genituræ semen dissoluitur, in spiritumque uersum euanescit, cum naturam humidam ac aque per similem habeat. Quamobrem querendum non est an semper foras exeat, neque an pars ulla sit formę constitutę, ut neque de succo à quo lac cogitur, queri tale quid conuenit. Nam is quoque mutat, & nulla pars constitutę magnitudinis est. Huic sententię hæ rationes suffragantur. ouum generat pullum, & semen quod in eo est, exiguum adeo est ut nemo iure dubitare debeat, quin ipsum non sit materia aliqua membrorum. In cartilagineis quoque; ut iam dictum est, nihil in foeminam mare immittente fit generatio, non igitur in illis materia ex mare subministratur. esset etiã idẽ efficiens ac materia, imo duæ materię corporis, imo tres, semen foemineũ menses & semen masculinum, atque hæc compago inartificiosa, & non naturalis. Adducunt in oppositum quidam experimentum Hippocratis in libro de Natura foetus, ubi in sex diebus uidit membranam albam circūductã, quare cum illa ex sanguine gigni non possit, relinquitur ut ex semine maris: sed hoc non cõcludit, nam posset ex sanguine etiã gigni, & ex semine foemineũ ut censet Galenus. Igitur Galeni prima ratio in primo de Semine habetur, animalia & mulieres si concipiunt retinent semẽ, & si non retinẽt nõ cõcipiũt, necessaria igitur est genitura masculi ut cõceptus materia. Responderet Philosophus, quod retinetur, sed in spiritum cõuertitur. Contradiceret Galenus cum aqua in aërem uertitur, ampliorem occupat locum, quare fieret uterus spiritu plenus, quod tamẽ non cernitur. Ad hæc Philosophus posset dicere, quod uel insensibili modo paulatim spiritus foras exit, uel semen ipsum superfluis immiscetur atque cum illis unã foras eiicitur. Contradiceret Galenus uel sanguis ille menstruus permutat in uenis, & sic non indigeret seminis uirilis uirtute, uel extra uenas: & sic euaderet trunbus & res sine forma. Ad hoc Philosophus diceret quod uirtute seminis primo in uenis post extra sensim immutatur. Rursum diceret Galenus si resoluitur semen, igitur generatio est uiolenta, quia imbecillior perpetuo actio euadet, agẽte corrupto ex parte donec totum finiatur. Responderet Philosophus ad hoc quod duobus modis actio ualidior sit procedente tẽpore, primo quia ex spiritu spiritus genitiuus efficitur, ut etiam in ignis propagatione, unde copiosus spiritus ad generationem magis facit. Secundo quia materia ipsa magis est præparata: ideo à debiliore agente magis tamen immutatur. Galenus ad hoc diceret si spiritus gignens ex alio gignitur, nunquam cessabit hæc actio in corpore. Responderet Philosophus quod cessat quia adeptus est finẽ. Alia Galeni ratio, natura nihil frustra agit, sed materia seminis cum sit tenax & candida est aptissima generationi neruorum & ossium, igitur non debet illã cõsumere ut ex sanguine producat postmodum hæc membra. Ad hoc diceret

Philosophus quòd natura non facit nisi ea quæ potest, sed quia semen concurrit actiue, ideo non potuit esse materia, quâuis fuisset melius hoc si esse potuisset. Ad hoc Galenus diceret quid prohibet quemadmodum in seminibus plantarum, ne duæ sint partes spiritus generas & semen quòd sit ut materia? Nam & triticum sine terra producit germẽ, nec incouenit materiam esse agẽti iunctã, bene esse non potest ut agẽs & materia sint idẽ, quia idem ageret in seipsum. Ad hoc Philosophus diceret quòd postquã uidemus quòd sanguis cõuertitur in neruos: neq; enim possent ex solo semine in tantã crescere magnitudinẽ quòd prohibet ne statim ab initio ex sanguine nerui & ossa procreentur. Quod uero de seminibus adducatur exemplum. Responderet semina arborum gerere uim maris ac fœminæ simul, ideoq; partẽ illã quæ germinat mēstrui sanguinis uicẽ subire. Causa autem quòd semen plantæ contineat naturã fœminæ & maris est, quia non poterant simul congregi cum motu carerent. Adducitur alia ratio in primo de Semine mēbra feminalia uocata ut os & nerui præcisã nõ regenerantur, sed q̃cqd ex sanguine generatur præcisum ex sanguine regenerari potest ut de carne apparet, igitur ossa & nerui ex sanguine minimẽ generantur. Assumpta propositio habetur in sexta Aphorismorum. Hic inquam Philosophus reflecteret argumẽtũ, si non regeneratur os quia generationis materia deest, igitur etiã nutritionis, quãdoquidẽ ex iisdẽ quibus generamur nutrimur. Ideo diceret Philosophus quòd uocantur feminalia à similitudine, tenuior enim ac purior sanguinis pars ex toto à femine euicta in illius similitudinẽ transiens ossa & neruos effingit. causa autẽ quare non regenerentur hæc membra in hoc libro iam declarata est. Rursus semen est materia utilis & naturæ dilecta, sanguis mēstruus est excrementum, igitur mēbra ex femine magis quàm ex illo sanguine fiunt. Hic Philosophus respondebit semen esse nobilius, est enim agens; uerum sanguis mēstruus est superfluum ratione indiuidui, non autem fœtus. Quædam enim sunt minus utilia nobis ut lac in mulieribus, quæ tamen sunt præstabilissima. Est & nostra ratio: Semen uel cogitur trahens aut non trahẽs, aut quocunq; modo contingat non cogitur. Si ab initio nihil trahit manifestũ est prima membra ex femine ipso generari. Si autem trahit ab initio ac cogitur, adhuc manifestum est ex femine ipso aliqua mēbra generari. Si non cogitur & diffluit continuo uniuersum, nulla prorsus fiet generatio, cum neq; sit agens. Rursus igitur quod solum reliquum est maneat & nõ diffluet nec cogatur, aut igitur sanguine non impletur atq; sic generatio erit ab exteriori agente non naturalis. Si autem impletur aut non euanescit atque sic partes corporis ex femine constabunt: uel tandem euanescit postquã opus absoluerit, & tunc à quo fit hæc resolutio non à calore cum sit humido coniunctus. & etiam quia pars terrea resolui nequit, aliter ut

cap. 11.

aphor. 19.

trac. 3. cõtra-
dic. 9.

declaramus, daretur retrocessus in ætatibus. Et etiam in generatione & nutritione quælibet pars partis fluit & refluit. Alia ratio nostra est quòd homo non nutritur ex semine perfecto ut superius docuimus, cum sit alterius speciei ab eo quod erat præparatum nutritioni membrorum, sed ex eisdem nutrimur ex quibus generamur iuxta Galeni sententiam, igitur non generamur ex semine tãquam materia. Et sic uidetur opinio Aristotelis adhuc stare. Responderet Galenus quòd generatio fit ex actu tali & nutritio ex potentia tali, modo illud quod nutrit est semen imperfectum & potentia semen generas, igitur nos generamur ex materia seminis. Pro Philosopho etiam facit argumētum Auerroës de semine foemineo quod deducit ad Empedoclis absurditatem. Turisanus in artis medicæ expositione sequutus est Philosophum in utrisq; quæstionibus, existimās quòd foemineum semen non concurrat, quia magis concurreret foemina masculo duplici materia & uno præterea efficiente, sed hoc nihil est, nobis concedentibus quod plus confert foemina ad generationem pueri quàm mas. idè etiam assimulantur magis matri quam patri. unde adagiū. Vxorem talem accipe qualem optaris esse filium: nec tamen principalius concurrat, cum mas sit primum agens. Sicut & Sol principalius concurrat ad plantarum generationem illarū semine, cum nulla sine solis uirtute multæ sine semine generentur, nec tamen plus sol in plantarum generatione confert uirium quàm semen. atq; ut generaliter dicam hoc in omnibus agentibus quæ ordinem habent accidit. Eodem modo quia dicit semen putrescit in terra fit plantę generatio, non ex semine nisi ut agente ita in animalibus. Respondeo assumptam propositionem esse falsam. quinimo solus seminis cortex euanesceat, quod intus est in plantæ primordia absumpto. Cum autem dicat quod idem esset principium cum parte effectus, iam dixi principiū esse spiritū, partem autem facti semen. Dico igitur quòd semen masculinū ingreditur generationem ut materia, solo spiritu generante ut efficiēs iuxta Galeni mentē. Nam uel efficit totū semen uel solus spiritus: si totū erit aliquod animatū homogeneū seu simile, imo quod erit nutrimentū & excrementū. Si uero solus spiritus, oportet ut materia seminis non sit frustra. Diceret Philosophus quòd est ad contēperandū spiritū: sed hoc non sufficit, uidemus enim quòd natura semp generat materiā proximā agēti, ut lac in foemina pariente, & primū subiectū generationis in semine plātę. igitur prima actio, ut nō sit cū contrariū est spiritus seminis in suā materiā, ut maximè generationi, & impressioni aptā. et hoc modo agit etiā in foemineū semen ultimo in sanguinē menstruū quē interim præparauit. & hæc est ueritas ipsius rei. facile est his quæ in oppositū adducuntur respondere. Sed iam grauius urgemur nempe Galenus secūdo Virtutū naturalium inquit, semen maris opificis naturā habet, sanguis autē foemineus,

lib. 2. de testibus agens.

*talem esse accipiem
endam oportet
qualem optamus
esse filium.*

cap. 3.

aphor. 14. post
initium.

cap. 2.

uigessimapri-
ma tertiitrac.
4. cap. 1.

lib. 16. de ani-
mal. c. 1. post
med.

aphor. 15. post
princip.

cap. 2. in prin.

ubi supra.

differentia 36.

In paraph. 1.
de generatio-
ne animal.

ut cera quædam ad Phidiâ comparata materiæ uices subit. nam et si ossa, nerui, cartilagines, mēbranæ atq; alia eiusmodi exanguia sint, omnia tamē ex sanguine ipso sunt genita. Et rursus prima Aphorismorum substantia innati caloris nostri uelut & seminis ærea est & aquea, reliquum autē nostræ generationis principiū sanguis mēstruus, ex quo uidetur hunc materiam generationis illud efficiēs existimasse: cum calor naturalis nō possit proculdubio esse materia. & primo de Tuēda sanitate cum dixit: Sanguis semenq; genitale generationis nostræ principia sunt: ille ceu materies apta, hoc uero ut opifex. Et Auicenna dixit, odor seminis uiri tantum ingreditur generationem iuxta Philosophi mentē, uelut etiā in ouis prolificis uidemus in quibus post absolutionē à mare ros solū quidā aduenit. esset etiam generatio auctio quædā cum principiū mutationis esset in eo quod mutatur. apparetq; id in artibus, ubi nunquā artifex est pars facti. Verum ut dixi, neq; ueritas est propter hominē relinquenda, neq; sensus ob rationē, nec autoris opinio ex his quæ obiter tractat exploranda. Nam & Auicenna alibi fatetur semē masculinum partē esse foetus, & Galenus dum hæc ex cōposito tractat edocuit. & ratio ipsa ostendit ita esse. Vnde etiā prima Aphorismorū inquit, tria sunt quæ substantiā nostri corporis ab initio complent, Sanguis, spiritus, semen, ex quibus ab initio ut in libro de femine dictū est, mēbra nostri corporis solidiora cōstituuntur: & rursus secūdo de Temperamētis inquit, cōstitutio nostri corporis sanguine ac semine ab initio cōstat. Sed Auicenna existimat quod spiritus seminis agat in semē, & cōuertat in ipsum ppetuo, et hoc modo semē masculinū sit pars foetus, nec euanescat, nec sit materia. & quod Philosophus hoc crediderit. quā opinionem sequitur Conciliator. Sed præter id quod non sequitur ueritatē, nec apparētia, cū sic natus esset semp in moribus patri similis, neque hoc Philosophus dixit, nec etiā Auerroēs illi tribuit, habet etiā duas rationes cōtra se: prima quia spiritus ille semp generaret cū sit agēs naturale. nā esset spiritus similis illi qui est mutatus in testiculis. & sic non posset pficere foetū, aut si pficeret generaret etiā. Secūda quæ difficilior est, q̄ posset spiritus generari sine corde. hoc autē est impossibile penitus: cū non possit esse alibi tātus calor. adducit etiā Galenū in manifestā cōtradictionē. Cū igitur dixit Galenus q̄ ossa & nerui & talia sanguine constāt in libro de Virtutibus naturalibus, uerissima dixit, nec ulla ex pte iam dictis repugnātia: siquidē maxima illorū pars ex sanguine mutato genita est. sed nō potuisset mutari sanguis ab initio, si nō fuisset prima illorū generatio ex semine. Dicant mihi quæso cur sit quod ossa ab initio cū foetus est minimus sunt rubicūdiora, successu autē temporis dealbantur. hoc nō est nisi quod pars quæ ex femine cōstat tēporis successu quod sibi adiectū est, sibi assimilat perfectē. at oportebat si ibi non erat semen contrarium euenire.

Sed

Sed iam dicamus, cur senum filii maximè patribus similes sunt: quia raro coeuntes multum seminis emittunt, quod quanquam debile sit, molis tamen ratione membra efficit similia patri. at si sola uirtus maneret, similiores essent filii iuuenum, cum robustius semen sit. ob hoc ad generationem multum refert, ut raro pater coeat.

Nunc modò uidendum est, cur filii masculi euadant. Hippocrates Aphor. 48. quarta Aphorismorum inquit, foetus mares in dextris, foeminae in sinistris magis, Galenus exponens dicit, quoniam calidior est uteri pars dextra, eo quod iecori uicinior. semen quoque à dextro effusum testiculo foeminae, utpote repurgatum à serosa parte calidius est: ut ex dissectione factis constat. & in sexto Contradictentium declarauimus. Hanc igitur sententiam Hippocratis Philosophus quarto de Generatione animalium cap. de Vtero. cap. 1. in prin. Anaxagoræ ipsi tribuit. Alia opinio eodem recitante fuit Empedoclis, quòd uterus calidus masculos, frigidus foeminas pareret. esse autem calidum uterum, uel ob iuuentutem, uel ob menstrui sanguinis naturam: contrariis rationibus frigidum. Tertia Democriti ut uictoriam feminis sequantur. Vincente masculino masculus, foeminino foemina oritur. Contra hos Philosophus inuehitur: nam saepius uisum est in geminis, masculus in sinistra, & foemina in dextra uteri parte. saepius etiam masculus & foemina in eadem uteri parte, quam masculus in dextra, foemina in sinistra. nec hoc Hippocrati contradicit, dicenti, quòd magna ex parte. Sed neque Empedoclis ratio stare potest cum in eadem parte uteri, ut dictum est, mas ac foemina generentur. Si igitur pars illa calida est, non potuit foemina, si frigida mas generari. plus etiam uidetur mas à foemina differre, quam sola caliditate. Democriti autem sententia si uera esset, oporteret masculos patribus, foeminas matribus semper esse similes. Neque etiam uerum est quod Leophanes dicebat, à teste dextro masculum, à sinistro foemineum semen decidi. ob idque obligato sinistro testiculo semper masculos progigni. hoc enim experimentum refellit. Quinta opinio Philosophi est in qua praesupponit: primo, quòd mas foemina sit calidior: refellitque opinionem Hippocratis dicentis, quòd mulier uiro calidior est, quia sanguinem habet calidiorem. alii dixerunt, quia sanguine magis abundat. primum Philosophus ipse negaret, nam tenuior est sanguis foeminae ac aquae magis persimilis quam uiri. abundantia uerò sanguinis excrementitii calor ostendit imbecillitatem. in qua sententia etiam Galenum habet consentientem. Dictum uerò illud in libro de Mulierum morbis Hippocratis non est. Nam ut testatur autor libri de Semine ipse etià condidit libros de Morbis muliebribus. quare liber de Morbis muliebribus, ut dictum est Polybii, aut etiam forsan, ut quidam existimant, Herophy- fol. 2. li. Cuiusvis modo sit, non est Hippocratis. Igitur uincente semine mascu-

2. de Semine
65.

lino, inquit Philosophus, mas qui per se à natura intenditur, generatur. ubi autem non euicerit foemina. est enim foemina mas oblaesus: & contraria illi. ob id cum in cordis generatione uicerit masculinum semen, masculus generatur: si autem non uicerit, in contrarium mutatur, id est, foemina. Ista responsio non uidetur satisfacere, quoniam oporteret ut masculus esset similis patri, & foemina matri. Item non datur agens fingens membra foeminæ. nec potes dicere quod masculi membrum solum deficiat perfectione à membro foeminæ, cum dissectio ostendat, quod in utero sunt multa quæ non sunt in membro uirili. Et ideo hæc ratio etiam militat aduersus Galenum, qui posuit quod causa masculi & foeminæ sit ex calore. dicit ille, natura primò absoluit membrum: deinde protrudit illud foras frangendo septum, uelut in ortu infantis. genito igitur membro uirili intus si calor deficit, non protruditur foras, sed intus manet, atque ita uocatur uterus. Si autem calor uiget, exit membrum uirile & fit masculus. Similitudo habetur à talpis quæ habet oculos paulò uitiatos, ac ab aliis deficientes animalibus. Ista ratio est persuadens, sed non demonstrans. primò, quia nullo modo possumus fingere animal quod habeat uterum per similem membro uirili quomodocunq; inuertatur. nam testes in mulieribus sunt extra scrotum, seu uterum: in uiris autè intra. Deinde, coles ipse solidus & uterus est inanis ac tenuis. nec potest calor esse causa. contrariū enim potius efficeret. dilatat enim calor. & si dicas, quod inuertitur in exeundo, oporteret ut scrotum esset magis remotum à pectine, quàm coles. in multis etiam animalibus est magna differentia inter membrum uirile & foemineum. Quod si dicas, quod aliquo modo differunt, quærendum est igitur, cur natura ab initio membrum uirile formauerit, & non foemineum. Si dicas, quod ob calorem, istud contradicit Galeni placitis. Si dicas, quod à uirtute formam dante: igitur ubi calor deficeret, aliqua mulier haberet uterum cum testiculis intra, & ubi abundaret post constitutionem uteri exiret uterus cum testiculis extra scrotum, quod tamen nunquam uisum est. Alia igitur opinio fuit auctoris libri de Semine scilicet, quod tam semen masculinum quàm foemineum haberet uim generandi masculos ac foeminas: si igitur uincit pars perfecta ex utroq; semine partem imperfectam, efficitur masculus, si imperfecta foemina. & hoc modo uincente masculino semine fit foetus patri similis, foemineo autem matri. & ita perfectio seminis est causa masculi, & foeminæ imperfectio, sed uictoria seminis est causa similitudinis. Ista opinio non est uera, quia masculi essent omnes foeminis præstantiores, quod falsum est. uidemus etiam aliquos bonæ temperaturæ qui generant foeminas & imbecilles masculos, & etiam cum frequenti coitu. Pro horum igitur solutione respondeo, quod masculus est calidior foemina, quo ad membra generationis, ut declaratum est. nec obstat quod foeminæ cum uterum

exierint sint celerioris incrementi, & celerius ad ueneris usum perueniant masculis. primum enim est ob abundantiam humidi. secundum, quia semen foemineum illa perfectione non indiget qua masculinum. indicio autem est non esse ob caliditatem, nam celerius fiunt etiam impotētes ad generationē. & celerius longē senescunt masculis. Ratio autem mēstrui sanguinis, est quod non contraxerunt tantam caliditatem, id est, æquē perfectam in iecore, ob id transmittit, & etiam quia humidius est, ideo plus de sanguine generat. indicio est quod à suppressione mensium celerrimē transeunt in hydropem, natura non ferente tantam uim sanguinis imperfecti. cum igitur uirtus effingens membra generationis fuerit maior in femine masculino, generatur membrum simile masculo, quod si uincat pars seminis foeminei quæ delegata est generationi membri foeminei fiet foemina. si utrunq; semen par fuerit, cum non possint hæc membra esse similia ut in corde & iecore & pedibus generabitur Androgynus: habens utrunq; membrum. Et quia ad conseruationem foeminei seminis uterum generantis iuuat multum semen foemineum delegatum generationi iecoris ac cordis, ideo generatur hepar conueniens foeminæ, quod refecet multum de sanguine, & ita cor etiam proportionatum. aliter uincitur semen foemineum uteri causa aliquando à femine delegato coli generando, non merito eius, sed merito cordis, & tunc generatur homo audax, sed ad uenerem impotens. & si uincat semen foemineum uteri, & semen masculinum cordis & iecoris, generatur mulier moribus uirilibus, & carens menstribus, ac plerunq; sterilis. Nec minor, imò maior est differentia foeminæ à masculo in humido, quàm in frigido. Et ita hæc octaua opinio nostra omnia seruat apparentia. Et quia calor iuuat ad conseruationem uirilis seminis magis, ideo masculi, ut bene dicebat Hippocrates, fiunt magis in dextra parte quàm in sinistra, & à testiculo dextro quàm sinistro, & à calida & sicca testiculorum temperie, quàm à frigida & humida, ut dixit Galenus secundo Artis medicæ. non igitur malè dixit Galenus aut Philosophus aut Hippocrates, sed solū imperfectè. Constat igitur quod ad generationem multum confert ut mulier exiccet corpus, & uterum, comedendo phu & artemisiā per aliquot dies. purgatio etiam cum turpeto confert. & ideo plures steriles post morbos conceperunt. Eodem modo hæc conferunt ad generationem masculorum, & in coitu pendeat super dextrum latus, & illico complete post absolutam uenerem, mulier se super ipsum uertat. & hoc multi experti sunt, qui non poterant habere masculos filios. Iuuant & ad conceptū pulegium & scandix & castorei modicū. Sed & uenus à tergo iuuat multum ad concipiendum, teste Paulo. Ratio est, quod semen non tam facillè diffluit: neq; enim anterior uteri pars tot uenas excipit, sinuosq; uescæ ingressu ob-

cap. 39.

lib. 3. c. 74. in
ultimis uerb.

culum

culum fit: alii ob prauam imaginationē uehementior feminis ei aculatio.

Sed hic cadit dubitatio, an testiculi foeminae possint esse calidiores masculis: dico quòd non. tametsi possint in libidinem pronae esse magis ob ferociam partem & renum ac circumiacentiū partium caliditatem. quam perfectio seminis in masculo non fiat ob calorem, sed ob refractionem, & membrorum generantium formam atq; figuram. Caliditas tamen ac siccitas temperaturæ testiculorum ad generationem confert, cum talis temperatura crassum habeat semen, & sit foecundissima iuxta Galeni sententiam secundo Artis medicæ. Sed quomodo calor & siccitas cogunt? cum quarto Meteororum attenuent. propterea & sanguis qui in arteriis continetur, tenuissimus est. Respondeo, quòd concoctio increpascit ubi nulla fiat separatio uelut in semine. Sanguis autem arteriarum non est subtilis ob concoctionem, sed quia transit per septum cordis densum, dum ex dextro in sinistrum uentriculum trahitur. Sed maior exoritur difficultas: nam quinta Aphorismorum cum dixisset Hippocrates, quòd mulieres non concipiunt uel ob nimiam caliditatem, uel siccitatem uteri, Galenus in Commento dicit hoc idem uerum esse etiam de temperie testiculorum. Quapropter, inquit, oportet, ut Plato ait in Theæte, tunc tales mulieribus iungere contrariam qualitatem uteri habentibus. quomodo igitur calida ac sicca testiculorum temperies foecundissima esse poterit? Respondent quidam, quòd comparata ad uteros frigidos & humidos: ista responsio non satisfacit, quia hoc esset per accidens. Dico igitur quòd aliud est ratione qualitatū, aliud substantiæ. merito qualitatū, calidum, & siccum semen est infœcundum, ut habetur in auctoritate Aphorismi adducti. sed quia ad caliditatem & siccitatem testiculorum, sequitur seminis substantia densa & concocta, & spiritu plena: ideo tale semen his de causis est foecundissimum. Quod si postmodum in uterum incidat frigidum & humidum, nihil potest esse foecundius.

Aphorif. 62.
post medium
com.

cap. 2.

Superest modò difficultas, quonam pacto parentibus filii assimilentur. Galenus in secundo de Semine inquit, quoniam & menstruus sanguis aliquid agit, & semen masculinum aliquo modo & patitur, & materia est. age igitur, uincat masculinum semen, tunc patri assimilabitur: si autem foemineum, atq; cum illo menstruus sanguis matri. Sed satis mihi uidetur obiter tam difficile tractasse quæstionem, cum in aliis facilioribus tot uerbis utatur. Sed agedū ueritas illa sit: quomodo oculis patri assimiletur, naso matri, non explicat? & rursus, cur auo materno, ut ego qui Iacobo Miherio materno auo moribus, ingenio & corpore sum persimilis? at decebat, magis patri. uidetur etiam difficile, ut inquit Philosophus, hoc tueri nisi utrunq; semen ex toto decidi affirmemus. at non deciditur. Neq; si decidatur, fieri potest ut simul & mas sit & matri persimilis. Ergo
Philosop

Philosophus ipse tria supponit. primum quòd motus alii actu alii potentia unicuiq; insunt. Secundum quòd cum degenerant in contrariū abeūt. Tertium quòd in proximum. Igitur Socrates & hic homo est, & masculus, & homo & animal & uiuens. Si igitur semen sanguinem matris euicerit, procreabitur puer patri persimilis. Quod si paulo defecerit, paterno auo. si autem minus adhuc ualidum est patruo. tum uero si multum uincitur ut dictum est, foemina procreabitur. at si adhuc minus possit non ex humano genere sed solum animal, atque ideo monstrum. at si minus, uiuens tantum ut mola. At uerò quomodo mas matri similis aut foemina patri? Respondet motum qui à patre & ab uniuersalibus causis semini inesse actu: potentia autem qui à matre atq; auo. residet enim uis assimilans in matris sanguine ipsi matri, tum auo materno, atq; auix. & in femine patris potentia motus aui ac auix paterne cæterorumq; maiorum suorum. Cum igitur semen à proprio uigore destituitur, quòd potentia est agit ad assimilandum. formas enim plures ueritus actu ponere, potentiam finxit. uelut intellectiua quæ sensituiam habet ac nutritiuam. igitur in proximam formam mouentem transit, cum à ualidissima destituitur. earum autem formarum nullus est ordo ob id alii aliis similes efficiūt. At hæc Philosophi ratio dubia est: nam quomodo patruo similis efficitur? cum nullum semen potentia patru formam aut fratris contineat. Deinde quomodo referet quòd iam diximus pedibus & toto corpore patrem, delineatione autem uultus ipsa matrem? Tertio quomodo cicatrix patris uelut de Chalcedonio uiro dixerat in filium transibit? tum uerò quonam pacto si uicit semen ut masculus fiat, nunc etiam uictum matri aut alii assimilabitur? Deinde si non exciditur à partibus quæ iam consistunt, sed à nutrimento, unde illi causa similitudinis? an in corde totius corporis similitudinem contraxit? difficilia sane hæc & prorsus miraculis similia. Beneq; meo iudicio fecisse uidetur, qui tandiu solutionem quæstionis distulit. nam cum in primo libro eam mouisset in quarto soluit. Dicamus igitur quòd quilibet tam pater quàm mater constat ex utroq; semine suorum parentum. & in diuersis membris est utrius alterius uel seminis superabundantia. Cum uerò deciditur semen à patre, si quidem ualide omnes partes fuerint deciditur ualidum atq; filius patri assimilabitur. Si autem semen quod ex patre deciditur capiti pertinens inualidum fuerit, uincatq; ibi matris semen quoniam processu temporis paternum est debilitatum, cæteris autem in membris ualidū sit, generabitur puer aut puella similis patri in omnibus membris, solo capite auix paternæ assimilato. Quod si ex toto semen paternū quòd à capite deciditur debile fuerit, uincatq; uxoris semen, natus matri capite, cæteris in mēbris patri similis erit. Quòd si semen quod ex patris capite deciditur debile fuerit: patristamen

ac matris eius feminis uis ualida, natus caput simile patruo paterno habebit. Nam patruus caput ex paterno & materno compositum est, uel altero uincente. eodem modo si imbecilia omnia ex patre fuerint exinanitaque etiā in illo maiorum uirtus, natus pro membrorum ratione in quibus semen matris, aut patruus materni aui uel auia uincet persimilis erit. Sicut igitur in anima est uis imaginandi & ratio & memoria, & sensus, ita in corpore sunt multae formae, non solum natura sed loco distinctae. Velut cornu assimilatur in natura patri meo & auo paterno Antonio Cardano. & ita proauo facio alteri & atauo Aldo cum intercesserint ab illius ortu ad hanc usque diem anni c c x x. fuerunt enim omnes uiuacissimi, non tamen ut audiui forma similes. Sed dices hic relinquuntur quinque dubitationes. prima quomodo possit cicatricis uestigium transire ex patre in filium. & Hieronymus Cardanus medicus affinis noster habet in brachio sinistro uestigium nigrum pilosum in parte syluestri radii seu cubiti, quod contraxit ad unguem ab auo paterno Iacobo. Secunda est quonam pacto cum semen non decidatur à toto neque à partibus in actu, sed sit solum nutrimentum quomodo potuit efficere sibi simile? Tertia si masculus à masculo fit quoniam membra genitalia uincunt, oportet esse genitale filii semper simile genitali patris. Quarta quia si corrumpitur forma membri aut debilis redditur quomodo potest ibi esse forma feminis alicuius parentis ualida? Quinta quia poterit patruus nulli parentum suorum assimilari, & tamen natus patruo assimilabitur. Addunt aliqui ex quibus est Auicenna, quod ob imaginationem filii etiam alienis assimulantur. & adducitur exemplum de Iacob qui decipiens Laban socerum suum, quotiens uellet procreari agnos albos ponebat baculos decoratos ubi pecudes bibebant, nam ibi arietes cum eis coibant: nascebanturque agni non parentibus sed ligno quod pra oculis habebant dum concumberent persimiles. Et Philosophus dum reddit rationem cur minus filii hominum quam belluarum parentibus suis similes reddantur, in hominum imaginationem refert. Sed hoc responsum est secundum uulgi opinionem, ut pleraque quae in Problematibus continentur. Illa autem opinio ab adulteris inducta est: quippe cum impossibile sit tamen maxime si quid sit in patre praecipuum boni, aut perspicui mali, quin uel moribus uel membris aliqua ex parte filius non referat patrem. Quod uero attinet ad sacram paginam mihi ut medico curae non est. ad dubitationes, igitur dico quod quamuis semen non decidatur à membris, impressionem tamen ab illis recipit, quoniam mutatur, sed nondum mutatum est. ideo potest efficere simile & non simile. Sicque patet ratio duarum primarum dubitationum. illud adiuncto quod quandoque trahit aliquid iam assimilatam membro secum, tuncque fit perfecta assimilatio. & si di-

cas est homogenum semen, ac sibi ex toto simile, respondeo, quòd substantia simile quidem est, aliter parte pereunte homo mutilus non raro nasceretur. Sed tamen in qualibet parte mixti est tota uis, quæ postmodum distribuitur. De genitali filii respõdemus si à corde uel iecore, ut diximus non iuuetur simile efficere. Sed repatitur etiam à semine matris & à sanguine. & quandoque debile est, sed uirtus paterni seminis ipsius patris in eo uincit. has omnes ob causas frustratur similitudo. Corruptur autem forma membri generantis semen, quia ab aliis uincitur formis. nec est necesse ut si uictus uincitur, ut uictor etiam uincatur. de patre parentibus non simili si filius fratris ei similis sit, casu accidit. Memento tamen ut in solidis ac feminalibus membris filius plerunq; patrem refert, sic in carne matrem. fallitque hoc delineamenta sæpe. Quæ quando multum confunduntur à multisq; maioribus secūdm diuersa membra capiunt similitudinem casu quodam, licet non sæpe, citra adulterium alienum uirum exquisita similitudine referunt. Sed dubium est cur semen factum sit in animalibus perfectis à natura: dicebat Auerroës duodecimo primæ Philosophiæ, & in disputationibus quòd à putredine genita generantur à corporibus coelestibus, uitamque ab illis sortiuntur. Verum secundo de Generatione animalium & in tertio eiusdem, & rursum in quinto de Natura animalium, ubi differentiam posuit eorum quæ semine & quæ sponte generantur subiectam materiam loco seminis ponit: alia enim ex aliis insecta generantur. ut maxime in quinto de Natura Animalium multis exemplis docet. Calorem autem syderum causam esse uult. Verum quomodo illud est intelligendum quòd ab Auerroës scribitur septimo primæ Philosophiæ si à forma separata animal generatur, igitur absque materia. Themistius itaque in expositione secundi de Anima dicit, animalium duo sunt genera, quorum enim perpetua est generatio, ut quæ semine procreantur, illorum est particeps magis natura immortalitatis: quæ autem solum ex putri materia ortum habent, cum illorum non sit adeò perpetua generatio, nec erunt talia immortalitatis adeò participantia naturam. ut quæ solis ac statis quibusdam temporibus appareant sintq;. Vnde liquidò apparet, semen esse ob perpetuitatem generis & immortalitatis speciem quandam. Philosophus autem & eius interpres Auerroës dixerunt quòd tam animata quàm quæ anima carent, ab exteriori mouentur motore, tametsi animata uideantur sponte moueri. lateatq; quomodo animata ab alio moueantur. nam quòd per se mouetur simile est mundo. Sed Auicenna quintodecimo de Animalibus existimat omnia animalia ex putredine posse generari. & dat exemplum de Bombycibus qui peruenerunt in urbem Scealicam: & est quasi dicas sancti seminis post pluuiam magnam, & tegebatur tota ter-

com. 13. & 18.
disput. 9. du-
bio 2.

cap. 1.
cap. 11.
cap. 1. & 19.
com. 31.

cap. 14.

t. & cap. 17.

cap. 1.

ra & fecerunt sericum. Et hoc animal fuit cognitum etiam Philosopho quod nos nunc putamus nouum quinto de Natura Animalium. refertq; primam Pamphilam Platis filiam in Co insula ex illorum cotto texuisse telas, atque inde uestes. ergo non hoc nostrum sericum est quo utimur, neque dum sericum erat in pretio apud ueteres fuit. Igitur ut ad propositum reuertar Auicenna aliud dat exemplum de scorpionibus amici industria genitis qui alios generauerunt, tum de piscibus in noua aqua. quod nos singulis experimur diebus, magna etiam piscium iactura Lucius innascitur. cum nemo tam amens sit qui illum cupiat inesse ubi redditum sperat ex piscium prouentu. Sed quod maximum est de Fibro animali enarrat historiam, hunc Castorem quidam uocant. Hic genitus uidetur ex putredine, cum uisus sit solus in prouincia quæ multis millibus passuum distabat, ubi ea animalia procreari solent. mitto quod lepores & capreolos in Aegypto procreari post Nili fluminis inundationem plerique fidedigni historici, non solus Auicenna affirmant. Auerroës tamen ut dixi duodecimo primæ Philosophiæ contra Platonem ac Themistium inuectus, inquit, non esse formas separatas quæ animalia possint generare, aliter possent generari absque agente eiusdem rationis seu semine. Sed dicit in utrisque animalium generibus sufficit sola materiæ præparatio. Dicit uirtutes igitur hæ sunt in utrisque similes, nisi quod præparatio in materia putri est à solo sole, sed in semine à sole & à patre. ista igitur præparatio inquit, à sole ipso in utrisque ad actum reducitur generatioque ipsa perficitur. nec requiritur ad hoc forma separata. Cum igitur animal ex semine genitum primo à natura intenderetur, non potuit sol supplere solus ad materiæ præparationem, sed proprium agens requirebatur, cuius ope nunquam cessaret talis præparatio. aliter non primo ac principaliter, sed casu quodam uelut quæ putri natura constant, animalis huius conseruatio à natura intenderetur. Qui igitur posuerunt ideas, ut Plato & Themistius atque Apharabius Platonem sequentes, sustulerunt præparationem hanc, quoniam poterat idea non solum quemadmodum solis calor educere, quod erat præparatum ad actum: sed ipsam præparationem sine proprio agente perficere. atque ita non solum omnia animalia ex putri materiæ generare, sed ex qualibet materia quodlibet animal. Differt igitur opinio Platonis ab opinione Auerroïs in tribus. primum quod non omnia animalia possunt sine semine generari. Secundum quod Idea non est sufficiens sola in genitis à semine inducere præparationem. Tertio quod agens incorporeum, utpote Deus benedictus, licet contineat in se uires omnes, non tamen agit quicquam nisi medio corporis. & idem

idem de Ideis erit statuendum . primam enim causam omnes formas continere concessit Auerroës duodecimo primæ Philosophiæ, pro his autem explicandis, licet ex Themistio & Auerroë multa possemus adducere, hæc tamen sufficiant. com. 24.

Reliquum est tandem, ut pauca his adiciamus materiæ necessaria, uelut de senibus, diximus quod similes sibi procreant: quoniam non solum, ut dictum est, multum seminis effundant, sed etiam quia concoctum. si tamen humidius sit, foemina generabitur. non enim, ut diximus, magis confert ad masculi generationem calidum, quam siccum. qui autem multum concubunt, aut foeminas procreant, aut sibi dissimiles filios. In expellendo autem semine, hic ordo seruatur, ut ualidissima pars sit iuxta Galeni sententiam, ut dictum est, quæ primò eiicitur, debilissima quæ ultimò. ob id qui arctū habent uirgæ foramen, ut adolescentuli, rarò generant, & foeminas, & infirmos. plurimum etiam ad generationem obest, si non intētus coles ualde sit, sed flectatur. accidit hoc uitio nerui cuiusdam sub cole existentis, qui glandem ad se inflectit dum membrum tenditur. frangitur autem in coitu bona fortuna quibusdam, aliis autem integrum manet, impeditq; generationem magna ex parte. debilesq; procreat natos. Hæc igitur tot ac tanta de his dicta sufficiant.

F I N I S.

HIRONYMVS CARDA-

NVS MEDICVS AD

LECTOREM.



SCIO quàm multa mihi, lector candidissime, circa ea quæ hîc scripsi, obijci possint. Cumq; communis hic timor fuerit scribentium, ex eis pleriq; inter quos Galenus extat, libros suos accusationibus excusationibusq; citra artis utilitatem, sed non citra legentium iudicium atq; iacturam referferunt. Honestiorem ego sanè arbitratus sum orationem illam atq; utiliorem, quæ nec lectorem nolentem uexaret, nec moram studijs afferret, & simul cum præsentium calumnia à libro ipso excinderet. Sic enim præsentibus me satisfacturum puto, & nugæ hæc ad posteros non deferentur. nec immixtæ libris nostris illorum ordinem conturbabunt. Scripsimus aliàs de Consolatione libellos tres, & de Proprijs libris unum, in quibus

m m 3 quant

quantis calamitatibus afflicti fuerimus, quàm forti animo rem literariam nixi fuerimus augere edocuiamus. Neq; nobis, quod sibi pleriq; nostrorum temporum affuisse gloriantur, Meccenates ulli unquam fuerunt: utinamq; non magis fuissent qui obsessent: ita ut sine auxilio, ita etiam sine impedimento fuisset. Solus Sfondratus Cardinalis annis ab hinc tribus aut quatuor non mihi leui fuit auxilio: ita tamen ut ob fortunam meam potius propulsauerit iniuriam, (neq; tamen id parum fuit) quam euexerit. Fuerunt & qui ad Astrologiam impulerint, non tam, ut reor, quòd sperarent, quàm irriderent artem, quæ prorsus uana & habebatur, & erat. Nempe in tam absurdo labore nihil contulere, ut neq; alius quispiam. Fortunane id acciderit mea, an temporum uitio, non sat scio. Verùm mihi cum illo non secus ac Herculi cum Euristheo contigit. Quæ inaccessa enim sperabat, ad illa mittens mundum à multis incommodis liberauit. Sic nos aliqua spe lactati, dum in incerto uagamur labore, Arithmeticam compleuimus, Astrologiam quæ futura prædicare docet in lucem eruiamus: docuimusq; nullam aliam artem, nec medicam ipsam, minus esse fallacem. Ex centum enim iudicijs tum temporum, tum singularium hominum, mensibus ab hinc decemotto (nam nix duo anni sunt, quo tantum absoluius laborem) editis, nullum irritum fuit. Verùm priuatim ab initio, non tantum quòd metueremus infamiam, sed ob indignationem potius ista prosequeremur. Suntq; huiusce rei in edito anno præterito libro, non pauca experimenta. Dij boni, quantum potest inuidia! olim cum medicus essem, Astrologiæ uerò ignarus, pro Astrologo habebam, pro Medico non habebam, nunc deseruescente paululū inuidia Medicus sum ex toto, non Astrologus. Ergo ea de causa, ut essem quod non essem, nō essem quod essem quasi ludibrium de me agente Fortuna, liberalitatem Alphonsi Auali Principis expertus sum. Qui quandiu nō alieno, sed suo uixit arbitrio, & splendidus & liberalis & uirtutum amantiſſimus fuit. Postquam ut in pingui solo inutiles spinæ creuerunt, obrutus alienis consilijs, naturā propriā retinuit, solita munia non obuiuit. Ergo, ne quis diuini ingenij Principem damnet, donec se illo meliorē ostendat. Interea illustriſſimi Senatus uotis, tum primū Præsidis Iacobi Philippi Sacri uiri singularis uirtutis, Sfondratiq; cuius nunquam memoria meo excidet animo, Ioannisq; Angeli Ariciboldi autoritate ad Medicinæ lectionem traductus sum. Nuper uerò ijsdem fermè consilijs, adiuuantibusq; optimis è nostro collegio: iterum Papiam redij. Quare non est, ut cum facis fermè potius, quàm hominum uoluntate adiutus uidear, tam pauciq; de me bene mereantur, ut uel ueritatem timore suppressimere, uel blandiri cuiquam indigno, uel fortune uarietatem formidare debeam. Nam mutuum scabere etiam mulis datum est. Nos quòd nullis succrescere uol

re uoluerimus à multis ob id odio habemur. Sed quantò fortuna nobis magis obstitit, malorumq; hominum conspiratio, eo Diuinus nos quidam spiritus, & non sperantes clarius tutatus est, & adiunxit. Quid ergo est, cur timeam ea amittere, quæ mihi dono insperata aduenerunt? Nec tamen omnes odio habui, sed laudauit Andreæ Vesaliū ob uirtutem: nam hominem nondum è facie noui: & mihi hoc certè commune est cum illo, ut pro ueritate ipsa quandoq; Galeno aduersatus sim. Sed, enī, impium est Galeno aduersari? Heu stulte, ac miser, an non ille homo fuit? an non solum omnibus suis prædecessoribus, uno excepto Hippocrate, contradixit? sed etiam eos, per quos profecerat, magistros ignorantia arguit? Enī, audi quid dicat dum medicamenta ad singulos morbos conscribit. At uerò Archigenes, ut si quis alius, quæ ad medicam speculationem attinent, diligenter ediscere studuit, atq; ob id quàm plurima scripta memoratu digna reliquit. Non tamen in omnibus sanè quæ tradidit irreprehensibilis mihi uidetur: uerum uelut & ipse pleraq; eorum uiuorum, à quibus adiutus euasit optimus, reprehendit: sic par est ipsum delinquentem à nobis posteris redargui. Difficile enim est, ut qui homo sit, non in multis peccet: Quædam uidelicet penitus ignorando, quædam malè iudicando, quædam tandem negligentius scriptis tradendo. Sic nos rationem ac experimentum præponentes, in reliquis Galeno, ut par est, plusquam cæteris alijs omnibus tribuimus. At qui omnia illi tribuunt, non tam illius esse studiosi uidentur, quàm reliqua omnia ignorare. Quòd si modicæ pecuniæ causa siliquam Indam, manna, saccharum, rhabarbarumq; Galeni medicamentis & Hippocratis relictis amplectuntur: quanam, rogo, impietas est, ubi error Galeni multorum hominum morte pensatur, ubiue experimento ipsi contradicit, illum uel insensis astris tueri uelle? Ergo illa ex toto, & reliqua Galeno ignota relinquere medicamenta, tuncq; prorsus te credam esse Galenicum. Verum, dicis non adeò feliciter mihi res in medendo succedent, relinquentq; me homines. Itaq; non te Galeni amor detinet, sed præcept inuerecundia. Quid enim prohibet si in manifestis multa Galenus ignorauit, in occultioribus longè plura nesciuisse? At dices, singulares rerum species ignorare potuit, medica ars præceptis generalibus constat: quæ ille non solum sciuit, sed etiam tradidit. Sed si tradidit, non peruenierunt: quæ autem non peruenierunt, sunt ac si non tradita nobis fuissent. Cum enim multa, imò plusquam dimidium scriptorum suorum perierint, si non illa repetijt ac frustra scripsit, neceffe est nos omnibus his indigere. Deinde si per generalem rationem regulam illam intelligis, quæ docet, contraria contrarijs curari: ego sanè fateor omnia tradidisse Galenum: sed & ante eum Hippocratem, nulloq; huius causa libro indigemus. Sed si singulorum morborum signa, modos,

causas,

causas, symptomata, auxilia: tum corporis partium numerum, situm, utilitatem, qualitatemq; intelligimus, necesse est etiam in scriptis Galeni multa, uelut inter illius medicamenta, ac maximè necessaria deesse. Quamobrem nec his duobus libris tantum, sed decem alijs ista sum prosecutus. Veruntamen tres proximi, qui sequuntur, iuncti uix hunc unum superant magnitudine: Sextus iustam habet magnitudinem: succedentium illi nullus primi magnitudinem aequat. Quod si in posterum Mecænas aliquis affulserit edentur: si non, suppressere eos consilium est. Nam primo edito satis prouisum est ex arte ad necessaria uitæ: hoc autem secundo ad gloriam. Simulq; experiemur, an fortuna nostra possit Principum optimam naturam superare. Neq; enim ego ille sum, qui impressorum lucellis inhiem: quinimo saepe oblatos renui. Satis mihi est, quòd certatim ab illis expetantur usq; ad contentionem, quodq; maxima cura illorum in lucem prodeant. Quod etsi multi de seipsis suisq; laboribus gloriantur, noster hic tamen rerum nostrarum contemptus, confessioq; nō gloriosa, plus secum habet forsā existimationis quàm multorum qui sua inaniter iactant. Nobis nostra contemnentibus, aliosq; accusantibus prospera magis in dies successerunt. Quod non inuidia, aut iniuria, in quenquam, uel liuore, uel odio, non ambitione, sed moriū huius temporis improbitate id effecerim. Ergo hoc, atq; primo edito libro, qui fermè totius operis contradicentium medicorum tertiam partem magnitudine aquant, quantum rei medicæ accessionis factum sit, tute lector extima absq; liuore. Neq; tamen quenquam laudibus suis, etiam præter Vesalium, fraudauim. Manardum coactus sum improbare, quòd nihil inuenerim in eo quod laudare queam. facit & hoc studium atq; ingenium nostrum, illius conatibus ex toto contrarium. Ille ut uideretur magis quàm quod esset, diceretq; potius eleganter quàm uerè diligenter cauit: nos ut uerè potius, quàm eleganter scriberemus, esseq; malle, quàm uideri. Eo forsā factum est, ut quibusdam obscuriores uideremur. Sed tamen clara hæc quantum artis subtilitas postulat, nostra sunt. Qui existimant artem facili oratione tradi posse se illam ignorare fatentur: qui persuadent, deceptores sunt. Qui cupiunt, molles, atq; etiam illius exercitatione indigni. Qui enim non longè difficiliora scriptis his potest intelligere, hic ut plures agrotantes occidat ignorantia sua, necesse est. Ergo difficultatis quantum arti fuerat necessarium, facilitatis quantum ad discendum conueniebat immiscui. Arabum sententiam, rationes, experimentaq; non spreui. An decuit eruditissimos uiros, optimosq; Philosophos, ob solam uel lingue asperitatē, uel rudes interpretes aspernari? Quosdam Græcè obgānientes, nec Philosophia, nec medicina gnaros, solum nomen Galeni, tamq; illud Hebræorum ineffabile Dei quod septuaginta duobus elementis constare

flare affirmant, iactantes amplecti, tum maxime quòd rationes negligere se præferunt, uerè autem fugiunt. Fateor Iacobum, & Vgonem, turbamq; illam quam Gentilis excitat chimericis idolis plenam, parum ad medicinam conferre. Sed in uno Cõciliatore, Auicenna, Rasq;, quid habes præter linguam, quæ regionis aut ætatis fuit calamitas, quod impar tuis sit egregijs inuentus? Quid cum subtilitate Auerrois, cum iudicio Auicennæ, cum grauitate Rasis, cum doctrina Conciliatoris conferri potest? An illa uestra decem inuenta, quæ alter ab altero surripit, nunquam habitura finem contentione, his comparare audetis? Sit Galenus modo diuiniior Hippocrate: an non est homo, errareq; potest? an non illius maxima pars librorum concidit? an non qui prima & optima Aldi exemplaria emendauit, nõ minus Græcarum literarum, quàm etiam medicinae ignarus fuit? an ad illum, uel illo reſte ſine Philoſophia, Geometria, Arithmetica, Dialecticaq; accedere licet? Deinde quid ex illo uidisti qui tantum gloriamini, aut ſi uidisti nõne è memoria excidit? Facile est ex ungue Leonem ut dici ſolet, agnoſcere. Quidam in nobis memoriam æternam eſſe putarunt, quod prompte de Galeni ſententia reſponderem, nec unquam deceptus ſim. id quomodo factum ſit dicam: totum perlegerã illum, adnotaueramq; locos pauculos in quibus à ratione diſcedit: cum itaq; illos commendaffem memoriae, in cæteris quæ ratio ſuadebat, reſpondebam. hocq; cum Galeno ſimul conſentiebat. ita leui labore rem penè infinitam memoriae commendauit: ſimulq; rerum ſcientiam adeptus ſum. Hoc idem ut lector facias, illorum nugis relictis, ſuadeo. Hoc autem ut facias omnes illas artes ut diſcas neceſſe eſt.

DE SARZA PARILIA.



RA DIX quædam nuper tenuis ac subcrocei coloris ex India aduehitur, quam ego omnium Mediolani primus uididerat autem non abſimilis liquiritiæ tenuiſſimæ, rugoſa ſcilicet, (nam ea talis cum ſiccatur euadit) & colore inter croceum & cinereum: ſed guſtus ſubamarus erat: odor uix ſentitur. uncia una in lib. ij. aquæ colorem addit uini rubri turbidioris, odorẽ quaſi grauẽ, amaritudinẽ non leuẽ, & ſumme prouocat ſudorem. Partium eſt tenuium craſſarumq;, nam amaritudo in terreo conſtat: calida in fine primi ordinis, ſicca in ſecundo: epota cum tenui uictu, ſcilicet pane bis cocto, atque paſſulis, per dies x. l. Gallicam luẽ plus iuuat quàm Cina, aut lignum quod Sanctum uocatur. Expedit autem ut ſic etiam opituletur his qui arthritide laborant, & ulceribus prauis, & his qui ob pi-
nn tuit

tuitosum humorem laborant oedematibus, aut morbis trans Hepar. In obstructionibus autem concavæ partis iecoris & uentriculi mala coctio-
ne, non auderem hoc tentare, nisi forsan uictus tenuitas nos à periculo tu-
tos redderet. Quod etiam iecur confirmet, quodq; lienem extenuet, quod
incipientem elephantiasum curare possit, & hoc uerisimile est. Dantur
decocti uncix sex in singulos dies summo mane, id est, hora diei secunda,
tantundem horis ante coenam tribus: tum cum cibo quantum uolet. Per-
mittitur autem sudare contextus pannis ab assumpto potu: uerum ut su-
dauerit, liberior est quam in assumptione indici ligni: neque enim prohi-
betur quin in solita prodeat exercitia, nisi frigoris metu, unde contextus
pannis esse debet, & uitare infausta tempora pluuiarum, uentorum, & fri-
goris. Meminerit eius quod scripsit Hippocrates, Vbi fames, laborandum
non est: atque similiter cauendum, ut inquit Galenus, à sectione uenæ:
sic et à ueneris, ac curis nimis: singulis tamen decem diebus purgare con-
ueniet corpus, cum catapotis quæ lentos humores & crassas feces ex-
pellere possint: quales ex Aloës, collocynthida & Elleboro componuntur.
Alii præbent filiquam indam cum dia catholicon, quod ut minus utile
est, ita magis tutum. Habet autem præcellentem inter sui generis me-
dicamenta uim hæc radix, in emendandis capitis ac cerebri uitiis: seu ob
tenuitatem, seu ob proprietatem quandam. Et quanquam hæc ita sint,
candide lector, non tamen tantæ uictus tenuitati seorsum præsertim pur-
gationibus frequenter adhibitis, parum ad curandos consimiles morbos
tribuerem. Quo fit, ut Gallicam hanc pestem inter frigidos affectus col-
locauerim. Sic humana solertia in dies inuenit quod iam inuentis merito
præponi possit. Vidimus in claro uiro Martino Chiaues Hispano post
modicæ quantitatis haustum (nam in eo periculum primo fecimus) cras-
sam atque sanguineam materiam à naribus descendentem: ita ut propter
os quod intermedium est miraremur, quanquam ulcera aliunde usque
ad os penetrantia, à descensu diuerterent. Constat autem Indicas res
maiori præditas esse uirtute, etiam pro qualitatibus ratione.

Sed de hoc à nobis in libello de Subtilitate dictum est.

Nunc autem quoniam ita sit, solum intellexisse

sufficiat. Quodque generaliter peregrina

medicamenta plus agant: aer autem,

atque cibi, ac potus patrii,

ad uitæ usum ma-

gis condu-

cunt.

HIERONYMVS CARDANVS MEDICVS ME-
DIOL. ILLVSTRISS. AC EXCELLENTISS.
FLORENTIAE DVCI S. P. D.

POST peractam libri secundi Contradicentium medicorum disputatio-
nem, uisum est mihi utile pauca addere pro exemplis consiliorum, & nouo-
rum auxiliorum, tum etiam morborum. Selegi autem morbum meo iudicio
difficillimum, è re occasione nata: tum etiam medicamentum ualidissimum:
consiliumq; morbi obscurissimum, quod tamen sorte mihi quadam exarandum
nenerat prioribus diebus. Ergo iam rem exordiar.

HISTORIA MORBI VALL- DISSIMI AD EXEMPLAR TRIVM LIBRO- RVM EPIDEMIORVM, QVOS OLIM AGENS IN SACCENSI OPPIDO CONSCRIPSI.



CVM Calendis Augusti anni M. D. XLV. Mediolanum
è Papia reuersus essem, Princeps optime, ac sapientissime,
ad pristinam medendi exercitationem me contuli. atque in
ea solita usus felicitate, præter duos diutino morbo sub
aliis medicis conflictatos, neminem penitus morte amissi:
cum tamen quingentis ac etiam pluribus ad Aprilis usq; Calendas ægris
manus admouissem: tantum potest uera ars si ad hos fucatos nebulones
conferatur, qui non artis præceptis intenti, sed conspirationibus atque
calumniis, bonos quidem infamia, ciues autem ægros morte afficiunt.
Sub Calendis Aprilis tamen quibusdam manus admouii qui omnes cum
uno ac eodem morbo laborarent, xx. die sub initio periere, nec ullus
celerius aut tardius ex languentibus. Quinimo adeò constanter eam diem
obtinuerunt, ut cum, quædam mulier Anastasia in domo illustis uiri co-
mitis Ioannis firmi Triultii ægrotaret eo morbo, à prima statim uisita-
tione libere affirmauerim eam proxima diei Dominico succedenti no-
cte perituram, quod esset ea nox xx. diei initium. ego autem xv. die
morbi uocatus sum, reliquo tempore in manibus fuit medici experti
amiciq; nostri, ac rectè in arte sentientis. Cum igitur quinque sic per-
iissent, nec uenæ sectio nec purgatio, nec uinum, nec uictus tenuis, nec ui-
ni abstinentia, nec cataplasmata, nec ea quæ cordi conferunt profuissent:
sed eodem morbo laborantes iisdem symptomatibus eodemq; modo ac
eadem die perirent: uisum est mihi dignum munus, si qualis hic esset

nn 2 morb

morbus adeò letalis conscriberem. Primum quæ laborabant omnes fue-
 runt iuuentulæ uirgines, atque hoc mirum, dolor aderat super umbili-
 cum, assidua nausea & cibi fastidium, tum deiectiones corruptæ malè
 olentes, & quibusdam diebus plusquam conueniret, uenter demittebat,
 aliis autem mediocriter sistebatur. non tamen decretoria erant hæc, nec
 diebus decretoriis, spiratio ipsa paululum densa & non omnino naturalis.
 calor exterior moderatus adeò ut uix persuadere possem astâtibus quòd
 febricitarent: pulsus tamen duri, ueloces, parui ac frequentes, ualidam fe-
 brem ostendebant. lotia qualia sanorum ferme. nebulæ aliquando sus-
 pensæ in his, aliquando sedimentum. Mens continuè constans, uigiliæ
 doloris perpetuitatē consequebantur: nec tamen semper dolor somnum
 uincebat. sub x l. diem omnibus omnia uisa sunt mitiora. Pulsus tamen
 aderat cordis, & singultus: sub x v l l. omnia adeò manifestè intende-
 bantur, ut morbi magnitudo ne ipsos iam tunc lateret astantes, à x l l l. die
 uenter totus ubi uentriculi regio dolitabat, cum ipsis lateribus, tum
 etiam intumuit. x l x. oleosum quiddam ac quasi subnigrum euome-
 bant. initio die x x. moriebantur. mortuis unguis liuidi ac subnigri &
 uenter, ut uter inflatus. dum uiuerent bene semper sperabant & nun-
 quam delirabant. x l x. difficultas spirandi ne ipsum latebat ægrotan-
 tem. die x v l l l. omnes aluum copiose demittebant. Hæc fuit morbi sæ-
 uissimæ enarratio, quæ tamen paucissimis aduenit. Nunc igitur uidendum
 qualis nam fuerit morbus: atque ut existimo hæc dispositio est uentri-
 culi phlegmon, inquit enim Rases ut quidam de nominibus solliciti di-
 cunt: Si cum dolore uentriculi febris fuerit, & apostema manifestum cum
 sensu caloris in tactu æger ex basilica (iecorariâ solemus uocare) sangui-
 nem mittat, haud dubie quia phlegmonem adesse intelligit, ut etiam
 Matthæus Ferrarius in expositione docet, & Platearius, docentes etiam
 generationem ex mente Gentilis si quidem, quòd fiat per infusionem
 bilis in tunicas ex concauo uenientis. Et patet, Quòd Symptomata se-
 cundum illos præter propria etiam signa conueniunt: & sunt, Doloris
 uehementia, æstus magnus, pulsus cordis, syncope, frigiditas extremi-
 tatum, sudor frigidus, deiectio appetentiæ, corruptio exeuntium. Quod
 autem dicunt de stupore, alienatione, conuulsione ac subeth, non apte po-
 nitur, nam cataphora laborant, atq; sic subeth exponi debet, cum subeth
 seu grauis somnus à frigida causa & plerunque humida fiat, carum uo-
 cant Græci. Reliqua non sunt signa propria nec etiam uera persæpe,
 nec secundum rationem. Nam licet sit in membro nervoso quia ta-
 men extenditur ab omni parte, non sit uera conuulsio sed singultus
 qui species est conuulsionis. Sed ut ad Rasem iterum reuertar, ipse
 posuit suam curam meliorem in libro Diuisionum per lactis potum &
 comp

lib. 9. ad Al-
 māsor. c. 64.

trac. 6. cap. 13.
 Diuif. 26.

cap. 59.

compressionem : sed hoc cum iam fuerit suppuratum, quod in phlegmone continetur. Sed & quæ ad pulsum attinent, his consentiunt quæ à Galeno in quarto de Præfagiis ex pulsibus scribuntur. Pulsus duri atq; creberrimi in uentriculi phlegmone sunt. Sed si in ore eius sit phlegmon, adeò duri esse nequeunt. Dilucidius etiam dum de Causis pulsuum loquitur ex Isagoge. Nam si inflammatus sit duntaxat, ita mutat pulsum, ut nervosi corporis diximus inflammationem solere. Si comprimatur, uellicetur, languescat, singultiat, uomat, nauseet, fastidiat, doleat pro genere symptomatis. Subiungit languidi parui paulò celeriores, & admodum crebri euadunt pulsus. Superius autem declarauit quòd pulsus inflammationis partis nervosæ parui sunt, duri atq; ferrini. Itaq; de signis satis cõuenit, licet parum aptè ea disponant recētiore, Sed quomodo fiat hoc apud me uehementer dubium est. Nam quod ex infusione fiat chili ac nutrimenti, uidetur fermè impossibile, uidemus enim omnes phlegmones fieri ex uenarum tumore, quod etià sensisse uidetur Galenus libro de Inæquali intēperie. Quomodo autē fiat ex uenis quæ ab hepate prodeunt adhuc dubium est, illæ primo in exteriorem tantum tunicam uentriculi ingrediuntur. Quod si ex caua uena prodirent non mirum esset fieri phlegmonem. At Vesalius ostēdit ex stelechia sola nutriri uentriculum. imponit autem Galeno quòd uoluerit etiam ex caua uenas ad illum peruenire. Sed hoc Galenus nō cēset. in sexto enim Anatomicarum aggressio-num qui locus à Vesalio adducitur, inquit. Atq; uena quædam ex iecino-re ad lienem pertinet cuius processus in uentriculum defertur: eius uero pars quædam, postquàm omnibus lienis partibus propagines transmise-rit, in uentriculi gibbum ascēdit. Et infra paulum, Vena portæ quam re-centiores, quòd aliarum supple quæ ad membra nutrimenti deferuntur quasi caudex sit, *σελεχιάριον* uocant, ubi manifestum est de portæ uena il-lum intelligere, atq; ob id minime uenam secare oportet. Hoc nanq; au-xilium prætermittunt Alexander & Aetius: Paulus autem curæ non meminit. At dices Rasēs sanguinem mittit, & Auicenna & Auenzoar: Respondeo morbi magnitudinem inspexere. Sed non est cura propria.

Mirum est igitur uel quomodo fieri possit ex porta uena tra-

hente, multoq; magis quomodo curari, cum nec sectio

uenæ nec clysteria nec inedia auxilium affe-

rant, cum etiam inedia & multoma-

gis medicamentum omne

uel etiam leniens non

leue inferat de-

trimen-

tum.

cap.6.

libr.4.cap.24.

cap.7.

cap.3.

libr.5.cap.3.

fol.4.

lib.3.cap.9.
libr.9.cap.16.

13.32.trac.

4.cap.3.

1.Theisr tra-
cta.15.cap.2.

RESPONSVM PETITIONI

M. ANTONII MAIO-

RAGII, SEV,

DE RADICE CINA EIVSDEM

HIERONYMI CARD. ME-

DICI MEDIOLA-

NENSIS.

5. Can. tract. 5.
cap. 2.



U N casu huius eruditissimi uiri laborātis erosione gingiuarum & dentium : concussione facta ex humore calido & acuto: quæsitum est an radice Cinæ exhibitio cōferre possit? Respondeo quòd iuxta Principem medicina experta melior est quàm non experta. Et manifestum est q̄ in phthoe cum alijs auxilijs curauī fratrem Petrum Martyrē : & filiam Bartholomæi ephippiarii: & filium Gabrielis de Rigamonte: & Hieronymum Tiboldum : & filium fabri lignarij habitantis sub porticu porte Tonfæ : & mulierem iuxta sanctum Marcellinū, omnes ex phthoe exquisita deploratos, & ab alijs ut breui morituros medicis relictos : cum quibusdam eorum, nec uiuentis effigies superesset, alios etiam innumeros curauī ex eodem morbo tribus illis uijs regijs narratis in libello Experimentorū quos longum esset referre, præsertim cum ex his plures non essent, adeo ut hi quos ego narraui confirmati. Et nunc à biennio citra omnes præter unum curati sunt, aut ex toto: aut ut possint pluribus annis superuiuere. Quare non uideo cur mihi cina sit experimento in phthoe cura tentanda: tum magis quòd generosi quidam medici nostri uoluerūt in cura illius Thefaurario Martino illam exhibere, conspiratione eripientes illum è manibus meis, cum nondum cognitus essem in tam præclara experientia, spe huius noui medicamenti, & intra menses quatuor miser ille uitam finiuit. nostri autem adhuc omnes etiam uiuunt, uideturq; potius omni alio morbo perituri quàm ex phthoe. Sed nec in gallica lue ligno sancto potest cōparari, nos enim cum plusquàm centū nobiles ex ea curauerimus nunquàm cina indigniūmus. Quare cum minus ualeat in quibus maximè probatur, quid in hoc sperandū? Vt tamē aliquid de Cinæ natura ac uiribus dicam. Est illa quidem radix non parua, crocei ac subalbidi ferme coloris, pallida, & gustu subacida, odoris ferme nullius, ut quæ sit quasi ingnum. adeo efficax ut nullum aliud medicamentū ne uenenum quidem possit ei comparari. Nam primo uel septies cocta uel etiam plusquàm decies, uim præbet medicamenti egregij: & aquam ut pulli ius efficit: & uncia eius incoquitur aquæ uncis cc. ferme donec ad lxx. redeant. Nihil autem est, quod tandiu uim suam posset ac in tam magna aquæ quantitate

*Quomodo cinæ radix
deest paratur
atq; sanatur.*

tate impartiri. uehitur ex India è regione Ciniana ut existimo. Scinditur in subtilissima frusta lataq; ut coronati aurei: atq; ut dixi. cc. aque uncias, uncia una in nouo lebeo terreo lapideoue immergitur feruetq; donec ad l. xv. redeat, interfecto semper uase ne fumus possit exire, inde ab igne detracta proxima igui constituitur, circūuolutis pannis ne uel quicquam exire possit fumi, aut repente refrigerari. Purgans decoctū reddit dimidia Ganti drachma quæ Aypi est radix. In singulos autē dies renouatur decoctū, camarefcit enim ut pro xxiiii. diebus xxiiii. uncię sufficiāt. Bibuntur summo mane ut calidissimi decocti uncia xiiii. pannisq; proliciter sudor: inde licet post tres horas bene contactum pannis etiam si non sudauerit è domo exire. Seruatur interim calida usq; ad uesperas bibiturque cum cibo nec aliud omnino quicquam, sed & interdum, non tamen adeo feruens, sed quasi tepida. abstinebit à uenere, meridianoque somno, cibis etiam omnibus acribus, falsis, amaris, acidis, lacte, hisq; ex lacte fiunt, tum iuribus ac fructibus utetur pane ac pulli carne elixata in singulos dies bis. à cibo autem etiam melle, hoc enim huic decocto maxime cōuenit. Post xiiii. diem autē pullis afsis uti licebit, absq; condimentis. Si morbi gallici causa exhibeatur, lauentur hoc decocto singulis diebus optime ulcera, & panni ex illo madidi imponantur, absq; ligatura. licet etiam post viii. dies semel, si uirtus admodum sit debilis uini aliquod decocto hoc lymphati bibere, atq; ita interdictis duobus diebus repetere. Si alius non demittat decocto oleo rosato melle & fale enema fiat, nec aliud alterius generis. subducit enim aluum egregie. cogitur autem aluus plerumq; à vii. die ac in posterum suppressa manet: quo tempore etiam incipiunt in gallico morbo sæuissimi dolores scilicet à vii. die, sed hi ut plurimū ad xiiii. terminantur. alui autem durities manet usq; ad finem dierū, quibus decocto utitur. Peractis xxiiii. diebus colligitur lignum quod relictum fuerat in singulos dies ac in umbra siccātū exacte, denuo comminutū in exiliores partes tantundē aquæ incoquitur, sed ut duæ uncia ligni cc. aquæ imponantur. redeant autē ad l. xv. ut prius, exhibeturq; eadē ratione iisdēq; præceptis per duodenos dies. interim autē licet ludere, spaciari, contactum pannis, negociariq; serenis tranquillisq; diebus. Manifestū est autem quod natura & proprietate hoc agit Cina, aduersus gallicum morbum, non autem licet uictus tenuitatem, ut in ligno sancto in causam curationis adducere. Neq; siccitate id agit sola. impinguantur enim accipientes, uis igitur eius exiccans, & putredini tum ob hoc, tum ob uim propriam resistens. habet & acrem partem ob quam ad amarū conuertitur facillime, & utentes ab acribus amaris acidisq; ac falsis arcet. ualde enim tenuium est parium, habet & partem succulentam ac dulcem & unctuosam, qua impin-

guat,

guat, & proprietate sua iecur confirmat. Ob hæc igitur ad quæ proſit ſatis eſt manifeſtum. Hydropi ſiquidem, ulceribusq; malignis, phthoë, ſed non ſola. lepræ, elephantiaſi, gallico morbo, & atrophix & ſcirrhis iecoris.

HIERONYMVS CARDANVS ME-
DICVS ADLECTOREM.

Cum iam aliàs non pauca conſilia condidiſſem amicorum laborantium precibus perſuaſus, eaq; omnia ut qui nihil minus quàm quod poſteris mei memoriam relinquere poſſe ſperarem, Chriſtophoro Cribello tradiſſem, medico & amico meo: morte illo nobis ſubtracto, neſcio an ſato potius quàm negligentia interciderunt, erant autem ſupra decem. cum autē & in hoc ſcribēdi genere multos errare uiderem, nec eſſet locus illa adiſciendi, debentur enim operi epiſtolarum, quæ à ſomnij monitu collegeram, libello illi addo, addamq; in poſterum unum, tamen ne procrasſtinatio quàm damnum in re neceſſaria afferret ex his quæ ſuperſunt, atq; idem ultimum ad hanc uſq; diem ſcriptorum operi huic inferui. tum ob morbi raritatem. quanquā quatuor præter hunc qui à nobis conſilium petijt, nunc tali diſpoſitione afficiātur, quibus nunc opem afferro. dum autem quaſi à longe ſpectans curarem ipſos, melius quoquomodo habere uidebantur, cum ab alijs partim leſi, partim fruſtra curati uiderentur: atq; in hoc ſolo præſtare illis uidebar. Nunc laborem hunc ob negotia mihi perdifficilem ſuſcepi. cum enim uix ſufficerem curādus ægris, opus quod duobus diebus abſoluiffem aliàs, nunc xi. diebus nec ſine iactura noctū & ualitudinis, finē accepit. ob quam cauſam non quòd melius reliquis elaboratum, ſed quòd laborauerim in eo magis hoc unum inter omnia huic adiſciendum ſelegi. Cæterum ad hanc uſq; diem cum nulla eis qui hoc morbo detinebantur ſpes ſalutis appareret, duo ex his plene curati ſunt: & qui conſilium à nobis exegit, alius meliuſcule ſe habet, alius nullam ex hoc opem ſenſit. Sic & in his fortuna etiam ſuas ſibi uindicat partes. Atque ut uideo mulieres facilius ab hoc morbo curantur.

CONSILIVM PRO

D. BARTHOLOMAEO

CHARABELLO.

473



Hic patiens iam à quatuor annis citra, patitur dolorem quēdam in partibus uentris ac pectoris: cuius initium fuit ex potu uini acerbi & austeri post laborem uehementem, succedentem cōualescentiæ ex febre tertiana. Et primū cœpit in partibus uentriculi: deinde per auxilia recessit, & remāsit in quiete per tres aut quatuor menses, ut ipse mihi refert: demum reuersus est dolor eodem ferme loco, & sensim ad alias etiam partes delinauit: modo ad uentrem usq; ad pectinem: modo ad partes superiores, usq; ad gulam, & furculam superiorem. & aliquando in directo spinæ dorsī superius parum quā è regione ensiformis furculæ. & aliquādo dicit in colli parte postrema. & etiam aliquando ad latera, & quandoque è regione lateris dextri, usque ad collum per costas. & nunc præter dolorem, sentit quandam dispositionem quæ quamuis non sit cum dolore, attamen est cum magna eius molestia. & sentitur supra umbilicum per quatuor digitos pulsatio ingens, non lata tamen sed uelut ex arteria magna. & feces sūnt quasi naturales. & insomnietas non parua, & attenuatio corporis, & urina cum nebula uel sedimento, sed tamen substantia & colore aqueo, ut ipse refert. & torquetur dolore ante cibum, & etiam post: & aliquando tamen quiescit: & ex assumptione cibi in hora doloris quādoque leuatur, quandoq; grauatur: & ipse sibi persuadet quod duritiem habeat iuxta ensiformem furculam, quam nos cum pronum tangeremus, tum etiam resupinum percipere non potuimus. urinam autem non uidimus, sed illius dicto acquieuius. nocetur ab aqua, à difficilis concoctionis cibus non leuiter. Amorem oris non sentit, nisi raro, uomitu frequenter uexatur. in quo tamen parum aut nihil euomit. Sitim quandoque ualidam, nonnunquam nullam sentit. toto hoc tempore præter febre unam ephemeram horarum xviij. nullam aliam passus est. quæ etiam scæuiente, dolor cessauit, cessante autem rediit. Iecur ut illi uidetur calidum, quod conicit ex calore palmæ manus, cum etiam grauitatem & tensionem è regione dextri lateris iuxta costas sentiat, aluus astricta: aliquando etiam dolor ad spatulas extenditur. interdum etiam multa euomit. hæc sūnt quæ ex ipsius aspectu & narratione habentur, interim tamen fluunt hæmorrhoides natura eius seu temperatura sanguinea: ætas iuxta xl. annum. Igitur cum morbus hic non possit esse

o o à mala

à mala temperatura sine materia: nam accidens non migrat de subiecto
 in subiectum ut colligitur quarto Physicorum, dolor igitur si moue-
 tur causa eius necessario mouetur. & si dicas quòd causa multiplicatur
 sicut ignis: tunc necesse esset ut dolor non transiret nisi per continuam
 partem ad aliud extremum. hoc autem ei non contingit: quare relin-
 quitur, ut dolor hic non sit à mala qualitate tantum. Nec etiam à ma-
 teria quæ sit humor: nam si est æqualis, impossibile est ut lædat adeò ue-
 hementer nisi per magnam solutionem continui: quare uel phlegmon
 adesset & sic febris, dicebat enim Galenus, phlegmones uiscerum febris
 comitatur: uel etiam aliarum partium. Si uerò non faciat phlegmo-
 nem, oportet ut magna sit moles eius, quare in solutione doloris appare-
 bit semper humor ipse per uomitum aut in excrementis: horum nullum
 iam diximus contingere, quare causa doloris non est humor solum pec-
 cans in quanto. Sed neque in quali, neque enim adeo intensa frigiditas
 aut calor, aut amaritudo apparet qualis esset necessaria bile flaua atra uel
 uel pituita peccante. Rursus mirum esset quòd hæc pituita uel bilis ad
 pubis ossa, modo ad collum usque extenderetur: intus extra & ubique.
 Cum igitur causa non sit sola mala qualitas, nec humor aliquis quantita-
 te sua, uel qualitate, relinquitur tandem, ut sit flatus. Cuius etiam indi-
 cium est quòd non adest pondus, tum quòd subito soluitur. dicebat enim
 Princeps loquens de signis doloris capitis: In dolore facto ex flatibus ex-
 tensio augetur et grauitas minuitur. & aliquando est cum punctione, quan-
 doque etiam cum corrosione. & in flatuoso dolore quidem grauitas nul-
 la est. Et quandoque etiam cum ipso sit permutatio doloris frequens de
 loco ad locum. Sed de subita sanatione, de qua dixi, habetur textus etiam
 à Galeno in XII. Artis curatiuæ dum flatuosum dolorem curare docet.
 Et quamuis illud fiat arte, idem contingit etiam natura. adest igitur &
 tertium signum de quo dicebat Princeps scilicet subita permutatio de
 loco ad locum, & quartum quod est tendens, & aliquando pungens, &
 quandoque corrodens. Hoc genus doloris credo descriptum esse à Prin-
 cipe cum dixit: Et flatus est quandoque in tunicis membrorum & uil-
 lis, sicut in colica flatuosa, aut in tunicis musculorum & sub membra-
 nis, & super ossa: aut in circuitu musculorum inter carnem mollem &
 cutem: aut est in ipso membro latitans, ut musculi in pectore. Et ipsius
 quidem resolutio seu subita sit, seu in longo tempore fiat, erit secun-
 dum multitudinem aut crassitiem materiæ, & membri densitatem: ac
 horum contraria. Sed Albucastis hoc genus morbi ad unguem descri-
 psit: & uocat eum Nachir. Differentia tamen est duplex. prima quòd
 ut ibi narrat, hic morbus est solum in membris exterioribus ac manife-
 stis.

com. 32.

 10. artis uir.
 cap. 6. & 11.
 eiusdē cap. 20

 prima tertij
 trac. 2. cap. 7.

 cap. ult. post
 med.

 secūda quarti
 doc. 2. sum 6.
 cap. 26.

 lib. 2. cap. 95.
 suæ chirur-
 giæ.

ftis. Secundo quia est inter cutem & carnem. & non inter duas membranas, aut inter musciculum & membranam. ideo Nachir non facit dolorem, & hic morbus facit dolorem, & etiam uehementem: quia in hoc patiente flatus est inter tunicam & tunicam, uel inter tunicam & musciculum. est tamen eadem species materiæ, & idem generationis amborum modus. Patet autem per Principem loco allegato, quod flatus abundat aliquando in concauo membrorum, aliquando inter carnem mollem & cutem. Tertio inter musciculum & tunicam. Quarto inter duas tunicas. & in his duobus modis fit necessario dolor uehementissimus, maxime in tunicis uentriculi & intestinorum: dicebat enim Auerroës membra dolorosa sunt uentriculus & intestina. In secundo autem fit Nachir & uocatur ab aliquibus saltus. quia cutis salire uidetur. In primo autem fiunt dolores frequentes: sed non adeo ualidi, nisi flatus sit ualde crassus, & ora uasorum obstructa exquisite. His stantibus seruire oportet omnes casus quos illi diximus aduenire. cum igitur debilis esset propter febrem, & substantia uentriculi rara ob calorem & exercitationem, penetrauit uinum multitudine & austera qualitate præditum, & imbibendo uillos dolorem excitauit, & malam qualitatem. Vnde continui solutio, nam membro crassiore facto ubi ad statum suum redierit, quod est inter duas tunicas laxum relinquitur: & apertum. Inde auxiliis adhibitis mala temperatura sublata est, & cum nondum laxitas magna esset quieuit dolor. Deinde rediit & flatus ille penetrauit sicut in renum calculo modò inter uentriculi tunicas, modò inter uentriculum & peritonæum, nam uentriculus peritonæo magna ex parte subcingitur. penetrante flatu inter peritonæum & uentris musculos per longum aut obliquum positos, dolor ad pectinem usque declinauit. Sed maxime per musculos longos quorum uterque etiam ibi finitur. Nam obliqui potius ad anchas pertingunt, pars autem quæ inter tunicas uentriculi continetur ad summum gulæ ascendit, per easdem tunicas, & sic dolorem infert. alia uero transfertur sub pleura quæ ex peritonæo nascitur usque ad summum furculæ, à latere dextro, quia illud est calidius propter epar ut dicemus in de causis generationis huius doloris. Cum uerò dolor recedit remanent partes, tamen separatæ, & est species quædā doloris ex hoc stupidi à Galeno positi. & quia dolor prohibet somnum, & ob curas macilentior redditus est. quam ob causam pulsatio sentitur supra umbilicum, ut dicebat Zoar. inquit enim, causa quod pulsatio sentitur super fundo oris uentriculi resupino ægro existente, est extrema tabes ipsius uentriculi. Aliter enim sentiri non posset, tota illius substantia quæ crassa est, & tot intermediis existentibus. intermedia autem sunt peritonæum

3. collec. c. 31.

6. aphor. 5.

1. rheisr. trac.
15. cap. 1.

quædā sit
causa q. pul-
satio longitudo
conspicitur sub umbilico

00 2 musc

Vesal. lib. 3. c.
13. & in deli-
neationibus.

Vesal. lib. 5.
cap. 3.

tertia quarti
trac. 2. cap. 19.

secunda primi
doc. 3. cap. 2.

trac. 3. contra-
dic. 22.

musculi longi & transuersi seu lati, & membrana & pinguedo & cutis. declarauimus enim contra Galenum in sexto contradicentium medico- rum sub uentris cute, membranam non esse ex musculorum contextu. Porro arteria illa ut habetur ex dissectione cum magna non sit, nisi intel- ligatur ramus ascendens ex sinistra parte nutriendi partem posteriorem imamq; uentriculi, necesse est eam dicere quæ in dorso iacet, dorsi uerte- bris subiectam. atque hoc magis iudicio meo uerisimile est, quando qui- dem in quantumcunque extenuatis minime percipitur, nisi cum mul- tum compresseris uentriculum. ibi enim peritonæum quasi dorso hæret. Vnde etiam in prouerbio solemus dicere uentriculum adhærere dorso eorum qui fame sunt enecti. est igitur dorsi arteria magna quæ sentitur, non quæ est in uentriculi fundo. indicio etiam est, quod nunquam eam in quantumcunque extenuatis uel in dextra, uel in sinistra parte percepi- sed in medio solum. ex quibus colligitur uentriculi maxima extenua- tio. de doloris etiam processu apparet, nam uentriculus postquam fur- sum astringitur, ad nonam Thoracis uertebra dextra paululum ex par- te inclinatus magnæ arteriæ applicatur, ascenditq; usq; ad quartam tho- racis eo progressu. inde directus *σπυραι* ad mediam usq; ceruicis per- tingit uertebra iunctus dorsi spinæ; inde ad os parum reflectitur. quo fit ut dolor ad posteriorem colli regionem tum dorsi quandoque pertin- gat. Quomodo autem ad gulam & superiorem furculam pertingat, hoc est quia ibi aspera arteria stomacho iungitur. atque ob id etiam illo affe- cto partes anteriores pati uidentur. uomitus autem aliquando succedit materia in concauo existente, aliquando non ea existente inter tunicas; sed nausea mala & laboriosa. & cum ob imbecillitatem male uentriculus concoquat, cogitur Iecur supplere uices uentriculi. quare ex nimio labore supercalefcit, inde feces exiccantur. & non parum, ob dolorem uerò & cru- ditates & tristitiam, ut dictum est, uigiliæ. cum uero flatus fuerit inter duas tunicas, uentriculus tenditur & durus uidetur iuxta Principis sententiam: sicut & in pila uento aut aëre plena, unde sibi persuadet quod tumorem durum habeat in ore uentriculi. cum uerò tangitur abscedente iam flatu molle percipitur. Vrina uerò habet sedimentum, non multum cocta ob uentriculi imbecillitatem. Vnde Princeps alba urina secundum intentionem translucentis significat frigiditatem & concoctionis priuationem. & sedimentum fit ex uenarum operatione in id quod relinquitur ex iecoris cōcoctione nō absolutū ut declarau in secundo libro cōtradicentiū medi- corū. quare dicebat Princeps loco eodē dum de urina cærulea ageret, & si fuerit in ea hypostasis, erit spes uitæ, aliter non, & hoc magis militat in alba. significatur enim illa assistente, adhuc naturam uenarum re- sistere

fistere. ex quo patet quare non corrumpantur aut perturbentur urinæ eius. Nam ut habetur a Galeno perturbatio in urina significat mediā coctionem, sed hic est ultima cruditas quo ad uentriculū, ut declaratum est, igitur talis urina non potest perturbari. apparet etiam causa coloris eius qui est ut plumbeus subcitrinus. dicebat enim Princeps illum qui expertus est non fallit color. ipse enim declarat morbos uentriculi & iecoris. unde præcipue, ut habetur ab ipso in capitulo de signis malæ temperaturæ frigida albedo coloris cum modica citrinitate, ut eius nomine utar, frigiditatem uentriculi decernit ex hoc etiā patet solutio dicti Galeni, cū inquit, urinæ bonitas significat incolumitatē uenarū. nā potest esse praua etiam ob uentriculi imbecillitatem. ostēdit tamen malā coctionem in uenis necessario: uel sua causa, uel quia materia quæ ad eas transmittitur male parata est coctioni. & hunc modum generationis tetigit Princeps cum dixit & fit colica aliquando à flatu qui est inter uillos & tunicas intestinorum illas separando. nam hic modus tenet etiam in aliis. declarauī autem in secundo contradicentium medicorum quod principalis causa non solū sed & adæquata doloris, est solutio continui non mala temperatura. hæmorrhoides autem fluētes & præseruatio in uictu ob timorem doloris faciunt quòd raro febres incurrat. ad quod iuuant purgationes etiā. tensio autem quam sentit in latere dextro est ob causam dictam, nam humores crassi gignuntur ex chilo nō crudo, & ideo recte dicebat Princeps: & scias quòd cū inter uentriculum & iecur tensio inuenitur, & in uentriculo extenuatio: tūc hoc iudicat naturæ resolutionē. Nam humores crudi sic geniti obstruunt non solū iecur sed & loca ei uicina, & augent caliditatē eius: & cum hoc faciunt tensionem. & caliditas tamen manuum non solum procedit à caliditate iecoris sed à labore uentriculi in concoquendo. cuius signum est quòd post horam ab assumptione cibi debent calefcere extrema & pulsus intendi ac frequērior reddi sicut in hecticis etiam fieri solet. ex quo patet quòd ægritudo ipsa cognita est. quia omnia quæ illi succedunt secundum necessariam rationem huic conueniunt.

His uisus dicamus de humore ex quo fit flatus hic & de minera ut solet dici generationis eius. & incipiamus à proximo dicto Principis ut etiā exponebat Gentilis. & dico quòd omnis flatus fit uel ab humore uel à cibo uel à chilo. & cū hic morbus adueniat etiam uacuo uentriculo, ideo non potest esse à cibo & chilo semper, quare erit ab humore. & hunc secundum plurimum ut declarauī ex illius conditionibus conuenit esse crassum & tenacem. Sed quomodo ingredietur humor tenax membrana & uillos? respōdeo quia paulatim penetrat subtilior pars & crassior extra congelatur, & ita flatas inter partes membranarum continetur & etiam inter partem densam & lapideatam ac uentriculum.

1. de crisi. cap.

12.

13. 3. trac. 1. cap.

17. & 14. 3. tra.

2. cap. 2.

13. 3. trac. 1. ca.

19.

16. 3. trac. 3. ca.

6.

13. 3. trac. 5. contra.

2.

13. 3. trac. 1. ca.

21.

calor manuum inde

Ex quo colligitur pessimus error eorum qui in talibus utuntur ualde calidis. nam pars subtilis resoluitur ex intentione Principis, & crassa adhærens uentriculo congelatur, sicut uidemus in gypso dentiū. & pars congelata facit quatuor effectus: primum retinet flatum ne discutiatur, & sic dolorem efficit uehementissimum. Secundum quod sola adherens facit illum dolorem stupidum de quo diximus. & si nobis in dentibus hoc tædium affert quanto magis in uentriculo & uis illi proximis. Tertium est quod interiecta impedit coctionem cibi. est enim medium ad prohibendum caloris naturalis transitum. quartum est deterius aliis quod prohibet transitum nutrimenti ad membrum sua densitate, & sua frigidityte illius perfectam assimilationem: & sui pondere attenuat illud.

Redeundo ad propositum causa flatus est duplex: nam forma est quasi idem cum effectu ut colligitur in XII. Primæ philosophiæ. & in his quæ non per se intenduntur à natura nō quærimus finem ut in morbis & monstis: ideo sufficiat dixisse de materia efficientē. Igitur in tertio de Causis symptomatum uidetur finire effectricē causam esse calorem debilem, nam ab exiguo nullus fit flatus, ab imodico autem non fit nisi ex eduliis flatuosis. atq; is ut dicit adeo leuis ut illico uno uel uictu euanescat. proftrato igitur omnino naturali calore nullus fit flatus. integro autem non talis qui torqueat, prefertim diu. necesse est igitur imminutum hic esse calorem. & quanto magis imminuitur, eo magis usq; ad maximam imminutionem flatus augetur. neq; uerò potest ut in frigoribus uiuente adhuc homine calor intantum extenuari, ut flatus gigni nequeat, sed uix tantū ut modicus. & tunc iam breui superuiuit animal. ne igitur te exemplum decipiat hyemis, ubi etiam nullus flatus gigneretur. nam non par ratio utriusq; cum hyeme etiā cadant frondes & manifesta prohibitio generationis herbarū appareat. at in corpore humano nunquā quicquā ex toto perit circa nutritionem uentriculi superuiuente diu animali. quo fit ut ea diuisio Principis in diminutam & corruptam ablatamq; concoctionem ferme ex ultimo membro, solum rationi non experimēto satisfacit. Galeni tamen exemplum ea ex parte est accommodatum, qua positum est, scilicet quod calor non est ex toto imminutus, cui flatus succedit. Sed & ob id recte dicebat Auerroës quod flatus fit à calore diminuto. & Auicenna declarabat hoc, & docebat quomodo calor etiam nō naturalis generat flatum antequam concoquatur cibus. & etiam quia imminuit calorem naturalem. & ideo æquale imo fortè maius est detrimentum in his excessus ad calidum sicut ad frigidum. licet excessus ad frigidum celerius sentiat. quia calidum præternaturale in sui etiam presentia obtundit sensum doloris. unde acopa Græci talia uocant medicamenta. & Auicēna in quarta primi de medicationibus doloris appellat anodyna. ex quo

3. collect. cap.
16. 14. 3. tract.
4. cap. 4. & 7.

3. cap.

quo apparet quàm facile sit esse medicum, quàm uerò difficile sit esse bonum medicum. omnes enim incidunt in hanc foueam, ut calida exhibeant in doloribus flatuosis: cum quandoq; frigida sint longe utiliora: & certe iactura quæ fit à calido medicamento longe deterior est semper æquali facta à frigido. & etiam patet causa medicationis illius monstruæ colicæ descriptæ à Principe cum endiuia & aqua frigida, in epademiali cōstitutione, per experimentum antiqui. & causa etiam erroris quare nullus ex tympanite feruatur hoc tempore. Sed redeo ad institutum. Galenus pro causa materiam referente ibi ponit cibos: & forsam quòd ex cibis generantur. & pessimum est pituita uitrea ut dicebat Auerroës, præter enim summam frigiditatem, uiscida est atq; lenta ut ille dicebat. unde Galeni sententia est quòd non purus flatus tantum, sed etiam densus ac uaporibus plenus procreetur. nec penetrans nec solui facillè aptus. Sed & id expresse confessus est quòd flatus fiat ex humoribus crudis secundo prognosticorum. talis autem maxime uitreus. & ideo dicebat Galenus quòd talis spiritus cum sufficienter frigidus fuerit, tunc uehemētes excitat dolores. nam frigidus cum fuerit erit primo densus: & qualitas illa omni ex parte membrorum naturæ est inimica. patet autem quòd ex omni humore crudo potest fieri flatus ex Galeni sententia. humor autem crudus est pituita, inter eius genera post uitreā est gypsea. pessima uero quæ cum melancholia cōmiscetur, nam terrea parte flatum gignit resolutioni omnino repugnantem, sicut apparet in quartanis comparatione aliarum febrium. innuit igitur Galenus loco iam proxime in margine scripto ubi Princeps omnia sumpsit, quæ de doloribus ex flatu secunda primi loco iam descripto tradiderat, quòd flatus ex materia calida exiguum uel nullum dolorem facit. seu enim in cōcauitatibus, seu inter sensibilibus membrorum partes contineatur, minus lædit & celerius resoluitur. at hic diuturni dolores materiam ostendunt frigidam. Vnde Galenus etiam in febribus testatur frigiditatem ad morbi facere longitudinem, uerisimile igitur est uitreum humorem, ac pituitam melancholiæ mixtam in causa esse. constat tamen fieri posse ut flatus etiā ab alia causa fiat quàm à materia frigida de mente Galeni. sed tamen talis flatus haud adeò ut dixi, dolores excitat. pituita autem in uentriculo generatur de mente Galeni ut aliàs declarauimus. His peractis sumus fermè in casu Hippocratis. Quibus tormina, & circa umbilicum dolores, & lumborum dolor, qui neq; medicamento, neq; aliter soluitur his in hydropem siccam firmatur. & ideo nisi occurratur nec alia mors ex acuto morbo præueniat, in tympanitem dispositio hæc terminabitur, ut unicuiq; patet qui diligentius uerba Galeni quàm Hippocratis rimatus fuerit. Posset tamen sanari omnibus peractis quæ illi sunt necessaria ad amussim. Quod cum difficile sit, etiam

decimasexta
tertij tracta. 3.
cap. 6.

3. collect. 6.

co. 2. in fine.

2. ad gla. ca. 6.

secunda aphor.
29.

2. de dif. feb.
cap. 5.

quinta aphor.
72.

2. contrad. me
dic. trac. 2. cō.

14.
quarta aph. 11.

nunc

In proœmio. nunc nobis recte præcipientibus, antea etiam erat impossibile. Nam tales morbi ut acuti, nunquam casu sanantur, unde in his patet gloria medici, ut Octavianus Horatianus in libro suo de morbis diuturnis dicebat. Ex quo clarum est, cur per nullum ex his qui hodie celebrantur in toto Mediolani dominio, ut ita dicam, unquam sanari potuerit: & minus in posterum posset, cum longe deterior factus sit hic morbus: & si ex his tamen unus sit, ut intelligo, satis eruditus: sed cum modicam adhibuerit diligentiam morem temporum, ut uideo, sequitur. omnes enim malunt magis uideri quàm esse, quia ambitioni illorum procures sua tamen iactura, subscribunt: inde ortus omnium malorum & seges. Sed hæc præter propositum.

1. contradi. tra
sta. 5. con. 14.
in praxi. no-
stra.
Cura igitur debet dirigi hic ad symptoma, ad morbum, ad causam morbi. Apparet autem quòd aliud est causa continens à morbo ipso, ut aliàs ostendi. Sed hic etiam antecedentem comprehendo. & nolo hic declarare quis sit morbus, nam si est solutio continui cum, illa non impediatur nisi medio doloris operationem membri, erit dolor ex his quæ dicuntur à Galeno in libro de Differentiis symptomatum ipsa ægrotudo, & nunquàm solutio cōtinui. Quòd si solutio cōtinui est morbus & non dolor, oportet quòd consequatur impedimētum operationis etiam, non solam continui solutionē. Sed non est hic locus, cum omnia indigeant cura. Quæ igitur cura indigēt, sunt dolor primum: trahit enim sicut cucurbitula dicebat Galenus, & uirtutē prostermit, & multa alia facit, ut aliàs declarauimus. Secundū est prohibitio humoris pituitose uitrei, post multū laginofi, ut ita dicam, cum melancholia iuncti. Tertium est partis adherentis membris, & etiam quæ obstructionem facit. Quartum est solutio nis continui inter membranas. Quinta est diminutionis caloris. Sexta est macilentia. Et uix una horum poterit bene curari sine alia.

Cura igitur per animi affectus est, ut confidat de salute, & confoletur: quia quisque habet quod rodatur: & multi, & penè innumeri moriuntur ante ipsum, qui tamen nunc sunt sani: & quòd non potest mori ex hoc morbo, nisi alius superueniat, & sic non potest dici in uia ad mortem: & quòd est in potestate sua, parendo in omnibus, sanitati restitui. Hæc & talia cogitando, minuet tristitiam, & moderabitur affectus.

Circa somnum, Omnis somnus est bonus, nocturnus, diurnus, modò proluxus sit. Pro somno conciliando nihil melius conferua filiorum nenufariis. capiat ex ea à cœna ab 3. s. usque ad 3. j.

Circa exercitationem, Omnis equitatio, etiam ante cibum, mala: post cibum pessima. Omnis motus post cibum malus, sic & immoderatus. Quies extrema mala. Deambulatio autem recta & longa optima est ante cibum. Et hoc modo faciet facta sua in manè, & uesperis ante cœnam.

Quo

Quo ad aërem, immodicè calidus æstate noxius, & frigidus in hyeme: unde locis conclusis habitet in tempore frigoris, & æstate locis apricis, & Septentrione expositis: & uestimenta sua semper sint leuissima, quamuis hyeme sint calida: & lectus sit ex cotto non ex pluma, habeat tamen puluinar, sed catulus esset longe melius, ut teneat illum super uentriculi locum: & manus etiam palma est bona in hoc casu. Et grauari pannis est adhuc deterius quàm ferre frigus. Et hyeme exercitetur longè plusquam æstate: & uiter frigus pedum quantum potest: & sæpe lauet manus & uultum aqua frigida, & maxime in tempore æstatis, & post cibum. Et quamuis hæc lenia uideantur, multum tamen in longo usu conferunt: quoniam multa pauca faciunt unum magnum. Repletio autem omnis noxia, & similiter ferre famem naturalem: nam uentriculus nutritur ex chilo secundum interiorem tunicam. Omnis etiam euacuatio artificiosa, & uomitus etiam noxius est. Et ego declarauì hoc aliàs, cum de aloë loquerer. Sed tamen cogimur quandoq; uomitum etiam nedum purgationem moliri: hac de causa ut quod uacuatur tantum proficit, quòd ipsa euacuatio nō noxia censeatur. aliter igitur omnis euacuatio per superiorem partem facta, seu etiā uomitus spontaneus malus. Et ideo dico, quòd clysteria sunt maxime iuuatua in hoc casu. & ego unum describam, quo uti poterit ieiuno uentre.

Recipe Colocynthidos ex pulpa ʒ. j. s. esulæ ʒ. ij. turbith ʒ. j. radicū Ari ʒ. j. s. Mercurialis maluæ Betonicæ fursuris ana M. j. Senæ ʒ. ij. camomillæ M. s. coquantur in aqua ad consumptionem duarum tertiarum, sic tamen ut lactaria herba, quam passim esulam uocant, & betonica & fena & camomilla serius addantur: inde expressioni addantur mellis crudi ʒ. ij. olei de lini semine ʒ. iij. Theodorici descriptione prima Nicolai ʒ. iij. misce & fiat enema. & poterit ubi nimis uexaret fieri mitius minuendo Theodorici & lactariæ quantitatem.

Euacuatio autem quæ per coitum fit omnino noxia, ut patet à Principe de Nocumentis coitus. & iuxta Galeni sententiam in tertio Artis medicæ. Venereorum uerò usus, & tamen in longo interuallo temporis, non tam est utilis quàm necessarius. Ad hoc etiam pertinet, ut mane cum surgit, emittat omnia excrementa diligenter, & in uespere ante coenam dico autem præcipue, feces, urinam, mucum è naribus. Ultima intentio est circa cibos & potus, qui omnes debent esse calidi in primo, aut frigidi in primo, aut temperati. & hoc ostenditur: nam temperatum habet reducere extrema utraque ut declarauì in libro de abusu medicorum, igitur iuuat in omni mala temperatura acquisita. Calidum etiam in primo est acopum ferme à toto genere, ut habetur à Principe, Quarta primi, igitur sedat dolorem. Sed frigidum in primo est leue stu-

que coitione iuuat

*grauari pannis
deterius est quàm
ferre frigus,*

Libello quod
nullū medica
mētū noxa
caret.

abusu 57.

cap. 30.

PP pefac

2. contradic.
trac. 3. cap. 15.

lib. 1. cap. pro-
prio.

2. com. c. 735.

2. de alimētis.
cap. 10.

pefaciens, ut ita dicam. sicut Rosæ, Violæ, & alia eiusdem generis. & Nym-
phæa ut declaravi aliàs, est in secundo genere. & ideo omne frigidum ut
frigidum hebetem facit sensum. conueniunt tamen tantum ea quæ sunt
in primo ordine, reliquis causam augmentibus. quare ab aliis abstinendum.
Et si quis dicat quod ego reieci temperata in libro de malo medendi usu
iam adducto: Respondeo quod temperata non sunt, ut medicina, sed ut
cibus medicinalis: nec complent curam sed possunt illam adiuuare. nos
autem aliis insistendum docemus etiam auxiliis. Igitur uuæ passæ ante
cibum sunt bonæ humidæ quidem ualde, in primo autem calidæ. & ubi
cibus sit levis concoctionis in fine sunt laudabiliores. & albæ propter sa-
porem acetosum sunt meliores. item citonia tosta sunt bona. de citoniis
sumus concordēs quoniam omnes testantur & Galenus præcipue ea esse
uentriculo commoda. Sed de uuis passis reclamabunt, inquit enim Aëtius,
Acetosæ autem & austeræ uuæ & quæ habent crassum corticem, ineptæ
sunt nutritioni, & concoctionem, ac distributionem impediunt: præter id
quod alia habent quæ & reliquæ uuæ detrimenta. At ego cum Principe
sentiam, dicente quod uua passâ confert uentriculo & iecori, tamen etiam
quod confert doloribus intestinorum. Nam & Galenus hoc affirmat: eli-
git autem dulces & astringentes cortice subtili. unde magnæ sunt inuti-
les: quas Zibebas, uulgus uocat. parue igitur candidæ dulces & astringen-
tes, uentriculum, inquit ille, roborant, & eius dolores leniunt, paruos etiâ
sedant. nec alios fructus commodos ipsi reperio, nisi quis forba præma-
tura post cibum, aut pyra cocta pro Cydoniis substituât. ex oleribus au-
tem menta & melislophyllon, saluia & pulegium & origanum, & foeni-
culum, & spinachia aliquando, & Draco, herba noua, laudantur, aut tole-
rari possunt. nocent lactuca, endiuia, beta, caules & crispi quos gabusios
uocant. Ex radicibus rapa napi, imo omne genus earum, noxium. Ex
piscibus limaces ter coctæ, cancri raro & in fine cibi, perfici & Testudines,
& Scardox. omnia alia genera noxia. Ex præparationibus autem suprema
est super craticulam assatio cum saluia. post uerò est in ueru. inde ui-
rulenta, post elixa & frixa in sartagine. Ex carnibus auium omnium quæ
piscibus non uescuntur. inter quas anas & anser. proxima hædi caro, ab
hac syluestrium capreoli, leporis, cuniculi: optima Ericii consensu pro-
pe omnium. & utinam multos ex his edere posset. oua non multum
conueniunt, maxime ex albo. quamuis uitella facillime & sine excre-
mentis nutriant: & temperata sint, iecur animalium uolatilium op-
portunum. arietis carnes post syluestria. Castrati & uituli inutilis. Quæ
ex lacte conficiuntur caseus, colostræ, butyrum, lac scissile, spuma lactis,
pinguedo lactis, lac ipsum, omnia incommoda. deteriora his quæcunque
fiunt ex farina, panis ex tritico bene coctus non tostus, fermentatus le-
uis.

uis. Sed longe melior si ex duabus partibus tritici & una speltæ fiat: & cum leui lixiuio misceatur farina. utatur ex aromaticis Belzoi cum cibis. is est cyrenaicus succus ut declarauī in libello de malo medendi usu. Cinamomi & maceris exigua quantitas non est inutilis. piper hac in causa fugiat. scio quantas hoc patiatu[r] contradictiones. Sed aliud est librum condere, aliud curam describere alicuius morbi, nunc nisi refecem, res in immensum ibit, legumina omnia mala tum magis phaselli & ciceris, minus lentes. Sed ciceribus percoctis modice uti, tum iure eorum poterit. his omnibus saluia immisceatur. iura omnia fugiat. hoc autem generaliter à nobis aliàs decretum est. artocreas & ientacula eiusmodi, & ptisanam hordeaceam fugiat. Sed & in hac esset non leuis contentio apud eos, qui multum falso scire se existimant. far cum modico aceti raro sumat. fumat & pannicum. non quod hæc omnino laudem, sed si nimis coartetur licentia, uel contabescet, uel appetentiam amittet: uel non perseuerabit. unde uinculis fractis medicæ rationis, uulgarem sequetur uiuendi rationem. & sic sine suo frustrabitur. satius igitur fuerit indulgentia mediocri uti. Mel autem & sapa per se utilia, uerum raro bene aliis admiscentur cibis. pinguis dolore[m] sedant, sed causam illius augent, cibi facili coctionis præcedant, quæ dura sunt & contumacia finem fortiantur cœnæ. uberior autem sit cœna quam prandium pluribus ex causis quas in primo contradicentium medicorum declarauī. acetum confert modicum cum medicamentis, cum cibis aut per se sumptum nihil nocentius eo. Sed oleū optimum: nihilq; eo melius. cum uerò uentericulum laxauerit, menta utilis erit ac non minus ea cerefolium herba folio quasi cicutæ, radice odorata. nō comedat nisi postquam cibum descendisse iam cognouerit. absynthii usus modicus cum menta uel melissophyllo utilis adiecto sale. Sal ipsum non inutile si mediocriter sumatur, ex piscibus salitis, alec solum quam inchiouam uocamus bona est. in parua quantitate: sed caueat ne pro illo Sardam capiat. est enim ei ualde similis. Si adhuc hic modus non cōferat, panem conficiat ex speltæ partibus duabus, tritici autē una. Vino utatur astringēte austero uel sed modice non præpotenti, non nisi iam comesta medietate cibi tum paulatim bibat. & uinum ipsum quidē sit odoratum & dilutum aqua in qua duo frusta chalybis & unum æris extincta sint. utatur & quandoq; in cœna albo, sed in prandio rubeo claro. par autem est, ut nec sine aqua nec cum multa dilutum sit. ligētur autem uiscera, ut iam præcepi incipiendo infra umbilicum per duos digitos & ad superiora tendendo donec ad furculam inferiorem peruenerit. & infra quidem plus stringatur, ascendendo autem laxetur sensim ut respirare possit. Et inungatur sub ea unguento quod describam, & superponatur absynthii sacculus. inde fascia omnia hæc circumambiat.

abusu 90.

abusu 69. libri de malo medendi usu.

*Alec piscis Inchioua
appellat^r,*

Et quia intellexi quòd ex hoc auxilio quòd ei iam quatuor diebus ab hinc iniunxeram, dolor in pectus recessit totus, atq; ibi sedem suam fixit: hoc mihi haud displicet: quamuis enim pectus sit uentriculo nobilius, dolor tamen in uentriculo longe frequentius ad malum terminatur, quàm in pectore, cum ex flatu non ex humore fuerit. & etiam facilius erit deuincere iam contractum & in arctum redactum, quàm fugientem. igitur & de hoc dicam suo loco.

Capparibus etiam utatur in acetariis cum oleo copioso, & aceto ex uitis passis. Sed non coquatur acetum.

Circa medicamenta una ratio omnibus conuenit ut calida sint & rara: nam debilia humorem contumacem mouere non possunt: frequentia autem & ualida uirtutem prosterunt: tum præsertim quòd, ut dictum est, medicamenta omnia sunt uentriculo inimica. Igitur inter prima ponemus usum origani in mane masticati, nam resoluit flatum proprietate sua: nam ut diximus, symptoma uocat ad se curam.

Ex his autem quæ uitreū & mucilaginosum humorem concoquunt, sunt acetū, scylliticū, autoritate Dioscoridis, Mesue, Serapionis, & Rasii ad Almanforē: & Amomū, & anisum, & calamentū, & capparē, at acanthis, & amygdalē amarē, & chamedrys, & betonica, & amaracus, & arū, & Iuniperi semen, & nasturtiū utrunq;, hyssopus, siser, sal omne, cinamomū, raphanus, & ruta, & aristolochia, & thymus, & prasiū: omnia hæc Galeni autoritate. Et rursus inter cōposita confectio ex allio posita ab Auicenna, tum etiā Philosophorū eodē ferme loco descripta: & de cinamomo Mesue autoritate. & Diaspoliticum, & diacalamentum, & diatilon pipereon posita à Galeno in libris de Tuenda sanitate. Est & diacyminum, & electuarium ex ligno aloës, & Sagzena, & cabrorius confectio ex autoritate Auicennæ: tum Sirupus de radicibus Theodoricon magnum Trifera fauonis minor autoritate Mesue & Serapionis utilis. Sed est in coagulibus omnibus proprietas mirabilis, ut refert Princeps. Aëtius cōmemorat urticae semen, & bryoniā, calamū odoratū, temisci, & laseris lacrymas, succum etiā falicis, Castoriū, pistacia, florē iunci odorati. Concoctoria autē amomum & lentisci lacrymam. Vtriusq; autē facultatis facit rosacēū oleum. Inuenio & apud Aëtuarium descriptionem zulapii ex uiolis compositi in hoc casu opportunam, ac nō parum frigidam, cui tutò calidissima possis admiscere medicamēta: habet enim fanthalos rosas etiā quæ astringāt. Est & ab illo diaprasiū antidotum laudatum. Sed in his omnibus cum iam segetē medicamentorū tradiderimus delectus ordo & modus docendus est. Delectus, quia immoderate calida, ut coagulum, Diaspoliticon, diatrion pipereon, castoreum, confectio de alleis, fugienda sunt: quamquam in antidoto de alleis non uulgaris spes sit si moderatē utamur eo.

Vitanda

prima 5.

1. antidot.
lib. 4. & 6.

2. contrac. 2.
cap. 119.

lib. 2. cap. 218.
cap. 221.

cap. de zula-
piis & anti-
dot.

Vitanda sunt & quæ carent odore iucundo, ut aristolochia: erat enim præceptum Auenzoar, quòd medicamenta membrorum principalium ab odoratis nunquam spoliari debent: & in eisdem locis docuit, quòd uehementer astringentia omnia uentriculo sunt noxia, & quod dolorem excitant: quanto magis in iam patiente dolorem. Et inter moderate astringentia exemplo connumerat rosas. Et erat etiam præceptum illius ut à melle abstinere, & loco eius uteremur sacharo: & fecit capitulum proprium de humoribus imbibitis in membranis uentriculi: & ibi dabat in pituita oximel loco sirupi acetosi cum succo foeniculi. & non abhorret mel in hoc casu. Sed ubi fuerit atra bilis, aut melancholia, addit amygdalas amaras, & Serapium de centaurea. Igitur ut ad electionem & ordinem deueniam, in hoc casu tentandum esset cum lacryma lentisci, & aniso, ac oximelle: sed quia morbus processit concoquens tale fiat: Recipe radicum ari amomi ana ʒij. Betonicæ scyllæ masticis ʒj. origani thymi præsii ana m. s. Centauræ E. j. Seminis urticæ, calami odorati, floris iunci odorati seu squinanti ana ʒiiij. Cinamomi ʒ. s. foliorum salicis & rosarum in botris ana m. s. aquæ libr. v. coquantur primo sylla, acum & mastix usq; ad dimidiam quantitatem: post addantur cinamomum, amomum, Betonica, Calamus odoratus, Semina urticæ, præsium, folia salicis: & coquantur donec redeant ad ʒ. xx. post addantur reliqua & coquantur donec redeant ad ʒ. xv. uel paulo minus: & colentur bis aut ter: & de hac aqua sumat ʒ. iiij. calidum in aurora cū ʒ. ij. serapii de præsio, aut de hyssopo, cū gr. iij. aceti albi & superdormiat per horas duas saltem si potest. Continuus autē sit usus eius usq; ad dies octo uel decem: donec coctio apparuerit in urina: & si uideatur sibi calidius hoc medicamentum, quàm oporteat, moderetur illud cum sirupo uiolato dicto: & minuatur quantitas sirupi de præsio pro quantitate sirupi uiolati. & ubi dolor interim uexaret præter solitum, quod accidere posset, addantur ab initio coctionis illius compositi, limaces cum corticibus numero. v. sco bis ceruinæ ʒ. j. s. addatur etiam acetum usq; ad ʒ. j. si oportet, ubi lentor in humoribus appareat perfecta coctione multa sunt quæ purgant hos humores præsertim autē Agaricus Cartamus seu cnicus, heliotropium, colocynthis, Turbetum, elaterium, Esula, semen urticæ, Iris, ex compositis autem Diasinicon, pilulæ de hermodactylis & de serapino, fetidæ, misirichæ, aggregatiuæ, de euforbio de Thapsia, Theodoricum magnum hieræ logdion, Hermetis, Archigenis, ut à Mesue habetur. Blanca etiam & Benedicta & hiera ruffi & ab Actuario Asyncritum antidotum Dioclis medicamentum. Et Galenus existimat quòd sua hiera infarctos tunicis humores possit purgare. Vnum est quod mihi in hoc casu Diarob cum turbith à ʒ. iiij. ad vi. satisfacit cum ʒ. ij. aquæ betonicæ. Sed debet addi Diagredium

1. Theisr. tra-
cta. 15. cap. 1. &
in cap. de con-
seruanda sanis.

1. Theisr. tra-
cta. 15. cap. 2.
& 6. cap. 5.

*Ufus pilularum per
traculum tabefacit.*

gredium more solito in descriptione Petri de Tufsignana. Et si hoc non iuuaret cum à pilulis omnino sit abstinendum, quoniam uenter tabefaciunt, uteretur Theodorico magno. tum etiam hiera aliqua ex supradictis secundum quod magis uidebitur medico consulenti. & in totum à cassia fistula absteineat.

Facta purgatione utatur uino cum absynthio secundum modum datum: & si nunc faceret uinum absynthiatum nō esset malum, cum tempus sit opportunum. Iuuat & quandoq; Theriaca in hoc casu, sed bona, non pseudotheriaca, qua utuntur his temporibus: iuuat & diambra Mesue, confectio caudicon ex Serapione & Sagzena ex Auicenna. sed hæc serius, cum & ipsa pituitam minuat uelut & Philosophorum confectio, & theodoricon. His peractis, si uidebitur, redeat ad concoquentia.

tract. & con-
tradi. 3.

abusu. 92.

lib 1. cap. 156.
& 173.

His uisis cadunt duæ dubitationes: Prima est, an aquæ Thermarum conueniant: & ut declarauimus in secundo contradicentium medicorum, omnes uehementer siccant: igitur non conueniunt. Altera, an balneum competat: Respondeo ex libro de malo medendi usu non solum competit, sed est necessarium. Vt enim Aëtius inquit, humectant, molliunt, mitigant dolores: & quæ profunda sunt in altum euocant. Sic & irrigationes. Non solum autem ex simplici aqua, sed his incoctis quæ ingruenti dispositio- ni magis necessaria uidebuntur.

DIE XIX. SEPTEMBR.

M. D. XLV. ME-

DIOLA-

NI.

TABVLA SECVNDI LI-

BRI CONTRADICEN-

TIVM MEDICO-

R V M.

TRACTATVS PRIMV.

- I. Forma mixti an una, an plures: Et si una, an elementi prædominantis. pagina 1.
- II. Medicinarum operationes propriæ an dentur. pag. 16.
- III. Medicamenta an similitudine trahant: an attractio fiat ab ipsis: an illorum partes attenuentur. pag. 18.
- IIII. Cor an sit unum membrum principale. pag. 21.
- V. Cerebrum an frigidum & humidum. pag. 28.
- VI. Spinæ dorsi medulla an cerebro frigidior. pag. 30.
- VII. Cerebri uentriculo uulnerato an mors necessario subsequatur. pag. 31.
- VIII. Membra principalia an quatuor. pag. 32.
- IX. Hippocratis regio an temperata. pag. 33.
- X. Cerebrum temperatum an sit cum pilis nigris. pag. 46.
- XI. Galenus in libris de Medicamentis simplicibus, an de his scripserit quæ à tota substantia agunt. pag. 47.
- XII. Aer an possit putrescere. pag. 49.
- XIII. Cerebri calidi signa an sex. pag. 50.
- XIIII. Cerebri signa posita in secundo Artis medicæ an intelligenda humoribus æqualibus existentibus. pag. 50.
- XV. Cerebrum an supflua expurget per nares, oculos, palatum, & aures. pag. 51.
- XVI. Ventus an frigidus & humidus. pag. 52.
- XVII. Cerebrum calidum & siccum an intellectum & memoria polleat. pag. 56.
- XVIII. Temperatura inæqualis naturalis an lædatur à suo simili, & iuuetur à contrario. pag. 57.

TRACTATVS SECVNDV.

- I. Exanthemata in pueris an illico curari debeant. Quid Ophiopis. pag. 63.
- II. Melancholia an cum febre. pag. 65.
- III. Oculi color candidissimus an glaucus. pag. 68.
- IIII. Oculi color glaucus an à crystalloidis multitudine. pag. 69.
- V. Visio an fiat in humore crystalloide. pag. 70.
- VI. Staphyloma cuius tunicæ morbus, cornæ, an uueæ. pag. 72.
- VII. Præcantationes an in cura ualeant. pag. 72.
- VIII. Pulsus contractio an sentiatur. pag. 113.

* Later

- IX. Lateralis morbi an necessario pulsus inæqualis. pag. 115.
 X. Pulsuum magnitudo & crebitas an se consequantur: an magnitudo prius acquiratur: an omnia hæc simul deperdantur. pag. 116.
 XI. Pulsus an à uirtute arteriarum, an à feruore ipsius sanguinis. pag. 122.
 XII. Corde constricto an arteriæ dilatentur. pag. 126.
 XIII. Iecur calidum an consistente ætate atram bilem generet. pag. 128.
 XIII. Pituita an in Iecore generetur. pag. 129.
 XV. Iecur frigidum an febribus obnoxium. pag. 131.

TRACTATUS TERTIUS

- I. Humor syncerus an detur. pag. 132.
 II. Respiratio an motus uoluntarius. pag. 132.
 III. Arteria uenalis an moueatur. pag. 133.
 III. Lac an duas tantum partes habeat. pag. 135.
 V. Sanguis an tres habeat partes. pag. 135.
 VI. Humores an actu calidi uel frigidi. pag. 137.
 VII. Testiculorum calida temperies an fecunda. pag. 138.
 VIII. Medicamentum omne purgans an senium acceleret. pag. 139.
 IX. Humidum radicale membrorum consumptum an possit restaurari. pag. 139.
 X. Virtutes naturales an quatuor. pag. 158.
 XI. Pituita supassata an possit in nigrum humorem transire. pag. 160.
 XII. Bilis genera an quinque. pag. 164.
 XIII. Bilis uiridis an in uentriculo generetur: Vitellina an per mixtionem: Quæ harum deterior. pag. 165.
 XIII. Lateralis morbo an lac conueniat. pag. 167.
 XV. Papauer an Nymphaea humidius. pag. 168.
 XVI. Cucurbitula an sanguis detrahendus ante corporis purgationem. pag. 171.
 XVI. Puero an ante annum sanguis mittendus. pag. 174.
 XVII. Amylum an siccum. pag. 175.
 XIX. Ascitis an tussis superueniens lethalis. pag. 175.
 XX. Pectoris materia in concauo existens, an ad pulmonem per resudationem trahatur. pag. 177.
 XXI. Ascites an sine Iecoris uitio. pag. 177.
 XXI. Urinæ sedimentum an in Iecore generetur. pag. 185.

TRACTATUS QUARTUS

- I. Lac an frigidum, an melius asininum, an album præstantius, an febribus conueniat, an melius crudum cocto, an detibus noceat, an phthisicis cum putrida utile, an quibus ilia murmurant, an biliosis & reliqua quæ ad hoc subsequuntur. pag. 187.
 II. Ignis an oleum attenuet, an succos reddat calidiores, an acerba reddat dulcia an falsa. Quæ melior ciborum preparatio. pag. 208.

Aquæ

IIII. Aquæ thermarum, an calidæ omnes an astringentes, an usus illarum antiquis notus, an actu calidæ omnes uiribus præditæ, an igne ferueant: cur nulla calidarum uenenosa ferme inuenitur, frigidarum plurimæ. pag. 215.

IIII. Pestilenti feбри an ab initio uenæ sectio conueniat. pag. 233.

T R C T A T V S Q V I N T I.

I. Doloris causa propria an continui solutio, an mala qualitate, an utcunq; pag. 238.

II. Dolor an ab humida intemperie. pag. 243.

III. Pestilenti feбри an ab initio purgatio conueniat. pag. 244.

IIII. Pestilens morbus an semper cum febre. pag. 251.

V. Purgatio uernalis an in initio ueris fieri debeat an in fine. pag. 254.

VI. Citri semen an calidum. pag. 254.

VII. Vrina cum sedimento rubro an breuē significet morbum. pag. 260.

VIII. Fluxus uentris an fluxu, & an uomitus uomitu curadus: & omnis cura per contraria. pag. 261.

IX. Venenum an detur tempore certo occidens. Medico an pertineat scire uenena, an in cura uenenorum medicamenta conueniant. pag. 267.

X. Aetas consistentiæ uocata communi nomine an ad xxxv. annum terminetur. pag. 279.

XI. Declinatione morbi generali existente, an contingat egrum mori. pagina. 283.

XII. Intestina an habeant solam uirtutem attrahendi. pag. 297.

XIII. Circuituum in morbis causa an motus materiæ. pag. 300.

XIIII. Morborum in initiis an signa coctionis possint apparere. pag. 309.

XV. Lateralis morbus an acutus. pag. 311.

XVI. Lateralis morbi an urina sit signum prædicens. pag. 313.

XVII. Iuuenis calor an ualidior in operationibus calore pueri. pag. 313.

XVIII. Febrilis calor & naturalis an unus. pag. 315.

XIX. Temperatura sicca an ieiunio aptior. pag. 322.

XX. Concoctio an melior fiat in somno. pag. 325.

XXI. Superflua an melius per somnum expellantur. pag. 326.

XXII. Medicamentum ex contrariis compositum an contrarios morbos curare possit, & in eodem membro contraria operari, primisq; uiribus aliud quam secundis facere. pag. 327.

XXIII. Hocci carnes an facile concoquantur. pag. 334.

XXIIII. Pisces omnes an difficilis coctionis. pag. 336.

XXV. Febris an siccitatem contineat. pag. 340.

XXVI. Iudicium omne an in morbi consistentia. pag. 343.

XXVII. Morbi an uirtutis maior in uictu indicatio. pag. 345.

- xxviii. Seniſne an iuueni febricitantibus frigidiora cōueniant. pag. 349.
 xxix. Semiteriana an Typhode longior. pag. 354.
 xxx. Autumnio an morbi acutiſſimi. pag. 359.
 xxxi. Morbiſne & Symptomatum conſiſtentia an eadem ſit. pag. 361.

TRACTATVS SEXTI.

- i. Ver an in tres partes diuidatur. pag. 369.
 ii. Virtute debili exiſtente & humoribus prauis an parum de cibo dandum, & reliqua. pag. 370.
 iii. Aqua hordei an in morbis conueniat. pag. 372.
 iiil. Coctio an ſecuritatem omnino portendat. pag. 376.
 v. Somnus an à frigidityte fiat, & an habeat iuuamenta ſomni naturalis. pag. 378.
 vi. Enemata an nutrant. pag. 380.
 vii. Prædictio in acutis morbis an minus firma quàm in diuturnis. pagina. 385.
 viil. Delitia an ſit ad naturalem ſtatum ſenſim reductio. pag. 390.
 ix. Odoratus inſtrumentū an carunculę uocatę mamillares. pag. 393.
 x. Attonitus morbus an aliquando in corde. pag. 404.
 xi. Cerebrum an poſſit tumorem pati. pag. 407.
 xii. Ventriculus an chilo nutriatur. pag. 410.
 xiii. Hecticarum an duo genera tantum. pag. 413.
 xiiil. Corpus tēperatū an oēs operationes habeat perfectiſſimas. pa. 416.
 xv. Virtus ſenſitiua & mouens an cum ſpiritu neceſſario per neruos diffundatur. pag. 424.
 xvi. Teſtes an generationi neceſſarii, & an mēbra principalia. pag. 428.
 xvii. Semen an animatum, an ſpiritus animatus, an utrunq; à toto decidatur, ſemen an nutriat, pullus an ex uitello oui. pag. 431.
 xviii. Fœmineum ſemē an generationi neceſſariū ut materia uel agens; Maſculinum an materia: Cauſa ſimilitudinis in ſexu an calor & ſiccitas: Semē calidū & ſiccū an craſius: Mulier an uiro calidior: Cauſa ſimilitudinis filiorū ad parētes an ſeminis uictoria: Propter quid in animalibus ſemen factum ſit. pag. 441.

APPENDIX.

- De Sarza Parilia. pag. 465.
 Hiſtoria morbi ualidiſſimi. pag. 467.
 De Cina radice. pag. 470.
 Conſilium pro dolore uago. pag. 472.

MARCI ANTONII MAIO-

RAGII MEDIOLANENSIS RHETO-

RIS IN SECVNDVM LIBRV M CON-

TRADIC. MEDIC. SVB AV-


TORIS PERSONA

CARMEN.

*Exacta immensi iam sunt monumenta laboris,
Quæ nunquam fulmen, non sæua incendia, durum
Non poterit ferrum, non longum absumere tempus.
Iam tenebris adoperta caput quæ corpus in ipsum
Tantum bella gerit veniat mors improba nobis:
Mens tamen illa mei melior pars astra subibit:
Clarius & nostrum viuet per secula nomen
Omnia: Quæq; patet Latia præstantia lingua
Ne leget assidue doctorum turba uirorum.*

FINIS.

16-221-2



4548
C2660
1-312E
v. 2

